




D. III. 1

Davidson

18

18

18



Po
N

A

C

De lib.

IESVS

PASSVS

Per CENTURIAM MODORVM
Meditandi Passionem Sal-
vatoris nostri illustratus;

Et ad
Publicam Fidelium IESV Christi utilitatem

A. R. P. GASPARE DRVZBICKI
Societatis IESV

Cum approbatione Superiorum edulgatus.
Editio secunda Auctior.

Cui accesserunt Meditationes
in Passionem Domini 46.
iuxta numerum dierum
Quadragesimæ

Calissu, Typis Collegii Societatis IESV.
Anno Domini 1660.

Ex lib. PP. Premt. Camatoulens. Montis Reg. ppe Varsavian.

I E S V S
P A S S V S

Per Cantuariam Monachos
Medicandi Passionem Sal-
vatoris nostri illustratus;

Trid
Cantuariensis Monasterii

A. R. L. GASPARE DE VEBICKI
Societatis Iesu

Cum approbatione
Editio secunda

Cui accesserunt Meditationes
in Passionem Domini de
iuxta numerum dierum
Quadragesimae

1577
Anno Domini 1577

O. M. D.

IESV CHRISTO

DEI FILIO,

Hominum inter Passionis

dolores & Crucis Mortem:

GENITORI.

Vltima humanæ plebis portio,

Redemptorumque postremus,
ac posthumus Filius.

HONORI ET GLORIAE

DEI, AC PATRIS;

SALVATORISQVE SVI,
Minutum hoc Opella sua,

D. D. C. Q.

A.

ILLV.

O. M. D.

IESV CHRISTO

DEI FILIO

Hominum inter Passionis

holores & Crucis Mortem.

GENITORI

Vltima humanae plebis portio

Resumptoremque postremas
seductumque Filium

HONORI ET GLORIAE

DEI AC PATRIS

REDACTORISQUE
et nunciatore Opellae

D. D. C. C.

1112

11

CO
gis ca
Te.
na ig
quan
di
quid
di la
lam,
nare.
le me
mes
no
Fa

ILLVSTRISSIMO COMITI D.
D. NICOLAO
PAZMANY
DE PANAZ

Sacrae Caesareae Regiaeque Majestatis
CONSILIARIO INTIMO, & CVBICVLARIO,

*Domino & Hæredi in Wesele, Euanovice, Litenczyce, &c.
nec non Domino suo clementissimo,*

GASPAR DRVZBICKI è Societ. IESV A. F.



*Indischborá: Castello Glogovia maiori Vici-
no, ubi, communi Patriæ nostræ clade adductus, jam bien-
nium exulo: & beneficio Bohemicae nostræ Societatis Pro-
vincia demoror, ad Te Comes Illustrissime advenio,
evocante me ad Te, animosq; mihi faciente non aliâ ma-
gis causâ, quàm ipsâ benevolentia Tuâ; nec alio Ductore magis, quàm ipso
Te. Ita neque audax, neque importunus reputari metuo, etiamsi & Perso-
nâ ignotus, & conditione humilis, & Natione alienus, non tam accedere,
quàm ingerere meipsum ad Te videar.*

*Mos est, ab eo tempore, enatus hominibus, ex quo ingenia humana ali-
quid lucubrare, & publici juris facere suæ mentis partus occeperunt, ejusmo-
di laboribus suis, vel Amicum ad Benevolentiam, vel Patronum ad tute-
lam, vel Lucem ad claritatem, vel Domicilium ad incolatum alicubi desti-
nare. Morem hunc dum & ego sequor, & dum aliquem cui nonnihil opel-
le meæ asseram, asseramq; ipse mecum in peregrino solo perquiro: Tua Co-
mes Illustrissime mihi se ultro detulit Dignitas, ultro me Tua invitavit be-
nevolentia, ultro adtraxit munificentia.*

Fateor, ubi primum Nomen Tuum in aures notitiamq; meam devenit,

D E D I C A T I O

protinus recaluit mihi memoria Eminentissimi illius nuper S. R. E. Cardina-
lis, totiusq; Vngariae Primatis Archipresulis Strigoniensis, Apostolicae Sedis
Legati Nati, summiq; (verbo ut complectar omnia) summi inquam saeculo
nostro Viri. Cujus si vitae integritatem recolo, Vngariae Augustini: si Doctri-
nam & pro Religione Zelum Hieronymi; si labores, ac opera, operumq; sum-
ptus, revera Patriae Patris, Ecclesiae Doctoris, atq; Apostolicorum pro DEO,
ejusq; fidei & Glorae causis conatum Magni aemulatoris, censere & affirma-
re nequaquam dubitem. Cujus Principis, cum olim ego magna gesta, magnas
& laudes, imprimisq; magnos pro Ecclesia Religionisq; Catholicae, tum & pro
Patriae integritate labores plane magnos multosq; audiens aut legens saepius
admirari, atq; tantum Columne Vngariae gratulari consuevissem, subito occu-
pavit me desiderium, Tibi tanti Principis Nepoti, virtutumq; Heredi, hoc
aliquid opera mea deferre, nec non illi apud Te Amicum, Patronum, Lu-
cem, Domitiliumq; gratia deprecari.

Addidit praeterea mihi simululum, Tuorum Comes Illustrissimus majo-
rum tam per antiqua, quam recentior claritudo & multa, & magna. Nam
quid Vngariae Regnum habuit unquam STEPHANO Rege, vel ob Christianam
Sanctitatem, vel Regiam Magnificentiam gloriosius? jam tunc tamen Pazma-
nyae familiae Procerem, reperio eidem STEPHANO militaribus suis copiis au-
xilientem, & virtutibus suis in aula ejus radiantem. Iam vero, quid ha-
buit Vngarica Corona, MATTHIA CORVINO Rege, quam domi, quam foris,
quam pace, quam bello, illustrius atque rariius? apud hunc vero ANDREAS PA-
ZMANY, & ob virtutem delictum, ob fidem oculum, ob res gestas gratiae Prin-
ceps fuisse memoratur. Posses his addere STEPHANVM PAZMANY, Regi suo
CAROLO, ob fortitudinem bellicam imprimis carum. Possem & IOANNEM
PAZMANY, cum NICOLAO Filio PETRI CARDINALIS jam memorati progeni-
tore, nec non alios propria virtute insignes, ad memoriam & laudem addu-
cere: at me his occupari hoc loco memorandis nihil opus esse agnosco, quan-
do Tu Comes Excellentissime, es mihi unus majorum tuorum heres, &
quasi Compendium tam sanguinis quam virtutis.

Nunquid enim Augusta memoria FERDINANDVS III. Imperator idemq;
Vngariae Rex, in te vel fidem debitam sibi, vel militarem fortitudinem Pa-
triae necessariam, sub rebellium tumultus, in Te non est magna cum virtutis
Tuae approbatione expertus? Nunquid non Tua fortitudo Munitionem Sa-
duariam tenuit & servavit? Vesprium item & Pappam Arces Patriae, nun-
quid non PAZMANA, id est, Tua Comes inclite à Turcis invasoribus de-
fendit?

Et haec quidem Majorum tuorum Virtus Gloriaq; bellica in Te residet.

Hec

D E D I C A T I O

Hæc autem quam subtexo, PETRI CARDINALIS PAZMANY, Patruſi Tui indoles eſt. Tu enim Vſeticeſe Dominium, diligenti pietate Teâ ab Hæreſi, adhibitis Patrum Societatis Ieſu laboribus, perpurgaſti. Tu Monaſterii Weſſkoviensis in Moravia Capucinatorum Pater. Tu Collegium Societatis Noſtræ Olomucii, parte ſtructura non perfeciſti tantum, ſed etiam adornâſti, Tuam profuſè piâ liberalitatem, nulli, ac imprimis Evangelici Pauperes non agnoſcunt. Neque verò quàm es in alienos, alius es in Tibi ſubditos: quibus ita Dominus es, ut ſimul Patronus & Pater ſis: quorum ſic operis uteris, ut ſimul illi Tuâ in ſe beneficentiâ perfruantur.

Privatarum, interiorumq; virtutum Tuarum ſupellectilem, aut potiùs Gazam, Tibi & DEO, & his qui Te intimiùs nôrunt relinquo perſcrutandum. Innotuit tamen Tua Animi cura, Spiritualium rerum ſtudium, Manſuetudo, Charitas, Commiſeratio, Affabilitas, Liberalitas, Modeſtiâ. Redditur Tibi egregium teſtimonium, quod nemini inferre, nulli referre injuriam ſcias. Noſtris ex Polonia hac tempeſtate exulibus aperuiſti ſinum beneficentiæ Tuæ ſpontaneæ. Ego ipſe, priùs Tibi Gratiâ me debere cognovi, quam vel optavi, vel exſpectavi. Quæ omnia cujus Animi ſint, decernant vel illi ipſi, qui calamitatē alienam prædam ſuam faciunt, & felices eſſe volunt infortunio aliorum.

Amplius in ruborem non voco Modeſtiâ Tuâ Comes Excellentiffime. En allego ad Te vice mei Ieſum Paſſum, jam quidem nuper ſub alio titulo ex parte vulgatum, ſed iterum neceſſariò reformandum, magnâ verò ſui etiam parte auctiorem: proptereaq; etiam plus priore operâ ſpero Tibi probandum.

Suſcipies ergo hunc, modò non tantum de oblatione mea, ſed etiam de Liberalitate Tua, jam Tuum, & qui minorem illum ſoviſti, hunc adultiorē favore patrociniog; Tuo, excludendum non putabis.

DEVS Te Comes Illuſtriſſime, ſervet, ſibi, Patriæ, Tibimet, Tuiſq; ac Bonis omnibus, incolumem diu. Dabam Windiſchbora Auguſti 1657.

Tuæ Illuſtriſſimæ Dominationis

Devotus

Gaſpar Druzbicki S. I.

FACVL

F A C U L T A S

A. R. P. N. Generalis.

FRANCISCVS PICCOLOMINEVS

Societatis IESV Praepositus Generalis.

CVM TRACTATVM, De variis modis meditandi Passionem Christi à P. Gaspare Druzicki, nostra Societatis Sacerdote conscriptum, aliquot ejusdem Societatis Theologi recognoverint, & in lucem ediposse probaverint, facultatem facimus, ut Typis mandetur, sita iis, ad quos pertinet, videbitur. Cujus rei gratiâ, hâc literas Manu Nostrâ subscriptas, Sigilloq; nostro munitas damus. Romæ. 3. Aprilis 1651.

FRANCISCVS PICCOLOMINEVS.

APPROBATIO CENSORIS.

LEgi TRACTATVM, R. P. Gasparis Druzicki Societatis IESV, De variis modis meditandi Passionem Christi, & cum sit opus ita eximium, ut Anima Mentium humanarum Christi Passionem meditantium eas in ariditate animans & vivificans, dici mereatur, censo imprimendum. Posnania, 15. Maji, 1651.

SIGISMUNDVS ZARANEK, Soc. IESV,
Censor Librorum Diocesis Posnaniensis,
ad expressum Mandatum Illustrissimi
Locum Ordinarii.

In

IN IESVM PASSVM

PER CENTVRIAM MODORVM
MEDITANDI PASSIONEM
DOMINICAM

ILLVSTRATVM,

P R A E F A T I O.

Non tantum causa vitandi fastidii, quod ex semper vniformi ratione, modoque recogitandi Passionem Domini contrahi facile posset, verum etiam propter intimiorem arcanorum mysteriorum ejusdem Passionis cognitionem, & insuper propter vberiores maximorum fructuum, ex ejusdem Passionis meditatione perceptionem, opera pretium mihi videtur fore, si varios Passionem Dominicam meditandi modos Lectori proponuero, quorum varietate cognita, atque gustata, fastidium quidem deuitet, famem vero exacuat, delectationem acquirit, interiora Passionis Christi facilius subintret, & denique quod rei caput est, fructibus eximiiis semper onustus prodeat, atque instar *boni Patrius familias, de thesauro suo*, nempe Dominicam Passionem, *noua & vetera praeferat*. Cupio vero, Lectorem iam nunc intelligat, mihi propositum esse explicare modos Passionem Dominicam recogitandi, meditandi, contemplandi, longiore quadam mora in eis mentem occupando. Nam illam instantaneam ac transitoriam Passionis Christi memoriam, circaque IESVM Passum, vel Patientem, animi, breuiculam, & subinde repetitam, interruptamque, ac inordinatam occupationem, quam deuoti, perfectique viri, pro suo quisque, tam gradu, tam seruiore, saluberrime vitosolent, hoc tempore ego pertractandam mihi non sumo. Deinde vero non Meditationes in Passionem, sed modos meditandi Passionem describendos, mihi statuo. Quoniam enim modis Paradigmata passim subiiciuntur, quae etiam Meditationes sunt, hoc tamen non nisi ideo agitur, ut modis ipsis maior quaedam lux apponatur. Igitur ut propositum meum exequar, sic jam Tractationis initium.

Passionem Dominicam meditando.

Iuxta rationem meditandi à Sancto Patre Nostro IGNATIO traditam, & à nostræ Societatis hominibus vsurpari solitam, assumantur ad meditandum singula mysteria Dominicæ Passionis, juxta contextum historiarum, ab Euangelistis descriptarum: in eisque debitâ deuotâque diligentia, recogitentur. 1. quidem Personarum, v. g. Christi, Matris ejus, discipulorum, persecutorum, Patris æterni, Angelorum, Dæmonum, expendendo singularum Personarum conditiones: ex earum expensione documenta eruendo, affectus eliciendo, proposita concipiendo. 2. autem Personarum verba, seu verè seu probabiliter dicta, dicendaue attendendo, atque ex eorum ponderatione, doctrinas, & affectus, propositaque propriæ meditantis conditioni idonea eliciendo. 3. Demum operationes Personarum singularum considerando, factâque reflectione super proprium statum, ac modum viuendi, documenta similiter, affectus, ac proposita competentia exercendo: ac totum Meditationis negotium debitis postulationibus, atque colloquiis cum Deo, & Christo &c. concludendo. Paradigma hujus meditandi modi proderit hoc loco subtexere: confectum ad instar ejus, quod sanctus Pater Noster IGNATIUS, in suo exercitiorum libro, Hebd. 2. die 1. expressum habet, de IESU Christi Incarnatione.

Oratio Præparatoria præmittenda Meditationi erit, quam petamus à Domino gratiam, ut vires operationesque nostræ omnes, sincerè ad ejus gloriam, & obsequium tendant.

PRÆLVDIVM I. erit. Proferre in medium summariam Passionis Dominicæ (aut partis ejus) meditandæ historiam. Quomodo Dominus noster IESVS Christus, quem æternus Pater, ex ineffabili dilectione suâ, in mundum misit, ut Saluaretur mundus per ipsum: adueniente jam tempore præstituto, Ierosolymam (locum scilicet Passionis suæ futurum) venerit, inibi consummaverit omnia, quæ scripta fuerant de illo per Prophetas. *Traditus enim est gentibus, & illusus, & flagellatus, & confusus, & postea in Cruce occisus, per manus peccatorum*

Lucæ
18. 31.

adorum. Quæ dum suo incumbebant scelero, famulabantur Saluatori, & humani generis ministrabant redemptioni.

PRÆLVDIVM II. erit. Imaginariè videre Hierosolymam vniuersam, in cuius diuersis locis Dominus noster, salutem nostram, per Passionem suam operatus est. Talis locus est Coenaculum, in quo lotis Apostolorum pedibus instituit Sacrificium, & Sacramentum altaris, suæque memoriale Passionis: talis est hortus Gethsemani, in quo vsque ad sudorem sanguinem orauit: talis domus Annæ, Caiphæ, Pilati, Herodis, talis mons Caluarius, &c.

PRÆLVDIVM III. Continebit gratiæ postulationem, vt intimè cognoscam, quò pacto Dei Filius Passus, Crucifixus, Mortuus sit pro me, proque humano genere vniuerso, vt ardentius ipsum amem & abhinc ei seruiam, ipsumque imiter studiosus.

PVNCTVM I. Spetulabor Personas quæ in Passione Christi, partes suas habuerunt. Et *Primò*, vniuersum genus humanum, in miserrima licet peccati & Diaboli captiuitate positum, tamen nihil minus sentiens, aut cogitans, quam laethrynabilem statum suum: sed omnes homines veluti conspiratione factâ, junctisque manibus, & passibus, & studiis, in tartara ruere. *Deinde* contemplanor Æternum Deum, tantum commiseratione Cordis sui Diuini intrinsecus, Filium suum pro salute hominum ad mortem crucis mittentem, eumque propter scelus populi sui, duro Passionis flagello castigantem. *Præterea* contemplanor Dei Filium offerentem sese Passionem, ad instar Agni innocentissimi, ad victimam duci, fierique obedientem Patri, vsque ad mortem, mortem autem crucis. *Insuper* Cogitabo Virginem Matremque Iesv Christi **MARIAM**, voluntati Diuinæ deuotissimam, et si acerbissime Passionem Filii sentientem, summa tamen cum animi resignatione, filium suum Æterni Patris voluntati per omnia consignantem. Cogitabo post hæc rabiem Luciferi, totiusque potestatis tenebrarum, quâ hostium Christi animos, in cruciatus, & necem ejusdem, quam crudelissimam extimulauit: nunc mittendo in cor Iudæ consilium ejus vendendi, nunc in cor Iudæorum Principum propositum emendandi, & fundendi sanguinem illius, &c. Considerabo etiam

Principes Iudæorum omnino obfirmatos in necem Christi,
& nec sumptibus, neque curis parcere, modo suum in Chris-
tum odium exsaciant: jamque pacisci cum Iudæ, jam coge-
re, mittere, comitari cohortem, & ministros, ad eum ca-
piendum, jam captum rapere, ad sua conciliabula, ibi de
eo quaestiones habere, falsis testibus obruere, reum mortis
proclamare, jam vinctum Pilato tradere, Herodi adducere,
necem ejus apud Pilatum urgere, sanguinem ejus super se,
superque filios suos ultro recipere. Contemplabor & Pila-
tum Praesidem, initio quidem pro Christo multum satagere,
innocentis mortem à se amoliri: ad extremum tamen, metu
& clamoribus tumultuantium victum, post diram flagella-
tionem morti Crucis Christum addicere. Contemplabor &
Herodem viso Iesum, gaudentem primo, deinde eundem cum
suo satellitio despiciere; & illudum veste albâ Pilato remittere.
Insuper milites totos in Christi cruciatus incumbentes
attendam, vinculis, verberibus, pugnis, colaphis, raptatio-
nibus, flagellis, virgis, spinis, clavis, cruce favientes. Deni-
que contemplabor amicos Christi, quosdam procul, eo reli-
cto fugere, quosdam præ metu abnegare, alios à longè stare,
alios de malis ejus lamentari, Matrem cum Joanne juxta Cru-
cem esse.

Ex his omnibus singulisque Personis consideratis, aliquas
doctrinas fructuosas decerpando, affectibusque congruos exci-
tando, ad me reflexionem faciam. v. g. de ruina cecitateque
hominum, & meâ propriâ dolebo ac lugebo. Mirabor &
laudabo Dei misericordiam, Christi charitatem in nos, & in
Patrem obedientiam. Matris amplectar resignationem in
Dei placitum, execrabor Luciperi malitiam, Iudæ cum ava-
ritiâ perfidiam, Iudæorum invidentiam, odium, furorem,
Herodis temeritatem, Pilati meticulosam ignaviam, iniqui-
tatem, inconstantiam. Compatiar Christo inter crudeles
ministriorum manus fatiscenti, sequar & lamentabor Christi
injurias, adstabo ejus Crucis, meque discipulum profitebor,
fugam meam à Christo, & abnegationem toties factam de-
precabor & plangam. Matri compatiar, &c.

PUNCTVM II. erit. Audite interno excipere verba, &
sermo

sermōnes, jam recensitarum Personarum. Puta universum hominum, pro varietate studiorum, & affectionum, quosdam ut terrena sapere, ita & loqui inter se: quosdam vana fabulari, alios fœda & absurda, alios mendacia, perjuria, blasphemias, maledicta, adulationes, convitia, calumnias, ructare invicem, &c. Deum Patrem æternum contrā, loqui misericordiam, & pacem super filios hominum: dare præceptum mortis unigenito suo, pro salute humani generis. Et tradideris pro peccato animam tuam, videbis semen longævum. Rursus Filium Dei dicere ad Patrem Sacrificium & oblationem voluisti aures autem perfecisti mihi Pater, & corpus offerasti. Holocaustum & pro peccato non postulasti, non tibi placuerunt, tunc dixi. Ecce venio. In capite libri scriptum est de me ut facerem voluntatem tuam: Deus meus volui: & legem tuam in medio cordis mei. Pater mi, si non potest hic calix transire nisi bibam illum; fiat voluntas tua. Devotissimam quoque Christi Matrem audire licet dicentem, & benedicens Deum in consilio suo, super redimendo genere humano, per sanguinē & mortem Filii sui: offerentem quoque Filium ipsum suum, & se unā cum Filio suo: si ita placitum foret ante Patrem æternum, ad omnem cruciatum, suppliciumque Crucis. Audiam etiam Luciferum, & Iudæos, veluti uno ore, uno certē furore, & odii spiritu dicentes. Videtis quia nihil proficimus, ecce totus mundus post eum abiit: hic homo multa signa facit; contrarius est operibus nostris: gravia est nobis etiam, ad videndum. Filium Dei se nominat: venite circumveniamus eum: mittamus lignum in panem eius. Contumeliā & tormento interrogemus eum, eradamus nomen eius de terrā viventium: & nomen eius non memoretur amplius. Pari modo Pilatum, Herodem, milites, audire licebit loquentes adversus Dominū, & adversus Christum eius.

Atque ex his omnibus factā reflexione super me, elicitis affectibus, conceptisque propositis, fructum edificationis internæ decerpam, pro materiæ exigentiā, & pro luminis interni dictamine.

PUNCTUM III. erit. Actiones quoque attendere, & expendere Personarum prædictarum. Quomodo v.g. Homines per totum mundum inhabitantes, pars suis negotiis

Isa. 53.

10.

Psal.

39. 7.

Hebr.

10. 5.

Psal. 39.

V. 8.

Matth.

26. 42.

Ioan. 12.

19.

Sap. 2.

15.

Hier.

11. 19.

curisque discenti, agros colunt, domos aedificant, plantant vineas, aucupis, pileatu, venatu, vitam agunt: eunt alii in viscera terræ, alii faciunt operationes in aquis multis, alii mutuas in cades ruunt, bellis, rapinis, furtis, latrocinis, rixis, comestationibus, lasciviis, vitam impendunt, omnes securi perditionis æternæ. Porro æternus Pater, Filium suum velut Abrahamus Isaacum, passioni & morti tradit, pro genere humano. Filius porro obedientissimus sicut mandatum dedit ei Pater, sic facit: & totum Passionis suæ calicem haurit, totumque opus redemptionis nostræ exequitur, & animam suam ponit pro ovibus suis. Nec quisquam tollit animam ejus ab eo sed ipse sponte suâ ex dilectione nostri, ex obedientia erga Patrem cœlestem, offertur, quia ipse voluit. Mater autem Christi, omnis Passionis ejus exterius comes, interior per omnia particeps, secundum animam gladio doloris confixa, stetit sub cruce, stetit in fide, stetit in dilectione, non erubescens, sed deferens, & consitens opprobrium Filii sui Crucifixi. Diabolus e contra, Iudas, Principes Iudeorum, Pilatus quoque & Herodes, nec non eorum ministri, astiterunt & convenerunt in unum adversus Dominum, & adversus Christum ejus: vocesque Prophetarum, & figurarum, ignorantes, & malevolentes impleverunt.

Ex his omnibus, congruis, ut & in prioribus, decerpitis documentis, factâ super me reflexione, exercitis affectibus, elicitis propositis salutaribus, fructum meditationis colligam.

COLLOQUIUM postremò subijciam, quo stultitiam, & perditionem hominum deplorabo; Divinam misericordiam, Christi charitatem, Matris ejus pietatem, admirans & laudans predicabo; Hostium Christi odium, furorem, invidiâ, crudelitatem, excitationem, detestabor, deshebo: pro mea, totiusque generis humani redemptione gratias agam, salutis studium, & curam, in me aliisque promovere, in Dei miserationibus confidere, Christi obedientiam, humilitatem, charitatem, patientiam, aliasque virtutes imitari, pro Christo laborare & pati, Passionis ejus effectus, atque fructus in me, & in proximos derivare constituam; ad idque auxilium à Patre æterno, per Christi merita, per Matris ejus, Sanctorumque intercessionem petam. Meditationem demum oratione Dominici & salutatione Angelicâ concludam. MO-

Alter modus Passionem Dominicam meditandi est, ex-
pendere illam secundum circumstantias ejus v. g. 1. Quis
est qui patitur? 2. Qualis est qui patitur? 3. Quantum est qui
patitur? 4. Qua de causa patitur? 5. Quali formâ patitur?
6. Quanta sint quæ patitur? 7. Quid ex hoc consequitur
quod patitur? Quæ omnia fusius verbis sancti Bonauentu-
ræ explicata cognoscere, utile erit. imo igitur ille.

Primò, considera quis est qui patitur, & ei subdere per ra-
tionis assensum, ut credas firmissimè ipsum veraciter esse Dei
filium, omnium rerum principium, Salvatorem hominum,
& retributorem meritorum omnium.

Secundò, considera qualis est qui patitur, & ei configura-
re per compassionis affectum, scilicet ut compatiaris ei, tan-
quam innocentissimo, mitissimo, nobilissimo, & amantis-
simo.

Tertiò, considera quantum est qui patitur? & ad ipsum,
egredere per admirationis aspectum; & attende, quod ipse est
immensus potestate, speciositate, felicitate, & æternitate.
Igitur admirare, immensam potestatem annihilari, speciosi-
tatem decolorari, felicitatem tormentari, æternitatem
mori.

Quartò, considera qua de causa patitur? & te ipsum obli-
viscere per devotionis excessum; quia patitur pro tua redem-
ptione, illuminatione, sanctificatione, & glorificatione.

Quintò, considera quali formâ patitur? & ipsum indu-
re per assimilationis amictum. Passus est enim sicut verus
Agnus libentissimè respectu proximi, severissimè respectu
sui: obedientissimè respectu Patris, prudentissimè respectu
adversarii. Stude igitur ad habendum habitum, secundum
effigiem imitationis Christi, scilicet benignitatis, severitatis,
humilitatis, & perspicacitatis.

Sextò, considera quanta sint quæ patitur, & crucem ample-
ctere per Passionis desiderium; ut sicut Christus passus est
vincula ut impotens omnipotentia; convitia ut vilis boni-
tas; lu-

*Hoc opusculum etiam vocatur. lucendum amoris.

„Tomo

„2. o-

„puse,

„opu-

„sculo

„26. In

„Par-

„vo bo-

„no

„pari-

„cula

„3-

„

„

„

„

„

„

„

„

„

„

„

„

„

„

„

„

„

tas; ludibria, ut stulta sapientia; & supplicia ut iniqua iustitia: sic & tu considera, & amplectere Passionem Crucis, hoc est Passionem plenam injuriis in rebus, contumeliis in verbis ludibris in signis, suppliciis in tormentis.

Septimò, considera quid ex hoc consequitur quod patitur? & veritatis radium intueo, per contemplationis oculum; quoniam ex hoc quod Agnus passus est, septem libri signacula aperta sunt. Libet iste est universalis notitia rerum, in qua septem erant clausa homini, quæ quidem sunt per Passionis Christi efficaciam reserata. Scilicet 1. Deus admirabilis. 2. Spiritus intelligibilis. 3. Mundus sensibilis. 4. Paradisus desiderabilis. 5. Infernus horribilis. 6. Virtus laudabilis. 7. Reatus culpabilis.

Apo. 57.

Primò, Deus admirabilis manifestatus est nobis per crucem, esse summæ & inscrutabilis sapientiæ, summæ & irreprehensibilis iustitiæ, summæ & inenarrabilis misericordiæ. Summā enim sapientiā suā decepit diabolus, summā suā iustitiā quæ sivit Redemptionis pretium. Summā suā misericordiā, pro nobis tradidit filium suum: quæ si diligenter considerentur Deum nobis clarissimè & charissimè manifestant.

Secundò, Spiritus intelligibilis nobis manifestatus est per crucem, secundum differentiam triplicem: scilicet. Quanta sit benignitatis, quantum ad Angelos? Quanta sit Dignitatis, quantum ad homines? Quanta sit crudelitatis, quantum ad dæmones. Nam Angeli permiserunt crucifigi Dominum suum. Dei filius crucifixus est propter genus humanum, & hoc ad crudelem suggestionem dæmonum.

Tertiò, Mundus sensibilis nobis manifestatus est per crucem: quoniam locus est tenebrarum plenus, in quo regnat cæcitas, quia lucem veram & summam non cognovit; regnat sterilitas, quia IESVM Christum, tanquam infructuosum despexit; & regnat impietas, quia Deum & Dominum suum, & amicum, & innocentem damnavit, ac interfecit.

Quartò, Paradisus desiderabilis nobis manifestatus est per crucem, in quo est fastigium totius gloriæ, speculum omnis lætitiæ, & promptuarium omnis opulentiæ. Vnde Deus propter illam habitationem nobis restituendam, factus est pro nobis homo; scilicet vilis, miser, pauper, in quo Celsitudo ab-

do abject
statem si
tem abje
mus lud
à culpa.
tremam

Quin
crucem
itate &
necessa
multo
merito

Sext
quantu
pretios
re, qua
tumeli
ita virt
restaur

Sept
cem, se
nem in
tam di
in cruc
solvunt

S. Bon
tione,
mirabi

Hic
Domin
Prim

Iesv,
sapient
ria debe
pter ben
domini
omniun
infinitu

do abjectionem induit, iustitia reatum subiit, Opulentia egestatem suscepit. Nam altissimus Imperator, accepit servitutem abjectam, ut nos sublimaremur in gloriam. Iustissimus Iudex subiit reatum poenalisimum, ut justificaremur à culpa. Opulentissimus Dominus suscepit egestatem extremam, ut locupletaremur in copia.

Quintò, Infernus horribilis manifestatus est nobis per crucem. Locus utique plenus omni egestate & penuriâ, vilitate & ignominiâ, & omni calamitate & miseriâ: unde si necesse fuit Christum hæc pati propter peccati deletionem, multò fortius hæc oportet pati damnatos, propter justam meritorum suorum retributionem.

Sextò, Virtus laudabilis est nobis manifestata per crucem, quantum scilicet sit pretiosa, speciosa, & fructuosa. Verè pretiosa, quia Christus voluit potius vitam corporalem perdere, quam virtuti contraire. Verè speciosa, quæ in ipsis contumeliis relucebat. Verè fructuosa, quia unus actus perfectæ virtutis, infernum spoliavit, cælum aperuit, & perdita restauravit.

Septimò, Reatus culpabilis manifestatus nobis est per crucem, scilicet quantum sit detestabilis, cum ad sui remissionem indigeat, tam magno pretio, tam grandi piaculo, & tam difficili medicamento. Ecce igitur habes, quomodo in cruce omnia manifestantur (seu septem signacula libri solvuntur.) Si bene ad hæc septem reducantur. Hactenus S. Bonaventura, suo quidem modo cum multiplici distinctione, sed simul cum inflammata charitate, nec non cum admirabili materiæ meditandæ fecunditate.

Hic idem modus per circumstantias meditandi Passionem Dominicam, potest hac ratione disponi.

Primò, Considera. *Quis patitur?* Deus Homo Christus Iesus, quatenus Deus, Infinitæ Dignitatis & Majestatis, sapientiæ, omnipotentis, bonitatis, cui omnis honor & gloria debebatur ab omni creatura, propter excellentiam, propter beneficentiam, propter omnipotentiam, propter omnidominium & regnum, propter independentiam ab ulla re, omnium verò ab ipso dependentiam, propter plenitudinem, infinitudinemque omnis perfectionis propter immensitatem essentis,

essentia, &c. Quatenus homo, infinita item propter unionem Hypostaticam cum Verbo dignitatis, gratiarumque eam naturalium quam supernaturalium possessionis: utpote in quo plenitudo Divinitatis inhabitavit corporaliter, & omnes thesauri sapientia & scientia Dei reconditi fuerunt, accessit Dignitas Supremi inter Deum & hominem Mediatoris, Summi item Sacerdotis atque Pontificis, Regis quoque Regum, & Domini Dominantium, Primogeniti omnium creaturarum, earumque Haeredis, Iudicis etiam vivorum ac mortuorum. Accessit praeterea sanctitas non per gratiam, sed per ipsum Divini Verbi sanctitatem. Innocentia quoque & impeccabilitas; tum vero bonitas, omnis malitia & peccati expers. Beneficentia vero in omnes infirmos, & a diabolo oppressos. Accessit gratia Messiae, Fundatoris & fundamenti Ecclesiae Dei, Sancti quoque Sanctorum, Doctoris Iustitiae ac Veritatis, Principis pacis, & Patris futuri saeculi, Prophetae, Magni consilii Angeli, Principii & finis; viae, veritatis, & vitae ostii, Pastoris boni, pastorumque Principis ac legislatoris, morum, Sacramentorum, & sacrificiorum Institutoris. Accessit titulus Redemptoris, Amici, Patrisfamilias, Sponsi, Patris, Fratris, Imperatoris, Praemiatoris Exemplaris, Glorificatoris. Accessit denique nomen & res unigeniti Filii Dei, nec non in via, Comprehensoris tamen ac Beati. Haec omnia erat & est Christus qui patitur. Ex quo indignitas injuriositasque Passionis ejus in immensum excrevit. Qui enim summo honore, amore, observantia, deliciis, gloria fuit plus quam dignissimus, propter supra dicta bona sua: is omnia opposita, omnia extreme indigna ab hominibus patitur.

Secundo, Considera. Quid patitur? Patitur Ingratitudinem, Contemptionem, Conspirationem, Proditionem, Dolositatem, & Fraudulentiam, Calumnias, Contumelias, Mendacia, Convitia, Falsa testimonia, oppressionem, vim, Adjurationes, Execrationes, Odia, Ignominias, verbis, factis, signis expressas. Derelictionem & abnegationem, tormenta & dolores totius corporis ejusque membrorum, percussiones, livores, vulnera, ereptionem bonorum, & spoliationem usque ad omnimodam nuditatem, vincula, catenas, carceres,

carceres, condemnationem ad supplicia & mortem, irrisiones, infamationes, detractiones, insultationes, exprobrationes, blasphemias, exultationes de suis malis, mortem denique violentissimam, turpissimam, crudelissimam, tum ex suo genere, tum ex hostium exaggeratione.

Tertio, Considera. In quo patitur? Patitur in Divinitate, non quidem ita, quasi Divinitas impatibilis & inviolabilis laesa sit. Sed quia humanitas patiens ac violata Personae Divinae hypostaticè unita, ob idque Theandrica est: ideo Humanitatis lationes, Personae erant lationes & ita passus, cruciatus, despectus, crucifixus, mortuus est Deus, non tantum per redundantiam, & quasi concomitantiam, sed absolute per identitatem Personalem Humanitatis & Verbi, Homini cum Deo, seu potius Homini Dei. Patitur ergo Christus in Divina sua Natura, Persona, Dignitate, Majestate, aliaque omni perfectione, & excellentia. Patitur praeterea in Humanitate, in corpore, in anima, in paupere facultatula, in amicis, & consanguineis, in Matre, & discipulis, & benefactoribus. In bona fama, in libertate, in omnibus partibus & sensibus corporis. In omnibus viribus potentiisque Animae. In bonis fortunae, & animi, in sanitate, & valetudine, in robore, & virtutibus, in rebus gestis, in beneficiis praestitis, in vita denique sibi crudeliter juxta & probroscerepra.

Quarto, Considera. Quomodo patitur? Patitur sciens, volens, immo cupiens & ardens ex parte sua, patitur injuste, impii ex odio & invidia, & contemptu sui, apud hostes, homines, ac daemones, quantum ex parte ipsorum. Patitur ex amore Patris Aeterni, & ex obedientia ac reverentia erga ejus voluntatem, ex miseratione quoque super nos omnes peccatores, & ingratos indignosque ac naturam irae filios, & diaboli, atque peccati servos. Patitur ex malitia nostrum omnium, qui nostris sceleribus ejus Passioni & morti causam (quantum ex nobis planè necessariam, quia alias viribus creatio nullis unquam superabilem) dedimus ex parte nostra. Patitur ex odio suo, quod immensum, & quod Deus, & quod Homo, habet adversus peccatum, delerique illud & penitus aboleri à facie Dei desiderat, proque illo Iustitiae Paternae ad

rigorem, quin etiam ad excessum satisfaciit. Patitur animo fortissimo, constantissimo, perseverantissimo, sitibundissimo, & planè in gratiam Patris sui, inque amorem nostri insatiabilissimo. Patitur denique cum maximarum, atque adeò prorsus omnium virtutum heroico, & per nullam imitationem humanam adæquando exercitio atque exemplo.

Quintò, Considera. Quare patitur? Patitur quidem sine ulla sua causa, seu culpa, sine coactione ab aliquo, sine commodo aut necessitate propria: verumtamen patitur, pro peccatis mundi tollendis, æternisque poenis abolendis, pro reconciliando nobis Patre æterno, pro aperiendo nobis Paradiso, seu cælo, pro rabie diaboli reprimenda, & potestates, atque tyrannide expugnanda, pro obedientia erga Patrem, pro nostro exemplo, pro figurarum & prophetiarum expletione.

Sextò, Considera. Pro quibus patitur? Non utique pro Angelis: *Neque enim Angelos apprehendit, sed semen Abrahæ,* *Heb. 2.* Patitur ergo pro humano genere universo, patitur pro his, *16.* à quibus patitur; patitur pro sceleratis, pro ingratis, pro indignis, ac vilissimis. Patitur pro ipsis etiam jam antè damnatis & in inferno positis, atque pro gratiis illis bonisque & auxiliis omnibus, quæ unquam in vita sua à Deo acceperunt, quibusque in contumeliam Dei, & in perditionem suam sponte abusi sunt, & quæ respectu futurorum suorum meritorum ipsis concessa fuerunt, nunc Patri exolvit pretium.

Septimò, Considera. A quo patitur? Patitur à Patre suo *Isa. 53.* Eterno, à quo *8.* propter scelus populi sui traditus est. Patitur à sua ipsius voluntate, quoniam *Isa. 53.* oblatu est, quia ipse voluit. *7.* Patitur ab omnibus demonibus, & ab omni potestate tenebrarum. Patitur ab omni hominum genere & conditione, statu, ætate, convenerunt enim Principes terræ adversum Dominum, & adversum Christum ejus. Patitur ab omnibus vivis mortuisque quorum omnium peccatis crucifixus est. Non enim pro aliquorum solum sed etiam pro totius mundi peccatis & salute mortuus est Christus, Patitur ab omni creatura & elemento.

Octavò, Considera. Quando patitur? Patitur in ætatis flore, & in annis vite maxime vividis. Tempore anni sacratissimo

fiat apud suam gentem, atque mysteriis sollemnissimo, & concursu frequentissimo. Hora diei meridiana, in luce & oculis omnium. Tempore quo Deus Hebraeis sicut maxima praeftiterat beneficia; sic ab iisdem maxime laudari honorarique debuerat, ejus loeb, extremis est contumeliis, injuriisque ac demum morte horrenda exceptus, & interfectus.

Nono, Considera. Ubi & quo loco patitur? Patitur in loco Urbis & Regionis, & Orbis sacratissimo, celeberrimo, miraculis, figuris, prophetiis, celestibus donis ornatissimo. Patitur ubi est Adam conditus, ubi Isaac immolatus, ubi sedes Regum, ubi Templum, ubi caput Religionis Sanctae. Ubi stupendis miraculis Christus se celebrem fecerat & doctrinam. Patitur in horto Montis Oliveti, in domo Annae & Caiphae, in carcere & obscuro fortidoque specu: patitur in praetorio Pilati, in Palatio Herodis, in plateis & foris Ierusalem. Patitur in Monte Calvario. Patitur denique in alta Crucis trabe, tanquam in totius terrae theatro, atque medio.

Decimo, Considera. Quibus auxiliis patitur? Patitur vero nullis auxiliis solatiisque sublevatus; ne Paternis quidem: quod satis ostendit illa in horto Agonia, illa repulsio Petri ad sui defensionem profiliantis, cui dixit. *An putas quia non possum rogare Patrem, & exhibebit tibi modò plusquam duodecim legiones Angelorum?* Ostendit vero eam omnis solatii privationem illa vox maxime ad Patrem *Deus meus, Deus meus, ut quid dereliquisti me?* Quod etiam ipsi hostes improperebant ei dicentes. *Confide in Deo, liberet nunc si vult eum.* Ab omnibus ergo desertus patitur, etiam à semetipso, quoniam in poenis suis, sua etiam voluntate, atque virtute Divinà, ad hoc solum, & unum, se juvit, ut durare in poenis posset, robur quidem conservans, sed solatium omne subtrahens, quod genus auxilii ad majores tantum productionesque servavit cruciatus, non autem ad mitiores. Unde nec vinum myrrhatum voluit bibere, & mulieres super se lamentantes removit à collachrymatione. Et ita impletum est, quod hac de re ab Esaia praedictum fuerat. *Circumspexi & non erat auxiliator, quaesivi & non fuit qui adjuvaret, & salvavi mihi brachium meum, & indignatio mea ipsa auxiliata est mihi.*

Ex hisce omnibus Dominicae Passionis circumstantiarum generi-

Matth.

26. 33.

Matth.

27. 46.

Ibid. 43.

Marc.

15. 23.

Luca

23. 28.

Isaia

63. 5.

generibus, plurima morum virtutumque, tam documenta, quam exempla, plurima omnis generis affectuum materia, plurima propositorum postulationumque varietas & leges erui potest.

M O D V S III.

Tertius Passionem Dominicam meditandi modus est. Accepta Christi Divinitate, expendere quid in ea passus est, v. g. 1. Quid in Persona & natura sua Divina. 2. Quid in attributis perfectionibusque suis Divinis. Negatus est enim esse verus Deus, verusque Dei filius: sed potius hoc illi eximium datum: & ob id ad mortem damnatus est: Deinde creditus est Deaster quidam, falsique Dei, puta Iovis, aut Herculis Filius, quæ opinio non minus fuit injuriosa & probrosa Christo, quam prior. Dignitate omni exutus est: & prorsus ita indignè tractatus, quomodo nec vermis, nec canis mortuus tractari debuisset: ut verè dixerit de se Dominus. *Ego autem sum vermis & non homo*, multoque magis non Deus: *opprobrium hominum, & abjectio plebis*. Veritati & veracitati ejus mendacitas: ignoratio, pseudoprophetia, impostura, & seductio imposita est; & cum maxime veritatem fateretur, tum blasphemus, ac ob id reus mortis, à toto concilio, & summo Pontifice proclamatus est. Potentia in impotentiam, Vita in mortē, Sapientia in stultitiam, Sanctitas & Bonitas in malitiam & impietatem, Misericordia in atrocitatem & latronum principatum, Existentia in occisionem, & deletionem nominis ejus de terra ab inimicis ejus conversa & traducta est. Ex Beato miserrimus, ex Glorioso abjectissimus, ex Domino omnis creaturæ, mancipiorum mancipium, præda carnificum, pabulum denique voluerum rapacium in cruce factus est. Hæc, similiaque expendens, qui meditatur, advertat quantum Dei filius exinaniverit se in Passione propter nos, quam absconditus fuerit vultus Deitatis ejus: quantum debeat annihilare se, & exinanire propter amorem honoremque Dei, homo, utique nihil & nihilum, & vermis, & vilitas ipsa; quam inter se longè differant Deus & Homo, Deus humilis, & homo superbus, Deus contemptus, & homo contemnens, quid par sit retribuere hominem Deo pro omnibus istis, quæ Deus subiit propter hominem?

MO-

Psalm. 81.
7.

M O D V S IV.

Quartus Passionem Dominicam meditandi modus est. Acceptâ Christi Animâ, ejusque singulis potentiis, tam superioris, quàm inferioris partis, quid in una quaque earû, passus sit, considerare. Animæ Potentiæ sunt, Intellectus, Voluntas, Memoria, Iudicium, deinde Imaginativa seu Phantasia & cogitativa. Passiones sive affectus Animæ sentientis, tum ipsa sensitiva facultas, loco motiva etiam, nutritiva, aliæque similes. Expendatur ergo quid passus sit aut patiatur Christus in Intellectu Sapientissimo, & omni cognitione pleno? Quid in Sanctissima justissimaque ac Dei voluntati subiectissima Voluntate? Quid in Memoria, cui à primo instanti conceptionis & maximè Passionis, semper erant præsentissima omnia mala toleranda, & tolerata cum omni eorum enormitate. Iudicabat & discernebat omnes rationes, exaggerationes, excellentialque poenarum suarum, & affectuum etiam studiorumque, quibus hostes sui omnes ferebantur ad se affligendum. Vnde dicebat Dominus per Prophetam. *Domine tu ostendisti mihi studia eorum adversum me in mortem.* Imaginativa etiam Christi, afflicta est enormiter cogitatione præsentissimâ & vivacissimâ furentium in se hostium: quidquid per sensus externos percepit, totum hoc etiam in interioribus cognovit atque pertulit. Certè in horto adhuc antequam ad ipsam rem tormenta sua venissent, ex sola eorum imaginaria apprehensione, illico cepit pavere, tædere, contristari, & mœstus esse usq; ad mortem: agonisavit etiam, & sanguineum sudorem, toto corpore fudit. Neque hæc Imaginativæ vehementia, passionumve æstus, per totam Passionem reliquam cessavit vel ad momentum, usque dum exspiraret in Cruce, immo ex præsentia objectorum, re ipsâ scilicet perceptorum cruciatuum, crevit quàm maximè: adeò ut toto Passionis tempore potuerit, immo debuerit connaturaliter sanguinem sudare, si non alia fuisset Christi de se ipso dispositio. Ex tanta quoque sanguinis tum in sudore, tum in flagellatione, tum in aliis occasionibus effusione, nec non ex atrocissima immanium dolorum intensione, extensione, ac varietate, vehementer impedita fuit in

Hierem.

II. 18.

Eccl. 18.

23.

fuit in Christo, vis nutritiva, inedia, & siti, & fatigatione multiplici accedente. Vincula etiam, carceres, violentissima tractiones, & raptationes, alligationes ad columnam, tum crucifixio ad crucis trabem, summam sanè violentiam libertati Christi, tam internæ quàm externæ, quoad locum, & motum, & situm, intulere. Deniq; quidquid sensit Christus in corpore, id totum sensit prius, & magis in Anima: tum quia Anima est sola quæ dat sensum toti corpori, in omni perceptione, & sensatione, tum quia Anima non sinebat in corpore Christi sensus obtundi, sed eos in suo vigore conservabat, totamque corporis temperiem per totum Passionis tempus imperturbatam retinebat: ex quo acrimonia accrescebat, & corpori quidem, sed magis ipsi Animæ.

Hæc omnia competenter meditationi subiecta plurimos in meditatores affectus, super Christi Animam excitabunt, plurimas doctrinas, qualiter Anima ejus, ad instar Animæ Christi sese debeat in omni occasione, & præsertim in adversitate gerere ostendent.

M O D U S V.

Quintus Passionem Dominicam meditandi modus est. Assumere Corpus Christi, externamque & sensibus subiectam substantiam ejus, & recogitare quid in toto corpore, quidve in omnibus, & singulis ejus partibus membrisque sit passus Dominus Iesus. De eo illud verissime dici potest.

Isaia 1.
6.

Isaia
33. 4.

A planta pedis usque ad verticem non est in eo sanitas. Sic etiã spectatum Prophetæ à seasserunt. Putavimus eum quasi leprosum percussum à Deo & humiliatum.

Consideretur ergo quid Christus passus sit in Sacrosancto capite suo, à spinea corona, à tot percussioibus & pugnis, à capillorum tractionibus & vulsionibus? Quid Passus sit in fronte, genis, temporibus, malis, labris, facie, maxillis, dentibus, lingua, faucibus, à puncturis spinarum, à vellicationibus, percussioibus, lacerationibus, consputationibus, concussioibus, pugnis, colaphis, alapis, siti, amaritie aceti & fellis? Quid Passus sit in collo & cervice à colaphis, catenis, pugnis? Quid Passus sit in vultu, mento, gutture, à tot tantisque illusionibus, fordeationibus, spurcitiis, invectundis,

rescundis, tractionibus, suffocationibus? Quid Passus sit in
naribus, in auriculis, à tot percussionibus, contorsionibus,
tractionibus, foetoribus? Auricularum vellicationes varias,
ferunt fuisse triginta, narium viginti, dubio procul non absq;
sanguinis profluvio. Faciem Christi consputatam tradunt
centies. Caput spinèa jam coronâ cinctum, creditur qua-
dragies, & quidem maximâ vi percussum, cum tamen vel le-
vis percussio satis fuerit ad intolerabilem dolorem concitan-
dum. Pedibus pulsatus Christus (eo modo quo canes, & vi-
lissima quæque solent) creditur centies quadragies. Livores
porro ex percussione contraxisse mille centum nonaginta
novem. In flagellatione corporis ad columnam, in Pilati
prætorio, ad quinque millia plagarum Christus excepit, nec
mirabitur, qui audiet ipsum Christum apud Prophetam af-
firmantem *se totâ die flagellatum*, non quòd (quantum ad
tempus) totâ die flagellatus fuerit, sed quòd tam crudeliter,
tantoque numero ictuum, ac vulnèrum, ut videri posset totâ
die flagellatio sua durasse. Quos dolores Christus pertule-
rit, quas percussiones, & vulnèra, in dorso, pectore, scapu-
lis, humeris, lateribus, ventre, genibus, cruribus, brachiis,
manibus, atque pedibus, ipsisque plantis, ac ossibus & ner-
vis, atque musculis, & visceribus, explicare non est facile,
meditatione tamen hæc omnia sunt expendenda, & commi-
seratione prosequenda, inde etiam charitas Christi æstimanda,
& pretium Animæ, peccatorum odium, rigor justitiæ
Divinæ, insatiabilis hostium Christi furor, & debitum o-
mnium nostrum erga Christum cognosci & addisci poterit.
Pro quanti æstimandus est à nobis is, qui tam viluit ipsi sibi
propter nos, quique tanti æstimavit nos? *Sed & tu homo*
quare tibi tam vilis es, qui tam pretiosus Deo es?

Libet tam huic quam præcedenti modo dare lucem à
verbis Beati Petri Damiani, hujusmodi. [Excede paulisper
sensum carnis, & irruentia corporearum phantasmata volu-
ptatum: & intuerè Naturæ Divinæ bonitatem, suavitatem,
dignationem. Meditare positionem Crucifixi Corporis.
Vide si est aliquid in eo, quod non peroret pro te apud Pa-
trem Divinum: illud Caput multiplici Spinarum densitate
densatum: usque ad cerebri teneritudinem confixum est,

D

dum con-

Psal. 72.
14.

Chrysol.
Serm.

143.

„ B. Pe.

„ trus

„ Da-

„ miani.

„ Serm.

„ 1. de E-

„ xaltæ

„ S. Cru-

„ cia.

- Psal.* „ *dum configitur spinâ. Spinis peccatorum suorum,* (ait Domi-
31. 4. „ *nus per Prophetam,) circumdedit me populus iste. Ad quid*
 „ *hoc? Ne doleret Caput tuum: ne tua vulneraretur inten-*
 „ *tip. Caligaverunt in mortem oculi sui, & illa luminaria,*
 „ *quæ illuminant orbem, ad horam extincta sunt. Nonne illis*
 „ *obtenebrantibus, tenebræ factæ sunt, super universam ter-*
 „ *ram, & illa duo magna luminaria, cum illis luminibus sub-*
 „ *mota sunt? hoc autem totum factum est, ut averterentur o-*
 „ *culi tui, ne viderent vanitatem, & si viderent, non adhererent.*
Isaia. „ *Aures illæ, quæ in cælis audiunt, Sanctus, Sanctus, Sanctus,*
6. 3. „ *Dominus Sabaoth: audierunt in terris, Dæmonium habes: &*
Ioan. „ *Crucifige eum. Ut quid istud? Ne aures tuæ obsurdescerent*
8. 48. „ *ad clamorem pauperis, ne reciperent auditum vanum, ne de-*
Ioan. „ *tractionis virus, apertis propitijsque auribus susciperent.*
19. 6. „ *Speciosa illa facies, speciosi præ filiis hominum, sputis illita*
 „ *est, afflicta colaphis, addicta delusionibus, sic namque scri-*
Matth „ *ptum est; Cæperunt conspuere in eum, & percutere faciem eius,*
26. 67 „ *& illudere ei: dicentes, prophetisa: quis est, qui te percussit? Qua-*
 „ *re hoc? Ut facies tua illuminaretur, illuminata confirmare-*
1. Reg „ *tur, & diceretur de te. Vultus eius non sunt amplius in diver-*
1. 18. „ *sa mutati. Os illud, quod docet Angelos, Homines instruit,*
 „ *quod dixit, & factum est: parumper obmutuit, ut veritatem*
 „ *& iudicium loqueretur os tuum, & confiteretur Dominum*
 „ *suum. Manus illæ, quæ fundaverunt cælos, extensæ sunt*
 „ *in Cruce, clavisque transverberatæ durissimis, ut manus tuæ*
 „ *extenderentur ad inopē: & dicere posses, Anima mea in ma-*
 „ *nibus meis semper. Quod tenemus in manibus, non facile*
 „ *obliviscimur: sic & qui Animam suam bonæ operationi im-*
 „ *primit, non tradit eam oblivioni. Pectus illud in quo sunt*
 „ *omnes thesauri sapientiæ, & scientiæ Dei absconditi, lanceâ*
 „ *militari perfossus est, ut pectus tuum, à pravis cogitationibus*
 „ *mundaretur, mundatum sanctificaretur, conservaretur san-*
 „ *ctificatum. Pedes illi, quorum scabellum adorare debe-*
 „ *mus, quia sanctum est, durâ transfixione confixi sunt, ne pe-*
 „ *des tui festinarent ad malum, sed current viam mandato-*
 „ *rum Domini. Quid plura? foderunt manus ejus, & pedes,*
 „ *& dinumeraverunt omnia ossa sua: pro te carnem & Ani-*
 „ *am suam posuit, ut corpus & Spiritum tuum sibi vindica-*
 „ *ret.*

ret. Toto se; totum te comparav. t.] Hactenus S. Cardinalis:
Cujus Verba docent nos, in quosnam fines Dominus no-
ster IESVS CHRISTVS passus sit tormenta sua: & quos
vicissim fructus vitæ, seu, quæ, vivendi magisteria nos de-
cerpere debeamus, ex spectaculo, ex fide, ex meditatione
passionum ejus.

M O D V S VI.

Sextus Passionem Dominicam meditandi modus est, as-
sumere singulos Corporis Christi sensus externos, eo-
rumque cruciatus sigillatim expendere. Quid nimirum
Passus sit Christus in oculis, seu in Visu, in Auditu, in Gu-
ctu, in Olfactu, in Tactu? Visu Christus pertulit infandis-
sima quæque, aspiciendo rabem illam hostium suorum.
Quomodo cruciatus est, ludam ad osculum accedentem,
& antesignanum impiorum omnium videns? quo dolore
spectavit fugientes discipulos, irruentes lictores, capientes,
ligantes, trahentes, rapiantes, exultantes & insultantes?
quo sensu spectavit æstuantem in sui damnationem, oppres-
sionemque seniores populi, milites ad cruciatum suum sese
armantes, & animantes, & furorem pectoris sui crudelis de-
promentes, & in suam lanienam conatu magno adnites?
quo dolore vidit Barabbam sibi præelectum dimitti, se ad
pœnas rapi, se nudari absque ulla verecundia, & omnium
in oculis nudum statui? quo dolore spectavit de Cruce ho-
stes in vicino insultantes, & blasphemantes, atque illuden-
tes, Matrem sub Cruce stantem, notos à longè prospectan-
tes? Hæc aliæque innumera mala, oculis suis hausit Domi-
nus IESVS. Auditu pertulit & passus est clamores bestia-
rum illarum cum furore rapientium atque trahentium.
Audivit probrosissima cognomina, falsa testimonia, adju-
rationes, blasphemationes, illusiones, contempiones, ac-
cusationes, ad Crucem postulationes, latronibus æquationes,
condemnationes, exprobrationes, insultationes, quibus o-
mnibus immanem cordium suorum rabiem eructabant ho-
mines illi, furore diabolico pleni.

Gustu, Myrrhæ, fellis, aceti quæ amarorem pertulit: sibi
deinde ac fame cruciatus est, cujus cruciatus magnitudinem,

*Vide Lu**dovici**de Pont**Med. 1.**Punct.**2. n. 2.*

Pf. 101. tum clamore in Cruce per verbum *Sitio* testatus est, tum
4. Propheta expressit ejus nomine dicens. *Ossa mea sicut cre-*
Pfal. 21. *mum aruerunt: & iterum. adhaesi lingua mea faucibus meis:*
16. *& iterum: dederunt in escam meam fel & in siti mea potave-*
Pfal. 68. *runt me aceto.*

22. Odoratu Dominus noster pertulit pædorem furentium
 illorum, & in os ejus spurcitas suas halantium licitorum;
 Item foetorem carceris nocturni, seu potius sentinae, atque
 cloacæ illius, in quam detrusus dicitur Dominus pro nocte,
 atque in ea ad ortum diei servatus. Item foetorem sputo-
 rum phlegmatumque sordidorum, quibus planè oneratus
 fuit vultus ille Divinus, partim in illa nocte apud Caiphā,
 partim in coronatione Spinea, partim denique quando ad
 crucifigendum super crucem extensus jacuit. quo solo tem-
 pore ter & Septuagies consputa traditur facies Domini no-
 stri, partim à carnificibus crucifigentibus, partim à ludæis
 spectatoribus. Pertulit quoque Dominus foetorem & puto-
 rem montis Calvarii, putrescentibus cadaveribus malefico-
 rum sordidi atque horridi. In Tactu quid pertulerit Do-
 minus, supervacuum est recensere, cum constet totius cor-
 poris membris fuisse concussum, saucium, ac laniatum;
 illud trihorium Christi in Cruce pendentis, atque agonisan-
 tis, ad excarnificandum lethaliter sensum Tactus in Christo,
 per singula momenta satis efficax fuit. In quo tempore o-
 mnibus membris Christus sine ullo respirandi spatio mansit
 afflictissimus. Etenim supplicium Crucis, estò sit absque
 confixione clavorum, est tamen gravissimum: adeò ut tan-
 dem fiat intolerabile: quanto magis si etiam manus pedesque
 clavis terebrantibus perrumpantur, in locis concursum ner-
 vorum omnem habentibus, ac per hoc maxime ad sensum
 doloremque idoneis, & totius corporis reliqui dolorem in
 se continentibus: accedit convulsio pectoris, & costarum in
 pectore coherentium. cujus partis dolor, nec verbis expli-
 cari, nec imaginatione cogitari potest. Has omnes acerbi-
 tates cumulavit totius corporis instar chordæ, aut nervi su-
 per arcum Crucis distensio, quæ adeò valida intentaque
 fuit, ut non dubitaret Dominus, per Prophetam testari tunc
 temporis *dimunerata fuisse omnia sua ossa*, suisque sedibus e-
 mota.

Pfal. 21.
18.

mota. Ad quam in Domino nostro tactus poenam exaggerandam, tantum contulit teneritudo excellentiaque complexionis, ut ob eam solam, parvi aliqui, moderatique dolores sensus hujus, in Christo tamen fuerint maximi, intolerabiles, ac ferè lethales, ac omnium Martyrum doloribus majores. Ad ejusdem quoque poenæ exaggerationem contulit illud longè plurimum, id quod in nullis aliis viventium hic, doloribus tormentisque reperiri potest: nimirum quia in Christo doloris vehementia non dissipabat spiritus ab iis partibus quæ affligebantur, neque concursu vehementiore humorum principia nervorum, sive cerebrum præoccupabatur, sensusve per hoc impediabatur: sed potius jugiter mansit illa sensuum integritas, illa cerebri vivacitas, illa spirituum abundantia, quæ ab initio Passionis fuit, vel saltem quæ necessaria fuit, non tantum ad omnia quæ inferebantur, sed etiam quæ inferri adhuc potuissent tormenta vivacissimè perferenda, ita sustentante animâ corpusculum suum, ita Divinitate regente, ac protegente naturam assumptam humanam interiùs, ut ad patiendum dira omnia virium satis esset, & superesset, tam diu donec veniret hora, mortis, & discessui Animæ à corpore destinata: quo temporis puncto appetente, non est sensim ad extremam debilitatem perducta Christi Humanitas, sed vires hactenus necessarias conservatas subito cessare permisit, & Animam in manus Patris tradidit. Atque ita Dominus noster supplicia sua perinde in fine, ac in exordio illorum vivaciter acerbissimèque sensit, totoque Passionis tempore toleravit. Quod non tantum de solius tactus doloribus, sed prorsus de omnium sensuum, membrorum, potentiarumque cruciatibus sentiendum est.

Ex horum omnium consideratione, quanta seges affectuum piorum, quanta heroicarum ad tolerandum patientiumque pro Christo resolutionum materia, immo necessitas, meditandi assurgere possit, ac debeat: dicere nil opus arbitror.

M O D V S VII.

Septimus meditandi Passionem Dominicam modus est.

D 3

Assume.

Assumere ad meditandum bona Animi, Corporis, & Fortuna: expendereque quid, quomodo, & quantum, in unoquoque bonorum istorum genere Passus sit Dominus: in quem etiam modum recidet expendere, quanam, & quantam, & quomodo Passus sit Christus in bonis Naturæ, Gratiæ, & Gloriæ.

Bona Animi Christi fuere plurima & maxima v. g. Sanctitas, Iustitia, Innocentia, Sapientia, Scientia, Prudentia, Bonitas, Misericordia, Potentia, Authoritas, Dominium, Virtutes omnis generis, in gradu excellenti, Immunitas ab omni peccato, defectu, errore.

Bona Corporis Christi fuere, Admirabilis forma & species præ filiis hominum, Valetudo, Sanitas, Complexio, Temperamentumque super omnia materialia melius, vires, proportio membrorum, & staturæ, oris, vultus, sermonis, vocisque dignitas, & gratia, Integritas, Immunitas, ab omni defectu, morbo, dolore, inordinatione fomitis & concupiscentiæ, atque passionum, subordinatio perfecta, totius corporis, omniumque membrorum, & facultatum & sensuum ad Animam.

Bona Fortuniæ Christi multa & multiplicia fuere, in quibus potest numerari primò & primariè unio Hypostatica: quæ Humanitati Christi à bona fortuna, hoc est, ab eximia Divinæ Providentiæ ordinatione, atque peculiari, & extra omnem ordinem, meritumque posito favore concessa est, estò supposita Dei liberalitate gratuita, substantialiter ad componendum suppositum illud Theandricum accesserit. Ex hoc porrò unionis Hypostaticæ unico bono, alia fluxere bona fortune Christi, etiam tam in Anima, quam in Corpore Christi eorum pleraque resederint v. g. Sanctitas substantialis, Gratiæ Immensitas & Plenitudo, Gratia Capitis omnium creaturarum, & primogenitura, primatusque in eis omnibus, Dominium quoque absolutum in omnes: Gratia miraculorum, Potestas Iudiciaria, super vivos & mortuos, &c. His bonis accessit in Christo Potestas Regia, summi Pontificatus, Sacerdotiique Dignitas, Legislatoris, Doctoris, Prophetæ, Messie authoritas. Accessit quoque his bonis prærogativa Comprehensoris atque beati, omnisque dos animæ

visio-

visione beatificâ fruētis : quæ etiam locum in corpore habere debebat, nisi miraculosè Anima sanctissima cohiberet ejus in infimam suam portionem effluxum : quem tamen interdum aliquantulum relaxabat : ut in incessu super aquas, in jejuniis quadraginta dierum & noctium, in Thaborea Transfiguratione, in elapsu è manibus hostium lapidare vel præcipitare eum volentium : in nativitate sua, salvâ integritate Genitricis suæ. In his omnibus bonis multa suo modo Passus est Christus : partim ea occultans, partim reprimens, partim in eis injurias hominum manus, opiniones, calumnias, contumeliasque sustinens, propter Patris Æterni obedientiam, propterque nostram redemptionem, propter dandum nobis exemplum, propter eludendum versipellis diaboli superbum ingenium ; propter suaviter fortiterque per omnia attingendam sapientiæ suæ dispensationem ; propter omnibus modis exaggerandam effundendamque nobis nimiam charitatem suam.

Atque ex his facillè patent bona Naturæ, Gratiæ, & Gloriæ Christi, nec non eorum consideratio.

M O D V S VIII.

Octavus meditando Passionem Dominicam modus est ; Assumere peculiare insignesque Christi Domini virtutes, easque in tota Passione à Domino exercitas & elucescentes vestigare, ac nobis ad imitandum proponere, nec non gratias agere, pro earum exemplaribus adeò heroicis nobis propositis. Virtutes sunt v. g. Charitas in Deum, eadem in nos propter Deum. Obedientia, Humilitas, Patientia, Mansuetudo, Taciturnitas, Modestia, Resignatio, Perseverantia, Misericordia, Liberalitas, &c. Hæ omnes meditando expendi possunt, Vbi, Quando, Quoties, Quomodo à Christo exercitæ sint. Quanta v. g. Humilitas Christi eluxit in lotionem pedum discipulorum suorum, etiam Iudæ proditoris? quanta cum oraret Patrem Æternum, positis in terram genibus, immo & facie suâ? quanta cum à turba captus est, ligatus, in terram abjectus, pedibus hostium pulsatus, & calcatus, per viam violentissimè tractus raptatusque est? quanta cum in domo Annæ examini se subdidit, & post responsum

Matth.
11. 29.

Matth.
22. 37.

Ioan. 14.

31.

Luca

21. 19.

Ioan. 18.

11.

Matth.

10. 22.

Luca 9.

23.

Ioan. 13.

15.

Iosephus
Speransa
in selectis

responsum modestissimum, immani alapa percussus, atque etiam reprehensus, modestissime totum sustinuit? Atque hunc in modum procedi per totam Passionis seriem potest, ubique insignem humilitatem Domini agnoscendo, mirando, discendo, imitando. Etenim in omni Passionis sue parte, Dominus IESVS, omnibus nobis videri potest dicere, tam verbo, quam facto, illud suum. *Discite a me quia mitis sum & humilis corde.* Par de aliis virtutibus ratio. Nam in tota Passione sua, possumus audire Dominum IESVM nobis opere & veritate dicentem. *Diliges Dominum Deum tuum ex toto corde tuo.* Et. *ut cognoscat mundus quia diligo Patrem,* & sicut *mandatum dedit mihi Pater, sic facio.* Et. *In Patientia vestra possidebitis animas vestras.* Et. *Ego sum Pastor bonus & animam meam pono pro ovibus meis.* Et. *Qui perseveraverit usque in finem hic salvus erit.* Et. *Qui vult venire post me tollat crucem suam.* Et. *Exemplum dedi vobis ut quemadmodum ego feci & vos faciatis.* Hæc audiet, hæc spectabit, hæc manu tanget meditator in Christo Patientem, ab his quam ipse longè sit, quanto opere abhorreat, quam sit delicatus Martyr Christi cognoscat ac metietur, quid adhuc desit sibi ad id, quod perfectum Christi imitorem, servum, sociumque decet? Hic faciet dignas Christo, dignas Christi exemplo, ac merito resolutiones: hic suam molliem, ignaviam, inconstantiam, pusillanimitatemque cognoscat, arguet, confundet, expellet, fervorem autem, & animi robur, ex ipso fonte meritorum Salvatoris hauriet. Qui ita faciet, experimento proprio discet, verissimum esse id quod expertus Bonaventura asseruit. *Si vis o homo de virtute in virtutem, de gratia in gratiam, de bono in melius proficere: quotidie quantâ potes devotione, mediteris Domini Passionem.* Nihil enim in anima ita operatur universalem Sanctitatem, sicut meditatio Passionis Christi: præsertim juxta hunc octavum modum instituta. Decerpam aliquid ex optimo scriptore, quod Paradigmatis loco sit. Is est Iosephus Speranza, cujus verba abbrevio ne longus sim. ait ergo. [Est præterea valde fructuosus meditando modus, qui ad virtutum imitationem tendit. Hæc licet omnes in tota vita Christi eminent: Passio tamen ejus est velut summa & epitome omnium perfectissimarum

fimarum virtutum. Vt splendet Humilitas: a *Vidimus eum* *script.*
despectum, novissimum virorum; Verè in novissimo loco re- *Puncto*
 cubuit, dum inter latrones in Cruce occubuit. b *Quam glo-* *154.*
riosus fuit hodie Rex Israel, discooperiens se ante ancillas servo- *a Isaie*
rum suorum, & nudatus est, quasi nudatur vnus descurrens. Si *53. 3.*
 ad menturam Dignitatis respondet Humilitas, quis metietur
 Humilitatem Christi: quo sicut nemo sublimior, ita & ne-
 mo despectior. *Novissimus* (Hebr. cessatorem) *virum,* *b 2. Reg.*
 quasi Christus ferè capacitatem hominis per humilitatem *6. 20.*
 exhauferit: nec non ultra stante naturâ humanâ descendere
 potuerit: sed omnino cessare debuerit, iuxta illud, c *Ego* *„*
autem vermis & non homo. Heu! Heu! Filius Dei, vermis *„*
 factus est per humilitatem, & homo putredo ac vermis, adeò *c Psal.*
 per superbiam erigitur? Discite ergo à me, discite, quia mi- *21. 7.*
 tis sum & humilis corde. O quàm mitis! ineffabilis certè *„*
 mansuetudo, dum inter quascunque injurias nihil durum
 tortoribus suis respondit. d *quasi Agnus coram tondente se,* *d Isaie*
 &c. e *Constituite diem solemnem in condensis usque ad cornu* *53. 7.*
altaris. Pagninus. *Ligate Agnum; Chaldaeus. ligate puerum* *e Psal.*
funibus usque ad cornua altaris; brachia Crucis. In his omni- *117. 27.*
 bus non aperuit os suum, *ita ut miraretur Praeses vehementer.* *„*
 Patientiam in alapa, quâ sacrilegus ille Divinam faciem *August.*
 percussit, mirans Augustinus; *Si inquit cogitaremus, quis* *Tr. 11. 3.*
acceperit alapam, nonne vellemus eum qui percussit caelesti igne *in loat.*
consumi, aut terrâ debiscere sorberi, aut correptum à demo- *„*
nio volitari, aut huiusmodi quâlibet penâ, vel etiam graviore *„*
puniri? Quid enim horum per potentiam iubere non potuisset, *„*
per quem factus est mundus, nisi patientiam nos docere voluis- *„*
set, quâ vincitur mundus. Pilatus IESVM flagellatum tra- *„*
 didit voluntati eorum. Non ex lege decrevit, sed voluntati *„*
 hostium, voto, violentiæ, vinolentiæ tradidit, unde illud. f *f Psal.*
In me psallebant qui bibebant vinum. Vnde credibile, savi- *68. 13.*
 rum in eum omni æquitate latius, quæ omnia patientissime *„*
 pertulit. *„*

Relucet Obedientia, quam ne perderet, perdidit vitam.

Relucet Paupertas, eaque talis, ac tanta, ut nudus in Cruce non haberet ubi caput suum reclinaret. Ita orbis Domino, totus negatus est orbis. Vnde Ambrosius: *Recor-* *Bona-*
dare *ventura.*

Ambrosius. dare omnem vitam Salvatoris à partu virginis, usque ad patibulum Crucis, & non invenies nisi stigmata Paupertatis illius, de qua in Threnis. g Recordare Paupertatis meæ.

3. 19. Sed ubi Charitatem relinquemus? h. In hoc cognovimus charitatem Dei, quoniam ille pro nobis animam suam posuit.

3. 16. Cornua in manibus ejus, ibi abscondita est fortitudo ejus. Septuaginta legunt. Et posuit dilectionem robustam fortitudinis suæ. Hinc ad suæ Charitatis ostensionem latus voluit sibi perforari, & cor ipsum aperiri, quasi diceret. En quantum vos diligo. Cor ipsum videte. Hunc tibi amorem testatus est, dum tam libenter pro te mortuus est. Extensione brachiorum suorum, & membrorum ostendit, quod tantum diligere potuit.

Quid hinc fratres? Christus passus est pro nobis, vobis relinquens exemplum. Pudeat, pudeat sectari gloriam membra, quibus caput suum tam inglorium exhibetur, non habens speciem neque decorem: pudeat sub spinoso capite membrum fieri delicatum. Non coroner ego coronâ aureâ (inquit invictus ille Goffredus) ubi Servator meus coronatus est spinâ. Et quidem (ut Clemens ait) à ratione alienum est, ut qui audivimus Dominum spinis fuisse coronatum; ipsi venerabili Passioni Domini insultantes, habeamus capita redimta floribus, dicamusque, coronemus nos rosis. Hactenus Speransa.

Vniversaliter sciendum & considerandum est, Christum Dominum in Passione sua, omnes præcipuas Christianæ & perfectæ vitæ virtutes exercuisse: & quidem singulas, quantum ad externos actus, in gradu heroico. Multoque etiam in præstantiori, quantum ad internos actus, qui externos commitabantur. Cujus causa fuit, *Prima*, Quod ipse venisset ut esset Magister exemplarque virtutum, ideo tempore Passionis voluit epilogum omnium earum facere, & singulare exemplum præbere. *Secunda*, Quia suâ Passione promeritur & impetraturus nobis erat omnes virtutes, voluit etiam merita nostra, actuali earum exercitio inniti. *Tertia*, Ut eâ ratione virtutum ipsarum honorem & præstantiam tueretur. Valde enim jacebant in mundo: illæ præsertim, quæ mundi contemptum docent. *Quarta*, Ut testamento

& ultimâ

& ultimâ suâ voluntate, ipsâ morte confirmato, excellentes
omnium virtutum actiones nobis relinqueret. Sicut enim
in ultimo suo Sermone dixit. *Mandatum novum do vobis,*
ut diligatis invicem, sicut dilexi vos. Ita dicere potuit, ope-
reque ipso dixit. Mandatum quoddam novum do vobis,
ut humilietis vos, sicut ego me humiliavi, ut obediat &
sustineatis, sicut ego obedi, & sustinui.

Ioan. 13.
34.

M O D V S I X.

Nonus Modus Passionem Domini meditandi est, priori
quidem, usu & efficacîâ similis, modo tamen diversus,
quo singula circa Christum in Passione gesta, ad moralem
spiritualemque doctrinam, meditationibus, reflexionibus,
propositis & transferuntur, atque accommodantur. Mo-
dum hunc, quia exactè non minùs quàm devotè & copiosè
prosecutus est, piissimus *Æternæ Sapientiae IESV Christi*
Minister, Beatus nimirum Henricus Suso Ordinis Prædi-
catorum in Dialogo Sapientiae cum Ministro suo, per ali-
quot capita, ideo illum hic ejusmet verbis describam: ordi-
ne tantum nonnihil immutato, hoc est, parallelicè per sin-
gula puncta Passionis Dominicæ, simul doctrinæ mysticæ
ex iis erutæ digesto. Sic igitur apud Susonem *Æterna Sapi-*
entia Christus IESVS, primùm suam propriam Passionem
explanans, deinde discipuli amatorisque sui mysticam item
Passionem, seu veram internamque suæ Passionis imitatio-
nem exponens verbis tanquam propriis inducitur.

IESVS Christus Patiens.

Christianus IESVM Pa-
tientem exprimens.

a I. Post peractam cum
discipulis meis coenam vlti-
mam, cum in Monte me
obtulissem, & resignassem ad
perferendum mortis horren-
dæ supplicium: eamque mi-
hi jam

a I. Necessè est, ut Pas-
sionem meam omnem ipse
quoque experiaris pro viri-
bus. Sume igitur animum
planè virilem. Certus cre-
bras tibi perferendas cordis
amor-

a Dialog. cap. 2.

IESVS Christus Patiens. Christianus IESVM Patientem exprimens.

hijam jam impendere sententiam, præ angustia tenerrimi cordis mei, ac totius corporis pressura, sanguinem sudavi.

II. Deinde atrociter in horto captus, dire ligatus, miserandum in modum abductus fui.

III. Eadem nocte, verberibus, sputis, oculorum obvelatione, indignè & contumeliosè me tractarunt. Coram Caipha iniquè accusatus, & morti adjudicatus fui.

IV. Erat sanè miseria, Purissimam Matrem meam in effabili cordis dolore correptam cernere ab eo tempore, quo me tantis vidit angustiiis laborantem, donec essem in Cruce suspensus.

V. Ad Pilatum summam ignominiam me duxerunt, falso detulerunt, & accusarunt, mortis sententiâ plectendum censuerunt. Stabant illi coram me terribili aspectu, non aliter quàm im-

manif-

mortes, antequam possis naturam sub jugum mittere : atque etiam præ angoribus cruenti sudoris, quem multi juges acerbæ afflictiones, quibus te mihi præparatum efficiam, tibi expriment. Enimvero hortum aromatum tuorum rubicundis aspergam floribus.

II. Contra morem tuum, & inolitas consuetudines, vinculis implicaberis & constringeris.

III. Ab adversariis meis, clandestinis sæpe vexabere calumniis, & propalam confunderis. Multa in te ferentur judicia temeraria.

IV. Passionem meam in tuo pectore, maternâ fide, & intimâ charitate circumferes.

V. Complures perpeti habebis Religiosæ vitæ tuæ iniquos Iudices & calumniatores, & eos quidem potentes, & hominum iudicio magnos, nec nisi justè contra te insurgentes, & ex lege arguentes.

VI. Ita

IESVS Christus Patiens.

Christianus IESVM Pa-
tientem exprimens.

manissimi Gigantes, & ego
inter illos ut ovis mansuetis-
sima assistebam.

VI. Apud Herodem ego
ipse licet Æterna Sapientia
sim, in alba veste ridiculè de-
lusus sum.

VII. Corpus meum ele-
gantissimum, crudelibus fla-
gellorum ictibus misere con-
scissum, & dilaceratum fuit.

VIII. Sacrosanctum Ca-
put meum spinis confixerunt,
& faciem meam gravissimam
spuma & sanguis oppleverunt.

IX. Atque ita mortis sen-
tentia damnatum, cum cru-
ce me turpiter ac miserabili-
ter ad ultimum ferendum
supplicium eduxerunt. Ter-
ribiles in me voces & rugitus
dabant, ita ut procul audire-
tur, Crucifige, Crucifige ho-
minem nefarium.

X. Suspenso me ad su-
blimem Crucis stipite (quod
equidem nimio ex amore,
tuâ & mortalium omnium

E 3 causa

Dialog. c. 3.

VI. Ita fiet, ut pia institu-
ta tua, ab hominum vivendi
consuetudine, crebro tan-
quam fatua credantur, & irri-
deantur.

VII. Corpus tuum in-
exercitatum, durâ, & asperâ
vivendi ratione flagelletur,
& castigetur.

VIII. Atque nugatoriè
coroneris Sanctæ Vitæ tuæ
obtreccionibus, quibus ca-
pessum premetur.

IX. Inde verò mecum e-
ducêris & miserabile illud
Crucis ferendæ iter conficies,
ubi propria renuntiaveris vo-
luntati, te ipsum abnegave-
ris, & à creaturis omnibus,
usque adeo te servaveris libe-
rum, & expeditum in iis quæ
possunt æternæ tuæ saluti ali-
quid obijcere impeditenti,
ut aliquis jam jamque mori-
turus, & nihil post hac cum
hac vita cōmerciū habiturus.

X. Interdicito ergo tibi
ipsi voluptate curiosi aspe-
ctus, & dissoluti auditus.

Dulcescat tibi & placeat
ex amo-

IESVS Christus Patiens Christianus IESVM Patientem exprimens.

causâ pertuli) tota corporis mei habitudo vel species miserandum in modum immutata fuit. Illustres oculi mei, suum perdidere lumen. Divinæ aures, ludibriis & blasphemis complebantur. Præclarus olfactus, retro urebatur odore. Os suavissimum, acerba cruciabat potio. Tactus tenerrimus, duris torquebatur plagis. Non erat mihi tunc ex toto orbe terrarum ulla vel modica quies, ac refrigerium. Enimvero Sacrosanctum Caput meum præ dolore & incommodis hæbat pendulum. Collum formâ conspicuum, immitissimis contusum erat verberibus. Nitidissimam faciem, putentia deturparatit phlegmata. Color integerrimus, in pallorem versus fuerat. Denique usque adeo decor omnis corporis mei extabuit, ut nihil à leproso differrem, immò quasi nunquam fuisse viderer, cum essem Sapientia Sole speciosior.

ex amore, quod prius agrè ferebas.

Corporis oblectamenta respice.

In me Solo conquiescas.

Aliena mala feras suaviter & moderatè.

Tui contemptum desiderà.

Frangere appetitiones tuas, & voluntates omnes ac desideria pessum preme.

Hæc prima sunt elementa in Schola Sapientiæ, quæ in patienti & expanso Crucifixi Corporis mei volumine leguntur. Sed hîc vide obsecro: etiamsi quis omnes intendat nervos suos, num talem se mihi præstare possit, qualis ego illi fuerim?

Alio rursus loco idem Christus IESVS, Patienti sibi, Christianum fidelem, in compassione, & imitatione sui, hunc in modum informat.

¶ Tot ego

IESVS Christus Patiens.

Christianus IESVM Pa-
tientem exprimens.

„ a Tot ego toto corpore
 „ meo Amoris signa præ me tu-
 „ li, ut nec acūs unius acies, ul-
 „ lam undique vulneribus con-
 „ feci corporis mei particulam
 „ pun gere potuerit, quæ non
 „ esset peculiari quâdam Amo-
 „ ris notâ insignita.

„ I. En dexteram manum
 „ meam clavis transfixerat :
 „ per sinistram itidem clavum
 „ adegerant.

„ II. Dextrum brachium
 „ meum dirè intenderant, fini-
 „ strum crudeliter expande-
 „ rant.

„ III. Pedem dextrum cla-
 „ vus perforârat, laevus plagam
 „ horribilem acceperat.

„ IV. Hærebam Cruci meæ
 „ ceu planè impotens, nimiâq;
 „ crurium lassitudine prægra-
 „ vatus.

V. Cun-

a Dial. eodem c. 4.

a I. Te ipsum & omnia
 tua liberè mihi dedas, nec re-
 petas unquam. Nihil attingas
 eorum, quæ necessaria
 non sunt. Sicquæ habebis
 manus cruci revera affixas.

II. Vires tum Corporis,
 tum Animi, vide ne extepo-
 re flaccescant, sed instar bra-
 chiorum meorum in cultu
 & famulatu meo semper sine
 intentâ.

III. Bona opera hilariter
 arripias, atque in iis fortiter
 perseveres, ita fixus erit pes
 tuus sinister.

Animum inconstantem, & va-
 gabundas cogitationes in me
 figas & constabilias, habitus
 hoc ipso dextrum quo-
 que pedem crucifixum.

IV. Fragile ac debile cor-
 pus tuum in laudem erurium
 meorum in spiritualibus exerci-
 citiis crebrò fatiges, nec illi
 permittas

a Dial. eodem c. 4.

IESVS Christus Patient.

Christianus IESVM Patientem exprimens.

V. Cuncta mēbra mea immobiliter ad illud ergastulum Crucis compressa & distracta erant. Et quod erat summe profecto visu dirum & miserabile, fervidus sanguis meus necessitate compulsus, multis locis fortiter erumpebat, totum cruentans moribundum corpus meum.

VI. Atque (ō rem miserandam!) juvenile ac floridum corpus meum, extabuit, exaruit, expalluit.

VII. Dorsō tenerrimo, durum erat stratum, Crucis asperitas.

VIII. Corpus, præponderesuos, jugiter deorsum ferebatur.

IX. Denique totum corpus meum vulneribus & livore confectum erat. Atque hæc omnia corde amantissimo, placide perferebam.

Rursum alio loco, pergit Æterna Sapientia, suum ministrum in suæ Passionis imitatione instruere: hunc in modū. *

* *Dial. tiusd. c. 15,*

I. Audi

permittas facultatem suis indulgendi affectibus.

V. Multijuges, rara, nec passim cognita afflictiones; te mihi adjungent, adducentq; ad ergastulum Crucis meæ. Efficientque te, ad mei similitudinem cruentum & miserabilem.

VI. Natura tuæ mortificatio atque arefactio, pristinum mihi reddet virorem, atque vigorem.

VII. Incommoda corporis tui ultro suscepta, dorso meo stratum parabunt gratissimum.

VIII. Virilis tua adversum peccata decertatio, meum levabit animum, cordis tui pietas & devotio, dolores meos omnes sublevabit, & mitigabit.

IX. Denique cordis tui fervor & flagratio, cor meum longè amantissimum inflammat.

IESVS Christus Patiens.

Christianus IESVM Patientem exprimens.

I. Audi homo rem miserabilem, & compatere mihi. Cum suspensus coram hostibus meis, in Cruce hærem, miserandum in modum multivariâ illâ angustia, & mortis doloribus circumseptus, stabant illi contra me, scommatibus & sannis me afflictores, meque irridentes, capitaque sua probrosè adversum me agitantes: denique in suis cordibus adèd me vilipendentes, quasi extremæ fortis vermiculus essem, atque in his omnibus immotus ipse perseverabam, & pro eis Patrem meum attentissimè deprecabar.

II. Et cum essem Agnus innocentissimus, cum noxiis & sceleratis reputatus fui, quorum alter me derisit, al-

ter si-

I. Tu & quicumque alii mea vultis sectari vestigia, & venire post me, abnegetis vosmetipsos, & tollatis crucem vestram, & sequamini me. Quæ mihi vestra mortificatio & abnegatio, non minus grata erit, quàm si tunc unâ mecum mortem crucis sustinuissis. Quo autem pacto quis mecum mori debeat, & crucem suam tollere, jam expono. Quando operâ das, ut quoad capere potes, semper id agas, quod optimum sit, atque id in te alii cavillantur, & irrident, & erga te contumeliôsè se gerunt, adèdque suis cordibus te vilipendunt, ut tam miserum te putent, qui nec possis, nec avertis te defendere, atque ipse interim non solum nihil moveris, sed etiam Patrem Cœlestem ex animo pro illis rogas, ac benignè eos apud illum excusas, quoties hunc in modum ex amore meo moreris, toties mors mea in te revirescit, ac reflouescit.

II. Itaque cum purè ac innocenter vivis, & tamen rectè facta tua, in tantum deprimuntur, ut inter reos & noxios

E

noxios

I E S V S Christus Patiens. Christianus I E S V M Patientem exprimens.

” ter fidem meam & auxilium noxios numereris, idq; libenter imploravit, quem absque moti animo accipis, adeo ut ubi ra benignè suscepi, condonaretiam illi ipsi, qui te afflixertis illi omnibus peccatis, ac runt, abs te veniam petunt, caelestem illi Paradisum patetam promptus & paratus sis, feci. ex animo illis ignoscere, quidquid unquam molestiae ab illis perpeffus es, ac si penitus nihil passus esses, ac praeter hoc etiam verbis & factis illis inservire, & prodesse niteris, quò meam imiteris benignitatem, quâ illis, qui me crucifixierant, facile remisi: jam revera mecum pendes in Cruce.

” III. Accipe rem omnium III. Quando etiam omnium lachrymarum fonte plangendum hominum familiaritati, dam, huc atque illuc oculos commodis, & consolationi, circumferens, cunctorum mentium remittis (nisi quantum stricte & notabilis exigit necessitas) jam illa tui desolatio & destitutio, erga me illorum omnium supplet vicem, qui me in cruce deseruerunt. Vbi verò mei amore cunctis amicis valefacis, ac si ad te nihil pertineant, idque in omnibus illis, quæ aliquod inter te, & me, possint medium vel impedimentum obijcere: hoc ipso charissimum te mihi exhibes discipulum & fratrem, sub mea cruce consistentem, mihi que

I E S V S Christus Patiens. Christianus I E S V M Patientem exprimens.

mihiq̃ue compatiētem. Dū
 cordis servas expeditam, &
 absolutam ab omnibus liber-
 tatem, eādē ipsā meam te-
 gis & ornas nuditatem. Quā-
 do in quibuslibet adversis, ti-
 bi à quolibet proximo illatis,
 mei causā ex amore nihil resi-
 stis, nihil te defendis, cuncto-
 rumq̃ue furorem, & excan-
 descentiam, undecunque ea
 accidit, & quamvis subita, &
 improvisa fuerit, quā jure,
 quā injuria concitata sit, tan-
 quam ovis obmutescens, sua-
 viter ac placidē accipis, adeo,
 ut cordis tui lenitate, verbo-
 rum mansuetudine, & vultus
 serenitate, aliorum vincas
 asperitatem & malitiam, jam
 revera similitudo mortis meae
 in te perficitur. Hanc, ubi
 mihi datur, mortis meae simi-
 litudinem, dici non potest,
 quantum illic capiam volu-
 ptatem, quantum id & mihi,
 & Patri meo placeat.

IV. Quocunque me vertis-
 sem, acerrimis cordis dolori-
 bus & angoribus conficiebar.
 Iuxta crucem stabat mœ-
 fissima Genitrix mea, perfe-
 ctissima medullitūs, in materno
 corde suo, quidquid ipse in
 corpore

IV. Denique si acerbissi-
 mam mortem meam affixam
 tenueris corde tuo, & in pre-
 cibus tuis commemoraveris,
 & factis expresseris, ac imita-
 tus eris, eo ipso conformabis
 te doloribus, & fidelitati in-
 tegetri-

IESVS Christus Patiens. Christianus IESVM Pa-
tientem exprimens.

corpore patiebar. Quæ res tegerrimæ Matris meæ, & piissimum cor meum vehementissimè concutiebar, siquidem ego unus, immanissimos cordis ejus dolores funditus noveram. Cernens tristissimos gestus ejus, benignissimè eam consolabar. Iamq; moriturus, & morte ab ea separandus, commendabam eam charissimo discipulo meo Joanni, ut quæ decet Matrem fidelitate, eam prosequeretur, itemq; discipulum, illius Maternæ curæ ac fidelitati commendabam.

Ad extremum eadem Sapientia Æterna, discipulum suū
ad suæ Passionis imitationem sic informat.

Ibid. Cap 18.

1. Etsi audieris sæpe tristitia multa, sed nihil unquam tristius ac calamitosius eo ipso, quod jã relaturus sum. Anima quidem mea, secundum vires supremas, Divinam tum haud secus, quàm modò contemplabatur essentiam: at vires infimæ interioris exteriorisque hominis, in desolata penitus & omnis consolationis experte afflictione usque adeò erant relictæ sibi ipsis, ad extre-

1. Vt mihi pro Passione mea dignas utcunque gratias agas ô homo, crucem meam ob oculos crebrò versabis, dirissimosque cruciatus meos, cum ingenti condolentia, tuo affiges animo, & quidquid tibi perpetiendum occurrerit, ad meæ Passionis similitudinem quandam adduces. Vbi afflictus fueris, nec tamen ullam tibi præstitero consolationem, sed in mentis tuæ ariditate

IESVS Christus Patiens.

Christianus IESVM Patientem exprimens.

ad extremum usque infinita
acerbitatis articulum, ut nul-
lus unquam exstiterit huic
similis cruciatus.

ditate tabescere, ac sine ali-
cujus suavitatis infusione ex-
rescere te permisero (quem
admodum me Pater meus de-
reliquit) non aucupaberis pe-
reginas consolatiunculas, sed
lamentabiles dabis gemitus
ad Patrem cælestem, cum ab-
negatione tui quoad delecta-
tionem attinet, pro illius Pa-
terna voluntate.

II. Cum itaq; plenè, omni
ope destitutus, ac undique
derelictus penderem à Cruce,
cùm distillantibus vulneri-
bus, lachrymantibus oculis,
distentis brachiis, ac distra-
ctis & diductis omniū mem-
brorum venis, mortis angori-
bus correptus, voce lamenta-
bili ac miserabili clamavi ad
Patrem meum, Deus meus,
Deus meus ut quid dereliqui-
sti me? Interim tamen vo-
luntas mea cum sempiternæ
voluntatis ejus decreto, &
placito omnino consentiebat
atque unita erat.

III. Porro sanguine meo,
sic prorsus effuso, fractisque
viribus præ mortis angustia,
invasit me sitis acerrima: sed
multò magis vehementior
me obtinuit sitis salutis mor-
talium

II. Tum verò quantò Crux
externa fuerit acerbior, & in-
tus ipse magis derelictus fue-
ris, magisq; resignatus, tantò
propius ad meam accedes si-
militudinem, & Æterno Patri
meo eris charior. Siquidem
hac ratione præcipui Dei ami-
ci potissimùm probantur.

III. Cùm te vehemens te-
nebit desiderium, aliquam in-
re quapiam multum delecta-
bili, aucupandi & capiendi
voluptatem, ex Amore idre-
spues meo, atque mortifica-
bis,

IESVS Christus Patiens. Christianus I E S V M Patientem exprimens.

” talium omnium. Atque ecce
 ” dum sic laborarem siti intole-
 ” rabili, fel & acetum ori meo
 ” obtulerunt.

” IV. Deinde peractis illis,
 ” quæ ad hominum instauran-
 ” dam salutem pertinent: in
 ” hæc verba prorupi. Consum-
 ” matum est: ita Patri meo per-
 ” fectam præstiti obedientiam,
 ” ad mortem usque.

” V. Cumque dixissem Pa-
 ” tri, in manus tuas commendo
 ” spiritum meum, præclarissi-
 ” ma anima mea, ex Divino mi-
 ” gravit corpore: ita tamen, ut
 ” nec ab illo, nec ab illa Divini-
 ” tas recederet.

” VI. Post hæc, lanceâ fode-
 ” runt dextrum latus meum, vulnere, in ipso corde meo
 ” unde continuo exivit pretiosi vulnere affecto, suaviter te in-
 ” cludes,

bis, atque eo ipso sitibundum
 os tuum, sicut & meum, ama-
 rā potionem cruciabitur. Cun-
 ctorum salutem, summo opere
 sities, ei que curandæ, labori-
 bus immori, pro maximo lu-
 cro, atque felicitate repo-
 nes.

” I V. Rectè facta tua ad per-
 ” fectam capeffendam vitam
 diriges, & ad mortem usque
 exequèris.

” V. Subditam geres volun-
 tatem, promptè que morige-
 ram, ac obtemperantem su-
 perioribus tuis: Animamq;
 omni proprietate nudā, pro-
 fusque resignatam in omni-
 potentis Patris manus, atque
 etiam spiritum, ex hac vita
 temporaria, in illam æternam
 commigrantem, pro quadam
 similitudine extremæ illius
 decessionis de huius vitæ cur-
 riculo. Ita fiet, ut Crux tua,
 miserabili cruce mea non nihil
 conformis sit, atque in ipsa
 præclare perficiatur.

” VI. In patulo lateris mei
 vulnere, in ipso corde meo
 vulnere affecto, suaviter te in-
 cludes,

IESVS Christus Patiens. Christianus IESVM Patientem exprimens.

sanguinis rivulus, simulque
fons aquæ vivæ.

cludes, ibique morari & permanere disces, atque ita vitali illâ aquâ, te expiabo, & purpurei sanguinis mei roseo colore, mirificè decorabo.

VII. Ecce fili mi, huiusmodi labore ac dolore, teque
& electos meos omnes repa-
ravi, & innoxii sanguinis mei
vitali sacrificio, ab æterna
morte redemi.

VII. Denique me tibi fortiter adstringam & obligabo,
teque mihi perenni unione
conjugam.

Hactenus ex devotissimo Sufone, desumpta Passi IESV Christi, ad eumque spiritualiter conformati Christiani collatio: ex qua lector, seu meditator Dominicæ Passionis, verum, solidum, & tam Christo gratissimum, quam sibi utilissimum, hauriet meditandæ, atque sibi applicandæ Passionis Dominicæ modum.

M O D V S X.

DEcimus Passionem Dominicam meditandi modus est. Assumere aliquem peculiarem cruciatum, vel contemptum injuriæve Domini IESV, ejusque per totam Passionem, investigationem instituere, atque meditando expendere: ubi, quando, quoties, quàm gravem, ob quam occasionem, sive ob cujus virtutis exercitium manifestationemve, illum dolorem, injuriæve illam sit perpeffus? Exempli gratiâ. Quoties Christus Dominus sanguinem fudit? & ubi? & quare? &c. Fudisse autem inveniam. 1. In horto per sudorem & agoniam. 2. In domo Annæ, ubi, accepit alapam cruentam. 3. In domo Caiphæ, ubi innumeris colaphis, alapis, pugnisque percussus est. 4. Ibidem nocte eadem, pie creditur, flagellis cæsus. 5. In prætorio Pilati, ad columnam dirè flagellatus. 6. In coronatione spinea, & alapis,

alapis, percussioneque capitis. 7. In vestium propriarum detractiōe, ad coronam & chlamydem coccineam sumendam. 8. In depositione coronæ, ad induendas vestes proprias, cum crucem, damnatus, bajulare deberet. 9. In depositione earundem vestium ad crucifixionem: ubi & corona eidem rursus detracta est, cum iō effusione sanguinis, aliter enim tunica inconsutilis & desuper contexta per totū detrahi non potuit. 11. In affixione ad crucem. 12. In statuitiōe & firmatione crucis: fuit enim & illa violenta, & cum corporis concussione, proinde non absque sanguinis effusione. 13. In coronæ repositione cum esset elevandus adhuc vivens cum cruce in altum. 14. In lateris post mortem confixione.

Pari ratione, expendi possunt variæ manuum Christi ligationes. 1. In comprehensione. 2. Apud Annam. 3. In domo Caiphæ, pro nocte. 4. Manē ducendus ad Pilatum. 5. Ad columnam causâ flagellationis. 6. Post Coronationem. 7. Cum indutus suas vestes, crucem accepit. 8. Cum est crucifixus, & clavis cruci illigatus: quæ omnes manibus Christi erant acerbissimæ. & moralia documenta servis Christi suppeditant.

Pari ratione expendi possunt nudationes Christi. 1. Harum creditur fuisse, nocte illâ in domo Caiphæ, ad torturam vel flagella. 2. In Prætorio Pilati ad flagella quoque. 3. Ad chlamydem purpuream induendam. 4. Ad proprias vestes induendas, ante bajulationem Crucis. 5. Ad crucifixionem, postquam deinceps mansit pependitque nudus, usque ad depositionem de Crucē. 6. Si placet, addere possumus post tenebras illas meridianas depulsas, quibus cum suo modo velatus fuisset Dominus, redditâ luce, iterum quasi exutus veste tenebrarum, nudus apparuit.

Pari ratione expendi possunt itinera, quæ Christus confecit in Passione, & quid in eis Passus est. 1. Iter ad hortum in quo coepit parere, torere, contristari, moestus esse. Iter ad discipulos dormientes, quibus objicit dolens sic: non potuistis unâ horâ vigilare mecum? quod iter aliquoties repetiit. 3. Iter obviam Iudæ, & cohorti. 4. Iter captivati jam ad Annæ domum. 5. Iter ab Anna ad Caipham. 6. Iter à Cai-
phæ

phæ concilio, ad carcerem. 7. Iter matutinum è carcere, ad concilium Caiphæ. 8. A Caipha, ad Pilatum. 9. Ab hoc, ad Herodem. 10. Ab Herode, ad Pilatum; apud quem aliquot itinera fuere: à tribunali, ad columnam in atrium; ab hac, ad locum coronationis; ab hoc, ad locum è quo ostensus populo à Pilato dicente: Ecce Homo: hinc ad interiorem partem pratorii, ubi examinatus est repetitò, secretiùs, diligentiusque à Pilato, tum ad locum tribunalis foras, ubi & damnatus est ad crucem juridicè, hinc denique ad locum, ubi crux ei imposita est. 11. Iter cum Cruce usque ad locum crucifixionis. 12. Iter ad ipsam Crucem. 13. Iter jam in Crucem affixi in altum. 14. Iter de Cruce post mortem. 15. Iter ad sepulchrum.

Pari ratione, expendi potest quoties Dominus I E S V S alapis & pugnis percussus est, quibusque locis. 1. In Captivitate, dum ligaretur ligatusque traheretur. 2. In domo Annæ. 3. In domo Caiphæ, ubi tumultuosissimè reus mortis denuntiatus undique percussus est. 4. In variis itineribus cum raptaretur, haud dubiè sæpius variè contusus est. 5. In coronatione, quando illusorie flexo genu salutabant, & conspuerant, & alapas dabant ei.

Ad hunc modum, consputationes multiplices, possunt expendi: item accusationes apud Annam, apud Caipham vesperi, & manè, apud Pilatum, apud Herodem, iterum iterumque apud Pilatum, item in condemnatione & sententiæ promulgatione, item in titulo Crucis, item in blasphemiiis illusionibusque objectis, jam Cruci affixo, item à latrone impropere.

In his singulis Meditator devotus reperiet, quo ad compassionem moveatur, quoque erudiatur ad Mansuetudinem, Patientiam, Constantiam, Humilitatem, Charitatem, Obedientiam, ad sui odium, vilificationem, accusationem, confusionem, internam externamque mortificationem, tum etiam ad gratiarum actionem, admirationem, compassionem, deprecationem, laudationem.

*Vide in
fra ma-
dum*

XII.

M O D V S XL.

VNdecimus Passionem Dominicam meditandi modus est; Assumere & expendere varios Authores Passionis Christi. Horum authorum aliqui erant iusti & æqui: qualis fuit Pater Æternus, *qui sic dilexit mundum, ut filium suum unigenitum daret,* (ad poenas, & mortem in carne subeundam,) *ut mundus Salvetur per ipsum:* talis etiam fuit ipse Dominus IESVS, qui amore & obedientiâ erga Patrem ejusque gloriam: amore item & commiseratione super nos, *exinanivit semetipsum factus obediens usque ad mortem, mortem autem crucis:* tales etiam authores fuere suo modo omnes Angeli Beati, omnesque sancti Patriarchæ ante Christum: ac imprimis ipsa Beatissima Dei Mater. Omnes enim isti desideraverunt & optaverunt mortem, Passionemque Christi, ut pote reparatricem salutis humanæ, abolitricem peccati, ruinarum cælestium restauratricem, reseratricem paradisi, gloriæ, charitatis, veritatis, justitiæ, misericordiæ Dei manifestatricem, Christi ipsius exaltatricem, heroicarum virtutum, omnimodæque perfectionis Magistræ, Dotem Ecclesiæ atque vitam, Sponsarum seu diligentium dilectarumque Christi animarum emundatricem, ditatricem, ornatricem, inflammatricem, adglutinatricem, transformatricem, & absorptricem. Quocirca minimè dubitandum est, quin si ita placitum fuisset voluntati Dei, ipsi Angeli atque Sancti, ipsa etiam Pretiosissima Dei nostri Mater, Dominum IESVM suis manibus tam illi, quàm ista fuissent crucifixuri, ob amorem tantorum bonorum Dei, Christi, Cœli, & mundi, ex Passione Christi excrecentium.

Alii Authores Passionis Christi fuere iniqui, & per omnia improbi, ac per hoc Deicidæ, maximæque, iniquitatum omnium, iniquitatis rei. Tales fuere dæmones, omnisque potestas tenebrarum. Talis Iudas proditor, tales Iudæorum Principes, & Sapientes; talis Pilatus & Herodes, tales milites, aulici, carnifices, omnisque furiosa plebs à Principibus persuasa, & perversa. Inter hos authores, suo modo recenseri possunt discipuli Christi desertores, Petrus negator & abjurator, reliqui in fide & spe collapsi. His annumerari a-

thori-

horibus etiam potest Barabbas Christo prælatus, latrones ambo. Præ omnibus autem, authores fuere Passionis Christi, omnes & singuli homines, præteriti, præsentis, futuri, ab Adam primùm creato, ad ultimum nasciturum in fine mundi: & quidem omnibus & singulis suis peccatis mortalibus venialibusque, quorum quodlibet morte & sanguine Christi ad sui expiationem eguit, & quia eguit, eandem exegit, quia exegit, etiam pro sua portione causavit: pro sua portione inquam, non quia non quodlibet peccatum, aut non quilibet peccator, totius integræque Passionis Christi author sit: sed quia nec unum aliquod solum peccatum, nec unus aliquis solusque peccator, sed omnia & omnes. Aliiqui, nisi hoc verum esset, quomodo diceret Pater Æternus à se *Filium suum percussum, propter scelus populi sui?* quomodo diceretur, *posuisse in Filio iniquitates omnium nostrum?* quomodo diceretur Christus, *Agnus Dei, qui tollit peccata mundi?* quomodo diceretur, idem *Agnus occisus esse ab origine mundi?*

Ah quanta mihi, quanta unicuique hominum materia dolendi, lugendi, erubescendi? quanta obligatio poenitentis, patiendi, redamandi? quandoquidem videmus, quòd antequam adhuc essemus, jam tamen inimici eramus, nec inimici solum, sed etiam perduelles, & Deicidæ, & nihilominus cum adhuc tales essemus, reconciliati sumus Deo Patri, per Christum. Et indignamur nos dæmonum in Christum malitiæ, odimus Iudaicam nequitiam, execramur Pilatum, Herodem, Iudam, aliosque: & non attendimus, quòd nos magis ipsi sumus odio, execratione, detestationeq; digni, qui totius diabolicæ, Iudaicæ, aliorum omnium malitiæ, sumus causa, & insuper etiam horum omnium, in scelere exsuperatores, atque transgressores, adeò, ut nulla sit inter illorum nostramque malitiam proportio, quoniam etsi horum omnium in Christum malitia non sævisset; adhuc tamen nostra peccata sanguinis, & Passionis, & mortis Christi, & occasio, & causa, & administra fuissent. Ita ut longè furiosius, longèque obstinatiùs, longè denique malignissimà impotentia efficacius, nostra scelera clamaverint, illas voces, *Crucifige, Tolle, Sanguis ejus super nos, & super filios nostras.* O si hæc intimis sensibus cordis nostri capere possemus?

Isaia

53. 8.

Ibid. 6.

Ioan. 1.

29. Apoc.

13. 8.

Rom. 5.

10.

ô si intimâ mente scelerum nostrorum omnium singulorumq; cognoscere atque penetrare laboraremus immanitatem! ô si aliquando cogitationes dignas obligationi nostrâ in IESVM, dignas charitate IESV erga nos, assumeremus, nec unquam deponeremus!

M O D V S XII.

DVodecimus Passionem Dominicam meditandi modus est: Assumere instrumenta extrinseca Dominicæ Passionis, quæ servierunt ad dolores ignominiasque Christi. Ejusmodi sunt funes, catenæ, lora, fustes, ligna, gladii, faces, pugni, palmæ, ungues, sputa, calcanei, genua, flagella, virgæ, spinæ, arundo, purpura, myrrha, fel, acetum, crux, clavi, mallei, lancea, titulus crucis, velum oculis obductum, vestis alba, alex seu sortes, spongia, hyssopus: ab his omnibus instrumentis, sua portio pœnarum & ignominiarum, Christo obvenit. Quæ consideratione expensæ, fructum in anima meditantis possunt facere: tum excitando compassionem; tum svadendo imitationem, tum exigendo gratitudinem; tum movendo admirationem; tum spiritualem suggerendo instructionem.

Tam huic modo, quàm præcedentibus duobus, sequentibusque etiam tribus, dabit aliquam opinor, non solum cogitationum, sed etiam affectionum materiem, indiculus pœnarum Christi Domini, quem hic ex piis probatisque authoribus subijcio. Igitur Bartholomæus Saluthius Ordinis Minorum: vir piissimis & gestis & scriptis hac ætate notissimus, talem indiculum collegit contexuitque.

*Barthol.
Saluthius
in Convivio
Spiritu-
ali Post
Præfationem.*

[Devotæ revelationes Sanctissimæ Passionis Domini nostri IESV Christi, factæ ab eodem IESV Christo, Beata Mechtildi, Elisabethæ, Brigidæ.

- Elevatus est Dominus e terra per capillos, funes, -- 23.
Angustiat & cruciatus -- 170. Plagæ ad columnam 6666.
Lapsus in terram ab horto usque ad domum Annæ - 7. Lapsus in plateis cum tenderet ad montem Calvarix - 5. Alapæ
" in faciem 302. Guttæ sanguinis effusæ 118225. Pugni in faciem 20. Verbera super crura - 32. Verbera lethifera - 19.
" Verbera pectori atque capiti inflictæ - 21. Verbera cæteris

majora

ad Calvariam

majora - 72. Puncturæ ex frequentata Coronæ impositione & detractiōe - 1000. Pedum pulsationes - 140. Suspiria è pectore emissæ 109. Lethalis ad columnam allissio - 1. Lethiferæ allissiones - 3. Sputorum conspurcationes, cum humi jaceret super crucem extensus - 73. Milites in Christum armati - 118. Horum è plebe afflectæ - 230. Vulnera livida - 1199. A quibus est ductus & ligatus - 3. Per barbam tractus & laceratus - 78.

Aliæ revelationes, de eadem Sanctissima Passione, factæ ab eodem IESU, alteri devotæ personæ.

Vulnera in Capite - 3. Pugni in oculos - 3. Pugni in genas atque os, per quos effluebat sanguis ex ore & naribus, quo ictu duo sunt excussi dentes - 5. Percussa corona arundinibus & baculis, vi quàm maximâ - 40. Lapsa & deposita corona est - 8. Spinæ, quæ perterebrarunt cranium, & ad cerebrum usque infixæ sunt - 5. Spinæ fractæ, quæ in ipsa morte cerebro infixæ remanserunt - 3. Guttæ sanguinis ex spinarum puncturis rorarunt - 3000. Exspirationes in faciem - 100. Vellicationes narium - 20. Vellicationes auricularum - 30. Verbera in cervicibus - 25.

Hactenus Saluthius in Convivio spirituali Amatoris IESU post Præfationem.

A Landspergio verò hæc ita referuntur.

[Legitur revelatum, Christum Dominum percussum in facie alapis - 102. Pugillis - 120. In ore præcipue - 30. Calceis - 140 vicibus, percussionibus in brachiis - 62. In pectore - 28. In cruribus - 32. In humeris, & dorso - 80. Consputum in facie - 63. Per terram tractum capillis - 27. In Capite transpunctum punctiōibus 1000. Flagellorum ictibus percussum 6666. Denique in toto corpore affectum vulneribus - 5475.]

Hæc Landspergius, Sermones de præcipuis effectibus, & virtutibus, in Passione Christi nobis exhibitis, & apud Iosephum Speransa Puncto 154. Script. Select.

Decimus tertius modus Passionem Domini meditandi est, assumere varios Christi Domini in Passione sua situs, & considerare quid unoquoque egerit, actumve cum illo fuerit, & passus sit. Consideretur. v. g. IESVS procumbens ingenua, & prostratus in faciem suam inter orandum in Horto. Consideretur obviam Iudæ, hostibusque prodiens, ad osculum admittens, hostes verbo prosternens. Consideretur IESVS captus, ligatus, ad Urbem & Annam tractus. Consideretur stans coram Anna, coram Caïpha, coram Concilio, inter satellites, inter custodes, totâ nocte vinctus, abjectusque jacens, aut semipendens catenatus, compeditus. Consideretur stans rursus manè coram Concilio, coram Pilato, Herode, rursusque Pilato. Consideretur in viis istis vadens, rediens, à Caïpha ad Pilatum, ab hoc ad Herodem. Consideretur ad columnam nudatus, ligatus, verecundus, tremens, cinctus carnificibus, ludibrium spectatorum, flagellis concisus. Consideretur religatus à columna, vestes suas hinc inde sparsas, colligens, sanguineis glomis vestigia signans, vestes induens. Consideretur à militibus rursus raptus, exutus vestibus, sedere in frusto saxi aut trunci iussus, chlamyde intectus, spineo ferto rediitatus, arundinem manu gestans, adoratus, consputus, colaphisatus, aue Rex salutatus. Consideretur ultimùm Barabbæ collatus, & postpositus, ultimâ sententiâ capitis damnatus, cruce onustus ex urbe pergens, montem ascendens.

Consideretur in monte jam stans, exutus vestibus, in crucem abjectus, in ea expansus, affixus, consputatus, elevatus, constitutus.

Consideretur in Cruce pendens, à Civitate averfus, omnia elementa commovens, ab universitate rerum planctus. Cum lachrymis & clamore valido orans etiam pro inimicis, extremè siti laborans, aceto tractatus, serpentinis linguis undiq; laceratus. Latroni Paradisum donans. Matris curam gerens. Patri animam in manus tradens, capite ad reverentiam inclinato. Consideretur lanceâ in latere post mortem sauci-
us, sanguinem & aquam effundens. Consideretur datâ li-

centiâ

centiâ à Praside, de Cruce alienis manibus depositus, unguentis unctus, linteo mundo involutus, sepulchro conditus, & advoluto lapide clausus. Omnia ista immensitatem materiæ meditantî suggerunt, affectuum, doctrinarum.

M O D V S XIV.

Decimus-quartus modus meditandi Passionem Domini est. Assumere dolores Christi injuriasque omnes, primum, quas perpeſſus est totâ nocte ab horto usque ad Caiphanum carcerem: ubi Christus inter improbissima mancipia miserabilem noctem transegit, usque ad lucem: postmodum, quas perpeſſus est, à prima luce, primoque matutino concilio, à quo iterum damnatus, victusque ad Pilatum ductus, demum sine ulla quiete, perpetuò cum doloribus, contumeliis, atque improbitate hostili conflictatus est, donec horâ nonâ Spiritum Patri Æterno tradidit, tandemque de Cruce depositus ac sepultus est. Potest adhuc meditandi modum fervire illa Pauli de se assertio. *Nocte & die, in profundo maris fui.* Revera enim Christus in profundo mari Passionis suæ agitatus, ac demum naufragium passus, à ceto mortis, tanquam Ionas, absorptus fuit: ut verè per Prophetam prædixerit. *Veni in altitudinem maris, & tempestas demersit me.* Et. *Circumdederunt me aquæ usque ad animam: abyssus valavit me, &c.*

2. Cor.

11. 25.

Ionæ 2.

1.

Psal. 68.

3.

Ionæ 2.

6.

M O D V S XV.

Decimus-quintus Passionem Domini meditandi modus, proximo vicinus est, Assumere omnes horas Passionis Christi, & expendere quid in singulis Passus sit. Numerantur universim horæ octodecim, quibus Passio Dominica duravit. Verùm ne minuta sit distributio, commodè sic fieri poterit.

1. Circa mediam noctem Hortum ingressus oravit, sudavit, quievit. 2. Post medium noctis, osculo traditus, captus, ad Annam, Caiphanque deductus; reliquum noctis inter injurias spurcissimorum scurrarum insomnis transegit. 3. Mane Caiphae, Concilioque ejus denuo presentatus, damnatus, ligatusque est. 4. Horâ primâ stetit coram Pilato, examen subiit

subiit & accusationes, Herodi missus, ab eodem illusus, Pilato remissus est. 5. Horâ tertiâ flagellis cæsus, spinis coronatus, ad mortem damnatus est. 6. Horâ sextâ seu meridianâ in crucem actus est. 7. Horâ nonâ, postquam tribus horis in cruce vivus, & orans, & lacrymans, à totoque vicissim universo planctus esset, inclinato capite tradidit spiritum, 8. Circa vespertinam horam, de cruce suorum manibus sublatus, conditus aromatibus, sepultus est. Istas Passionis Christi horas, quotidie in suis canonicis horis Ecclesia Catholica ferè ad amissum servat, recollective tam in majore officio, quàm in minoribus, proinde commodissimè etiam meditationi deservire hæc ipsa horarum distinctio poterit. Sanctus Bernardinus Senensis decem horas Passionis Dominicæ assignat, cujus verba proderit hoc loco apponere, datura lucem supra dictis. Sic igitur ait. [Præterea dicere possumus Christum Passum & Crucifixum, esse Horologium cordium religiosorum, distinguens horas diei & noctis: quod quidem in Horologio Ahas mysticè designatur: in quo sol descendit decem lineis, quia per decem horas humiliatus est Christus pro nobis in sua Sanctissima Passione. In cujus honorem decem dicuntur horæ. *Primo* Completorium in honorem venditionis. *Secundo* dicuntur matutina, quæ distinguuntur in tres nocturnos: in rememorationem illius injuriæ, quæ facta est ei tribus locis in illa nocte. Scilicet in Horto, in domo Annæ, & in domo Caiphæ, conspuendo, deludendo, atque percutiendo. *Quinto* Laudes in memoriam Criminis impositi in fine noctis. *Sexto* Primam. In memoriam accusationis coram Pilato. *Septimo*. Tertiam. In memoriam flagellationis in domo Pilati. *Octavo* Sextam. In memoriam bajulationis Crucis & Crucifixionis cum ferreis clavis. *Nono*. Nonam. In memoriam mortis & apertionis lateris. *Decimo*. Vesperas. In memoriam sepulturæ, ut in qualibet prædictarum horarum mens devota sentire possit dulcedinem Dominicæ Passionis.]

10. 3. ser.

56. ar. 4

3tie par.

Dom.

Pass. 1.

4. Reg

20. 10.

M O D V S XVI.

Decimus sextus meditandi Passionem Dominicam, modus est: Expendere quadruplicem dimensionem Passionis ipsius, Longitudinem scilicet, Latitudinem, Altitudinem & Profunditatem.

Longitudo Passionis Christi, spectari potest in tempore, quo duravit. Duravit autem primum toto vitæ ejus tempore, ab instanti conceptionis: Quia enim ab illo puncto, perfectissime cognovit omnia, quæ passurus erat, eaque semper præsentia ob oculos mentis habuit, idcirco omnibus & singulis vitæ momenti cruciatus est acerbissime: adeò, ut non nisi per miraculosam potentiam impediretur in eo effectus hujus cruciatûs interioris, qui connaturaliter talis esse totâ vitâ ejusdebuit, qualis fuit semel in horto, quando tristis fuit ejus anima usque ad mortem, & quando factus in agonia sudavit sanguine, id ipse Dominus expressit aliquando, cum dixit, *Baptismo habeo baptisari, & quomodo coarctor usque dum perficiatur?* Item. *Ecce ascendimus Hierosolymam, & filius hominis tradetur.* Deinde actualis Passio Domini duravit per horas octodecim continuas, in quibus Dominus nullam requiem habuit, nullam dolorum mitigationem, sed potius perpetuum incrementum, prioribus durantibus, novis autem accedentibus; una, & sola tam diuturna, perpetuaque statio, & fatigatio ex perpetua agitatione, raptationeque Domini, à loco ad locum, à Iudice ad Iudicem, à supplicio ad supplicium, sufficiebat exhaustire omnes Domini vires, & ad extrema adducere vitam ejus. Tum verò sanguinis effusio tam larga, vulnerum multitudo tanta, poenarum simul afflictorum concursus, confusio, varietasque studiorum, & affectuum, persecutorum furentium; Sitis etiam, & ariditas viscerum, ex poenis, ex fatigatione, ex doloribus, ex vulnerum strictura nascens, urens, duransque tanto tempore, quæ non exhausisset vires, quos non cruciatus cumulavit?

Latitudo Passionis Christi, spectari potest, penes multitudinem varietatemque cruciatuum, dolorum, injuriarumque illius. Nam si attendas corpus Christi, diffusa erat Passio per omnia ejus membra, à planta ad verticem; cumulatam insu-

*Vide Bel-
lar. de
gemitu
columba
lib. 2.
c. 3.*

*Luca 12.
50.
Luca 18
31.*

per etiam vulnus super vulnus, immo & dolor dolori; tormentumque tormento superadditum; itaque nullum membrum Christi fuit sine cruciatu, corpus totum multis millibus verberum, vulnorumque discissum fuit, ad ipsum etiam cerebrum, sacri capitis, penetravit crudelitas, lingua, dentes, oculi, fauces, viscera, nervi, venæ, muscoli, quantumvis latentes habuere suos cruciatus. Si attendas Animam Christi, omnes Animæ potentia, omnia bona & dotes animæ, habuere tantò majus tormentum suum, quantò Anima nobilior & purior est Principium dolendi, sentiendi que mala; hinc tristitia, tœdium, pavor, mœror Christi, fuit usque ad mortem, scilicet par morti, sufficientique ad causandam mortem. Si attendas externa & fortunæ bona: omnibus exutus est: & extrema in nuditate rerum omnium mortuus est, adeoque ipso etiam aëre, quem spiraret, privatus: sepulchro alieno conditus est. Si attendas virtutes morales, in omnibus quoque passus est Christus, non eas amittendo; sic enim eas potius in perfectissimo gradu exercevit, sed quia illis caruisse creditus, & traductus est. Vnde consequenter, si attendas honorem, & famam, nomenque bonum, omni illo radicitus exutus est, & cum iniquis reputatus, & antiochasticè seductor, impostorque vocatus, seditiosus, ambitiosus, perduellis, & his omnibus major blasphemus, pseudopropheta. Si attendas instrumenta, quibus cruciatus est, ea tam multa, quàm dira fuere, vincula, catenæ, palmæ, pugni, calces, flagra, virgæ, spinæ, clavi. Denique si attendas ipsa poenarum genera, in numerum non venient. Si à quibus Passus? omnes omnino res in Christi necem conspirant, ipse etiam Pater Æternus, immo ipse Christus, & pæne dicam hic ipse solus maximus sui fuit cruciator, cruciatuumque; non solum author, sed etiam adauctor, & irritator: licet enim in potestate habuit non mori, voluit tamen mori, & licet in potestate habuit impedire poenas, aut sensum earum, tollendo, vel minuendo, nihil horum fecit, sed potius & viribus poenas, & poenis vires suas servavit æquavitque, insuperque ampliores, novas, longiores sitivit. Accessere authores alii poenarum, demones scilicet, Iudæi, Gentiles, &c.

Altitudo Passionis Christi, spectari potest penes gravitatem acrim-

tem
narum
stiper
aque
vacitat
extern
in nul
confer
nas ul
mole d
vivaci
gnitat
subje
infati
sangu
tam si
ejus:
& pro
ribus,
bus, a
Passio
omnes
Pro
tatem
purè,
stione
ab ini
ribus
Profun
Christi
& de g
fui, &
fram,
recess
realig
menti
nus l
me?

tem acrimoniâque cruciatuum, enascentem, tum ex poenarum ipsarum immanitate; tum ex carnis, & Animæ Christi perfectione, ac subtilitate, complexionisque teneritudine, atque ad sentiendum quidlibet molestum, capacitate & vivacitate; tum ex amotione omnis solatii, tum interni, tum externi, quo se Christus absolutè privaverat atque exuerat; in nullo sibi auxilium ferens, præterquam in sui, viriumque conservatione, ad hoc unum, ut durare sentireque posset poenas usque ad finem, non permittendo in se obtundi sensus mole dolorum & acerbitate, sed eandem sensibus tribuendo vivacitatem in omni poena poenæque duratione: tum ex Dignitate, Sanctitate, Innocentia, Beneficentia, meritisque subiecti Patientis & Personæ: tum ex summa implacabili, insatiabilique rabie hostium, rapientium atque trahentium, sanguinem, & dolorem, & contemptum & mortem suam, tam sitientium, quam inferentium, donec satiarentur poenis ejus: tum denique ex indignitate extrema eorum, à quibus, & pro quibus etiam patiebatur. Ex his capitibus atque fontibus, Passio Christi plenissima fuit, incogitabilibus doloribus, adeò, ut attestantibus Sanctis Patribus, Theologisque, Passio Christi excederet omnia tormenta Martyrum, immo omnes dolores hujus vitæ.

Profunditas Passionis Christi, Spectari potest penes Puritatem sinceritatemque dolorum Christi. Fuit enim Passio purè, & pura Passio, purus dolor, purus cruciatus, sine admixtione solatii, refrigerii, cessationis, immo cum incremento ab initio ad finem, non cessantibus prioribus, supervenientibus recentibus, quasi si fluctus fluctum truderet. Hanc Profunditatem seu Puritatem dolorum suorum, expressit Christus apud Prophetam dicens. *a Torcular calcavi solus, & de gentibus non erat vir mecum. b Consolantem me quasi non inveni. c Considerabam ad dextram, & ad sinistram, & non erat qui adjuvaret. d Amici quoque & notime mei, receperunt à me. e Adversum me jurabant.* Quod si adfuere aliqui, ad cumulum cruciatuum adfuere. Ergo ex vehementia hujus puritatis dolorum suorum exclamavit Dominus IESVS in Cruce. *Deus Deus meus, ut quid dereliquisti me?* scilicet in doloribus istis, absque ulla consolatione.

a Is: 63.

b Psal.

68. 21.

c Psal.

141. 5.

d Psal.

37. 12.

e Psal.

101. 9.

Matth:

27. 46.

Et si enim diligebatur á Patre, tanquam filius : et si præsentem habebat, tanquam consubstantialem : non habebat eum tamen, tanquam consolatorem in malis : sed perinde ac si nihil pertineret ad eum de Christo, ac si Filius ejus non esset, ita permissus est demergi in cruciatibus, & demum etiam abforberi morte. Hæc omnia immensam exhibent meditati materiam, condignorum affectuum, admirationis & stuporis, compassionis & commiserationis, doloris & plandus pro se, & pro toto mundo. Erubescentiæ item ac pudoris de indignitate, de ingratitude, de abusu tanti pretii, tantorumq; laborum Christi pro nobis. de nullitate vilitateque nostrorum pro Christo ; Amoris & Æstimationis, Gratiarum actionis, Deprecationis, &c.

Serm. qui incipit le- Sanctus Bernardus, sive Anselmus, sermone de Passione Domini hanc quadruplicem dimensionem Passionis Christi & Crucis : sic explicat, & simul applicat per modum orationis ad Christum. [Illam diviniissimam crucem tuam hume-

ris meis impone : cujus Latitudo, est charitas, cujus Longitudo, est æternitas, cujus sublimitas, est omnipotentia, cujus Profundum, est inscrutabilis Sapientia. Confige illi manus meas, & pedes meos, & totum Passioni tuæ conforma servum tuum Domine. Da obsecro mihi continere ab operibus carnis, quæ odisti, & facere justitiam, quam dilexisti, & in utroque tuam quærere gloriam, & sinistram quidem meam clavo temperantiæ, dextram verò justitiæ, in illa sublimi trabecula Crucis fixas arbitror. Da menti meæ jugiter meditari in lege tua, & omnem cogitatum meum jactare in te, & dextrum pedem meum, eidem ligno vitæ clavo Prudentiæ affigere. Daut sinistram spiritus mei sensualitatem, non enervet labentis vitæ infelix felicitas, non conturbet præsentis vitæ infelicitas felix, & sinister quoque pes meus, fortitudinis clavo in Cruce tenebitur.] Vide quæ sequuntur.

Serm. 1. in Pascha Idem Sanctus Bernardus alio loco, eandem Crucis, Passionisque Christi dimensionem, sic tractat. Aliud tempus elegit (Christus) confortandis discipulis, & aliud adversariis confutandis. Interim Patientiam magis exhibet, Humilitatem commendat, Obedientiam implet, perficit Charitatem. His namque virtutum gemmis, quatuor cornua Crucis ornan-

cis orn
dientia
profund
Passion
nera Pa
Charita
& Ob
Spiritu

DE
d
noru
mus a
nostra
tum,
Pri
Recon
aboli
ea qu
bund
Sec
festati
instar
cordi
Dei q
tum
tum
dilige
statu
comm
nos, t
dend
Te
mei B
à non
quar
dem

cis ornantur : & est supereminetior Charitas, à dextris Obedientia, Patientia à sinistris, radix virtutum Humilitas in profundo. His ditavit trophæum Crucis, consummatio Passionis, cum ad Iudæorum blasphemias Humilis, ad vulnera Patiens, intus linguis, foris clavis pungeretur : nam & Charitas in eo perfecta est, quod pro amicis animam posuit, & Obedientia consummata, cum inclinato capite tradidit Spiritum, factus obediens usque ad mortem.]

M O D V S XVII.

Decimus septimus Passionem Dominicam meditando modus est : Considerare illam ut est Causa maximorum bonorum. Quia enim Passione Christi Domini redempti sumus ac salvati, ideo quidquid boni in salute redemptioneque nostra est, ei que conjunctum noscitur, vel ad eam requisitum, totum hoc à Domini Passione causatum est.

Primò, Igitur consideranda est Passio Christi, tanquam Reconciliatio Patris Æterni, & satisfactio Iustitiæ ipsius, abolitio quoque injuriæ eidem à vilissima creatura illata, & ea quidem adæquata, rigorosa, condigna, copiosa, superabundans.

Secundò, Consideranda est Passio Christi tanquam Manifestatio, exhibitio, prædicatio, expressio, & (typographiæ instar) impressio evulgatioque immensæ charitatis, misericordiæ liberalitatisque tam Dei Patris, quam Christi ipsius. Dei quidem in nos, quos sic dilexit, ut Filium suum unigenitum daret pro nostra salute. Christi autem, tum in Patrem, tum propter Patrem in nos : quos ille dilexit, quia in tantum diligere à Patre vidit, & sua vitâ, morte, sanguine, redimi velle, statutumque scivit. Amore igitur & reverentiâ in Patrem, commiseratione & clementiâ, in nos ductus, obtulit sese, ad nos, tanta licet per sua dispendia, redimendos, Patrique reddendos.

Tertiò, Consideranda est Passio Christi, tanquam ipsa met Redemptio, pretiumque omnium nostrum pro nobis, à non inspiciente, nec parco mercatore persolutum. Item tanquam abolitio & ablutio, & in mari rubro sanguinis Christi demersio peccatorum nostrorum. Item tanquam clavis Pa-

radifi coelestis. *Item* tanquam debellatio trophæumque debellati inferiorum tyranni, mortis quoque, & inferni & peccati.

Quartò, Consideranda est Passio Christi tanquam meritum ejusdem, quo meruit nobis quidem veniam & condonationem peccatorum, tam quoad reatum culpæ, quàm etiam poenæ, deinde meruit nobis quoque gratiam & justitiam sanctificantem, nec non cætera salutis bona: præterea, meruit nobis jus ad gloriam, seu ipsam gloriam æternam, valoremque bonis nostris operibus, ut possint esse digna merendæ gratiæ, gloriæque æternæ, nec non aliis donis ad salutem sanctitatemque opportunis.

Quintò, Consideranda est Passio Christi, tanquam dos, & thesaurus indeficiens, infinitusque Ecclesiæ, in Sanctificationem animarum, in ablutionem peccatorum, in expiationem poenarum, in operationem virtutum, in acquisitionem auxiliorum ad salutem necessariorum, atque efficacium.

Sextò. Consideranda est Passio Christi tanquam exaltatio, seu potius meritum exaltationis Christi. Meruit enim Passione suâ Dominus IESVS sibi gloriam corporis sui, exaltationem nominis IESV, ut in eo omne genu flectatur. Potestatem quoque Iudicis, & alia similia, quæ etiam naturaliter ex unionis gratia habuerat: habuit tamen & acquisivit eadem insuper ex merito Passionis, juxta illas scripturas.

- Lucæ 24.* Oportuit hæc pati Christum, & sic intrare in gloriam suam. Et.
20. Causa tua velut impii judicata est, iudicium & justitiam accipies. Et. Dignus est Agnus qui occisus est, accipere virtutem,
Iob. 36. 17. & Divinitatem, & Sapientiam, & fortitudinem, & honorem,
Ap. 5. 12. & gloriam. Et. Si tradiderit pro peccato animam suam, videbit semen longævum.
Isaiæ 53. Et. Si tradiderit pro peccato animam suam, videbit semen longævum.

Septimò, Consideranda est Passio Christi, tanquam iuge Sacrificium in Ecclesia, quod usque ad finem sæculi peragitur, & realiter representatur in Sacrificio Missæ, omnibus diebus, incruentè, in cultum & honorem Dei, ingratiarum actionem pro beneficiis, in impetrationem donorum tam Spiritualium, quàm temporalium, nobis ac aliis, in satisfactionem pro peccatis vivorum & mortuorum fidelium, in commemorationem ejus ipsius cruentæ Passionis atque

mortis

mortis Christi, semel à Christo peractæ seu susceptæ.

Horum similiumque bonorum causa est, eritque Christi Passio, usque ad consummationem sæculi, ex quorum consideratione haurienda est æstimatio cordialis tum Passionis, tum Passi Christi; hauriendum studium imitationis, & usus ejus; studium participationis, & adimpletionis ejus ex parte in corpore nostro, hauriendus pudor de vili æstimatione, de ingratitudine, tanti boni, apud tam multos residentis otiosæ, steriliter, indignè; haurienda admiratio tantæ liberalitatis Christi, haurienda gratitudo, atque gratiarum actio, hauriendus zelus derivandi tantam efficaciam Passionis Christi in propriam, & in aliorum salutem.

M O D V S XVIII.

DECIMUS-octavus Passionem Dominicam meditandi modus. Considerare illam, tanquam effectum & fructum, Primò quidem peccatorum totius mundi. Non quòd nostra peccata mori Christum fecerint, coëgerintque quasi nolentem; sicut enim nemo potestatem in Christum habuit, ac multò minus peccata. Sed quòd peccata Majestatem Dei læserint, & contempserint, voluntatem ejus violaverint, iram Dei provocaverint, & justitiam concitaverint, hostemque hominibus Deum fecerint, qui placari non potuerit, nec voluerit, nisi per reparationem læsæ violatæque Dignitatis, Voluntatis, Iustitiæ suæ, & quidem adæquatè, condignè, adrigorem; id verò fieri nullis puræ creaturæ viribus, ac meritis, non tantum unius alicujus, sed neque omnium simul potuerit, sed necesse fuerit parem Deo in dignitate personam reconciliatricem, satisfactricemque ad id intervenire, quæ nusquam exstabat, nisi apud solum offensum læsumque Deum: hoc satis sciens Pater cœlestis, misericordiâ purâ ex sese motus, super homines pereuntes, perditosque æternaliter, dedit Filium suum unigenitum, coæqualem, coæternum, consubstantialem sibi, dedit, inquam, in redemptionem, & salutem mundi, fecit illum incarnari, similem hominum per omnia absque peccato fieri, ei que imposuit peccata totius mundi, præterita, præsentia, futura: dedit etiam illi præceptum moriendi pro nobis, peccataque nostra expiandi, Majestatem suam

suam læsam, iramque & iustitiam reparandi, ac placandi, nosque cum Patre in gratiam revocandi, ac de diaboli servitute eruendi, decretumque ac chirographum mortis rescindendi. Cui Patris mandato usque adeo Filius non contradixit, ut etiam ultro ac sponte, propter amorem reverentiamque Patris, propter miserationem & liberalitatem erga nos, mortem acceptaverit, subierit, omnemque salutem nostram operatus sit, atque consummaverit. Sic ergo peccata nostra radicaliter & occasionaliter occiderunt Christum, sic sumus omnes Christicidæ, & rei sanguinis ac mortis ejus, quia aliter aboleri peccata nostra non poterant, nisi sanguine & morte ejus. Atque ita Passio Christi, est effectus peccatorum nostrorum omnium.

2. Est verò præterea Passio Christi, effectus charitatis & miserationis Paternæ super nos.

3. Est quoque effectus Voluntatis ejusdem Æterni Patris, quâ imperavit Christo mortem pro nobis.

4. Est adhuc Passio Christi effectus bonitatis, charitatis, miserationis, liberalitatis ipsius Christi erga nos.

5. Obedientiæ autem & reverentiæ, & charitatis erga Patrem.

6. Est quoque effectus malitiæ & invidiæ dæmonum, ac Iudæorum: quorum manus, dum suo incumbabant scelere, famulatae sunt Salvatori.

7. Super omnia porro consideranda est Passio Christi, secundum quod est effectus peccatorum meorum propriorum, etiam horum, quibus Christum offendo: ac per hoc nihil aliud ago, quam quod non satis mihi sit fuisse olim reum mortis Christi, nisi etiam hodie, & quotidie idem facinus repetam, iterumque & iterum Christum crucifigam. Ob quod, quantos exitus aquarum deducere debent oculi mei? Quis dabit capiti meo, aquam, quæ flumina, fontes, aut maria satis erunt ad explendam malitiam meam, peccatorumque meorum, nec dum cessantem à Deicidio? & cum jam Christus, per gloriæ statum mori non possit, adhuc tamen, quantum ex mea recenti præsentique malitia, peccatis meis quotidie & assidue crucifigitur, & omnes Passionis suæ calamitates per me repetitas sustinet. Pro! quando tandem

erit fi-

erit
modò
maliti

DE
R
Pati
at poti
hæren
tione
autem
tium
amor
quam
illis ne
bis val
diet, eff
futura
mysica
non pr
magis
gister

Pr
ut tam
verè di
celi mi
suum
toto co
tus est.
tate, at
pauper
peratis
Secu
probra
re extu
sione,
Voluit

erit finis iniquitatis meæ? quamdiu cras, cras, quare non
modò, quare non statim etiam finis turpitudinis meæ, finis
malitiæ meæ, finis ingratitudinis meæ?

M O D V S XIX.

Decimus nonus modus Passionem Christi meditandi est;
Recogitare comites Passionis Christi, seu potius comites
Patientis Christi, quos ille in omni quidem vita sua habuit,
at potissimum in Passione sua individue sibi conjunctos ad-
hærentesque retinuit, idque non absque maxima exaggera-
tione dolorum suorum, alioqui summè arduorum Fuere
autem ejusmodi comites minimùm septem, quos operæ pre-
tium est, meditando cognoscere, atque propter exemplum &
amorem Christi Domini, sibi quoque adjungere, neque un-
quam sinè illis esse, in tota hac vita. Si enim Christus, absq;
illis nec ad momentum esse voluit in hac vita: profectò & no-
bis valde expediet, esse comitatos illis, valde autem non expe-
dient, esse desertos ab illis. *Nostra enim, nostra & omnibus pro-* *Chrysost.*
futura nobis, semper loquitur Christus, & ob corrigendos nos, Ser. 2.
mystica frequentat exempla Dominus. Neque potest nobis
non prodesse, quod ad instructionem nostram, & verbo, &
magis etiam exemplo suo, præcipere nobis dignatus est Ma-
gister noster IESVS.

Primus Comes Christi fuit Paupertas, ea quidem tanta,
ut tam nascens, quàm vitam agens, quàm denique moriens,
verè dicere potuerit Christus. *Vulpes foveas habent, volucres* *Matth.*
celi nidos, Filius autem hominis, non habet ubi caput reclinet *8. 20.*
suum. In Cruce siquidem moriens, pendulo capite, nudoq;
toto corpore mortuus, demum & alieno in sepulchro condi-
tus est. Fuit verò Christus pauper, sinè dubio quidem volun-
tate, attamen voluit videri omnino pauper necessitate, etiam
pauperculorum Parentum Filius, à quibus sola ad eum Pau-
pertatis hæreditas perveniret.

Secundus Comes Christi, fuit Contemptus, ignominia &
probra; quem Comitem sicut secum etiam ex materno visce-
re extulit; ita per totam vitam reliquam, at maximè in Pas-
sione, & morte, usque ad sepulchrum secum circumduxit.
Voluit Dominus IESVS esse contemptissimus, ut fuit: fuit

autem ita, ut nihil non ceciderit in eum contemptiōis, nihil infamiae, dedecoris nihil: in ipso contemptu contemptibilis fuit, omnesque eum merito despici crediderunt. *Vidimus eum despectum & novissimum virorum* (ajunt apud Prophetam) *& nec reputavimus eum*: & quis reputasset eum, qui fuit *vermis & non homo, opprobrium hominum*: & *abjectio plebis, parvulus in gentibus, & contemptibilis valde*. Quid contemptibilis eo, qui reputatus est insanus, furiosus, daemoniacus, stultus, impostor, pseudopropheta, seductor, mendax, scurra, seditiosus, blasphemus, pejor latronibus, furcifer, archipatibularius, ortu denique opificio, vitae genere, morte, fordidissimus, abjectissimus.

Tertius Comes Christi, fuit Dolor. Certè Dominus *Iesus & fuit, & agnitus est vir dolorum, ac sciens infirmitatem*. Pilati quoque iudicio dictus est. *Ecce Homo*, quasi dolorosissimus, neque mirum, quando Deus in eo posuit infirmitates omnium nostrum, an verò paucae sint totius mundi infirmitates, quisque iudicet. Fuit ergo vir dolorum, bajulus dolorum, centrum & locus, & sedes dolorum. Dolores enim omnes omnium nostrum pertulit in corpore suo, & in Anima sua. Idque potissimum in Passione & morte sua, quae non tam dolorosa, quam dolor ipse excessusque doloris fuit. Unde clamavit. *O vos omnes qui transitis per viam, attendite & videte, si est dolor, sicut dolor meus.*

Quartus Comes Christi, fuit Labor. Testatur ipse, vitam suam fuisse *in laboribus à juventute sua*: ac tota quidem Christi vita laboriosa fuit, sed maximè Passiōis tempus, in quo Gigas ille omnes vires suas exhausit, & attrivit, portando peccata mundi, & laborando in peccatis nostris, magis etiam in peccatorum nostrorum poenis exhauriendis. Ostendit hoc sudor sanguineus, & aliàs sapius effusus cruor violentissimam sanè ratione, flagris, spinis, clavis, tusionibus, fossionibus, quem certè non expressere deliciae, sed labor plusquam giganteus. Multo scilicet labore sudatum est à Christo, ut exiret ab uno quoque nostrum, nimia rubigo ejus: & heu! necdum egressa est hactenus. Adam in sudore vultus, pane vesci iussus est; at Christus, nec in sudore sanguineo satis potest.

Quintus Comes Christi fuit, Sterilitas atque Inutilitas.

Etc-

Etenim tam immanibus Passionis suæ sumptibus, quibus millia mundorum emere potuit, paucos solummodo electos, efficaciter emit. Moriens, vix unum fidelium habuit in mundo, ascendens in coelum 500. reliquit. Tantæ sementis, tantilla messis. Nec uberiorem hodieque messem habet Christus Passionis suæ; & non dico id de hominibus paucis, qui verè in eum credunt, sed dico etiam de credentibus ipsis, & credentibus quidem, ut videtur verè: qui tamen paucissimos atque sterilissimos ei fructus virtutum, perfectionis, amorisque repræsentant. De mille electis, vix una columba, vix una speciosa, vix una perfecta anima. Neque habuit in Passione sua Christus, ullum amariorem cruciatum, hac paucitate electorum, collatâ immensitati reproborum; & hac sterilitate ipsorum electorum, comparatione perfectorum. Propter quod optabat & siciebat alios novos cruciatus, ut augerentur electi, ut augerentur saltem perfecti. O Anima, quæcunque sortita es electionem! adde etiam perfectionem, & consummatam sanctitatem.

Sextus Comes Christi, fuit Ingratitudo. Quid enim fuit aliud Passio Christi, nisi ingratitude effectus? aut quam myrrham primam messuit Iesus in horto suo, sanguine, poenisque rigato, & culto, nisi ingratitude? Omnium laborum, meritum, benefactorum Christi, hic fuit fructus, hæc messis: ingratitude. Neque id olim tantum, etiam nunc, nihil aliud reportat Iesus fructus ex nobis pro suis meritis, atque gratis, nisi unam ingratitude. Colligis sanè Domine Iesu à me, & ex me aliud nihil, quàm mala pro bonis, pessima pro optimis, ingratitude pro beneficiis, contemptum pro honore, odium pro amore, convitium pro laude.

Septimus Comes Christi fuit, Impedimentum seu Præpeditio. Parùm enim erat, quòd ipsi non reciperent Christum, etiam alios impediabant, ne reciperent; immo cogebant, ut abnegarent. Claudebant coelum sibi & aliis, nec ipsi introierunt, & alios non permiserunt. Denique causam procuratæ necis Christo, audi. *Videtis* (ajunt) *quia nihil proficimus, ecce mundus totus post eum abiit.* Ne ergo abiret post eum mundus, statuerunt eum tollere de mundo. Et aliàs

Lucæ 11.

52.

Ioan. 12.

19.

a *Luca 11.* quidem a *opprimebant os ejus*, aliàs repleti zelo, b *præcipi-*
 52 *ture* eum volebant, de montis supercilio, aliàs c *Lapidare*
 b *Luc. 4.* tentaverunt, aliàs d *Civitate sua excluderunt*, aliàs decreve-
 29. runt omnem eum fieri e *extra Synagogam*, qui confiteretur
 c *Ioan. 10.* eam esse Christum: tandem, negaverunt eum ante f *faciem*
 31. *Pilati*, petentes sibi virum homicidam dimitti, authorem au-
 d *Luc. 4.* tem vitæ interfici. Et fecerunt demum in eo, quæcunque vo-
 29. luerunt, id unum totis conatibus nequitiae laborantes effice-
 e *Ioan. 9.* re, ut eraderetur nomen ejus de terra, & non memoraretur
 22. nomen illius in aeternum, sed sepeliretur inter mortuos
 f *Act. 3.* sempiternos. Ita Christi & vita, & Passio, & mors, tota
 13. contradictio fuit, tota impeditio, tota laborum, doctrinae,
 exemplorum, meritorum, sanguinis, dolorum, & mortis
 fuit evacuatio. Quæ utinam etiam nunc non sit illi similis.
 Sed & nunc non minus, quam olim Christo, ejusque legibus,
 & moribus, & morti contradicitur.

Hos comites etiam sibi assumere debent semper, & ubique,
 veri Christi discipuli, atque sectatores. *Non enim est discipulus*
supra magistrum, nec servus major Domino suo. Hos comites
 10. 24. habere coguntur vel nolentes omnes illi, qui piè vivere vo-
 lunt in Christo, qui aliquid laborare pro gloria Christi, qui
 aliquatenus supra vulgum altius vitæ perfectionem sanctita-
 temque attollere volunt, qui alienæ salutis bonum aliquod
 vel exiguum procurare, promoverique cogitant, illico enim
 talis quilibet, seminiverbius, turbator fratrum, seductor, no-
 vorum demoniorum annuntiator, illusor, insanus, in furo-
 rem versus, supplicio & cruce dignus, audiet. Hos comites,
 qui habere abnuvit apud se, is renuntiavit Christo, is non est
 dignus Christo, nunquam induet vel modicam similitudi-
 nem Christi, nunquam vel modicum aliquid faciet, dignum
 suâ, vel proximi salute, ac perfectione, gloriâque Christi, sed
 erit semper arundo vento agitata, lepusculus, plebs invalida,
 inimicus Crucis Christi, & prope-modum, immo revera, an-
 tichristus; dicente Domino ipso, de tali quolibet. *Qui non*
est mecum, contra me est. Proinde hoc signum sit, omnibus
 meditatoribus Passionis Christi, omnibusque profitentibus
 amorem & imitationem Christi, eatenus se utiliter & genui-
 ne meditari Passionem Christi, si hunc spiritum medullitus,
 reque

reque ipsâ, ex ejus consideratione hauferint, ut totum hunc
Christi comitatum sibi faciant gratum, reddant fami- *Rom. 8.*
liarem, habeant perpetuum; qui hunc spiritum Christi non ha- *9.*
bet, hic non est ejus.

M O D V S XX.

Vlgesimus Passionem Dominicam meditandi modus est;
Expendere in ea 1. Opus. 2. Modum. 3. Causam. Ex-
pendit hoc suo more Bernardus, cujus verba proinde appo-
no.

[In Domini igitur Passione Fratres, tria specialiter convenit intueri: Opus, Modum, & Causam. Nam in opere quidem, Patientia; in Modo, Humilitas; in Causa, Charitas commendatur. *Patientia* autem singularis, quod videlicet cum supra dorsum ejus fabricarent peccatores, cum sic extenderetur in ligno, ut dinumerarentur omnia ossa ejus, cum fortissimum illud propugnaculum, quod custodit Israël, undique foraretur, cum foderentur manus & pedes, sicut Agnus ad occisionem ductus sit, & tanquam ovis coram tondente non aperuit os suum: non adversus Patrem murmurans, à quo missus fuerat: non adversus humanum genus, pro quo, quæ non rapuit exsolvebat: non denique contra populum ipsum peculiarem sibi, à quo pro tantis beneficiis, tanta mala recipiebat. Plectuntur aliqui pro peccatis suis, & humiliter sustinent: hoc ipsum tamen eis ad Patientiam reputatur. Flagellantur alii non tam purgandi, quam probandi, coronandique, & major in eis Patientia comprobatur, & commendatur. Quomodo non maxima censetur in Christo, qui in funiculo hereditatis suæ, ab his quibus specialiter advenerat Salvator, crudelissimâ morte muldebatur, sicut fur: nullum omnino peccatum, nec actu proprio, nec contractu, sed nec in quo crescere posset, habens: Ita ergo in opere habes Patientiam.

Nam *Modum* ipsum si diligenter attendas. Non modum, sed & humilem corde cognoscis. Nempe in Humilitate, Iudicium ejus sublatum est, cum nec ad tantas blasphemias, nec ad falsissima, quæ sibi obijciebantur crimina responderet. Vidimus (inquit) eum, & non erat ei aspectus.

Nec

Fer. 4.
 Hebdo-
 mad.
 Penose,
 seu san-
 cta, post
 initium.

„ Nec speciosum formā præ filiis hominum, sed opprobrium
 „ hominum, & tanquam leprosum, novissimum virorum, pla-
 „ nē virum dolorum, à Deo percussum & humiliatum, ita, ut
 „ nulla esset ei species, neque decor. *Q* novissimum & Altissi-
 „ mum! ô humilem & sublimem! ô opprobrium hominum,
 „ & gloriā Angelorum. Nemo illo sublimior, nemo humi-
 „ lior; denique sputis illitus est, opprobriis saturatus est, morte
 „ turpissimā condemnatus est, cum sceleratis reputatus est.
 „ Nihilne merebitur vel ista Humilitas, quæ hunc habet mo-
 „ dum, immo quæ tam est ultra modum? Sicut est Patientia
 „ singularis, sic & Humilitas admirabilis, utraque sinē exem-
 „ plo.

„ Vtramque tamen, magnificē *Causa* ipsa commendat.
 „ Nimirum Charitas est. Propter nimiam siquidem charita-
 „ tem suam, quā dilexit nos Deus, ut servum redimeret, nec
 „ Pater Filio, nec sibi Filius ipse pepercit. Verē nimiam, quia
 „ & mensuram excedit, modum superat, planē supereminens
 „ vniuersis. *Majorem* (inquit) *charitatem nemo habet, quā*
 „ *ut animam suam ponat quis pro amicis suis.* Tu majorem ha-
 „ buisti Domine, ponens eam etiam pro inimicis. *Cum enim*
 „ *adhuc inimici essemus*, per mortem tuam, Tibi reconciliati
 „ sumus & Patri. Quānam alia videbitur esse, vel fuisse, vel
 „ fore huic similis charitati? vix pro iusto quis moritur, tu
 „ pro impiis Passus es, moriens propter delicta nostra, qui
 „ venisti gratis iustificare peccatores, servos faciens fratres, ca-
 „ ptivos cohæredes, exules Reges. Nec sanē aliud aliquid Pa-
 „ tientiam hanc & Humilitatem æquē illustrat, quā quod
 „ tradidit in mortem animam suam, & peccata multorum
 „ tulit, etiam pro transgressoribus. rogans, ut non perirent.
 „ Hactenus Bernardus.

lib. 2.

Theol.

myst. Tr.

de mor-

it. P. 2.

c. 16.

Hæc eadem tria Capita, aliter expendenda proponit ma-
 gnus Contemplator, Henricus Harphius; cujus verba sunt,
 quæ sequuntur. [Bernardus ponit tres gradus exercendi se
 circa Passionem Domini, qui ab eo vocantur Opus, Mo-
 dus, Causa.

„ *Primus gradus, Opus est.* Vt recogitemus Opus Passio-
 „ nis, ad habendam compassionem, utque participes efficiamur
 „ Passionis ejus, & gloriæ, istud spectat, ad homines acti-
 „ vos & incipientes,

Secundus

Secundus gradus, Modus est, recogitare Passionis suæ modum: scilicet quā abyssali humilitate patientiā, mansuetudine, & desiderio sit Passus, ita, ut in ejus Passione inveniamus perfectionem omnium virtutum, quas ad imitandum in ipsa considerare debemus, & istud respicit præcipuè proficientes.

Tertius gradus, Causa est, recogitare causam propter quam Christus Passus est, nempe immensam Charitatem, quam per hoc nobis voluit demonstrare. Et hanc meditari debemus, ut vicissim charitati charitate respondeamus, eaq; vehementer inflammemur. Et hoc præcipuè pertinet ad perfectos. Licet hunc Amorem oporteat in omnibus, & his, & aliis quibusque exercitationibus exerceri, ab omnibus, qui in bona vita, & in via Dei proficere volunt.] Hucusque Harphius.

M O D V S XXI.

Vigesimus Primus Passionem Dominicam meditandi Modus est: Colligere & conferre bona Christi, cum malis ejus: bona nimirum quæ fecit nobis, cum malis, quæ pro eis pertulit à nobis. Quem meditandi Passionem Christi modum, ab ipsomet Domino traditum discimus, quem apud Prophetam sic conquerentem scimus. *Retribuebant mihi* (inquit) *mala pro bonis, sterilitatem animæ meæ.* Revocanda ergo sunt bona Christi, quæ ab eo accepimus, & vicissim mala nostra, quæ illi intulimus, & ex hac collatione, tum nostri servatoris Patientiam, Mansuetudinem, Bonitatemque, tum nostram in eum malitiam, ingratitude, in justitiamque agnoscamus, ac desicemus, mala pro bonis & ipsi referentes ab aliis, æquanimiter tolerare discamus. Exhibeo totum hunc meditandi modum verbis sancti Gregorii. [Admonendi sunt ægri, quatenus Patientiæ virtutem servent, ut incessanter quanta Redemptor noster ab his quos creaverat, pertulit mala, considerent, quòd objecta convitiatorum probra sustinuit, quòd de manu antiqui hostis, captivorum animas quotidie rapiens, insultantium alapas suscepit; quòd aquâ salutis nos ablueus, à perfidorum sputis faciem non abscondit: quòd vocatione suâ nos ab æternis suppliciis liberans, ta-

Ps. 34.

12.

Greg. 3.

P. Pass.

cap. 13.

in fine.

citus

„ citus flagella toleravit; quòd inter Angelorum choros peren-
 „ nes nobis honores tribuens, colaphos pertulit; quòd à pec-
 „ catorum nos punitionibus salvans, spinis caput supponere
 „ non recusavit: quòd æternà nos dulcedine deebrians, in siti
 „ sua fellis amaritudinem accepit: quòd pro nobis Patrem
 „ (quamvis Divinitate esset æqualis) adoravit, sub irrisione ado-
 „ ratus tacuit: quòd vitam mortuis præparans, ad mortem (ipse
 „ vita) pervenit. Cur itaque asperum creditur, ut à Deo homo
 „ flagella toleret pro malis, si tanta Deus ab hominibus pertu-
 „ lit mala pro bonis? Aut quis sanà intelligentià de percussione
 „ suà ingratus existet, si ipse hinc sinè flagello non exiit, qui hic
 „ sinè peccato vixit?] Hæc Gregorius, & bonis Christi in nos,
 „ mala nostra in Christum conferens, & simul quid ex hac col-
 „ latione utilitatis decerpendum sit ostendens. Non est verò
 „ difficile, majorem bonorum meritorumque in nos Christi
 „ Domini catalogum contexere, iisque omnibus, mala in Chri-
 „ stum nostra opposita, reperire. Quandoquidem & nos nihil
 „ boni, nisi à Christo, & ex Christo habemus impensum; &
 „ Christus nihil malum aut pœnosum, nisi ex nobis, & à no-
 „ bis, persensit illatum.

M O D V S XXII.

Vigesimus secundus Passionem Domini meditando, modus
 est: Mala & peccata nostra in Deum commissa colligere, & quæ pro his Christus in suo corpore supplicia pertulit, devotè dolenterque considerando, deplorare. Dubitari enim non debet, quòd Christus scelera nostra, ita in suo corpore portavit, ut ea dolendo expiaret, & expiando tolleretur: itaque debitores sumus Christo, & Passionis ejus, & expiationis nostræ, & quia ipse pro peccatis nostris, tam dira & tam indigna pertulit, & quia doloribus vulneribusque suis, nos à peccatis nostris abluit, abluendosque salvavit. Dupliciter autem potest consideratio ista fieri.

Primò quidem ita, ut is, qui meditatur, sua tantum propria peccata contraponat Passionibus Christi, expendatque quibus suis peccatis, quas causaverit Christi Passiones; & contra, quibus suis Christus passionibus, quæ ipsius peccata expiaverit.

Secundò

Secundo autem ita, ut peccata in genere, ab hominibus quibuscunque commissa, Passioni Christi componat, &c. Vterque modus, est valde utilis; proinde utrumque exponere statui; hoc tamen loco tantum priorem explicabo, sequenti modo, alterum reservans, tum propter longitudinem vitandam, tum propter aliquam, quæ inter hunc, & illum invenitur diversitatem. Porro & ipse iste modus nunc tractandus, adhuc variè fieri potest. Potest enim quis aut tantum simpliciter propria sua peccata considerare, iisque Passiones Christi, tanquam expiatrix, & sanatrices opponere, adjunctâ affectuum congruorum varietate, aut easdem proprias iniquitates, coram Christo confitendo, pro eis dolendo, earum remedia ex Christi doloribus meritisque, sigillatim poscere: aut etiam Christum ipsum has easdem iniquitates enumerantem obijcentemque simul verò remedia, ex suis cruciatibus, iis assignantem, cum devotione, cum gemitu, cum gratiarum actione, cum emendationis proposito, audire Exemplar ejus rei affero lectori ex revelationibus Pissimæ matronæ, Beatæ scilicet Angelæ de Fulgino, quæ in quodam loco sic refert.

Considerabat & intelligebat Anima mea, quod medicina esset sanguis Christi Domini: qui quidem dat sine pretio hanc medicinam: nec constat pluris peccatori infirmo, quam quod disponit se. Medicus autem Christus, dat illi salutem, & sanat infirmitatem. Animæ autem meæ ostendebantur omnia peccata, & videbat quod omnia membra haberent infirmitatem spirituales. Et ideo conabatur ostendere omnia peccata, quæ cum diversis membris corporis, cumque potentis æ viribus suis fecerat, dicebatque. O Domine Magister, medice æterne salutis, Deus meus: quique solâ flebili ostensione infirmitatum mearum, ac morborum, me curare ac sanare disposuisti; Domine cum sim infirmissima, nec est aliquid in me non corruptum, non infectum, ostendo Tibi (heu miseranda!) omnes infirmitates meas, omnia peccata mea, omnium membrorum meorum. Domine misericors, Medice, respice caput meum, quomodo illud signis superbiæ frequenter ornavi, capillos torquendo deformavi, & alia multa peccata feci. Respice Domine oculos miserabiles impudicitis

In ejus

vita

cap. 35.

19

19

19

19

19

19

19

19

19

19

19

19

19

19

19

19

pudicitia plenos, invidia infectos, &c. Sic studebam assignare
 & ostendere Christo omnia alia peccata mea, omnium
 membrorum meorum.

Auditis his omnibus cum magna patientia Christus, læ-
 tanter & cum iucunditate respondebat & ostendebat, quo-
 modo per ordinem ista omnia sanabat, & multum animæ
 meæ compatiendo dicebat. Ne timeas, neque desperes filia,
 quoniam si mille morbis & mortibus infecta esses, ac mor-
 tua, medicina, quam tibi ministrabo, sanari poteris, si tamen
 animæ tuæ & corpori ipsam applicare per devotionem vo-
 lueris. Infirmis enim Capitis quas dixisti, & multipli-
 citer ostendisti, propter quas Deo displices, atque doles in te,
 quas incurristi peccando, lavando, ungendo, colorando, or-
 nando, crines torquendo, te efferendo, superbiendo, vanam
 gloriam querendo, propter quæ in profundissimum inferni
 lacum deijci, ibique humiliari, & perpetuo tanquam vilis-
 sima reputari debebas, ego satisfeci & poenitentiam egi, atq;
 gravissimam poenam toleravi. Caput enim meum fuit tra-
 ctum, depilatum, spinis acutissimis punctum, atundine per-
 cussum, totum sanguine cruentatum, omni ludibrio & con-
 temptui viliter subjectum, & vili coronâ coronatum. Infir-
 mitatibus autem faciei, quas incurristi, similiter lavando,
 ungendo, hominibus miseris ostendendo, eorum gratiâ qua-
 tendo; ego medicinam confeci, & ordinavi, hoc est, pro pec-
 catis huiusmodi satisfeci. Nam sputis sordidissimis vilissimo-
 rum hominum, tota facies mea fuit inquinata, & deturpata,
 alapis gravissimis fuit funestata, panno vilissimo sordido fuit
 velata. Pro oculis etiam tuis, quibus respexisti vana, noci-
 va, fuisti in ipso aspectu multipliciter delectata contra
 Deum; Ego satisfeci. Oculis enim meis amarissimas fudi
 lachrymas, illos velatos habui, sanguine denique à capite
 manante balneatos. Pro auribus tuis, quibus Deum offen-
 disti, audiendo vana & nociva, fuisti in talibus delectata;
 ego maximam poenitentiam feci: nam auribus meis audi-
 vi multa, quæ multam & maximam tristitiam afferebant, scili-
 cet falsas accusationes, detractiones, insultationes, maledi-
 ctiones, derisiones, subfannationes, blasphemias, iniquam
 contra me sententiam, Actum Pissimæ Matris meæ, mihi

dolo-

dolorosissimè condolentis. Pro peccatis oris tui, & gulæ tuæ,
 quâ delectata es in comestatione, ebrietate, ciborum suavitate,
 ego habui os, fame, jejuniis, siti quæ tabefactum, aceto,
 myrrhâ, felle amaricatum. Pro peccatis linguæ tuæ, quam
 ad detractiones, calumnias, irrisiones, maledictiones, blasphemias,
 perjuriam, mendacia, & alia peccata laxasti; ego habui os meum,
 & linguam coram iudicibus & falsis testibus clausum,
 nec habui in ore meo excusationem, sed pro malefactoribus meis
 Deum toto corde rogavi, & semper veritatem prædicavi.
 Pro peccatis Odoratûs tui, quo in floribus, & odoribus delectata es;
 ego foetores abominabiles sputorum sensi, & super faciem, oculos, nares quæ meas toleravi.
 Pro peccatis quæ fecisti cum collo tuo, illud irâ, superbâ, & lasciviâ,
 agitando, & contra Deum extendendo; Ego habui collum meum,
 multiplicibus colaphis, & alapis verberatum. Pro peccatis scapularum
 & humerorum tuorum, quibus offendisti Deum, diversa contra Deum
 portando; Ego poenitentiam feci. Crucem in qua suspensus fui,
 bajulando. Pro peccatis manuum tuarum, & brachiorum, quibus multos
 amplexus malos, & tactus, & mala opera fecisti. Ego habui manus,
 crassis clavis transfixas, & in ligno affixas, & pressas,
 totum meum corpus in patibulo sustinendo. Pro peccatis cordis tui,
 quo peccasti irâ, iracundiâ, invidiâ, tristitiâ, malo amore,
 malis concupiscentiis, & cupiditatibus; Ego habui cor & latus meum
 lanceâ acutâ transfixum, ex quo medicina validissima ad curandas
 omnes cordis passiones atque peccata sufficienter manavit. Aqua enim
 ad refrigerandum malas concupiscentias, & amores, sanguis ad remittendas
 iracundias, tristitias, rancores. Pro peccatis pedum tuorum, quibus
 peccasti, choreando vanè & lascivè, ambulando & evagando;
 Ego habui pedes tortuosè non ligatos, sed transfixos, clavatosque
 in ligno Crucis, & pro talaribus rostratis & fenestratis, ego habui
 pedes sanguinolentos sanguine pedum ipsorum, totiusque corporis in eos
 defluente. Pro peccatis totius Corporis, quo peccasti, illud deliciis,
 somno, quietudine, & diversimodè delectando; Ego fui in Cruce affixus,
 terribiliter verberatus, in modum pellis tractus, & extensus in Cruce,
 sudore sanguineo totus, usque ad terram madidus,

didus, & durissimo ligno strictissime applicatus, tandemque
 atrocissimo tormento ibidem laborans, clamans, suspirans,
 flens, plorans, ejulans, mortuus sum, & à crudelissimis inter-
 fectus. Pro peccatis tuorum ornamentorum, vestium super-
 fluarum, vanarum, curiosarum; Ego in Cruce nudatus sum,
 vilissimis hominibus vestes meas, sibi diripientibus, luden-
 tibusque in oculis meis, Ego nudus sicut de virgine natus sum,
 frigori, vento, aëri, omnium hominum aspectui in alto, ut
 melius viderer, & magis iriderer, & verecundiam paterer
 expositus sum & expanlus. Pro peccatis tuarum divitiarum,
 quæ fecisti, malè acquirendo, ipsas expendendo, & retinen-
 do; Ego pauper fui non habens palatium, neque domum,
 neque tugurium, ubi nascerer, ubi vivens manerem; neque
 moriens sepulchrum habuissem, sed canibus & avibus fuisset
 dimissus, nisi quidam pietatis intuitu, & meæ miseriæ com-
 patiens, me in suum sepulchrum recepisset. Meum sangui-
 nem, meam vitam, hominibus peccatoribus sum largitus,
 & adeo nihil mihi retinui, sed in vita & morte semper pau-
 per esse volui, & permansi. Quid plura? nullum peccatum,
 nullum Animæ morbum Assignare poteris, cui ego reme-
 dium non attulerim, pro omnibus satisfecerim sufficienter,
 & pro infinitis tormentis, ac doloribus, quos misera Anima
 tolerare in inferno debebat, pro supradictis peccatis, ego to-
 taliter dolui, tormentatus sum, & cruciatus. Quod si in
 negligentia tua non remaneat, amplius dolere te non oportebit;
 dum tamen mecum hic condoleas, mihi que compatiaris,
 & pœnarum mearum, ignominiarum, paupertatis, des-
 pectuum, socia, dum hic vivis, existas.] Hæc Beata Ange-
 la seu potius, ad illam, & ad omnes nos, Christus.

M O D V S XXIII.

Vigesimus tertius Modus Dominicam Passionem meditan-
 di est: Assumptis peccatorum nostrorum singulis spe-
 ciebus sigillatim, earum gravitatem, malitiam, periculum,
 pœnam ex Passionibus Christi, doloribusque, quibus ea spe-
 cialius expiata videri possunt, ponderare ac metiri, indeque
 ad scelera quidem odium, & fugam, ad Christi autem,
 & dolorum ejus æstimationem, amorem, & gratitudinem,
 obedi-

obedientiamque sese constanter provocare. Ad hunc medi- *Ter. 4.*
 tandæ Passionis modum faciunt ista Divi Bernardi verba; *Albedo-*
 quæ adduco. [Dignus est Agnus, qui occisus est, accipere *mad.*
 fortitudinem, facere ad quod venit, tollere peccatum mun- *Panofa.*
 di. Ego autem dico peccatum triplex, quod invaluit super *seu de*
 terram. Putatis quod dicere velim concupiscentiam carnis, *Passione*
 & concupiscentiam oculorum, & superbiam vitæ? funiculus *Domin-*
 triplex est, & difficile rumpitur, propterea multi trahunt, *num. 6.*
 immo trahuntur hoc funiculo vanitatis, sed ille Passionis ter-
 narius (Charitas scilicet tam inæstimabilis, Humilitas tam
 admirabilis, Patientia tam Insuperabilis) non immerito præ-
 valet in Electis. Quomodo enim non illius Patientiæ recor-
 datio, omnem arceat voluptatem? quomodo non illius Hu-
 militatis consideratio, superbiam vitæ prorsus extundat, cum
 Charitas illa planè digna ejus meditatione, sic mentem oc-
 cupet, sic totam sibi vendicat animam, ut omnino vitium
 curiositatis exsufflet? Fortis igitur contra hæc Passio Salva-
 toris. Sed aliud ego triplex æquè peccatum, quemadmodum
 virtus Crucis expugnat, dicere cogitavi: & id fortè utilius au-
 diatur. Primum quidem *Originale*, secundum *Personale*,
 tertium, *Singulare*. Et Originale quidem, maximum illud
 delictum vocatur, quod à primo Adam contrahimus, in quo
 peccavimus omnes, pro quo morimur universi. A primo ho-
 mine usque ad novissimum protenditur, & in singulis quoque
 à planta pedis, usque ad verticem diffunditur hoc venenum.
 Sed & aliter nihilominus, in universam dilatur ætatem, ab
 ea scilicet die, quâ sua quemque concipit, usque ad eam, quâ
 communis eum recipit mater, ut nobis illud sancti Iob ex
 omni parte possit aptari. Homo natus de muliere, brevi vi-
 vens tempore, repletur multis miseriis. Nimirum ipse quoque
 natus ex virgine, immo factus ex muliere, sed benedicta in
 mulieribus, etiam brevi vivens tempore super terram, nihilo-
 minus multis est repletus miseriis, in illa brevitate appeti-
 tus insidiis, interrogatus contumeliis, pulsatus injuriis, ve-
 xatus suppliciis, convitiis laceffit. Tunc hanc sufficere
 dubites obedientiam, quâ reatum omnem primæ prævarica-
 tionis absolvat? immo verò non sicut delictum, ita & do-
 num? Nam peccatum ex uno in condemnationem, gratia

autem ex multis delictis in justificationem. Et grave quidem
omnino delictum illud originale, quod non solum personam
infecit, sed etiam naturam. Personale tamen cuique gravius
est, cum jam laxatis habenis exhibemus undique membra
nostra arma iniquitatis, peccato, non modò jam alieno, sed
& proprio crimine compediti. Singulare verò, est gravissi-
mum, quod commissum est in Dominum Majestatis, cum
viri impii, virum justum injustè occiderunt. Et sacrilegas
manus in ipsum Dei Filium, iniecerunt, crudelissimi homici-
dæ: (immo si fas est dicere) etiam Deicidæ. Quid duo præ-
cedentia, ad tertium? Ad hoc expalluit, & expavit tota ma-
china mundialis, &c. Sic omne peccatum, quantum ad
hoc peccatum, est quasi non peccatum. Et tamen hoc pec-
catum in se pertulit, qui se ipsum fecit peccatum, ut de pec-
cato damnetur peccatum; per hoc enim omne peccatum
tam originale, quàm personale deletum est, & ipsum quoque
singulare, eliminatum est per se ipsum. Argumentum mihi
est, à maximo, quòd duo minora sunt explosa.]

Hactenus Bernardus, cujus verba alicubi intercesa sunt
brevitatis causâ, & videri apud eum possunt, reliqua quæ se-
quuntur.

Hunc in modum acceptis septem mortalibus peccatis,
possunt iis septem partes Passionis Christi opponi.

I. *Superbia*, & inani gloriæ, ambitionique honorum.
Humilitas Christi, in Horto Patrem orantis, examen de do-
ctrina & discipulis, Nocturnæ injuriæ, & blasphemiæ: illu-
soria corona, purpura, arundo, postpositio ad Barabbam,
medium inter latrones, Crux, & titulus Crucis.

II. *Avaritiæ*, & Cupiditati bonorum terrenorum, Pau-
peritas usque ad nuditatem toties repetitam, direptio vestium,
sindon, aromata, sepulchrum, omnia aliena, & ex miseri-
cordia tantum impena.

III. *Luxuriæ*, Delictis, inverecundiæ, Nocturnæ apud
Caiphæ pœnæ, flagellatio immanis, nudatio, ex ea confu-
sio Christi, tam in flagellatione, quàm in aliis occasionibus,
ac potissimum pendendo in alta Cruce, totius Corporis la-
cerationes ac vulnera.

IV. *Gula*, Fames & sitis Christi, acetum, fel, vinum
myrrhatum, felle mistum.

V. *Iræ*,

V. *Ira*, Iracundiæ, impatientiæ, Mansuetudo Christi, & occurfus spontaneus hostibus. Hæc est hora vestra. Injuriz atque blasphemiz infinitæ, vincula, verbera, contemptus, dolores, falsa testimonia, iniquissimæ & malitiosæ condemnationes. Obfirmatum in omnibus silentium, nullum querulosum, aut pungens, aut confundens verbum. Oratio pro inimicis, eorumque excusatio apud Deum. Mors æquæ iniquissima, ac crudelissima, probrosissimaque.

VI. *Invidia*, Tota Passio & mors pro eorundem ipsorum salute obita, à quorum scelere manibusque obita. Dolor de peccatis, perditioneque eorum qui in se peccabant. Oratio pro eisdem. Tota item Passio, ex invidia tum diaboli, tum Iudæorum, Christo constata: quæ nec Pilatum latuit, sciebat enim quod per invidiam tradidissent eum, in manus suas. Insultationes, quas jam pendens in Cruce sustinuit, à gaudentibus de suis malis, inimicis omnibus suis. Mors denique & sepultura, quibus quantum ad mentem hostium, nomen ejus abolitum erat funditus de terra.

VII. *Acedia*, Pavor, mœror tœdium, agonia, sudor sanguineus, oratio prolixior, somnus discipulorum, Simon dormis? sic non potuistis unâ horâ vigilare mecum? fuga discipulorum, frigus, & de longinquo sequela Petri, ejusdem trina negatio, fervor furiosus, furorque fervidissimus, & constantissima malitia Iudæorum, in suæ mortis siti & cura. Strabant constanter accusantes eum: ac illi magis clamabant, Invalecebant voces eorum, magis tumultus fiebat: demum universa multitudo exclamavit. Sanguis ejus super nos, & super filios nostros. Fervor Charitatis Christi, constantia, diligentiaque in omnibus explendis consummandisque scripturis usque ad Consummatum est: immo usque ad plurius malorum tolerandorum pro nostra salute, gloriaque & obedientia Patris sitim; denique usque ad ultimam spiritus traditionem in manus Patris Eterni.

Hunc in modum, etiam peccatis quinque sensuum Corporis, peccatis Potentiarum Animæ, peccatis in virtutes Theologicas, & Cardinales, peccatis in decem præcepta, peccatis in opera misericordiz, in octo beatitudines, conferri possunt aliz alizque portiones Passionis Dominicz, quibus &

ipse

ipsa causata, & illa expiata sunt, per sapientissimam, misericordissimam, efficacissimamque Christi Domini charitatem, Passionisque Dignitatem. Ex quorum omnium consideratione: odium peccatorum, aestimatio & amor Passionis, Patientisque Christi, Gratitude, Imitatio, aliorumque affectuum, nec non virtutum exercitatio discenda, proponenda, & exercenda, & omnibus peccatis nostris medicina desumenda erit. Ad quod etiam propositum, servit efficacissima illa Divi Augustini Meditatio. [Ostenditur (inquit) nobis ad quam fragilitatem homo suam culpam pervenerit, & ex qua fragilitate divino auxilio liberetur. Itaque Filius Dei hominem assumpsit, & in illo humana perpassus est. Hæc medicina hominum, tanta est, quanta non potest cogitari.

August.

romo 3.

de Agone

christiano

cap. II.

„ Nam quæ superbia sanari potest, si humilitate Filii Dei non
 „ sanatur? Quæ avaritia sanari potest, si paupertate Filii Dei
 „ non sanatur? Quæ iracundia sanari potest, si Patientia Filii
 „ Dei non sanatur? Quæ impietas sanari potest, si Charitate
 „ Filii Dei non sanatur? Postremo quæ timiditas sanari potest,
 „ si resurrectione Corporis Christi non sanatur? Erigat
 „ spem suam Humanum genus, & recognoscat naturam suam,
 „ & videat quantum locum habeat in operibus Dei. Nolite
 „ vosmet ipsos contemnere, nolite tamen amare carnalia, nolite
 „ amare temporalia, quæ si bene amarentur, amaret ea homo,
 „ quem suscepit Filius Dei. Nolite timere contumelias,
 „ cruces, & mortem, quia si nocerent homini, non ea patere-
 „ tur homo, quem suscepit Filius Dei.] Ad hunc ipsum modum
 „ faciunt verba Divi Gregorii Nazianzeni, omnibus malis nostris
 „ impedimentisque salutis, medicinam in vita & Passione
 „ Christi assignantis, hoc modo.

Orat. I.

Apologe-

tica.

„ Huc exinanita Deitas, huc assumpta caro, huc nova illa
 „ mixtio, Deus inquam & Homo. Vnum ex utroque, & utrumque
 „ per unum. Ob hanc causam Deus animæ interventu carni
 „ junctus est, ac res inter se disjunctæ, ac dissidentes, per inter-
 „ posita rei, cum utraque earum, affinitatem & cognationem,
 „ copulatae sunt. Atque omnia propter omnia, & pro uno illo,
 „ generis nostri principe, in unum coierunt. Anima nimirum
 „ propter eam, quæ præcepto Divino, minimè paruit. Caro
 „ propter eam, quæ animæ cupiditati obsecuta est, simulque
 „ conde-

condemnata; Christus denique propter Adam, hoc est, propter eum, qui sub peccato factus est, is qui peccato sublimior ac præstantior erat. Ob hanc etiam causam, veteri novum substitutum est, & per Passionem, is qui Passus fuerat, in pristinum statum, revocatus: ac pro unaquaque nostrarum, unaquæque res, ejus qui nobis sublimior est, repensâ, novumque mysterium factum est, illa quæ circa eum, qui ob inobedientiam cecidit, per benignitatem contigit dispensatio. Idcirco generatio & virgo, idcirco præsepium & Bethleem; generatio propter effusionem, virgo propter mulierem, præsepium propter Paradisum, Bethleem propter Eden, res parvæ & conspicuæ, propter magnas & ab oculis remotas.

Idcirco Angeli, cælestis primum, ac deinde terreni gloriam prædicantes: & Pastores ob Agni, & Pastoris ortum, gloriam canentes, & stella præiens, & Magi sese prosternentes, ac munera offerentes, ut scilicet idolorum cultus everteretur. Idcirco Iesus baptismi aquâ tingitur, & superno testimonio coronatur, & jejunat, & tentatur, & eum, qui vicerat, devincit. Idcirco dæmones ejiciuntur, & morbi depelluntur, & magnæ prædicationis munus parvis hominibus committitur, & cum laude administratur. Idcirco gentes frementes & populi inania meditantes.

Idcirco lignum adversus lignum, & manus adversus manum: illæ inquam fortiter extensæ, adversus incontinentem extensam, illæ clavis confixæ, atque constrictæ, adversus remissam & solutam, illæ orbis fines conjungentes, adversus eam, quæ Adamum e Paradiso exturbavit.

Idcirco sublimitas, adversus lapsum; & fel, adversus gustum; & spinea corona, adversus pravum imperium; & mors, adversus mortem; & tenebræ, propter lumen; & sepultura, adversus illam in terram reversionem; & resurrectio, propter resurrectionem.

Hæc omnia Divinæ ejusdam erga nos disciplinæ loco erant, infirmitatisque nostræ velut medicina quædam, veterem Adamum, eo, unde exciderat reducens, & ad illud lignum vitæ adducens, à quo scientiæ lignum intempestivè & incommodè perceptum nos removerat.] Hæc Nazianzenus.

M O D V S XXIV.

Vlgesimus quartus Modus Passionem Dominicam meditando, est tripartitus, sive tria materiarum genera complectens, considerandaque assumens.

Materia I. sunt Christi Domini Passiones atque Injuriae, assumptae eo ordine, quo ab Euangelistis, Christo describuntur irrogatae.

Materia II. sunt vitia & peccata hominum, quae specialius & directius videantur fuisse causa, malemeritoria praedictarum Christi Passionum injuriarumque: & quae sint iisdem Passionibus à Christo expiata.

Materia III. sunt virtutes in iisdem Passionibus, ac injuriis Christi, seu potius in ipso Christo eas Patientem, singulariùs elucescentes, nobisque ad exemplum, & doctrinam propositae.

Harum Materiarum I. sic erit consideranda, ut praeter alios affectus effectusque, eliciatur amor, admiratio, gratiarum actio, erga Christum, qui nostras iniquitates, tantis suis aruminis redimere ad rigorem Iustitiae, sit dignatus.

II. Materia sic erit consideranda, ut ejus enormitas, malitia, poena, detestatio, odium, propositumque vitandi, & expiandi, validum concipiatur.

III. Materia sic erit consideranda, ut ejus heroica & absoluta Perfectio in Christo Domino elucescens agnoscatur, ametur, desideretur, ad imitandum instanter & sine dilatione proponatur. Exemplis res, aliquantum declaranda est.

I. Christus coepit pavere, coedere, contristari, & incoestus esse, fuitque Anima ejus tristis usque ad mortem. Hæc Christus subiit propter nostras Passionum immortificationes, concupiscentiarum rebelliones nobis familiares, & infinitorum peccatorum matrices. Timemus non timenda, non timemus timenda, &c. In his poenis elucet Christi dominium, in suas propassiones, & affectus: quibus semper usus est, ex dictamine praevis rationis; ex rationibus æternis, ex voluntate Patris Coelestis, atque ita hic habemus propositum ad imitandum exemplar mortificationis Passionum, & domini affectuum nostrorum.

II. Ora-

II. Oravit Christus inter summas afflictiones, tam præfentes, quam mox imminentes, & oravit constanter, instanter, repetitò, flexis genibus, immo facie in terram: oravit modo perfectissimo, cum omnimoda resignatione.

Hoc Christus egit, & subiit pro nostra ad orandum Deum tarditate, & raritate, pro nostra in orando tepiditate, oscitantia, inconstantia, diffidentia, pro nostra in creaturis potius fiducia, quàm in Dei auxilio, pro nostris etiam ad dæmonum auxilium recursibus, potius quàm ad Deum, pro nostris irresolutionibus inter orandum, pro nostra in adversis impatentia, murmuratione in Deum.

Elucet in his heroicus modus, usus, conatus, fructus orandi, ad Deumque confugiendi; hunc discamus, & imitemur.

III. Christus factus in agonia sudat sanguinè. Hoc Christus subiit, pro nostra laborum, difficultatumque, & incommoditatum fuga, pro pusillanimitate, & mollitie, pro tepiditate in agendo & patiando: pro exiguitate poenitentiarum, & satisfactionum pro peccatis, pro nostris conatibus, & fatigueationibus in via propriæ voluntatis, & carnis, & diaboli, & omnis iniquitatis. Elucescit heroicus & admirandus conatus in laborando pro Dei gloria, pro nostra proximorumque salute, pro vincendis tentationibus, & impugnationibus, ut usque ad sanguinem resistamus, usque ad defatigationem, Christo serviamus.

IV. Christus ab Angelo confortatur. Nostram retundens superbiam, contumaciam, arrogantiam, stultitiam, quâ dedignamur vel à sapientioribus majoribusque ipsis instrui, consilium petere, vel accipere: malumusque errare quàm discere, pergere in erroribus, delictis, præcipitiisque, quàm videri ab aliquo instructi, vel alicujus indigi fuisse.

Docet nos Christus veram mansuetudinem, & mitatem, humilitatemque cordis, quâ se etiam minoribus, etiam simplicioribus submittit, sensumque suum faciliè relinquit. Docet nos amorem, gratitudinem, obedientiam, reverentiam, erga Angelos nostros, quos Deus vel custodiæ nostræ ordinariæ, vel instructioni extraordinariæ, destinare dignatur.

V. Christus licet ipse afflictissimus, & angustiatissimus, ad suos tamen revisit, excitat eosdem, ad orandum, vigilandum,

Ezech.
13. 18.

dum, tentationibus resistendum, adhortatur. Taxat, expiatq; Christus nostram, tum de nobis ipsis, tum de nostræ curæ commissis, supinam oscitantiam; Dei causas relinquimus, ad nostra studia quotidie vacamus. Dissimulamus, fratres, filios, proximos nostros, perire. Cadit asina, & est qui sublevert, cadit Anima, & non est qui respiciat. *Consumimus pulvillos*, & cubitis peccantium supponimus. Docet Christus sic Contemplationis & Mariæ studiis vacare, ut Marthæ negotia non negligantur: sic vacemus nobis, ut non desimus proximis, sed Deum etiam propter Deum aliquando relinquamus. Mansuetissimis etiam verbis & modis Iesus suos excitat: neque charitativam monitionem asperitate verborum corrumpit. Ostendit etiam, non esse satis, ut Deus pro nobis vigilet, alive, nisi & nos vigilemus, & oremus: & operam nostram, opī Divinæ subjungamus.

VI. Christus hostibus obviam procedit. Nos neque in eam partem torquere dignamur oculos, quā hostem comparere credimus. Timor noster, pusillusque in adversis, ac arduis, quantumlibet, longè positus, animus à Christo arguitur. Docet autem Dominus veram nos fortitudinem, in Deumq; erectam fiduciam: qui in minimis sese vincit, ad obstandum etiam magnis difficultatibus, molestiisque, animum, immo & corpus firmat.

VII. Christus Iudam proditorem, & proditionem agere sciens, & amici nomine, & osculo, & paternā dignatur monitione. Quotidie nos proditionis opera exercemus, in Christum, in virtutem, in conscientiam, in nostram professionem, Inconstanter, malignè, tepidè, dissimulanter agendo. Discamus invincibilem mansuetudinem, & non vinci à malo, sed in bono malum vincere, discamus etiam, de desperatissimis filiis, subditis, proximis, non desperare, sed eos in spiritu lenitatis ferre, sanare, monere, pro eis orare, plus illorum malitiā, quam nostrā injuriā dolere: immo hanc nescire, ut illi medicinam possimus facere? Multos agros occidunt medici corporales: sed non tot quot medici spirituales, ignorantia, ac præcipuè asperitate curationis. Ama, & dic quod vis.

VIII. Christi discipulus Iudas, fit proditor Magistri: & per osculum quidem, atque Magistri salutationem. Habet suam

suam hic effigiem hypocrisis, adulatio, ingratitude, insinceritas, politicismus, perfidia, obstinatio in malo, & excacatus cupiditate Animus. Tanti est minimarum rerum cupiditatibus non obstitisse; fur erat Iudas minutarum rerum, infidelisque dispensator commissorum fidei suæ; profecit ergo usque ad prodicionem Magistri & Domini sui. O verè *radix malorum cupiditas?* ò verè *qui volunt divites fieri, incidunt in laqueum diaboli, & desideria nociva.* Advertamus in sanctissima disciplina atque statu, in pessima proficere solere, qui in optima non nituntur. Vbi Ioannes optimus fuit, ibi Iudas pessimus evasit. Non ergo sanctitate statûs & professionis gloriemur, sed vitæ motumque integritate, statum & professionem exæquemus, alioqui in professione sancta, vita mala, bis, immo ter mala est, quia ferè desperata est.

1. Tim. 6.

10.

1. Tim. 6.

9.

IX. Ad vocem Christi [ego sum] hostes abeunt & cadunt retrò. Quâ voce allici debuere, eâ repulsi sunt: quâ voce stabiliri solebant discipuli, eâ prostrati sunt inimici: illud [ego sum:] audivere discipuli, & manserunt; audiêre hostes, & abierunt, atque ceciderunt retrò. Hoc est scilicet habere cor durum: hoc est esse gravi corde: hoc est illud: *qui non colligit mecum, dispergit; qui non est mecum, contra me est.* Obstinatio in malo, cæcitatûs est mater, consummatio perditionis.

Matth.

12. 30.

Docet Christus adversitates in adversarios recidere, & iis maximè solisque graves ac exitiales esse: potest Deus amara nostra repellere, vel solo verbo: si tamen id non facit, non ideo in impatientiam eundum est. Omni peccatori, dicit Deus. *Ego sum.* Sed quidam ad Deum veniunt, & proni cadunt, ut David, peccavi, miserere: quidam à Deo fugiunt, & retro cæcè corruunt: ut Caïm, Saul, Iudæi, Iudas.

X. Christus datâ in se potestate, capitur à potestate tenebrarum. Omnis qui peccat, & Christum in potestatem tenebrarum secum unâ tradit; procul enim à luce est, qui in peccatis est. Captivat Christum omnis, qui inveterascit in peccatis suis, & ex voluntate necessitatem sibi peccandi inducit. Captivitate quoque suâ, Christus carpit inordinatam nostram libertatem, ejusque amorem.

Docet subjectionem captivitate suâ Dominus. Si enim non

dedecui

dedecuit Christum propter nos capi, nec nos dedecet propter Christum subijci.

XI. Christo relicto discipuli fugiunt omnes. Socii mensæ multi; & inconstantes facile sunt: socii vinculorum, compedum, Crucis, nullus est. Inconstantia, mutabilitas, cognatum humanæ fragilitati malum est: fugere à Christo capto, humiliato, nobis quotidianum est. O quàm miseri sunt profectus, quàm fragiles firmitates nostræ: si vel capiaturn tantum nobis Christus, si tantillum solita nos deserat consolatio, Deive præsentia gustus, continuò relicto Christo, fugimus omnes.

Audeamus aliquando sumptu nostro servire Deo, subtrahere etiam consolationis lacte: & condiscamus tunc maxime adhærere Christo, quando maxime instant qui nos avellant à Christo. Avellere ab illo nemo potest nisi volentes avelli, nisi parum bene adhærentes; infirmè adhærent, qui spe tantum successus adhærent: qui suâ virtute nixi: qui proprii cuiuspiam solatii, honorisve intuitu adhærent. Ille firmiter adhæret, qui sibi diffusus, gratiæ autem innixus, non tantum pati vult cum Christo, sed etiam ideo pati vult, quia adhæret Christo: maxime autem ille, qui pati vult, tanquam non adhæret Christo.

XII. Petrus gladio defendens Christum.

Hic zelus est non secundum scientiam, hoc est nescire cuius spiritus sis, hoc est noxiè pro innocentia sua, alienave zelare: hoc est nescire tempora agendi & patiendi.

Zelus omnis, maxime autem iustus mansuetudine armandus est, hunc gladium si non habet, ferire & perdere potest, sanare & salvare non potest. Pius Samarita vinum oleo temperat.

XIII. Examen Christi apud Annam de doctrina, de discipulis.

Profunditatem cordis & occultationem nostri redarguit Dominus: laboramus hoc malo & multi, & perniciosè; vulnera carnis nisi pateant curam non habent: vulnera mentis nisi manifestentur, ruinam animæ accelerant. Nemo sibi in sua causa sapiens satis est. Christus ipsa sapientia examen subit, nos qui filii stultorum, & ipsa stultitia sumus, à ratione nostri

nostri reddenda abhorremus. Et quod miserius stultiusque est: cum alibi noxiæ, & sine fructu de malis nostris gloriemur, apud Christi Vicarios perditè erubescimus, & latere gaudemus.

Amare nos docet IESVS claritatem conscientiarum, cordisque perspicuitatem. Nulla enim ratione certiores sumus de regimine Dei providentiaque circa nos.

XIV. Alapa infligitur, respondenti IESV, à ministro assistente.

Hac alapa, adulationis, præcipationis, inscitiae, temerarii iudicii, procacitatis est. Est & eorum, qui quaecumque ignorant blasphemant, quid enim servulus iste de Christi responso iudicaret?

Disceremus o utinam, ab hac Christi injuriosa alapa, iudicium nostrum frenare, cohibere, regere, & dum res non planè liquet, suspensum tenere. Omnibus diebus experimur, & sæpius etiam, nos iudicio nostro falli, aliamque longè consilii & facti alieni rationem, quàm nos opinabamur deprehendimus fuisse, neque tamen ab hac experimenti assiduitate, verecundiam iudicii nostri discimus, frenumque censuris ponimus. Discamus etiam pati censuras, & iudicia aliena; & mansuetudine indignationem frenare. Quid sit difficilius virtuti: ferre iudicium ab aliis, an non ferre iudicium de aliis, valde ambigi potest.

XV. Falsis testibus Christus oppugnatur.

Impotentia iræ, ac odii, Invidentia alieni boni, mendacia, calumniæ, convitia, perjuria, iustitiæ, ac æquitatis perversio, impotentia affectus, sicut omnia in Christum exercuere vires suas: ita per ejusdem Innocentiam & Patientiam amittere vires suas.

Veritati & Innocentiæ inniti tutissimum est. Iniquitas & Falsitas ipsa se evertit, maximè quando Patientia, & Modestia, & Oratio ejus fluctibus opponitur.

XVI. Christus adjuratus per Dei nomen, respondet.

Mendacia nostra, perjuria, occultationes nostræ, & aliorum, iniquas, adjuratione sui Christus punivit.

Reverentiam & confessionem Divini nominis etiam cum periculo proprio faciendam docuit.

XVII. Christus reus mortis.

Hac in

Hæc in Christum censurâ decretoriâ, palpata est nequitia potentis, ab inferioribus & adulatoribus. Temerarium etiam iudicium quid posset, probavit, nec non voluntarius error, & placendi studium, metus displicendi, & pro æquitate sententiam ferendi. Et quid hisce malis inter nos familiarius, maxime quando causa agitur Christi, estò quidem innoxii, sed tamen odiosi, pauperculi, derelicti, adiutorem & protectorem non habentis: propter veritatem, propter noxas nostras, vitâ, moribus, verbisque reprehensas in odiû Magnatum adducti?

Non curanda hominum quantumvis dura, & firma, communiaque iudicia, innocentiam docet damnatus innocens IESVS, sed neque ut evitari possint, ulli virtuti sperandû esse, exemplo instruit idem IESVS. Quæ enim virtus tam alta sit, ut ad eam vel dens, vel oculus, vel afflatus livoris non pertingat, quando ad altissimi ipsius virtutem pertigit? Quin immo optandas esse virtuti censuras invidorum, docuit IESVS, qui in his etiam beatitudinem virtutis sitam veritatis ore asseruit. *Beati eritis cum maledixerint vobis homines propter nomen meum.*

Matth.
5.11.

XVIII. Petrus Christû negat in medio aulae & militum. Prava familiaritatis & aulicæ conversationis hi sunt fructus. Negare Christum, mentiri, pejerare, de malis in pejora ruere, virtutis professionem erubescere. Neque prosunt gallicinia quidquam, nisi oculi IESV accedant cor vulnerantes, & foras ejicientes de medio nationis prava.

En quàm proficuum recordari verberorum IESV? quàm salubre in oculis esse IESV? Petri glaciem quam neque ignis, neque prunæ, neque galli cantus solvere poterant, una recordatio, unus oculi ictus, in lachrimas fluere fecit.

XIX. Nocturnæ injuriæ: quando Christus infinita nefanda passus, consputationes faciei, alapas, colaphos, conculcationes, genarum lacerationes, sannas, blasphemias, pugnos, tormenta, omnem denique potestatem tenebrarum.

Prævivere Majores ad scelera: & mox inferioris turbae fœx, quasi ruptis repagulis, solutisque habenis, per omnia facinorosa exundavit: vix Principibus nequitiarum, omnia scandala gravia sunt, sed quæ à Majoribus ortum sumunt, ea solent esse maxime prægnantia & fecunda. Nocturnæ quoque impuritates,

puritates, tenebrarum filia, quantum audere soleant contra Deum, ostenderunt ausis hisce suis in Christum.

Habemus mansuetudinis Christi tot inter nefandas indignitates invictæ specimen: habemus Humilitatis plus quam stupendum, in tanta Dignitate argumentum. Quid jam vilissimus homuncio, intoleranda & nimia se perpeti queritur? quid se nimium humiliari dolet? conferat se suaq; cum Christo, & reperiet se guttam contulisse Oceano.

X X. Iudæi Christum prædamnatum à se, Pilato damnandum offerentes, metuunt contaminari ingressu pratorii.

O stulta malitia! ô hypocrisis maledicta! *excolans culicem, Matth. 23. 24.*
glutians camelum: non metuit contaminari sanguine innocentis, metuit ingressu domus inquinari gentilis. Verè simulata sanctitas, duplex iniquitas.

Tunc valde laudabiliter errata minima vitantur, quando etiam ab enormibus delictis abstinetur: sed audacem esse ad perpetranda gravia, scrupulosum ad minuta, hoc sicut injuriam Dei multiplicat; ita vicissim meritam iram poenamque exaggerat. A magnis ergo peccatis procul abesse, & minima tanquam maxima horrere, magnus ad summitatem charitatis gradus est.

X X I. Iesus stat ante Præsidentem, habitu rei.

Vulgatum hominum malum, majores magistratusque non revereri; hac suâ ante Præsidentem statuitione Iesus & expiat, & emundat: offenditque quis honor debeatur iis, quos in potestate Deus posuit, & quibus auctoritatem suam communicavit.

Stans Iesus ante Præsidentem, exemplo præsit omnibus Martyribus suis: quibus & silentio suo meretur os & sapientiam, cui non possent respondere, omnes eorum adversarii. Habet etiam quo se soletur innocentia, quando vel iniquè, vel violenter trahitur ad tribunalia. Proprium enim est innocentia stare, quantumcunque fracta, collapsaque & depressa videatur, surgit adversus pondera.

X X I I. Examinatur Iesus à Pilato.

Nox in Sole, nodus in scirpo quaeritur: Et Iesus ignavia illorum arguit, qui scrutari vias suas gravantur: infringit & eorum arrogantiam qui factorum suorum rationem nemini constare volunt.

M

Tanti

Tanti est nosse semetipsum ; ut si ad notitiam tui venire nequeas, tuo ipsius examine, eam jussu tibi emas alieno, etiam hostili scrutinio. Ad notitiam namque sui habendam veram : aut magno opus est Amico, aut magno Inimico.

XXIII. IESVS in aula Herodis.

Aulicissimos, curiositates, fastus, vanitates, stultitias, otiositates, adulationes, aliasque aularum pestes, ex aulis profligare IESVS cupiens : in aula etiam Herodiana stare voluit. An fortè quo loco, quave conditione, Virtus, Pietas, Modestia, Innocentia in aulis essent futurae, suo in exemplo prae-monere justum duxit ?

Spiritualibus & Pietatem profitentibus viris, limina Magnatum non ambienda, neque frequenter calcanda sunt : nisi vel periclitari, vel contemptui haberi virtutem suam velint. IESVS etsi violenter ductus ad aulam, tamen irrisus est, & pro stulto judicatus, quid si ultro se ingessisset ? IESVS & Baptistam nemo major existit, neuter tamen in aula successum habuit.

XXIV. Veste albâ ridiculâ induitur apud Herodem IESVS.

Irrisio Virtutis & Innocentiae, illusio bonorum, & opera Pietatis exercentium propria sunt hujus mundi filiorum opera : adeo omni sanctitati inimica, ut efficacius telum nullum habeat diabolus, ad enervandam virtutem, etiam in proprio ejus regno ; ferream enim virtutem esse opus est, quae irrisionibus non expugnetur illusorum.

Qui ex illusionibus & persecutionibus, contemptibusque candidior fieri non didicit : hic delicatam teneramque se virtutem haberi ostendit ; at qui gloriari in tribulationibus, gaudere in contumeliis, potest, hic togatam virtutem possidere, induereque demonstratur.

XXV. Nudatio Christi & Preparatio ad flagella.

Inverecundis sceleribus hæc poena debebatur. Nuditati nostrae hæc vestis parabatur.

Luctaturus cum diabolo nudus sit necesse est, ne si habeas unde teneatur facile ad terram deiciatur. Nuda virtus rara est, nuda paupertas, nuda Charitas, nuda Patientia, nuda Obedientia, ex mille vix una est : omnes ut plurimum super-vestiri amant, fugiunt spoliari. Pro magno habuit diabolus, quia

quā specie tentis saltem potuit obicere Iob. *Nunquid Iob* *Iob. 1. 9.*
frustra timee Deum? nonne tu (Deus) vallasti eum? Ergo
 etiam diabolus vestitam virtutem non æstimat, nudam, gra-
 tuitamque requirit, ut metuat.

XXVI. Flagellatio Christi.

Deliciis carnis, indulgentiæque sensuum, & omni volupta-
 tum confectationi, quā scatebat humana lascivia, hanc ex fla-
 gellatione suæ innocentie medicinam confecit IESVS.

Quid satis persuadebit hominibus sensuum carnisque mor-
 tificationem, si flagellatus IESVS, eam nobis dulcem, amabi-
 lemque non faciet? si hæc non esset salubris, si mollicies car-
 nis non esset perniciofa, utique Christus hanc non castigasset,
 neque illam sustinuisset. Sustinuit tamen aded, ut dicat *to-
 tã die se flagellatum, & castigationem suam à matutinis ipsis*
inchoatam.

XXVII. Spinea corona, purpura, atundo, genuflexio.

Omnia superbierum genera, hac inventione, plusquam
 crudeli, in sese Christus expiavit, quidquid ambitionum, glo-
 riarum, jactationum, æmulationum, iudiciorum proprio-
 rum, aliarumque hujus generis pestium, in hominibus est,
 totum hoc ista injuriarum Christi immanissimã novitate ca-
 stigatum est.

Nunc demum dicit opere ipso omnibus nobis in spectacu-
 lum datus IESVS. *Discite à me, quia mitis sum, & humilis* *Matth.*
corde. Quid enim est. Ecce iste Homo IESVS, nisi gymna- *11. 29.*
 sium mansuetudinis, & theatrum humilitatis, & schola ab-
 negationis.

XXVIII. Barabbæ Christus collatus, & postpositus.

Nihil agitur ab omnibus sæculis in mundo, nisi collatio
 Christi & Barabbæ, nisi postpositio Christi ad Barabbam: jam
 inde à Paradiso ipso Christus Barabbæ est postpositus: neque
 degeneravimus etiam hodie ab ingenio majorum nostrorum;
 nihil agimus vilitatius, quàm Christi infra Barabbam deje-
 ctionem. Et faciunt hoc etiam, qui sese Christi appreciatores
 gloriantur.

Vera Charitas, & seria cum Deo amicitia, Christum cru-
 belcit, Barabbæ, non dico postponere, sed etiam componere.
 Et quis quæso aurum luto componat? Injuriam facit auro,

qui illud componit luto : & non facit injuriam Deo, qui illum postponit cuilibet desiderio suo?

XXIX. Silet Christus usque ad miraculum Pilati.

Excusatio primæva, quæ perditæ olim sumus, & quæ quotidie peccata peccatis cumulamur, hanc silentii legem an pœnam? Christo imposuit : quanquam omnia linguæ nostræ peccatorum genera, hoc ipso supplicio vindicata, credere convenit.

Vtinam amorem silentii, atque cultum, à Christi silentio discamus; ut nobis silere sit in desiderio, loqui in necessitate.

XXX. Persuadetur plebi, ut desideret necem Christi.

Sap. 6. 7. Etiam hic malum Majorum exemplum, innumerabiles infirmos, in scelus impellit : propter hoc *potentes potenter tormenta patientur.*

In omnem partem præsidium factæ prævalent : si mala sunt, omnes malos esse permittunt, immo etiam cogunt, si autem bona sunt, omnibus quoque virtutis canonem, immo necessitatem imponunt.

XXXI. Pilatus timet Cæsarem, nisi damnet Christum.

Timor humanus, & respectus humanorum judiciorum, studium placendi, & gratiam favoremque aliorum acquirendi, vel conservandi, gravissima est, communissimaque hominibus tentatio : cui non succumbere tam difficile quam rarum est ; unde nullus est Deus, qui frequentius ab hominibus adoretur, & à pluribus, etiam aliàs veri Dei cultum professis colatur, quam idolum respectuum humanorum, quam Deus qui vocatur. Quid dicent? In cultum hujusce Dei, Christus cecidit victima.

Quantas subeant jacturas bonorum suorum, æternorum in primis, mortales miseri propter respectus, & metus, & spes humanas ; & hoc Pilati exemplum, & innumera alia satis ostendunt. Poterat enim Pilatus, si voluisset tenere constantiam, ipsius Dei servatoris, servator esse, quod tamen amisit, quia in veritate non stetit, neque justitiam quam bonis exordii cœperat servavit. Hæc infelicitum in bono infirmitas, ad malum autem sectandum assiduitas : stimulo esse justis deberet, ut simili in oppositum ratione connituntur ; ut nimirum timores hominum & respectus, susque deque habeant ; in bono autem

no autem, immoti semper consistent, & Dei gratiæ, gloriæ, voluntatis, injuriæ, præmiorum, suppliciorumque respectu, spe, metu, studio solidissimo teneantur. Turpe est enim constantius ab improbis idolum respectum humanorum adorari; quam à piis verum Deum coli, plusque percelli improbos timore vano ad perniciem, quam justos timore Divino ad salutem.

XXXII. Sanguis ejus super nos, & super filios nostros.

Furoris, odii, pertinaciæque immanitatis, nullibi post natos homines speculum spectaculumque editum majus reor, quam in hoc populi Iudaici contra Christum effero clamore.

Vtinam verò tandem sibi familiarem vocem faciat Charitas piorum, faciat gratitudo redemptorum. Quid enim vel à scelere nos revocet, vel ad virtutem provocet efficacius: quam si perpetuò in memoria retineamus, quia sanguis IESU est super nos, &c. Hæc vox zelum omnem acuet, hæc vox labores omnes dulces reddet: hæc difficultatum omnes asperitates complanabit, hæc vox omnium proximorum salutem animasque nobis pretiosas faciet: quoniam sanguis IESU super nos & super filios, fratres, proximos nostros.

XXXIII. Condemnatur IESUS ad Crucis mortem.

Quoties consentimus in peccatum, toties damnamus IESUM, & adjudicamus fieri petitionem tentationum, tradimusque illum voluntati dæmonum, ut crucifigatur.

Condemnemus etiam aliquando nosmetipsos, nostrasque cupiditates ad Crucem, & abnegationem, & mortem spiritualem: adjudicantes de nobis, & iniquitatibus, ac voluntatibus nostris fieri petitionem Dei, tradamusque nos totos Voluntati & Gratia Divinæ.

XXXIV. Bajulat Crucem IESUS sibi in montem.

Ira conditi sumus: ut crucem bajulemus: sed hoc faciunt alii, fugiendo, odiendo, excutiendo, calcandoque crucem, recalcitrando contra crucem, per impatientiam, immodestiam, superbiam, præsumptam innocentiam, rebellemque proterviam: quod est nihil aliud, quam cruci addere crucem, & quidem gravi graviolem.

Portant alii Crucem exultando, & triumphando, & glorificando in tribulationibus, exaltando Deum in afflictione,

facientes proventum cum tentatione: ac horum exiguis est numerus: & soli isti ad montem bajulant Crucem. Histamen vicini sunt, qui estò gementes, attamen modesti, & humiles & absque murmure subiciunt se Deo, & tollunt Crucem suam quotidie, & animas suas possident in patientia.

XXXV. Vinum felle myrrhâque mistum.

Non debuit gula, seu gulosis, intemperantiaque nostra in cibis & potibus sumendis esse impunita: quæ januam sceleribus ruinæque nostræ aperuit: ergo felle & myrrhâ purgatur in IESV, cui morituro vinum felle myrrhâque mistum porrigitur. Sed & quicumque benefacta corrumpunt malis admittis circumstantiis, morâ scilicet, acedia, inobedientiâ, impatientiâ, complacentiâ, hi quoque vinum felle myrrhâque infectum Christo propinare noscuntur.

Bonum ex integra causa cum sit, justè quod justum est persequendum, & bonum optimè peragendum est. Deus enim non usque adeò, quid faciamus, sed quomodo, & quanto cum affectu, quanta cum perfectione charitatis, quanto cum fervore exactionis faciamus, attendit & persolvit.

XXXVI. Vestium detractio, divisio, sortitio.

Detrahunt vestimenta Christo, eaque partiuntur sibi: *quicumque* gloriam debitam Deo arrogant suæ propriæ vanitati. *quicumque* opera Dei suæ appingunt industriæ. *quicumque* in patrimoniis sanguine Christi respersis & partibus lascivunt, superbiunt, aut de iis prædas rapinasque agunt. *quicumque* Charitatem & unionem communem inter fratres, & pacem habentes jactis improbè discordiis discerpunt. Postremò *quicumque* in pauperes Christi duri & avari sunt.

Non infructuosa sunt vestimenta IESV: operiunt illa calesfaciuntque nuditatem, & geliditatem nostram, quin & ornant nos, & odorem nostri suavissimum coram Patre cœlesti spargunt: quin etsi quis vel tetigerit ea, statim sistit fons sanguinis nostri. O IESV largire nobis hæc vestimenta tua, aut tu Mater, quæ apud te domi habes indumenta fratris nostri, Filii tui, valde bona, indue nobis, & indutos introduc in conspectum cœlestis Isaaci, cum escis quibus libenter vescitur. Vestes Christi, merita Christi. Escæ Patri cœlesti gratissimæ, Imitatio IESV Christi: induamus Passiones & mores meritaque

taque Christi, & erimus acceptissimi in conspectu Patris æterni.

XXXVII. Crucifixio IESV.

Ergo hunc messuit IESVS pro omnibus bonis suis laboribusque fructum: tandem enim tandem crucifixus est, ab iis quos beneficiis suis non tantum cumulaverat, sed etiam quos beneficiis suis esse fecerat. O ingratitudo, tu es continuata crucifixio, tu Crux perpetua Christi; A lignea illa trabe aliquando depositus est Christus mortuus: ab hac ingratitudinis nostræ Cruce; nec gloriosus, nec beatus, esse liber potest. Propter quod etiam nostra in Christum ingratitudo omnem nobis divinæ liberalitatis fontem obstruit.

Ore & corde non desunt qui compatiantur Christo, sed qui cum Christo cruci configi, qui stigmata ejus in corpore, & in spiritu portare desiderent, ac re ipsa portent, horum exiguus est numerus: perfecta & jugis mortificatio, tam paucos habet sectatores, ut omnes una crux capere possit.

XXXVIII. Christus inter latrones medius.

Malorum conversationi, & cum peccatis alienis communicationi hanc poenam deberi indicavit Sapientia incarnata, ut inter medios latrones ipsa sibi crucem designeligeret. Et revera nulla unquam malorum societas sine cruce Christi esse potest: nisi enim Christum crucifigeret, mala non esset.

Si latrones medium habent IESVM: nullius ergo desperanda est salus & emendatio. Novit Dominus qui sunt ejus: etiam in patibulis electos habet, etiam ibi eos quaerit, & apostatantibus, inque proditores degenerantibus discipulis illos substituit, atque de latronibus martyres facit. O Beatum latro, qui prædabaris nuper, jam ipse in prædam Christi cessisti.

XXXIX. IESVS crucifixus blasphematur ab omnibus.

Effera crudelitas & immite cor ad condolendum afflictis, insultatio etiam & exultatio in aliorum, esto pauperum, esto inimicorum calamitatibus, detractio & irrisio virtutis alienæ: non aliorum sunt propria quam crucifixorum Christi: perinde enim sunt acerba coram Deo, ut istæ insultationes ludæorum & gentilium fuere Christo.

Vt disceremus non exambire compassionem in nostris acerbitati-

bitatibus: ut autem compati consuesceremus aliis in suis adversitatibus: hæc impropria pati cum humillimo silentio voluit Dominus & Magister noster IESVS: Sicut enim vulnerat Christum, qui afflictum exacerbatur ludibrio proximum, ita medicinam & solatium exhibet Christo, qui compati in malis posito novit proximo.

XL. IESVS pro inimicis orat Patrem.

Hac oratione omnes iras, odia, vindictasque jugulavit Dominus.

Eadem oratione veram charitatem inimicorum, quorum peccata etiam excusare non est gravatus, & super quos mansuetissimæ protectionis suæ nubem contra furorem Dei expandit, nobis ita Dominus indixit, ut luculentiore præcepto non potuerit.

XLI. In siti IESVS potatur aceto.

Dum bona malè facimus, tunc Christo acetum in siti propinamus. Malè autem bona sunt, quando agrè, tardè, repugnante, oscitante, ex usu, perfunditorie, ad oculum, meru poenæ sunt.

Omnia nostra opera acetum sunt, & in Domini mensam inferri digna minimè sunt, si non condiuntur Dei voluntate, mentorum & charitatis Christi, atque fraternæ dulcedine.

XLII. IESVS à Patre derelictus.

Pusillanimitatis nostræ malo, à sua Dominus derelictione medicinam paravit: fecitque ac obtinuit, ne quis se à Deo derelictum queri posset. Itaque neminem deserit Deus: nisi ipse desertus sit à nobis.

Credamus & fidamus Deo, illique causas nostras committamus ex animo, & ipse faciet, quod voluntatis voluptatisque suæ, nostræ autem salutis esse sciverit. Nunquam enim deserit nos & nostra Deus, nisi prius nos fiduciam & spem sustinentiamque nostram in ipsum amiserimus.

XLIII. Consummatis omnibus moritur IESVS.

Peccatum cum consummatum fuerit generat mortem, tam peccatoris, quam Christi; non enim moreretur peccator, nisi moreretur simul Christus, nec Christus moreretur, nisi prius moreretur peccator; propterea contestatur Dominus, nolle se mortem peccatoris, sed ut vivat: ut sic etiam simul ipse cum eo vivere possit.

Nemo

Nemo speret mortem in Domino, nisi consummaverit omnia quæ Divini placiti sunt. Monitum Domini est. *Cum omnia feceritis quæ præcepta sunt vobis, dicite, servi inutiles sumus.* Mortui sumus, mortui nobis, viventes Deo, ô amare; ô ire; ô sibi perire! ô ad Deum pervenire!

XLIV. Vulneratur in latere, & corde IESVS.

Qui peccatum peccato addit, is quasi jam mortuo IESV insuper latus & cor ferit.

Qui post peccati mortem ad poenitentiam compungitur, is mortui IESV cor aperit, unde vivificetur.

XLV. Deponitur IESVS de Cruce, & ungitur.

Qui aliorum peccata, quæ vel ex officio, vel ex charitate sanare, aut ut sanarentur ab aliis, suâ manifestatione facere poterant, celando & excusando incurata relinquunt: quid aliud agunt, quàm occisum Christum de Cruce deponentes unguunt? crudeliter misericordes: qui perdere malunt palpando, quàm sanare lædendo.

Deponunt de Cruce IESVM & unguunt, illi, qui infirmum fratrem mansuetudine & charitate fovant, & in spiritu lenitatis instruunt ac sanant. Veri Samaritani ad instar: oleum vinumque affundentes, & curam vulnerati gerentes.

XLVI. Sepultura IESV.

In petra IESVM sepeliunt, advolutoque lapide claudunt & abeunt: qui postquam in profundum peccatorum venerunt, contemnunt, & duro impoentique corde, omnem correctioni, & correctioni spem, viamque obstruunt.

IESVM in petra sepeliunt: qui quotidianis poenitentis operibus præteritas culpas ab oculis Dei abscondunt: qui que constantiam virtutis, & perfectionis solidam, semel adeptam IESV possessionem, sese ad gratiam consummatam perseverantis Deo disponunt.

M O D V S XXV.

Vigessimus quintus modus Dominicam Passionem meditari est; Constituere sese coram Dei iudicio, audireque accusationem sui, quam contra se instituat vel propria conscientia, vel aliqua alia creatura, una, vel plures: objecta porro sibi Anima diluat sanguine, vulneribus, doloribus, meritis,

N

virtuti-

virtutibusque IESU Christi Domini sui Patientis pro se. Elegantem formam talis meditationis legimus in libro revelationum sanctæ Mechtildis : quam ipsis verbis, quæ ibi sunt, describo.

Lib. 1.

Cap. 2.

Revelat.

seu Spi-

ritualis

gratie

fol. 50.

[Cùm esset Beata Mechtildis in recordatione, quòd Christus horâ primâ Præsidi judicandus adstitisset, dixit ad eam Dominus. Veni mecum ad iudicium, & assumens eam ante Patrem suum Cœlestem, statuit eam secum. Tunc omnes sancti, cum omnibus creaturis super eam sunt conquesti. *Seraphim* accusabant eam pro eo, quòd divinum amorem, quo in corde fuerat accensa, sæpe in se per reporem extinxerat. *Che- rubim* proclamabant eam, eò quòd secundum lumen Divinæ cognitionis, quo præ cæteris illuminata erat, non se regebat. *Throni* conquesti sunt, quòd pacatissimum Regem eorum, qui thronum suum in ea firmaverat, sæpe inutilibus cogitationibus inquietando turbasset. *Dominationes* dicebant quòd Regi & Domino Deo suo, se cum debita reverentia non subdidisset. *Principatus* Conquerebantur, quòd Divinam nobilitatem, quâ ad Dei imaginem factâ est, nec in se, nec in aliis esset venerata. *Potestates* accusabant eam, quòd se Divinæ Majestati cum tanta reverentia & tremore, ut dignum fuerat non inclinasset. *Virtutes* Conquerebantur, quòd se in virtutibus sanctis debito modo non exercuerat. *Archangeli* dicebant, quòd suavi Dei colloquio, prout debuit non intendisset, nec per Angelos, qui ei ministri deputati sunt, suavia & amatoria susurria ad dilectum suum direxisset. *Angeli* querulabantur quòd eorum ministerio indignè uteretur. *Beata Virgo MARIA* conquerebatur, quòd dulcissimo Dei filio, quæ sibi genuerat, infidelis exstitisset. *Apostoli* clamabant, quòd eorum doctrinam, diligenti studio non fuisset secuta. *Martyres* dicebant, quòd impatienter pœnas & infirmitates in vita sustineret. *Confessores* eam accusabant, quòd in Religione & in spirituali exercitatione negligenter egisset. *Virgines* querulabantur, quòd tam amantissimum sponsum totis viribus non amasset. *Omnes Creature* simul conclamabant, quòd eis indignè usa fuisset. Tunc benignissimus IESUS dixit ad Patrem. De omni querimonia ei objecta, ego ad singula pro ea respondebo, quia ejus amore me fateor captum.

Cui

Cui Deus Pater dixit. Et quid te ad hoc coëgit? Respondit
 mea electio, qui eam ab æterno mihi prælegi. Tunc Anima
 confidens de gratia tanti fidejussoris sui, confidenter accepit
 eum inter brachia sua dicens ad Patrem. Ecce præsentō tibi
 Pater colende, humillimum Filium tuum, qui Tibi plenē
 pro me persolvit, quidquid deliqui per superbiam. Ecce præ-
 sento Tibi etiam Filium tuum mansuetissimum, qui pro me
 satisfecit quidquid peccavi per iram. Præsentō etiam Tibi
 Filium tuum amantissimum, qui est amor cordis tui: qui ple-
 nē supplevit, quidquid deliqui odio. Largisua ipsius libera-
 litas, omne quod Avaritia peccavi, exsolvit. Sanctissimum ejus
 studium, Acediam meam, emendavit. Summa ejus abstinē-
 tia, omnem Intemperantiam meam supplevit. Ejus innocen-
 tissimæ vitæ Puritas, exsolvit pro me, quod malis cogitatio-
 nibus, verbis, vel factis deliqui. Ejus summa Obedientia, quā
 factus est Obediens usque ad mortem, omnem Inobedien-
 tiam meam delevit. Ejus deinde Perfectio omnem Imperfec-
 tionem meam excusat. Esto igitur sancte Pater Placabilis
 super nequitia mea, tantæ placationis receptā hostiā, & cle-
 menti pietate indignationem tuam averte à me, & recipe me,
 in gratiam sempiternam.] Hucusque Beata Mechtildis, cu-
 jus ad instar, etiam perfectissimus quisque meditationem de
 Passione instituere ex eaque patrociniū in Iudicio Divino sibi
 assumere, ad virtutemque & omnis Perfectionis studium, sti-
 mulos sibi met addere poterit: quod multò etiam utilius faci-
 ent imperfecti & peccatores in bonum animarum suarum, ut
 pote qui in sese longè plus materiæ reperient accusationis, &
 Iudicii apud Deum, si noluerit mentiri, aut blandiri iniquitas
 sibi.

Vigesimus Sextus Passionem Dominicam meditandi Mo-
 dus: conferre atque contraponere Christi Domini exina-
 nitiones & humiliations, & Passiones pro nobis susceptas, &
 ex nostro mutuatas, ejusdem dignitatibus, majestatibus, ple-
 nitudinibus ex suo, hoc est, ex Divinitate habitis, atque ex hac
 collatione, seu contrapositione multiplices Fidei, Spei, Fidu-
 ciæ, Venerationis, Exaltationis, Dilectionis, Gratulationis,

Admirationis, Gratiarum actionis, Supplicationis, Exultationis, Imitationis, simileſque alios affectus haurire.

Collationis, contrapositionisſque hujus ſpecimen oſtendo in Gregorii Nazianzeni Oratione 4. quæ eſt de Filio, 1. ubi totam ferè Chriſti vitam mortalem, & non tantum Paſſionem, tali contrapositione cum gloriis ejuſdem decurrit. Verba ejus ſunt.

[Ut uno, rem omnem, capite complectar, quæ ſublimiora ſunt Divinitati ac naturæ affectionum, & corporis experti, accommodata: humiliora composito, ac tuâ cauſâ inanito, & incarnato, immo etiam homini factio, ac deinde exaltato, ut carnalibus tuis humoſque affixis doctrinis everſis, ſublimior eſſe, & cum Divinitate ſurſum contendere diſcas, neque rebus ſub aſpectum cadentibus inhæreas, ſed in altum cum iis everharis: quæ mente conſiderantur, & quæ naturæ, quæ adminiſtrationis Chriſti ratio ſit cognoſcas. Fuit enim aliquando quum is ipſe, qui nunc abs te contemnitur, ſupra te eſſet, qui nunc homo eſt, etiam non compoſitus aliquando erat. Quod erat permansiſt, quod non erat aſſumpſiſt. Erat in principio, & quidem ſinè cauſa: quænam enim Dei cauſa fuerit? Nihilominus etiam poſterioris natus eſt, propter quandam cauſam: ea verò erat, ut tu ſalutem conſequereris, qui contumeliâ ipſum afficis, quique propterea Deitatem contemnis, quòd molem tuam in ſe receperit, per mentem intermediam, contubernio quaſi carnis uſus, & factus homo Deus ille inferior. Etenim temperamento quodam coaluit cum Deo, & factus eſt unus, cum viciffet illud, quod erat præſtantius, ut & ipſe tantumdem Deus fiam, quantum ipſe factus eſt homo. Natus quidem eſt, ſed idem etiam genitus erat: de ſæmina quidem, ſed eadem virgine: hoc humanum, illud divinum. Hinc Patris expers eſt, illinc Matris, totum hoc Divinitatis. Materno quidem utero geſtatus eſt, ſed idem agnitus à Propheta, qui & ipſe materna in alvo geſtaretur, quaſique proſiliret coram Salvatore, propter quem factus erat. Faſciis eſt involutus, at idem re-monſtratus à ſidere, à Magis cultu adorationis affectus. Solum quidem vertit in Ægyptum fugiens: ſed idem Ægyptiis propria (idola) velut in exilium abigit. Nullam neque ſpeciem, neque pulchritudinem apud Iudæos habebat, verum

Davidi

Davidi venustus erat formâ, supra cæterorum hominum libe-
 ros, verum in monte fulget, Heliâq; fit lucidior, hoc ipso nos
 arcanè deducens ad id quod futurum erit. Baptisatus quidem
 est ut homo; sed idem peccata solvit ut Deus: non quod ipse
 lustralibus aquis egeret, sed ut aquas sanctificaret. Tentatus
 est ut homo, sed vicit ut Deus, sed fidenti ut animo simus hor-
 tatur, quod mundum vicerit. Esuriit, sed idem aliquot mil-
 lia pavit, sed panis vitalis & cælestis est; sitivit, sed clamavit
 idem, si quis sitit accedat ad me & bibat, quin etiam promisit
 futurum, ut ex credentibus fontes scaturiant. Fessus fuit;
 sed idem fatigatum & oneratum est requies. Somno gra-
 vatus fuit: sed in mari fit levis; at increpat ventos: at Petrum
 efficit levem, cum jam meretur. Dat vestigal, sed de pisce
 sumptum, sed imperat iis, qui vestigal ab ipso poscebant. Sa-
 maritanus audit, & obsessus à dæmone, sed idem servat eum,
 qui Hierosolymis descendebat, inque latrones inciderat: sed
 idem à dæmonibus agnoscitur, dæmones abigit, legionem spi-
 rituum mergit, fulguris instar Principem dæmonum cadem-
 tem videt. Lapidibus peritur, sed non capitur. Orat, sed idem
 exaudit. Lacrymatur, sed idem lachrymas sistit. Interrogat
 ubi situs esset Lazarus, erat enim homo: sed idem Lazarum re-
 suscitavit, erat enim Deus. Venditur, & quidem vili admodum
 pretio, triginta scilicet argenteis, sed idem mundum redimit,
 at magno sanè pretio, proprio nimirum sanguine. Tanquam
 ovis ad jugulationem ducitur, sed pascit Israël, & quidem
 modò universum orbem. Ut Agnus mutus: sed idem sermo
 est, per vocem clamantis in solitudine annuntiatus. Languo-
 rem sensit, vulneratus est: sed idem morbum omnem, omnem
 languorem curat. In lignum attollitur, affigitur, sed idem
 nos ligno vitæ restituit, sed latronem secum in crucem actum
 servat, sed tenebris involvit, quidquid usquâ cerneretur. Ace-
 tum potus, fel cibi loco accipit; at quis? is ipse, qui aquam in
 vinum commutavit, qui gustum amarum sustulit, dulcitus
 ipsa, totusque desiderium. Tradit animam, sed potestatem ha-
 bet rursus eam sumendi: sed velamentum scinditur (nam super-
 na nobis ostenduntur) sed saxa rumpuntur, sed mortui ante
 tempus resuscitantur. Moritur, sed idem vivificat, ac morte
 mortem destruit. Sepelitur, sed idem resurgit. Ad inferos
 descendit:

descendit: sed idem animas sursum ducit, sed in Caelos ascendit, sed veniet ad iudicandos vivos ac mortuos.] Hucusque Nazianzeno digna verba, cuius sanctissimi Patris ad instar, devotus Passionis Dominicæ Meditator, omnes & singulas Christi dolentis & morientis miseras, per succedentes ac (ut Beatus Petrus loquitur) posteriores glorias, poterit veluti adimplere, seu adimpletas à Patre æterno gaudere, atque congratulari, quin etiam pro sua parte, tam suo, quàm omnium hominum, immo creaturarum nomine, affectuque partim quidem de miseriis compati, partim vero de gloriis congaudere, gloriasque cumulare, iisque miseras veluti compensare ac rependere, quin etiam (exemplo Apostoli Pauli) suis passionibus easdem adimplere, venerari, honorare, remetiri, prout unctio spiritus meditatorem plenius edocebit.

1. Pet. 1.

11.

Colos. 1.

24.

Vide supra

modum. 6.

Med. 4.

Parte

introd.

S. 3.

Heb. 1. 3.

Vigesimus septimus Passionem Christi meditandi modus est: per applicationem sensuum interiorum animæ nostræ, ad singula Passionis Dominicæ mysteria. Dabo hunc modum, iplis sapientissimi Patris Ludovici de Ponte verbis, qui eum sufficienter explicat his verbis. [*Primum* Oculis Animæ aspiciendo externam Christi Domini figuram, omnes ad compassionem permoventem: & simul interiorem Animæ ejus figuram, ex una parte adeò pulchram, ex altera adeò afflictam, & admirabor dolens, quod *qui est splendor gloriæ Patris, & figura substantiæ ejus*, sit ob mea peccata ita deformatus. *Deinde* Audiendo internè blanda illa, & amore plenissima hujus Domini verba, clamores item duos adeò, & furiosos inimicorum ejus contra ipsum, strepitum colaphorum, flagellorum ictus, & malleorum, ut sentiam in corde meo, quod sensit Christus in suo. *Tertio* Interno odoratu percipiendo tam fatorem peccatorum, quæ mortem summo huic sacerdoti attulerunt, quàm sacrificii suavitatem, quod ipse pro illis obtulit, & virtutum, quas ipse exercuit in hac adeò poenali sua Passione; simulque perpendam, quâ ratione Æterni Patris ira fuerit hujusmodi sacrificio placata, qui in hujus reconciliationis signum, non jam arcum suum in nubibus, sed proprium filium arcus instar in cruce extensum posuit, pluen-

tem

tem sanguinem, in signum foederis inter se & terram. *Quar-* Gen. 7.
to. Gustando etiam amaritudinem, & fel illud Christi Domi-
 ni, acerbiter & moerorem ex eis persentiendo, atque si cor-
 pore illa degustarem; Gustando item dulcedinem illius Amo-
 ris, quo omnia illa tolerabat, & quam Deus iis confert, qui
 aliquid amoris ipsius intuitu perpetiuntur. Et vehementer ad-
 mirabor in tanta amaritudine, tantam esse Amoris dulcedi-
 nem. *Quinto.* Demum interno Animæ tactu, contingam
 horrenda illa Passionis Christi instrumenta, rigorem & asperi-
 tatem funium, flagellorum, spinarum, Crucis, & clavorum,
 sentiens spiritu totum id, quod ipse Dominus in corpore sen-
 sit, & affectus eliciens, qui ex huiusmodi sensibus solent pro-
 venire.] Hactenus verba Ludovici, apud quem etiam fusior
 praxis ejus meditandi modi videri potest, eadem Parte 4. Me-
 dit. de gestis in horto.

M O D V S XXVIII.

Vigesimus octavus modus Passionem Dominicam medi-
 tandi est: Assumere aliqua congrua sacræ scripturæ verba,
 ad eaque Passionem Christi reducere, & secundum latitudinem
 sensus, quem verba assumpta pati commodè possint, omnem
 Passionem considerando decurrere, piosque ac utiles & devo-
 tos affectus elicere atque depromere. Ejusmodi verba senten-
 tiæque esse possunt.

I. *Si in viridi ligno hæc faciunt, in arido quid fiet* viride, flo-
 rens, fructiferum, de Cælo radicem trahens, insitum ipsi Di-
 vinitatis glebæ: plantatum atque insitum Verbum à spiritu san-
 cto Christus est. In eo fecerunt quæcunque voluerunt: tam
 qui eum amaverunt, ut Pater Æternus, quàm qui oderant, ut
 dæmones & impii homines. In hoc viridi ligno faciunt hæc,
 quæ totius Passionis series historiaque clamat: hæc quæ in hor-
 to, hæc quæ in captivitate, hæc quæ in domo Annæ, hæc quæ
 apud Caiphā, apud Pilatū, apud Herodem, apud colu-
 mnā, hæc quæ in spinea coronatione, quæ in condemnatione,
 patibuli bajulatione, crucifixione, in Cruce facta esse scimus.
 Si ergo hæc tanta, tam dira, & fera immaniaque in viridi &
 innocenti, & innocentia sanctitateque ipsa faciunt, facit Iusti-
 tia, facit Misericordia, facit sapientia, facit Charitas, facit Bo-
 nitas

nitas Dei; facit malitia, invidia, odium, furor Iudæorum & gentilium; facit culpa originalis & actualis omnium hominum. In arido ligno, in Synagoga, in uno quoque impio, in omni coetu impiorum, quid fiet? Aspice ô homo agomisantem, & sanguineo sudore ac fore stillantem IESUM, & dic tibi ipsi; si hæc in viridi ligno, Redemptore, ac Deo meo Christo; in me arido, sterili, mortifero, pestilentiq; ligno, carduo, spineto, ramno, quid fiet? & sic deinceps meditationis filum protrahere licebit.

II. *Nolite flere super me, sed super vos ipsos flete*] Christus hæc loquitur omni Animæ, omni homini, iusto simul ac peccatori. Cogitas Christum in tædio, pavore, molestia, usque ad mortem positum, audi illum tibi dicentem. Noli flere super me, sed super te ipsum fle. Super te, qui causam tantis angustiiis meis dedisti olim, & adhuc dare non desinis, super te ingratum, super te indignum, super te mala pro bonis retribuentem, super te, in obsequio meo, tam ratum, parcum, tepidum, super te tantis meis sumptibus emptum, ablutum, sanatum, super te tanto labore quaesitum, & à perditionis æternæ faucibus erutum. Et sic per reliqua Passionis Christi puncta procedendum erit.

III. Par Meditatio Passionis Dominicæ fieri potest, super illa Pilati ad Christum verba. Quid fecisti?

IV. Item super illa ejusdem Pilati ad Populum de Christo, *Ecce Homo*.

V. Item super illa Christi Domini ad Nicodemum. *Sic Deus dilexit mundum*.

VI. Item super illa etiam Christi. *Ut cognoscat mundus quia diligo Patrem, & sicut mandatum dedit mihi Pater, sic facio*.

VII. Item super illa Christi quoque verba. *Ego sum Pastor bonus, & animam meam pono pro ovibus meis*.

VIII. Item super illa unica Christi Domini voce. *Sitio*; quam à Christo pronuntiari cogitare licebit ad singula Passionis Puncta. Sinè dubio enim quidquid Passus est Christus in Corpore, & in Anima, totum ex immensa quadam siti passus est. Siti inquam Gloriæ Paternæ, siti explendæ voluntatis ejus omnis. Siti satisfaciendi Iustitiæ Dei ad æqualissimum redundantemq; rigorem. Siti abolendi peccati omnis. Siti tollendæ

lenda omnis inter calum & terram, inter Deum & homines
diffensionis. Siti redemptionis, sanctificationis, ablutionis,
sanationis, ditationis, beatificationis nostræ. Siti demonstnan-
da & effundenda in nos bonitatis, miserationis, charitatisque
suar. Siti explenda cupiditatis suæ, quâ ardebat ad humilian-
dum exinanendumque se propter nos, ad saginandam quoque
patientiam interiùs & exteriùs, charitatem suam, tam erga Pa-
trem æternum, quàm erga nos. Siti denique exhibendi no-
bis omnimodi, omnium heroicarum virtutum, exempli, re-
linquendi quoque nobis quàm copiosissimi inexhaustissimique
meritorum suorum, & beneficiorum thesauri. Hanc sitim
omnem præviã præducemque Dominus I E S V S secutus est
in omni puncto Passionis suæ. Hac siti arctatus dicebat ali-
quando suis. Baptismo habeo baptisari, & quomodo coarctior
usque dum perficiatur?

IX Par Meditatio fieri potest super illa Christi ad discipulos
verba. *Potestis bibere calicem, quem ego bibo?*

X. Par item fieri potest super illa Christi ad Matrem sub
Cruce sua stantem. *Mulier Ecce Filius tuus.* Potest enim quæ-
libet anima seu iusta, seu peccatrix, cogitare sibi dici à Christo
Patiente quodlibet doloris genus. *Mulier, Anima, Ecce Deus,*
ecce Redemptor, ecce Frater, ecce Sponsus, ecce Amator, ec-
ce Dilectus, ecce Pater, ecce Medicus, ecce Dominus, ecce
Rex, ecce Iudex, ecce Fidejussor, ecce Exemplar, ecce Pastor
tuus, ecce in agonia, ecce in sudore, ecce ad osculũ Iudæ, ecce
in vinculis, ecce in flagellis, ecce in spinis, ecce sub Cruce,
ecce in Cruce, ecce mortuus, ecce sepultus, &c.

Horum ipsorum verborum Christi ad suam Matrem medi-
tatione uti quispiam commodè potest, in recogitatione dolo-
rum Piissimæ Christi Matris, si nimirum decurrens ac desi-
gnans singulos Passionis Christi articulos, eosdem, vel potiùs
Filium in iisdem positum ostentans Matri dolorosæ dicat.
Mulier, Ecce Filius tuus. Quo genere meditationis dolorum
tam Christi, quàm Matris ipsius usum quempiam fuisse, &
nunquam à devotissimis lachrymis abstinere se potuisse, testis
est Ludolphus Carthusianus celebris vitæ Christi mediator.

Posset quoque eorundem verborum usus esse, in Meditatio-
ne Passionis Christi, ad Æternum Patrem ea referendo, & di-
cendo,

cendo, Pater Æterne; Ecce Filius tuus: ille unigenitus, ille consubstantialis, ille Deus de Deo, ille splendor gloriæ, & figura substantiæ tuæ: in tanta abjectione, in tanta obedientia, in tanto dolorum mari, in tanto crucis probro. Ecce Filius tuus.

Vide Car. Scribanū in Christo Pāso ad finem. Plures ejusmodi ex scripturis sacris (aut etiam ex Patribus sanctis) desumi possunt sententiæ, omnibus Passionis Dominicæ particulis subternendæ per meditationem. Verum hæc Paradigmati causâ attulisse sufficiet.

M O D V S XXIX.

Vigesimus nonus Passionem Christi meditandi modus est: assumere varias figuras veteris testamenti, in quibus est Christi Passionis veritas adumbrata, & quarum adumbratio est veritate Passionis Dominicæ ad vivum expressa. Exploratis quippe est, totam Christi vitam, potissimum verò, Passionem in gestis veteris Ecclesiæ, omnino fuisse delineatam, adeò, ut inter causas mortis suæ, ipsemet Christus, eam quoque non semel numeraverit: adimpletionem scilicet scripturarum. hoc est figurarum, & Prophetiarum in scripturis antiquis præmissarum. Ut alia verba Christi non recenseam: sufficit adduxisse illa Domini verba ad Petrum ante Passionem dicta. [Quomodo ergo implebuntur scripturæ, quia sic oportet fieri. Et illa ad discipulos post resurrectionem. [Nonne hæc oportuit pati Christum & ita intrare in gloriam suam: Et incipiens à Moyse, & omnibus Prophetis, interpretabatur illis in omnibus scripturis, quæ de ipso erant.] Cum ergo plenæ sint veteres scripturæ Christo: & omnes omnem ejus vitam, doctrinam, mores, opera, Passionem, mortem, resurrectionem, Ascensionem, Ecclesiam, & Ecclesiæ regimen loquantur, commodè simul ac faciliè possumus Passionem Christi veram in figuris veteribus elegantissimè delineatam scrutari: spectare, ac meditari. Dabo ejus rei paucula Paradigmata: quorum ad instar devotus meditator reliqua colligere poterit.

Matth.

26. 54.

Lucæ 24.

26.

Gen. 37.

28.

I. Ioseph, filius Iacob Patriarchæ, odio fratrum suorum, operâ & consilio potissimum Iudæ, venditus, in Ægyptumque ductus: evidenter Christum, ab Iuda discipulo hostibus suis venditum figuravit.

II Da-

II. David Rex fugiens ex Ierusalem à facie Absalonis Filii, eique adhærentium conjuratorum, torrentemque Cedron transiens: Christi Domini, ex eadem urbe, trans eundem torrentem, cum discipulis egredientis, tumultum & turbam ciente Iuda, atque cohortes & ministros ad comprehensionem Domini Patrique sui congregante, manifesta figura fuit.

2. Reg.
15. 23.

III. Iacob totâ nocte colluctans cum Angelo, roburque contra metum Esau fratris sui ab oratione accipiens, figuravit Christum orantem in horto, ubi & apparuit ei Angelus confortans eum.

Gen. 32.
24.

IV. Ioab Amasa obvians, eumque osculans, &, salve mi frater compellans, interim tamen gladio confodiens: Iudam proditorem Christi per osculum, & per vocem, Ave Rabbi, luculenter expressit.

2. Reg.
20. 9.

V. Samson à Philistæis captus, victus, excæcatus, Iudæis coram Principibus, graphicè Christum captum ab Iudæis victum, ad Principes Sacerdotum adductum, ibi oculis velatum, varièque indignissimis modis illusum, & blasphematum depinxit.

Iud. 16.
25.

VI. Iob à vertice capitis ad plantam pedis ulcere pessimo percussus, vulnere super vulnus concisus: viva fuit imago Christi flagellati adeò immaniter, ut multis vulnerum millibus conscinderetur, ut non tam flagellatus, quàm aratro aratus, instarque terræ, sulcis prolongatis, dissectus esset.

Iob. 2. 7.

VII. Aries hærens cornibus inter vepres: à Patriarcha Abraham, pro Isaac immolatus, Christum spinis coronatum expressit.

Gen. 22.
13.

VIII. David apud Regem Achis, pro insano & stulto habitus: Christi ab Herode Rege ejusque exercitu illusi, inque stultitiæ ejus signum albâ veste induti figura fuit.

1. Reg.
21. 13.

IX. Salomon in die desponsationis suæ à Matre coronatus, & spectandus filiabus Ierusalem propositus, I E S U M purpurâ indutum, spineo ferto redimitum, sceptrum arundineum in manu gestantem, genu flexo, consputatione, alapis, Regiæque salutatione illusum, à Pilato ad Populum cum illa voce; Ecce Homo, productum efformavit.

Cant. 3.
11.

X. Isaac ligna in montem portans, super eadem à Patre immolandus, Christum bajulantem sibi Crucem, usque in eum,

Gen. 22.
6.

If. 53. 8. qui dicitur Calvariae locum, ubi à Patre Aeterno, propter scelus populi sui erat percutiendus, atque mactandus, immo re ipsa est mactatus: adeò vivis figuræ coloribus depinxit: ut etiam locus loco planè respondeat: in quo enim monte, & montis colle Isaac immolandus fuerat, in eo ipso Christus re ipsa oblatus est.

Exodi 12. 8. XI. Agnus Paschalis anniculus, immaculatus, igni tostus, cum lactucis agrestibus, festinanter ad vesperam sacrificatus, & sinè ullius ossis confractione devoratus: universum Christi in Cruce cruentum sacrificium, sacrificii ritum, atque fructum etiam, planissimè delineavit.

Num. 35. 28. XII. Mors summi Sacerdotis: postquam revertebantur exules in Patriam impune: Christi mortem omni humano generi à Paradiso exulanti salutarem, Patriamque caelestem aperientem & restituentem demonstravit.

Gen. 2. 10. XIII. Quatuor fluvii de Paradiso egredientes, universamq; terram circumeuntes, ac irrigantes: Quatuor præcipua Christi in manibus pedibusque vulnera, quæ vivens subiit præsignarunt.

Num. 35. 11. Quinque autem Civitates refugii; quinque lapilli Davidici ad debellandum Goliath electi; quinque vulnera Christi ostenderunt.

1. Reg.

17. 40.

Gen. 6.

16.

Exodi

14. 22.

XIV. Ostium in latere arcae à Noëmo factum: vulnus lateris Christi figuravit.

XV. Mare rubrum per quod sicco vestigio filii Israël ex Aegypto versùs terram promissionis egressi sunt, Aegyptiis omnibus interim in mari demersis ac sepultis: Redemptionem nostram & salutem per Christi sanguinem nobis procuratam, omnem autem diaboli potestatem, omnem peccatorum nostrorum labem, in eodem sanguine sepultam & abolitā ostendit.

XVI. Omnes denique veteris testamenti victimæ; omnis tabernaculi Mosaici & templi Salomonici structura, figura, supellex, ipsissima Christi Domini Passionis & mortis imagines fuerunt: quarum omnium recensendarum hic locus non est. Recensentur earum non paucae in toto super Passionem Dominicam Tractatu seu commentario: ad initium cuiusque ferè Paragraphi, unà cum Prophetiis, quodlibet pæne Passionis membrum concernentibus, inde eas petere cuilibet licebit.

MO-

M O D V S XXX.

TRigesimus Modus Passionem Dominicam meditandi potest esse, per modum experimentalis, desiderii, seu desiderati experimenti, practicæque, ac (quoad fas erit) realis communicationis Passionum Christi cum Christo, propter Christum. Est enim hic modus exercitii, tum naturâ suâ præclarissimus, Christoque optatissimus, tum nobis maximè necessarius, ac utilis, tum à spiritu sancto crebro commendatus. Disertè enim per Apostolum loquitur: Christo in carne Passus, & vos eadem cogitatione armamini: quia qui passus est in carne, desit à peccatis: ut jam non desideris hominum, sed voluntati Dei, quod reliquum est, in carne vivat, temporis.] Et rursum. Charissimi, communicantes Christi Passionibus gaudete, ut & in revelatione ejus glorie, gaudeatis exultantes.] Etrursum. [Christus Passus est pro nobis: vobis relinquens exemplum, ut sequamini vestigia ejus. Omitto alias scripturas. Eodem spiritûs sancti sensu Divus Bernardus loquitur. [Christi imitatio in laboribus & doloribus ejus: validissimum mihi argumentum est: quòd Passio salvatoris, & similitudo humanitatis, in meam transeunt utilitatem. Hic enim sapor, hic fructus est, & laboris & doloris.] Compati ergo Christo, maximum est hujus vitæ bonum nostrum, maximus Christi pro nobis Passi cultus, maximum ejus à nobis pro sua Passione atque morte præmium: proinde & præclarissimum nostrum hoc debet esse studium, unicumque exercitamentum, ut hoc nimirum sentiamus in nobis, quod & in Christo I E S V. Cùm autem non semper liceat, nec omnino in nostra potestate sit revera tribulationes & Cruces, doloresque perpeti cum Christo, ac propter Christum: expedit pio & fidei Christi Crucifixi servo, ejusque Crucis Amatori, saltem per meditationem practicam, desideriaque viva, & quoad fieri potest experimentalia, immiscere sese quâ corde, quâ etiam corpore, quâ imaginatione, quâ sensu, quâ mentis præparatione, quâ etiam efficaci quadam applicatione Passionibus, laboribus, ignominiiis, desolationibus, angustiis, universimque toti Cruci Christi. Cujus rei etsi quisque melius sibi effingere ideam poterit, aliquod tamen Paradigma proponere in præsentili libet.

1. Petri

4. 1.

ibid.

vers. 12.

1. Petri

2. 21.

Ebr. 4.

Hebr.

Sancta

paulo

ante

finem.

Luca 21.
19.
Luca
8. 15.

I. Sanctissima Trinitas, Pater, Fili, Spiritus sancte, unus Deus, qui nos per Passiones & tribulationes multas, currere ac pervenire vis ad bravium : placetque Tibi omnino, ut *delicati tui ambulent vias difficiles* : Et in exemplum eorum Deus-Homo ipse esse voluisti, teque Patientem nobis in formam proposuisti, ut sic *in Patientia nostra* laboraremus *possidere animas nostras* : afferremusque Tibi fructum tricesimum, sexagesimum, centesimum in Patientia, largire mihi nunc Domine gratiam & desiderium, & experimentum patiendi pro Te, & pro Domino, atque cum Domino nostro IESU Christo.

II. IESU Patientiae sponse, Patiendi Magister, & Patientium Rex, qui voluisti per Patientiam intrare in Gloriam tuam ; infunde cordi omnium electorum tuorum, & meo, abundantem gratiam, efficax desiderium, constans & insatiabile experimentum patiendi omnia adversa, & amara tua, tecum, & pro Te, & da ut in me regnet Crux Passioque tua, & ego sim regnum ejus omnibus diebus vitae meae.

III. Pretiosissima Parens ac virgo MARIA, Martyrum Regina, Dolorumque Mater, & amaritudinum mare, cum omnibus Crucis Christi amatoribus, patiendique cum Tuo, & pro Tuo Filio, siti ac fame conspicuis electis, impetra & concede mihi gratiam, famem, sitimque omnimodae Passionis pro Filio, & cum Filio tuo, Domino meo IESU Christo.

IV. Nunc igitur tuo Patientissime Domine IESU Christo adjutus auxilio, roboratus merito, inflammatus exemplo, colloco me in apice & excellentia omnium dolorum tuorum, externorum & internorum pro nobis, in tota quidem vita tua, sed praecipue in tota Passione tua abs te toleratorum : in eo gradu, qui creaturae in hac vita possibilis fuit ad tolerandum.

V. Colloco me Domine IESU Tecum in tuo illo statu, in quo fuisti tristans usque ad mortem : agonisans usque ad sanguineum sudorem, proditus ab immiti ingratoque discipulo, derelictus a discipulis, captus & ligatus a satellitibus, tractus & raptus usque ad urbem cum omnibus indignitatum modis.

VI. Colloco me Domine IESU Tecum in vinculis coram Anna & Caipha, & toto inimicorum tuorum crudelium coetu, in medio conciliabuli nequam, inter falsa testimonia, inter adjurationes, consputationes, colaphos, & alapas, inter tra-

ctiones,

ctiones, tunctiones, irrisiones, sublationes, insultationes; inter omnia alia innumere injuriosa studia improbissima hominum fecis.

VII. Colloco me Domine Iesu Tecum inter probra, inter contumelias, sannas, vituperia, inter rigidos & amaros affatus, sarcasmosque: inter indignas compellationes, inter sordida & inhonesta cognomina, inverecundos gestus, scurriles jocos, pudibunda ludibria, motus foede fractos, insanos cachinnantium clamores, improbissima illiberalissimaque dicteria.

VIII. Colloco me Domine Iesu Tecum inter omnia illa, & in omnibus illis, quæ totâ illâ nocte, verè nocte, plus quam indignissime passus es Dignissimus Deus, passus es fons omnis dignitatis Deus: passus es ipsa essentialis Dignitas Deus: & passus es ab impiorum indignissimis, ab indignissimorum impiissimis, à vilissimorum vilissimis. Eaquæ omnia mihi quoque assumo, & ea in me quoque cum tua gratia derivo, me his ingero, in his me Tecum esse cogito, imaginor, eligo, amo, desidero, posco, gaudeo, glorior, propter Te, toto me.

IX. Colloco me Domine Iesu Tecum in iudicio matutino, in quo rursus rigide examinatus, injuste damnatus, denuo victus, & ad Pilatum raptus, illi oblatus, ab illo superbè cum supercilio discussus, ad Herodem tandem rejectus es.

X. Colloco me Domine Iesu Tecum in viis Ierusalem, quas pertransisti, pro quantis indignitatibus, tumultuationibus, injuriarum variationibus, plenas & superplenas.

XI. Colloco me Domine Iesu Tecum coram Herode, apud quem stetisti verecundus & tacens, accusatus constanter ab Iudæis, interrogatus levissimis à Rege sermonibus, irritatus & sugillatus ab ejusdem scurris & satellitibus, ab omnibus tandem spretus, illus, pro stulto, fatuo, insanoque reputatus, ac veste fatuorum amentiumque indutus, Pilato demum denuo remissus es. Hæc omnia Domine, ærumnarum tuarum genera, mihi quoque assumo, mihi induo, in his me esse cogito, eligo, amo, desidero, gaudeo, glorior Tecum, propter Te, toto me.

XII. Colloco me Domine Iesu Tecum denuo apud Pilatum, Tecum judicor, Tecum accutor, Tecum examinor, Tecum blasphemor, Tecum Barabbæ latroni, & seditioso insigni

com-

Psal. 72.
14.

componor, Tecum Barabbæ postponor, Tecum ad flagella denudor, Tecum ad flagella columnæ alligor, Tecum ad columnam virgis, flagris, loris, catenis, spini quæ cador, lividor, lanior, cruentor, vulneror, excarnificor, Tecum *castigatio mea in matutinis*, & flagellatio mea Tecum totâ die, seu quasi totius diei. Hoc Domine pati me cogito, imaginor, amo, desidero, peto, gaudeo, glorior Tecum, propter Te, toto me.

XIII, Colloco me Domine Iesu Tecum inter militum cohortem, purpureâ chlamyde indutum, spinicâ coronâ redimitum, abjecto in trunco saxove obvio collocatum, arundineo sceptro illufum, genu flexo adoratum, alapisatum, ridiculum Regem illusoriè salutatum, facie consputum, in Regem denique ac virum dolorum transformatum, & sublatâ omni hominis specie atque formâ, Ecce Homo, quasi minimè jam esset Homo, furiosâ plebi demonstratum, denominatumque. O mi Iesu! ô mi Homo! & vix jam propter me Homo: ecce & ego homo: ô si fiam Tecum & propter Te Tui simillimus, Homo? Ecce me talem esse, qualem Te video esse, Tecum cogito, amo, desidero, peto, gaudeo, glorior, statuo, toto me propter Te.

XIV. Colloco me Domine Iesu Tecum coram Pilato metuente tumultum effrenatâ plebis, & metum suum faciente crimen tuum, audio sanguinolentarum belluarum cruentas voces contra Te, Tecumque contra me. Tolle, tolle, Crucifige eum. Audio sanguinem tuum unico haustu exsorbitum; & tam sibi, quàm suâ toti posteritati ab infelici, ab ingrato, ab immani populo propinatum. Audio contra Te latum mortis verbum, audio Te traditum voluntati hostium tuorum, audio adjudicatum esse, ut de Te fiat satis petitioni inimicorum tuorum: audio de Te Majestatis Domino [Crucifigatur.] decretoriè esse pronuntiatum. Video Te Domine cruce onerari, onustum patibulo, foras produci, ad locum supplicii, ipsum supplicium Te bajulare, cum iniquis reputatum esse: aceto, felle, myrrhâque potari, in cruce expandi, Cruci clavis affigi, in cruce sublimari, medium latronum statui & pendere. Et hoc demum est Domine Iesu, quod Tecum & pro Te, me esse cogito, imaginor, amo, desidero, peto, æstuo, sitio, efflagito, gaudeo, glorior, profiteor, debeo, debere volo, & gaudeo, propter Te, toto me.

XV. Col-

XV. Colloco me Domine IESU Tecum in cruce crucifixum; cum nudo nudum, cum confixo confixum, cum dolente dolentem, cum illuso illusum, cum despecto despectum, cum blasphemato blasphematum, cum irriso irrisum, cum maledicto maledictum, cum vulnerato vulneratum, cum derelicto derelictum, cum cruento cruentum, cum excruciato excruciatum, cum deficiente deficientem, cum moriente morientem, cum mortuo mortuum, per omnia Tibi socium, Tibi similem, Tibi conjunctum, Tibi conformem, Tibi confixum, alterum Te, & unum Tecum. Et ita Tecum esse, pro nunc & pro omni vita mea, pro quolibet momento vitæ meæ, me cogito, imaginor, colloco, statuo, volo, amo, desidero, peto, ardeo, fameseo, gaudeo, glorior, toto me, propter Te, propter Te toto me. Ange Domine & exple & serva desiderium meum patiendi Tecum, propter Te toto me.

Hoc aut simili modo, per internam animæ nostræ operationem, potentiarumque applicationem, possumus meditando, communicare Passionibus Domini nostri IESU Christi, atque stigmata illius circumferre. Quo genere persentiscendæ in nobis Dominicæ Passionis, Paulus Apostolus vult nos exerceri, quando ita seu præcipit, seu hortatur. *Hoc sentite in vobis quod & in Christo IESU: qui cum in forma Dei esset, &c.* Hoc genere persentiscendæ Passionis Christi plurimos Sanctorum legimus divinitus fuisse dignatos, & sine dubio cum majori redundantia gratiæ cœlestis, quàm nos imaginando cogitandoque assequi possumus. Hoc profectò dono dignatus fuit Petrus, Andreas, Paulus, Apostoli. Hoc sanctus Franciscus de Assisio, hoc sancta Catharina de Senis, hoc Beata Margarita de Cortona, Beata Angela de Fulgino, Beata Clara tam Assisias, quàm à Monte Falcone, Beata Maria de Oegnies, aliique plurimi sanctorum, de quibus legimus, peculiari privilegio indultum eis fuisse, non rarò à Christo Domino intimum quendam gustum, sensumque experimentalem Passionum & dolorum suorum.

M O D V S XXXI.

TRigelimus primus meditandi Passionem Dominicam modus est: facere sibi lavacrum, seu balneum, atque baptis-

smum, ex passionibus, doloribus, ærumnis, vulneribus, atque sanguine IESV Christi. Notum est, quòd Dominus IESVS Passionem suam, baptismum suum, vocaverit. *Baptismo, inquit, habeo baptisari, & quomodo coarctor usq; dum perficiatur.* Paulus quoque Apostolus nos ablutos esse, & ablui in Sanguine Christi, pronuntiat. Similiter Ioannes Euangelista Electos Dei affirmat lavisse stolas suas in sanguine Agni, easque dealbasse. Quin & Iacob Patriarcha asserit, Christum, *abluturum in Sanguine stolam suam.* Beata Catharina Senensi legitur dixisse Deus, [Sanguinem Christi esse veluti salubre balneum, ad abluendas ejus & aliorum iniquitates.] De Beato Francisco Patriarcha suo scribit Divus Bonaventura, eum in more quotidiano habuisse, animam suam à quotidianis defectibus, sine quibus hæc vita non vivitur, etiam à sanctissimis, abluere, sive balneare in sanguine IESV Christi: quod etsi variè sanctissimus vir præstare potuerit, non ambigo tamen, id eum potissimum ope considerationis, & applicationis ad sese Passionum & meritorum Christi Domini factitasse. Quare unicuique devoto Amatori puritatis internæ, studiosoque placendi oculis Majestatis Divinæ, accurrere ad Passionem Christi, ex eaque tanquam ex fonte patente tollere aquas salutis, ad abluentionem peccatricis animæ suæ licebit.

Gen. 15. 5. I. Aliquando ergo omnia peccata sua in unam veluti sarcinam congregans atque colligans: in rubrum Mare Passionis ac Sanguinis IESV Christi descendet cum omnibus, & ea ibidem tanquam Ægyptios persecutores suos demerget, atque in profundum, quasi lapidem aut plumbum, eos descendere faciet.

4. Reg. 5. 14. II. Aliquando tanquam Naaman Syrus leprosus in Iordanem Passionis Christi descendet, ibi septies lavabitur, & lepram deponet vetustæ conversationis, induet autem Carnem Innocentissimi pueri, hoc est, ipsius IESV Christi Hominis Dei mores.

III. Aliquando particulares quaslibet noxas suas præteritas, aut presentes assumet: & eas mananti Sanguineis rivulis Christo supponet, immerget, in eisque deterget & abluet. Superbiam & ambitionem suam, Sanguini Capitis Christi spinis horridi immerget. Tepiditatem, negligentiam, & pusillanimitatem

mitatem suam, Tristitia, tædio, mœrori, agoniz, sudorique IESV Christi intinget. Immundissimas inverecundias, voluptuositateque carnis suæ, sanguinolento à flagellis ad columnam IESV injiciet, & in vulneribus illius tanquam in Natoria Siloë emundabit. Impatentias suas, iras, amaritudines, odia, invidias, perfollo clavis, & lanceâ Christo, deque Cruce pendulo, atque cruore stillanti supponet, in iisque fontibus, ab omni malitia & rancore, cor suum lavabit. Atque in hunc modum omnibus & singulis peccatis suis, peccatorumque pœnis, balnea assignabit in Passione Domini, & quidem vel per partes Dominicæ Passionis progrediendo, vel certè universam simul Passionem, omnemque Sanguinem, ac omne meritum IESV Christi, huic ablutionis usui deputando:

Ioan. 8.
7.

IV. Aliquando non ad eluendas tantum peccatorum maculas atque pœnas, sed etiam ad ornandam, divinisque conspectibus & amoribus exhibendam Animam, Passionis & Sanguinis, & meritorum Christi aquis balneoque utetur. Itaque partim sese totum cum omni sua interna & externa substantia, Passionibus ac meritis Christi immerget: partim singulas potentias suas, potentiarum actiones, virtutum habitus, & actus, Sanguini Christi intinget, eoque decorabit, & pretiosos coram Deo faciet, & quidem tam factos jam, quam etiam faciendos.

V. Aliquando, quemadmodum Regi Assuero, Reginae sponseque suæ, unguentis, omni que cultu Regio præparabantur; sic & homo, Animam suam cœlesti sponso, per sanguinis IESV Christi balneum atque unguentum præparabit, vesteque passionum ac dolorum, & meritorum ejusdem induet, & omnes unitivos, sponsalesque affectus suos, vulneribus Christi, ab ignita sua charitate sauciati, conditos, ornatos, & pretiosos faciet, ut impleatur in Anima & Christo illud. *Venerunt nuptie Agni, & uxor illius præparavit se, & datum est illi, ut cooperiat se byssino splendenti & candido.*

Ester. 2.
12.

Apos.
19. 7.

Ita Passionis Christi balneum serviet meditatori devoto, & ad abluendas sordes peccatorum, & ad sublimandos appetiendosque apparatus virtutum, & ad consociandam, conjugendam, conglutinandamque animam, tanquam sponsam Deo, animarum vero & amabili sponso, atque amatori.

M O D V S XXXII.

TRigesimus secundus Passionem Christi meditandi modus est: recogitare illam, tanquam Beatitudinem Christi Domini, & simul nostram. Quia enim Dominus IESVS Beatitudinem definivit, atque sitam esse docuit in Paupertate Spiritus, in Mansuetudine, in Luctu, &c. hæc verò omnia quàm maximè elucescunt, atque à Christo exercita sunt in Passione: sequitur in Passione Dominum IESVM fuisse beatissimum: sequitur etiam nostram beatitudinem quàm maximam, sitam esse in Passione Christi, & in imitatione Passionis Christi; Est autem sermo hîc, non de Beatitudine simpliciter seu Patriæ, quæ consistit in visione Beatifica Dei: sed de Beatitudine viæ, quæ consistit in Participatione Passionis Dominicæ: & est medium planum ad Beatitudinem Patriæ, juxta illud S. Leonis *Certa atq; sicura est expectatio promissæ Beatitudinis, ubi est Participatio Dominicæ Passionis.*

Matth.

S.

I. Dixit ergo Dominus IESVS. *Beati Pauperes Spiritu quoniam ipsorum est Regnum Cælorum.* Quia verò Dominus IESVS, in omni quidem vita sua fuit pauperrimus, sed tamen in Passione ultimam Paupertatis substantiam complexus est: certum est, Christum Dominum in sua Passione, quemadmodum spiritu pauperrimum, ita & Regni cœlestis Dominum, ac tandem & Beatissimum fuisse.

Matth.

S.

II. Dixit etiam Dominus IESVS. *Beati mites, quoniam ipsi possidebunt terram.* Si quis in Passione Domini Mansuetudinem ejus non videt, non discit, non amplectitur, in nullo alio loco eam agnoscet, in nullo libro discet, in nullo exemplo amplectetur. Nullibi enim majora argumenta, magisque convictivas demonstrationes ad Mansuetudinem suadentes, immo cogentes reperire possibile est, quàm in IESV Patiente. Atque ita hîc quoque IESVS Beatissimus fuit: hîc ditissimus terræ possessor, hîc etiam nobis Beatissimæ mititatis ad imitandum amplectendumque persuasor, & demonstrator exstitit.

Matth.

S.

III. Dixit quoque Dominus IESVS. *Beati qui lugent, quoniam ipsi consolabuntur.* Consideret jam quî vult, quis magis lugens, quàm IESVS? Vbi magis lugens IESVS, quàm in Passione? quid tam luctuosum, quàm Passio IESV? Vbi tam lugendus

lugendus IESVS, quàm in Passione, & ob Passionem? quæ magis lugenda atque luctuosa causa cogitari potest, quàm illa propter quam Passus est IESVS? & quàm hæc ipsa, quia passus est IESVS? Nemo unquam adeò lugens fuit, quomodo IESVS, qui quantus quantus fuit (quantus autem aut quid non fuit IESVS?) totus lugens, totus luctus fuit in sua Passione: adeò, ut non tantum oculis, sed omnibus membris, omnibus viribus, omnibus potentiis, omnibus substantiis suis, planxerit; & insuper totum universum cum omnibus suis partibus, in societatem luctus sui assumpserit, totoque se, toto universo, in sua Passione ploraverit. Quare cum maximè lugens sit IESVS in Passione: maximè etiam Beatus, maximè consolatus, maximè beatificatus est in Passione. Quisquis ergo beatus esse cum IESV vult, cum IESV lugens, instar IESV lugens, ad mensuram IESV lugens, sit oportet. Lugeat lugente IESV, lugeat lugentem IESVM, lugeat causam luctus IESV, lugeat dedisse se causam lugendi IESV, lugeat non lugere se lugente IESV, lugentemque IESVM: lugeat non lugeri lugentem IESVM, & lugente IESV? lugeat ridere & insanire nos lugente pro nobis, & super nos IESV? Imitetur lugentem IESVM: & luctu suo consoletur luctum IESV, & hac ratione accipiet communionem consolationis IESV, & erit luctu suo beatus, sicut luctu suo fuit Beatissimus IESVS.

IV. Dixit præterea IESVS. *Beati qui esuriunt & sitiunt Iustitiam: quoniam ipsi saturabuntur.* Si Iustitia est Dei gloria aut Voluntas; si Iustitia est Salus, Redemptio, Sacrificatio nostra: si Iustitia est Eruditio, & instructio, & deductio recta ad vitam æternam, & beatam omnium nostrum. Si Iustitia est cum Deo Pax & reconciliatio nostra: quis hanc omnem Iustitiam esuriit aut sitiit magis quàm IESVS? Vbi verò hujus Iustitiæ fame ac siti exarsit, & extabuit emarcuitque magis IESVS, quàm in Passione? Hæc illa fuit sitis, quam IESVS in Cruce etiam moriturus testatum Deo & universo voluit, cum exclamavit, sitio. Hæc illum Iustitiæ sitis ussit, hæc fames urisit, hæc fame sitique mortuus est, hæc fame sitique redempti sumus. Hæc siti & fame Iustitiæ, beatissimus factus est IESVS. In hac siti & fame, usque modò per salutem efficacem electorum subvenitur IESV, & satiatur IESVS. Hæc siti & fame usque

ulque modò laborat IESVS, usque modò vult nos cruciari & laborare IESVS. Hac siti & fame, nos laborare gaudet IESVS. Laborate, laborate hac siti, hac fame, omnes, omnes; qui diligitis IESVM, & siti fameque vestrà, sitim fameque restinguite in IESV; erit enim merces operi vestro; quoniam Beati qui esuriunt & sitiunt Iustitiam, ipsi enim saturabuntur, hinc quidem salute & Iustitiâ tam propriâ, quàm fratrum suorum, in Cœlo autem, gloriâ & beatitudine IESV, & omnium Electorum. Sed nos esurimus & sitimus iniustitiam magis quàm Iustitiam. Nauseamus potius Iustitiam, & famem, sitimque Iustitiæ; plenis autem buccis edimus & bibimus nostræ aliorumque salutis & perfectionis negligentiam, nostram aliorumque perditionem. Cadit asina, & est qui subleuet; perit anima, & non est qui vel respiciat: hæc scilicet est sitis ac famēs Iustitiæ beatificans & satians.

Matth.
5.7.

V. Dixit ad hæc IESVS. *Beati misericordes, quoniam ipsi misericordiam consequentur.* Considera quis magis misericors, quàm Patiens IESVS? considera quæ major misericordia, quàm Passio IESV? ubi videbis misericordiam Dei, ubi Misericordiam Deum, ubi misericordiarum Patrem Deum, ubi multitudinem miserationum Dei, si non in Patiente, si non in Passione IESV? Ibi ergo IESVS misericordissimus, ibi misericordiam omnem universo generi humano consequutus, ibi beatissimus. Hanc tu misericordiam recogita, hanc edisce, hanc ebibe, hanc sectare, hanc imitare, in hanc transi, & transmutare: & sic miserebitur tui Deus: & sic beatus eris, sicut est beatus IESVS. Alioqui nisi quis fuerit ita misericors, sicut fuit IESVS, nequaquam misericordiam consequetur, nequaquam beatus erit ut IESVS. Misericors est Deus, misericors est etiam IESVS: sed aliter Deus, aliter IESVS. Deus misericors est, at sinè miseria sua; IESVS misericors est, per miseriâ, passionem, & mortem suam: qui ergo vult esse beatus miseratione, sit misericors cum sua miseria & passione. talis enim misericordia est beatitudo; tali misericordiæ, miseretur Deus; talem misericordiam, in suæ Passionis exemplo docuit nos IESVS.

Matth.
5.

VI. Dixit insuper IESVS, *Beati mundo corde: quoniam ipsi Deum videbunt.* Si cor mundum habentes Beati sunt, & Deum

Deum vident: quanto magis ipsa cordis munditia vera, & sine qua, nulla est in ullo corde munditia; & à qua, & per quam, est omnis omnium cordium munditia, & quæ est ipsius munditiæ cor, & medulla, & substantia: beata erit, beatitudo erit, Deumque videbit: Atque talis citra omnem dubitationem est JESVS, semper quidem & ubique, at specialiter & maxime in Passione sua: in qua lavit nos ab omnibus inquinamentis nostris; & in qua mundavit sibi omnem Electorū Ecclesiam, exhibuitque eam sibi non habentem maculam aut rugam. Attende jam o Anima quanti constiterit Christo JESU Cordis tui munditia? attende quanta se impendit munditia, pro expurganda tua immunditia? attende quanta fuerit tua immunditia, cui abolendæ supereffudit se tanta tota munditia? attende quantum appretianda tibi fuerit, & sit, tanto tibi sumptu indulta, & collata munditia? *Quotquot baptisati estis, Christum induistis*, clamat Apostolus. quod est dicere; Quotquot emundationem cordium & animarum in baptismo Christi accepistis, Christi ipsius munditiam superindulistis, & per gratiam ejus sanctificantem, ad esse, naturamque filiorum Dei, transiistis.

VII. Dixit quoque JESVS. *Beati pacifici, quoniam Filii Dei vocabuntur.* Scimus JESUM Pacificatorem esse: immo ipsammet pacem nostram, Principemque Pacis esse: qui fecit utraque unum, reconcilians ima summis, & dissolvens mæceriam, tam peccati inter nos, & Deum dividendis, quam legalium observantiarum, inter Gentes & Judæos separationem statuentium. Hæc autem Pacificationis opera potissimum in Passione & per Passionem suam adimplevit: unde meritò non tantum Pacificus, non tantum Beatus, non tantum Filii Dei nomine vocatus: sed verissimè Pax ipsa, verissimè Pacis Princeps, verissimè Beatissimus, verissimè Filius Dei connaturalis consubstantialisque existere inventus & probatus est. Discamus à Pacifico nostro JESU Christo, veram pacis viam, veram pacificationis normam, veram & supremam pacis curandæ, statuendæ, servandæ legem. Patientia ducit ad Pacem, patientia docet pacificationem, patientia facit pacificatores, facit pacificos. Sicut Impatientia & impotentia seminat discordias. Vnde enim bella, lites, (ait Apostolus) *nonne ex concupiscentiis vestris? Si adhuc Zelus* (alius loquitur) *& contentio sunt inter*

Ephes.
5. 27.

Galat.
3. 27.

Matth.
5.

1. Cor. 3.
vos, 3.

vos, *nonne carnales estis?* Qui carnalis est, brutus etiam & bestialis est, immortificatus & impatiens est, contentiosus, zelans, & belliger est. Patientia ergo pacatum, patientia pacificum, patientia Filium Dei, patientia Palsi & Pacificatoris JESU fratrem, patientia beatum, beatissimumque facit.

Matth. 5.

VIII. Dixit denique JESVS. *Beati qui persecutionem patiuntur propter iustitiam: quoniam ipsorum est Regnum Caelorum. Beati estis cum maledixerint vobis homines, & persecuti vos fuerint, & dixerint omne malum adversum vos, mentientes, propter me; Gaudete & exultate, quoniam merces vestra copiosa est in Caelis.* Et quis, aut ubi, maiorem persecutionem propter Iustitiam passus est, quam in Palsione morteque sua JESVS? cui tam maledixerunt homines? adversum quem ita omne malum mentientes dixerunt homines, quam contra JESUM Patientem? & in Cruce morientem? Ergo gaude & exulta & beatissimus esto mi JESU: quoniam qui prae omnibus, immo & pro omnibus persecutionem passus es, prae omnibus, etiam, & pro omnibus *merces tua copiosa est in Caelis:* quin & ipse factus es merces magna nimis omnium nostrum in Caelis. Vade & tu homo fac similiter; ama, & sectare, & sustine, & veluti suavissimum bolum degluti persecutiones, maledicta, mentientium adversum te hominum, propter iustitiam, propter innocentiam, propter virtutem, propter bonitatem, propter veritatem, propter beneficentiam, propter JESUM, & beatus in tali facto eris, & gloriari in isto nomine poteris & copiosa mercedis in Caelo haeres eris.

Matth.
5. 12.

Hunc in modum Dominus JESVS, quam nobis beatitudinem commendavit, eam ipse amplexus est: utque eam amplectamur magis facto, quam verbo, proprio hortatus est. hunc etiam in modum nobis, & ostendit, & complanavit, facilitavitque viam rectissimam, simul ac altissimam compendiosissimamque ad omnimodam Sapientiam, Iustitiam, Sanctitatem, & Beatitudinem. hunc quoque in modum, correxit errores nostros inveteratissimos, qui ea, quae sunt & ipsa bona maxima, & maximorum insuper bonorum, ipsarumque adeo beatitudinum, & materia, & seges, & via, & causa, malorum & detestabilium, & miseriarum infelicitatumque nomine appellare consuevimus. Ita scilicet *quod solum est Dei, Sapientius est*

2 Cor. 1.
25.

omnibus

omnibus hominibus; quod miserrimum est Christi, beatius est omnibus humanis beatitatibus. Vtinam homines istud Sapientiae beatitudinisque arcanum; tam ardentem, tam solidè, tam constanter discant, & teneant; quàm irrefragabilibus argumentis; & irrefutabili magisterio, & irreprobabili exemplo, illud docuit in omni quidem sua vita, sed speciatim in omnī Passione sua; IESVS.

Arbitror minimè fore pio lectori vel grave, vel inutile, si eundem ipsum meditandæ passionis Christi modum, verbis Sapientissimi Patris Ludovici de Ponte hic exposuero. habent enim verba ejus succum, & efficaciam sibi solitam. Sic igitur ille, dum expendit heroicæ virtutes à Christo in Passione exercitas, loquitur. [Perpendam multitudinem & præstantiam harum virtutum, discutendo per octo heroicæ actus, quos Christus Dominus in suo sermone, quem in monte habuit, beatitudines appellavit, quasque ipse in sua Passione valde eminenter exercuit.

I. Nam primò exercuit *Paupertatem Spiritus*, dum rebus omnibus, etiam propriis vestimentis renuntiavit, nudus omnino in Cruce manens. Cum Paupertate verò simul exercuit Humilitatem, quæ in ea includitur, dum vanos honores, mundaque pompas calcavit, amplexus verò est omne genus opprobriorum.

II. Exereuit etiam heroicam *Mansuetudinem*, in medio tot ferarum, quæ ipsum mordebant, & lacerabant; ipse verò tantquam agnus nec loquebatur, nec se defendebat, aut indignabatur: tantam verò simul ostendit Fortitudinem, atque si adamas esset, in omnibus quæ patiebatur.

III. Flevit amarè pro nostris peccatis, *clamore valido, & lachrymis, preces & supplicationes offerens*. Etiam usque ad sanguinem, quem per omnes corporis sui delicatissimi poros sudando effudit.

IV. *Esurivit* insatiabiliter Iusticiam, quia nunquam satiatum fuit in faciendis bonis, nec in perferendis malis, ut nos justificaret, & Sanctitatis exempla præberet, & hanc ob causam in Cruce pendens, dixit, Sitiō.

V. Fuit etiam singularis in *Misericordia* erga miseros, distribuendo illis, quicquid haberet, facultates omnes, honorem,

4. Part.

Med. 1.

Puncto

6. n. 2.

Matth.

53. &

sequ.

12

12

12

12

12

12

12

12

12

12

12

12

12

12

12

12

12

12

12

12

12

12

12

12

12

12

12

12

” sanguinem, vitā, ut eorum miseriis occurreret. Corpus quoq;
 ” suum in cibum dedit, ut eorum famem expleret, & sangui-
 ” nem suum in potum, ut eorum siti satisfaceret.

” V l. *Cordis Munditiam* habuit eminentissimam, conservans
 ” se in gravissimis occasionibus, absque peccato ullo, & potiùs
 ” occasionem accipiens ex eis, ad præstantissimos virtutum actus
 ” exercendos.

” V II. Fuit excellentissimè *Pacificus*, quia nos cum æterno
 ” Patre suo pacificavit, veramque pacem nobis obtinuit, quam
 ” etiam erga eos retinuit, qui bellum ipsi gravissimū inferebant.

” V III. Passus denique est propter *Iustitiam* maximas perfe-
 ” ctiones, quas ullus unquam sit passus, idque maximā Patien-
 ” tiā, quā ullus unquam habuerit: ut propterea jure optimo
 ” omnia ei præmia debeantur, quæ in his omnibus virtutibus
 ” correspondent, eademque promeritus est illis, qui ipsum in iis-
 ” dem virtutibus imitarentur.

” O Supreme Magister, si te loquentem in primo illo monte,
 ” audivissem; cū de his virtutibus sermonem instituisi, & vi-
 ” dissem postea, dum in Calvario Monte Patiens easdem exerce-
 ” bas! Idem ipse eras, eundemque finem, in utroque monte ha-
 ” bebas, loquens & faciens, docens alios pati, dum ipse patereris.
 ” Concede mihi Domine gratiam ut audiam quæ me docuisti, &
 ” exerceam quæ ipse exercuisti, me ipsum his quæ fecisti & Passus
 ” fuisti tecum in omnibus conformando.] Hucusque Pater
 Ludovicus.

M O D V S XXXIII.

TRigesimus tertius Modus meditandi Passionem Christi est:
 Perpendere quomodo illa omnia, quæ quondam Passus est
 in Corpore suo Humanitateque sua, nunc etiam patiatur mo-
 raliter in corpore suo mystico, quod est Ecclesia, & uniuscu-
 jusque hominis peccatoris anima atque vita. Satis notum est
 illud quod quibusdam peccantibus ab Apostolo objicitur, di-
 cente eos esse *rursum crucifigentes* sibi met ipsi *Filium Dei, &*
ostentui habentes, quod si crucifigentes, quidni & denudantes,
 quidni & flagellantes, quidni & coronā spineā illudentes, quid-
 ni abnegantes, & Barabbæ postponentes, quidni vendentes, &
 osculi signo tradentes, &c. Neque absimilis est alia illa Apo-
 stoli

Hebr. 6.
6.

foli ejusdem exclamatio. *Quis vos fascinauit non obedire ve-* Gal. 3.
ritati, ante quorum oculos Iesus Christus proscriptus est, in vobis
crucifixus. quâ Apostol⁹ peccata Galatarû perstringit: quorû
 proprius effectus est, Mors Christi. Quidenim aliud est pec-
 catum, nisi Christicidium, & carnificina, crucifixioque Re-
 demptoris? quare, quotquot sunt qui peccatum in conscientia
 suâ gerunt, & vident, ii in sese Crucifixum Christum portant &
 spectant: quotquot verò scelera sua aggravant & innovant, ii
 Christi lanienam & crucifixionem exaggerant & restaurant.
 Cùm ergo hoc ita sit, rectè Passionis Christi Meditatio sic insti-
 tuti potest, ut quotidiana ejus instauratio spectetur defleaturq;
 & quidem toties repetita, quot sunt ii qui peccant, quiq; pec-
 cata seu cumulant, seu renovant: & tantò etiam indignius sce-
 leratiùsque id faciunt, quàm olim Iudæi fecerê: quia hi qui-
 dem ignorantes Dominum gloriæ mori & pati fecerunt, at isti
 fidem in Christum profitentes, in eundem nihilominus jam
 gloriosum, jamque immortalem, & mori impotentem, scele-
 ratissimam carnificinam exercent.

Itaque hodie adhuc venditur Christus: ab omnibus turpis
 lucri cupidis, & quæstum pietatem æstimantibus.

In horto Christus timet, tædet, contristatur: apud omnes
 deficiosos voluptatumque amatores.

Et sæpe hoc in horto oliveti sustinet Iesus: apud eos scili-
 cet, quos per misericordiam suam peculiarem, in hortum, si-
 ve Ecclesiæ, sive Religionis alicujus sacræ, induxit.

Agonizat Iesus apud eos, qui sese peccandi occasionebus,
 ultro immiscunt.

Sudat sanguinem: apud oppressores pauperum, & devora-
 tores eorum, sive in abscondito, sive in aperto.

Vigilat Christus, nobis interea per socordissimam securita-
 tem negligentiamque stertentibus.

Osculo traditur Christus, ab his qui speciem licet pietatis
 præferant, virtutem tamen ejus abnegant, qui dicunt Deo, Do-
 mine, Domine, & non faciunt, quæ imperat Dominus.

Captus est Christus apud eos, qui veritatem sive fidei, sive
 iustitiæ in iniquitate detinent.

Affligitur in Concilio Sacerdotum Iesus, quia, ut ait Gre-
 gorius, à nemine tantum præjudicium patitur Deus, quàm à
 malis Sacerdotibus.

Falsi testes in IESVM subordinantur: apud iniquos rerum, morum, causarumque aestimatores, apud innocentium calumniatores.

IESUM tota nocte excruciant, infandæ, innominandæque turpitudines.

Tacet IESUS apud Pilatum: quia potentes ea solum audire sustinent, quæ ad illorum sensum, & intentum sunt: solis adulatoribus & palpatoribus aures accommodant. Veritatis & æquitatis sinceros enarratores, foras excludunt.

In aula IESUS pro stulto habetur, multis quæstionibus exagitur, constanter accusatur, illuditur. Pietati enim, virtuti, sinceritati, æquitati, modestiæ, veræ prudentiæ, quis locus in aula? Exeat aula, qui vult esse pius.

Discipulus unus Christum vendit, alter abjurat, alii deserunt omnes. Quis enim cæcus, nisi Dei servus: aut quis surdus, nisi ad quem nuntii Dei, semper mittuntur? Sicut non invenies meliores, quàm qui in Religione profecerunt; sic non invenies deteriores, quàm qui in Religione defecerunt. Optima vina, in mordacissimum degenerant acetum.

Flagellis emendatur IESVS: apud omnes detractores & persecutores, invidentesque bonis alienis, & quod bonum, pium, rectum, verumque est, hoc mordacitate linguarum suarum perfricantes & flagellantes: in quibus flagellis, qui IESVS, hoc est, qui solidus virtutis amator est, is proficit, & fortior evadit: sed qui infirmus, & pusillo corde est, hic coram flagello lingue, evanescit.

Coronat IESUM: superbia, vana gloria, jactantia.

Nudat IESUM. Omnis inverecundia, omnis avaritia, omnis infamatio.

IESVM conspuat convitiator, contemptorque Dei & proximi.

Alapam dat IESU, quisquis Potestati resistit, obstrepit, quisquis impotenter Probitatem opprimit.

Barabbæ IESUM præponit: quisquis dicit bonum, malum; malum, bonum: quisquis creaturæ & cupiditati postponit Creatoris voluntatem & dignitatem, quisquis respicit personam, non causam.

Sanguinem Christi super se, suosque accipiunt: qui vindictam

etiam

Etiam quarunt, qui implacabilibus odiis ardent, qui aliis scandalo, & ad perditionem exemplo, aut incitamento sunt.

Damnant IESUM ad mortem, quotquot prave voluntati suae, aut alienae, in peccatum consentiunt: quotquot timorem hominum timent; Deum vero offendere non timent.

Aceto & felle potant IESUM: gulosi ebriosque omnes: nec non illi, qui vitae emendationem in extremas vitae horas differunt.

Crucem IESU imponunt: qui in malis alienis latantur, rident, insultant, qui imponunt onera gravia aliis, quae ipsi digito non tangunt.

Affigunt IESUM Cruci, qui in peccatis sunt haerentque obstinati.

Inter latrones IESUM deputant: qui alios propter Iustitiam persequuntur: & calumniis inter pessimos pestilentissimosque ponunt.

Occidunt IESUM in Cruce: qui aliis perseverantiam in bono, seu statu, seu opere, vel invident, vel auferunt: qui etiam impatientes sunt in adversis, & unde meliores esse per flagella debuerant, deteriores ex impatientia evadunt: qui denique in malo finaliter moriuntur.

Extra urbem IESUM ejiciunt, & necant: qui meliorum convictum exosi, eos a se, vel se ab illis subtrahunt, ne illorum conspectu ledantur, aut eorum exemplis, ad meliora vel inviti stimulentur.

Sed lubet hunc ipsum meditandi modum, verbis Pretiosissimae Dei Matris, Beatae Brigittae propositum, hic etiam proponere, multam enim poterit utilitatem lectori asserere. Igitur Dei Mater cum dixisset, Christo Filio suo ab inimicis quatuor mala illata.

I. Coronam spineam impositam. II. Manus & pedes perfossos. III. Fel propinatum. IV. Latus punctum. Ita deinceps pergit.

[Sed nunc conqueror, quia Filius meus ab inimicis suis, qui nunc sunt in mundo, amari crucifigitur, quam tunc Iudaei crucifixerunt eum. Nam licet deinceps impassibilis sit, nec mori possit: tamen cum propriis vitiis crucifigunt eum. Sed tu forte potes quarere, quomodo crucifigunt eum? utique pri-

116 mō ponunt eum in Cruce, quando de pręceptis Creatoris sui &
 117 Domini non curant. Et de honestant eum, quando ipse monet
 118 eos per servos servire sibi, & ipsi hoc contemnentes faciunt quę
 119 sibi placent. Deinde crucifigunt dexteram manum, quando te-
 120 nent iustitiam pro Injustitia, dicentes. *Peccatum non est sic gra-
 121 ve & odiosum Deo sicut dicitur, nec Deus in eternum affligit quen-
 122 quam, sed propter timorem minatus est.* Deinde crucifigunt si-
 123 nistram manum ejus, quando virtutem vertunt in viciū, vo-
 124 lentes usque in finem peccare, dicentes. *Si dixerimus in fine se-
 125 mel: Misere mei Deus, tanta est misericordia Dei, quodd habebi-
 126 mus veniam.* Hoc non est virtus, velle peccare, & non emen-
 127 dare. Postea crucifigunt pedes ejus, quando delectantur in fa-
 128 ciendo peccatum: & non semel cogitant amaram Passionem Fi-
 129 lii mei, nec regratiantur ei semel de intimo corde, dicentes. *O
 130 quā amara erat Passio tua Deus! Laus tibi sit pro morte tua.*
 131 Coronant eum deinde Coronā derisionis: quando derident ser-
 132 vitores ejus, & vanitatem reputant servire ei. Dant ei etiam fel-
 133 bibere, quando gaudent & exultant in peccato, nec ascendit se-
 134 mel in corda eorum, quā grave & multiplex sit. Pungunt
 135 latus ejus, quando voluntatem habent perseverandi in peccato.
 136 Verē dico tibi, & hoc amicis meis dicere poteris, quia tales
 137 sunt ante Filium meum, injustiores judicantibus eum. Immi-
 138 tiores crucifixoribus ejus, impudentiores venditoribus ejus, &
 139 major poena debetur istis, quā illis. Pilatus scivit bene Filium
 140 meum non peccasse, nec dignum aliquā morte, tamen quia ti-
 141 muit temporalem potestatem & seditionem Iudęorum, judi-
 142 cavit quasi inivitus filium meum ad mortem. Quid autem ha-
 143 berent isti timere, si ei scirent? aut quid de honore suo ac di-
 144 gnitate amitterent, si ipsum honorarent. Ideo gravius isti ju-
 145 dicabuntur, & deteriores Pilato, in conspectu Filii mei; quia
 146 Pilatus judicavit eum propter petitionem & voluntatem alio-
 147 rum, cum timore quodam: isti autem judicant eum propter vo-
 148 luntatem propriam absque timore. Usque huc Beata Virgo lo-
 149 quitur sanctę Brigittę, videri autem possunt sequentia in ean-
 150 dem sententiam, quę brevitas causā hęc omittit.

Hunc aut similem in modum non inutiliter Christi Passio exp-
 151 pendī potest. Sive quis hac meditatione Iesum à se ipso, sive
 152 ab aliis Crucifixum esse, crucifigive meditetur: habebit enim

ex hac

ex hac meditatione uberem poenitentiae de suis, ac alienis peccatis materiam, habebit copiosam pro Deo, ejusque honore ac voluntate zelandi causam, habebit efficaces, ad lugenda sua & aliena, immo & Dei Christi que mala, ad procurandam suam & aliorum salutem, conversionemque stimulos: habebit multam occasionem ac segetem considerandae Dei super peccatores patientiae ac miserationis, deprecandae ac amovendae ab eis iustae Divinae vindictae: agendi gratias Deo, à quo se fortè sentiet ex talibus in Christum lanienis vel eductum, vel certè (quod majus est) etiam praeservatum, &c.

Hujusmodi Meditationem de Christi Passione quae etiam in praesenti tempore, ab ipso sustentur, servatà proportionem potest facere homo aliquis, minimè quidem ille malignus & gravibus mortiferisq; peccatis implicatus, statui tamen suo, quem fortè profitetur, item ubertati gratiarum, & auxiliorum Dei, quibus abundanter ad perfectiora studia, insignioremque sanctitatem impellitur, minimè uti deberet respondens, quotidianis iisque voluntariis imperfectionibus, immortificationibus, sensualitatibus, levitatibus, otiositatibus, alienorum factorum, morum, talentorum, censurationibus, bonorum omissionibus, ac dilationibus, in bono languoribus, vanae gloriae, honoris proprii venationibus, de se praesumptionibus, tepiditatibus, regularum suo statui propriarum transgressionibus, ac observantiarum communium vilipensionibus, in proximos quàm domesticos, quàm extraneos malorum exemplorum exhibitionibus, aliisque similibus tepidorum propriis modis, Christum perfectionis Magistrum, animarumque specialius à se dilectarum & praeventarum Zelatorem, excrucians, & ejus Passionem innovans, adeò quidem intimo & penetrativo doloris sensu, ut Dominum IESUM tactum dolore cordis intrinsecus, non rarò poenitere necesse sit, quòd tantam gratiarum copiam, in tales profuderit, adeòque demum incipiat eos evomere ex ore suo, tantò abominandos magis, irrevocabilerq; ejiciendos, quanto id quod nauseà compellente aliquando dejecimus, odibilius detestamur.

M O D V S XXXIV.

TRigesimus quartus Meditandi Passionem Domini Modus est: assumere ad considerandum miracula, quæ in Passione Domini facta legimus: quæque nunc etiam in nobis spiritualiter fieri experimur & videmus: quæ & agnoscere, & mirari, & æstimare, & Deum in eis, pro eisque laudare, & à nobis desiderari, acceptarique, summopere nobis salutare, Deo autem & Christo Redemptori nostro honorificum est. Est autem certum, plurima valde miracula in Passione Domini facta esse: immo tota Passio Domini, totusque patiens ac Passus Iesus, miraculum est sanè miraculosissimum: hoc tamen loco miracula pressiore modo assumpta consideranda propono, adductis aliis quibus eorum in exemplum.

I. Miraculum fuit, Christum initio Passionis tristatum fuisse, se toedioque affectum, tam valido, ut juxta naturæ cursum mori ab illa vehementia debuerit, neque tamen mortuus sit: Hoc miraculum Passio Domini operatur frequentissime in servis suis, ad obsequium Domini, à seculari & mala vita accedentibus, quos initia conversionis, & conversationis austerioris, naturæque ad talia insuetæ repugnantis, sæpe vehementer concutunt, atque tam timore, quam tristitiâ, quam toedio inundant, neque tamen absorbent, Dei virtute, Passionisque Christi efficaciam adjuvante.

II. Miraculum fuit in Passione, Christum sanguinem sudasse, & salvam tamen illæsamque vitam conservasse: quam corporaliter in tanta naturæ violentia, & complexionis teneritudine, auferri oportuit. Tale miraculum usque hodie operatur, & ab exordio Ecclesiæ operabatur Passio Christi, tum in Ecclesia tota universim, tum in particularibus fidelium Christi, Ecclesiæque filiorum personis. Quantis enim sudoribus, atque imbribus sanguinis, Ecclesia Christi à prima sui ætate ad usque hæc tempora sudavit? quantis etiam adhuc in diebus novissimis sudabit, in poenitentibus, in Confessoribus, in Martyribus? Et tamen Ecclesia Christi, quæ tantis in angustiis fluctibusque persecutionum & tyrannidum, humano & naturali sensu peritura erat: tantum abest ut perierit, ut potius in eam, quàm orbem implevit occupavitque universum, magnitudinem excreverit.

Quod

Quod etiam suo modo miraculum patrat Passio Domini quotidie in singularibus Dei servorum personis: qui dum ad Deum convertuntur: usque adeo carnem sanguinemque omnem exunt, usque adeo curam carnis sensusque omnis deponunt, usque adeo etiam semetipsos sibi adimunt, sibi que ipsis pereunt: plane ut mortui sepultique reputentur: qui tamen interea longè meliorem, ac diviniorem vitam in Christo absconditam assequuntur & vivunt.

III. Miraculum fuit in Passione, quod neque Iudas, neque affectus ipsius, Christum aliàs sibi cognitissimum, antequam oculos positum agnoscere potuerint. Ita omnino etiam nunc omnibus peccatoribus peccantibusque evenit: quod Christum, in quem peccant, non agnoscant. Si enim cognoscerent, nunquam utique ad injurias illius, necemque in suis animabus illi inferendam proficerent; neque ejus proditores fierent; sed enim nesciunt quid faciunt.

IV. Miraculum fuit in Passione Christi, omnem illam impiorum cohortem, unico Christi verbo, *Ego sum*, retro repulsam, & in supinum casum impulsam dejectamque. Tali scilicet miraculo quotidie peccatores terræ omnes cadunt, & inimici Christi terram lingunt. Hoc solum discrimine, quod quidam supini corruunt, qui scilicet in reprobū dati sensum, non resurgunt in Iudicio, sed in peccatis suis moriuntur, & Deus memor eorum non est amplius. Quidam verò proni cadunt, qui scilicet post lapsum ad veniam & poenitentiam veniunt, & convertuntur ad cor; in quibus peccata quidem corruunt, & quasi plumbum in profundum descendunt, ipsi tamen lavant stolas suas in sanguine Agni. Nimirum Christus Passus, positus est in ruinam, & in resurrectionem multorum.

V. Miraculum fuit in Passione, auricula per Petrum abscissa seruo Christum invadenti, ab eodem Domino mox sanata. Quale miraculum Passionis Dominicæ passim experiuntur peccatores, qui quo tempore maxime in Deum ejusque legem aut gratiam aut veritatem insanire festinant, ad unicum interioris Gratiæ Christi contactum, auriculam dextram recipiunt; & ex infidelibus fideles, ex inobedientibus obedientes, ex persecutoribus amatores, ex lupis agni, ex peccantibus poenitentes evadunt. Exemplo est ipse Petrus, quem negantem & abjurantem

respexit, hoc est, tetigit, in corde Christus, & statim auriculam ejus sanavit, quâ ille recordatus verbi Domini, exivit foras, & flevit amarè. Exemplo est Paulus, exemplo Magdalena, &c. Exemplo etiam est unusquisque nostrum sibi: qui toties ad tactum Domini auriculas recipimus, &c.

Serm.
Fer. 4.
Hebd.
sanctæ
ab initio.
Ludov.
de Ponte
quartâ
Parte
Med. ab
initio
introdu-
ctionis.
VI.
VII.

VIII.

IX.
2. Cor. 3.
18.
X.

Miracula alia, ne longus sim, non persequar: paucis ea cum sancto Bernardo perstringam, dicente. Passionem Domini usque in hanc diem facere ut terra tremat, lapides confringantur, & aperiantur sepulchra, atque velum templi medium à summo usque deorsum scindatur. Qui enim Passionem Dominicam recogitant, si si Terra sunt ob affectiones terrenas, & ob culpas cordium suorum, commoti tam severæ Dei in ipsum suum unigenitum Iustitiæ timore sancto, contremiscunt, & ad terrenos illos affectus suos deferendos, excitantur. Quod si Petra sunt ob duritiem cordis, emollescunt, & confringuntur, ob magnitudinem doloris, quem & de suis peccatis, & Christi pœnis, quas pro eis subiit, concipiunt. Si sunt Sepulchra clausa, foetentia, & plena ossibus mortuorum, ob multitudinem criminum, & ob pudorem ea confitendi, aperiuntur virtute Passionis in confessionibus, ut mortem à se repellentes, ad vitæ novitatem consurgant, & veniant in sanctam beatitudinis aternæ Civitatem. Omnibus denique *Scinditur Velum*, quod dividebat inter nos & Deum, ut possimus juxta Apostolum *revelatâ facie gloriam Domini*, & abyssum cœlestium ejus secretorum *speculari*. Nec absque causa divisum est velum à summo usque deorsum, sed ut significaretur per Christum Crucifixum licere nobis contemplari altitudinem Divinitatis, & excelsas ejus perfectiones: profunditatem quoque & humiliationem ejus Humanitatis, & perfectissimas maximèque exemplares ejus virtutes. Obscuratur etiam *Sol* in morte Christi, vel quia ubi Christus mortuus est, ibi proculdubio cæcitas cordis est, uti in infidelibus & peccatoribus videre est. Vel quia, ubi efficacia Passionis mortisque Christi mentes invadit ac possidet, ibi omnes terrenæ mundanæ sensualesque deliciae, vanitates, felicitates, & claritudines evanescent, & in tenebras abeunt, contemptibilesque fiunt, & tanquam stercora reputantur propter Christum: eligiturque potius abjectio in domo Domini, magis quàm habitatio in tabernaculis peccatorum, & in luce prosperitatum temporalium,

His

His, hunc aut in similem modum, devotè consideratis : quid-
ni cum Divo Bernardo pia anima exclamet? [Mirabilis Pas-
sio tua Domine Iesu, quæ passiones omnium nostrum
propulsavit: propitiata est omnibus iniquitatibus nostris; &
nulli unquam pesti nostræ invenitur inefficax. Quid enim tam
ad mortem, quod non tuâ morte salvetur?] ” ” ”

M O D V S XXXV.

TRigesimus quintus Passionem Domini meditandi modus est:
Assumere Passionem Christi meditandam, tanquam Mate-
riam summi gaudii, & Patris Æterni, & Christi Domini, & to-
tius universi; faciunt ad hoc propositum verba Beati Laurentii
Iustiniani ita scribentis. *Nihil eorum quæ in sacro continentur*
eloquio, sic humanum valet excitare affectum, mentem erigere,
temperare laborem, peregrinationis tedium auferre, & æterna fe-
licitatis spem immittere, quemadmodum Redemptionis humane sa-
cro sanctum mysterium. In illo siquidem Divina miserationis refe-
ratur abyssus, Cælorum aperitur janua, caritatis latitudo ostendi-
tur, & quantus sit homo apertissime manifestatur. Vile esse non
potest, quod Filii Dei sanguine comparatur. Habet in illo Homo,
unde gaudeat, habet unde trisetur.] Et post pauca. Pro tuis fa-
cinoribus o homo tristere in Christo: atque de ipsius tibi collatis be-
neficiis letare in illo. Quibus ex Beati Patriarchæ verbis collige-
re est, Passionem Dominicam, esse posse meditandi materiam,
tum lugubrem, quam superius tractati ferè omnes modi exhi-
bent, tum lætam, & triumphalem, quam in præsentī modo ex-
plicamus.

Primum ergo meditari licet, quomodo Passio Christi fuit
materia gaudendi Patri Æterno. Nam si gaudium Domini est
Fortitudo nostra; quanto magis fortitudo sui unigeniti: at hæc
fortitudo unigeniti Dei nusquam luculentiùs apparuit, quàm in
Passione; Passio igitur Christi, gaudiū fuit Patris Æterni. Pa-
rratione, si Deus delectatur quando nos habet sibi subiectos, &
facientes voluntates omnes ejus: ob idque nos vocat Dominus
juxta Cor suum: quanto magis delectatus est ex subiectione uni-
geniti sui; tantà quidem subiectione, quantam in Passione exhi-
bitam ab illo habuit, quam descripsit Apostolus, Exinanitionem
sui, & obedientiam usque ad mortem, mortem autem Crucis

Ad hoc Deus unice delectatur & desiderat exaltationem nominis sui, & gloriæ suæ propagationem, atque perfectionum suarum excellentissimarum manifestationem: at hanc nemo melius, quam Christus, & hic ipse, nullibi amplius, quam in Passione complevit. Sinè dubio igitur Passio Christi Patri Eterno per amplam delectandi, gaudendique materiem exhibuit. *Accedat quod Deus* Sacrificia antiquæ Synagogæ sæpe gratissimo animo acceptasse, odoremque suavissimum eorum odoratus esse legatur, solo intuitu Passionis Christi futuræ: quanto ergo magis acceptavit; & suavissimè odoratus est ipsammet Passionem Christi? Hæc enim fuit omnium sacrificiorum, & holocaustorum incensorumque consummatio. Ergo Passio Christi materia fuit gaudii & gloriæ, Aterno Patri. *Denique certum est*, quod Deo nihil sit, post suam ipsius Beatitudinem, quâ beatus est ipse ex se, gratius, suavius, gloriosius, quàm electorum suorum salus, & beatitudo: atqui hanc Passio Christi electis procuravit: nihil igitur Passione Christi Deo gratius, gloriosius, jucundiusque, aut fuit, aut esse potuit.

Iam verò ipsi Christo Passionem suam gaudii triumphique materiam fuisse, multa quidem evincunt fidei nostræ mysteria, scripturæque sacræ testimonia, sed illud inprimis factum ipsius Domini, quando imminente jam Passione suâ, pauculis ante diebus, triumphaliter ingredi Ierosolymâ voluit, tanquam præludens Passioni suæ, quâ revera triumphaturus erat de omnibus inimicis Dei, & suis, & generis nostri: quem triumphalem ingressum suum, immo & victoriosam Passionem suam, tantò ante vocaverat, diem in quo coronavit eum Mater sua, utique Synagoga, diademate spineo, ornavitque sceptro arundineo, induit etiam coccineo vestimento, ac denique collocavit in alto Crucis throno, adjectâ etiam Epigraphe, *Iesus Nazarenus, Rex Iudæorum*; vocaverat diem desponsationis suæ, diem lætitiæ cordis sui. Etsi enim dies ille minimè fuit Lætitie Carnis & sensus ejus: Cordi tamen ejus dies fuit gaudii & triumphi, & desponsationis cum sponsa Ecclesia.

Ad hoc propositum servit & aliud Christi Domini factum, quando nimirum in Monte Thaboreo, paulo etiam ante Passionem suam, transfiguratus est, non solum corpore, sed etiam ipsâ veste, non ob aliud, quàm quia illa temporaneâ Corporis sui gloria

Matth.
21. 1.

Cant. 3.
11.

Vide in-
tra mo-
tum. 54.

tiâ vo
ria, ill
in corp
quod
quand
quid en
tum, v
prægu
l. E
vultus
decor;
refplen
11.
brii:
candid
111
eobo,
sangu
bus, fa
corpus
1V
goge
Moyse
comple
V.
& ab
Filius
Pater
V
nis cor
tione t
quàm
VI
Monte
num,
VI
in tran
Passio

ciā voluit carni suæ patibili, gustum quendam facere, illius gloriæ, illiusque gaudii, quod & tunc jam in Anima erat, & deinde in corpore futurum erat ex fructibus Passionis suæ. Inde est, quodd Dominus IESVS in sua gloriosa transfiguratione, per quendam antithesim omnem suā Passionem efformavit: quidquid enim ferme postea passurus erat, horum omnium oppositum, veluti præmium Humanitati suæ passuræ præostendit, atque prægustandum exhibuit. v. g.

I. Erat Christus in sua Humanitate passurus immanissimam vultus sui divini deformationem, ut non esset ei species neque decor; in transfiguratione, facta est *species vultus ejus altera: & resplenduit facies ejus sicut Sol.*

II. Erat Christus Passurus vestis albae, seu splendentis ludibrii: in transfiguratione *facta sunt vestimenta ejus splendentia & candida nimis, velut nix.*

III. Erat Christus in Monte Oliveto coram solis, Petro, Iacobo, Ioanne in oratione ad Patrem agonisaturus, & sudaturus sanguinem: in monte quoque Thabor, coram iisdem solis tribus, facta est, cum oraret, species vultus ejus altera, & totum corpus ejus gloriosum.

IV. Erat Christus ab Anna & Caipha Sacerdotum & synagogæ Principibus, reus mortis damnandus: in monte Thabor *Moyse & Elias visi in maiestate loquentes excessum ejus, quem completurus erat in Hierusalem.*

V. Erat Christus à gente sua & Pontificibus suis tradendus & abnegandus omnino, & ab iisdem tanquam ementitus Dei Filius, in Cruce sugillandus & illudendus: In Monte Thabor, Pater cælestis confitetur eum filium suum dilectum.

VI. Erat Christus toto corpore flagellis conscindendus, spinis coronandus, conspuendus, alapis cadendus; in transfiguratione totus effectus est, gloriæ & honore coronatus, luce majore quam Solis est vestitus.

VII. Erat Christus inter latrones medius suspendendus: in Monte sancto, inter Moysem & Eliam, maiestate utrumque plenum, conspicitur.

VIII. Erat Christus felle & aceto cibandus potandusque; in transfiguratione gustum glorificationis suæ percepit, & calicem Passionis, calice transfigurationis præbuit.

Lucæ 9.
28.

Matth.
17. 2.

Marcæ.
9. 2.

Lucæ 9.
31.

IX. Erat Christus in sua Passione obscurato Sole, & Lunâ, tenebris involvendus, & veluti à luminaribus Cæli lugendus; in monte sancto, & ipse totus resplenduit, & Moyfes Eliasque in Majestate visi sunt, & discipulos nubes lucida obumbravit.

X. Erat Christus postquam in Cruce clamans exspirasset, post terræ motum, post scissas petras, post monumenta Sanctorum aperta; à plerisque glorificandus, & quoddam verè Filius Dei esset: confitendus. In monte etiam Thabor adsunt sancti Moyfes & Elias, & Pater cælestis ipse Iesum filium suum dilectum atque charissimum denuntiat.

Heb. 12.

2.

2. Pet. 1.

12.

Ioann.

18. 11.

Marc.

14. 36.

Luce

12. 50.

Psal. 18.

6.

In hunc modum Dominus noster *proposito sibi gaudio, & magnificâ gloriâ & honore* in monte Thabor, *contemptâ confusione,* *sustinuit crucem:* Et quasi calicis unius haustus esset, suaviter atque sitibundè, totam Passionem exhaustit.

Servit & huic Proposito, quoddam Dominus Iesus Passionem suam ut plurimum calicem, aut Baptismum vocitare solitus fuerit, quasi illi Passio sua solatii, gaudii, jucunditatisque immensæ, & interminatæ, molestiæ verò valde exiguæ, & omnino transitoria, unicoque haustu exsorbendæ causâ futura esset. Vnde etiam Apostolus non dubitat affirmare Christum Dominum propositum sibi gaudio sustinuisse Crucem confusione contemptâ. Iam si quis consideret in Christo Domino Charitatem, Obedientiamque erga Patrem Æternum, studium promovendæ gloriæ ipsius, tam in terris, quàm in Cælis, per Redemptionem humani generis: quæ fuit illi singularissimè proposita ab Æterno Patre, tanquam medium unicum atque præcipuum glorificandi Patrem in oculis universitatis: dubitare non poterit, summi gaudii, exultationisque materiam fuisse Christo, Passionem suam: quàm ob causam à Davide describitur Christus Dominus *exultasse ut Gigas ad currendam viam vite mortalis:* Et præceptum de morte acceptum à Patre, deposuisse *in medio cordis sui,* instar amabilissimi & pretiosissimi pignoris, à Deo Patre sibi oblato: hinc dissuadentes, aut impediennes Passionem suam nunquam non molestè audit, nunquam non durè exceptit. Nimirum Passio, fuit Christo Campus quidam ingens exercendæ charitatis suæ, obedientiæque erga Patrem: fuit materia, immo, ut ille vocare solebat, cibus unicus propriusque, explendæ fami suæ apparatus, per expletionem Paternæ voluntatis. Accessit odium

odium peccati, quo Christus immensè flagravit, abolereque de mundo, & ab oculis Patris Æterni per sanguinis sui diluvium amovere, inter felicitates suas magnas reputavit. Accessit etiam zelus Iustitiæ, quo stimulabatur ad resarciendam condignè læsam Majestatem Dei. Accessit Amor salutis nostræ, & studium reconciliationis nostræ cum Patre Æterno, & sitis ereptionis ex servitute peccati, atque diaboli, & damnationis æternæ, collo- cationis verò nostri in beatitudine, gratia, gloriaque cœlesti. quæ sitis tanta fuit in Christo, ut de ea dictum sit illud in Can- ticis. *Fortis ut mors dilectio, dura sicut infernus æmulatio: lam- pades ejus lampades ignis, atque flammæ. Aqua multa non po- tuerunt extinguere charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam.* quod ad literam à Christo in Passione pro nobis suscepta impletum est; quamvis enim Passio illa fuit tanquam mare vastū, quamvis fuerit tanquam infernus hujus vitæ, quam- vis omnes potestates tenebrarum, fecerint in ea de Christo quid- quid tandem voluerunt, obruta tamen est omnis ista violentia, & æmulatio infernalium aquarum, & sepulta in charitate Chri- sti erga nos. Adde ut exhausto adimur Passionis calice, & nec- dum suæ Charitatis ardore refrigerato, clamaverit in Cruce in- super, Sitio, & licet omnem substantiam suam, domus suæ, Hu- manitatis nempe, Animam, Carnem, Sanguinem, Vitam, reli- quaque omnia profudisset, quasi tamen profudisset nihil, post resurrectionem suam oblitus pœne & ignarus, quid nuper in Pas- sionis hora egisset, interrogat duos discipulos in Emaus euntes, Quanam gesta fuissent in Hierusalem, proximis diebus. Hæc ergo Charitas Christi, volens ad plenum triumphare de Christo, quo neminem habuit unquam magis sibi subiectum atque subdi- tum, Passionem adornavit, in qua totum Christum circumdu- xit, & veluti triumphabunda sese ostentavit, fecitque in eo quæ- cunque voluit. Mitto alia capita, quæ ostendunt, Passionem fuisse Christo materiam triumphi gaudiique, quorum longa se- ries adhuc pertexi posset: concludo illo unico, quod copiosè re- cenfet explicatque Apostolus, qui cum dixisset, quomodo Deus, qui dives est in misericordia, propter nimiam charitatem suam, quæ dilexit nos, & cum essemus mortui peccato, convivificavit nos in Christo (cujus gratia sumus salvati), & conresuscitavit, & conse- dere fecit

Cant. 8.
6.7.

Ephes.
2. 4.

Ibid.
V. 13.

derefecit in caelestibus, in Christo IESU, ut ostenderet in saeculis supervenientibus divitias gratiae suae in bonitate super nos in Christo IESU. cum inquam haec admiranda, & planè ineffabilia dixisset, post pauca subdit. *Eratis sinè Deo in hoc mundo, nunc autem in Christo IESU, vos qui aliquando eratis longè, facti estis prope, in Sanguine Christi. Ipse enim est Pax nostra, qui fecit utraque unum, & medium parietem maceria solvens, inimicitias in carne sua, legem mandatorum decretis evacuans, ut duos condat in semetipso, in unum novum hominem, faciens Pacem, & reconciliet ambos in uno corpore Deo per Crucem, interficiens inimicitias in semetipso. Quod est dicere, Deum Patrem, nimia Charitate suâ impulsus in nos, objecisse Filium unicum Passioni: Filium autem ipsum, Amore & studio pacificandi Deum cum Hominibus, Coelestia cum terrestribus, Israëlem cum Gentibus, Sanguine suo tabulas pacis conscripsisse, Passione suâ pacta conventionis firmasse, morte tandem suâ totum foedus testamentumq; validum & irrevocabile reddidisse, & per hoc gloriosum illud nomen cum re, Principis Pacis obtinuisse.*

IOAN. 2.
16.

Gen. 22.
14.

Denique toti universo Passionem Christi, materiam gaudii esse, jam ex praedictis satis constat. Nam imprimis tota rerum universitas peccato primo turbata, & veluti sauciata, Passione Domini IESU instaurata est, & ordini suo, paci, statui, quietique restituta. Deinde Angelica creatura ruinae per Passionem Christi instauratae atque impletæ sunt; haud dubiè non absque ejus solatio & gaudio. Denique humano generi Passio Domini materia gaudii, exultationis, latitiæque inenarrabilis fuit, tam indubitatè, quàm indubitatum est extremè collapsum fuisse genus nostrum, & consurgere convalescereque ex casu, nonnisi per Passionem Christi potuisse. Quocirca de Patre fidei Abrahamo, ipse Christus Dominus testatur, eum quando pro Filio Isaac, arietem in spineto cornibus harentem obtulit, tunc in mysterio agnovisse mortem unigeniti Dei, diemque Christi tunc vidisse, videndoque gavisum esse. Non enim Sanctus Abraham gavissus est, pro Filio arietem à se immolatum, sed potiùs exultavit tam pro se, quàm pro Filio, quàm pro universo genere humano, olim esse immolandum Dei Filium, propter quod & dedit loco illi nomen [in monte Dominus videbit.] Pluribus bona humano generi ex Passione Christi enata recensere, nec hu-

jus

jus loci est, neque necessarium est, & hæc meditando potius quam legendo pius animus scrutari, ac in gratiarum actionem perpetuam, incessabilemque latitiam, & Christi Passi Amorem inextinguibilem, magis ac magis semper accendi debet.

M O D V S XXXVI.

TRigesimus sextus Passionem Domini meditandi modus est; Partiendo eam in Laborem & Dolorem, quem Christus Dominus patiendò sustinuit. Dulcius sapiet hæc Meditatio, à Bernardi, quam à meis verbis: quæ proinde hic appono.

Duo nobis reliquerat in hæreditatem vetustus Adam, qui fugit à facie Domini. Laborem videlicet & Dolorem. Laborem in actione, Dolorem in Passione. Non hoc ipse audierat in Paradiso, quem acceperat ut operaretur, & custodiret illum: operaretur delectabiliter, custodiret fideliter sibi, & posteris suis.

Christus Dominus laborem & dolorem consideravit, ut traderet eos in manus suas: immo se magis in manus eorum, infusus in limo profundi, & intraverunt aquæ istæ usque ad Animam ejus. *Vide* (inquit ad Patrem) *humilitatem meam & laborem meum, quia pauper ego sum & in laboribus à juventute mea. Laboravi sustinens, manus ejus in laboribus servierunt.* De Dolo-
re vide quid dixerit. *O vos omnes qui transitis per viam, attendite & videte, si est dolor sicut dolor meus. Verè languores nostros ipse portavit.* Vir dolorum, pauper & dolens, tentatus per omnia absque peccato. Et in vita passivam actionem, & in morte Passionem activam sustinuit, dum salutem operaretur in medio terræ.

Proinde memor ero, quàm diu fuero, laborum illorum, quos pertulit in prædicando, fatigationum in discurrendo, tentationum in jejunando, vigiliarum in orando, lacrymarum in compatiendo. Recordabor etiam dolorum ejus, conviti-
orum, sputorum, colaphorum, subsannationum, exprobrationum, clavorum, horumque similium, quæ per eum, & super eum, abundantius transferunt.

Facit ergo mihi Fortitudo, facit similitudo, sed si accesserit etiam Imitatio, ut sequar vestigia ejus. Alioquin exquiretur à me sanguis justus, qui effusus est super terram, nec immunis ero ab illo tam singulari scelere Iudeorum, quod videlicet tantæ

Fer. 4.

Hebr.

sanct.

ante fi-

nem.

"

"

"

Psal. 87.

16.

Thren.

1. 12.

Isaia

53. 4.

"

"

"

"

"

"

"

"

"

"

"

"

"

"

"

charitati fuerim ingratus, quòd spiritui gratiæ, contumeliam fecerim : quòd sanguinem testamenti pollutum duxerim : quòd conculcaverim Filium Dei.

Sunt plerique qui laborem & dolorem patiuntur, sed necessitas in causa est, non voluntas; & hi non sunt conformes imagini Filii Dei. Sunt qui ex voluntate sustinent; sed non est eis pars neque fors in sermone isto. Vigilat totà nocte luxuriosus, non solum patienter sed etiam libenter ut expleat suam voluptatem; vigilat raptor vestitus ferro, ut diripiat prædam. Vigilat fur, ut domum perfodiat alienam : sed hi omnes, & horum similes, longè sunt à labore & dolore, quem considerat Dominus. Homines autem bonæ voluntatis, qui Christianâ voluntate, divitias paupertate commutaverunt, vel etiam non habitas tanquam habitas contempserunt, relinquentes omnia propter ipsum, sicut & ipse reliquit omnia propter ipsos, sequuntur eum quocunque ierit.

Hujusmodi autem Imitatio validissimum mihi argumentum est. quòd Passio Salvatoris, & similitudo Humanitatis, in meam transeunt utilitatem. Hic enim sapor, hic fructus est & laboris, & doloris.] Hæc Bernardus. cujus verbis nihil præter uberio-rem & intimiorem mentis considerationem addendum arbitror.

M O D V S XXXVII.

TRigesimus septimus Passionem Domini meditandi est. Assumere ad considerandum quinque præcipua genera rerum in Christi Passione elucescentium; qualia sunt. 1. Dolores interni Animi Christi. 2. Dolores externi Corporis Christi. 3. Virtutes excellentes & Heroicæ in Passione à Christo exercitæ. 4. Opera & labores admirandi à Christo, tam in vita quam Passione perfecti. 5. Excessiva Charitas Christi, quâ omnia priora perfecit patravitque. Hæc quinque Capita possunt per totidem vulnera Christi distribui, in eisque expendi, adorari, aliisque actibus piis, ac utilibus honorari. Hoc meditandi Passionem Christi modo, usus est, & aliis tradidit Pater Ioannes Argentus, vir in Societate nostra, magnæ perfectionis atque Sapientiæ Spiritu-
lis; tum verò de hac nostra Polona Provincia optimè meritis. Cujus exercitium hoc libenter infero, tum grati animi mei in vi-
cum illum studio, tum quia illud ad profectum Spiritualem, in
cujus-

cujuscunque statûs persona promovendum perutile judico, quæ etiam de causa, totam exercitiî hujus dispositionem & praxim, prout eam à prudentissimo illo Patre traditâ in adversariis meis affecticis ante annos triginta notatam habeo, in præsentî exhibere volo. Sic igitur Praxis & dispositio illa se habet.

I. *Consideratio*, Dolorum interiorum Animæ Christi in vulnere sinistri pedis ejusdem. Saluto te, adoro, glorifico, gloriosum sinistri Pedis vulnus Domini mei I E S V Christi, & in honorem tuum genuflexionem hanc adoratoriam facio, illo toto affectu, quo te omnes creaturæ adorant adorareq; debent in æternum.

Sequatur contemplatio Dolorum Animæ Christi interiorum; qui fuere tœdia, timores, contristationes, agoniz, contemptus, odia, confusiones, contumeliæ, calumniæ, blasphemiz, desolationes, insultationes, ingratitude, indignitates, furores, injuriæ, &c. Expendam quàm intensi, quàm puri, quàm longi, à quibus, pro quibus, propter quæ peccata fuere suscepti? Ex quibus considerationibus, surgent in me affectus gratitudinis, compassionis, admirationis, deprecationis, confusionis, imitationis, atque instructionis, quomodo nimirum ad hujus Exemplaris in Christo elucescentis normam, regendæ sint mihi passionis meæ, potentizque interiores Animæ, tum omnes, tum ex potissimum, quarum inordinatione frequentius delinquo.

Propter merita gloriosi adorandique hujus vulneris tui mansuetissime I E S V, postulo à Te misericordiam, & gratiam tuam copiosam, & efficacem, ad mortificandas in me passionis meas: ad moderandam in me curiositatem intellectûs: malitiam & effrenitatem voluntatis, labilitatem & brütitatem memoriæ: ad expellendam quoque ex me superbiam mentis, inobedientiam, impatientiam, vindicandi temeritatem, gulam, tepiditatem, inconstantiam, omnemque omnino inordinationem, effervescentiam, rebellionem partis inferioris, & superioris, Animæ.

Neque solum mihi, sed etiam omnibus amicis benefactoribus, tam privatis, quàm communibus meis; omnibus quoque, quos Tu Domine scis & vis esse, in Te & propter Te meos, omnibus denique proximis meis, ista peto, ut Tibi una mecum, ab omni sensuum passionumque perturbatione, ab omni sæculi &

sui amore liberati, integro corde, pleno affectu, sincerâ inhaesione serviant in æternum.

Porro mi IESV omnes istas Sanctissimæ Animæ Tuæ extremas acerbitates, amabili tuo cordi offero. Offerens Tibi simul, per Te autem Æterno Patri Tuo, Spirituique Sancto meipsum totum, petens à Te, & Patre Tuo, Spirituique Sancto, ut hanc oblationem mei ipsius suscipientes, repleatis me Spiritu veræ de peccatis meis contritionis, passionum quoque mearum mortificationis, & solidissimæ mansuetudinis. Pater noster & Ave MARIA.

II. *Consideratio*, Dolorum externorum Corporis Christi in vulnere Dextri Pedis ejusdem.

Saluto Te, adoro, glorifico, suavissimū dextri pedis vulnus, Domini mei IESV Christi: & in honorem tuum, hanc genuflexionem adoratoriam facio, toto illo affectu, quo Te creaturæ omnes adorant, & adorare debent in æternum.

Sequatur Contemplatio affectiva Dolorum externorum in Corpore à Christo susceptorum, statuendo omnia Passionis genera, & instrumenta ob oculos, IESVQUE his omnibus subiectum. Nunc ergo IESVS Sanguinem sudans, nunc inter militum manus, nunc in carcere nocturno, nunc ad columpam, nunc Homo ille purpuratus coronatusque, nunc sub cruce gemens, nunc in Cruce pendens, nunc in sepulchro cadaver jacens, &c. horumque omnium, opus, modus, causa, dispiciatur. Inde autem ego discam quàm severè corpus meum, sensusque meos tractare, quàm avidè saginari incommodorum corporalium patientiâ, & Crucibus debeam pro Christo. Propter merita hujus Tui in dextro Pede vulneris suavissimi, mi IESV, postulo gratiam tuam, ad sustinendum aliquid pro Te hodie, & semper, cum omni patientia, & alacritate, cum gaudio & fame, ampliora patiendi; postulo amorem sincerum, omnium meorum inimicorum, ingratorum, malefactorumque: plenam etiam & veram injuriarum oblivionem, ac propter Te condonationem, Tibi verò earum donationem: postulo ut omnia adversa tanquam prospera, nec tanquam à creatura, sed tanquam à tua manu Divina in me Paterno affectu collata & immissa acceptem, manum tuam exosculetur, ipsique me humiliter subjiciam.

Quod ipsum postulo omnibus quocunque modo, etiam per
inimi-

inimicitiam odiumque mei, meis, quosque Tu Domine vis & scis esse in Te, & propter Te meos: ut Tibi una mecum, pleno & fideli corde, seruire, propter Te omnia mansuetè perpeti, ac in ferventi tui dilectione perseverare valeant in æternum.

Super hæc omnia verò, propter omnes hosce tuos mi IESU cruciatus Corporis tui, suscipe me à me in donum, Patriq; Tuo Eterno, & Spiritui Sancto me similiter in donum simul cum doloribus tuis omnibus exhibe: ac mihi una cum illis veram patientiam, cordis munditiem, ac puritatem, cumque vestra Divinissima voluntate concordiam æternam elargire. Pater noster. Ave MARIA.

III. *Consideratio*, Heroicarum virtutum Christi, in vulnere sinistrae manus ejusdem.

Saluto, adoro, glorifico, Te dignissimum sinistrae manus vulnus Domini IESU Christi, & in honorem tuum, genuflexionem hanc adoratoriam facio, illo toto affectu, quo Te omnes Creaturæ adorant, adorareque debent in æternum.

Sequatur Contemplatio Heroicarum Christi virtutum, in Passione elucescentium. Summa nempe in Deum & proximū, etiam inimicum, & interfectorem Caritas, summa Humilitas, summa mansuetudo, patientia, obedientia, resignatio, paupertas, puritas, silentium, modestia, compassio, innocentia, justitia, miseratio, constantia, prudentia, abstinencia, moderatio, zelus Dei gloriæ, & salutis animarum, mortificatio, fortitudo, fiducia, perseverantia. Ex quarum omnium virtutum contemplatione, accendat desiderio & studio similium in specie, & in gradu, in me, & in aliis, perpetuā praxi & exercitatione, in quavis occasione plantandarum.

Propter merita hujus Tui dignissimi in sinistra manu vulneris, piissime IESU, postulo gratiam tuam, ad cognoscendam, exoptandam, exercendam, obtinendamque, heroicarum tuarum virtutum omnium perfectionem. Postulo humilitatem internam, odium & contemptum mei, mansuetudinem, obedientiam, fidem, spem, inimicorum amorem, injuriarum oblivionem & condonationem, Dei timorem, animarum zelum, prudentiam & spirituum discretionem, fervorem, constantiam, modestiam, perseverantiam in bono & perfectione finalem; omniaque omnino alia bona, quæ me Tibi gratiorem reddere possunt.

Neque soli mihi, sed omnibus etiam, quoscunque meos esse scis & vis, ista eadem postulo, ipsosque in hoc tuo pretioso vulnere abscondo, ut Tibi, mecum unâ, in omnium virtutum plenitudine, potissimum in plena Christianaque Sanctitate, serviant in æternum.

Eam ob rem ô Dulcissime IESV, totam Animæ, cordis, ac voluntatis meæ substantiam, Tibi in presenti dedico, & confero, in habitaculum, in thronum, in templum. Simul autem id ipsum Tibi ô Pater Æterne, Tibique ô Sancte Spiritus facio, dedicans me totum Tibi, per omnes IESV Christi virtutum ac meritorum gratissimos oculos tuis thesauros. Accipe, quaeso, ô Æterne Pater, thesauros istos immensos cum hoc minuto meo, dedicationisque meæ, & ad me servum tuum cum Filio & cum Spiritu Sancto, in plenitudine virtutum gratiarumque veniens, gratam Tibi & æternam fac in me mansionem. Pater noster, Ave MARIA.

IV. *Consideratio*, Mirabilium operum, & laborum Christi in Dextræ manûs vulnere ejusdem.

Saluto, adoro, glorifico Te speciosum venerandumque, dextræ manûs vulnus Domini mei IESV Christi, & in honorem tuum, hanc adoratoriam genuflexionem facio, toto illo affectu, quo Te omnes creaturæ adorant, adorareque debent in æternum.

Sequatur contemplatio, mirabilem, & nostræ salutis utilium IESV Christi operum, & laborum, ab ejus dextera patratorum, tum in omni vita, tum in Passione, atque morte potissimum. Talia sunt: Prædicatio, itinera, jejunia, vigiliæ, orationes, fationes, perpeffiones famis, sitis, æstûs, frigoris, morositatis, & ruditatis, & importunitatis humanæ, insidiarum quoque & dolositatum, & violentiarum. Talia quoque sunt Miracula omnis generis, ab ortu suo usque ad mortem, Instructio, institutio, redemptioque Ecclesiæ, nec non ordinis ejusdem, Sacramentorum quoque & Sacrificii, tum præceptorum, consiliorum, votorum, perfectionum, mysteriorumque, &c. Ex quibus confurget in me vehemens desiderium faciendi laborandique, quàm plurima & quàm dignissimè: estò sint vilia & abjecta in hominum oculis, estò contradictionis, & confusionis, & crucis plena, pro Gloria Christi, pro voluntate Dei, pro salute animarum.

Pro-

Propter merita huiusce speciosi ac venerandi vulneris in dextra manu tua mi IESV, postulo misericordiam tuam, ad operandum & laborandum semper aliquid, tum hodie, tum in omni vita mea, quod sit Tibi Deo meo gratum, & gloriosum, mihi autem & proximis meis, tuo pretioso sanguine redemptis salutare. Ac si indignus sum, aliquid aliud operis propter Te facere, opto saltem, ut me, & omnes redemptos tuos facias in Sanctitate, donorumque perfectione magnos: opto ut Ecclesiam tuam universam idoneis operariis, ac secundum cor tuum, per omnia factis locupletes; opto denique, ut nos redemptos tuos omnes, in gratia tua stabiliis, confirmes, perseverare & mori in dilectione tua facias: quos omnes ideo, mecum unâ in hoc specioso vulnere tuo demergo, & Tibi in eo protegendos committo, ut Tibi mecum in magnis & Sanctis laboribus, cum magno gloriæ tuæ incremento, cum longa & laboribus multis magnisque pari valetudine & vita deserviant in æternum.

In quem finem mi IESV, Tibi, & per Te Patri tuo Æterno, Spirituique Sancto, me unâ Tecum Sacrifico, tuoque quod in ultima cœna & in ara Crucis (Sacrificium ipse & Sacerdos existens) obtulisti, Sacrificio, meum hoc Sacrificium unio & dignifico, petens à Te, Tuoque Æterno Patre, & Spiritu Sancto, ut hoc meum de me ipso Sacrificium in odorem suavitatis accipientes, me nunquam ab isto, me ipsum vobis per multos, magnos, assiduosque labores sacrificandi munere, ac opere cessare faciatis. Pater noster. Ave MARIA.

V. *Consideratio*, Charitas, amorosissimique Cordis IESV Christi in vulnere Cordis ejusdem.

Saluto, adoro, glorifico Te Amorosissimum lateris & cordis, vulnus Domini mei IESV Christi: & in honorem tuum genuflexionem hanc adoratoriam facio, toto illo affectu, quo Te omnes creaturæ adorant, & adorare debent in æternum. Sequatur Contemplatio humilis, sed ardens & diligens Amorosissimi Cordis IESV Christi, ejusque vulneris. Mirabor ignos illos & æstus excessivos ac verè divinos, quibus Dominus IESVS, erga humanum genus, & erga Patrem Æternum arsit in Passione sua. Hic verò etiam ipse accendat desiderio ignito, respondendi tantæ Charitati, flagrando eadem incessabiliter, practicè, quàm maxime,

Pro-

Propter merita Amorosissimi vulneris in latere & corde tuo, mi IESV, postulo gratiam & misericordiam tuam, ad redamandum Te, puro corde, amore casto, forti, fideli, dulci, prudenti, humili, ignito, efficaci, aeterno. Quod si non licet tanto qui sit par tuo, tanto saltem qui sit simillimus, & dignissimus tuo. Quod non soli mihi, sed etiam toti universo, toti Ecclesiae, toti Regno, toti Provinciae, Vrbi, domui, communitati, ordini huic, omnibus praecipue, quos meos in Te, & propter Te scis, & vis, humillime ardentissimeque postulo, & illos omnes in hoc centrum, officinam, & mate amoris, in vulnus scilicet ignitissimi tui cordis, mecum una injicio, & demergo; ut in eo tanquam in centro immobiliter maneamus, tanquam in mari plenissime absorbeamur, tanquam in officina exactissime perficiamur. Ut Tibi Deo, Redemptori, Patri Sponso, Amori nostro, omnes & singuli ardentem, perseveranter, superabundanter, consummate ad usque mortem, & post, per omnem aeternitatem deserviamus. Quod ut fiat, postulo tam mihi, quam omnibus, guttulas Sanctissimi Amorosissimique Sanguinis tui, quas in cordibus nostris perpetuo circumgestemus, iisque ad inextinguibilem, & incessabilem Amorem tuum, semper magis ac magis accendamus.

Propter quod mi Dulcis & superadmirabilis Amator IESV, ego me Tibi Tecumque, ac per Te Patri Aeterno, Spirituique Sancto, super altare Cordis Tui, igne Tuae Charitatis, in Patrem, in Mundum, in Electos, in me, holocaustum facio: pure ad gloriam tuam, Patrisque Tui, & Spiritus Sancti. Petens & rogans a Te suppliciter, ut me ignito amore tuo, & Tui, in favillam redigas, meque totum in vulnus Amoris, in amoremque ipsum, quantum in toto me capax sum, quantum vero Tu cum Patre & Spiritu Sancto in toto Te dignus es, convertas. neque ab hoc vulnere unquam sanari, cessareque sinas, sed potius illud in me semper vivum, recens, amplius ampliusque recrudescere, per omnem aeternitatem facias.

Pater noster, Ave MARIA; Credo. Anima Christi, &c.

Cujus ad instar, poterit facile Anima devota plures compensationes Dolorum & Injuriarum Christi sibi met adinvenire, & proponere, & easdem exercere v. g. ut Christo Sanguineum sudorem compenset: studeat laborare pro Christo usque ad defatigationem.

Vt proditorium Iudæ osculum rependat: mansuetè & benevolè suscipiat & alloquatur, eos etiam, quos malè sibi affectos aliàs scit.

Vt nocturnas Christo injurias resarciat: exequatur illud Psalmistæ monitum: In noctibus extollite manus vestras in Sancta, & benedicite Dominum.

Vt nudum Christum vestiatur: vestiatur pauperem.

Vt Herodianas illusiones Christo rependat: velit esse stultus propter Christum, & velit stultus haberi, & existimari. Atque in hunc modum poterit totam Passionem Christi, eidem Christo multiplicibus virtutum actibus recompensare: cum multo suo profectu interiori, & contentatione Cordis Divini: quemadmodum tum res ipsa per se indicat; tum etiam Christus Dominus, eidem Beatæ Gertrudi, dignatus est significare.

*Libro 5
Capite
supra citato.*

Cùm enim hæc Sancta ex memoria, quod Dominus horâ tertiâ spinis coronatus, ad columnam dirè flagellatus, suis fessis cruentisque humeris crucem dignatus est bajulare, vehementius fuisse, succensa, dixissetque ad Dominum. Ecce Amator mi dulcissime, ad respondendum Amori tuo, pro tam indebita amaritudine Tuæ innocentissimæ Passionis, exhibeo Tibi Cor meum, desiderans omnem amaritudinem, & dolorem dulcissimi Cordis, & immaculati corporis tui perferre ab hora ista, usque in horam extremi exitus mei, orans ut quomodocunque ex humana fragilitate horum recordatio à mea labitur memoria, facias me corporalem dolorem cordis sentire, qui dignè respondeat amaritudini tuæ Passionis. Respondit Dominus. Talis voluntas, & Fidelitas cordis tui, satis sufficienter respondet mihi. Sed ut plenam in corde tuo possim habere delectationem, da mihi libertatem faciendi, & continendi in eo quacunque volo, non disponens utrum dulcedinem, sive amaritudinem tibi infundam.

M O D V S XXXIX.

TRigesimus nonus meditando Passionem Dominicam modus est: Assumere ad meditandum selectos Christi Domini dolores. Etsi enim omnes & singuli, quantumlibet opinione nostrâ minuti Christi cruciatus, fuere Christo Domino summè doloriferi, ratione Dignitatis, Innocentiæ & Teneritudinis ipsius, tam interioris quàm exterioris; sinè dubio tamen fuit, inter dolores istos, ex aliis, aliisque pœnis & tormentis (quæ majora alia aliis fuisse evidens est) enascentes & intensiōis & extensiōis gradus. Hos ergo excellentiores in intensiōe acrimoniæque dolores, meditari licebit. Cùm autem sint dolores Christi duplices, Interni scilicet & Externi: quorum illos potissimùm in Anima, etsi per Corpus; hos verò potissimùm in Corpore, etsi per Animam quoque persensit, ideo utrique assumi ad meditandum possunt.

In præsentī ergo modo, internos solùm assumere & expendere, metiri, & persensiscere, admirari, & imitari, gratiarum actione & adoratione prosequi licebit. Quamvis autem unusquisque, juxta suum proprium vel sensum, vel affectum, poterit hunc delectum, Excellentiorum Animæ Christi dolorum facere, appono tamen ego hîc eos, in quibus, meo sensu, præcipuâ quâdam ratione, si bene inspiciantur, excellentia ista dolorum interiorum Animæ Christi Domini elucescere videtur. Modicum autem interest sive hæc capita, quæ recenséo, vocentur dolores, sive dolorum causæ: dummodo introgrediamur, per horum considerationem, ad statum & sensum intimum Animæ Christi cognoscendum ac delibandum.

I. Primus ergo dolor Christi internus, seu prima Causa Doloris interni Animæ Christi, fuit. Desiderium & Expectatio, & Dilatio Baptismi, seu Passiōis. Etsi enim Dominus Iesus omnia vitæ suæ momenta ita disposita habuit, ut omnia certâ & inviolatâ serie à primo instanti conceptionis, usque ad ultimum instans mortis semper egerit. Etsi etiam ad omnem voluntatem Patris, ex qua totius prædictæ seriei ordo manavit, fuit semper resignatissimus: hoc nihilominus non obstante, certum est Christum Dominum nunquam à sua memoria, nunquam à mentis suæ oculis Passiōis suæ totam fabricam deposuisse, sed in ejus

perpetua recogitatione, totâ vitâ suâ perdurasse: adeo quidem cum viva & intima ejusdem Passionis quoad omnia & singula ejus membra penetratione, ut maximum miraculum censeri debeat, quod Christus Dominus non fuerit totâ suâ vitâ, illo ipso modo affectus, quo in horto post ultimam Canam, imminente jam & ingruente Passionis horâ: revera enim nisi virtute interiore suâ, & habitâ ratione eorum, quæ inter homines agere statuerat, se cohibuisset, illo ipso modo, quo in Horto affectus erat, quo tristis, pavidus, tædiosus, agonisans, sanguinem sudans fuerat, totâ antecedente vitâ suâ affici debuerat. Quamvis autem hunc in modum affici Christum exterius non apparebat, neque enim Christus id sinebat foras erumpere: in Animæ tamen ejus sanctissimæ, simulque sapientissimæ, ac omnium futurorum scientissimæ, recessibus, non aliter omnino semper fuit per totam vitam, quàm fuit semel sub illam in Horto moram. Id Dominus IESVS de se ipso fateri dignatus est aliquoties (prout aliàs notatum est) ut in illis verbis. Baptismo habeo baptisari, & quomodo coarctor, usque dum perficiatur? Quod coarctationis verbum cum suo interrogatorio modo, non solum tantum dicit, quantum quis cogitando assequi potest, sed etiam longè amplius, tantum scilicet, quantum solus Christus capere ac sentire, nemo autem alius mente comprehendere posset. Id ipsum alia quoque verba Domini attestantur. illa nimirum duobus filiis Zebedæi dicta. *Potestis bibere calicem, quem ego bibo?* Quæ præsentis temporis locutio, clarè demonstrat Christum quod semel in horto passus est exterius, semper in omni vita passum esse interius: immo verò illa loquendi ratio evincit, totum hoc, quod Dominus IESVS in tota Passione sua, ab ingressu in hortum, post Canam usque ad mortem in Cruce perpeffus est exterius: totum inquam hoc, per omnia vitæ suæ momenta perpeffum esse interius, & quidem non per solam reminisceniam jugem rerum tolerandarum, quæ sola sufficeret ad maximam interiorum dolorum segetem atque simul messem, verum per realem & vivum Animæ Innocentissimæ sensum.

His positis consideratisque, licebit pio meditatiore metiri, quanti doloris interni fuerit causa ista? Meum propositum hic non est ista fusiùs explanare, sed meditatiore locum dare, quam ob causam in sequentibus recensendis capitibus succinctus esse volo.

II. Doloris interni Christi excellentis, Causa fuit. Conspicuit in Horto Calicis illius, in quo totam Passionem suam, cum omni foeculentia ejus vidit, & gustavit, cum quanto interno horrore portio inferioris: ea quæ gesta in horto sunt satis demonstrant: quæ ego Meditatoribus, tanquam nota ex Evangelio, relinquo.

III. Causa Excellentis Christi Doloris interni, Potestas & hora tenebrarum: quæ ab osculo Iudæ initium sumens, deinde totis furiarum diluviis in Christum refusa est usque ad articulum mortis. Cogitare possumus illo tempore quo Dominus IESVS ad discipulos dixit. *Surgite, eamus, ecce appropinquavit qui me tradet*; quando dixit ad suos hostes. *Hec est Hora vestra & potestas tenebrarum*: illo, inquam, tempore, velut alter Ionas dixit; *Mittite me in mare*; seu potius, Misit se ipse in Mare Passionis, in Mare tartaræ potestatis, in Mare Iudaici furoris, in Mare poenarum peccatis totius mundi debitarum, in Mare Iræ Dei, contra omnia omnium scelera exardescens, in quo passu, quis fuerit sensus Innocentissimæ Christi Animæ, qui potest capere, capiat. Sensum certè illum, nullius nostrum, ac ne omnium quidem nostrum sensus capere sufficit. Qui tamen animæ Christi sensus toto Passionis tempore non tantum non cessavit, sed perpetuò immensis augmentis per omnia instantia crevit.

IV. Excellentis Doloris Christi interni Causa, fuere studia inimicorum suorum: de quibus ad Patrem suum per os Ieremiæ dixit. *Domine, tu ostendisti mihi studia eorum*. Quæ etiam studia per Davidem expressit multiplici explicatione. Inimicos enim suos vocat aliquando *a Tauros pingues*, b aliquando *Canes multos*. Aliquando *c Leonem rapientem & rugientem*. Aliquando *d viatores capti prædâ exultantes*. Aliquando *e vitulos multos*. Aliquando *f Lupos vespertinos*; Aliquando *inimicum g terribilibus oculis intuentem*. Aliquando *Leonem h in sylva, qui dederit contra se vocem*: aliquando *persecutores*, i *aquilis Calî velociores*; quibus, innumerisque aliis descriptionibus, expressit Dominus studia contra se inimicorum suorum, quæ cum & illi expresserint in omni Passionis Christi progressu, plus quam luculentissimè, facientes in Christo quæcunque voluerunt, seseque poenis ejus & malis satiantes: & cum Christo Domino essent comprehensivè perspectissima, immensum dolo-

A. 1. 1.

Iona. 1.

12.

Ier. 11.

18.

a Psal.

21. 13.

b Psal.

21. 17.

c Psal.

21. 14.

d Isai.

9. 3.

e Psal.

21. 13.

f Hab.

1. 8.

g Job 16. rem Cordi Christi infundebant. Vnde illa tenerrima simul ac
10. amarissima Domini ad hosce maledictæ sui studiosos allocutio,
h Jer. *Popule meus: quid feci tibi, aut in quo molestus fui tibi, responde*
12. 8. *mibi in quo contristavi te, &c.*

i Thren. V. Causa Excellentis Doloris Interni Christo fuit. Negatio
4. 19. & ruina Petri. Columna Cœli ceciderat tunc, Petra Ecclesiæ,
Mich. Feruentissimus Amator, Patris Æterni primus revelationum
6. 3. Discipulus, Caput Apostolorum. Vicarius suus, corruerat, ad
 cuius ruinam Christus oculos suos convertere quasi coactus est,
 eumque collapsum respicere. Et sicut ipse de se testatus est, quod
Luc. 10. ruinam Luciferi spectârit, dixit enim. *Videbam sathanam tan-*
18. *quam fulgur cadentem de Cælo: ita prorsus dicere poterat. Vi-*
debam Petrum (quem aliquando etiam Christus sathanam vo-
cârat) tanquam fulgur cadentem de Cælo Apostolatûs, Chari-
tatis, Ecclesiæ meæ. Maximi certè doloris fuit seminarium
Christo Domino hæc tanti Apostoli ruina: revera enim maxi-
mus Princeps cecidit in Israël tunc temporis, neque unquam
aliâs majus damnum passus fuit, aut etiam est, Christus in sua
Ecclesia.

VI. Causa Excellentis Doloris interni Christo fuit. Exigui-
 tas efficacis fructûs dolorum suorum quantumlibet tam per
 omnia exaggeratorum, redemptionisque suæ quantumlibet plûs
 quàm copiosa. Etsi enim Christi Passio sufficiens est pro totius
 mundi peccatis, immo & pro infinitorum hominum mundo-
 rumque iniquitatibus eluendis & expiandis: Nihilominus ductâ
 proportionem fructûs efficacis, qui de facto est, cum eo, qui esse
 absolutè, attento valore Passionis Christi potuit, exigua valde
 erit illius proportio ad hunc, & planè finiti ad infinitum nulla:
 quod etiam ostendit indubitata reproborum multitudo; & ele-
 ctorum paucitas: de qua inter alias Scripturæ exaggerationes,
 illa est apud Isaiam. [*Hæc erunt in medio terræ, in medio popu-*
lorum. Quomodo si pauca oliva quæ remanserunt excutiantur ex
olea, & racemi, cum fuerit finita vindemia.] Hanc ergo pauci-
 tatem efficaciter à se redimendorum Christus sciens, & valori
 Passionis suæ collatam minimè proportionatam cernens, im-
 menso dolore cordis angebatur: non quod non esset perfectissi-
 mè contentus Patris Æterni decreto, atque voluntate, sed eam
 esse ingratitudinem mortalium videret, à quibus iusto Dei judi-
 cio

cio Efficacitas Passionis suæ arceretur. Hunc Dolorem expref-
 fit Dominus IESVS apud Prophetam dicens. *Terra, terra ne* *Iob. 16.*
operias sanguinem meum. Multitudo quippe reproborum, quos *19.*
 sacra Scriptura, terræ nomine, sæpe compellat, perditione suâ
 absorbent, & sepeliunt, operiuntque fructum sanguinis Christi.
 In quem etiam finem, putatur Dominus IESVS in Cruce pen-
 dens dixisse illa verba: *a Deus meus, Deus meus, ut quid me dere-*
liquisti? Item illam vocem: *b Sitio,* qua de re suo loco vidimus. *a Matth.*
27. 46. *b Ioan.*
19. 28.

VII. Excellentis Doloris Christi in Passione Causa fuit. Of-
 fensa Dei Patris in nece sua: omnia enim alia peccata etiam si-
 mul accepta, respectu hujus unius, quod in nece Christi patra-
 tum est, prope modum venialia, & absorpta & nulla sunt. Quod-
 si peccatum originale tam enormem, ac planè infinitam inex-
 haustamque offensam Dei peperit, ut pro ejus unius expiatione,
 necesse fuerit mori Christum: quanto magis hoc Deicidii pec-
 catum, omnem excedebat offensæ Divinæ limitem & modum.
 Et quia Christus per sapientiam suam noverat omnem malitiam
 hujus sceleris plenissimè, sciebatque quantum vulnus Majestati
 Dei hoc scelere singulari inferebatur, amabatque summa cum
 appretiatione & intensione, honorem Patris sui; inde factum, ut
 hoc scelere, quod in sui occisione tam dira patrabatur, plus quàm
 omni alio scelere, plus quàm omnibus aliis simul, plus quàm
 omni Passione suâ cruciaretur & doleret. Propter quod non
 dubito præcipuè Christum Dominum in Horto apud Patrem
 tanta cum diligentia mortem deprecatum esse, ne scilicet suæ
 mortis scelere patrato, & Pater offenderetur insolentissimo ge-
 nere injuriæ, & Christus ipse doloris causam, omni Passione
 majorem, haberet. Propter eandem etiam causam orans Pa-
 trem pro Crucifixoribus suis, dicere non dubitavit, Pater igno-
 sce illis, non enim sciunt quid faciunt.

VIII. Causa Excellentis Doloris in Passione Christo fuit.
 Præsentia dolentis, dolorque præsentis Matris, Cruci adstantis.
 Summus enim Amor quo IESVS & Matrem amabat ipse, & à
 Matre amari sciebat se, Intima quoque illa notitia, quâ IESVS
 & sciebat à Matre suos dolores sciri sentiri que, & Mater vicissim
 sciebat à Filio sciri, & perferri dolores suos, ex causa Filii: eum
 in utriusque corde dolorè causabat, & incendebat, qualem neq;
 nos ratione vestigare & assequi possumus, neque IESVS & MA-
 TRIA,

RIA, puris humanis viribus salvâ vitâ sustinere potuissent. Quo factum, ut cum IESVS ad manum haberet nihil, quo extremos Matris dolores leniret, in quantumcunque solarium Ioannem illi, & cum illo omnem Ecclesiæ cœtum substituit, vicissim autem Mater cum jam tota anima in Crucifixo, seu verius in Filio Crucifixa esset, Corpore etiam quantum potuit se Cruci admoventis, iuxta Crucem stetit, & sic tota in Crucifixum Filium transiit.

I X. Causa Excellentis Doloris interni Christi in Passione fuit, Derelictio Paterna: cuius sensum gravissimum, adeo affectuosius verbis, adeo luctuosius vocibus ipse Dominus testatus est, ut in omni vita ejus, in omnibus verbis ejus, nihil simile invenire liceat. Quæ autem illa fuerit Christi à Patre derelictio; alibi fusiùs explicatum est: hoc loco eam solum Divi Leonis verbis *Serm. 17. de Passione. Matth. 27.* insinuo, & explico: qui sic habet. *Ideo IESVS voce magnâ clamabat dicens. Quare me dereliquisti? ut notum omnibus faceret, quare oportuerit cum non erui, non defendi, sed servientium manibus derelinqui, hoc est, Salvatorem mundi fieri & omnium hominum Redemptorem: non per miseriam, sed per misericordiam, nec amissione auxilii, sed definitione moriendi.* Quia ergo Pater per suam immutabilem definitionem dereliquit Christum in damnatione mortis, hoc non potuit non tenerimè sentire innocentissimus filius, non quia & ipse mori nolebat, qui utiq; cum Patre & Spiritu sancto suam mortem decreverat; sed quia quod statuerat, quodque etiam efficacissimè volebat superior auctoritas, hoc valde sentiebat, & naturaliter horrebat inferior infirmitas. Atque ita dispensatio derelictionis non fuit aliud quàm necessitas mortis, in qua se positum sic doluit Christus in Cruce, sicut non poni se in ea supplex deprecatus fuerat Patrem, in Oratione dicens. Pater si possibile est, transeat à me calix iste. Et quemadmodum ibi dixit Patri. *Matth. 26. 42.* *Si non potest hic Calix transire nisi bibam illum, fiat voluntas tua.* Ita hic agnoscens non suâ, quam reliquerat, sed Patris, quam elegerat, voluntatem impletam, dicit ad Patrem, quare me dereliquisti? Nimirum causam & rationem, quâ sit relictus, id est non exauditus, inquit, ut ostendat alium esse illum quem ex aeterno placito Patris, pro mundi reconciliatione prælegit, unde ipsa vox non exaudito, magni est expositio Sacramenti, quod scilicet nihil humano generi conferret Redemptoris

demptoris potestas, si quod petebat, nostra obtineret infirmitas. Hæc igitur hunc in modum explicata derelictio, sicut ex parte potestatis victricis fuit summè placita & gloriosa: ita ex parte infirmitatis patientis, summè fuit amara & dolorosa.

X. Excellentis Doloris interni Causa Christo fuit, dissolutio tam Nobilis & unici in rerum natura existentis Compositi Dei-Hominis, quæ fiebat per Animæ à corpore separationem. Quia enim unus solusque Christus toto universo visibili simul ac invisibili præstantior ac nobilior fuit: uniusque ejus jactura totius universi interitu sine ulla dubitatione justissimè redimi debuit, Christus qui suum pretium & dignitatem, excellentiamque inæstimabilem plenè noverat, interitum suum per mortem sine dubio gravissimè sentiebat. Quod si Dominus ipse unum hominem toti mundo, non solum confert, sed etiam præfert: dicens.

Quid prodest homini, si universum mundum lucretur, se autem perdat, quanto id ipsum de ipso Christo sentiendum est, qui & hominibus & Angelis & mundis omnibus dignior, pretiosior est, magis infinitè, quàm cogitatione assequi possumus. Nec obstat, quòd Christus Animam suam posuerit pro nobis: hoc enim non ideo fecit, quasi viliorē se nobis putaverit: sed ideo, quia in pretium nostræ redemptionis, & in ostensionem suæ erga nos Charitatis hoc impendere voluit, quod pretiosissimum habuit, seu quo pretiosius nihil habere potuit: ut ex immensitate impensæ ab eo pro nobis pretii, immensitatem quoque & ejus erga nos æstimaremus amoris, & nostri erga ipsum infinitudinem metiremur debiti. Hoc verò totum evidenter ostendit, summè fuisse gravem dolorosamque Christo Animæ suæ à Corpore separationem, per quam nimirum res omni purarum Creaturarum etiam possibilem genere pretiosior, præstantior, dignior perdebat. Ex quo facillè colligere est, unius soliusque Christi mortem nobis deffendam esse amariùs, quàm jacturam parentum, filiorum, fratrum, amicorum, opum, honorum, regnorum, & uno verbo, plùs quàm omnium simul rerum. Hinc etiam facillè est colligere, Christo ipsi, plùs amaram fuisse mortem suam, quàm esset si totius simul mundi supercœlestis & subcœlestis Machina universa & dissolveretur, & in suum Chaos primævum redigeretur. Hinc etiam facillè est colligere nostræ ingratitudeis enormitatem execrabilitatemque, quæ Christi

*Matth.
26. 26.*

mortem non tantum condignâ grati animi significatione non prosequimur, verum etiam omni genere ingratiſſimæ malitiæ, malitiſſimæque ingrati tudinis, perpetuò, paſſim, & ubique & omnes deſpicimus, deſpuimus, conculcamus. O quiſ sapiens: & intelliget hæc!

M O D V S XL.

Quadrageſimus Meditandi Paſſionem Chriſti Modus eſt: Aſſumere inſigniores Chriſti Dolores externos: quos etſi unusquisque ex proprio ſenſu non difficile ſeligere poterit: ego tamen, quos mea fert opinio fuiſſe præ aliis excellentes, exponam: & quidem nullâ ſerè adhibita (ſecus quàm in proximo modo feci) explicatione, aut exaggeratione. Cum enim iſti dolores externi ſint, & ſenſui pateant: non eſt difficile cuiſvis eorum excellentiam aſſequi propriâ meditatione: ut proinde explicatio ſuperflua futura eſſe videatur.

Primus Ergo Dolor Chriſti externus inſignior præ aliis fuit, Agon ille totus in Horto: qui adeò durum præludium fuit Paſſionis, ut ipſi Paſſioni æquivaluerit, & ſudoris ſanguinei guttas decurrentes in terram ex toto Chriſti corpore expreſſerit. Certe ſi de ſola triſtitia ſua non dubitavit Dominus aſſerere eam eſſe parem inferendæ ſibi morti: longè id de toto illo Paſſionis futuræ rudimento magis affirmare potuit.

Secundus Dolor Chriſti externus fuit inſignis, Carcer ille nocturnus in Caiaphæ domo, geſtaque per totam illam noctem: quorum cum initium narraſſent Euangeliftæ: quemadmodum poſtquam omnes condemnaverunt eum eſſe reum mortis, tunc expuerunt in faciem ejus, & colaphis eum ceciderunt, & vela-verunt eum & percutiebant, & alapis eum cædebant, & palmas in faciem ejus dederunt, & interrogabant eum dicentes, Prophetiſa nobis Chriſte, quis eſt, qui te percuſit? reliquum tandem nocturnorum dolorum & probrorum, aliorumque geſtorum in compendium redigens unus eorum concludit. Et alia multa blaſphemantes dicebant in eum. Ut minime mirum ſit, nullius pii ſcriptoris, aut meditatoris parem eſſe cogitatû hiſce nocturnis Chriſti injuriis & doloribus explicandis, in quibus explicandis, ipſius Sancti Euangeliftæ calamus, videtur deſe-
ciſſe.

Tertius

Tertius Christi externus dolor maximè insignis fuit. Denu-
datio ad flagella, & flagellatio ipsa. Denudationem suam vo-
lens exprimere Dominus, quàm sibi fuerit onerosa: usus est per
Prophetam illo loquendi modo: *Operuit confusio faciem meam.* *Psal.*
Non ait se confusum pudore, & verecundiâ affectum, sed omnè *68. 8.*
veluti confusionem, quæ uspiam fuisset aut esse posset, in suam
tunc faciem convolvallè, & præ enormitate erubescentiæ eam
omnino operuisse. Eandem confusionem exprimit idem Pro-
pheta ex sensu Christi dicens. *Totâ die verecundia mea contra* *Psal. 43.*
me est, & confusio faciei meæ cooperuit me. Quibus verbis ean- *16.*
dem Passionem suam, quam ex nuditate perpeffus est gravissi-
mam, declaravit. Non abfimilem sensum flagellationis suæ
enormissimæ per eundem Prophetam sæpius declaravit Domi-
nus noster, nunc quidem dicendo: *Congregata sunt super me fla-* *Psal. 34.*
gella, & ignoraui. Vbi mirificè flagellationis suæ diritatem ex- *15.*
pressit, adducens in medium, flagellorum multitudinem, seu
congregationem super se: si enim multa flagella, sinè dubio &
multi flagellantes, & longè magis multa ipsa flagellatio: nunc
verò dicendo. *Et fui flagellatus totâ die, & castigatio mea in ma-* *Psal. 72.*
tutinis. Quâ voce nihil exaggeratius dici videtur posse. Non *14.*
enim Dominus totâ die à mane flagellatus legitur, sed tanta fuisse
tamque enormis illa flagellatio significatur, qualis esset illa,
si quis totâ diè à summo manè flagellatus fuisset. Nec minor
est illa ejusdem diritatis in flagellatione expressio, quâ dicit Do-
minus, *Supra dorsum meum fabricaverunt peccatores, prolon-* *Psal.*
gaverunt iniquitatem suam. Alia lectio habet, araverunt, & sul- *128. 3.*
cum suum producerunt. Vt enim fabri super incudem ferrum
tundunt sinè ullo metu, ut aratores sulcos trahunt per agrum,
ita impii vulnera super Christum.

Quartus. Immanis Dolor fuit Externus Christi, à Coronâ
Spinea, quæ ad intimas usque Capitis partes, aculeos suos plures
adactos habuit, & cum semel imposita aut potius infixâ fuisset,
nequaquam ita permansit, sed iterum iterumque detracta & im-
posita est, cum multiplici vulnerum dolorumque innovatione:
accessit spineo ferto, purpura, arundo, consputatio, colapho-
rum impactio, genuflexio, & irrisio; quibus omnibus dolor
dolori additus, & contumelia omnimodis exaggerata est.

Quintus. Immanis quoque Dolor Christi fuit externus. Mo-

ra seu Trihorium in Cruce: quo toto tempore agonisavit Christus, & universa membra ejus, sedibus suis evulsa sunt, pectus vero cum costis suis, ita distractum distentumque, ut hunc unum solumque pectoris in Cruce convulsi dolorem, quisquis debite aliqua ex parte considerarit, fuisse præ omnibus gravissimum atque maximè durum & intolerandum necessario affirmaturus sit.

Sextus, Dolor Christi externus insignis fuit à venenatissimarum linguarum aculeis, quibus intima & extima Christi depasti sunt inimici ejus, insultantes ei verbis, quando jam verberibus non potuerunt, ut dicere potuerit Dominus IESVS hostibus suis illud: *Invaluerunt super me verba vestra, dicit Dominus. Et dixistis: quid locuti sumus contra te? dixistis. Vanus est qui servit Deo: & quod emolumentum quia custodivimus præcepta ejus, & quia ambulavimus tristes coram Domino exercituum? Ergo nunc beatos dicimus arrogantes, siquidem edificati sunt facientes impietatem, & tentaverunt Deum, & salvi facti sunt.* Quid enim minus ab his dixerunt illi, qui dixerunt. *a* *Confidit in Deo, liberet nunc si vult eum.* *b* *Christus Rex Israël, descendat nunc de Cruce, & credimus ei.* Dixit enim quia Filius Dei sum.

a *Marc.*
15.
b *Matth.*
27.

Septimò. Ad insigniores Dolores Christi externos, pertinuit quoque Detractio ultima vestium Christi ad Crucem affigendi; vestes enim ad faucium plurimis in locis Corpus adhæserat, ita, ut avelli à crucifixuris Christum, cum ingenti carnificina, cumque avulsione partium adhærescentis sanctissimæ & oblata carnis, cum multa sanguinis effusione debuerint: per quod & renovatus dolor, & vulnera dilatata necessario fuerint in Christo. Hujus Doloris enormitatem ipsa cujusque non dico experientia, sed etiam imaginatio, facile docere meditantem potest.

Psal. 68.
32.

Octavus. Dolor enormis Christi Exterior fuit. Potus in siti oblatus Christo, conflatus felle, myrhâ, & aceto. Novercale revera poculum, de quo Dominus tantò ante, per Prophetam conqueri non omisit, dicens. *Dederunt in escam meam fel: & insiti meæ potaverunt me aceto.* Quomodo illud non sathanico majus odium fuit, quod homini ad extrema deducto (cujuscunque tandem conditionis fuerit ille,) homini inquam præ doloribus, & sanguinolentis vulneribus exhausto, animamque agenti, ac inter Crucis tormenta morienti, pro aquæ haustu acetum porrigere, & extre-

& extremum illud corporis miserrimè excarnificati membrum, fauces scilicet atque linguam sitis ardore exustam, ultimato, & ad odii sui exsationem, adinvento poculo, cruciari? verè, *Fel Draconum, vinum eorum, venenum aspidum insanabile.*

Deut. 32.

Nonus. Dolor externus Christi enormis fuit, à conspectu & orbitate Matris.

Decimus. Dolor Externus fuit Christi à Morte Corporis, etenim cum summa violentia à Corpore illo dissolvebatur recedebatque anima: utpote quod optimè dispositum habebat, & quod diutissimo tempore informare naturali cursu debuerat. Vtrumque hoc punctum in precedenti modo utcumque exaggeratum est, propterea hoc loco ampliùs nihil addo: sed campum meditationibus piis suum relinquo.

M O D V S XLI.

Quadragesimus primus Meditandæ Passionis Domini Modus esse potest, Contemplari Passionem ipsam, in doloribus & compassione Beatæ MARIÆ Virginis: expendendo scilicet, quos & quantos illa dolores sustinuit, ob dolores Christi Filii sui, & ex his illos, vicissimque ex illis hos metiendo, ponderando, ac perpendendo, simulque Matri condolenti ac Filio dolenti, intimo ex corde nostro compatiendo: quin etiam nostra peccata, nostram malitiam, nostram ingratitudinem, nostram indignitatem, nostram obligationem recognoscendo, ex hoc, quia non solum Christum peccatis nostris crucifiximus, & occidimus, verum etiam Matri Christi eadem operâ maximorum luctuum dolorumque causam dedimus. Nisi enim nostra peccata Christum mori coëgissent, Mater, nullas tantorum dolorum causas habuisset. Quare peccata nostra sicut dolorum Christi, ita Matris ejus causa fuerunt: & nos sicut Christo pro nostris peccatis dolenti, ita & Matri ejus occasione eorundem peccatorum afflictæ, compassionis, gratitudinis, imitationis, amoris debitores sumus. Ad quam rem, id est, ad ejus debiti cognitionem, consequenterque exsolutionem, ut efficacissimè excitemur, expedit mensuram dolorum Beatissimæ Matris penetrare: ad hanc porro penetrationem duplici viâ pervenire licebit. *Primo,* Si expendatur Amor Sanctissimæ Matris in Filium suum: quanto enim hic fuit major, tantò etiam necessariò & dolor debuit esse,

ac re ipsa fuit gravior, amoris namque hoc est proprium, ut Amantem in Amatum transferendo, atque transformando, faciat illum participem & compotem, complicemque eorum omnium, quæ sunt acciduntve Amato. Sive illa sint bona & prospera, sive mala & adversa: quo fit ut qui alterum amat, ejus bonis lætetur, tanquam suis, ejus malis crucietur, tanquam suis: saepe etiam plusquam suis, pro magnitudine scilicet, puritate, intimitateque amoris. *Secundo*, Penetrabimus in dolorum Beatæ Matris mensuram immensam, si expenderimus cognitionem dolorum Christi, quam habuit Beata Mater de illis: quo enim cognitio ista fuit magis intima, vivax, & omnium conditionum circumstantiarumque Patienti & Passioni annexarum possessiva, & comprehensiva, hoc fuit evidentior comprehensio enormitatis dolorum Christi, & consequenter, hoc fuit atrocior dolor in Matre, dolentem Filium cognoscēte.

Attingo breviter aliquot fontes Amoris Beatæ Virginis erga Christum Filium, qui considerati, ostendent ejus magnitudinem, & ex hac notam quoque facient dolorum ejus Excellentiam.

Primus, Præcipuusque Fons Amoris fuit MARIA Matris in Christum Filium, qui erat Christus simul ejus, & simul Dei Filius: adeo, ut quantum ad Personam Christi, non fuerit alius Filius Dei, & alius ipsius, sed unus omnino idemque individualiter & Hypostaticæ: ex quo fiebat, ut MARIA esset vera Dei Mater. possetque dicere longè veriùs, ac justius de se, deque sua Maternitate, quàm alia illa dixerat. *Possedi hominem per Deum*: vel etiam possedi hominem Deum. Ex hoc fonte Amor MARIA erga Christum, fuit specialis cujusdam sicut generis, ita etiam ordinis, ac altitudinis, diversæ nimirum, & ab ea quæ continetur in præcepto diligendi Deum super omnia, seu ex toto corde, tota anima, & ab ea quæ continetur in præcepto diligendi proximum sicut se ipsum, & adhuc ab ea quæ continetur in præcepto instinctuque naturali Parentum ad diligendum suos filios: quoniam MARIA Christum dilexit, non tantum ut Deum suum, nec tantum ut hominem purum, proximum suum; nec denique tantum ut hominem solum filium suum, sed dilexit eum ut Mater Dei, Deum Filium, Deum Hominem, Filium suum. Superaddens, vel certè intermiscens dilectioni suæ jus maternum, quod exigebat non tantum humanam in Christo de se sumptam naturam,

Gen. 4.

Lucæ 10.
27.

curam
sonam.
ve Filiu
amori
similis,
nes eni
aliter c
Dei Fili
tum id
lium.
fidelit
hanc
Et qu
dilect
capia
lorem
abyssu
Sec
Conce
tum.
dei.
Eius, s
vero s
ratus
dilect
nitati
erga
tum
& car
bei si
paren
Quod
lūm p
dolori
Ter
Christ
& qu
lo se

curam, sed etiam Divinam, suo sanguini hypostaticè unitam personam. Quale motivum amandi sive Deum, sive Hominem, sive Filium, nulla unquam creatura, habet habuitque; ac proinde amorì *MARIÆ*, in Christum nullus est, nullusque potest esse similis, nullus par, in ulla, immo in omni simul creatura. Omnes enim creaturæ si amabunt condignè Christum, non possunt aliter condigniùs, quàm amando illum ut Deum Hominem, ut Dei Filium, ut *MARIÆ* Filium: at *MARIA*, ultra & supra totum id, amat Christum Hominem, Deique ac suum verum Filium. Cujus motivi Excellentiam sicut sola Virgo *MARIA* possidet, ita sola etiam ejus mensuram cognoscebat, & sola etiam hanc mensuram amoris sui vehementià & excellentià implebat. Et quia in Passione tam indigna atque amara Filium suum ita dilectum demersum planissimè videbat, jam qui potest capere capiat, quantum ex Passione illa sui Filii *MARIA* capiebat dolorem. Mihi certè nullus creatus intellectus par videtur, ad abyssum istam subintrandam, nedum penetrandam.

Secundus, Fons Amoris *MARIÆ* erga Christum fuit. Conceptio ejus de Spiritu Sancto: juxta illud Angeli ad eam dictum. *Spiritus a Sanctus superveniet in te, & juxta Symbolum fidei. Qui conceptus est de Spiritu Sancto.* Cum ergo Spiritus Sanctus, sit author conceptionis atque Maternitatis *MARIÆ*: is verò sit substantialis amor: quemadmodum Spiritus Sanctus operatus est in *MARIA* conceptionem, ita etiam idem illi indidit dilectionem Christi: ita ut *MARIA* habuerit in se & Humanitatis Christi de suo sanguine formatorem, & Charitatis etiam erga Christum inflammatores unum eundemque Spiritum Sanctum. Quia ergo *MARIA* ex eodem Sancto Spiritu concepit & carnem & Charitatem Christi: inde est: quòd sicut non habet similem *MARIA* in Conceptione Carnis Christi, ita etiam parem non habeat in Charitate ac dilectione ejusdem Christi. Quòd evidenter evincit ulterius, nullum quoque socium, nullum parem fuisse aut esse posse, *MARIÆ* in perferendis doloribus Christi.

Tertius, Fons Amoris *MARIÆ* erga Christum fuit. Quia Christus fuit *MARIÆ* verus, connaturalis, consubstantialisq; & quidem solius *MARIÆ*, filius: Christus enim sicut in Cælo seu in Divina generatione Matrè non habet, ita in terra in hu-

mana

a Luc. 1.
35.

mana conceptione, Patrem non novit: sed in sola atq; una MARI A Matre, dilectio tam Patris quàm Matris erga Christum, resedit: quo factum est ut in MARI A major fuerit dilectio erga Christum, quàm in ullis parentibus unquam fuerit, erga aliquam suam. prolem: atque hinc etiam factum est, ut MARIÆ dolor, fuerit major dolentis ob dolores Christi, quàm ullius Patris vel Matris esse potuerit ac possit, ex dolore prolis suæ.

Quartus, Fons Amoris MARIÆ erga Christum fuit, Magnitudo & multitudo beneficiorum Christi erga Matrem suam: quæ tanta fuit, ut puræ creaturæ divinitus majora contingere non potuerint, perinde ut puræ creaturæ nullæ, Matre Dei, major esse potest. Quia verò beneficentia solet amorem conciliare, inter beneficiarium & benefactorem, inde conficitur, maximum fuisse amorem in MARI A erga Christum, quoniam constat, maxima fuisse & esse beneficia Christi erga MARI A M. Quæ autem ea fuerint vel sint beneficia Christi Domini erga Matrem suam; dicerenihil attinet, cum sint vulgo satis nota, & in uno Maternitatis beneficio satis comprehensa. Porro amor beneficiarii in benefactorem suum, talis esse solet, (& debet) ut obligatione gratitudinis velit, gaudeat, curetque, omnia bona benefactori evenire ac inesse: contra autem nolit, impediatur, & doleat quidquam mali & adversi eidem accidere. Necesse itaque fuit MARI A M summè cruciari malis filii sui; quæ senoverat, totam quanta quanta esset, beneficium esse filii sui.

Quintus, Fons Amoris MARIÆ erga Christum fuit, Dignitas, Sanctitas, Innocentia, Sapientia Filii sui. Vera quippe Charitas, quæ in dilectionem alicujus rei fertur propter solum Deum, eam rem necessariò solet atque debet plus diligere, in qua plus elucescit Dei siue naturæ, siue bonitatis, atque perfectionis: quoniam ergo in Christo: non tantum plurimum fuit Bonitatis Divinæ, sed planè tota Divinitatis plenitudo, in eo habitabat corporaliter, quod MARI A M minimè latebat: inde fiebat, ut MARI A Christum summè amaret, æstimaret, veneraretur, appretiares; accedente præsertim eo, quod Christus esset simul aliquid suum proprium, Filius nimirum suus proprius, unigenitus, ex purissimis suis sanguinibus, operâ Spiritûs Sancti conceptus, de se natus, educatus, &c. factum est inde necessariò quod MARI A summè Christum dilexerit, factum etiam quod eadem

dem summè injurias ejus senserit, & amarissimo animo tulerit.

De Cognitione, quam M A R I A habuerit de doloribus Filii sui dicere nihil attinet, cum satis constet, illam & fuisse naturâ suâ sapientissimam, & mysteriorum Scripturâ, maxime Filii sui, valde gnaram, & luce Spiritûs Sancti illustratam: ac proinde dolores Christi intimè cognoscentem, consequenter, eosdem vivacissimè penetrantem, ac sentientem. Quam penetrationem Simeon explicare volens; Gladium animam pertransluentem vocavit, &c.

Ex his igitur duobus capitibus consideratis, Amoris scilicet ac Cognitionis, quæ fuit in M A R I A erga Christum Filium suum, licebit nobis subintrare aliquantulum atq; metiri immensitatem Dolorû Matris Virginis ex doloribus Christi: ita ut non dubitemus accommodare verba illa Prophetæ dicentis. *O vos omnes, qui transitis per viam, attendite & videte, si est dolor, sicut dolor meus.* Non dubitabimus etiâ eam, compassivo affectu, alloqui verbis illis ejusdem Prophetæ. *Magna est velut mare contritio tua, quis medebitur tui?* Ex his quoque duobus capitibus bene perpensis. discemus nos ideo dolores Christi Domini, tam parum sentire, quia & in cognitione stupidi, & in dilectione, frigidi valde sumus, tam ejus, qui patitur, quàm earum rerum, quas patitur. Inflammemus ergo nos amore Christi: & exerceamus nos in Cognitione illius, dolorumque ejus: & dabitur nobis gratia bibendi cum ipso Calicem Passionis ejus: quæ est vera & unica beatitudo hujus vitæ, omnium fidelium servorum ejus.

Thren.

1. 12.

Thren.

13.

M O D V S XLII.

Quadragesimus secundus Modus Passionem Christi meditando est; Considerando & vestigando illam, in & ex virtutibus perfectissimis planèque Heroicis M A R I Æ Matris Christi, quas illa tempore Passionis ipsius exeruit, & exercuit, ad nostrum omnium speculum & exemplum. Dux sunt enim rationes cognoscendi Passionem Domini I E S U Redemptoris nostri per Matrem ipsius: una quidem considerando dolores ipsius Matris, quos illa ex dolente, & cum dolente filio, sustinuit: quam rationem in præcedenti modo, utcumque exposuimus, ostendendo duas vias seu radices investigandæ mensuræ dolorum Maternorum. Amorem scilicet, & Cognitionem ejus, quam habuit de Filio suo deq;

X

dolo-

doloribus ipsius: altera porro est ratio, considerando insignes maximè virtutes ejusdem Matris, quas illa exercuit, in tam dura & insolita occasione, qualem nulla unquam creatura exercendarum suarum virtutum habuit: hunc ergo modum in presenti proponere aliquatenus volumus.

Prima itaque virtus, quam MARIA in præstanti gradu heroicoque exercuit, patiente Filio suo, est Fides atq; Fiducia. Fide enim credidit omnia credenda de Filio suo, contra omnem humanarum rationum evidentiam. Neque enim propterea minor fuit Fides Beatae Virginis, quam ullius Sancti, quia fuit Mater Christi: sed potius hoc ipsum exaggerat Fidem ejus, quâ totam Christi Ecclesiam sustinuit, quia in fide non vacillavit, sed credidit omnibus Scripturis, quæ de Christo erant. Credidit Christum Redemptorem esse mundi, qui humanitus nec sibi ipsi opem ferre posse videbatur. Similiter, in spem contra spem fiduciam habuit in ipsa morte, perditione, exinanitione, extinctioneque Filii sui; non dicebat, ut illi duo. *Nos autem sperabamus, quia ipse esset redempturus Israël.* Sed potius dicebat. *In Te Domine speravi, non confundar in aeternum.* In Te Fili captivum, in Te contemptum, in Te vermem, & non hominem, opprobriumque hominum & abjectionem plebis, in Te damnatum, occisum, sepultum: & scio, quia hæc, quæ sunt instrumenta perditionis tui, sunt media Salvationis Mundi.

Secunda, Virtus MARIAE Virginis in Passione Filii exercita fuit. Modestia & Patientia: nihil enim patientius, nihil modestius, apparuit unquam in mundo, Patiente suo & Dei Filio, Matre Virgine MARIA: immo dico, nulla unquam in occasione modestiam, patientiamque Virginis MARIAE eluxisse, quam in Passione Filii, quod facillè credet, qui advertet, nil unquam gravius, adversius, & ad turbandam omnem mediocritatem aptius, oblatum fuisse MARIAE, vel ulli creaturæ offerri potuisse, quam Passionem mortemque talem, talis ac tanti Filii. Itaque alibi alias MARIAE Virginis licet discere virtutes, sed in Passione Filii, Patientiam, Modestiam, & animi æquitatem singularissimè.

Tertia, Virtus MARIAE Virginis in Passione eluxit Humilitas, atque sui Contemptus, & Vilificatio. quid enim restabat MARIAE tantâ ingenuitate, tantâ mentis præstantiâ ac generositate

Luc. 24.

2.

Psal. 30.

7.

rositate pollenti, quàm sub forma pessimi vilissimiſſimique latronis
posito ac pereunte Filio, subtrahere, subducere, occultare seſe;
at hoc longè abſuit à M A R I A, immo verò neque cum discipu-
lis fugit, neque cum Petro negavit, neque cum notis & amici-
timens à longè ſtetit, ſed potius Matrem ultro ſe impij, improbi,
pessimi, Barabbà & latronibus pejoris, furciferi, crucifixique,
Matrem inquam ſe profeſſa, ſtabat juxta Crucem, parata, &
cupida, & gaudens ſe digito oſtendi, ſe ſigillari, ſe irrideri, ſe
carpi, ſe confundi, ſe notari talem, talis filij genitricem. Hic, ſi
quid ego judico, M A R I A humilior fuit, quàm tunc, quando
ſe Ancillam Domini, coram Angelo profeſſa fuit.

Quarta, Virtus M A R I Æ Virginis Patientie Chriſto eluxit;
Magnitudo & Fortitudo animi. Certè pluſquam in Iſahel, pluſ-
quam in Iudith, pluſquam in Debera, pluſquam in illa Macha-
bæa, ſeptem filiorum Martyrum Matre, furor enim Iudzorum
& gentiliùm, qui in Chriſtum M A R I Æ filium deſerviebat,
longè fuit immahior, longè robuſtiorẽ magnanimitatis, & ro-
boris materiam præbuit M A R I Æ, quàm ulli ſupradictarum
Matronarum, adeò ut longè juſtiùs dici poſſit de M A R I A, il-
lud quod dictum eſt de Machabæa. *Supra modum autem Mater*
mirabilis, & bonorum memoriâ digna, quæ pereuntem filium ſub
unius diei tempore conſpiciens, bono animo ferebat, propter ſpem
quam in Deum habebat.

2. Ma-
chab. 7.
20.

*Quinta, Virtus M A R I Æ in Paſſione Chriſti emicuit, Cha-
ritas planè ardens; planè ardua, Charitas inquam Dei, cujus
honori, & gloriæ Filium ſuum deſervire, immolarique elegit.
Charitas etiam proximorum, & quidem peccatorum, & qui-
dem Filii ſui interfeſſorum, quorum odiis, injuriis, ſcleribus,
uſque adeò non paſſa eſt animum ſuum infringi, aut inſecti in
odium, ut potius in tenerrimum robuſtiſſimumque converſa
amorem optaverit, petierit, probaverit, Filium ſuum, pro iis
iſtis, proque eorum ſalute mori, à quibus, & à quorum manibus
ac rabie, ipſum videbat mori. In quo paſſu ipſius Filii ſui chari-
tatem æmulata, & proximè aſſecuta eſt: qui pro iis iſtis ſangui-
nem ſuum fundere amabiliſſimè voluit, à quibus illum effundi
patientiſſimè permiſit.*

*Sexta, Virtus M A R I Æ in Paſſione Filii admirandè Heroi-
ca eluxit, Obedientiæ ac Reſignatio in omnem Dei voluntatem;*

quâ virtute, ita se & hominem & Matrem oblita est, planèque exuit, ut tota solam unamque Dei voluntatem & gloriam in-
tuens atque amplectens, non tantùm non tulerit moleste adeò
amaram, & per omnia exquisitissima tormenta diram mortem
sui simulque Dei Filii unici, sed etiam præ ardore, altitudine, ve-
hementia, plenitudineque Obedientiæ & Resignationis, cumque
Divina Voluntate conformitatis, parata fuerit, si Deo ita ordi-
nare placuisset, ipsa suis manibus maternis Christum Filium, &
conspuere, & pedibus manibusque tundere, & ad columnam fla-
gellis cadere, & spinis coronatum ludibrio habere, & cruce im-
positâ onerare, & propriis manibus crucifigere, de Cruce deponere,
ac sepelire, in hostiam & holocaustum Deo.

Has virtutes aliasque plures, M A R I A Patientè exercuit Fi-
lio: ita ut in eis totam depinxerit Passionem Filii, nobisque eam
unâ secum ad imitandum proposuerit, &c.

M O D V S XLIII.

Quadragesimus tertius Passionem Domini meditandi Modus
esse potest; Considerando illam in Sacrosancto Missæ Sacri-
ficio expressam & representatam. In hunc enim præcipuè finem,
Sacrum Missæ Sacrificium, atque etiam Eucharistiæ Sacramen-
tum institutum à Christo, ex signantibus ipsius Christi verbis no-
vimus, ut in eo & per illud recogitemus, representemus, renove-
mus, Sacrificium ejusdem Cruentum in Cruce cum tota ipsius
Passione. Quocirca non tantùm perutilis & laudabilis, sed etiam
ab ipso Christo Domino institutus desideratusque modus est me-
ditandi Passionem ejus, sive per Sacrificium Missæ, quod Sacer-
dotes præcipuè faciunt, quoties Sacrum faciunt, sive in Sacri-
ficio Missæ, quod omnes facere debent, quotiescunque Sacrum
audiunt. In eum usum hoc loco pono perpetuam omnium eo-
rum, quæ in Sacro Missæ Sacrificio geruntur, cum ipsa Passione
quæ gestis illis representatur collationem, ut sive in ipso, dum
peragitur, Sacro, sive etiam extra illud quolibet loco & tempo-
re, Passio Christi ad Missam, Missa ad Passionem relata, fructuo-
sè & devotè recolî possit.

1. Præparatio Sacerdotis in Sacrario ad Sacrificandum: com-
memorat & representat valedictionem Christi, quâ, iturus ad
Passionem valedixit Sanctissimæ Matri, nec non aliis amicis,
consolans

consolans illos, seseque ad Passionem accingens, & ab omnibus aliis negotiis expediens, totumque animum ad negotium Passionis convertens.

2. Egressus Sacerdotis è Sacratio ad altare. Signat egressum Christi de Coenaculo versùs Hortum, & Oliveti Montem.

3. Depositiō, & Dispositio Calicis atque Corporalis super altare, nec non Missalis: signat Ruminationem illam Christi pergentis in Gethsemani, & incipientis interea pavere, tædere, contristari, molestiâque arctari, ac dicere. *Tristis est Anima mea usque ad mortem.*

4. Mora Sacerdotis aliqua ad medium altaris, inclinatioque Capitis: recessus ab altari, & descensus ad infimum gradum: signat relictionem discipulorum, quâ Christus eos reliquit, & ab eis avulsus est quantum jactus lapidis, orationis faciendæ gratiâ.

5. Psalmus, Confessio, aliæque orationes: significant orationem Christi repetitam; prostrationem in genua, & in faciem, confortationem Angelicam, agoniam, sudoremque sanguineum.

6. Accessus ad Altare: signat occursum & processum obviam hostibus. Surgite eamus: ecce appropinquavit, qui me tradet.

7. Osculum Altaris: signat osculum Iudæ, quod retulit ab eo Christus, ei que dixit. *a Amice ad quid venisti? b Iudæ, osculo filium hominis tradis.*

8. Introitus Missæ, & signum Crucis. Significat sermonem Christi ad Iudæos. *c Tanquam ad latronem existis cum gladis, &c. d Sed hæc est hora vestra & potestas tenebrarum.*

9. Sacerdos in medio Altari Kyrie eleison repetens. Signat Captivitatem Christi & injurias ejus, derelictionemque ac fugam discipulorum omnium.

10. Gloria in excelsis: signat exultationem & insultationem hostium, quâ capto Christo exultarunt, sicut solent victores captâ prædâ, in Palatio Annæ & Caiphæ.

11. Osculum Altaris, & Dominus vobiscum. Signat Examen Christi de doctrina, & de discipulis, responsumque Domini, ob quod enormem alapam accepit ab uno ex ministris.

12. Epistola. Signat accusationes, falsaque testimonia, adjurationes, injurias, condemnationes Christi apud Caiphæ, ab universo Concilio.

a Matth.
26. 50.

b Luca
22. 48.

c Marci

14. 48.

d Luca

22. 60.

13. Graduale & Tractus: signat blasphemias, oculorum ve-
lationem, consputationes, colaphisationes, quas pertulit Domi-
nus in eadem Caiphae Domo.

14. Euangelium, & osculum Missalis atque signatio: signat
Confessionem Christi, quâ se Christum, Dei Filium, insuperque
Iudicem uniuersorum confessus est.

15. Credo: signat Petri Negationem, & conversionem, &
amaras lacrymas, respiciente Petrum Domino: tum etiam: per-
noctationem totam Domini, infandis injuriis plenissimam.

16. Osculum Altaris, & Dominus vobiscum; signat Matu-
rinum Concilium Iudæorum, in qua de noue Christus est Exa-
minatus, Confessus, Damnatus.

17. Offertorium: signat deductionem Christi ab Iudæis ad
Pilatum. Signat etiam Iudæ poenitentiam, & abjectionem san-
guineæ pecuniæ.

18. Oblatio Panis & Vini super Altare. Signat interrogatio-
nes Pilati, accusationes Iudaicas, silentium, & demum responsa
Christi ad Pilatum.

19. Ablutio manuum. Signat remissionem Christi ad Hero-
dem, Herodis exinde gaudium, Christi silentium, contemptum,
& illusionem ejus, ab Herode & Herodianis. Vestem albam,
&c.

20. Oratio, post abluitionem manuum, in silentio: Signat
Pilati cum Christo sermones, pro Christi innocentia & liberatio-
ne conatus, collationem cum Barabba latrone, homicida, sedi-
tioso.

21. Osculum Altaris: & Orate Fratres. Signat Christi nu-
dationem, flagellationem, coronationem, ad populum produ-
ctionem, cum Ecce Homo.

22. Secretæ Orationes ante Præfationem. Signant Persuasio-
nem Principum Iudaicorum, quâ suaserunt populo, ut peterent
IESVM crucifigi, tum clamores populi varios, Tolle, Crucifige,
Sanguis ejus super nos, &c. Cunctationem Pilati. Ejus vxoris
denuntiationem.

23. Præfatio. Significat Damnatum IESVM, & traditum
voluntati Iudæorum, ad crucifigendum, promulgationem quoque
federalis sententiæ in IESVM.

24. Sanctus, Sanctus, Sanctus. Signat triumphos Iudaicos
de ob-

de obteſta in Chriſtum ſententia, feſtinationem ad ejus executionem: ſignat verò multò magis gaudium cordis Chriſti, ex decreto Patris Aeterni, de ſalvando genere humano per ſuum ſanguinem.

25. Oratio poſt Sanctus, & Cruces tres. Significant bajulationem Crucis à Chriſto, adjuvante Symone Cyrenzo.

26. Memento vivorum, (ut vocant.) Significat ſermonem Domini, ſeu Prophetiam ad mulieres lamentantes ſuper ipſum. *Filia Ieruſalem, nolite flere ſuper me, &c.*

27. Communicantes. Signat Perventionē Domini in montem cum Cruce, obviationem quoque cum Matre doloroſiſſima. Vini quoque Myrrhati, cum felle miſti oblationem.

28. Manus Sacerdotis expaſa ſuper oblataſ hoſtias. *Hanc igitur oblationem, &c.* Signant Poſitionē Nūdati ſuper Crucem, & oblationem illam quam Chriſtus tunc fecit Patri Aeterno, de ſe ipſo, finaliter ſe ejus voluntati ad redimendum in Cruce humanum genus reſignans.

29. Variz Cruces formatae quinquies. Signant affixionem Chriſti ad Crucem.

30. Conſecratio tam Panis quam Vini: & utriuſque Elevatio. Signat affixum jam JESVM, & elevatum cum Cruce, ſtatutumque in ſublimi, cum titulo: JESVS NAZARENVS REX JVDÆORVM.

31. Orationes Sacerdotis poſt Elevationem Hoſtiarum, paſſae manus & Cruces variz. Signant JESVM in Cruce pendentem jam, inter latrones medium, multitudinis adſtantis varios affectus & ſenſus.

32. Alia Oratio Sacerdotis extenſis manibus. *Supra quā propitio, &c.* Signat Chriſti orationem pro crucifixoribus. *Pater ignoſce illis, quia nesciunt quid faciunt.*

33. Oratio Sacerdotis poſitis ſuper Altare manibus: oſculum altaris & cruces ſuper hoſtias. Signant verba Chriſti ad Matrem & Joannem, proque ambobus ſolicitudinem. Sitim quoque Domini, & acetum in ſpongia & Hyſſopo poſectum.

34. Memento mortuorum. Significat conversionē latronis: Chriſtiſque ſuper eum miſericordiam: ſindurationem alterius latronis, & perditionem.

35. Sacerdos percutiens peſtus, & aliquot verba clariùs pronun-

nuntians. *Nobis quoque, &c.* Signat Orationem Christi factam ad Patrem in Cruce cum lacrymis & clamore valido.

36. Cruces variæ à Sacerdote formatæ super hostias & genuflexio : signant incredibiles & infinitas blasphemias, insultationes, injuriasque Christo pendenti ab hostibus irrogatas.

37. Oratio Dominica. Signat clamorem Christi ad Patrem. *Deus meus, Deus meus, ut quid me dereliquisti.*

38. Sacerdos frangens hostiam per medium, & Cruces faciens. Signat terræ motum, obscuracionem Solis, scissionem petrarum, ruptionem veli, apertionem sepulchrorum.

39. Particula hostiæ Sanguini & Calici imposita. Significat verbum illud Domini, *Consummatum est.*

40. Pax Domini, sit semper. Significat commendationem quam fecit Dominus, Spiritus sui in manus Patris.

41. Agnus Dei qui tollis, &c. Signat Christum inclinato capite expirantem; & populos à Cruce Christi revertentes, & percutientes pectora sua, ac dicentes : *Verè Filius Dei erat iste.*

42. Domine non sum dignus. Signat supplicantem Iosephum Pilato, pro Christi Corpore deponendo.

43. Sumptio Sanctissimi Sacramenti : Signat apertionem lateris Christi, è quo Sanguis exivit cum aqua, locò confractionis ossium, quæ Christo non est facta.

44. Convolutio Corporalis. Signat depositionem Christi mortui de Cruce, inunctionem ejusdem, & involutionem in syndone munda.

45. Communio, & altaris osculum. Signat occupationem Beatissimæ Matris, aliarumque piarum personarum, circa Jesum mortuum ante sepulturam.

46. Post communionem seu orationem atque collectæ ultimæ. Signant Sepulturam *JESU.*

47. Osculum Altaris. Signat advolutionem lapidis ad ostium monumenti.

48. *Ite Missa est, & Dominus vobiscum.* Signat discessum amicorum à monumento *JESU.*

49. Osculum Altaris ultimum & benedictio super populum. Signat descensum Christi ad Inferos.

50. Evangelium ultimum & discessus Sacerdotis ab Altari. Significat varios sermones hominum de nece Christi, ejusdemque

gesta

gesta in resurrectione, visitatione discipulorum, missione eorundem in orbem universum.

Hunc in modum, tota Passio Missæ, tota Missa Passioni, ad-mensurari potest, interque ejus celebrationem illâ meditatione recoli. Non desunt apud optimos Scriptores, aliæ accommoda-tiones Missæ, ad totam vitam Christi, aut etiam ad Passionem ipsius, quas liberum erit, devoto Passionis Christi meditati se-qui: erit tamen fortè, cui, & hæc in minutiores articulos Passio-nem Missamque partiens Meditatio, minimè displicebit.

Illud tantummodo monitum velim, ut solâ commemoratio-ne articulorum Passionis nemo sit contentus: sed interim affectus etiam aliquos erga Patientem Dominum, tum Actus virtutum aliquarum congruarum; tum denique proposita aliqua bona & seria eliciat, prout sibi opportunum videbitur. Nisi enim hoc fiat, nuda illa commemoratio, erit quidem illa coram Christo meritoria nonnihil, sterilis tamen permanebit, neque animam impinguabit oleo devotionis, neque verum meditationis nomen sortiri poterit.

M O D V S XLIV.

Q Vadragesimus quartus Passionem Domini meditandi Mo-dus esse potest. Meditatione illam representando Patri Æter-no, pro se, suis, proximorumve omnibus internis & externis necessitatibus, ac miseriis sublevandis. Cujus representationis Exemplar, ex Davide Ecclesia desumit, verba illius usurpans. *Protektor noster aspice Deus, & respice in faciem Christi tui.* Ejus-dem Paradigma devotissimum, legere est apud Augustinū, quod hoc loco apponere non gravabor, ut ex eo meditator non erudi-ri solum, verum etiam inflammari possit. Sic igitur Augustinus, Patri Æterno Passionem Filii, sive Filium Passum representat.

Aspice Pie Pater, Piissimum Filium, pro me tam impia Pas-sum. Respice Clementissime Rex, quis patitur, & reminiscere benignus, pro quo patitur. Nonne hic est mi Domine innocens ille, quem, ut servum redimeres, Filium tradidisti? Nunquid non author vitæ hic est, qui ut ovis ad occisionem ductus, Tibique usque ad mortem obediens factus, atrocissimæ non timuit necis genus subire? Recole totius salutis Dispensator, quia hic est ipse, quem etsi ex tua virtute genuisti, meæ tamen infirmitatis

*Psal. 83.
10.*

*Medit.
cap. 6.*

”
”
”
”
”
”
”

partit-

participem fieri voluisti. Verè hæc est tua Deitas quæ meam induit naturam, Crucis ascendit patibulum, quæ in assumpta carne triste tulit supplicium.

Redue Domine Deus meus oculos tuæ Majestatis, super opus ineffabilis pietatis. Intuere dulcem natum, toto corpore extensum. Cerne manus innoxias, pio manantes sanguine, & remitte placatus scelera, quæ patrârunt manus meæ. Considera inermem, latus crudeli perfossam cuspide, & renova me sacro fonte, quem inde credo fluxisse. Vide immaculata vestigia, quæ non steterunt in via peccatorum, sed semper ambulaverunt in lege tuâ, diris confixa clavis, & perfice gressus meos in semitis tuis, & fac me odio habere benignus omnes vias iniquitatis. Viam iniquitatis amove à me, & fac me propitius viam veritatis eligere.

Oro Te Rex Sanctorum per hunc Sanctum Sanctorum, per hunc Redemptorem mei, fac me currere viam mandatorum tuorum, ut ei valeam Spiritu uniri, qui meâ non horruit carne vestiri. Nunquid non attendis, Pie Pater, adolescentis Filii Charissimi Caput, niveâ cervice deflexâ pretiosissimam resolutum in mortem? Aspice mitissime Conditor, dilectissimæ sobolis humanitatem, & miserere super infirmi plasmatis debilitatem.

Gandet nudum pectus: rubet cruentum latus, tensa arent viscera, decora languent lumina, regia pallent ora, procera rigent brachia, crura pendunt marmorea, rigat terebratos pedes beati sanguinis unda. Specta, gloriose Genitor, gratissimæ prolis lacerata membra, & memorare benignus, quæ mea est substantia. Conspicere Dei hominis poenam, & relaxa conditi hominis miseriam. Vnde Redemptoris supplicium, & redempti dimitte delictum.

Hic est Domine mi, quem propter peccata populi tui percussisti, licet ipse sit dilectus, in quo Tibi bene complacuisti. Hic est ille innocens, in quo dolus non est inventus, & tamen inter iniquos deputatus est.] Hucusque Augustinus.

Ad cujus normam licebit meditati, totam Passionis Christi seriem, ab horto usque ad sepulturam decurrere, & ita eam, sive ipsum Christum in ea positum, Patri Eterno representare, ut simul peccata propria, vel etiam aliena denarret Deo, ipsaque deflens, iis veniam petat, supplicia eorum averti postulet, emendatio-

datio
grati
varia
prim
fuis
depo
oculi
tam
eam
stat.

Q
xime
Eter
3 Dec
in tot
partib
etiam
cund
bere,
l. l
in Ora
tione
tionis
Passio
eriam
ratus
Sancti
tum, a
verò D
perato
pleniss
sua ob
ne felix
riam fa
11.

dationem proponat, affectus compassionis, laudis, admirationis, gratitudinis, deprecationis, aliosque similes exerceat: virtutum variarum in Christo patiente elucescentium actus, imitatione exprimat; dona denique interna, juxta ac externa, tam sibi quam suis, quam toti Ecclesiae, totique humano generi, à divina manu deponat, &c. Nec poterit hæc talis representatio non esse in oculis Deitatis grata, aut ad impetrandum valida, quandoquidem tam efficax & apta divinæ miserationi expugnandæ machina per eam admovetur. Cui divina pietas, impossibile videtur, ut resistat.

M O D V S XLV.

Quadragesimus quintus Passione Domini meditandi modus esse potest: considerando in Passione Domini, insignes maxime quinque actus Christi, quos ille in ea pro nobis ad gustum Aeterni Patris exercuit: sunt autem hi. 1. Oblatio. 2. Donatio. 3. Dedicatio. 4. Sacrificium. 5. Holocaustum. Qui actus etsi in tota Passione Domini elucescunt: nihilominus in quibusdam partibus Passionis alii atque alii cumulatius apparent, ac proinde etiam commodius & dulcius considerari possunt. Quocirca secundum hos quinque actus, quinque partes Passio Domini habere, secundumque easdem expendi potest.

I. In his omnibus quæ à Christo Domino in Horto gesta sunt, in Oratione, Genuflexione, Agonia, sanguineo sudore, Resignatione in voluntatem Patris: elucescit mirificum exemplar Oblationis; quæse Dominus Iesus Patri Aeterno obtulit, ad omnes Passionis, & Mortis usque adeo horribilis, labores. Quidni etiam homo, tanto eruditus exemplo, tantoque animatus & invitatus spectaculo: sese animosissime resolvens, offerat Deo, ejusque Sanctissimæ ac suavissimæ voluntati, ad omnem ejus usum & nuntium, ad humiliationem & abnegationem sui, ad exaltationem verò Dei quam maximam. Certè milites in gratiam suorum Imperatorum atque Ducum, immanes quasdam, & periculi certi plenissimas, faciunt oblationes: Iesus Imperator noster, tanto suæ oblationis proposito nobis exemplo, nonne merebitur, nonne felix adeo erit apud nos, ut ad ejus imitationem, in ejusque gloriam faciamus ei unam nostræ Oblationem generosam? &c.

II. In Captivatione sui Dominus Iesus, quando super se de-

dit Potestatem potestati tenebrarum, furorique & rabiei militum (quibus etiam ultro obviam processerat, seque ultro illis manifestaverat) exercuit in gratiam Æterni Patris, inque nostram salutem, unam Heroicam, & planè Deo-Homine dignam Donationem, quâ se, vitam, animam, sanguinem, totam prorsus substantiam suam elargitus est profusissimè atque prodigalissimè: ita ut videretur se totum sui dominio, curâ, æstimationeque exuisse, alienæ per omnia potestatis fecisse, & insuper se, suaque omnia pro dilectione quasi nihilum computasse & despesisse. In quo Domini I E S U facto, habes, ô homo, tum luculentissimū exemplum, tum etiam stimulum efficacissimum, ad unam & integram aliquam tui, tuarumque omnium rerum donationem & largitionem, faciendam Deo, propterq; Deum, omni creaturæ, ad omnē nutum & usum; estò ad humiliandum, ad exinanendum, ad crucifigendum te Deus per se, vel per aliquam creaturam uti vellet. Non enim decet, ut tibi pretiosior sis tu, homuncio utique abjectissimus, pūredo, & vermis, & merum nihil, quàm unigenitus Dei Filius, qui est Gazophylacium totius substantiæ Divinæ, in quo sunt omnes thesauri Patris Æterni depositi & reconditi: quem tamen vides, quàm sese tibi, & Patri Æterno propter te, ad omnia dira, liberaliter donaverit.

Ioan. 2.
19.

Pf. 128.
3.

III. Christus Dominus tanquam Augustissimum quoddam Deitatis templū (ut etiam ipse se nuncupavit, teste Ioanne Evangelista, loquens de templo corporis sui, à Iudæis per illatam mortem dissolvendo) tuncione plurimâ per omnia corporis sui sacra-
ti membra, in totius noctis injuriis, in immanissima flagellatione, in crudelis coronæ impositione aut potius infixione, in Herodiana alba veste, in coccinea chlamyde, in arundineo sceptro, in alapis, consputationibus, genuflexionibus & colaphis expolitus, & ædificationi aptatus, ac fabricantibus super dorsum ejus (ut dicit Propheta) peccatoribus, in magnificum Dei templum constructus: productus per Pilatum ad populum, atque publicâ & communi omnium voce damnatus ad mortem, ipsemet promptâ & devotâ suâ voluntate, ipsissimis illis Pilati verbis, Ecce-Homo, dedicavit, consecravique se Patri Æterno. Habes & tu hac in re ô homo paradigma insignis dedicationis tuæ, quam tu tui ipsius, facere Deo propter honorem illius debes. Obtulisti te Deo, donasti, sequitur ut etiam dedices, ut inscriptione & titulo,

Jo, & stemmate divino te insignias, ut omnes, qui te deinceps viderint, agnoscant, legant, intelligant, dicant. Domini est iste. Et illud: Ecce verè Israëlita, in quo dolus non est. Satis superq; portata sunt hactenus insignia inimici Dei. Satis inscriptiones affixæ declarârunt, usque huc ad partes diaboli te pertinuisse: narrabat id superbia, avaritia, ira, arrogantia, invidia, aliæque similes monstrôsæ imagines. Ecce jam Christus, exemplo suo, novam dedicationis formulam instituit. Ecce inclamat, Pone me ut signaculum super cor tuum, ut signaculum super brachium tuum: scribe jam manu tuâ Domino: Do nini ego sum.

IV. Dominus I E S V S postquam bajulasset sibi Crucem, in eum qui dicitur Calvariæ locum, in eaq; confixus, in altum elevatus, & constitutus, tanquam hostia super altare, superque lignorum struem positus fuisset: fecit de se sacrificium cruentum Patri æterno, pro peccatis nostris. Innuere ô homo hostiam istâ, sacrificiumque istud, sacerdotem istum, & altare istud, & ad instar exemplaris hujus sacrificii, tu quoque te sacrificia Domino Deo tuo; ad immolandum enim Domino venisti, perge viam trium dierum in desertum, Ægyptum, & opera luti, laterumque, cepas quoque & allia & carnes ollasque Ægyptiacas, fermentum etiam vetus ejice & expurga, accipe insuper spirituales secundam in Galgala circumcisione: tum sacrificia Domino Deo tuo: sacrificia te ipsum, in ara cordis, in igne charitatis, in lignis mortificationis. Esto ipse sacerdos, ipse altare, ipse hostia, ipse flamma, & operam da, ut sic fiat sacrificium tuum in conspectu Domini, ut placeat Domino, odoreturq; odorem suavissimum Dominus Deus tuus.

V. Dominus I E S V S in ara Crucis positus, non quale quale sacrificium fuit, sed fuit Holocaustum plenum & absolutum. Conditiones holocausti erant istæ. 1. Ut esset ex carnibus animalis masculi. 2. Ut esset animalis mundissimi. 3. Ut totum sine diminutione, sine reservatione, sine interruptione, igne cremaretur, ad gloriam honoremque Dei: omnes conditiones istas Dominus I E S V S in sese habuit, quando holocaustum hoc suum explevit, ideoque traditis omnibus, quæ extra se habuit, puta vestibus, Matre, amicis, discipulis, sanguine, corpore, meritis, ultimo demum illum, quem solum relictum habebat spiritum suum, sive animam suam, sciens quia jam omnia consummata

essent, quæ de ipso in lege & Psalmis, & Prophetis scripta erant; cum dixisset, Consummatum est, In manus Dei Patris commendans, inclinato etiam capite, tanquam supremo & ultimo defunctus, in Patrem venerationis officio tradidit. Aspice & attende ô homo, & fac secundum exemplar hoc, quod tibi in isto Monte Moria monstratum, & ad imitandum exprimendumque propositum est. Holocaustum te esse oportet, holocaustum te tu ipse facere debes Deo tuo, cui divisiones, diminutiones, non placent. Dominus est, odio habet rapinam in holocausto, neque pilos, neque ungulam, neque caudam deesse vult in eo, quod sibi totum integrumque consecratum, destinatum, devotum, oblatum est. Exple omnes conditiones holocausti in te, ut tota Passio Iesu Christi imago, in te coram Deo relucent: consummatumque sit omne tuum in Deum officium, tandemque in manus Patris coelestis, Spiritum tuum tradas, Spiritui Christi æternaliter uniendum.

Ita præstantissimorum quinque actuum è Passione Domini desumi potest exemplum: omnibus quidem Christi fidelibus, maxime tamen hominibus exactam perfectionem professis, perque vota, divino obsequio, & imitationi Christi, destinatis, incumbens ac necessarium. Inveniet autem Lector hos eosdem quinque actus devotionis in Deum, insertos supra in Modo trigesimo septimo.

M O D V S XLVI.

Quadragesimus sextus Meditandi Passionem Domini Modus esse potest; applicando ad eam Examen, sive illam Examini Conscientiæ: quæ applicatio etsi variè, & pro cuiusque libitu fieri possit: hoc tamen loco illam ego rationem ostendam, quâ quinque Passi Christi vulnera, quinque partibus, seu Punctis Examinis innectuntur.

In 1. Examinis Conscientiæ Puncto, aguntur gratiæ Divinæ Bonitati pro beneficiis. Primum quoque Christi vulnus sit nobis Gazophylacium, in quo beneficia nobis collata reponantur.

In 2. Examinis Puncto, petitur à Deo lumen, ad cognoscendas Animæ latebras atque noxas; secundum quoque Christi vulnus, sit nobis Sol Iustitiæ illuminans, è quo postuletur, sumaturve radiis veritatis, ad illuminandas Cordis nostri tenebras.

In 3.

In 3. Examinis Puncto, indagantur peccata, defectus, errores, imperfectionesque commissa. Tertium quoque Christi vulnus sit nobis velut speculum sine macula, ad quod Anima sese intueatur, & omnia dicta, facta, cogitata, omnia speculetur, obliquitatemque morum suorum, cum Christi rectitudine conferat, ut contraria juxta se posita magis clarescant, meliusque corrigantur.

In 4. Examinis Puncto, contritione & detestatione, peccata omnia, potissimum autem recens commissa abluuntur: quod quia sine Christi sanguine meritisque non fit, ideo quartum Christi Domini vulnus sit nobis contritionis & lacrymarum balneum, in quo laventur omnes iniquitates cordis.

In 5. Examinis Puncto fit propositum firmum Emendationis in futurum, postulatque ad id Divinum auxilium: eapropter quintum Christi vulnus sit nobis Petra refugii, & quædam firma munitionis, ad quam Anima confugiat, ut sit a tentationibus & habitibus suis malis tuta, &c.

Hæc Examinis cum Christi vulneribus Conjunctio, auget sine dubio in Anima pietatem ad IESUM pro nobis vulneratum, reddit ipsum Deo gratius, & ad peccata expugnanda efficacius, Animam etiam ad profectum excitatque confirmat, ipsum denique Examinis laborem facit suaviorem. Porro videtur mihi & gratum & utile lectori futurum, si praxim etiam ipsam hujus Examinis cum vulneribus Christi Domini conjuncti apposuerim.

Praxis Examinis Conscientiæ, cum Christi Domini Vulneribus Conjuncti.

I. Punctum Examinis, & 1. vulnus Christi in Pedes dextro.

Vulnus Sacratissimi Pedis tui dextri Dulcissime JESU, sit mihi Gazophylacium omnium donorum tuorum presentium, præteritorum, & futurorum, communium, & particularium, Naturæ, Gratiæ, Gloriæ, quibus abusus sum, quæ pro bonis, ac beneficiis non reputavi, quibus etiam abs te, tuæque Gratiæ donandus eram, & essem, nisi me indignum fecissem, & facerem; ac denique omnium omnino, quæ Tu melius nosti, beneficiorum, totius vitæ meæ. Ut in isto vulnere tui Gazophylacio, mihi integre

tegrè & cum augmento conserventur. Apud me enim bonis tuis male est, utpote qui prodigi ad instar filii, dignè illa æstimare nesciens, temerè illa negligo, dilapido, deperdo.

II. *Punctum Examinis, & 2. vulnus Christi in Pede Sinistro.*

Vulnus Sacratissimi Pedis tui Sinistri Dulcissime JESU, sic Sol meus, qui lucis veritatisque suæ radium emittat in Animam meam, ut cognoscam, quis Tu sis Domine, quis Ego, quid feceris mihi, quid debeam Tibi, quid sit mihi Tecum, & quid sine Te; utque pervadam omnes perversi cordis mei latebras, & perspiciam omnia Peccata mea, dessem illa dignè, & hujus tui vulneris pretioso sanguine eluam luculenter.

III. *Punctum Examinis, & 3. vulnus Christi in manu sinistra.*

Vulnus Sacratissimæ manûs tuæ Sinistræ Dulcissime JESU, sit speculum meum, in quo videam & considerem, peccatorum, vitorumque meorum multitudinem, gravitatem, feeditatem. Hoc enim vulnus à Te pro peccatis meis susceptum est, unde & meritò in eo dispici, ex eoque pensari debent. Videam ergo in hoc nitidissimo Iustitiæ speculo.

I. Particulares meos defectus, cum quibus in Examine particulari hoc tempore specialiter decerto: an eorum emendandum proposita pro assignato numero & tempore elicuerim, an occasiones habuerim, an in occasionibus debite me gesserim?

II. Videam quoque cogitationes meas, an fuerint otiosæ, vanæ, superbæ, impuræ, gulosæ, vagæ, acediosæ, iracundæ, absorptivæ, frustra sollicitæ, murmuratoriæ, censurativæ, suspicaces, inconstantes, pusillanimes, respectuosæ, & ad spes, judicia, timoresque humanos attendentes? An fuerint sublimes, puræ, in Deum intentæ, ac directæ, Deo placere cupidæ, studiosæ, à quaestione & respectu ad me ipsum nudatæ & absolutæ, Deo inhaerentes, à rationibus æterniseductæ?

III. Videam verba: An fuerint superba, tumida, mordacia, iracunda, perniciofa, præcipitata, inconsiderata, nimium exaggerantia ac superlativa, ironica, sarcastica, hyperbolica, immanifusa, detractoria, contumeliosa, convitiatoria, mendacia, ambigua,

bigua, falsa, simulata, adulatoria, importuna, otiosa, superflua, ridicula, officiosa, impura, &c? An contra, fuerint moderata, brevia, suo tempore, loco, modo, necessaria, utilia, proximi edificativa, pietatem redolentia & aspirantia audientibus?

IV. Videam Opera. An fuerint nulla, non rectâ intentione facta, ad hominum gratiam, spem, laudem, metum, commoditatem propriam directa: non debito ordine, loco, modo, tempore; sinè debita attentione, diligentia, devotione, præsentia, reverentiaque Dei, sinè invocatione opis Divinæ, sinè pravâ electione, deliberatione, non ad Dei, regularum, obedientiæ, rationis mentem: non item ad regulas perfectionis, & sublimitatis; sinè observationibus solitis aut placitis, ex mero usu, casu, temere: præter usum, & vitam, disciplinamque communem, contra officium, atque propositum proprium, cum molestia, injuria, præjudicio, scandalo aliorum, cum remorsu conscientiæ, cum languore, tœdio, dilatione, nausea, distractione animi, ex judicio, placito, voluntateque propria, contra fraternam charitatem, aut absque illa, cum effusione mentis, absque præsentia & dominio mei; cum festinatione, perturbatione importuna, in angustiis temporis, sponte vel errore causatis?

V. Videam omissa per negligentiam, inscientiam, effusionem ad unum aliquid nimiam; ob affectus impotentiam, ob levem, frivolam, & affectatam causam, ob dilationem, respectum, metum, difficultatis, censuræ, ac linguæ alienæ, ob neglectum ordinis, & temporum, & actionum, cum tamen debuerint, potuerint fieri, in Dei gratiam & gloriam, in commune & proximi bonum, in meum profectum ac meritum, propter Obedientiam, Charitatem, exemplum, disciplinam vitamque communem.

VI. Videam quoque Aliena, mihi tamen imputanda, ob occasionem datam, ob imperium, consilium, exemplum, auctoritatem, dissimulationem, indulgentiam, vel ejus spem, experimentumve, ob protectionem, participationem, non impeditionem, negligentiam in officio notam, probatam, speratam. Item aliter, aliena quidem, sed tamen mea facta à me, propter indagationem, vituperationem, censuram, reprehensionem, non cui intererat narrationem, cui intererat non narrationem, ob imitationem, & æmulationem, ob invidentiam, ob non datum auxilium, favorem, promotionem, stimulum, quo adjecto factum

fuiſſet bonum, vel non factum malum quodpiam vel ſimpliciter, vel commodius, vel facilius, vel utiliſſus, vel perfectius, vel Deo gratius, glorioſiusque.

VII. Videam denique Ordinem temporum, & actionum, perfectionem quoque & ſublimitatem earum. An v. g. facta ſint ſuo & debito tempore, ordine, modo, an punctualiter, an cum adhibitione perfectionum communium, quales ſunt Præviſio, Electio, Intentio, Diligentia, Fervor, Efficacia, Conſtantia : particularium etiam, quales eſſe poſſunt ſublimis & deſecrata Intentio, conatus heroicus totalis, gradus perfectionis ultimæ; ardens Seraphica, Mariana, Chriſti, divina, charitas, puritas. Reſignatio item, nuditas, gratuitas, & ab omni mercede, commodoque proprio etiam ſpirituale, etiam æterno, in quantum proprium ſit, abſolutio. Conatus totius, mei totius, univerſi, omnium electorum, &c. Conatus & fervor major & major dignus Deo. Unio ad merita omnium Electorum, Pretioſiſſimæ Parentis, Chriſti Humanitatis, quàm adæquatiffimè ad Dei dignitatem, voluptatem, guſtum, & ad alias rationes æternas, quas unctio docet.

IV. *Punctum Examinis, & 4. vulnus Chriſti in manu dextra.*

Vulnus Sacraſſimæ Manûs tuæ dextræ Dulciſſimæ Ieſu, ſit mihi Contritionis Balneum, cujus virtute, & efficaciâ, & merito, deſleo, & doleo, Emundoque omnia peccata mea admiſſa commiſſione, & omiſſione, in Te, in me, in ſuperiores, in Regulas, in vitam communem, in officium, in proximum æqualem, in inferiorem, in quamcunque creaturam. Cui ablutioni & dolori meo peto vel guttulam unicam, ſacraſſimi tui ſanguinis, ex hoc Manûs Tuæ dextræ vulnere admisceri, cumque ſic tuo Divino conſpectui per Sanctum Angelum Cuſtodem meum offerri, à Te autem Domino meo benigniſſimo acceptari, mihi que veram & conſtantem, & perfectam vitæ, ac morum meorum emendationem & emundationem miſericordiſſimè indulgeri.

V. *Punctum Examinis, & 5. vulnus Chriſti in Latere & Corde.*

Vulnus Sacraſſimi Cordis Tui Dulciſſimæ Ieſu, ſit mihi
refu-

refugium, intuitio, defensioque contra Iram tuam, contra fragilitatem meam, contra peccata mea omnia, æquè magna, atque patva, contra fraudes Daemonum, atq; tentationes, contra Mundi & Carnis, & sensuum, & proprii amoris illecebras, contra damna, & pericula corporis, contra damnationem æternam. Sit etiam mihi abyssus peccatorum meorum omnium, inquam ego, cum plena & vera, & æterna cordis detestatione atque dolore abijcio, & demergo omnes omnino imperfectiones meas, nunquam inde extrahendas, aut revocandas, sed potius tuâ abundantia miseratione, meâ verò per auxilium gratiæ tuæ constanti emendatione, amplius & amplius demergendas & obruendas. Tu tantum modò Dulcissime JESU largire mihi ex piissimi Cordis tui vulnere, vel unicam guttulam sanguinis Tui pretiosi, atque ibi me detine, excoque, exure, emunda, accende, ignefac, sublima, in Cordis Tui naturam perfectè converte, ad Purissimi Cordis Tui gustum, & placitum, ad puram & plenam annihilationem meam, Amen.

Ad hunc Examinis cum Passione Christi conjungendi modum, præclare quoque accomodari potest Modus 22, supra positus: in quo Christus Dominus Beatæ Angelæ de Fulgino, totius sui Corporis, omniumque membrorum poenas, contraponit ejusdem peccatis diversimodè ab ea commissis. Potest etiam eidem Proposito bene deservire modus 23, quin. & 24, & 25, & alii quidam: quos facili negotio licebit ad Examen Conscientiæ inflectere, cum ferme illud in se contineant. Nec id mirum, cum Examen Conscientiæ nihil aliud sit, quàm Modus quidam orandi meditandique utilissimus, qui si etiam à Passione Domini seu Passio Domino robur, pretium, efficacitatemque acceperit: non facile quis alius meditandi & orandi modus illi comparari in sua utilitate poterit.

M O D V S XLVII.

Quadragesimus septimus meditandi Passionē Domini Modus est, considerare Passionem in Eucharistiæ Sacramento, tanquam in suo memoriali delitescentem, an elucescentem? non facile dixerim. Non sinè causa certè canit de illo Sacramento Ecclesia, O Sacrum Convivium, in quo Christus sumitur, recollitur memoria Passionis ejus, & futuræ gloriæ nobis pignus datur.

Novit nimirum in hunc usum præcipue Sacramentum hoc cum suo usu atque ritu institutum à Christo esse, ut quotiescunque manducent Panem hunc, aut Calicem bibant Fideles, toties mortem Domini annuntient, toties id faciant in ejus commemorationem. Cum ergo hoc ita sit, ex mente certè Christi erit, hunc meditando Passionem ejus modum desumere, atque usurpare, nempe Passionem ipsam in Eucharistico convivio, tanquam in vivacissimo memoriali considerare. Cujus considerationis normam, ex Ludovico de Ponte, Lectori propono, abbreviatis alicubi, dilatatis etiam alicubi, scriptoris illius, spiritus sapientiæ clarissimi, verbis.

Med. 6.

Parce.

Med. 41.

Desiderans Redemptor noster conservari in Ecclesia, perpetuam memoriam Passionis suæ, ac supremi per eam nobis collati beneficii, instituit Sanctissimum Eucharistiæ Convivium, in quo nobis quotidie dat in cibum & potum, Corpus & Sanguinem suum, sub accidentibus Panis & vini. Circa hanc Fidei nostræ veritatem, perpendendæ primùm sunt causæ, ob quas voluerit Christus Dominus noster, Passionis & mortis suæ ignominia & dolore plenissimæ, signum & memoriam esse convivium suavitatis plenissimum. Videtur enim magis ad rem facturus fuisse, si in memoriale hujus Passionis, nos nostrum Sanguinem fundemus: ut in circumcisione fiebat; aut si cibum aliquem amarum, lactucas nempe agrestes fumeremus, aut vinum myrrhatum cum felle acetoque mistum biberemus: sed his omisiss Dominus noster in Pane & Vino eam memoriam instituit.

Primò quidem, ut nobis suam paternam suavissimam bonitatem aperiret, quâ ipse quidem sibi delegit pœnam & dolorem, nobis verò solam relinqueret memoriam, idque in rebus suavissimis conclusam, hac simul ratione nos molestiâ liberans, fructu tamen molestiæ non privans. Simul etiam nos instruens, ut Divini honoris & proximorum salutis, fraternæque charitatis gratiâ, nobis deligeremus asperiora, fratribus verò & proximis deferremus jucundiora.

Secundò, Ut ex hoc cognosceremus, quantâ ille suâ voluptate, passionis labores pertulerit, quatenus ii nostræ utilitati & salutis deservebant. Et si enim Passio illa suapte naturâ erat acerbissima, quia tamen nobis eam sciebat salutare, inde illi erat gratissima. Ad quod manifestandum memoriam ejus nobis in

solenni

solenni
sua Sp

Tert

acerbit

remus,

tolerare

esset ni

prior no

ad exci

atque S

Dein

nostr

illud el

nimè c

ipso de

candan

Sed

quanti

sua per

nos obl

tionem

eo grati

bis, & f

nobis, q

gratitu

mediu

Alter

rit sol

bis: q

pati, se

tormen

quiden

atque n

per mo

cio, atq

ne mun

nunc i

frico Sa

solenni convivio reliquit, & in epulis suæ gratissimæ cum Ecclesia Sponsa desponsationis.

Tertio, Ut agnosceremus, in Passione ipsius, non solam esse acerbiteriam, sed summam etiam suavitatem: utque etiam disceremus, passionem ab eo nobis immixtas, jucundam mentem ejus causam tolerare; & tanquam panem suavem manducare. Certè si aliud esset nihil in Passione atque Cruce nostra, quam hoc, quia illam prior nostram causam Christus subiit: id plusquam satis esse deberet, ad excitandam in nobis, non tantum suavitatem sed etiam famem atque sitim Crucis.

Deinde consideranda sunt Causæ, ob quas voluit Dominus noster ipsemet realiter ac verè permanere in hoc Sacramento, ut illud esset Passionis suæ memoriale: ad quod realis presentia minimè erat necessaria, sed sufficiebat esse Panem ac Vinum ad id ab ipso destinatum, sicut in Baptismo sufficit pura aqua, ad significandam ejus mortem ac sepulturam.

Sed Causa ejus rei fuit *Prima*. Ut nobis Dominus ostenderet quanti suam ipse Passionem faceret: ut qui voluerit ipse propriam suam personam, realique presentiam esse ejusdem memoriale. Sic enim nos obligavit quam maximè ad summam ejus beneficii æstimationem, & ad continuam ejus memoriam, & ad perpetuam pro eo gratitudinem. Cum enim idem ipse sit qui Passus est pro nobis, & simul qui Passionis suæ memoriam per semet exsuscitat in nobis, qui fieri potest, ut nobis Passionis ejus aut oblivio, aut ingratitude obrepat, habentibus tantum contra utrumque, & remedium, & excitamentum.

Altera Causa fuit, ut ostenderet quanto desiderio non æstuaret solum olim, sed etiam nunc quoque æstuet, patiendi pro nobis: quamque non tantum olim ardentem desideraverit mori, & pati, sed nunc quoque paratissimus sit omnia iterum iterumque tormenta, si opus ac expediens foret, repetere: idcirco, quandoquidem jam nihil attinet eum de novo verè atque cruentè pati, atque mori, delectat sese tamen patiendi atque moriendo, saltem per mortis Passionisque suæ representationem in Missæ Sacrificio, atque Eucharistiæ Sacramento. Ita ut Agnus, qui ab origine mundi occisus est, in figuris animalium oblatores, sic etiam nunc idem Agnus occidatur usque ad finem mundi in Eucharistico Sacrificio. E qua sua suavissima adinventionem, ut & nos par-

icipare audeamus, gaudeamus de morte & Passione & Cruce illius, propter Amorem ipsius fratrumque nostrorum: *Semper mortificationem IESU in corpore nostro circumferentes. Mortificemur totâ die, atq; tanquam oves occisionis assememur, morientes quotidie propter Dei & fratrum gloriam.*

Tertia Causa fuit, ut hæc suâ præsentia reali suppleret defectus gratitudinis nostræ, cujus debitores sumus supra modum, non tantum pro beneficio Redemptionis, sed etiam pro innumeris aliis beneficiis, de manu Dei acceptis: quæ quoniam infinita sunt,

gratitudine nostrâ à nobis dignè compensari nullo modo possunt. Idcirco ipse per seipsum in hoc Sacramento se sibi & Patri Eterno exhibet gratum pro omnibus beneficiis, exhibet autem planè gemitibus, affectibus, effectibusque *inenarrabilibus*: excitans tamen simul nos secum ad eandem gratitudinem, cum cæteris virtutum affectibus exhibendam. Qua de Causa hoc Sacramentum Eucharistia, seu bona gratia, atque gratiarum actio nuncupatur, in qua ad litteram impletur etiam illud Psalmi verbum.

Confessio & magnificentia, opus ejus. Verè enim ipsemet sibi confitetur, & laudes gratiasque agit pro beneficiis suis: neque ad hoc opus quisquam ex puris creaturis est idoneus, præterquam ipse solus. Nos enim aliud possumus nihil, quàm illud ejusdem Psalmistæ. *Calicem salutaris accipiam, & nomen Domini invocabo* atque glorificabo, gratiam gratiâ cumulans, & ipsâ gratiarum exhibitione novus majorque gratiarum actionis debitor existens.

Tertiò, Considerandæ sunt Causæ, ob quas Christus voluerit sub Panis & Vini speciebus esse membrale Passionis suæ, cujus in ipsis speciebus est nec una, nec modica similitudo.

Prima Igitur Causa fuit ut significaret, quòd sicut in hoc Sacramento conjungitur Christus cum speciebus Panis & Vini, quorum ille conficitur ex multis granis, ex sua spica paleaque excussis, deinde confractis & contritis igneque tostis: hoc autem ex multis botris & uvis in torculari calcatis, atque pressis confuit: ita Sacratissimum Christi Corpus, in Passionis area fuit excussum, tritum, contritum flagellis, pugnibus, calcibus, spinis, clavis, calcatum quoque contemptibus, convitiis, contumeliis, tormento, torcularique Crucis, ita ut toto sanguine effluente Corpus ipsum ex sanguine remaneret. Quare hæc species Panis & Vini,

& Vini, vult esse nobis repræsentatrices totius Passionis suæ, omniumque laborum & dolorum, qui in ea fuerunt. Atque ita dum Sacratissimi Sacramenti Panem Vinumque sumimus, simul etiam sumamus, nobisque incorporemus Passionis, Crucis, Mortisque ejus poenas, seu poenarum sensum, gustum, amorem, imitandique, atque experiendi studium.

*Alteræ Causa est: ut significaret, quòd sicut, qui in Sacramen-
to species Panis & Vini accipit, eas quodammodo in sese sepelit:
ita per hanc Sacramenti, seu potius sui in Sacramento intra nos
sepulturam, Christus Dominus mortem sepulturamque suam re-
præsentat, repræsentando, etiam in nobis iterat, repræsentans
quomodo ille in sua Passione, suorum persecutorum dentibus
furiosis fuerat contritus, atque à morte devoratus, ac in sepul-
chro collocatus: simul yero communicanti suo Sacramento,
præsentialiter assisens, immo immanens, eumque Spiritu fidei,
reverentiæ, charitatis implens, communicat ei fructus suæ Passio-
nis atque Mortis.*

Recordare igitur, ô fidelis anima, quòd quoties communicas, toties efficeris Christi Domini sepulchrum, recipis enim illum & concludis, viventem quidem in se, attamen secundum repræsentationem mortuum. Attende ut sis tu quoque Domini hujus *sepulchrum gloriosum*, propter excellentiam virtutum: attende ut sis *novum*, ob Spiritûs fervoris novitatem: attende ut sis *excavatum de petra*, ob imitationem vivæ Petræ, quæ est Christus. O Christe Dulcissime, Sanctifica hoc Animæ meæ, quod toties ingrederis sepulchrum, ut quamdiu in illo moraberis, digna tibi sit in ipso habitatio. Et sicut in illo saxeo Arimathæi sepulchro, nullus fuit alius, ante, & postea, unquam positus: ita quæso & in hoc cordis mei sepulchrum, nullus unquam deinceps ingrediatur, qui illud profanet, sed semper illud tibi novum conserva, & purum, ad gloriam nominis tui in æternum.

Quarto Consideranda est causa, ob quam Christus Sacramentum suum Eucharisticum, in distinctis Panis & Vini speciebus institutum esse voluerit memoriale Passionis suæ, licet enim verè & realiter sub utraque specie est Corpus atque Sanguis simul sese comitantes: directè tamen & ex vi verborum sub specie Panis, est principaliter solum corpus, sub specie quoque vini, directè & ex vi verborum, principaliter est solus sanguis.

Causa

10

28

22

2

12

99

59

22

93

29

22

39

72

92

五

22

29

22

M

27

32

10

22

22

DE

P.

Δ

24

54

2.

194 Causa igitur ejus rei præcipua est, ut Dominus significaret
 195 suum sanguinem totum fuisse à corpore in Pessione separatum.
 196 Ingentibus enim doloribus & tormentis, propter nostram redem-
 197 ptionem & ablutionem, illum effudit. Quare dum sacrum fa-
 198 cio, vel illi intersum, & dum Sacramentum in Sacrificio sumo
 199 tanquam Sacerdos: videns seorsim hostiam, & postea calicem
 200 seorsim elevari, meminisse debeo, illius totalis separationis San-
 201 guinis Christi à Corpore: attendens totum illum effusum colle-
 202 ctumque contineri in calice simul. Qui quidem sanguis quin-
 203 quies potissimum fusus legitur. 1. Sudore in Horto. 2. Flagel-
 204 lis ad Columnam. 3. Spineâ Coronâ. 4. Clavis in Cruce. 5. Lan-
 205 ceâ post mortem.

206 Quæ omnia meditatione percurrenti, licebit in singulis col-
 207 loquia & petitiones cum amoris affectibus, & dolore, & gratia-
 208 rum actione instituere, hoc, vel simili modo.

209 O Sanguis Christi Pretiosissime, sudore per omnes Corporis
 210 poros effuse, præ angustia & moerore Animæ ingenti: gaudeo te
 211 in (isto) Calice contineri, ut à fidelibus adoreris, & ego te, quan-
 212 tum possum, adoro; supplicans, ut me ab anxietatibus tristi-
 213 tiisq; æternis liberet, quas ego peccatis merui, & Tu Sanguine
 214 tuo abluisti.

215 O Calix Pretiosissime, Sanguine illo plene, quem Dominus
 216 meus ex toto corpore flagellis conscisso effudit. Eo item qui ex
 217 ejus dignissimo Capite spinis perforato effluxit: inebria me divi-
 218 no istius Sanguinis liquore, ut totus in ejus amorem convertar,
 219 qui te pro mei amore cum tanta sua acerbitate profudit.

220 O Amantissime IESU, qui in isto Calice Sanguinem illum
 221 tuum reposuisti, quem per clavorum, & lanceæ vulnera effudisti,
 222 *Psal.* *quid tibi retribuam pro omnibus quæ retribuisti mihi? nisi Cali-*
 223 *115. 13.* *cem salutaris accipiens* Sanguinem hunc tuum in eo contentum
 224 tibi offeram, sanctumque tuum nomen invocans glorificem.

225 Non absimiles his affectus & actus, postulataque fieri possunt,
 226 ad, & super Corpus IESU Christi contentum & præsens sub spe-
 227 cie Panis, ut saucium, lacerum, exsanguie, lividum, discerptum,
 228 à crudelibus feris, pessimisq; laniatum, ac panè devoratum, in
 229 Cruce pendens, mortuum, depositum, sepultum, &c.

M O D V S XLVIII.

Quadragesimus octavus Passionem Domini meditandi modus esse potest; per collationem ejus cum aliis vitæ Christi mysteriis: quæ ratio meditandi, hanc præter alias, utilitatem habet, quod una eademque operâ, complures simul vitæ Christi partes & actiones, commemorat atque considerat. Ejusmodi aliquam speciem propono.

1. **JESVS** nascens in Nazareth (quæ vox florem sonat) ex Virgine de Spiritu Sancto conceptus est.

Moriens in Horto à Iudæ discipulo, consilium traditionis in cor ejus mittente diabolo, traditus est.

2. **JESVS** nascens, nocte mediâ, cum medium silentium tegeret omnia in Bethleem, (domo panis) inter nos homines prodit, & noctem in diem vertit.

Moriens, mediâ etiam nocte, in Horto Olivarum (Symbolo misericordiæ & Pacis) comprehensus & captus, & in urbem deductus est: in Meridieque moriens, noctem mundo induxit.

3. **JESVS** nascens lacrymas fudit, parvoque lacte pastus est. Moriens sanguinem sudavit, & membris planxit omnibus vino felle misto, acetoque potatus est.

4. **JESVS** nascens in præsepio inter bovem & asinum positus est.

Moriens, in Cruce positus, inter duos latrones appensus est.

5. **JESVS** nascens, pannis involutus est.

Moriens, vestibus exutus, nudus pependit.

6. **JESVS** nascens, fasciis ligatus est.

Moriens, ligatus vinculis, & catenis, & clavis confixus est.

7. **JESVS** natus, à multitudine Militiæ cœlestis Salvator dictus, & adoratus est.

Moriens, à multitudine furente seductor, blasphemus, reus mortis, Cruce dignus dictus est.

8. **JESVS** natus, à stella cœlesti Magis demonstratus est.

Moriens, à Sole & luna & toto universo planctus, & despectus est.

9. **JESVS** nascens, à Regibus siue Magis adoratus & muneribus cultus.

Moriens, à Principibus illusus, contemptus, morti traditus est.

10. JESVS nascens, à pastoribus ovium agnitus salutatus est.
Moriens, à Pastoribus Synagogæ, abnegatus est.
11. JESVS nascens, octavo die circumcisisus est.
Moriens, toto corpore in flagellatione, coronatione, crucifissione sauciatus est.
12. JESVS nascens nomen JESVS, ab Angelo antequam nasceretur nuncupatum accepit.
Moriens, à Pilato titulum JESV Nazareni, super crucem appositum reculit.
13. JESVS nascens, à Simeone in templo oblatus est.
Moriens, à Principibus Sacerdotum in Calvario Monte crucifixus est.
14. JESVS nascens, ab Herodè Patre persecutionem passus est.
Moriens ab Herodè filio spretus, illusus, pro stulto & infano judicatus est.
15. JESVS nascens, fugâ vitam servavit.
Moriens, ultro hostibus obviam processit.
16. JESVS duodennis, in medio Doctorum interrogans & audiens eos, inventus est.
Moriens, à Concilio legisperitorum interrogatus, & reus mortis, blasphemus, damnatus est.
17. JESVS à Ioanne Baptisatus est in Iordane.
Moriens, baptisatus est in Passione.
18. JESVS de Cælo à Patre æterno testimonium accepit, quod esset Filius Dei.
Moriens falsis testimoniis accusatus, & quia Filium Dei se fecit, occisus est.
19. JESVS in deserto tentatus est.
Moriens potestati tenebrarum traditus est.
20. JESVS vivens, ad poenitentiam invitavit, & Regnum Cælorum appropinquasse docuit.
Moriens, poenitentiam pro nostris peccatis egit, & Regnum Cælorum suo Sanguine aperuit.
21. JESVS doctrinam suam ascenso monte promulgavit.
Moriens, eandem legem suam in monte super crucem, morte suâ sanxit.
22. JESVS vivens ad Regnum quæsitus est.

Moriens purpurâ indutus, coronatus spinis, arundinem gestans, ut ambitiosus Rex, illusus & salutaris est.

23. JESVS in vita stultus, infans, furens, dæmoniacus creditus est.

Moriens veste albâ ut factus indutus & illusus est.

24. JESVS vivens, aquam in vinum convertit.

Moriens, vinum in sanguinem suum transmutavit.

25. JESVS vivens, carnem suam in cibum, sanguinem in potum dare promissit.

Moriens, in ultima cœna id exhibuit.

26. JESVS vivens, dæmonia ex hominibus eiecit.

Moriens, dæmonia vicit, arma eorum spoliaque in quibus confidebant, diripuit.

27. JESVS vivens, per Herodem, vocem (Ioannem) amittit.

Moriens, apud Herodem mutus stetit.

28. JESVS vivens, mortuos ad vitam revocavit.

Moriens, pro mundo, omnes ad vitam revocavit, & chryso-graphum mortis, Cruci affixit.

29. JESVS vivens, in Monte Thabor transfiguratus est.

Moriens, in Monte Calvario deformatus, sine specie, & decoratus est.

30. JESVS a fello gestatus, acclamante populo, Urbem ingressus est.

Moriens, ipse suâ cruce onustus, triumphantibus inimicis, extra Urbem ductus est.

31. JESVS vivens, à Magdalena ad sepeliendum unctus est.

Moriens, sputis foedè illitus, mortuus, à Iosepho & Nicodemus, cum aromatibus sepultus est.

32. JESVS vivens, ubi caput reclinaret non habuit.

Moriens, inclinato, seu pendulo capite expiravit, & alieno in sepulchro conditus est.

Hunc in modum omnia ferè opera, & præcepta, consilia, miraculaque Christi Domini, possunt alicui parti Passionis Christi, vel comparando, vel contraponendo, conseri: sed hac in specie non attulisse sufficiet.

M O D V S XLIX.

Quadragesimus nonus Passionem Christi meditandi modus esse potest, conferendo illam cum iudicio, quod Christus cum toto humano genere. exercebit in fine Mundi, quando red- det unicuique secundum opera sua.

Est autem advertendum, constare ex Scripturis Sacris, ac potissimum ex ipsiusmet Christi Domini sensu, atque verbis Passio- nem Christi, quoddam Iudicium fuisse: non illud tantum, quo ipse ab impiis iniquè iudicatus & damnatus est, sed etiam illud quod ipse partim in ipsa Passione exercuit, partim quod in mundi fine exerciturus est. Factum à se iudicium in Passione testatur ipse Christus dicens. *Nunc iudicium est mundi, nunc princeps hu-*

*Iohan. 12.
31.*

*Matth.
26. 64.
Marc.
14. 62.
Luc. 26.
69.*

*Iob. 36.
17.*

*Luca
23. 28.*

ius mundi eicietur foras. Mundus ergo & mundi princeps dia- bolus in Passione Christi, à Christo iudicatus, damnatus, eiectus foras, triumphatus, spoliatus, traductus, & iniquâ Tyrannicâq; potestate, & captivitate exutus est. Porro exercendi olim à se iu- dicii in omnes homines luculentam Dominus prædictionem de- nunciationemque fecit apud universum Concilium, & coram summo Pontifice Caïpha, à quo cum esset adjuratus, ut diceret essetne Filius Dei, & Christus, ita respondit. *Tu dixisti. Ego sum. Verum tamen dico vobis, à modo videbitis filium hominis sedentem à dextris virtutis Dei, & venientem in nubibus Celi:* Quod ipsi iterum postera luce in eodem confessu Iudicum & Principum, Doctorumque repetens, confirmavit. Causa verò propter quam ita Christus cum Passione sua Iudiciariam simul suam potesta- tem, actumque ejus à se exercendum coharere vel voluerit, vel ostenderit: sine dubio partim illa est una, quia Passione sua, quam ex iniquissimo Iudeorum & Gentilium iudicio decretoque susti- nuit, Iudiciariam Potestatem Majestatemque sibi merebatur, juxta illud Prophetæ dictum. *Causa tua quasi impii iudicata est, causam iudiciumq; recipies.* partim etiam illa altera, quia Passio Christi, revera quædam imago & delineatio viva luculentaque fuit eorum omnium, quæ in iudicio Christi extremo cum pecca- toribus fient. Ad quod nescio an non planè respexerit Dominus JESVS, in illis verbis, quæ mulieribus super se lamentantibus atque plorantibus dixit. *Filie Ierusalem nolite flere super me, sed super vos ipsas flere, & super filios vestros. Quoniam ecce venient,*
dies,

dies, in quibus dicent: *Beata steriles, & ventres qui non genuerunt, & ubera quae non lactaverunt. Tunc incipient dicere montibus: cadite super nos: & collibus, operite nos. Quia si in viridi ligno haec faciunt, in arido quid fiet?* Quae Domini sententia, ac praedictio, etsi respicere videatur vastationem & eversionemque Ierosolymae, quae post mortem Domini, quadragesimo anno facta est, indubitae tamen etiam respexit iudicium universale, & eversionem ultimam Babylonis, seu omnis Reipublicae impiorum: cuius figura fuit ipsa illa Ierosolymae devastatio, per Romanos facta. Maximè autem hoc evincit illa Dominica sanè pathetica, & comparatio, & interrogatio, & exclamatio. [Quia si in viridi ligno haec faciunt, in arido quid fiet?] Hic enim Dominus lignum viride, ligno arido, factis in viridi ligno, futura in arido confert; & à minori ad majus arguens, indubitae miserabiliora eventura denuntiat ligno arido, id est cuilibet impio, quam evenissent, aut quandoquidem tam miserabilia evenissent ligno viridi, & fructifero, ipsi nimirum Christo.

His ita declaratis, Meditatio institui poterit per comparationem viridis ligni cum arido, & simul gestorum in viridicum gerendis in arido. Cujus collationis aliquantulam speciem hoc loco exhibeo.

I. IESVS venditus est & traditus in manus peccatorum.

Vnusquisque peccator & omnis turba peccatorum venundabitur infelix: & diabolus stabit à dextris cujuslibet, & jam ex tunc dicetur tam his, quam illis, *Hec est hora vestra & potestas tenebrarum.*

Luca 22.
55.

II. IESVS factus est tristis usque ad mortem, & sudavit etiam sanguinem.

Sudabit etiam omnis turba peccatorum, sudabit & praeter angustia Spiritus gemit, eritque ejus Animae tristitia usque ad mortem sine morte. Arescentibus nimirum hominibus praeter timore & expectatione, Si justus vix tunc salvabitur, impius & peccator ubi parebunt?

III. IESVS captus est & vinculis ligatus tanquam latro, &c.

Omnes peccatores terrae, ligati vinculis & compedibus peccatorum suorum, non tantum in animabus, sed etiam in corporibus separabuntur tanquam hœdi ab ovibus, & à sinistris collocabuntur.

IV. IESVS accusatus, examinatus, reus mortis iudicatus est.

In iudicio peccatorum, aperientur libri conscientiarum. Omnes enim nos manifestari oportet ante tribunal Christi, ut recipiat unusquisque propria corporis, sive bonum, sive malum. Tunc erit conscientia impii quasi mille accusatores, & quasi mille testes, tunc nemo respondebit Iudici Christo unum pro mille: tunc Iudex arguet, & statuet unumquemque contra faciem ejus.

V. IESVS ad flagella nudatus, & flagellis cæsus est.

Stabit & quilibet peccator in oculis totius Cæli, & Terræ, nudus, tam animâ, quam corpore, & dicetur de eo. Ecce Homo & opera ejus, & operiet confusio faciem illius, & flagellum peccatoris veniet super eum, nunquam per omnem æternitatem recessurum ab eo.

VI. IESVS coronatus, illusus, consputus est, & cum voce Ecce Homo monstratus est.

Coronabitur caput omnis peccatoris, spinis peccatorum suorum, & sicut diploidem induet confusionem, & illudet ei omnis creatura, armabiturque contra eum à quo servire sibi compulsus fuit ad malum. Tunc omnia solatia hujus vitæ, vertentur in spinas, tunc spes omnes, in cassam arundinem convertentur: tunc dicet de peccatore Tyrannus & Captivator ejus, diabolus, Ecce Homo, & scelera ejus: tunc à planta pedis ad usque verticem supergressas eum iniquitates ostender, dicens & amare improperans, per singula scelera. Ecce Homo ille, qui pro eo quod Deum factorem & salvatorem suum colere debuit & amare, me suum & Dei hostem amavit, mihi que ad voluntatem meam servivit. Ecce Homo ille, qui Christum Dei Filium Hominem pro se factum atque crucifixum ostentui habuit & crucifixit. Ecce Homo ille, qui Dei & Christi legem noverat, beneficia acceperat, tot auxilia salutis, tanta poenitentiae spacia habuerat, par tamen gentilibus, immo peior gentilibus vixit. Ecce Homo qui annos vitæ in sceleribus traduxit, qui toties rediit ut canis ad vomitum, ut fusc lota ad volutabrum luti, qui speravit in incerto divitiarum, cui Deus venter erat, qui pauperem & pupillum devorabat, &c.

VII. IESVS à Pilato manus lavante, & à populo sanguinem Christi super se & filios assumente, damnatus est mortis sententiâ.

Lavabit etiam IESVS Iudex, manus suas in sanguine omnis peccatoris: & sanguinem cujusque dabit super caput ejus, & di-

cet:

cet: a Nescio vos, b discedite à me operarii iniquitatis c maledicti in ignem æternum qui paratus est diabolo & Angelis eius. Succlamantibus inter hæc creaturis omnibus; Tolle tolle, crucifige, crucifige, sanguis ejus super caput ejus, tollatur impius ut non videat faciem Dei.

1 Matt.

25. 12.

b Luca

13. 27.

c Matt.

25. 41.

VIII. IESVS felle & aceto potatus est, atque onustus cruce locum mortis petiit.

Tunc etiam peccatoribus omnia in fel amaritudinis, & in obligationem iniquitatis commutabuntur, ipse etiam Deus, ipse Christi sanguis, ipsa Misericordia, Bonitas, & Charitas: tunc portabunt omnes improprium damnationis æternæ. Tunc aperiet terra os suum, & deglutiet eos infernus vivos; & descendent in infernum sicut plumbum aut lapis, unus ex eis non remanebit, & ascendet fumus tormentorum eorum in sæcula sæculorum.

IX. IESVS clavis Cruci affixus est.

Configentur etiam & affigentur impii omnes in carne & anima clavis æternæ damnationis, & sententiæ abjectionisque immutabilis, & ibunt in combustionem æternam, cujus non erit finis; nisi quando Deus, qui semper est Deus, desinet esse Deus.

X. IESVS ab omni genere hostium illusos & blasphematus est in Cruce pendens.

Et peccatori omnis creaturarum populus, omnis natio electorum, omnis turba damnatorum, demonum, improperebit, & illudet, quoniam a noluit benedictionem & elongabitur ab eo, elegit maledictionem & veniet ei, & implebitur ab ea.

a Psal.

108. 18.

XI. IESVS se a Deo derelictum clamavit.

Clamabit & omnis, peccator quod olim Caim dixit Deo, Ecce ejicis me a facie tua: clamabit Deo. Deus ut quid dereliquisti me, Deus autem respondebit: Dereliqui te quia dereliquisti me, fontem aquæ vivæ, & fodisti tibi cisternas dissipatas, & ecce relinquetur tibi domus tua deserta in æternum. Clamabunt insuper etiam demones, Deus dereliquit eum. Euge Euge devorabimus eum.

XII. IESVS in Cruce clamavit sitio, & aceto potatus est.

Reprobi quoque omnes in flammis ustulati, & igne saliti, cum epulone illo guttam aquæ petent, propter cruciatum flammarum, neque tamen obtinebunt in æternum.

XIII. IESVS, in Cruce dixit Consummatum est,

Peccato-

Peccatores damnati & in infernum amandati, inque aeternam combustionem absorpti, desperatis vocibus dicent, consummatum est, quia in inferno nulla redemptio. Consummabitur peccator, & consumetur, & descendet in infernum vivus, & claudetur puteus abyssi, clavem autem clausuræ ejus accipiet Deus, deponetque illam in aeternitate & immensitate oblivionis, ut nunquam memoretur illorum amplius.

XIV. IESVS inclinato capite tradidit Spiritum.

Peccatores miseri dejectis & obstipis capitibus tradent corpora animasque suas, diabolo, & Angelis ejus. Mors secunda, mors æterna, mors vivens depascet, & pascet eos, & sepeliet in terra oblivionis, inter illos, quorum Deus non est memor amplius.

XV. IESV mortuo, petra scinduntur, & sepulchra aperiuntur, & velum templi scinditur, & homines percutientes pectora sua revertuntur.

O Peccatores, ne sitis mortuis mortui magis, ne petris duri magis, ne terræ mole immobiles magis. Memores estote Iudicii IESV: sic enim exit & vestrum: sed longè majore eam differentia, infinitè cum dispari exitu. IESVM enim post baptismum Passionis gloriâ & honore coronatum, in Cœlis Thronus ad dexteram Patris accepit, at vobis in duro & impœnitente corde sepultis supererit semper æterna damnatio, lamentatio, maledictio. Ita quod factum est in ligno viridi, fiet longè miserabilius etiam in arido: sed ne fiat in arido factum est in viridi, si tamen lignum aridum studuerit sese in vitæ, & morum, & passionis imitatione conformare ligno viridi.

Sed liber hunc modum, ipsius Christi Iudicis ad peccatorem verbis concludere, quibus eum loquentem facit Sanctus Augustinus.

*Serm.
181. de
temp.*

Quid faciet (peccator pœnitentiæ remedia nunc negligens & contemnens) in illo metuendo Iudicii die, cum tremante mundo; Dominus præcinentibus Angelorum buccinis, in illo majestatis suæ throno circumdatus cœlestis militiæ luce confederit, ibique de terræ gremio, & antiquo pulvere suscitato humano genere, astante conscientiæ testimonio singulorum, positus in conspectu peccatorum pœnis, justorumque præmiis, rationem vitæ cœperit postulare, & plus jam justus, quàm misericors, severitate Iudicis contemptæ misericordiæ reos cœperit accusare & dicere. Ego te

homo

homo de limo manibus meis feci, ego terrenis artubus infudi Spiritum, ego tibi imaginem nostram similitudinemque conferre dignatus sum, ego te inter paradisi delicias collocaui; tu vitalia mandata contemnens, deceptorem sequi quàm Deum maluisti. Cum expulsus de Paradiso jure peccati, mortis vinculis tenereris, virginalem uterum sine dispendio virginittis pariendus introivi, in praesepio expositus, & pannis obvolutus jacui, infantiae contumelias, humanosque dolores, quibus tibi similis fierem, ad hoc scilicet, ut te mihi similem facerem, pertulit: iridentium palmas, & sputa suscepi, ac cum felle bibi; flagellis caesus, verberibus coronatus, cruci affixus, vulnere perfoctus, ut tu eripereris morti, animam in tormentis dimissi. En clavorum vestigia, quibus affixus pependi, & perfoctum vulneribus latus; suscepi dolores tuos; ut tibi gloriam darem, suscepi mortem, ut tu in aeternum viveres. Conditus jacui in sepulchro, ut tu regnares in Caelo. Cur, quod pro te pertuli, perdidisti? Cur ingrâte redemptionis tuae munera renuntiasti? Non ego te de morte tua quaero? Redde mihi vitam tuam, pro qua meam dedi; redde mihi vitam tuam, quam vulneribus peccatorum indefinenter occidis. Cur habitaculum, quod mihi in te sacraveram, luxuria sordibus polluisti? Cur corpus meum illecebrarum turpitudine maculasti? Cur me graviore criminum tuorum cruce, quàm illa, in qua quondam pependeram, afflixisti? Gravior enim apud me peccatorum tuorum crux est, in qua invitus pendeo, quàm illa in quam tui misertus; mortem tuam occisurus, ascendi. Cum essem impassibilis, pro te pati dignatus sum, sed tu despexisti in homine Deum; in infirmo salutem, & quia post omnia mala tua, ad medicamenta poenitentiae confugere nolui, ab auditu malo non mereberis liberari.

Qui tunc erit stridor dentium, cum Sanctorum multitudine ad dexteram Regis, & ad gloriam segregata, peccati populus, in profundo tartari, sine ulla miserationis ac veniae spe demersus, excludi se tenebris suis, à beata Sanctorum luce viderit, & in profundissimum sine fine descendens, urgente os suum puteo, aeterna supplicia, & perpetuam mortem, non moriturus aspexerit. Haecenus ex Divo Augustino.

M O D V S L.

Quinquagesimus meditandi Passionem Dominicam modus esse potest ille, quem usurpasse traditur Divus Augustinus: quando nimirum constituens sese devotissimus Pater contemplatione, medium inter Christum Passum, & inter Matrem ejus sacratissimam, nunc huc, nunc illuc, sese affectu devoti & amantis cordis obversans, atque utrobique, immensam beatæ pietatis materiem cernens, quin & hauriens, animi veluti dubius devotissimè dicebat. Positus in medio, quò me veritam nescio; hinc pascor à vulnere, hinc lactor ab ubere.

In Chronico & in vita

D. Augustini scripta per Cornel. Lantell.

l. 36. 31. Et apud Valdens sem in theatro Rel.

fol. 123. & 358.

I. Ad hunc enim modum, licebit cuique Passi IESU, ejusque Matris MARIE amatori, sese medium amborum cum reverentia & pietate, corpore simul animoque statuere, atque alternante devotionis æstu, nunc ad IESUM passionibus vulneribusque cumulatam, nunc ad Matrem ejusdem Misericordiæ ubera prominentem sese obvertere, & utriusque piissimam redundantiam, opportunitatem, commoditatem spectando expendendoque, animo veluti dubium fluctuare, demirari, hic, illicque hære, morari, ac rursum redire, rursumque anhelare: utrique sese humiliare, submittere, donare, utriusque amorem, obsequium, gratiam, protectionem, familiaritatem, delicias, opesque ambire, exorare, capere.

II. Aliquando licebit oculos cordis corporisque, nunc in IESUM Passum, omnis miserationis Patrem, nunc verò in MARIAM misericordiæ Matrem desigere, & aut suas necessitates internas externasque, alterutri vel utrique denarrare sublevandas, aut communia quædam publica que negotia recommendare, aut singularia pro se, proque aliis beneficia reposcere, aut pro collatis nunc olimve beneficiis, plenas gratias agere, aut promeritas poenas deprecari.

III. Aliquando licebit IESUM Passum (Patientemve) indigna omnia, Matri ejusdem, vel contra, Matrem Misericordissimam IESU Passio ostendere & exhibere, & animam propriam utriusque erga alterum affectibus & amoribus pascere, aut ab IESU per MARIE ubera; aut à MARIA per IESU vulnera, totum quidquid piè sanctèque collibuerit exposcere, immo & exigere, interposità alterius apud alterum tanquam pignore, illà amoris redundantia, illà conjunctionis Filii Matrisque naturà, illà ad miseran-

miserandum reciproca propensione, ac veluti obligatione.

IV. Aliquando licebit suo cum animo, quamnam in partem primò, in quam autem secundò sese convertat & affigat deliberare: deliberationis materiam non levem suggerentibus inde quidem turgidis omni gratiarum dulcedine uberibus, illinc verò fecundis omni sanitatum & bonorum fructu vulneribus, tandem autem deliberatione conclusa, alterutram partem arripere, & sese in ea saginare, saginatum verò in una, ad alteram novâ & irritatâ tantummodo fame, siti que sese applicare inibique demergere.

V. Aliquando licebit uni parti supplicem fieri, ut supplicantem alteri commendet, ejusque oculis & curâ dignum, de suis thesauris abundè faciat; vicissim verò licebit ab altera alteri parti commendatum ditatumque remanere apud ipsam, ei que adherere.

VI. Aliquando licebit, vas cordis proprii, nunc Christo vulneribus sanguineque redundant, nunc Matri misericordiae stillanti exponere ac supponere, ut ab utriusque pretiosissimo efficacissimoque fonte vel tanquam pollutum abluatur, vel tanquam inane omni bono repleatur, vel tanquam misere saucium morbidumque perfectè sanetur, vel tanquam frigidum accendatur, vel tanquam aridum & sterile irrigetur ac fecundetur.

VII. Aliquando licebit dare Animam Matri Misericordiae, ejus ut misericordiae lactata & nutrita, à lacte parvulorum, transmittatur ad solidum Passionis Crucis que Christi cibum; vicissim verò licebit dare eandem Animam Christo Patienti, ut solido Crucis, vulnerum, impropriorumque ejus cibo saginata, apud ubera Gratiae Maternae recreetur, sicque Anima & lactis particeps sit, & tam solidi cibi non expers.

VIII. Aliquando licebit duobus his (JESU Passio, & MARIA Matre) veluti Paradisis aut Coelis gloriantem, utriusque fructibus gaudentem ac divitem, per eos ad tertium Coelum consummatam charitatis perfectaeque unionis & conformitatis cum Deo, non solum aspirare, sed etiam gradum facere, ac introire; juxta illud Christi verbum, *per me si quis introierit, ingreditur, & egredietur, & pascua inveniet*; gloriam nempe sanctissimae Trinitatis, ejusque magnalia contemplando, *transformabitur de claritate in claritate*.

IX. Aliquando licebit in vulneribus Christi ubera, in uberibus MARIAE vulnera commutatis vicibus reperire, atque ab uberibus vulneratum maternis, inter ubera vulnerum JESU Sanari, ab ube-

ribus autem vulnerum JESV inebriatum, inter vulnera materno-
rum uberum, sobriam Spiritus ebrietatem bibere.

*Ephes. 3.
18.*

X. Aliquando licebit cum adolescentulis animabus, primitias
ferventis Spiritus ad obsequium Dei apud materna ubera emendi-
care ac exfugere: cum solidis autem atque perfectis apud vulnera
Passi, Pauperis, Contempti, Stulti, Crucifixi JESV supereminentem
scientiam, veramque sapientiam in plenitudine cordis haurire,
& *Charitatis longitudinem, latitudinem, sublimitatem, profundumq;
subingredi, ac penetrare cum omnibus sanctis.*

XI. Aliquando licebit passis brachiis manibusque Animæ, JES-
VM hinc, MARIAM illinc, complecti: atque coram Coelo & ter-
ra, coram Deo & Angelis Sanctisque ejus, in Domino gloriari non
insipienter, de tam beata sua sorte: hoc est, de possessione JESV,
& MARIÆ, de thesauris, de sanitatibus, de virtutibus, de meritis,
de gratiis, de protectione, &c. Licebit etiam confidenter omnibus
infernalis potestatibus insultare atque dicere v. g. Ecce Crucem
Domini, fugite partes adversæ. Ecce Mulierem, quæ calcaneo suo
contrivit caput tuum o serpens antique. Licebit Apostolico ani-
mo dicere. Quis nos separabit à Charitate Christi, & à dilectione
ejus Matris, certus sum quia neque mors, neque vita, &c. Licebit
abrenunciare omnibus mundi rebus, possessionibus, atque hujus
vitæ curis: solâque hac duplici hereditate contentari; inter JESV
& MARIÆ providentiæ pietatisque plenissimas manus securum in
pace in id ipsum dormire atque requiescere. Et huic uni curæ su-
perimpendi quomodo JESV & MARIÆ per omnia confor-
meris, atque complaceas ampliùs, & ampliùs assiduò.

XII. Aliquando licebit prostratum coram IESV & MARIA
utrosque variis & heroicis, seu virtutum præcipuarum, seu affe-
ctuum ferventium, seu mortificationum, victoriarumque interna-
rum externarumque actibus coronare, cumulare, venerari, depre-
cari, extollere, gratiarum actione prosequi, ad usque expletionem
famis tuæ, usque ad contentationem oblectationemque cordis &
desiderii amborum.

Plura hujusmodi ad imitationem sanctissimi ac Devotissimi Pa-
tris Augustini, inter vulnera IESV, interque ubera MARIÆ
multis mirisque modis delicias, atque disfluentis excogitare atq;
usurpare licebit cuique, exercitiorum genera. Hæc duodecim in
exemplum dedisse sufficet.

M O D V S L I

Quinquagesimus primus Passionem Dominicam meditando-
 dus esse potest; Considerando gradus quosdam in ea, alios aliis
 quodam modo altiores, per quos sese tum charitas Christi Patientis,
 cum acerbitas Passionis ejus in immensum extulit: nobisque viam
 aperuit, gradusque disposuit, per quos erga Christum in amore, in
 gratitudine, in admiratione, in imitatione, in Compassione cresca-
 mus & ascendamus usque ad summum. Explicat hosce gradus
 tam Passionis Christi, quam nostræ compassionis, Pater Thomas
 Massutius in opere suo de cœlesti conversatione, ex quo etiam con-
 tractis nonnullis eos hoc loco apponere visum est.

[Sex gradibus ascendebatur ad summitatem throni, quem ma-
 gno sumptu Rex Salomon sibi construxerat. Sint igitur pro devo-
 tis animabus sex, piæ compassionis, gradus, in mente firmati vivâ
 fide, & ordinati fervidâ charitate, erga Dominum ac Redemptorem
 nostrum, per quos illum usque ad Crucis solum comitemur.

Est autem Primus Compassionis gradus ascendendus, per con-
 siderationem summæ Innocentiæ Christi Patientis. Tantò enim
 major Compassio in corde suscipietur, quantò dolor illatus imme-
 renti, propter quem dolemus, indebitus magis, indigniorque judi-
 cabitur. Quid autem indignius, quàm multiplicare afflictiones
 veluti reo maximorum scelerum, cui ne levissima quidem culpa
 justè unquam imputari potuit? Iob Sanctus agebat. *Vtinam appen-
 derentur peccata mea, quibus iram merui, & calamitas quam patior,
 in statera, quasi arena maris hæc gravior appareret.* Neque tamen
 Sanctus Iob culpam negabat omnem, immo agnoscebat. *Si iusti-
 ficare me voluero, os meum condemnabit me.* Dicebat tamen pec-
 nam culpæ comparatam, si ad lancem vocaretur, videri sibi longè
 graviozem, & exinde magnâ amicorum commiseratione dignum.
 Sed quæ Innocentiæ, Iustitiæ, Sanctitatis, componi potest Innocen-
 tiæ, Iustitiæ, Sanctitati, Redemptoris? qui antonomasticè vocatur
 Iustus, Sanctus Sanctorum, Agnus Dei, Innocens, segregatus à pec-
 catoribus. Vnde & per solennissimum Agni Paschalis Sacrificiū,
 figurabatur. Certè, si quis infantem, quo nihil apud nos solet esse
 innocentius, videret, quasi convictum atrocis sceleris, crudelissimè
 torqueri, & interfici: intelligens, parvulum id ætatis nihil omnino
 committere mali potuisse, ex corde illi compateretur: atqui omnis

*Massu-
 tius de
 cel. con-
 vers.*

*1. 6. c. 5.
 2. Reg.
 10. 18.
 Cant.
 3. 9.*

Iob 6. 2.

*Iob 9.
 20.*

*Isaia
 57. 1.
 Dan. 9.
 24.
 Ioan. 1.
 29.*

Heb. 7.
B.

August.
Enchir.
c. 40.
¶ 41.

sive Angelorum sive hominum Innocentia, in unum coalita, unam Christi Innocentiam nullatenus æquaret, sed ab ea plurimum deficeret. *Talis enim decebat, ut nobis esset Pontifex, Sanctus, innocens, impollutus, segregatus à peccatoribus, excelsior calis factus.* In aliis omnibus creaturis rationalibus, peccatum (ex quo poenæ dignitas seu reatus manat) aut jam est, aut aliquando fuit, aut certè absolute esse potuit ex intrinseca ratione personæ: estò ob aliquam extrinsecam suppositionem exclusum sit. At in Christi persona neque culpa, neque culpæ pena ulla, ullo modo esse potuit, *sed in natura humana susceptione, facta est gratia illi Homini naturalis, quod nullum peccatum posset admittere.* Si ergo juxta majorem Innocentiam patientis, major alterius erga ipsum debet esse commiseratio, quis dignè exprimet, quantum de nostro affectu sibi vendicet, primus hic gradus compassionis.

Secundus Compassionis gradus altior priore, ob motivum altius, est ex dignitate Patientis. Considerando enim illum qui patitur non solum innocentissimum esse, & absque omni demerito, sed etiam tanti esse meriti, tantæque dignitatis & majestatis, ut omni honore, reverentiâ, obsequio, ab omni creatura sit dignissimus: eum verò tamen indignissimè tractari videndo, necesse est compassionis affectum in compatiante, plurimum excrecere. Faciamus quempiam Regium juvenem, nullius quidem culpæ omnino reum, potius autem ob summam virtutem, probitatem, sapientiâ, heroicæ actiones, nobilitatem generis, utpote Regis filium, regniq; heredem, omnium honore, cultuque dignissimum, eum tamen, eum facinorosissimis indignè tractari, cruciari, patibulo affigi, sine ulla utcausa, ita & procul omni reverentiâ, probrosissimè haberi si videamus: nonne tygridib⁹ essemus crudeliores, si nos tantæ personæ, tam miserabilis indignusque status & aspectus, ad summam commiserationem, non vehementer commoveret. Atque hæc omnia in Christo concurrisse agnoscimus. *Qui habet in vestimento, & in femore scriptum, Rex Regum, & Dominus Dominantium, quem Pater Æternus constituit heredem universorum, per quem fecit & sacula, cui Angelorum millia ministrant & assunt, hic tamen à mancipiis creaturisque suis, durissimè simul ac vilissimè illuditur, laniatur, inter latrones cruci affigitur, & necatur.* Parvulusne hic ad commiserationem gradus?

Apoc.
19. 16.
Heb. 1. 2.
Dan. 7.
10.

Tertius Compassionis gradus conscenditur consideratione cujusdam

jusdam nostræ cum Christo Patiente relationis, seu propinquitatis. Considerando enim hunc qui patitur, non solum innocentissimum, non solum dignissimum esse, sed etiam nobis conjunctissimum: si-
ve ut plenius res exprimatur, nos illi plurimis relationibus devinctis-
simos: magis quam fratri; plus quam Matri & Patri amantissimo,
plus quam amico fidelissimo, benefactori per omnia beneficiorum
genera beneficentissimo, Domino supremo, Creatori, Gubernato-
ri, Conservatori summo: uno verbo. Nulla excogitari potest amo-
ris conciliandi ratio, & relatio, quæ inter nos Deumque (ad quem
sumus, à quo sumus, propter quem sumus) eminentissimè non con-
tineatur. Si ergo una aliqua relatio, amandiveratio, tantum po-
test inter homines, quantum quotidie videmus & attestante scrip-
turâ scimus: (ut inter Iacobum & Ioseph, inter Davidem & Iona-
tham, inter eundem David & Absalonem, licet perduellem, quia
tamen filium:) quantum non poterit, posse certe debet, illa uni-
versitas relationum, excellentiaque simul earum, nobis cum Chri-
sto Patiente intercedentium, quantum inquam, non poterit in no-
bis excitare affectus, seu dilectionis, seu compassionis.

Quartus Compassionis gradus, assurgit ex consideratione, quod
Christus tantus ac talis, taliterque nobis conjunctus, omnia illa quæ
patitur: propter nos solos, & non propter ullos alios patitur. Pro-
pter nos, inquam, non in eo solum sensu, quia in nostrum bonum,
& propter nostri amorem: sed etiam in eo, quia patitur ea, quæ nos
pati debuimus; patitur, ne nos patiamur, patitur, ut suâ passione,
avertat à nobis mala nostra, malisque suis propriis ea extinguat, &
ad nos accedere non sinat. Mihi certè debebantur illa vincula,
illa flagella, illa spina, illa crux, ludibria, opprobria, utpote servo,
& mancipio iniquitatis, non Domino, & Regi Majestatis. Sed ho-
rum ignarus & securus [ludebam ego foris in platea, & in secreto
Regalis cubiculi super me ferebatur iudicium mortis. Audivit hoc
unigenitus Dei, exiit posito diademate, sacco vestitus, aspersus cine-
re caput, nudus pedes, flens & ejulans, quod morte sit damnatus ser-
vulus ejus. Intueor illum subito procedentem, stupeo novitatem,
causam percontor, & audio. Quid facturus sum? adhucne ludam
& deludam lacrymas ejus? planè nisi insanus sum, & mentis inops,
non sequar, & simul cum lugente lugebo.] Esdram olim de trans-
gressione populi sui, quem Babylone reduxerat in terram suam,
scissis vestibus, amare lugentem cernens populus, collectus est ad
eum

*Bernardi
serm. 3.
de natali
Domini.*

11
12
13
1. Esf. c.
9. 5. & 1
c. 10. 21.

eum catus grandis nimis virorum & mulierum, & puerorum, & flevit populus fletu multo, & illum innocentem, se verò noxium proclamabat. Poterat hoc in populo illo efficere spectaculum Egedrae lugentis: spectaculum Christi Filii Dei pro nobis & lugentis & dolentis, & vulnerati, & sanguinolenti, & crucifixi, & mortui, non ingenerabit nostro, quantumlibet durissimo cordi, sensum intimæ tum compunctionis, tum compassionis?

Ibren.

1. 12.

D. Th. 3.

P. 9. 46.

6. 6.

Quintus gradus Compassionis, nascitur ex consideratione eorum, quæ & qualia patitur: ad quod faciendum, ipse Dominus noster Patiens, invitavit illis Propheta verbis. *O vos omnes, qui transitis per viam, attendite, & videte, si est dolor sicut dolor meus.* Fuit autem dolor tantus, ut (juxta communem Theologorum Sententiam) superaverit dolorem cuiuscunque Martyris. Quamvis enim in aliquo genere poenarum, aliquid gravius, aut diuturnius alicui Martyri contigisse negari non possit, nemini tamen adeo multa, & ex tot partibus dolorifera, nisi grandi miraculo, & causarum valde inusitato concursu, qualis tantum in complendo opere nostræ redemptionis permitti debuit, evenire potuissent.

Primò enim patiebatur Redemptor noster in suo corpore, formato opere Spiritus Sancti, ac proinde habitudinis super omnes filios hominum delicatissimæ & perfectissimæ, in ætate triginta triū annorum, quæ est vivacissima & florentissima, ac ideo dolorum maximè sensitiva.

Deinde in quatuor partibus corporis, manibus scilicet & pedibus ferreis clavis mortifere lauciabatur: ubi propter omnium fere nervorum concursum intensissimus est dolor: toto præsertim ex illis clavis pondere corporis moribundi & flagellis undique lacera- ti pendente, capite spinis coronato: ut etiam in mollissima culcitra, illa sic deformati corporis species, visa esset, exprimere tamen debuisset à quovis humano corde maximam compassionem: quando magis dum à tribus, quatuorve clavis è dura trabe pendens, laxantibus sese assidue vulneribus sanguinemque copiosum fundentibus, in oculis versatur.

Neque interim ullus sensus corporis, carebat suo proprio cruciatu. Visus enim adstantiū hostium ludibriis & sannis, auditus blasphemis, sibilis, exprobrationibus, odoratus fæore cadaverum circumjacentium, gustus aceti & fellis acerbitate, tactus, flagellorū, clavorum, spinarum, crucis asperitate, torquebatur.

Et

Et hæc quidem erant mala ex parte corporis: sed ex parte Animæ quasi in immensum dolor, & tristitia cordis augebatur, propter perfectissimam cognitionem omnium, & singulorū, totius humani generis, peccatorum, pro quibus susceperat plenissime satisfacere. Dolebat ex corde pro gravissima culpa suorum crucifixorum, pro ingratitude, cecitate, reprobatione Iudæorum, pro infelici sorte aliorum omnium reproborum, quibus ipsorum mer culpa nihil omnino adeo pretiosus sanguis tanto dolore, & tanta charitate, etiam pro illis profusus, nihil tamen erat profuturus. Videbat se ab omni personarum genere, aliquo modo perperit, à Gentilibus, à Iudæis, à Principibus, à Plebeis, à Militibus, à Sacerdotibus, ab amicis quoque, à notis ac familiaribus, & non solum ab extraneis & inimicis. Considerabat se ab uno discipulorum scelestissime proditum, ab Apostolorum Primatu negatū, ab aliis derelictum. quā etiam quodam modo ab Eterno Patre ipso desertum, cui propterea dolens clamabat: *Deus meus, Deus meus, ut quid me dereliquisti?* Solum ab afflictissima Matre sua, non tam ad leniendum, quā ad augendum replicandumque ex illius dolore proprium dolorem, comitatus, & à dilecto discipulo Ioanne, à quo nullam poterat expectare consolationem. Sentiebat se pati in omnibus hujus vitæ bonis atrocissime, in fama per improperia, in honore per irrisiones, in gloria per contumelias, in rebus per expoliationem ab omnibus, etiam vestibus ipsis, in vita quā agnoscebat majori dilectione dignam, quā omnium hominum simul, eod quod esset vitæ Divinæ Personæ; & tamen illam morti pro omnibus nobis exponēbat, juxta illud Ieremia. *Dedi dilectam animam meam, in manu inimicorum eius.* Erat præterea Animæ tristitia excessiva maxime: quia non mitigabatur (ut fit in aliis communiter) ex consideratione aliquā sollicitæ mentis & sibi providæ rationis. Vnde à superioribus animæ viribus, per redundantiam in vires inferiores, nonnulla ingeritur ad temperiem tristitiæ consolatio. Vt enim plenius pro peccatis totius humani generis satisfaceret, ejusmodi redundantiam occulto & perpetuo miraculo interius cohibebat, sinebatque unamquamque virium animæ agere. Quare in hac Salvatoris Passione, contrarium eveniebat, quā in aliorum Martyrum tormentis. Pro Martyribus enim miracula fiebant, ut sensus tormentorum minueretur, & ipsa tormenta sæpe deficerent, dextra carnificum

Ier. 12.7

Damasc.

1.3. 114.

a. 19.

arescerent, feræ mitescerent, ac blandirentur, igniti carbones in rosas, lamina ignita in violaria, lanienæ in refrigeria verterentur. Martyres ipsi in sensitiva parte, propter redundantiam supra dictam cœlesti consolatione repleti, quandoque nihil dolorum, aut exiguum quid sentirent. At in Martyrum Rege Christo, potius miracula fiebant, ad hoc, ut ejus dolores augerentur, nec lenirentur, tristitia intenderetur, vita, quæ vi cruciatuum abrupti debuerat, prorogaretur, ad acerbiora perferenda mala. Vnde merito ab Isaia vocatus est *Novissimus virorum, vir dolorum, & sciens infirmitatem.*

*Sextus Gradus Compassionis, consurgit ex altissimo quodam motivo, nimirum ex consideratione sitis, desideriique, ad patientiam etiam plura & graviora, & diuturniora. Paratus enim fuit, immo & desideravit Dominus, pluribus diebus, immo annis, immo usque ad judicii diem, si opus fuisset, aut Aeterno Patri placuisset, in illo intolerabili Crucis tormento, eadem insuperabili patientiâ perdurare. Nec mirum, aut incredibile id videri debet. Si enim de ullius hominis charitate patienti, verè dicitur à Spiritu Sancto. Lampades eius, lampades ignis, atq; flammarum: aqua multe non potuerunt extinguere charitatem, nec flumina obruent illam. Quanto hoc magis verè de Christi charitate dicendum: quam Apostolus *Nimiam charitatem*, quâ dilexit nos, vocare non dubitat: & sanctus Lucas excessum appellat. Verè enim in Crucis mysterio & morte, excessus magnus fuit: qui ideo & Iudæis scandalum, & Gentibus stultitia visus est: & Apostoli ipsi Dominum de eo disertè loquentem intelligere, capereque ejus verba non potuerunt, *federat verbum istud absconditum ab eis.* Quamvis autem in reali Passione suâ Christus reverà excessit modum & mensuram: magis tamen hoc fecit in desiderio amplius ampliusque patiendi. Id enim sonant illa ejus verba. *Desiderio desideravi hoc Pascha manducare vobiscum, antequam patiar.* Pascha enim erat illi quædam introductio ad Passionem figurata, & ut loquitur Chrysostomus, *post illud Crux imminabat.* Idem sonant etiam illæ Domini voces. *Baptismo habeo baptisari: & quomodo coarctor, usque dum perficiatur!* Item illæ Sancti Ioannis de eo. *Sciens IESVS, quia jam omnia consummata sunt: ut consummaretur scriptura, dixit sitio:* Non desiderabat Dominus potum ad refocillationem, qui sciebat siti suæ fel acetumque ad penam paratum*

Isa. 53.3.

Mat. 8.

7.

Ephes.

2. 4.

Lucæ 9.

31.

Lucæ

18. 34.

Lucæ 22.

15.

Lucæ 12.

50.

Ioan. 19.

28.

ratum esse, unde prädixerat. *Dederunt in escam meam fel, & in fructum meum potaverunt me aceto.* Neque illum ut homo optavit, quia ut Deus illum se petiturum ab aeterno præcivir. sed potius se ideo præcivir petiturum; quia sponte erat petiturus, hoc est, ex ardenti desiderio patiendi plura propter nos. Hujus vetò sitis illa ratio reddi potest, quia Anima illa Sanctissima, Deum super omnes alias ardentissime amabat, ex quo fiebat ut valde doleret ob offensas Majestatis ac Bonitatis ejus à peccatoribus illatas, ab origine mundi, & inferendas ad usque ejus finem. Et quia hic internus dolor, cum aliis passionibus tormentisque nostra causa toleratis, erat legitima pro nostris peccatis satisfactio. Sicut in culpis quandam veluti infinitatem agnoscebat, ita etiam desiderium pro illis patiendi, & satisfaciendi, extendere in immensum quodammodo voluisset. Deinde quia ex amore Dei, amor proximorum nascitur, tantòque est iste major, quantò ille est ardentior: quandoquidem Christus immenso quodam in Deum ferebatur amore, consequens erat, ut & in nos consimili ferretur, superabundavit ergo dilectio Christi, ex qua seipsum obtulit à primo instanti suæ Conceptionis Aeterno Patri, vivam hostiam, & Sacrificium in altari Crucis, semel quidem cruentè, in aliis autem altaribus incurrentè, quam sapissime, usque ad finem sæculorum immolandum. Tertiò, ex eadem ardentissima dilectione sequebatur, ut sicut Anima illa, omnium mentium creaturarum illuminatissima, perfecte cognoscebat valorem gratiæ Divinæ, pondus item & premium sublimissimum gloriæ sempiternæ: ita nullis sumptibus, pro illa nobis quam cumulativè conquirenda parcere voluisset. Mirabatur Propheta, quòd Christus in medio *duorum animalium cognosce* & adorari voluisset in sua nativitate: quantò magis mirandus stupendusque Christus inter duos facinorosos de Cruce pendens, non agnitus neque adoratus, sed reiectus, despectus, blasphematus, opprobriis saturatus, & nihilominus amplius pati sitens. Hactenus supra nominatus author.

His sex gradibus addi potest *Septimus*. Ex Consideratione Resignationis Christi Domini, quam ille habuit in anima interiùs, nec non etiam in opere exteriùs, ad Patris Aeterni voluntatem: opus omne Incarnationis & Viæ, & Passionis, & Mortis suæ appreciantem, non omninò, nec præcisè adequatà æstimatione & appreciatione: sed quòdam valde moderatà, inadæquatà, & mo-

Abac.

3. 1.

juxta

701

dica, respectu omnimodæ dignitatis, quâ, opera eius non illa tantum gravissima, verum etiam omnia & singula minutissima, & levissima aestimari prorsus dignum & justum erat, à iudice quantumvis rigidissimo & iustissimo. Certum siquidem ac indubitatum est, propter Divinam *verbi* Personam Humanitati hypostaticè conjunctam in Christo, omnia ejusdem Christi, tanquam Theandrici suppositi opera, etiam tenuissima, (qualia sunt motus digiti, ictus oculi, aspiratio, & respiratio, aliaque ejusmodi.) Ejus fuisse dignitatis, ut posita, eorum à Christo, ad finem nostræ redemptionis applicatione, & Patri Eterno oblatione, potuerint, & debuerint condignè satis esse ad nostrum omnium salutem conficiendam, vitamque æternam nobis emerendam, cum efficaci ejusdem ab omnibus nobis consecutione. Atqui fide constat, neque Incarnationi, neque vitæ, neque laboribus, neque ærumnis ullis, neque Passionem, neque Crucis tormento, nec ipsi morti Christi Domini, datum hoc esse à Patre Eterno, ut omnes homines efficaciter redimeret atque salvaret, sed efficax fructus mortis Christi ad solos duntaxat electos, ad reprobos verò tantum sufficienter pertingeret: ipsos autem electos, perexiguus valde numerus (si cū non electis conferantur) definiret. Igitur constat, iustissimo quidem ac sapientissimo per omnia consilio, absoluto tamen & absconso omnium creaturarum sensibus decreto: opera Christi, & Passionem, & Mortem à Deo Patre levissimè & moderatissimè taxata esse, valdeque pro exiguo fructu esse eidem, quantum ad nostræ salutis realem effectum compensata. Quia in re Dominus Jesus usque adeo se mitem, subjectum, humilem, resignatumque Patris Eterni voluntati & decreto exhibuit: ut quantumvis pro parco electorum numero, in præmium laborum suorum omnium sibi assignato & dato, fuerit non contentissimus solum, sed etiam desideraverit (prout suprà vidimus) pro illo eodem perexiguo electorum suorum, grege, amplius & amplius in totam suam vitam, immo ad mundi usque finem perpeti. Quin etiam paratus fuit Dominus Jesus, pro una solum Electi alicujus anima, totum suæ Incarnationis opus perficere, & Passionis calicem exhaurire. Addo præterea, paratum fuisse Christum Dominum, eadem omnia, quæ pro humani generis universi salute peregit & pertulit, peragere atque perpeti pro unius culicis aut muscæ vitæ, & incolumitate tantisper servanda: si ita fieri à Patre Eterno statutum decre-

pretiumque fuisset. Hæc Christi Domini ad tantorum suorum
sumptuum, adeo levem & parcam, à Patre ipso Eterno factam
æstimationem, resignatio, quemadmodum est omnium nostrum
imitatione, & amore dignissima, ita incredibilem in unoquoque
nostrum compassionis teneritudinem vehementiamque jure suo
exigit. Maxime si ad prædicta omnia, adjungamus aliam longè
vulgatissimam simul ac indignissimam Passionis & Mortis Christi
vilipensionem contemptionemque, quam ille à tot hominibus
(qui fuerunt, sunt, erunt ad diem judicii) ingratis, & contemptori-
bus redemptionis suæ, sustinet, sustinebitque: quam omnem, cum
suæ enormitatis indignitatisque excellentissimâ acerbitate, com-
prehensivè tunc noverat, quando Passionis & Mortis labores, pro
hisce ipsis indignis, inimicis, ingratis, contemptoribusque ex-
ultabat. Sensisse Christum vehementer hanc nostram ingratitudi-
nem, demonstrant illa ejus apud Prophetam verba. *Retribuabant*
mibi mala pro bonis: sterilitatem animæ meæ. Et. Veruntamen
pretium meum cogitaverunt repellere. Cucurri in siti. Ista igitur
una nostra in Christum, ejusque Redemptionis nobis impensa la-
bores ingratitudo, infinitam quandam omnibus nobis, ab ipso re-
demptis, potest & debet, meritissimo jure inferre & ingenerare,
ex parte quidem nostrâ confusionem ac ruborem, ex parte verò
Christi, super ipsū condolentiam, & commiserationem: simulq;
incensissimum quoddâ, ad hujus ingratitudinis contemptionisq;
abolendam inveniendam mediâ, studium & conatum.

His similibusque considerationibus, inducti viri Sancti, talem
compassionis affectum, erga Christum Passum concipiebant, ut
corde intimo lauci (aliqui etiam corpore) nulla ferè alia de re co-
gitare possent, sed cum Apostolo dicerent. *Christo confixus sum*
Cruci. Absit mihi gloriari, nisi in Cruce Domini nostri IESV Christi,
per quem mihi mundus crucifixus est, & ego mundo. De cætero ne-
mo mihi molestus sit, ego enim stigmata Domini IESV Christi in cor-
pore meo porto. Hoc ipsum sibi volunt, illa Bernardi plenissima
pietatis verba. *In æternum non obliviscar miserationes istas, quia in*
ipsis vivificatus sum. Has olim Sanctus David cum fletu requirebat.
Venient mihi (inquiens) miserationes tuæ & vivam. Has & alius
quidam Sanctorum cum gemitu memorabat, dicens. Misericordia
Domini multæ. Et ego fratres ab ineunte meâ conversione pro acer-
vo meritorum, quæ mihi deesse sciebam, hunc mihi fasciculum myr-

Psal. 34.

12.

Psal.

61. 5.

Gal. 2.

19.

Gal. 6.

14.

Gal. 6.

17.

Bernard

serm. 43.

in Can-

tica.

tha colligere, & inter ubera mea collocare statui: collectum ex omnibus anxietatibus & amaritudinibus Domini mei. Vique huc Bernardus.

M O D V S L I I

Quinquagesimus secundus Modus Dominicam Passionem meditando esse potest; conferendo illam cum peccato Adam commisso, ab eo in Paradiso, quo omnem suam propaginem perdidit. Quidquid enim ibi Adam male agendo commisit, hoc totum providentissimâ quadam contrapositione Dominus IESVS Passione Doloribusque suis, excessivo quodam dilectionis & afflictionis modo, abolevit & expiavit.

1. Adam in Paradiso, sese vendidit abjectissimè diabolo, & ejus potestati: pro quo ut Christus satisfaceret, ipse quoque vendi voluit, adeo abjecto, & vili pretio, vendendique modo, ac si vile non mancipium, sed jumentum inutilisque aliqua bestia foret. Ad hoc propositum servire potest vox illa Osee. *Circumdedit me in negotiatione Ephraim: & in dolo domus Israel.*

2. Adam in Paradiso, licentiosè extendit manus suas ad decerpendum prohibitum arboris fructum. Christus ideo manus suas ad vincula dedit, ut istam manuum Adæ castigaret audaciam.

3. Adam excusso divinæ legis jugo, voluit esse liber sicut Deus. Christus hanc audaciam expiaturus & injuriam Dei resarturus: omnium sese voluntati, quin & pedibus subjecit, in totâ quidem Passione suâ, sed potissimum in comprehensione. Unde illa vox ejus. *Conculcaverunt me inimici mei totâ die.*

4. Adam peccando fecit se dignum, ut probrosè exturbaretur e Paradiso. Ideo etiam Christus ignominiosissimè & violentissimè extractus abreptusque est ex orto Olivetano.

5. Adam peccando subjecit se suis terrenis & brutis appetitibus & affectibus, ut serviliter raptaretur ab eis pro eorum libidine; etiam contraratione & voluntatem: ita ut dicere debuerit, quod unus ex ejus filiis, *Video aliam legem in membris meis, &c.* Hoc Christus expiare in sese volens, voluit captus & victus ex orto ad urbem, per urbem deinde, à tribunali ad tribunal, non duci sed trahi, raptarique per terram, sine ullo respectu: *Sicut exultant victores captâ prædâ. En ista est dies, quam expectabamus, invenimus, vidimus.*

6. Adam

6. Adam peccato incurrit maledictionem, in labore & sudore vultus sui, & sterilitate terræ, à qua panem suum erat extorturus potius, quàm obtenturus. Huic vultus sudori, atque labori opposuit Dominus *JESVS* sudorem suum sanguineum, & agoniam deprecationemque ad æternum Patrem, & prostrationem super faciem suam in terram.

7. Adam suo peccato ita inhonoravit Deum, ut quodam modo ipsi Deo manu suâ alapam inflixerit. Imaginem certè Dei ad quam creatus erat, in se planè deformavit, ut nulli minùs esset similis deinceps, quàm Deo. Propter hanc alapam, Deo per Adam peccantem infligam, voluit Christus sibi multas quidem alias, sed unam illam nominatissimâ à Pontificis ministro infligi. Quæ quidem ala, ex suis circumstantiis, adeò fuit insolens & dura, ut eam fuerit impossibile ab Angelis, & ab omni creatura dissimulari, nisi Christus Dominus omnibus patientiam imperâisset, & totum Passionis suæ decursum, pacatè spectari iussisset.

8. Adam, cùm peccasset in Paradiso, requisitus à Deo: quid? quare fecisset? se quidem omni ratione excusavit, in Deum autem culpam suam coniecit, eum authorom peccati fecit, suum peccatum agnoscere confiterique noluit: unde, neque Peccavi, neque, Deus propitiusesto, dixit. Christus eà de causâ sisti iudicio Caiaphæ primùm voluit, ibi examinatus, adjuratus, blasphemix & mortis reus dictus est, consputus in faciem à procacissimis ministris est. Deinde stetit apud Iudicium Pilati, ibi accusationes, & falsa crimina sibi objecta audiit, ut pro se diceret causam, à Iudice monitus est, neque tamen respondit unum verbum, multò minùs in ullum culpam coniecit, quòd utique potuit.

9. Adam in Paradiso peccavit desiderio sapiendi, & sciendi ut Deus. Christus Æterna Sapiencia, & thesaurus scientiæ Dei, voluit pro stulto judicari & haberi, & tanquàm talis tractari. Et veluti mente captus irrideri: & quidem ab ipso Rege Herode, ejusque universo satellitio, & tanquàm talis toti Hierosolymæ propinari.

10. Adam candidissimam innocentix vestem, originalisque iustitiæ, & gratiæ stolam amisit. Eam Christus veste albâ, ab Herode indutus, eidem recuperavit, nobisque communicavit in Baptismo induendam.

11. Adam peccando postposuit Creatorem creaturæ; Deum, uxori suæ, cujus voci plùs obedivit, quàm Divinæ. Propterea
Christus

Osee 12.

7.

Osee 8.

3.

Christus satisfactorius Patri, postponi voluit Barabbæ seditioſo, homicidæ, latroni. *O verè semen Chanaan & non Iuda, in manu ejus statera dolosa: calumniam dilexit. Proiecit Israël bonum, inimicus persequetur eum.*

12. Adam in Paradiso perdidit libertatem filiorum Dei: fecit autem se mancipium diaboli, & servum peccati, à quo enim quis superatus est, hujus & servus est. Propter hoc Dei filius vilissimi ad instar mancipii jumentique tractari sese permisit: submisit se flagellationi servili, sive servorum, & quidem nequam, propriæ: qui tamen fuit omnis & libertatis & ingenuitatis fons.

13. Adam in Paradiso furtum commisit, quantum in ipso fuit. Non solum quia fructum sibi à Domino prohibitum gustare clandestinum præsumpsit: sed quia semetipsum, naturâ per omnia Dei servum & subditum, obedientiæ & potestati Domini sui naturalis subtraxit, immo & Divinitatem rapinam arbitratus, non minus malitiosè, quàm stultè appetiit, & invito Domino invadere voluit: Hoc totum furtum Christus in eadem flagellatione, absolutissimo modo exoluit, & licet esset æqualis Deo, non per rapinam, sed per identitatem, formam servi accepit, & scelus hominis in se ipso castigavit, consequenterque adequatè sanavit.

14. Adam naturalis Rex fuérat totius mundi inferioris: futurus etiâ olim mundi superioris: debebantq; eum creaturæ omnes Dominum & Principem suum agnoscere: at jus istud ferè totum ita perdidit, ut loco servitii, omnes creaturæ eum fugiant, eique rebellent. Damnum hoc hominis, reparaturus Christus, verus coeli, & terræ Rex & Dominus, voluit fieri efformariq; Rex quidam dolorosè ridiculus, & ridiculè dolorosus, sordidâ purpurâ indutus, coronâ spineâ coronatus, genuflexione, consputatione, alapis, capitis percussione sceptrò arundineo, salutatione illusoria illus: & ex Rege Regum, Rex virque dolorum factus.

15. Adam per suum peccatum, tam grandem confusionem incurrit, ut suam ipsius nuditatem erubescens, voluerit se ipsius Dei oculis abscondere. Hanc probrosam nuditatis ignominiam devoraturus Christus, voluit in specie penosi, illusi, semi, immo plenè nudi Dolorum Regis, universo populo ostendi, succlamante Pilato, Ecce Homo. quæ nuditas repetita est plenius in Crucifixione.

16. Adam per peccatum incurrit reatum mortis æternæ: à qua

ut eum Christus liberaret, voluit ipse reus mortis judicari, damna-
ri, tum ab Iudæis, tum à Pilato, tum ab universo populo, qui ex-
clamavit, *Crucifigatur. Sanguis eius super nos, & super filios no-*
stros.

17. Adam datum sibi præceptum, unicum, facillimum, ser-
vare noluit, sed illud tanquam indignum se jugum excussit, con-
fregit, & abiecit. Christus Dominus in ejus contumaciæ reme-
dium, subiit onus grave crucis, grave, inquam, non tantum natu-
rali suo pondere, non tantum probrosissima & crudelissima mor-
tis ratione, sed etiam omnium totius mundi scelerum superimpo-
sita ipsi sarcinâ.

18. Adæ perditionis occasio fuit una arbor scientiæ boni & ma-
li. In una quoque arbore Christus crucifigi morique voluit pro
redemptione Adami, sui que totius generis, & sic delicias unius li-
gni, doloribus alterius ligni expiavit.

19. Adam gulâ peccavit, seque cum suo genere perdidit.
Christus pro eo peccato, fel in escam accepit, & aceto potatus est,
insuper extremâ siti cruciatus est, ad id, ut eam inter summos alios
dolores, unam solam præcipuè confessus & questus sit.

20. Adam adhæsit latroni diabolo, & ipse latro factus: unde
illi dicitur: *Videbas furem, currebas cum eo;* sicut enim diabolus
appetit esse similis Altissimo in gloria: ita homo cupiit sicut De-
us in sapientia. Propterea Christus verus licet per omnia Deus,
inter duos tamen latrones crucifigi, inter illos pendere, cum illis
deputari, & instar eorum mori voluit.

Psalm. 49.
18.

21. Adam per peccatum suum separavit se à Deo, eumque de-
reliquit, & à facie ejus fugit, seque abscondit: propter hoc abo-
lendum Christus separari voluit ab omnibus discipulis, amicis,
creaturis: denique etiam ab ipso Patre Eterno. Vnde ait. *Deus*
meus, Deus meus, ut quid dereliquisti me?

Matt.
27. 46.

22. Adam per exiguum brevemque gustum peccati infelicio,
ex immortali factus est mortalis, amisso jure ad beatam immorta-
litatem, incurrit reatum mortis immortalis. Christus cum esset
Deus & vita immortalis, induit mortalitatem naturæ nostræ, & in
ea etiam verissimam mortem subiit, propter Adamum ejusque po-
steros omnes, morte suâ eos vivificans in æternitatem beatam.

Hæc omnia considerata diligenter, ostendunt Adæ peccatum
propterea ex proposito suscepisse Christum sibi expiandum, & secun-

dum omnes malitiæ ejus gradus, Passionis quoque suæ gradus & contrario in medelam ejus disposuisse. Ostendunt etiam Adamo illi veteri Christum Adamum novam, per omnia esse oppositum, adeoque vitam veteris, esse mortem novi, vitam novi, esse mortem veteris in nobis: propterea sicut portavimus imaginem veteris aliquando hominis: ita exspoliantes nos eam, oportet omnino portare imaginem novi Adæ, qui secundum Deum creatus est. Ostendunt præterea Charitatem Christi eamque omnino supra modum, & usque ad nimietatem excessivam erga nos: quippe qui omnes reatus Patris nostri, & omnium etiam nostrum, non qualicumque modo sed cum infinito excessu expiavit abolevitque: oppositissimis autem bonis & gratiis nos vicissim cumulavit: ut verè ubi abundaverat delictum, superabundaret & gratia: & non esset sicut delictum ita & donum, sed infinities superaret misericordia miseriam, gratia offensam, redemptio culpam.

Ostendunt denique hæc eadem supra dicta, fecunditatem malitiæ & virulentiam omnis peccati: quidquid enim in hoc unico Adæ peccato reperitur mali, hoc totum ferè in unoquoque peccato reperitur: excepto, quòd illud fuerit peccatum capitis, virus suum in progeniem descendentera traducens: alia verò peccata sui transfusivà malignitate sint destituta.

M O D V S LIII.

Quinquagesimus tertius modus meditando Dominicam Passionem esse potest, conferendo omnes vel pleròsquè Passiones Dominicæ articulos ordine historico ab Evangelistis descriptos, cum Prophetiis veteris Testamenti, in quibus exactè sunt à Sacris vatibus prænuntiati. Est istiusmodi collatio apud Sanctos Patres non infrequens saltem partialiter usurpata: quæ ex occasione Sanctus Hieronymus Isaiam Prophetam vocat Evangelistam veteris testamenti. Et Sanctus Augustinus etiam alicubi tractans locum Isaiæ, quo Christi Passio non minus graphicè quàm ab ipsis Evangelistis enarratur non dubitat exclamare [*Evangelium, est an Prophetia?*] Qualis exclamatio posset fieri & de S. Iob dictis, & de Davidicis quibusdam Psalmis, & de Ieremiæ Prophetæ non paucis sententiis, immo capitibus. Sanè in solis threnorum ejus quatuor capitibus, invenire est tota Passionis Dominicæ historiam, quemadmodum subiectum Paradigma satis ni fallor commodè rem ostendet.

Passio

Passio Domini nostri IESV Christi,

Secundum Euangelistas.

Secundum Hieremiam Prophetā
in Threnis.

Egressus est IESVS; cum discipulis suis.

Tristis est Anima mea, usque ad mortem.

Procidit in faciem suam, & orabat, ut si fieri posset, transiret ab eo hora.

Vigilate, & orate, ut non intretis in tentationem.

Ecce Iudas, & cum eo turba multa; &c.

Ut dixit eis, Ego sum: abiierunt retrorsum & ceciderunt in terram.

Tunc accesserunt, & iniecerunt manus in IESVM.

Tunc discipuli eius relicto eo, fugerunt omnes.

D d 3

Vau

Et egressus est a filia Sion, omnis decor ejus.

Multi sunt gemitus mei & cor meum incoerens. Memoria memor ero, & tabescet in me anima mea.

Ponet in pulvere os suum, si forte sit spes.

Consurge, lauda in nocte, in principio vigiliarum: effunde sicut aquam cor tuum: ante conspectum Domini.

Levemur corda nostra cum manibus, ad Dominum in coelos.

Velociores fuerunt persecutores nostri aquilis coeli, super montes persecuti sunt nos, in deserto insidiati sunt nobis.

Vrsus insidiatus factus est mihi; leo in absconditis.

Lubricaverunt vestigia nostra in itinere.

Spiritus oris nostri Christus Dominus, captus est in peccatis nostris.

Infirmata est virtus mea, dedit me Dominus in manu, de qua non potero surgere.

Venatione ceperunt me quasi avem, inimici mei gratis.

Abstulit omnes Magnificos meos Dominus, de medio mei.

Longe

c. 16.

c. 1. 22.
c. 3. 22.

c. 3. 22.

c. 2. 17.

c. 3. 22.

c. 4. 17.

c. 3. 12.

c. 4. 12.

c. 4. 22.

c. 1. 14.

c. 3. 34.

c. 1. 17.

Passio Domini nostri IESV Christi,

Secundum Hieremiam.

Secundum Evangelistas.

16. Longè factus à me consolator,
convertens animam meam: facti
sunt filii mei perdit, quia invaluit
inimicus.

c. 4. 1. Quomodo dispersi sunt lapides
sanctuarii.

c. 3. 30. Dabit percutienti se maxillam.

c. 3. 35. Vt declinaret iudicium viri:
in conspectu vultus Altissimi. Vt
perverteret hominem in iudicio
suo. Dominus ignoravit.

c. 3. 47. Formido & laqueus facta est
nobis vaticinatio & contritio.

c. 3. 30. Dabit percutienti se maxillā:
saturabitur opprobriis.

Ibid. 18. Et fregit ad numerum dentes
meos.

c. 3. 59. Vidisti Domine iniquitatem il-
lorum adversum me, iudica ju-
diciū meum. Vidisti furorem
omne universas cogitationes eo-
rum adversum me. Audisti op-
probrium eorum. Ego sum psal-
mus eorum.

c. 3. 62. Labia insurgentium mihi, &
meditationes eorum adversum me
totā die: sessionem eorum & re-
surrectionem eorum vide.

c. 4. 12. Non crediderunt Reges terrar.

c. 4. 2. Filii Sion inclyti, amicti auto
primo, quomodo reputati sunt in
vasa testea, opus manuum figuli.

Re-

Vnus assistens ministrorum,
dedit alapam IESV.

Summus Sacerdos ait illi. Ad-
iuro te per Deum vivum.

Ego sum, & videbitis filiū ho-
minis venientem in nubibus, &c.

Reus est mortis: tunc expue-
runt in faciem ejus, &c. & alia
multa blasphemantes dicebant
in eum.

Et ut factus est dies, convene-
runt seniores, &c.

IESVS autem stetit ante Prae-
dem. Sprevit autem illū Herodes
cum exercitu suo.

Perfuaferunt plebi, ut magis
peterent Barabbam. IESVM ve-
rò perderent. Tunc

Passio Domini nostri IESV Christi,

Secundum Evangelistas.

Tunc apprehendit Pilatus IESVM & flagellavit.

Plectentes coronam de spinis, imposuerunt capiti ejus.

Eccce Homo,

Secundum Hieremiam.

Repulsa est anima mea: oblitus sum bonorum.

Qui nutriebantur in croceis, amplexata sunt stercora.

Ego vir videns paupertatem meam, in virga indignationis ejus.

Tantum in me vertit & convertit manum suam tota die. Ventustam fecit pellem meam & carnem meam, contrivit ossa mea.

Tetendit arcum suum, & posuit me quasi signum ad sagittam. Misit in renibus meis filias pharetræ suæ.

Et dissipavit quasi hortum tentorium suum, demolitus est tabernaculum suum.

Præcipitavit omnia moenia ejus, dissipavit munitiones ejus, & replevit in filia Iuda humilitatem, & humiliatam.

Manum suam misit hostis, ad omnia desiderabilia ejus.

Tradidit Dominus in opprobrium & indignationem furoris sui, Regem & Sacerdotem.

Quomodo obscuratum est aurum, mutatus est color optimus.

Hæcine est urbs perfecti decoris, gaudium universæ terræ.

O vos omnes, qui transitis per viam, attendite & videte, si est dolor sicut dolor meus.

c. 3. 17.

c. 4. 5.

c. 3. 1.

Ibid. 3.

Ibid. 12.

c. 2. 6.

Ibid. 5.

c. 1. 10.

c. 2. 6.

c. 4. 1.

c. 2. 15.

c. 1. 12.

D d 3

Tolle,

Ape-

Passio Domini nostri IESV Christi.

Secundum Hieremiam.

Secundum Euangelistas.

- c. 2. 16.* Aperuerunt super te os suum
inimici tui, sibilaverunt & fren-
duerunt dentibus.
- c. 2. 9.* Regem ejus, & Principes in gē-
tibus, perdidit & contrivit.
Non est lex, & Prophetæ ejus,
non invenerunt visionem à Do-
mino.
- c. 2. 17.* Fecit Dominus quæ cogitavit,
complevit sermonem suum, quem
præceperat à diebus antiquis: de-
struxit & non pepercit, & latifica-
vit super te inimicum: & exalta-
vit cornu hostium tuorum.
- c. 1. 14.* Vigilavit jugum iniquitatum
mearum: in manu ejus convolu-
ta sunt, & impositæ collo meo.
- c. 3. 27.* Bonum est viro, cum portave-
rit jugum ab adolescentia sua.
- c. 3. 5.* Et circumdedit me felle & la-
bore.
- Ibid. 15.* Replevit me amaritudinibus,
implevit me absynthio.
- Ibid. 19.* Recordare paupertatis & trans-
gressionis meæ, absynthii & fellis.
- c. 4. 9.* Melius fuit occisis gladio, quā
interfectis fame: quoniam illi ex-
tabuerunt consumpti à sterilitate
terræ.
- Ibid. 10.* Manus mulierum misERICOR-
dium coxerunt filios suos.
- c. 2. 20.* Ergone comedent mulieres
fructum suum, parvulos ad men-
suram palmæ. **Cir**
- Tolle, tolle: Crucifige.
- Non habemus Regem, nisi Cæ-
sarem.
- Tradidit IESVS voluntati eor-
um.
- Exivit IESVS bajulans sibi
crucem.
- Et dederunt ei bibere vinum
mirratum cum felle mistum.
- Filix Ierusalem nolite flere su-
per me, sed super vos, & super li-
lios vestros flere: quia veniens
dies, &c.

Passio Domini nostri IESV Christi.

Secundum Evangelistas.

Et crucifixerunt eum.

Prætereuntes autem blasphemabant eum: moventes capita sua: dicentes. Vah qui destruis templum Dei.

Pater ignosce illis quia nesciunt quid faciunt.

Deus Deus meus, ut quid dereliquisti me?

Sine, videamus, an veniet Elias, ad deponendum eam.

Nos quidem iuste: nam digna factis recipimus.

Stabat autem juxta Crucem Mater ejus.

Secundum Hieremiam.

Circumadificavit adversum me, ut non egrediar: aggravavit compedem meum.

Eradicationem & abjectionem posuisti me in medio populorum.

Expandis Sion manus suas: non est qui consoletur.

Plauserunt super te manibus omnes transeuntes per viam, sibilaverunt, & moverunt caput suum.

Aperuerunt super te os suum omnes inimici tui, sibilaverunt & fremuerunt dentibus, & dixerunt. Devorabimus. En ista est dies, quam expectabamus, inuenimus, vidimus.

Dabis eis scutum cordis: laborem tuum.

Opposuisti nubem tibi, ne transeat oratio.

Idcirco tu inexorabilis es.

Audierunt quia ingemisco ego: & non est qui consoletur me.

Quid murmuravit homo vivens, vir pro peccatis suis? scrutemur vias nostras, & quæramus & revertamur ad Dominum. Levemus corda nostra cum manibus ad Dominum in coelos. Nos iniqui egimus, & ad injuriam provocavimus.

Cui comparabo te? vel cui assimilabo.

Passio Domini nostri IESU Christi.

Secundum Hieremiam.

similabo te, filia Hierusalem? cui
exaquoabo te, & consolabor te,
virgo filia Sion: Magna est ve-
lut mare contritio tua: quis me-
debitur tui?

c. 1. 12. O vos omnes, qui transitis per
viam, attendite & videte si est do-
lor sicut dolor meus? quoniam
vindemiavit me, ut locutus est in
die furoris sui.

c. 4. 4. Adhæsit lingua lactentis ad pa-
latum ejus in siti.

c. 17. Fecit Dominus quæ cogitavit,
& complevit sermonem suum,
quem præceperat à diebus anti-
quis.

c. 3. 2. Me minavit & adduxit in te-
nebras, & non in lucem.

Ibid. 6. In tenebrosis collocavit me:
quasi mortuos sempiternos.

c. 3. 55. Invocavi nomen tuum Domi-
ne, de lacu novissimo.

c. 2. 4. Occidit omne, quod pulchrū
erat visu in tabernaculo filia Sion.

c. 2. 7. Repulit Dominus altare suum,
maledixit sanctificationi suæ.

c. 1. 8. Peccatum peccavit Hierusalē,
propterea instabilis facta est.

c. 3. 53. Lapsa est in lacum vita mea: &
posuerunt lapidem super me.

Secundum Evangelistas.

Sitio.

Consummatum est.

Tenebræ factæ sunt, per totam
terram.

In manus tuas commendo Spi-
ritum meum.

Inclinato capite, tradidit Spi-
ritum.

Eecce velum templi scissum
est.

Terra mota est.

Posuit eum in monumento &
advolvit lapidem ad ostium mo-
numenti.

Hunc in

Hunc in modum totam Christi Passionem invenire est apud Hieremiam Prophetam, vel in solis quatuor capitibus Threnorum ejus: hunc in modum verbis historiae Evangelicae Hieremias dat admirabilem interpretationem atque lucem: vicissimque eandem ab Historia Evangelica recipit.

Hunc in modum ex omnibus Sacrae paginae veteris testamenti textibus, conflare posset uberrima Historia Passionis Christi Domini, non solum praedictio, verum etiam explanatio, & elucidatio: & meditationum affectuumque devotissimorum uberrima farrago. Cujus rei specimen aliquod dedisse satis est, nam id pluribus agere, praesentis instituti non est.

M O D V S LIV.

Quinquagesimus quartus, meditando Passionem Domini nostri, modus esse potest, per comparisonem Christi Patientis cum eodem Glorioso & in Caelo regnante: ita ut dolores ignominiaeque illius in Passione, cum gloria, potestate, & excellentiis ejusdem in beatitudine collatae, multam meditati varietatem, piissimorum, tum affectuum, tum profectuum, suppeditent. Exempli gratia. Potest quis per totam seriem Dominicae Passionis pergendo expendere quas & quantas glorias pro singulis doloribus & injuriis nunc in Caelo habeat. Quem in sensum cadit illa Sancti Iob sententia. *Iob 36.*
Causa tua quasi impii iudicata est: causam & iudicium recipies. Ex-
pressius porro id ipsum loquutus est Isaias. Si posuerit pro peccato
animam suam, videbit semen longevum, & voluntas Domini in manu
eius dirigetur. Pro eo, quod laboravit anima ejus, videbit & saturabitur,
& in scientia sua justificabit ipse justus servus meus multos. &
iniquitates eorum ipse portabit. Ideo disperdiam ei plurimos, & for-
tium divider spolia, pro eo quod tradidit in mortem animam suam, &
cum sceleratis reputatus est. Paulus quoque Apostolus non minus
copiose & signanter hanc ipsam sententiam exprimit, dicens inter
alia. Humiliavit semetipsum factus obediens usque ad mortem, mor-
tem autem crucis: propter quod & Deus exaltavit illum: & donavit
illi nomen, quod est super omne nomen: ut in nomine IESU omne ge-
nu flectatur, caelestium, terrestrium, & infernorum: & omnis lingua
confiteatur, quia Dominus IESUS Christus in gloria est Dei Patris.
Et rursus ait: Dum autem, qui modico quam Angeli minoratus est,
videmus IESUM propter Passionem mortis, gloria & honore coron-

*Iob 36.**Ex-**Isaias.**3. 10.**Philipp.**2. 10.**Heb. 2.**9.*

sum. Recte ergo potest quis in meditatione Dominicae Passionis contraponere laboribus Christi præmia ejusdem: doloribus beatitudines, injuriis honores, ignominias glorias: & in illis quidem Christo compati in his autem congaudere: de illis tristari, has vero, gratulari; illas sibi ad imitandum degustandumque proponere & assumere: has autem sperare & expectare. *Sic enim comparimur & conglorificabimur.*

Rom. 8.
17.

Potest etiam quis Passiones Domini una ex parte recolens, ex altera eundem gloriam & honorem circumdatum considerans: variis & sublimibus modis ad Christum utroque in statu affici: maxime autem & potissime Patienti & opprobriis saturato adglutinari, & eum talem eidem ipsi glorioso & beato quodammodo præferre: se lubrioremque & convenientiorem profectui suo pro hujus presentis vite statu decernere & pronuntiare. Etenim revera hic ordo esse debet in amore, possessione, conformationeque Christi. Ut nimirum prius patienti, deinde glorioso afficiamur: & per conformitatem confortiumque crucis ejus, gradum faciamus ad confortium conformitatemque gloriæ ejus. Hinc est Pauli illud dictum. *Mibi autem absit gloriari, nisi in cruce Domini nostri Iesu Christi, per quem mihi mundus crucifixus, & ego mundo, propter quem omnis detrimentum feci, & arbitratus sum ut stercorea, in quem sensum alibi sapissime loquitur.* Significans beatitudinem vite consistere in tolerantia crucis: Patriæ vero in Possessione æternæ felicitatis. Atque eodem spiritu Chrysostomus sine dubio abundans, audent dicere, se malle cum Christo esse in cruce, quam cum eodem in Cælo, nimirum pro convenientia presentis status, cui labor competit, non autem præmiorum receptio: ut proinde beatior sit ille, qui in presenti vita cum Christo & pro Christo passionibus laboribusque atteritur, quam qui otio, quiete, solaciisque etiam spiritualibus, recreatur. Hoc enim hujus vite non est: in qua homo natus est ad laborem, ad mercatum, ad negotiationem, ad certamina, ad cursum, non autem ad mercedem, ad præmia, ad quietem. Neque enim electis suis (ait Gregorius) in hac vita Deus promisit gaudia delectationis, sed amaritudinem tribulationis, ut medicina more per amarum poculum ad dulcedinem salutis æternæ redeant. Sed his immorari nihil attinet, cum sint vite Christianæ elementa, nulli prorsus ignoranda, nulli negligenda. Comparationis hujus, de qua hic sermo, & in qua modis præsens meditando sta-

Galas. 6.
14.

Gregor.
lib. 9.
Ep. 290.

di statutus est: aliquod paradigma proponere forsitan operæ præ-
tium erit, ut facilius considerationes & affectiones congruæ à me-
ditantibus excitari possint. Sit ergo Paradigma primum.

Christus in Passione.

1. Christus in horro tristes & pavens.
2. Christus orans & prostratus in faciem suam.
3. Christus in agonia sudans sanguinem.
4. Christus venditus & osculo traditus, captus.
5. Christus ante tribunalia & Iudices reus.

6. Christus illusus, velatus, consputus, colaphisatus.

7. Christus nudatus, & ligatus ad flagella.

8. Christus flagellis concisus.

9. Christus dolorum & contumeliarum Rex, spinis coronatus.

10. Christus illusorie adoratus in purpura.

11. Christus Barabbæ postpositus.

12. Christus damnatus ad crucem.

Christus in Gloria.

Christus in Cælo lætitia Angelorum & Sanctorum

Christus in Cælo faciens voluntatem timentium se.

Christus in Cælo agonothetes & confortans.

Christus in Cælo solvens compeditos; Merces magna nimis.

Christus habens potestatem in Cælo & in Terra; Iudex viventium & mortuorum, habens claves vitæ & mortis.

Christus in Cælo, cui adstet exercitus Angelorum, & in quem desiderant Angeli prospicere.

Christus amictus lumine, sicut vestimento.

Christus regens populos in virga ferrea.

Christus in Cælo: & in capite ejus diademata multa, habens scriptum in femore Rex Regum, Dominus Dominantium.

Christus in Cælo adoratus, à viginti quatuor senioribus dicentibus. Dignus est Agnus, qui occisus est accipere Divinitatem, &c.

Christus excellet Cælis factus, electus ex millibus.

Christo tradita sunt omnia à Patre: & accepit nomen super omnia.

Christus in Passione.

13. Christus bajulans sibi crucem in montem.

14. Christus solle & aceto potatus.

15. Christus crucifixus inter latrones.

16. Christus orans pro hostibus & crucifixoribus.

17. Christus Siccus.

18. Christus latroni dans Paradisum.

19. Christus à Patre derelictus in Cruce.

20. Christus animam Patris manibus tradens.

21. Christus mortuus.

22. Christus sepultus.

Libet etiam addere Paradigma
Modi.

Christus in Gloria.

omne nomen, ut in nomine Iesu omne genua flectatur.

Christus portans cuncta verbo virtutis suæ, in dextera ejus longiturnitas vitæ, gloria & divitiarum in domo ejus.

Christus torrente voluptatis potatus & potans suos, duccensque illos ad vitæ fontes aquarum.

Christus sedens ad dexteram Patris, ubi millia millium ministrant ei.

Christus habens inimicos suos, positos scabellum pedum suorum.

Christus fons aquæ vivæ.

Christus Pater futuri sæculi.

Christus unigenitus in sinu Patris: ipse in Patre: & Pater in illo.

Christus in dextera sedentis super thronum, Liber scriptus intus & foris, signatus sigillis septem: idemque accipiens librum, & solvens signacula ejus.

Christus semper vivens ad interpellandum pro nobis.

Christus Rex sæculorum immortalis, invisibilis, solus Deus, ipsi gloria in sæcula.

secundum, hujus collationis atque;

Christi

Christus in Passione.

Abiectissimus. Abiectio plebis.
Blasphemus & Blasphematus.
Contumeliis & calumniis af-
fectus.

Dolorum vir, derelictus ab
omnibus.

Exterminatus, execrabilis.
Foeditissimus, factus in derisum
& canticum omnibus.
Gravis etiam ad videndum.

Homo humiliatissimus, hu-
milis corde.

Illusus, injuriis saturatus.

Latronibus annumeratus.

Miserimus. Maledictum pro
nobis factus.

Negatus, & ad nihilum redactus.

Odio habitus, opprobriū hominū

Parvulus in gentibus, percus-
sus à Deo.

Rex Dolorum.

Seditiosus, scandalosus à Sa-
thana infestus.

Tentatus per omnia, absque
peccato.

Vermis & non homo. Vul-
neratus propter peccata nostra.

Zelo Domūs Dei consumptus.

Christus in Gloria.

Altissimi Filius. Altissimus.
Beatissimus. Benedictus Deus.
Candor lucis aeternae.

Deliciae Patris, dignissimus
Deus.

Excelsior Coelis factus.
Felicissimus: Felicitas aeterna
Sanctorum.

Gloriosissimus & Rex gloriae,
in quem desiderant Angeli pro-
spicere.

Honorificentia populi Dei.

IESVS Christus, qui est in glo-
ria Dei Patris.

Legifer noster, in manu ejus
ignea lex. Lucem habitans inac-
cessibilem.

Majestate & Misericordia ejus,
plena est terra.

Natus ante saecula: ante omne
creaturam.

Omnipotens nomen illi.

Pater futuri saeculi: Princeps
Pacis.

Rex saeculorum, cujus Regni
non erit finis.

Sanctus, Sanctus, Sanctus Do-
minus Deus Sabaoth.

Tradita habens à Patre omnia.
Totus desiderabilis.

Vivens semper ad interpellan-
dū pro nobis. Vita aeterna in vo-
luntate ejus.

Zelans & Zelotes Deus. Ecce

Eccet talis est dilectus meus ex Dilecto. Dilectus meus candidus in vita, rubicundus in morte, electus ex millibus, totus desiderabilis. Talis est dilectus meus, ipse est amicus meus.

Christum ergo ita in Passione & in Gloria diversum atque eundem considerans anima, variis (ut supra dixi) affectionum generibus, prosequi, complecti, exaltare potest: sed ni fallor ille erit utilissimus affectus, si patientem interim pro hac vita, glorioso regnantique prætulerit: præeunte hac in parte sibi Beato Bernardo,

*Bernard.
serm. 1.
in Epi-
phanis.*

[Ecce quasi saccum plenum Misericordiâ suâ misit in terram: Saccum inquam in Passione commendandum, ut effundatur quod in eo latet pretium nostrum. Saccum utique et si parvum, sed plenitudo divinitatis. Postquam enim venit plenitudo temporis, venit & plenitudo Divinitatis. Venit in carnē, ut vel sic carnalibus exhiberetur: ut apparente humanitate, benignitas agnosceretur. In quo enim magis commendare poterat benignitatem suam, quā suscipiendo carnem meam. Meam inquam, non carnem Adam: id est, non qualem ille habuit ante culpam. Quid tantopere declararet ejus misericordiâ, quā quod ipsam suscepit miseriam? Quid ita pietate plenum, quā quod Dei Verbum propter nos factum est factum? Domine quid est homo quia reputas eum, aut quid apponis erga eum cor tuum? Hic attendat homo quanta sit cura ejus Deo, hinc sciat quid de eo cogitet, aut quid sentiat. Non interroges o homo ea quæ pateris, sed quæ passus est ille. Quanti te fecit, ex his quæ pro te passus est agnosce, ut appareat tibi benignitas ejus ex humanitate. Quanto enim minorem se fecit in humanitate, tantò majorem exhibuit in bonitate: & quantò pro me vilior, tantò mihi charior est.] Hucusque Bernardus egregiè ab excessu humiliationis Christi Domini, tum miserationis ejus erga nos redundantiam, tum nostræ in eum propter hoc affectionis tenerissimam ubertatem, uberrimamque teneritudinem decerpens. Christus siquidem in passionibus suis nobis propriissimè bonus, nobis impensus, & in commodum nostrum effusus est, at verò in Gloriis & Honoribus, suis quodam modo magis est quā noster: & exaltatio ejus magis illi ipsi quā nobis commodat: quocirca mirum non est, si ampliùs & teneriùs in patientem quā in gloriosum secundum hujus vite statum serimur atque afficimur. Mi-

seri-

fericordia enim miseris plus placet, quia etiam plus prodest.

Accedit, quod inter nostras & Christi Domini miseras sit una permagna differentia, ob quam necesse est aliter longè nostras, aliter verò Christi Domini miseras, & sentire & æstimare. Nostræ siquidem miseriæ, nihil aliud sunt nisi miseriæ; at verò miseriæ Christi, sunt ejusdem maximæ super nos & saluberrimæ nobis misericordiæ, quibus ab infinitis, hoc est, ab omnibus miseriis nostris, divinâ proflus charitate sese in nos eviscerante, liberamur atque sanamur. Dignum est ergo nos miseriis Domini tanquam miserationibus nostris summa cum teneritudine affici, summa cum appretiatione earum adglutinari. Tanto enim ab hominibus dignius honorandus est Deus, quanto pro miseris hominibus etiam indigna suscepit. Et omnia quæ infirmissima sunt Salvatoris nostri, tanto magis nos ambire æstimareque convenit, quanto & ipsi magis infirmi esse noscitur. Plus enim ibi recipimus sanitatis nostræ, ubi amplius Redemptorem nostrum infirmitatis & dignationis subisse reperimus pro nobis. Magna quippe Salvatoris nostri infirmitas, magna etiam est infirmitatis nostræ sanitas: & ibi est maxima nostra exultatio, ubi maxima est Salvatoris nostri humiliatio, atque dignatio. Quare manifestum est, posse & debere nos ejusmodi affectu & sensu affici erga Christum positum in Passione, cujusmodi affici nos non convenit, erga eundem positum jam in Beatitudine.

Greg.
homil. 8.
in
Evangelio.

M O D V S LV.

Quinquagesimus quintus meditandi Passionem Dominicam modus esse potest, per varias animi nostri affectiones, quas ipsius Passionis consideratio in considerante necessariò nec non fructuosè, simulque ad Domini placitum pergratè excitat. Sufficiet enumerasse hoc loco septem præcipuas: quas desumo à Patre nostro Francisco Costero: positas ab ipso explicatasque in Præfatione ad suas de Passione Dominica meditationes. Ait igitur ille, septem affectiones posse in nobis per Passionis Dominicæ meditationem concitari.

Costerus
Præf. in
Med. de
Pass. Do-
mini.

Prima est *Compassio*, hoc est animi affectio, quâ patienti condolemus, ejusque dolores quasi in nos transferimus, & eos si non corpore, saltem animo sentimus: eâque affectione videtur quasi divisus & communicatus dolor ejus qui patitur, leviorque & melior esse.

Costus.

ctus. Vt etiam gravior est molestiorque, si patientem vel irrideas, vel malis ejus nil movearis. Christus ut dolores nostros leniret, pati pro nobis, & compati nobis voluit, teste Apostolo. *Non habemus Pontificem, qui non possit compati infirmitatibus nostris, tentatum autem per omnia.* Et quidem, licet Christi dolores jam absolutos, mitigare nos nostro dolore non possumus, grata est tamen ei nostra compassio, quâ ejus dolores, quasi nostros facimus, nobisque applicamus, per hoc enim idonei conglorificationi ejusdem effici-mur, siquidem compatimur: ut ait Apostolus. Cæterum duo sunt, quæ ad hanc Compassionem faciunt. Primò, Personæ Condicio. Secundò, Gravitatis Poenarum.

Heb. 4.

5.

Rom. 8.

Quantum ad Personæ Christi Conditionem, si compassione moveri volumus: expendemus quod is qui patitur, sit 1. Dignitate Deus, qui majestate replet Cælum & Terram. 2. Homo nobilis ex Regia Davidis stirpe ortus, de Spiritu Sancto in Virginis utero conceptus. 3. Idem si intellectum spectes; sapientissimus, doctissimusque. 4. Si voluntatem; Sanctissimus, qui nec in Deum nec in hominem peccatum unquam fecit. 5. Si conversationem; gravissimus: qui nunquam ridere, sæpius flere pro nostris peccatis miserisquæ visus sit. 6. Si merita & beneficia: de omnibus optimè meritis omni genere meritorum. 7. Si formam totiusque corporis speciem ac dignitatem; præ filiis hominum speciosus, complexione tenerri-mus. 8. Si officium & munus; Rex Regum, Dominus Dominatum, Messias, Pontifex summus, Legistator, Magister & Doctor, Redemptor & Salvator.

Quantum verò ad Poenarum gravitatem, expendemus. 1. Nihil omnino in Christo vacuum fuisse cruciatu maximo: totum enim corpus, omnesque corporis sensus: Anima item ejusque potentie suas poenas sustinuerunt. 2. Poenæ istæ fuerunt acerbissimæ, tum ob tenerriam complexionem; tum quòd nullo interno solatio adferendum mitius, sublevaretur. Hinc Theologorum est certissima doctrina: Neminem in hac vita sustinuisse unquam tales poenas, quales Christus sustinuit. Anne igitur decet nos econdolere Filio Dei, tanta propter nos sufferenti?

Secunda Affectio est. Compunctio, sive Dolor de peccatis, quando ad horrorem detestationemque peccatorum, ex meditatione Passionis Dominicæ inducimur, quod commode fiet. Si 1. Peccati malitiam. 2. Quid peccatum Christo attulerit, consideremus. Et

malitia

malitia quidem in Deum utpotè in Deum infinitum, est infinita, tantaque ut (salvâ iustitiâ Dei, quæ violari non debuit) deleri nisi re infinita non posset. Igitur vel infinita pœna toleranda erat, quæ in creaturam finitam convenire nequit, vel tempore infinito, quomodo luunt damnati in inferno: vel personæ infinitæ Dignitatis patientum erat, hoc est ipsimet Deo infinitæ maiestatis, alia enim persona nulla infinita existat. Hinc ulterius progrediamur, attentèque consideremus: quid Deum de Cœlis in terram traxerit, atque ad Passionem induxerit? Peccata scilicet nostra. Nisi enim peccasset homo, nec nasceretur, nec pateretur, nec moreretur Deus in mundo. Proinde sicut peccatori sua peccata in inferno sedem parant, & sicut furi suum parant furta supplicium: sic cuiusque nostrum peccata Christo moriendi necessitatem intulerunt. Detestanda est igitur malitia peccati, quæ Deum quoque ipsum ad Crucem adegit. Ne verò putes extenuari hinc peccati gravitatem, quod non pro tuis solius, sed pro totius mundi peccatis, Christus sit passus: scire debes, per hoc non minui malitiâ peccati, sed virtutem Passionis Dominicæ magnam indicari, quæ non unius, non paucorum, sed mundi universi peccata deleverit. Etenim meritum Passionis cum sit infinitum, nullâ malitiâ potest superari: sed tamen etiam ad peccati gravitatem indagandam, hoc vel unum sufficit, quod nisi Infinito Christi merito non potuerit aboleri. Vt ergo solis huius lucem, si unus solusque tantum spectes, non magis ille tibi lucet, quàm si cum infinitis aliis communiter eam spectaveris; utque non minùs homini mortem inferas, solus cor ejus perfodiendo, quàm si cum sociis pluribus idem facias: ita unicum etiam peccatum mortale, ad quod expiandum opus fuit Morte & Passione Filii Dei, à nobis commissum, non est minùs causa mortis Domini, quàm conjunctum cum peccatis omnibus omnium hominum. Neque Passio Christi, minùs tibi uni utilis est ob id, quod pro omnibus obita sit, quàm si pro te solo obita fuisset. Et nunquid modica tibi causa est detestandi peccata tua dolendique de iis?

Tertia Affectio est, Imitatio. Vt nimirum desideremus ea sequi imitarique, quæ in Christo contemplamur, monente Apostolo. *Christus passus est pro nobis; Vobis relinquens exemplum, ut sequamini vestigia ejus.* Et: *Christo Passio pro nobis in carne, & vose ad eam cogitatione armamini.* Duo sunt autem in Passione Domini imitanda. Vnum est desiderium patiendi pro Christo, qui tam acerba

pertulit pro nobis prior. Alterum est. Virtutū cumulus, qui si usquam alibi, in Passione certè eluxerit, ita ut tamen verbis situerit Dominus, exemplo tamen de hac quasi cathedra Crucis omnes virtutes & quidem perfectissimas doceret, tum quia nullā fovebatur internā consolatione, ut nos solemus foveri internā gratiā comitante nostras actiones virtuosas, tum quia non deerat Christo magna & iusta recusandi repugnandique occasio. Nobis itaque in qualibet Passionis Christi meditatione investigandum erit, quæ in ea virtus potissimè commendetur: tum quomodo eam tunc Dominus exercuerit; demum excitandum est desiderium propositumque firmum, ejusdem virtutis quærendæ & adipiscendæ, modusque excogitandus ejus comparandæ, & Christi ipsius per hanc ejus virtutis actionem gratia imploranda, ad id, quod proposuimus, perficiendum. Elucet autem in Passione Domini omnes quidem virtutes, sed potissimum illæ, quas nobis toties scriptura commendârunt. Humilitas, Mansuetudo, Obedientia, Charitas, Misericordia, Con-
temptus mundi, Perseverantia.

Humilitas. Quâ multimodis irrisus, spineâ coronâ redimitus, latrōni Barabbæ postpositus, in medio latronum crucifixus, aliæque plura id genus contemptuum perpeffus, demissè semper se habuit.

Mansuetudo. Quâ benignum se omnibus moderatumque semper exhibuit, mala patientissimè toleravit, & admirabili silentio ad omnes injurias, convitia, ludibriaque conticuit, excusationes nullas adhibuit, neminem suâ loquacitate offendit, nihil unquam dixit asperius cuiquam, nihil fecit.

Obedientia. Quæ tunc sanè vel maximè commendationem mereatur, quando & difficilia, & ab impiis, & modo moreque aspero imperantur. Fuit autem Christus non solum Patri obediens usque ad mortem crucis: sed impiis quoque iudicibus & tortoribus: quibus ut vestes exueret, purpuram indueret, spineam coronam sumeret, Crucem humeris ferret, ad clavos manus pedesque porrigeret, & alia pleraque imperantibus, simpliciter, alacriter, & constanter obtemperavit.

Charitas. Quæ tum demum suis absoluta numeris videtur, cum propter Deum non solum amicos, sed ipsos quoque hostes, nobis pessimè volentes, & summo prosequimur amore, & eos pro hostibus nunquam, sed pro amicis habemus: quod cumulatissimè Dominus præstitit: qui de perfectissima sua in nos charitate loquens.

Majorem (ajebat) *charitatem nemo habet, quam ut animam suam* ponat *quis pro amicis suis.* Cum autem major videatur esse adhuc charitas, si animam ponas pro inimicis: major tamen ea est charitas, quae nullos agnoscit inimicos, sed ipsos etiam hostes reputat pro Amicis, eisque non minus quam Amicis benefacit, & animam suam pro eis ponit. Itaque Christus ea suos inimicos charitate complexus est, ut quo plura ab eis sustineret, hoc magis semper in eo amore inardesceret, majoribusque beneficiis cumlaret: non aliter quam igni oleum superfusum, vel folle agitatus carbo magis incaluit. Igitur toto quidem Passionis tempore, pro inimicis Patrem exorabat, juxta illud. *Pro eo ut me diligere, detrahebant mihi: Ego autem orabam.* Mente, si non voce. Sed cruci ab eis affixus elata voce pro crucifixoribus oravit, demumque expirans corda illorum ad fidem & poenitentiam salutarem summam charitate commovit.

Misericordia: Quam nobis Dominus omnia sua, seque ipsum, vestes, honorem, famam, boni nominis existimationem, florentem opulentaem, vires, sanitatem, sanguinem, animam, corpus, vitam & mortem donavit.

Contemptus mundi: Quo illa omnia, quae mundus admiratur, & in bonis habet, repudiavit: suscepit autem illa, a quibus mundus abhorret, pro divitiis extremam elegit Paupertatem; pro honoribus, contemptum; poenas pro deliciis; pro favoribus irrisiionem.

Perseverantia: Quam nec Matris dolore victus, nec Amicorum tristitia motus, nec hostium irrisiione superatus, nec corporis tormentis fractus, nec indignitate, aut ingratitudine exasperatus, de cruce descendere, Passionisq; & amoris beneficium deserere voluit, quod semel pro salute nostra peragendum assumpsit.

Quarta Affectio est, Gratiarum actio. Quam beneficia in nos collata contemplantes, in laudes prorumpimus, non verbis modo, quae proprie laus est, & actio gratiarum minima: sed corde potius & operatione, ut & mente acceptum beneficium recolentes, magnam illud faciamus, & ab omni offensa benefactoris caveamus, & omnibus in rebus occasionem rependendi ne praetermittamus. Quinque porro sunt quae ad gratitudinem movere solent. 1. Malum quod evasimus. 2. Bonum, quod beneficio accepimus. 3. Dignitas Benefactoris. 4. Modus collati beneficii. 5. Conditio personae, in quam beneficium confertur. Ut ergo ad Gratitude inducamur erga Christum, haec nobis cogitanda sunt. 1. Mala a quibus haec

Christi Passione crepti sumus. Peccatum omnium malorum maximum. Mentis cecitas. Cordis durities. Servitus diaboli. Fœditas animæ. Præsens æterni ignis periculum, qui ita gravis est, ut cogitationem superet, ita diuturnus, ut finem nesciat, ita certus ut abique Christo evitari nequeat. 2. Bona quæ accepimus. Gratiâ, Iusticiam, Adoptionem filiorum Dei. Sacramenta, Sacrificium, Virtutes, Promissionem vitæ æternæ. Denique omnia bona corporis & animæ, interna & externa, quæ omnia nobis Christi Passio vel donavit vel conservavit. 3. Personæ Dignitas. Ut enim solet propter dignitatem majus dari stipendium Doctori vel Homini nobiliori, pro exiguo quamvis officio, quàm rustico, pro labore licet gravi: ita majores gratiæ sunt habendæ digniori. Quæ tandem ergo Christo, qui infinitæ Dignitatis est, exhibebitur gratitudo? 4. Modus præstiti beneficii: gratis & non sine summo labore. Cælum Terramque condidit Deus, verbo solo; redimit autem te doloribus, sanguine, & vitâ suâ, pro quibus collatis omnibus, nihil à te præter laudem, memoriam, & gratiarum actionem requirit. 5. Personæ cui beneficium præstatur conditio: si vilis, si hostis, si ingratus.

Sap. 11.

Nos porro quid sumus? Si orbis terrarum ante Deum est sicut gutta roris antelucani, qui descendit in terram, quid erit ad Deum collatus homuncio unus? qui nihil est si cum universa orbis mole conferatur. Vilitatem nostram expressit Sanctus Iob. *Putredini dixi,*

Iob. 17.

Pater meus es. Mater mea, & soror mea, vermibus. Iam verò non solum viles sumus, sed etiam hostes, alieni & aversi à Deo, gratiam ejus nec querentes, nec petentes, quin potius respuentes oblatam.

Hæc igitur expendens. 1. Ereptum te ex summis, certissimis, æternisque malis. 2. Donatum summis infinitisque bonis. 3. A summo & infinitæ majestatis Deo. 4. Tantis ejus laboribus doloribusque, quantos nulla mortalis creatura unquam sustinuit, consideratis, an ne æquum sit, tam abjectam creaturam, in laudes & gratiarum actiones dissolvi?

Quinta Affectio est, Spes & Fiducia. Trium rerum consideratione spes nostra infringi solet. 1. Consideratione splendoris, qui ad vitam æternam requiritur, in quam nihil intrabit inquinatum. 2. Consideratione Examini exacti Iudicis illius, qui etiam de otioso verbo exigit rationem, penetrabitque usque ad divisionem Animæ & Spiritus. Serutabiturque cogitationes & intentiones cordis. 3. Consideratione vilitatis nostræ: qui & quotidianis peccatis Dei

justi-

justitiam offendimus: & pleni concupiscentiis vitiisque vivimus, & cordis nostri interiora ipsimet non penetramus: *Et si simplex fuero* (ait Iob) *hoc ipsum ignorabit anima mea.* Huic dissidentiae medetur Passio Christi, animumque peccatoris in spem erigit. Nam, Etsi Regnum cœlorum magnam mundiciam requirit; tamen etiam Christi Passio & sanguis lavat omnes iniquitates nostras, animam sole clariorem reddit, efficit filios Dei, dat jus ad vitam æternam, ut jam eam non tanquam in alienam, sed velut in nostram hæreditatē ingrediamur. Est quidem districtum Christi iudicium, sed Passionis huius merita severitatem hanc perferre possunt: cum major sit satisfactio quàm debita, & peccata quidem sint numero finita, merita autem magnitudine infinita: & denique, quia Iudex erit qui fuit Advocatus, Mediator, Redemptor: qui ut tibi Cœlum daret, ipsemet ejus pretium tibi obtulit: sanguinem inquam pro te fustum, cujus ipse, quem magno labore fudit, non ignorat dignitatem. 3. Virilitas nostra, est magna illa quidem, ut qui *ex nobis nihil possumus quasi ex nobis*, sed tamen gratiâ, Passionis merito, nobis communicata, admirabilem addit animis nostris splendorem, dimittit peccata omnia; addit vires & facilitatem operandi, operibus nostris sufficit dignitatem, ut vitam æternam mereamur. Spes igitur nostra erigetur, si omnes opes Christi, ejus omnia merita, omnia jejunia, labores, pœnas, & quæcunque demum vel fecit, vel sustinuit cogitemus, non aliter nostra esse, quàm mariti bona ad uxorem pertineant, quibus ipsa ad suorum solutionem debitorum, aliasque necessitates uti possit.

Sexta Affectio est, Amor Dei. Amorem porrò excitat. 1. Rei ipsius quæ amatur Dignitas, Nobilitas, & Pulchritudo. Quomodo pulchritudine virtutum vel scientiarum ad earum amorem inardescimus. 2. Amor, si nimirum priores diligamur. Caterum ad amorem augendum conducit. 1. Si non verbis modò, sed magnis quoque beneficiis sit amor testatus. 2. Si magno labore & incommodo Amantis hæc beneficia comparentur. 3. Si injuriâ affectus, repulsamque sapius passus Amans, nihilominus amorem concidere non patiatur. 4. Si his omnibus molestiis & laboribus suis nihil quærat, quàm redamari. Et hæc quidem omnia Christus suâ Passione exhibuit. 1. Dilexit enim nos opere & veritate, omniaque bona nobis donavit. 2. Magno suo incommodo, pro nobis factus egenus, ut nos ditaret, omnia mala assumpsit, ut nos repletet omni

Iob 9. 21.

2. Cor. 3.
5.

Matth.
12.

bono. 3. Toties à nobis repulsus, nihil tamen de amore nostri remittit. 4. Denique à nobis præter Amorem nihil requirit. Ama (inquit) & sufficit. Ut ames porro, servandæ erunt leges & conditiones amantis, quas hac Passione suâ Christus expressit. 1. est. Ut de re amata perpetuò cogitemus; sicut Christus, ut nostri memoriam nunquam deponeret, in manibus suis nos insculpsit, vel potius insculpsit. 2. Ut de ea frequenter loquamur; *ex abundantia cordis os loquitur*: Quomodo Christus etiam in ipsa Cruce de nobis locutus est cum Patre, cumque pro nobis oravit. 3. Ut nihil æquè vereamur quàm Amatam offendere, quod nos Christus docuit, qui suam Passionem, omniaque sua, eo retulit, ut in sui nos amorem provocaret. 4. Ut totos nos impendamus in rebus Amici commendandis, & promovendis. Christus enim non sibi sed nobis laboravit. 5. Ut Amici præsentiam deposcamus: sicut Christi deliciae sunt esse cum filiis hominum: & nos in terra, in mari, in aëre, in inferno quaesivit, ut nos sibi in æterna beatitudine conjungeret, suamque nobis Divinitatem communicaret.

Septima Affectio est, Admiratio. Quæ excitari solet re aliquâ novâ, insolitâ, & incredibili. Quatuor porro sunt, quæ Domini Passionem faciunt incredibilem vehementer. 1. Quod sit passus ille, qui est gloria & gaudium Sanctorum, cujus est dignitas infinita, vita æterna, sublimitas immensa; & in cujus majestatem passio non cecidit. 2. Quod pro illis sit passus, à quibus patiebatur, hominibus vilibus, hostibus, ingratis. 3. Quod talia sit passus, qualia nullus mortalis homo: tam si cruciatus spectes, quàm si ignominias, irrisiones, paupertatem, aliaque vitæ mala. 4. Quod eum hac Passione genus humanum redemerit, ad hoc perficiendum usus est modo admirabili. Nam 1. Cum summa corporis infirmitate, summam, quâ diabolum mundi hujus Principem prostravit, conjunxit potentiam. 2. Summâ Iustitiâ, cum summa misericordia convenit, nam homini faciens misericordiam, in se sustinuit Divinæ Iustitiæ severitatem. 3. Summa sapientia eluxit in ea, quæ hominibus putaretur summa stultitia. Siquidem *Cruce Christi, Judæis quidem est scandalum: Gentibus stultitia.* Magna porro fuit sapientia. 1. Callidissimum hostem arte & patiendo superare, iisdemque armis quibus superior evaserat dejicere. 2. Tali supplicii genere nos liberare, in quo & medicinam reponeret omnium morborum nostrorum, & exempla omnium virtutum proponeret, & flammam amoris exci-

taret.

tafet. Siquidem nihil usque adeo nos provocat vel ad imitationem Christi, vel ad Amorem Dei, quam ista acerbissima Dei nostri pro nobis Passio. Hastenus Pater Costerus, de affectibus animi nostri, qui in Passionis Dominicæ meditatione excitari possunt, ac debent.

M O D V S LVI.

Quinquagesimus Sextus modus Passionem Dominicam meditandi esse potest. Considerando Passionem ipsam, tanquam ingratissimorum hominum in Deum injurias, quibus illi beneficia sibi à Deo facta indignissime rependerunt. Tali Considerationis modo, utitur ipsa Ecclesia, in die Sancto Parasceves, eumque appellat Improperia: idque ideo, quia in eo inducitur Deus improperans ingrato populo suo, beneficia sua maxima à se illi facta, injuriis acerbissimis sibi ab eodem retributa. Describo ideam Modi hujus aliquantulum, primum verbis Thomæ de Truxillo, qui ita inducit Christum doloribus mortis undique vallatum, atque dicentem. *O vos omnes, qui transitis per viam, attendite si est dolor, sicut dolor meus. Videte, quæ à Discipulo Iudæis traditum, flagellis caesum, & denique Crucifixum. Hæc Civitas, quam ego magnam coronavi gloriâ, me coronavit spinis. Hic populus, quem variis spoliis Egypti ditavi, me spoliavit. Ego ipsi mare aperui variis divisionibus, ipse verò carnes meas lacerat, & rivos sanguinis mei effudit. Ego nube eos operui, ne sole laderentur; ipsi verò faciem meam velant, ut me subsannent. Ego eos pavi caelesti cibo, ipsi verò potaverunt me aceto. Ego ex petra dedi aquam, quâ sitim sedarent; ipsi verò ictu lanceæ latus meum aperuerunt. Hastenus ille. At enim graphicè, atque etiam copiosè magis rem hanc cognoscemus ex ipsis Ecclesiæ verbis.*

Popule meus quid feci tibi? aut in quo contristavi te? Responde mihi.

Quia eduxi te de terra Egypti, parasti Crucem Salvatori tuo.

Quia eduxi te per desertum quadraginta annis, & manna cibavi te, & introduxi te in terram satius bonam. Parasti Crucem Salvatori tuo.

Quid ultra debui facere tibi, & non feci? Ego quidem plantavi te vineam meam speciosissimam, & tu facta es mihi nimis amara.

Aceto namque sitim meam potasti: lanceam perforasti latus Salvatori tuo.

Ego propter te flagellavi Egyptum cum Primogenitis suis, & tu me flagellatum tradidisti.

Ego

Concio.

Quadr.

tom. 2.

Feria 6.

in Pas-

sione

Domini

Conc. 3.

prope

initium.

Psal.

135.

Exod. 13.

Psal. 44.

Num. 20

Ex Mis-

sali Ro-

mano

Feria 4.

in Pa-

rasceva.

”

”

” Ego eduxi te de *Agypto*, demerso Pharaone in mare rubrum : &
 ” tu me tradidisti Principibus sacerdotum.

” Ego ante te aperui mare, & tu aperuisti lanceâ latus meum.

” Ego ante te prævi in columna nubis. Et tu me duxisti, ad Præ-
 ” torium Pilati.

” Ego te pavi manna per desertum : Et tu me cecidisti alapis & fla-
 ” gellis.

” Ego te potavi aquâ salutis de Petra. Et tu me potâsti felle & ace-
 ” to.

” Ego pro te Chananæorum Reges percussi. Et tu percussisti
 ” arundine caput meum.

” Ego dedi tibi sceptrum regale. Et tu dedisti capiti meo spineam
 ” coronam.

” Ego te exaltavi magnâ virtute. Et tu me suspendisti in patibulo
 ” Crucis.

” Popule meus quid feci tibi ? aut in quo contristavi te ? responde
 ” mihi.

Hactenus Improperia Domini : propriè Iudæorum ingrâtâ gen-
 tem spectantia. Similia his in meditatione formare possumus, tan-
 quam fiant à Domino ad Populum Christianum, vel ad animam
 peccatricem.

Popule meus (Redempte meus) quid feci tibi ? aut in quo con-
 tristavi te ? Responde mihi.

Ego eduxi te de captivitate diaboli : tu autem parâsti crucem Sal-
 vatori tuo, & mala omnia pro omnibus bonis retribuisti.

Ego propter nimiam Charitatem tui de Coelis descendi : tu odio
 habuisti me gratis.

Ego æstimavi te pluris quàm Animam meam : tu creaturas viles
 mihi in amore præposuisti.

Ego redemi te à morte æterna sanguine meo : tu & meum san-
 guinem, & Animam tuam diabolo vendidisti.

Ego te à peccatorum vinculis absolui : tu me vinculis peccato-
 rum tuorum usque & usque onerâsti.

Ego fide meâ oculos tuos illuminavi : tu oculos meos velâsti ; &
 tuos, diligendo magis tenebras quàm lucem, excaecasti.

Ego te veste gratiæ meritorumque meorum indui : tu me ad fla-
 gella nudasti, & te gratiâ meâ spoliâsti.

Ego te ab æternis flagellis subduxi ; multaquæ alia flagella pecca-
 torum

torum tuorum tibi condonavi: tu me flagellasti linguositate, carnalitate tuâ, aliisque sceleribus tuis quotidianis.

Ego te Coronâ & Stollâ gloriæ meæ indui: tu me spinis coronasti, purpurâ superbæ induisti, arundine vanitatis, sputis, & alapis impudentiæ tuæ illulisti.

Ego omnia subjeci sub pedibus tuis: tu me Barabbæ latroni, & latrocinantibus cupiditatibus tuis subiecisti.

Ego tibi suave jugum legis meæ imposui: tu mihi Crucis trabem & scelerum tuorum sarcinam imposuisti.

Ego te ad vitam æternam prædestinavi: tu me quotidiano in peccata consensu, ad mortem Crucis damnasti.

Ego tibi corpus meum in cibum, sanguinem in potum dedi: tu dedisti in escam meam fel, & in siti mea potasti me acero amaritudinis, invidia, fraternique odii tui.

Ego te in Paradisum reduxi, cœlumque tibi referavi: tu me domo cordis tui ejectum Cruci addixisti.

Ego te amplecti venientem volens, expandi brachia mea: tu brachia mea affixisti obstinatione tuâ, ne amplecti possem te.

Ego pro te Patrem oravi: tu & me & Patrem meum blasphemasti, & blasphemari fecisti.

Ego Animam meam pro te posui: tu te mihi ereptum sponte tuâ diabolo & damnationi ejus tradidisti.

Ego tibi Gor meum in quo te conservarem patefeci: tu me in tua impenitentia, recidivisque sceleribus tuis, sepelisti.

Popule (Redempte meus) quid feci tibi? aut in quo contristavi te? responde mihi.

Hucusque verba impropertantis Dei gravissima certè, & ipsas conterere adamantinas petras idonea. Quis enim sustineat immotus audire realiter sibi impropertantem Deum? Et tamen quis non cogitur taliter impropertantem audire sibi: si suam in mentem reduxerit, quantâ beneficia Dei in se, quanta ingratitudinis malignissima rependit fecunditate, tum in omni vita sua perditè transacta, tum specialiter in abusu Passionis Christi, quo toties Dei filium iterumque crucifixit, & sanguine pretiosissimū ejus pollutū & duxit, & fecit. Et populo quidem Israëlítico Deus impropertat beneficia temporalia, terrena, carnalia à se præstita, vicissim vero injurias, potissimum etiam corporales, ab illo sibi exprobrat redditas. Caterum Anima Christianæ peccatrici, exprobrat Deus beneficia

& temporalia quidem, sed potissimum spiritualia, coelestia, aeterna, quae incomparabiliter temporalibus sunt excellentiora: quibus beneficiis Anima rependerit injuriarum, contemptuum, ingratitude, omniumque enormissimorum scelerum, prodiones, vincula, consputationes; & quod ipsius Divinitatis intimum cor penetrantes, & ipsam illam Passionem Christi, cum omni suo merito (quantum in eis est) stirpitus eradicantes, atque cum Anima ipsa in profundum aeternae damnationis demergentes, inibique sepelientes. Quo nihil potest contingere, cogitarique in Christum injuriosius atque indignius. Sicut enim Animam in aeternum salvari morte sua, Christi proemium supremum, & ultima gloria est: sic Animam cum sanguine & morte sua in aeternum perire, suprema & ultima injuria est, extremumque meriti sui & gloriae Patris Aeterni damnū. Et quod potest esse tam ferreum, tamque rupeum os, quod possit coram Deo talia impropere vel ad momentum subsistere? Igitur Anima hujusmodi Passionis Dominicae meditatione utens, non poterit non efficacissimos concipere stimulos ad Poenitentiam fructusque dignos poenitentiae, ad humiliationem sui, ad gratiarum actionem, ad sollicitudinem melioris & Sanctioris in posterum vitae confectandae, ad redamandum ardentissime atque insatiabilissime eum, quem in se tam beneficium, tam malitiose tamque indignè habetenus à se habitum agnoscit. Et hunc ego puto esse sensum ipsius Ecclesiae: quae post recensita illa impropria ex parte Dei, illico ex parte sua, effunditur in admirabiles gratitudinis erga Deum affectus. Subjungit enim.

[Crucem tuam adoramus Domine, & Sanctam resurrectionem tuam laudamus, & glorificamus: Ecce enim, propter lignum veritatis gaudium universo mundo.] Et cetera quae sequuntur.

M O D V S LVII.

Quinquagesimus septimus modus Dominicam Passionem meditando esse potest, per quosdam titulos Christi Domini, sive officia ejus circa nos, & propter nos, in Passione sua mirabiliter exercita. Est v. g. Christus nostrarum animarum Sponsus, est noster Filius, Frater, Magister, Pastor, Pater, Deus, &c. Videatur quomodo hac omnia officia Dominus Iesus in Passione sua exercuit & explevit propter nos. Ex hoc enim copiosa consurget Materia, & Seges, cum pulcherrimarum meditationum, cum solidissimorum documentorum.

cumentorum, tum affectuum resolutionumque Domino gratissimarum. Proderit specimina aliqua dedisse, saltem juxta prædictos septem titulos.

I. *Christus, Anima Sponsus.* Legimus à Christo Domino dictum. [Relinquet homo Patrem & Matrem, & adharebit uxori sue. Itemque ab Apostolo [Viri diligite uxores vestras: sicut Christus Ecclesiam, & tradidit semetipsum pro ea, ut illam Sanctificaret.] Rursum etià ab eodem Apostolo [Despondi vos uni viro virginem castam exhibere Christo.] Ex quibus facile patet, Christum esse Sponsum animæ cujusque nostrum: quæ etià meritò dicere potest illud. [Christus dilexit me & sponsavit me sibi in fide: & tradidit semetipsum pro me, & lavit me in sanguine suo, ut exhiberet me sine ruga & sine macula. O Anima, quis est qui dilexit te? Deus utique de Deo, Lumen de Lumine, Delicium Æterni Patris, Expectatio gentium, Beatitude Sanctorum. Hic tantus ac talis, quantum dilexit te? Is qui nullius creaturæ indigus est, cum sit ex semetipso omni bono plenus, immò omne & summum bonum tui amore captum se sentiens, de sinu Patris Æterni descendit, & vestimento gloriæ deposito, servorum & exulum propriam lacernam, quin & ipsam peccatorum speciem induit, ut hac ratione commodius congruentiusque sponsus tuus fieri posset. Et certè nullo tuo merito, nullà tuâ dignitate induci potuit: sed suâ solâ supremâ, miserationumque plenissimâ charitate. Initum ergo est atque contractum matrimonium, expressusque consensus verbis illis ad Patrem. [Ego pro eis Sanctifico me ipsum: ut & ipsi Sancti sint in veritate.] At quam & quantam dotem attulisti sponso tuo ô bona sponsa? audiamus. Cœpit pavore & tœdere, contristari, & mœstus esse, & factus in Agonia prolixius oravit. Et factus est sudor ejus, sicut guttæ sanguinis decurrentis in terram. Tunc cœperunt conspuere eum, & dabant ei alapas, & colaphis eum ceciderunt, & exclamaverunt universi dicentes; Reus est mortis. Et alia multa blasphemantes dicebant in eum. Hæc & reliqua omnia quæ subsequuta deinceps sunt, dos tua sunt ô Anima, quam Christus tecum accepit. Et quam pro hac vicariam contra dotem speres? Sanè ex æquitate, non tibi deberetur, nisi æternæ damnationis super omnes misérias malitiasque tuas proprias assignatio atque inscriptio. At hoc amor sponsi tui erga te passus non est, sua potiùs bona omnia propria tibi obligavit, universa scilicet merita, omnes labores, cunctas Passiones, omnia Sacra-

Marr.

10. 7.

Ephes. 5.

25.

1. Cor.

11. 2.

Osca. 2.

20.

Ad

Ephes. 5.

Joan. 17.

19.

menta sua, ipsum etiam Corpus & sanguinem suum, ut eorum omnium bonorum ejus tanquam legitima haeres & confors possessione & fructibus gaudens atque fruens, ex ipso, dignè ipso diteris. Insuper assignavit tibi Beatissimæ & Beatificæ Trinitatis æternam fruitionem, confecto instrumento, & quinque vulnerum suorum signaculis appensis munito, & in perennem propriamque hereditatem cessit, ita ut tui arbitrii sit, & cum auxilio gratiæ ejus possessionem hanc adire, & etiam si fortè ita libeat, eam commutare, aut alienare à te. Quanquam id minimè expedit tibi. Væ etiam tibi si ita insanias. Agnoscisne tandem o anima amorem sponsi tui erga te? quo quidem ille non ab heri & nudius tertius, sed ante mundi constitutionem, charitate æternâ & perpetuâ dilexit te miserans tui, quasi non prius ipse esse, quàm & te simul diligere cœperit. Tuus verò o sponsa, tuus o Anima, erga hunc sponsum tuum, erga Amatorem tuum qualis est, quando cœptus est, quàm constans est Amor?

Matth.
12. 50.

II. *Christus, Filius Hominis.* Dictum à Domino IESU Christo est. *Omnis qui fecerit voluntatem Patris mei, ipse meus frater & soror & Mater est.* Quàm vereor mi IESU, ut tibi tanta multitudo, tanta facilitas Matrum, bene & honori cedat. Pœgnè suafor sim, tanto eas numero ne requiras, ne admittas. Quid enim, si in tanto hominum numero, quos tu matres tuas esse, quorum tu filius esse, disponis, reperiatu aliquis non unus, qui & olim, & nuper fuerit contemptor voluntatis Dei Patris tui, tu ergo tam infamis (quid enim peccato, & voluntatis Divinæ pravaricatione magis infame?) tam infamis inquam matris sustinebis esse, dicique filius? Nonne partus sequitur ventrem? non vereris ne tu ob Matrem peccatricem inter peccatores & iniquos reputeris?

Joan. 1.
46.
Joan. 7.
53.

Olim te in Nazareth educatum scientes, non dubitarunt dicere, à Nazareth potest aliquid boni esse? à Galilæa Propheta non surgit. Etiam Ioseph ac MARIA in probrum quondam cessere Christo: quid putamus futurum, si cuiuspiam improbæ & infamis Matris (animæ v. g. mææ) filius audiat IESUS: quàm ille contemptibilis hoc nomine fiet, quàm parvulus valde in populis & gentibus?

Sic est o Anima: agnosce, & mirare consilium Dei, consilium Sapientiæ. Volebat quondam Deus, filiam sibi habere, ideo creavit te, ad imaginem & similitudinem suam. Sed tu imaginem ejus in te deturpasti, similitudinem ejus in abominationem convertisti. Deus ergo volens restaurare te, & tam sibi, quàm tibi restituere,

muta-

mutavit vices rerum, ipse in similitudinem tui factus, & habitu inventus est ut homo: factus est Filius hominis, factus est denique Filius tuus, ex te sumens similitudinem imaginemque hominis peccatoris, etsi absque peccato, non tamen absque fructu, id est supplicio peccati.

Vide enim, vide in tota Passione ipsius, & adverte an filius tuus sit, qui talem tui similitudinem in sese gestat? Tuane est illa similitudo & imago expressa in IESU tristante & pavente usque ad mortem, in IESU agonisante & sanguinem sudante. In IESU tradito, capto, ligato, accusato, damnato blasphemato? In IESU colaphisato, conspuo, concusso, livido, sanguinolento? Tuane (ô Anima) lineamenta sunt illa in IESU saucio & conscisso flagellis, confixo spinis, illuso sannis, postposito maleficis, addicto ad patibulum crucis? Anima; Ecce Homo. Vide illum & inspice, speculum tibi est, tu in eo reluces, tu notaris illo dictorio. *Egredimini Cant. 3. filie Sion, videte Regem Salomonem in diademate, quo coronavit eum* 11.
Mater sua non alia certè, quàm tu ô Anima. Intuere quæso te, livores illos, vulnera illa, sanguinem illum, gusta fel, myrrham, acetum illud, tracta clavos, tolle crucem, excipe opprobria, convitia, ludibria, contumelias, contemptus, nuditatem, dolorem, confusionem. Quid hic non tibi simile? quid hic non tuum? quid hic non instar tui? Ergo iste IESVS filius tuus, filius hominis, filius peccatricis Matris est! Ecce dolent super eum, sicut doleri solet in morte unigeniti. Tibi ne soli, non erit filius iste, & filius quidem tuus iste, ac talis, non erit in planctum. Immo verò videant & aspiciant eum ceteri, quasi unigenitum à Deo Patre vel à virgine Matre, plenum gratiæ & veritatis, speciosumque formâ præ filiis hominum: at tu peccatrix Mater, hunc unigenitum tuum, aspice quoque virum dolorum, percussum à Deo, & humiliatum, captum, & attritum in peccatis tuis. Genuit illum Cœlestis Pater, Deum de Deo, consubstantialem sibi, coæternum, coæqualem, candorem lucis æternæ, & figuram substantiæ suæ; Genuit illum & virgo Mater, etiam in splendoribus Sanctorum, expectationem gentium, desiderium collum æternorum, Salvatorem Mundi, Principem pacis & Patrem futuri sæculi. Tu autem ô Anima, quem genuisti eum? nonne Filium Doloris, filium amaritudinis, filium iræ & luctus? Iudæis scandalum, gentibus stultitiam, contemptibilem valde, & abjectionem plebium, sementem & messem myrrhæ & confusio-

nis, atque fuctus æterni electis omnibus. Ecce hic est ô Anima Filius tuus, ecce tu talis Mater ejus.

3. *Christus, Frater noster.* Ipse enim est primogenitus in multis fratribus: neque confūditur vocare nos fratres suos, quos scit electos esse Patri suo ante mundi constitutionem: & quibus data est potestas Filios fieri, ejusdemque hæredes, cohæredes autem suos.

Licet hoc loco cogitare omni homini, quomodo hic amantissimus nostri frater, Deus-Homo Christus IESVS unumquemque nostrum in Baptismo per sanguinem suum ablutum adscivit sibi in fratrem, & admisit ad propriam sibi hæreditatem gratiæ & dilectionis, & beatitudinis æternæ. Hæc est enim hæreditas, & non rapina ipsius, quam quidem hæreditatem, partim re, partim spe adiit quisque nostrum in regeneratione, eaque frui poterat, & debebat, tum hic totâ vitâ suâ, tum in altera vita, per totam æternitatem; at ego insipiens quasi pertæsus tanti boni, tamque opulentæ possessionis, abii cum filio prodigo in regionem dissimilitudinis valde longinquam, & ibi dissipavi omnem substantiam meam, & demum extremam ad inopiam redactus, cum nec porcorum cibus mihi suppetere, incidi sponte quidem meâ in manum, de qua non poteram ullis meis aut creatis viribus surgere, multoque minus ad Patrem, aut ad fratrem meum, hæreditatemque deperditam redire.

Quid hic faceret ille, cuius natura bonitas, cuius viscera miserationis & charitas? fecit, quod fratrem decuit? Factus est supplèx Patri pro me, in sanguine suo lavit me, debita omnia mea à se de suo solvenda recepit in se, vulnera mea excepit in corpore suo, & me quantumvis præ mentis inopia periculi mei ignarum, præ vulnerum enormitate, dolorisque acerbitate stupidum, & sensus sani expertem, velut peritissimus medicus, simulque amantissimus frater atque Pater, integræ, suo licet impendio & dispendio, restituit sanitati.

Gratiæ tibi Domine IESV, & immortales quidem gratiæ, quando enim ludebam ego foris in platea, tunc in secreto regalis cubiculi ferebatur in me mortis sententia. Audiit hoc unigenitus Dei, & posito diademate, sacco indutus, respersus cinere caput, nudus pedes, flens, & ejulans, quod morte damnatus essem ego frater, magis autem servulus ejus: nesciebam, sanus mihi videbar, & ecce mittitur filius Virginis, filius Dei altissimi, & jubetur occidi, ut pretiosissimo sanguinis sui balsamo, vulneribus meis medeatur. Si hæc non fuissent ad mortem, non fuisset necesse pro iis Dominum IESV

svM Christum mori. Et adhucne ludam & deludam lacrymas, immo sanguinem, vulnera, mortem ejus?

4. *Christus, Magister & Doctor noster.* Illi dictū est. *Magister, sci- mus quia verax es, a Deo venisti; Magister: & viam Dei in veritate do- ces.* Huic testimonium dedit ipse de Cœlo Pater, ipsumque *audiri* præcepit, cui & consonat oraculum Prophetæ dicentis. *Erunt ocu- li tui videntes præceptorem tuum.* Et quidem dubitandum non est, Deum fuisse ab initio conditi hominis Præceptorem ac Magistrum, in ipsa siquidem creatione, *signatum est super nos lumen vultus Divi- ni:* & in ipso Paradiso præceptum homini posuit eruditionis ejus gratiâ. Deinde verò in lege veteri, ad docendum populum suum viam iustitiæ, tradendamque legem disciplinæ, descendit in mon- tem Sina, ibique digito suo scriptam in tabulis legem, eidem por- rexit, adjectis tum comminationibus suppliciorum, tum promissio- nibus præmiorum. Cæterum per illa tempora, paucos admodum dociles diligentesque habuit discipulos Deus, adeo ut ausi sint dice- re aliquando. *Non loquatur nobis Dominus.* quin etiam eo progres- si sunt, ut dicerent Deo, *recede a nobis, scientiam viarum tuarum no- lumus.* Indocilitatis hujus causa non postrema fuit, invisibilitas magistri, vocem enim audiebant, sed loquentem atque doctorem non videbant, inde fastidium, inde tædium, inde vilipensio, non tantum doctrinæ, sed etiam Doctoris ipsius. *Novissimè ergo cepit nobis loqui Deus in filio,* ipsa Dei sapientiâ in vero homine apparuit, & nos viam prudentiæ docere instituit. Postquam ergo vel primam in stabulo & præsepi lectionem suam prælegit suâ paupertate, nudi- tate, contemptu mundi & sui, pannis suis, fasciis suis: subito effica- cia ejus doctrinæ sese prodidit: mox enim discipuli novi conspirante dicentes. *Transgamus usque Bethleem, & videamus hoc verbum, quod factum est, & Dominus ostendit nobis.* Quid multa? Hujus sapientiæ vita universa in carne, magisterium fuit nostrum: dicente ipsamet: *Discite a me, quia mitis sum & humilis corde.* & rursum. *Vos (ait) vocatis me Magister & Domine, & bene dicitis: sum ete- nim.* si ergo ego Magister & Dominus, *lavi pedes vestros; & vos debetis alter alterius lavare pedes.* Exemplum enim dedi vobis, ut quem- admodum ego feci, ita & vos faciatis. Maximè tamen in Crucis Cathedra, hoc suum cœleste magisterium Doctor & Magister no- ster nobis exhibuit & consummavit: ibi enim omnis suæ Sapientiæ, omnis doctrinæ, omnis eruditionis specimina exemplaq; exhibuit:

Matth.

21. 16.

Isa. 30.

20.

Psal. 4.

7. 1

Exod.

20. 19.

Iob. 21.

14.

ad Hebr.

1. 2.

Lucas.

15.

Matth.

11. 29.

Ioan. 13.

13.

& ex.

- Ioan. 19.** & exhibita tandem ultimare per vocem illam, *Consummatum est*, conclusit. Restat ergo, ut omnis, quicumque viam salutis invenire, & addiscere vult, quisquis se iam discipulum Magistri hujus proficetur, ad Crucifixum Dominum accedat: & eum tanquam Magistrum discipulus audiat, tanquam librum lectionum legat, tanquam speculum & exemplar imitetur, atque in se exprimat. Idem enim est unusquisque nobis, & Magister, & Liber, & exemplar omnis doctrinae, seu veritatis atque virtutis, Iustitiae, atque Perfectionis. Vis o homo discere Charitatem Dei, & Obedientiam? audi, lege, imitare: *Ut cognoscat mundus, quia diligo Patrem, & sicut mandatum dedit mihi Pater, sic facio; surgite eamus.* Vis dilectionem proximi etiam inimici? audi, lege, imitare. *Majorem hac dilectionem habet nemo, quam ut animam suam ponat quis pro amicis suis.* Et. **Luc. 23.** *Pater ignosce illis, quia nesciunt quid faciunt.* Vis Paupertatem nuditatemque Evangelicam? audi, lege, exprime. **Matth. 8.** *Vulpes foras habent, volucres Caeli nidus, filius autem hominis non habet, ubi caput reclinet.* Vis Contemptum tui, & neglectum etiam ab amicis & notis? audi, lege, imitare. **Ioan. 16.** *Venit hora, & nunc est, ut unusquisque dispergatur in propria, & relinquatis me solum.* Et. *non sum solus, sed qui misit me Pater, mecum est.* Vis sterilitatem & exilium cordis, in laboribus, in doloribus, in conatibus, propter Dei gloriam, & salutem hominum? Audi Magistrum, lege librum, imitare & exprime exemplar. *Deus meus, Deus meus, ut quid dereliquisti me?*
- Matth. 27. 46.** *5. Christus, Bonus Pastor.* Hunc ipse sibi indidit honoris gratiam titulum. *Ego (inquiens) sum Pastor ille bonus, & animam meam pono pro ovibus meis, & cognosco oves meas, & cognoscunt me mea.* **Ioan. 10.** *Sicut novit me Pater, & ego agnosco Patrem, & animam meam pono pro ovibus meis.* Propterea diligit me Pater, quia ego pono animam meam pro ovibus meis. Iam attende o Homo, an hac magnificentius dixit, quam fecit Bonus iste Pastor? attende quando, attende qualem, attende ubi, cognoverit te ovem suam Pastor iste bonus? Nonne tu eras Ovis illa perdita, errans, vaga, desperata? Nonne tu eras Ovis illa in faucibus & dentibus, & visceribus lupi diaboli, lupi inferni, lupi peccati? Nonne tu eras Ovis illa, cujus gratiam, in montibus Pastor bonus reliquit nonaginta novem oves, & descendit ut quareret, inveniret, e faucibus perditionis erueret, in humeros suos tolleret, & ad caulas ovium suarum aliarum deportaret te? gaudiumque faceret amicis suis de inventa te? Nostin Pastorem hunc tuum

Enc. 15.
8.

tuum ô Ovis? Nôsti quantis se objecit lupis, apris, ursis, molossis, leonibus, omnibusque aliis feris pelsimâs, pro te? Nôsti quomodo dilaniatus sit, devoratusque sit; propter te? Confer quâlo te, tuam villitatem cum Pastoris dignitate, tuam inutilitatem cum Pastoris pro te sumptu, tuam ingratitudinem, cum Pastoris pro te generositate. Tantis ille, pro te tantilla ovium, tabidarum ferarum præda factus est, ne tu ullius earum præda esses.

Et quid desiderat talis iste Pastor tuus à te? Aliud omnino nihil, quàm ut cognoscas eum: quàm ut audias, & noveris vocem ejus: quàm ut alienum non sequare, ipsum autem solum & unum & semper sequare. Quæ quidem est tua æterna vita: nôsse nimirum *Joan. 17.*
solum verum Deum, & quem misit ille IESUM Christum. 3.

Attolle oculos Anima mea, Christi ovicula; attolle & in Crucis ligno desige. Viden' illum in Cruce virum dolorum & scientem infirmitatem, illum despectum & quasi leprosum, illum vultu absconditum, & novissimum virorum, illum à planta ad verticem sine sanitate, illum attritum & percussum à Deo, illum maledictum factum, illum verum & non hominem, opprobrium hominum & plebis abjectionem? Quid tibi videtur de spectaculo isto? Videsne, agnoscesne, quomodo fera pessima peccatorum & suppliciorum tuorum devoravit, laniavit, absorbit Pastor tuum. Vides quomodo, & ad quantam usque delasationem depugnâvit pro te Pastor tuus: vides quanta ex voragine, quantis ex abyssis perditionis, extraxit te, & eripuit te, Bonus iste Pastor.

Væ cecitati meæ, si hæc necdum agnosco. Væ ingratitudini meæ, si adhuc ingratus Pastori meo invenior. Væ malitiæ meæ, si adhuc peccatis meis, voluntatibus meis, voluptatibus meis, ruinis meis, vel per umbram afficio? Væ stultitiæ meæ, si necdum adverto, necdum æstimo, quantum Pastor meus æstimavit me, quantum laboravit pro me, quantum pretium effudit in me.

Audite vocem Pastoris Boni, Pastoris vestri oves quorquor estis *Lev. 19. 2.*
Christi. Vox ejus illa est: *Sancti eritis, quoniam & ego Sanctus sum.* 1. *Petr. 2. 16.*
Vox ejus est illa: *Perfeci estote, sicut & Pater vester Cælestis perfectus est.* Vox ejus est illa: *Exemplum dedi vobis, ut quemadmodum ego feci, ita & vos faciatis.* Vox ejus est: *Qui non bajulat Crucem suam, & venit post me, non est me dignus.* Vox ejus est illa: *Qui vult venire post me, abneget semetipsum, & tollat Crucem suam, & sequatur me.* *Joan. 13.*
Ecce notas, ecce indolem ovium Christi, Interrogamus 15.

Luc. 14. conscientias nostras: quomodo respondeamus Pastori nostro, quan-
17. tum progressi simus ambulantes post Pastorem nostrum, bajulan-
Matth. tes Crucem nostram, abnegantes nosmetipsos propter ipsum? Heu
8. 7. quam infelix est Pastor noster, quantam sterilitatem retributam a
 nobis habet, quam nullam segetem bonam, præter lolium, lappas
 & zizania colligit, quam nos non oves sequaces, & obedientes, sed
 hædos, maleque olentes hircos experitur & queritur.

Isaie 46. 6. *Christus, Pater noster.* Illius hæc est Professio: dicit enim. *Au-*
3. *dite me domus Iacob, qui portamini à meo utero, qui gestamini à mea*
Ibid. *vulva. Usque ad senectam ego ipse, & usque ad canos ego portabo.*
V. 9. *Ego feci & ego feram, ego portabo & salvabo. Quoniam ego sum Deus,*
& non est ultra Deus, nec est similis mei. Verè Deo nostro, Patrique
 nostro, nec Deus nec Pater similis est. Quis enim unquam Pater
 posteaquam genuit filium, nihilominus eum in utero suo portavit?
Act. 17. at quod est insolens hominibus, hoc quotidianum immo genuinum
28. 29. atque propriissimum est Deo Patri nostro. *Genus enim sumus ejus;*
& in ipso vivimus, movemur & sumus. Et quidem non tantum pu-
 siones innocentuli, immaculati, ipsâ innocentia primavâ amabi-
 les, & commendati, sed nos filii mali, nos generatio mala atque per-
 versa, nos infideles filii, nos generatio prava & exasperans. nos in-
 veterati dierum malorum, nos in sanguinibus geniti, atque voluta-
 ti, nos neque aquâ loti, neque circumcisi, nec oleo foti, nos filii pro-
 digi, adulteri, spuria vitulamina, nos denique nihil filiorum (nisi
 fortè filiorum diaboli) habentes: nos tamen tales, portamur ab
Matth. utero Patris nostri, cui quotidie dicere audemus. *Pater noster qui*
6. 9. *es in Cælis.*

Heu me Deus meus, heu me Pater meus: ut quid me genuisti fi-
 lium doloris tui & ignominie tue? Ergone ego filius, ego tuus di-
 car: à te habebor, à tuis visceribus portabor? Ego qui te Patrem,
 Nutritiumque & Bajulum meum, adeo amantem, diligentem, se-
 dulum, indefessum, tantis affeci molestiis, tantis replevi contume-
 liis, tantis oneravi injuriis, tantis exasperavi iniquitatibus, tantis re-
 puli contemptibus, tantis saturavi opprobriis, tantis concidi vulpe-
 ribus, tantis affixi crucibus, tantis jugulavi mortibus.

Heu me Pater mi! ecquid ego in te Paternum unquam recogno-
 vi, quo ego te unquam Patrem filius sceleratus honore affeci? qui-
 bus ego tuis Paternis unquam mandatis obediui? Ostendit & cla-
 rat hoc universa Passio tua, dura Crux tua, cruenta mors tua, quâ
 ego

ego egregius scilicet filius tuus, tibi Patri meo intuli: clamat inquam
& ostentat, qualis ego, & quam dignus te filius tuus.

Tu genitor meus; ego autem interfeutor tuus. Tu auctor vitæ
meæ; ego auctor mortis tuæ. Tu salus mea; ego perditio tua. Tu
me nutritivisti, omni nutritoze fidelius; ego nutrimentum tuum in
venenum meum, in nauseam tuam converti. Tu dedisti mihi non
partem, sed omnem substantiam tuam; ego prodigalissimus filius,
prodegi omnem drillam, vivendo luxuriose. Tu ô benignissime ge-
rulam, gestabas me in ulnis tuis; ego autem petulantissimus passio, ad
eque sanguineum sudorem adegi te insolentis meis. Tu super ge-
nua blandiebaris mihi: ego verò stolidissimus puer faciem tuam
patenam, & ungibus laceravi, & palmis pugnisque cecidi, & in-
super sputis conaspureavi. Tu me ad ubera applicabas, pectuscula
tuo admovebas, brachiis tuis tibi adstringebas: ego verò insolentis-
simus puerosum, omni protervia excutens teneros amplexus tuos,
fodi & perfodi manibus tuas, pedes tuos, latus tuum, laniavi pectus
tuum, cruentavi vultum tuum, sauciavi caput tuum. Tu me ma-
gis tuis oculis, tuo corde magis, magis tuâ vitâ, amabas, & astima-
bas; ego autem & insidiator, & proditor factus sum vitæ tuæ, factus
sum patricida & Deicida tuus. Sic sic Tibi ô Pater, ô amabilissime
Pater, bellè successit, omnis tua paternâ circa me benignitas, sedu-
litas, dignatio, indulgentia, pietas. Neque tamen tu isto adeo inse-
lici successu fractus, deseris circa me paternam suavitatem tuam.
Sed usque in finem diligens me, inclinas caput & os tuum, porrigens
mihi osculum, & veluti proloquens benedictionis & gratiarum actio-
nis verbum, quod me expertus sis adeo protervum, adeo refracta-
rium, adeo truculentum. Vale (inquis) fili mi, cujus manibus &
sceleribus occidit: an fortè quondam ingratitudinem tuam hanc
mutabis in dilectionem: an fortè quondam pudebit te, facinorosa
adeo impudentia tuâ: & eam convertes in ambrosiosam benevolen-
tiam atque pietatem; an fortè abhorrebis tam rabiosam crudelita-
tem tuam in me; eamque transformabis in germanè filialem cha-
ritatem tuam erga me.

Videte, ô universi filii hominum, immo verò, omnes Filii Dei,
omnes filii huius tam boni Patris; videte inquam, charitatem ejus,
& impietatem vestram. Ille sic dilexit nos. At idem sic despectus
est per nos. Ille sic omnis Optimi Parentis partes implevit. Nos
contra sic omnes improbissimorum filiorum partes superimplevi-
mus, & superexcessimus.

Et quamdiu hoc erit? quamdiu sic certabimus impietate nostrâ, cum ejus pietate? O tandem tandem, ab hac infatigabili Patris nostri erga nos dilectione ac sedulitate, condiscamus invincibilem incessabilemque erga Patrem nostrum observantiam atque charitatem.

Isaie 9.
8.

7. *Christus, Deus noster.* Isaïas hoc testatur dicens. *Parvulus natus est nobis, & factus est Principatus ejus super humerum ejus: & vocabitur nomen ejus Admirabilis, Consiliarius, Deus, &c.* Hic Deus per omnia quidem & Deus, & magnus Deus, & admirabilis Deus est: at specialissime talis est in opere Redemptionis nostræ. quod idem ille Propheta Isaïas à longe quidem, attamen in spiritu Evangelico prospiciens simul & admirans, explicavit, hisce verbis: *Sicut in valle, quæ est in Gabaon, stabit Dominus & irascetur: ut faciat opus suum, alienum opus ejus: ut operetur opus suum, peregrinum est opus ejus ab eo.* Quid sibi vult ista loquendi ratio? Si suum opus, quomodo alienum ab eo? si opus suum? quomodo idem opus peregrinum ab eo? si faciet opus suum, quomodo alienum, quomodo peregrinum à se, erit quod faciet? sed nimirum hæc est natura Redemptorii operis: ut & Dei sit, & alienum ab eo sit. Videamus hoc paucis.

Isaie 28.
21.

Proptium est Deo: amare seipsum amore sibi adæquato: alienum opus ab eo, sibi met ipsi quodammodo irasci; attamen in Redemptionis opere Deus adversum semetipsum sustinuit contradictionem. & Pater filium suum in pœnis peccatisque nostris dereliquit, percussit eum propter scelera, re quidem vera nostra, ipsi tamen in pœnam imputata.

Proptium est Deo Patri, coæqualem habere Filium, cumque eo spirare coæqualem sibi Spiritum Sanctum, & dicere illi. *Filius meus es tu, ego hodie genui te.* Alienum opus à Deo dicere & re ipsâ facere, Debitor & reus meus es tu, hodie occidi te, propter scelus populi mei, & super te posui vindicavi que iniquitates omnium.

Ezech.
18.
V. 20.

Proptium est Deo: justum cum impio non perdere, multò minus pro impio. *Sed anima quæ peccaverit, ipsa morietur; Pater autem non portabit iniquitatem filii, &c.* Alienum opus à Deo pro impio punire iustum, pro nequam serve tradere dilectum filium, pro redimendo peccatore homine, occidere & innocentem, & Deum, & hoc factum videmus à Deo.

Proptium Deo: gloriam suam alteri nemini dare, sed eam ut sibi

per

per omnia debitam omnem exigere. Alienam à Deo, tradi ad illudendum, conspuendum, flagellandum, crucifigendum, occidendum. In opere Redemptionis hoc fecit Deus.

Proprium Deo, ut sit *in pace locus ejus*, ut beatus, felix, securus sit per omnia. Alienum, pavere, tordere, contristari, mortuum esse usque ad mortem, agonizare usque ad sanguineum sudorem, pati, deficere, languere, lacrymari, mori. Omnia hæc sunt opus Redemptionis.

Proprium Deo est, Dominum & Principem Regemque Regum esse, in sua ditione cuncta posita habere. Alienam ab eo est, in laboribus esse, à juventute sua: servire in peccatis alienis: induere formam servi usque ad mortem Crucis. Denique dicere & reipsa præstare. *Ut jumentum factus sum apud te, & ego semper tecum.* Psal. 72. 23.

Opus Redemptionis tale est. Denique Proprium est Deo: nulli debere quidquam. Quis enim prior dedit illi, & restitueret ei? Alienum à Deo, esse debitorem, & quæ non rapuit, exsolvere nihilominus usque ad rigorem, ad novissimum quadrantem, ad infinitum insuper excessum. Hoc tamen in Opere Redemptionis factum est.

Hæc omnia, similiaque opera fecit Deus: & fecit quasi iratus, & irascens. Simul tamen etiam miserans & ignoscens. Irascens peccatis eaque vindicans. Ignoscens peccatoribus eosque salvans. Huic plusquam merito occine anima mea. *Fortitudo mea, & laus mea, Dominus, & factus est mihi in salutem.* Isæ Deus meus, & glorificabo eum, Deus Patris mei, & exaltabo eum. Exod. 15. 2.

Plures hujusmodi Patientis Christi titulos poterit quisque per se non difficulter reperire: & à nobis alio loco plures collecti, atque aliquantulum explanati sunt.

M O D V S LVIII.

Quinquagesimus octavus modus meditandi Passionem Domini nostri esse potest; conferendo ea, quæ cum Christo, & à Christo gesta tolerataque sunt in Passione, cum his quæ in morte cujusque hominis (iusti impiiue proportionaliter) geruntur, ab eove tolerantur: ut ex his meditator, & condiscat negotium mortis, quàm arduum sit, simulque artem & modum mortis, quo idem negotium peragendum sit. Dabo ejus meditationis aliquod specimen, quod perficere pro suo arbitratu atque gustu cuique primum erit.

*Possidius
in vita
August.
c. 35*

IESVS ergo ante Passionem & mortem suam, lavit pedes discipulorum suorum. Homo quilibet Morti se vicinū sentiens, rationabiliter lavare debet, & quā absolutissimā Sacramentali confessione, poenitentiaque expiare conscientiam suam. Memor illius, quod sapientissimus Augustinus monuit tam verbo, quā exemplo proprio. Quantumlibet perfectum sacerdotem, neminem debere sine poenitentia, ex hac vita decedere.

IESVS ante mortem admirabile Humilitatis, tum præceptum, tum exemplum edidit. Moriturus homo, quā maxime sese ad mortem humilitate mentis, contritione cordis, contemptu mundi, vilipensione, & diffidentia sui demittere, & committere, & solidare debet.

IESVS moriturus Sanctissimo Eucharistiæ Sacramento, tanquam viatico extremo, sese pavit; & suos discipulos confortavit. Moriturus homo absque huius sacratissimi viatici provisione eaque confortatione, item absque Sacra, & ad mortis, & diaboli, tali maxime horā sævientis insidiantisque luctam, extremæ simul ac utilissimæ unctionis manimine, progredi non debet.

IESVS moriturus gravissimis & suavissimis de Charitate unitioneque cum Deo & proximo sermonibus, affectibus, ignibus, sese, omnesque præsentis viros, inflamavit. Et moriturus homo, omni quidem statui animæ suæ congruo affectuum & cogitationum genere, at potissimum Divinæ & proximorum Charitatis studiis, exercere atque saginare animam suam quā maxime curabit. Nunc quidem corde contrito & humiliato universalem pro suis omnibus & singulis peccatis planctum indicendo. Nunc ignitos Charitatis affectus in Divinum cor de corde suo ejaculando. Nunc desiderijs assidujs, è corporis vinculis, peccatorumque laquejs evolandi, ad Deum verò perveniendi, assequendo. Nunc sese plenissimā suā voluntate in omnem Dei circa se voluntatem, & ordinationem resignando. Nunc omnes ab alijs quibuscunque, quomodocunque, offensas oblitas, ex corde suo eliminando, in sanguine vulneribusq; Christi sepeliendo, & propter Charitatem Dei medullitus condonando.

IESVS Passionis & Mortis suæ primordia ab Horto Getsemanico & Oliveti Monte, exorsus est. Nimirum peccatorum & mortis humana miseria calamitasque, in Paradisiaco horto inchoata, in horto vicissim initium remedii sumere debuit, ut ihimicus noster, qui

qui in horto vicerat, in horto quoque vinceretur. Sed & homines d scere oportet, nusquam mortem non timere, nusquam non meditari, nusquam ob memoriam oculosque non habere, etiam in horto, etiam in Paradiso voluptatis, & in statu felicissimæ Dignitatis.

IESVS in Horto cœpit pavere, trœdere, contristari, & mœstus esse. Ista est imago moribundorum Hominum in quovis statu degentium, & ad mortem pergentium: quis est enim, qui si sua mala ut par est nôrit, non repetat cum Sancto Iob *Tedet animam meam* *Job. 10.* *1.* *Eccl. 41.* *2.* *vita mea?* Quis mortalium præsertim amantium hanc vitam, & habentium pacem in substantia sua, est talis, qui ad nuntium mortis amaritudine non repleatur, non metu & mœrore concutatur?

IESVS initia Passionis Mortisque suæ oratione ad Patrem, avulsionem à discipulis, sollicitudine pro iisdem, & ad eisdem revulsionem, consecrat. Id ipsum præstandum mori piè & Christianè volentibus: avellant omnem animum, affectum, à rebus huius sæculi, & curas suas ad æternitatem procurandam transferant. Totos sese voluntati Divinæ, & orationi impendant, quæ verò muneris & obligationis ipsorum sunt, ita non omittant, ut etiam talibus licet in horis suæ curæ commissos ad Deum ducere, ad meliora hortari, contra tentationes munire, non negligant: scientes nulli quàm obedientiæ actioni sanctius Dei servos & Christi imitatores immori posse.

IESVS ab Angelo confortatur. Inter morborum & mortis pericula laboresque maximè opus est Angelicâ custodiâ atque præsidio: tunc ergo maximè Sanctorum Angelorum emerenda præsidia, tunc exposcenda contra adversarias potestates eorundem auxilia.

IESVS Imagine & memoriâ Mortis dolorumque illius percellitur agonisat. Si tantus gigas tantum horrore mortis, percellitur: quis miretur, percelli hominès misellos & ipsâ fragilitate fragiliores? Magis mirandus plerorumque mortalium lapideus stupor, qui mortis memoriâ usque adeò non percelluntur, non ad meliora consilia, à pessimis profligatissimisque studiis, & moribus pertrahuntur, ut abjectum nescio quid & plebejam dicant, ob metum ingruentis mortis, animo piè commoveri, agitare conversionis ac pœnitentiæ consilia, rationes cum conscientia & Deo inire, æternæ damnationi remedium quarere, Deo reconciliari velle. O brutam generositatem! ô ipsis dæmonibus ridendam, an lugendam!

Job. 41.

15.

dam animi, scilicet, firmitatem. *Overe cor impiorum indurabitur tanquam lapis, & stringetur quasi malleatoris incus.*

IESVS sanguinem sudat moriturus. O incredibiles mortientium & agonisantium hominum angustias. Dominus IESVS, ipsa licet Innocentia, atque Sanctitas, Deus licet simulque Homo: licet per sese robustissimus, licet ab Angelo etiam confortatus, tamen appropinquans ad portas mortis, & in agone positus, sudat & sanguinehi quidem sudat, præ cordis & sensus totius angustia. Quid quæso hominibus miseris, fragilibus, flagitiorum confectis, de salute periclitantibus, undique circumseptis, partim doloribus mortis, partim gemitibus inferni, partim angoribus conscientie, partim diabolicis tentationibus, partim Divini districtione Iudicii, quid inquam hominibus angustiarum in illa hora non accidit? Utinam hoc præcogitent mortales morituri, moribundi que homines.

IESV agonisante dormiunt discipuli. Sic sic hominibus in morte positis accidit quotidie, agonizat ille vel ille, eternitatis vias ingreditur, morborum doloribus in mortem urgetur, interea vero domestici ejus de statu animæ morientis tam sollicitè agunt, quam dormientes vigilantium curam gerunt. Et illi quidem corpori medelam provident, illi steriles fundunt lacrymas, illi ad spem propinquantis hereditatis, in corde latantes, ite tardè moriatur, nevé convalescat moribundus, solitudinem intra se gerunt: propinquam certamque mortem plerique dissimulant, nec tali nuntio infirmum scilicet percellere audent. *O inimici hominis domestici ejus.*

Matth.

10. 36.

IESVS osculo ad mortem traditur. Ita est: Amores nostri tyranni nostri, delicia nostræ venena nostra: ibi maximè lethaliter vulneramur, ubi suavissimè deliciamur. Inde nobis laqueus mortis necitur & iniicitur: unde omnia secura, tuta, amica, blanda, salubria expectabamus spondebamurque: quam sæpe dum ludimus lædimur, dum maxime vitam nobis vivere ingredi; medullas ejus videmur, ipsas mortis fauces nos subintrasse experimur. Denique omnes creaturæ, omnia bona hujus vitæ, quid sunt, quid agunt nobiscum, nisi nos Iuda traditoris osculo osculantes, in mortis extrema perniciem præcipitant. Osculatus est, gustavit pomum primus Adam, sed illo gustu & ipse mortem hausit, & toti generi suo, nobis scilicet omnibus propinavit, immo nos inebriavit. Discite homines inter blandimenta creaturarum à Christo dicere, & discernere, Amice ad quid venisti? Iuda osculo filium hominis tradidit? osculo homicidium perperas?

IESVS

IESVS capitur, ligatur, ad Iudices & examen trahitur. Iudicatur, damnatur, plectitur. Hac tota gestorum circa Dominum nostrum series, imago, & idea est hominis morientis atque mortui. Etenim tunc miser homo funibus peccatorum subrum in anime constrictus, prater eaque morborum vinculis dolorumque in corpore ligatus, ab infernalibus lictoribus, tanquam a leonibus prae paratis rugientibusque adescam, ante tribunal Iudicis Dei sistitur. Ah quid non ibi obiectant misellae Animae, amarissimi exprobratores, accusatoresque? O quomodo non facta infectaque, vera & falsa in medium proferunt? quomodo non omnia in majus augent? quomodo non desperationis laqueos neclunt? quomodo de conscientiae libro depromunt? Nos audivimus, nos vidimus hunc dicentem, committentem, delinquentem. Heu quoties inclamant contra miserum hominem? Reus est mortis, reus est. Blasphemavit, Deum contempsit, Majestatem violavit, voluntatem transgressus est. Huic accusatorum furori, si merita mala Animae, si aequa Iudicis sententia suffragatur: heu quomodo tunc exclamatur, quomodo insultatur, quomodo expulsi in faciem, quomodo colaphisatur, palmis caditur, & denique tota aeternitatis nocte plectitur torqueturque, Anima infelicissima!

IESVS flagellis caditur, sive ut Pilatus agebat corripitur & emendatur. Idem spinis coronatur, Miserrimus Rex dolorum illuditur. Hac omnia & sunt hominibus documenta moriendi, & Paradigmata morientis. Quam enim multiplex numerosusque carnifex Conscientia? quam innumeris succincta flagellis obstrictam Animam surdo quidem, at saxo verbere cadit? Omni cum veritate dicere potest. *Tota die flagellatus sum, & castigatio mea in matutinis, & in vespertinis, & in profundis usque noctibus.* Iam quantae spinae, huius vitae cura? quam vaeu & inanes arundines, hominum spes fallaces? Porro quid melius consultiusque fecerit homo sancte & pie moriendi cupidus, quam ut dum tempus habet operetur bonum, & semetipsum iudicet, corpus suum castiget, totum se in servitutem redigat, semetipsum coarctet, & constringat, viasque suas omnes spinis circumsepiat, ut non cum hoc mundo à Domino iudicetur, damnetur, corpiatur. *Horrendum enim est incidere in manus Dei viventis.*

IESVS ad Crucem postulatur, addicitur, eadem oneratur, eadem affigitur, in eadem quantumvis acerbissime linguis configitur, acetoque

Psal. 72.

14.

Ad
Heb. 10.

31.

acetoque potatur, constantissime tamen & mansuetissime perseverat. O Hominem ter felicem cui hæc ad mortem panditur, paratur, donatur via! Crucis scilicet atque crucifixionis, & in Cruce constantissime mansuetissimeque fortitudinis, atque consummata mortis. Quid huic ad salutarem sanctamque mortem desit: qui ipsissima premit vestigia Domini Crucifixi? In Patientia vestra (ait Dominus) possidebitis Animas vestras. Igitur quisquis ad societatem Sanctæ & beatæ Christi mortis anhelat, tolle Crucem post JESUM, mortificationem IESU Christi in corpore tuo, magis autem in spiritu tuo circumfer. Sit tibi mundus crucifixus & tu vicissim mundo; abstine tibi gloriari, in ullo alio bono, nisi in Cruce Domini JESU Christi. Cui etiam configaris in eadem Cruce, & omne acetum tribulationum, omne fel amarissimarum linguarum, omnem myrrham deirectantis sensus, ne refuge, sed exhauri, adeo avidus, ut etiam superabundante desiderio Crucis Domini, animose clames, Sitio, Sitio. Sitis enim siti Crucem suam, a servis suis JESUS Crucifixus.

JESUS in Cruce Patrem pro Crucifixoribus exorat. Paradisum latroni largitur. Matrem discipulo, discipulum Matri commendat. Suam & sitim non minus Amoris, quam Doloris & a Patre derelictionem manifestat. Omnia consummata esse in se, & a se, protestatur; denique Spiritum suum purissimum piissimumque, in manus Patris tradit, & dimittit, sed in Cruce, sed de Cruce. Et hic esse regulam ideamque Sanctæ & consummatæ in Domino mortis, evidentius est, quam ut explicatione longiori egeat. Sancta mors usque adeo non fovet inimicitias, ut etiam pro inimicis in bonum eorum sit sollicitissima, apud Deum Sancta mors nihil sibi reliquum reservat, sed vel ipsa Paradisi bona, in egenes & petentes distribuit. Ad Sanctam mortem nullum tempus vitæ importunum est, dum modo, vel in extremo halitu JESUS crucifixus ametur, & crux ejus sincero corde acceptetur. Quid verò ad sanctam mortem tam requisitum, quam Patrocinium & refugium Dei Matris? Quis Sanctius atque securius mori potest, quam cui Mater MARIA, quam qui filius factus MARIE eam accipit in sua, & habet inter bona hæreditaria sua. Semper quidem esuries ac sitis iustitiz, beatitudinem parit, ac eam vel maxime appropinquante sine nostro in cordibus nostris exerescere convenit. Voluntas enim nostra bona non secundum quod non habet, sed secundum quod habet, id est, per-

ficere

ficere exoptat, accepta est, & proximum habet apud Deum. Iam
vero semper quidem nos habitare in adiutorio Altissimi, & com-
morari in protectione Dei Caeli, necesse est: at vero circa terminos
vitae confiniaque mortis quam maxime, quam obstinatissime: tunc
enim si quando insidiatur draco, circuit rugiens leo, devorandi avi-
sus, sciens quia modicum tempus habet. Dum ergo tempus breve
est, dum particula boni diei elabi festinat: sub umbram alarum Do-
mini confugiendum, dicendumque Deo est. *Susceptor meus es tu,*
et refugium meum, Deus meus sperabo in eum, Libera me secundum
multitudinem misericordiae nominis tui, a rugientibus preparatis ad
escam, de manibus quarentium animam meam, et de portis tribulatio-
num, quae circumdederunt me. Et usque in senectam & senium,
Deus ne derelinquas me.

Psal. 90.

2.

Ecclesi.

31. 4.

Atque hoc etiam diligenter procurandum est, ut a negotio tem-
poreque mortis inveniatur in nobis non consummata, sed consum-
pta omnis malitia, victus autem & omnis bona operatio non con-
sumpta, non etiam inchoata solum, sed consummata, sed perfecta,
sed omnibus numeris absoluta. Vt non sit necesse dicere. *Dum ad-*
huc orarem, succidit me. Sed potius dicendum sit de nobis, *Ingre-*
dieris in abundantia sepulchrum, sicut infertur aceruus tritici in tem-
pore suo. Alioqui ut pregnantibus & nutrientibus in diebus illis. Opti-
mum autem & plane beatum est: quando quasi meridians fulgor
conspicit tibi ad vespertinam, & cum te consumptum putaveris, orietur
ut Lucifer.

Job. 3. 28.

Matth.

24. 19.

Job 11.

17.

Denique quis portus magis securus, quae statio magis fida? quae
in manus Aeterni Dei, Aeterni Patris commendare, & tradere Spiritu-
rum? sed Spiritum Christi, Spiritum simillimum Spiritui Christi,
Spiritum purificatum, vestitum, ornatum, doratum, & gratijs, &
meritis, & praerogativis, Spiritus Christi, ipso demum Spiritu Chri-
sti. Sicut enim qui Spiritum Christi non habet, hic non est ejus, neque
Patris ejus; ita vicissim qui Spiritum Christi habet, in cujus corde
diffusa est Charitas Christi per Spiritum Sanctum Christi, hic est omni-
no ejus, & Patris ejus, & Spiritus Sancti ejus.

Rom. 8.

9.

ad Rom.

3. 3.

M O D V S LIX.

Quinquagesimus nonus Modus Domini Passionem meditandi
esse potest, per collationem quandam Nativitatis Christi, cum
Passione ejusdem vel potius nati & Infantuli Christi, cum illo ipso
patientem, crucifixo.

Derivo Modum istum devotissimæ reverentissimæque devotionis plenum, ex Beata Brigida : quæ in suis revelationibus affirmat modum hunc, Beatissimæ Dei nostri Matri fuisse usitatum jam tunc, quando adhuc recens nati Filii sui tenella membra fovebat, fasciisque alligabat, & lacte virgineo nutrebat. Verba Sanctæ Brigidæ sunt hæc.

Verissimè credendum est, quòd *Quando Virgo Dei Filium* (postquam eum peperit) primò suis manibus tractare cœpit, subito ejus menti occurrit, qualiter ipse Prophetarum Scripturas adimplere debebat : *quando autem* ipsum pannis involvebat, tunc in corde suo considerabat, quàm acutis flagris, totum ipsius corpus lacerandum erat. *Recolligit* quoque Virgo sui Filii parvuli manus & pedes, leniter in fascia, recordabatur, quàm duriter ferreis clavis debebant perforari in Cruce.

Aspiciens faciem ejusdem Filii sui speciosi formâ præ filiis hominum, meditabatur quàm irreverenter ipsam, impiorum labia sputo debebant maculare. *Revolvebat* etiam sæpius in animo, quantis opprobriis, & contumeliis, ejus benedictæ aures replerentur. *Modò* considerans qualiter ipsius oculi, ex proprii cruoris influxu caligarent. *Modò* qualiter ipsius ori fel aceto admistum infunderetur. *Modò* ad mentem reducens, qualiter ipsius brachia funibus ligari oportebat, nervi etiam, & venæ, omnes compagine, quomodo in Cruce immisericorditer debebant extendi, præcordia ejus in ipsa morte contrahi, totumque ipsius corpus gloriosum, qualiter intus, & foris, omni amaritudine, & angustia, usque ad mortem oportebat cruciari. Sciebat enim Virgo, quòd exhalato in Cruce Spiritu, ipsius Filii latus lancea acutissima perforaret, & ipsius cor per medium transigeret. Vnde sicut omnium matrum erat latissima, quando DEI Filium jam de se natum videbat; ita etiam omnium matrum erat moestissima ex ipsius amarissima Passionis præscientia.]

Vsq̃ue huc verba sunt Sanctæ Brigidæ, ex quibus verbis (ut alia quæ possent utiliter deduci omittam) derivo Modum Passionem Christi Domini meditandi, cum omnino ipsum, quem hæc Sancta affirmat, fuisse usitatum Beatissimæ Matri jam inde à tempore nati in mundum Christi. Potest enim quisque hoc ipso modo tenellum Christum atque Infantem veluti contemplans ex ordine tam exteriora corporis, quàm interiora Animæ, atq; Personæ illius, eademq; insi-

in simul in adulto jam & Patiente, & Crucifixo inspiciens, uberri-
mam eamque suavissimam tenerrimorum affectuum, ac simul do-
cumentorum materiem & farraginem sibi desumere, animamque
suam vtilissimè occupando pascere. Quod ipsum potest quisque
facere contuendo Christum jam Adultum, jam speciosum formā
præ filiis hominum, jam apud omnes ob verba gratiæ procedentia
ex ore ejus admirabilem, jam miraculis coruscantem, jam turbas
auditorum post se trahentem, simul etiam contemplari agoniscentem
in horto, traditum à discipulo, captum à turbis, derelictum à suis,
de doctrina, & discipulis examinatum, reum mortis judicatum,
gentibus traditum, consputum, flagellatum, illusum, morti crucis
addictum, crucifixum, denique & in Cruce mortuum. Insuper id
ipsum quisque præstare potest, si Christum Dominum ex una parte
ab Horto Olivetano ad usque sepulchrum in altero horto, circum-
ducat meditatione; ex altera autem parte eundem ipsi sibi ut Patien-
ti, seu Passio tali, comparer & componat Gloriosum, Regnantem,
Beatum, Triumphantemque in cœlis. Ita ut illum cogitet quis, hic
quidem in terra supplicem Patri, prostratum in faciem suam, ago-
niscentem, & præ agonia sudore sanguineo madentem, animæ tri-
stitiā ad mortem usque pressum, timentem, torquentem; at verò nunc
in Cœlo jam in dextera Patris confidentem, Angelis lactificantem,
rotique Cœlo cœlestes delicias, divitias, & glorias ministrantem.
Pari ratione licebit Christum contemplari hic quidem à Iudæ pro-
ditorio osculo proditorio, captum à nefariis lictoribus, absque omni
reverentia raptatum & tractum, ad subsellia Annæ, Caiphæ, cola-
phis alapisque casum, velatum oculis, consputum in facie, blasphe-
matum multis modis blasphemiarum, & simul mortis reum pronun-
tatum, negatum à Petro, totaque illa nocte pessimè habitum. Eū-
dem è contra nunc Dominum universorum, Dominum compedi-
tos solventem, Dominum gloriæ, ab Angelorum plus quam duode-
cim legionibus honoratum, toto Cœlesti Regno beatum, & glo-
riosum. Oculis suis universam Aulam Regiamque Cœlorum col-
lustrantem, & lactificantem, & talem omnino in quem desiderant
perenniter Angeli, & Homines beati prospicere, ducentem suos
omnes, ad vitæ fontes aquarum, præcinctum quoque & ministran-
tem amicis suis, & universæ Ecclesiæ Beatorum. Licebit quoque
illum Christum, qui stetit coram Pilato, & Herode, reus, accusa-
tus, contemptus, & despectus, illusus, & irritus, nudus, & flagella-

*vide su-
pra Mo-
dum 66.
35. 54.*

tus, coronatus spinis, & consputus in facie, atque cæsus, & arundine percutus caput, vestemque coccineam circumamictus, contemplari nunc in Cælo vivorum & mortuorum Iudicem omneque iudicium in manu habentem, atque ad eum exercentem, coram quo curvantur omnes qui portant orbem, cui flectitur & curvatur omne genu, cui scabellum sunt pedum suorum omnes inimici ejus terram lingentes; qui gloriâ & honore coronatus est æternaliter, qui in capite suo habet diademata multa, & in fœnore suo habet scriptum, Rex Regum, & Dominus Dominantium, quem viginti quatuor seniores adorant prostrati in facies suas, & coronas capitibus suis detractas, sub pedes ejus prosternunt. Licebit quoque contemplari Christum in terris quidem Barabbæ compositum & postpositum, ad Crucem universi populi suffragio postulatam, Pilati decreto addictam, Cruce ornatum, incedentem ad supplicij locum, felle & aceto tractatum, nudum, crucifixum, de Cruce pendulum, inter latrones medium constitutum, mordacissimè derisum & illusum, ab universa creatura plandum & desetum, inter extremos cruciatus mortis, pro hostibus Patri supplicem, Spiritum Patri commendantem & tradentem, atque demum mortuum; eundem verò in cælis factum, Primogenitum omnis creaturæ, ejusdemque Factorem & Dominum pronuntiatum, Mediatorem Dæi, & Hominum, Cœlestibus terrena, Angelis Homines consociantem, & utraque unum facientem, cælis terrisque jura dicentem, & quæ in Cælis, & quæ in terris, & quæ in inferis gubernantem, Electorum Dæi, redemptorumque suorum salutem efficaciter, potenter, suaviterque procurantem. Ecclesiæ militanti æque ac triumphanti Dominantem, vitamque æternam tam Gratiz, quam Gloriæ subministrantem. Vitæ & Mortis, Cælorum & inferorum clavem habentem. Denique cum Patre Æterno, & cum Spiritu Sancto, unum in Trinitate, Trinum in unitate Dæi vni, Solum, Potentem, Beatum, Immortalem, Invisibilem, Æternum, Sanctum, Gloriosum in sæcula sæculorum.

Ex his porro collationibus licebit unicuique devoto meditati procedere nunc in affectus indicibilis compassionis, commiserationisque; nunc in contritionis, erubescentiæ, doloris, nunc in admirationis, gratiarum actionis, humiliationis, nunc in desiderij, amoris, imitationis, nunc verò in exultationis, & lætitiæ, in honoris & reverentiæ, in gratulationis & gaudij, in dilectionis & desiderij, in
spei

spei & fiducia, in resignationis & subjectionis. In unionis & transformationis &c. &c. prout Spiritus Sanctus dare voluerit affici unicuique, & prout vala idonea invenerit, unctioneque sua doceat.

M O D V S LX.

Sexagesimus Modus Passionem Domini Nostri meditandi esse potest; assumere & attendere Passionis Christi vel omnes, vel complures, vel aliquas, & nunc has, nunc illas partes, itemque ipsius Domini aut vulnera, aut opprobria, aut dolores, aut virtutes, aut opera; tanquam loquentia, immo (ut scriptura loqui solet) clamantia, sive ad Patrem Aeternum, sive ad Peccatores, pro quibus patitur; sive ad hostes à quibus cruciatur; sive ad Animas fideles; & pias, quæ ipsi placere, & assimilari desiderant. Si enim sanguis Abel, si peccata Sodomorum, si Moysis silentium, si merces operarij dilata, clamare ad DEVM, & in Cælum possunt: quidni etiam ærumna, dolores, contumelia, vulnera Christi Domini clament ad Patrem Aeternum, ut misericors & placatus fiat generi humano: ad peccatores, ut omnes ubique poenitentiam agant, neque tantam negligant salutem: ad crucifixores occisoresque suos, illud quod est in Propheta. [Si affiget homo Deum, quia vos configitis me, vos maledixisti estis, & vos me configitis, gentes tota. Et. Quia videbunt olim, in quem transfixerunt. Et. Quia videbunt Filium hominis venientem in nubibus Cæli, cum virtute & potestate magna. Et quia: si in viridi ligno hac faciunt, in arido quid demum fiet? Ad pias & fideles Animas, ut obligationem suam agnoscant, ut diligant sicut & dilectæ sunt. &c. Ad omnes denique vel homines vel etiam creaturas illud Propheta. O vos omnes, qui transitis per viam, (hujus vitæ) attendite, si est dolor, sicut dolor meus: aut illud: Quid potui ultra facere vineæ meæ, & non feci? aut illud. Popule meus, quid feci tibi, aut in quo contristavi te? responde mihi. Empri estis non auro, nec argento, neque corruptibilibus, sed pretioso sanguine quasi Agni immaculati IESV Christi. Illustrabit hunc meditandi modum Beatus Chrysologus verbis suis, disputans de Lazaro ulceribus pleno, ante ianuam epulonis divitis, jacente, & micæ panis mendicante. Verba Sancti hæc sunt. [De vs, quia obturatis auribus, clamor unius otis nihil erat clamantis ad aperiendum cor divitis, totum corpus pauperis vulneribus aperit, ut in admonendo divite, tot

Mala-
chia 3. 8.

Michæ-
6. 3.

Chryso-
log. Ser.
121.

essent

„ essent Pauperis ora, quot vulnera, solvuntur viscera, ulcera produ-
 „ cuntur, hiatus vulnerum dilatatur, sanies effunditur, & tota Pau-
 „ peris caro componitur in scenam pietatis, ut quem vox esurientis
 „ non moverat, vel suspiria, vel dolores, gemitus, & tota arummarum
 „ congeries commoveret; sed dives superbo oculo, & insatiabili cor-
 „ de, hæc omnia & audire, & videre, & sentire contemnit.] Hic
 apparatus Divinus per Lazarum ulcerosum ad Epulonem immiseri-
 cordem expugnandum, potest procul dubio commodissimè paro-
 dicè accommodari ad Christi Domini sive tormenta, sive oppro-
 bria, sive vulnera, sive mortem, sive instrumenta Passionis, quibus
 omnibus Dominus noster satagat expugnare animum, tota Eterni
 Patris, tum corda peccatorum, tum odia inimicorum, tum aman-
 tium in amando & compatiendo, & imitando teporem, tum homi-
 num ingratitude, sterilitatem, oblivionem. Quæ tamen omnia
 ultimam homines passim audire, videre, sentire, non contemnant.

M O D V S LXI.

Sexagesimus Primus meditandæ Passionis Dominicæ Modus esse
 potest, colligere atque expendere eorum animalium proprietates,
 quibus Christus Dominus, præsertim Passus ac Mortuus compara-
 tur in Sacris litteris, ita ut proprietatibus illorum explicetur expri-
 maturque, tam ipsa Christi Passio, quam virtutes ab eo exercite in
 Passione. Complura sunt ejusmodi; hic satis erit pætica attulisse.

I.
Isaia 53.
 7.

Dicitur ergo Christus, Ovis: quæ est pecus lanigera, admodumque
 mansueta, lana, & pelle homines vestiens, carne verò pascens, la-
 dere nescia, ejus in sacrificijs divinis plurimus erat usus, præcipue ad
 pacem hominis cum Deo faciendam, itemque ad purificationem
 partis: propter hæc omnia Ovis passim in scriptura typum Christi
 gerebat. Oblatus est enim Dominus noster, & ductus velut Ovis
 ad occisionem, coram tondente se obmutuit, & non aperuit os suum,
 ad omnes injurias & plagas, & ad ipsam mortem. Ut Ovis facile
 absque ulla repugnantia tradit accipienti quicquid habet, ita Chri-
 stus totum se, omniaque sua, etiam Animam ipsam tradidit, & no-
 bis, & pro nobis. Vestivit nos meritis suis, cibavit carne sua, lavit
 & purificavit in sanguine suo. Denique vult omnes nos esse velut
 oves, in hac quidem vita, occisionis & abnegationis, patientiæ, hu-
 militatis, & mansuetudinis, obedientiæ, & mutue dilectionis. In
 altera autem illa vita futura, Oves electionis, ab hædis separatas, &
 dextris judicantis collocatas.

Dici-

Dicitur quoque Christus, Agnus; eadem ferme, quā & Ovis similitudine atque proportionē: specialiter Agnus tener est, & ferē anniculus, sinē macula, qualis est Christus, qui tollit peccatum, non suum, quo prorsus immunis fuit, sed mundi, pro quo oblatu est velut Agnus mansuetus. Eum figurarunt duo Agni, unus in holocaustum, alter pro peccato offerri solitus. Item alii duo Agni quotidie offerendi, unus manē, alter vespere, Christum significabant venturum primo adventu ad redimendum, altero adjudicandum genus humanum: Agno mansuetius nihil, nihil obsequentius; injurias non novit, nedum ulciscatur. Et Christo quis in his conditionibus prastantior? factus obediens Patri usque ad mortem Crucis; cum pateretur non comminabatur, tradebat autem se omni percutienti injuste, pro transgressoribus omnem malitiæ modum in sui nece excedentibus oravit. &c. Ad extremum, Agnus Paschalis assus & voratus cum festinatione, cum lactucis agrestibus, instar eorum qui sunt viæ accincti, ejus sanguine postes ostiorum inuncti arcet interfectorem primogenitorum Ægypti, in quo os non comminuitur, neque quidquam crudum comeditur, aut usque manē relinquitur. Manifeste Christum ab universo populo ad Crucem postulatum, & in Cruce suspensum designat.

Dicitur præterea Christus, Columba: quæ felle amara non est; neque morfu, neque unguibus sævit, humana consortia & hospitia diligit. Mundum animal, perspicax, & insidiantes accipitres observans super aquas atq; effugiens, immunda loca abhorrens. Hæc attulit Noëmo rediens ad arcam sub vespere ramum olivæ ore portans. His omnibus Christum designans, pacificatorem, & misericordiæ Paternæ, ad nos aquis diluvioque peccatorum destinatos, ramum deferentem. Hæc nostra Columba volat altissime propter divinam sapientiam, atque sanctissimam doctrinam, gemitum habet pro cantu, quia Prædicatio, vita, Passioque & Mors ejus ad poenitentiam vocat, à poenitentia incipit, in fructibus dignis poenitentiae perficitur. *Poenitentiam agite, appropinquavit enim Regnum Dei. Nisi Poenitentiam egeritis omnes similiter peribitis.* Columba in foraminibus petrae, & in cavernis maceriae est Christus ex Divinitate & Humanitate compositus. Columba in altissimis nidificans & gemens, est Christus in Cruce pro nobis Patiens, Plorans, satisfaciens.

Dicitur adhuc Christus, Turtur: unde orat. *Ne tradas bestia*

K k

2.
Ier. 11.
19.

Levit.
14. 10.

3.
Matth.
4. 17.
Luc. 13.
5.

4.

ani-

Psal. 73. *animas confitentium tibi, juxta 70. quod Hieronymus vertit. Ne tradas bestiis Animam erudientem lege tuâ.] qui est Christus, qui*
19. *à Deo venit Magister, ut dixit Nicodemus alii autem vertunt. Ne des congregationi inimicorum, Animam Turturis tuæ. Hic Turtur est Christus supplicans Patri in Horto, & in Cruce. Turtur est amica solitudinis: & Christus in desertum ductus est à Spiritu Sancto, eratque cum bestiis, & mansit in desertis locis, & ascendeat in montem solus orare, & dicebat discipulis, venite seorsum & requiescite pusillum. Turtur invenit nidum sibi, ubi reponat pullos suos; Christus in Cruce fixus est, in qua omnes redemit, & quasi in nidulo parturitos reposuit. Turtur offertur in Sacrificium, Christus oblatus pro salute nostra. Turtur castissima, volucrum est, & nos Apostolus despondit uni viro virginem castam exhibere Christo. Turtur Christus ex quo exivit à Patre, & venit in mundum nulli unquam viridi ramo felicitatis humanæ insedit, sed in laboribus & ærumnis ab adolescentia sua, immo ab infantia usque in totam vitam vixit.*

Levit. 1.
14.

5.
Psal. 83.
4.
Levit.
14. 4.

Psal. 10.
2.

Dicitur insuper Christus, Passer: qui invenit domum sibi, scilicet Christus Ecclesiam condidit. Duo Passeres pro emundatione leprosi offerebantur, significabantque Christi, vel Corpus & Animam, vel Divinitatem cum Humanitate. Passer vivus dimittebatur: nam Divinitas Christi nihil passa est, aut certe Anima, quæ cum sit immortalis extincta in Passione non est, sed in manus Patris tradita est, à moriente Christo. Unus ex Passeribus offerebatur in vase fictili super aquas viventes: Christus enim in Corpore nostro de terra formato immolatus, passus, mortuusque est, factus ex muliere, factus sub lege, idque super aquas viventes Misericordiæ, & Charitatis, in cujus signum exivit de latere Christi sanguis & aqua; sanguis quidem, quia Iustitiæ Dei satisfaciebat, Aqua autem, quia nos à peccatis nostris gratiâ & miseratione suâ lavabat. Passerculus noster Christus transnigravit in montem, quia de synagoga, quæ alioqui erat domus ejus, avolavit, & sese ad Ecclesiam Gentium transtulit. Idem est Passer solitarius in Tecto: quia solus in Cruce & Passione, & Redemptionis opere; torcular enim (ait) calcavi solus, & de gentibus non erat vir mecum. Denique, Passeris nostri Anima crepta est de laqueo venantium. Venit enim Princeps hujus Mundi, & in me (ait Christus) non habet quidquam. Idem dicit. Quis ex vobis arguet me de peccato? Quid me tentatis hypocri-

pocrita? & postremo ait. Pater, in manus tuas commendo Spiritum meum, & inclinato capite emisit Spiritum.

Dicitur etiam Christus, vitulus saginatus; quem Pater Clementissimus filio prodigo revertenti ad se, iussit adduci, & occidi, conviviumque ex eo apparari. Verè saginatus vitulus Christus, in eo enim inhabitat omnis plenitudo Divinitatis corporaliter. Verè saginatus, quia plenus gratiâ & veritate. Verè saginatus, quia de plenitudine ejus accepimus omnes nos. Idem est vitulus immaculatus, quia Christus peccatum non fecit, & in Cruce inimicos nostros ventitavit & expugnavit. Idem est vitulus de Bobus ortus, quia scilicet ex Patriarchis originem duxit. Idem est vitulus nesciens iugum, peccati scilicet proprii, & quia omnia data sunt ei in manus: & quia data est ei omnis potestas in Cœlo & terra. Propterea Christus est vitulus novellus, cornua producens & ungulas, in vita quam vixit à Nativitate usque ad Baptismum Ioannis. Vitulus tenerri- mus de armento, prædicans jam Evangelium Regni, & Ecclesiam fundans, per doctrinam, virtutumque & miraculorum opera. Est etiam vitulus saginatus atque adeo immolatus in sacrificium pro peccatis nostris, non pro nostris autem tantum, sed etiam pro totius mundi. Hujus ad instar nos quoque debemus esse vituli novelli, per opportunam conversionem ad DEVM, condignosque conversione hac effectus. Vituli de armento esse debemus, per Profectum in obsequio DEI, ut procedamus de virtute in virtutem. Denique vituli saginati esse tenemur per consummatam virtutem, completamque pro statu hujus vitæ perfectionem, Charitatis in DEVM & Proximum plenitudinem atque pinguedinem. Atque hos vitulos immolare debemus Deo nostro, superque altare ejus imponere, ut dicitur Psal. 50. Ad extremum Dominus IESVS noster vitulus est, qui immolatur coram Domino: & sanguis ejus funditur per altaris circuitum, & pelle detractâ in frustra conciditur, & super altare membra ejus componuntur, atque supposito igne comburuntur in holocaustum, & suavem odorem Domino; qui autem offert eum Domino, ponit manum suam super caput ejus, ut sit placabilis atque in expiationem ejus proficiens. Hæc enim omnia pœne ad literam in Domino nostro per Passionem ejus completa sunt. Certè ita Caro ejus confissa fuit, ut detracta pellis videri, membraque ab invicem divulsa conspici, ossaque dinumerari omnia possent, ejus Capiti omnes manus imposuimus, qui morti illius omnes per nostra peccata causas

6.

Luc. 15.

23.

Levit. 17.

5.

causam dedimus. Hæc hostia igne odii hostilis, magis autem incendio propriæ suæ, ejusque nimis erga nos charitatis supposito assumpta est: nobisque placatum Patrem reddidit, & in expiationem nostram profecit.

7.
Psal. 21.
7.

Dicitur quoque Christus, vermis. Ita enim de ipso in Persona ipsius Propheta loquitur. *Ego autem sum vermis & non homo.* Vermis est enim Christus, propter nascendi similitudinem ex intacta virgine, sine ullius confortio. Vnde etiam dicitur vermis, & non homo; quia etsi quantum ad Matrem homo sit, quantum ad Patrem tamen homo non est. Vel certe dicitur non homo, propter negationem veteris hominis, qualis non fuit Christus homo; siquidem fuit novus homo. Quanquam autem Dominus Iesus per totam vitam suam quasi vermis fuit contemptibilis valde, & cujus rationem ac pretium vix aliquis unquam habuerit. Maxime tamen in Passione sua vermis esse visus est, & vermis conditionem habuisse. An non velut vermiculus per terram serpebat, quando non positus tantum genibus, sed etiam in faciem suam prostratus Eterno Patri humillimè supplicabat? An non vermis instar fuit, quando captus à lictoribus & ministris, ligatusque funibus & catenis per terram ab horto usque ad urbem, usque ad Palatia Annæ & Caipha tractus raptatusque est? An non vermis fuit, quando per vias Ierusalem à Caipha ad Pilatum, à Pilato ad Herodem, ab hoc rursum ad Pilatum, non tam incessit, quam repit, & violenter raptus tractusque est? Non fuit vermis, quando flagellatione immani contritus est? Non vermis quoque fuit, quando illusoria simulque dolorosa coronâ, purpurâ, arundineo sceptro, adoratione scurrili, totus ab homine demutatus ipsi etiam Pilato visus est, adeo ut eum populo ostentandum, & Ecce Homo, quasi minimè Homo esset, appellandum duxerit? Nonne tanquam vermis reptavit cum pondere Crucis in Montem Calvarium? Non vermis fuit quando Cruci admensus, & illi affixus est? Non vermis instar in Cruce suspensus, & veluti serpens Mosaicus elevatus est? Christus fuit ille tenerrimus ligni vermiculus, qui sexcentos interfecit impetu uno: quia omnes hostes Patris & suos & nostros debellavit. Christus fuit ille vermis, qui Ionæ umbram, legem scilicet Mosaicam veterem, umbram legis novæ destruxit. Christus fuit vermis Iacob, specie quidem apud omnes contemptibilis, sed virtute & potentiâ admirabilis, qui universam terram repleverit doctrinâ suâ. Christus

stus fuit vermis de Manna genitus, vel quia ex virgine, vel quia ex synagoga natus est. Denique Christus vermis fuit, quia sicut contritionem vermis nemo metuit, nemo sentit, nemo dolet, nemo advertit, nemo vindicat; ita Christus apud suos hostes, & Crucifixo- res, usque adeo nihil fuit, ut morte ejus nemo commoveretur, ne- mo eam sentiret, nemo ejus damno & amissione tristaretur, sed po- tius exultarunt omnes in scelere suo, & in contritione Christi, perin- de ac si deinceps nullus super futurus esset mortis ejus, vel sensus, vel luctus, vel ultor, vel memor. Vnde dicebant, Eradamus eum de terra viventium. Nomen ejus non memoretur amplius: confidit in DEO, liberet nunc si vult eum. Attamen secus omnino cecidit iudæis quàm putabant, vel volebant, Christus enim vermis factus est, & remansit iudæis usque in hodiernam diem: qui vermis eorum non morietur unquam, qui vermis usque hodie conscientias eorum rodit & torquet, & torquebit in æternum. Quid illud fuit, quod iudæi sequenti mane post necem Christi adierunt Pilatum petentes, ut juberet custodiri sepulchrum? quid est illud, quod dicebant, Domine recordati sumus quia seductor ille &c. Quid est, quod si- gnauerunt lapidem monumenti, cum custodibus? Nonne jam tunc mordebat eos vermis Christus?

Sed de his nunc satis; plura ejusmodi Christi Passionis symbola, promptum est ex sacris literis derivare: ista in specimen adduxisse sufficiet.

M O D V S L X I I.

Sexagesimus secundus Modus meditandi Passionem Domini esse potest, expendere ea nomina, quibus sacra scriptura Hostes & Interfectores Domini Nostri appellavit, ideo ut illorum malitiam, odium, iram, furorem, savitiam, implacabilitatem, hostilitatemq; explicans, Passionis simul Dominicæ acerbicatem nobis explicaret: propter hoc enim hostes Christi vocat Leones, Tauros, Lupos, Canes, Serpentes, Aspidēs, Tygrides, Agros, Vnicornes, Vrsos, Draco- nes, Herodios &c. Ut harum bestiarum conditionibus, enormem rabiem hostium Christi in persequendo, & affligendo Christo desi- gnaret; simulque incogitabilem dolorum Christi vehementiam ob oculos nostros aliquo modo poneret.

Vocantur ergo Christi Domini Hostes, Leones & Catuli Leonum rugientes & rapientes prædam. Sic Leo rugiens adversus Christum

Terem.
51. 38.

fuit Caiphas, & Leones Principes Sacerdotum alii, Scribæ quoque & Pharisei, sicut Ministri & plebes, catuli leonum. Omnes isti dederunt rugitum contra Christum, sive clamantes, Reus est mortis, sive, Crucifige, crucifige, tolle, tolle, nos legem habemus, & securdum legem debet mori, quia Filium Dei se fecit. Sanguis ejus super nos & super filios nostros. Leo quoque rugiens fuit Pilatus dicens Christo; nescis quia potestatem habeo crucifigere, & potestatem habeo dimittere te? Idem Leo fuit, & quasi Leo rugiit, quando IESVM flagellis casum tradidit potestati & voluntati Iudæorum ut crucifigeretur. Catuli Leonum rugiebant & rapiebant illi, qui in Horto interrogati quem queritis, responderunt iteratò IESVM NAZARENVM, IESVM NAZARENVM, ad quem capiendum, & vinciendum venerant cum gladiis, & fustibus, cum facibus & lucernis, tanquam latro aliquis insignis esset comprehendendus. Omnes isti quasi Leo vastator in sylva, rugierunt, & vocem contra Christum dederunt, eumque, quantum in ipsis erat, dentibus & unguibus furoris odiique sui dilaniarunt.

2.
Psal. 21. Vocantur adhuc Christi inimici, Tauri Pingues & Vituli multi, qui circumdederunt, & obsederunt Christum. Ut ipse ait in Psalmo 21. De quibus etiam dicitur, *Effusi estis quasi vitulus super herbam, & mugistis quasi Tauri.* Quantum enim in Iudæis omnibus, eorumque præsertim senioribus fuit, ut Christum depascere conati sunt, quomodo Boves Vitulique herbam ad ipsam usque radicem depasci solent. Ex partim consiliis privatis, partim calumniis convitiisque & opprobriis publicis clamorosisque mugierunt tanquam Tauri, quando surgens omnis multitudo eorum, condemnaverunt Christum esse reum mortis, quando querebant factum testimonium contra IESVM, quando stabant constanter accusantes Christum coram Pilato, & Herode, quando persvaserunt plebi, ut magis peterent dimitti sibi Barabbam, IESVM verò perderent. O quantus mugitus quàm taurea & belluina fuit vox illa omnium, sanguis ejus super nos, & super filios nostros? Christo autem ad locum supplicii cum Cruce procedente, insultatorii & exultativi de ejus tandem obitenta ad Crucem damnatione, clamores, & cachinni, atque mutux adgratulationes nonne Taurorum mugitus fuisse? Jam verò de Cruce suspenso Domino atque sublevato in altum: cum Iudæorum tam Principes, quàm plebes, unà cum militibus circumstantes, & circumeuntes Crucem, capitūque agitanter, & Dominum blasphem-

blasphem
ping
milleri
ventila
dideru
Voc
insatia
tes, po
effecti
Christi
habere
cati su
tande
sphan
laris h
neque
ulque
stipen
eterna
atque
vini
tilis P
nocer
inter
beret
honor
illius
pacifi
riabil
lupin
clari
pere
rodi,
& per
tantu
vire
Cruc
Chri

blasphemantes: quid aliud vel fuerunt, velegerunt, quàm Tauri pingues Christum obsederunt, & mugierunt; & veluti in baratrum miseriz perditionisque abominandæ, Cornibus odiorum suorum ventilatum dejecerunt, & demerserunt, ungulisque contritum perdidierunt & deleverunt?

Vocantur etiam Inimici Domini Nostri, Lupi rapaces, voraces, insatiabiles, imò velociore lupis vespertinis, ad prædam erumpentes, post famem totâ die in latibulis suis toleratam, quâ ferocissimi effecti sunt. Sic enim Iudæorum Principes fatigati desiderio necis Christi, cum capere in sermone, & aliquid in quo accusarent, cum habere non possent, tandem sanguinem ejus à discipulo ejus mercati sunt: tandem per nocturnas insidias violenter eum captivârunt, tandem uno verbo, jugulum ejus petierunt, reum mortis veluti blasphemum in D E V M, veluti seditiosum, & ambitiosum, veluti Cæsaris hostem, & potestatis eversores, rebellemque pronuntiârunt. neque destiterunt donec sanguine illius pasti planè & inebriati sunt usque ad mortem. Et tamen Lupi cum essent cruentissimi, in vestimentis ovium procedebant contra Dominum; nunc eum de doctrina & discipulis examinantes, nunc per D E V M vivum adjuvantes, atque veluti auditâ immani blasphemiam ex ore illius, præ dolore Divini Numinis læsi vestimenta sua scindentes, nunc in domum Gentilis Pilati intrare abstinentes, ne contaminarentur, sed mundi & innocentes manducarent Pascha: Nunc affirmantes sibi non licere interficere quenkumque. Nunc legem sibi esse, secundum quam deberet Christus emori, quia se Filium D E I fecit allegantes. Nunc honorem Potestatemque Cæsaris læsam à Christo zelantes, & nece illius sancientes: sub his ovillis pellibus nefarii lupi intrinsecus rapacissimi, & sanguinis innocentis cupidissimi lanienam suam insatiabilem composuerunt, & occultârunt: at tamen re ipsâ plus quàm lupinâ ferocitate bestialitateque perfecerunt. Lupos ferunt consecrari vestigia Leonum prædantium, & quæ Leones dimiserint diripere atque absumere. Fecerunt hoc ipsum Iudæi, quæ Leoni Herodi, Leoni Pilato, catulis Leonum militibus, de Christi laniena & persecutione superfuere, hæc Iudæi consecrati sunt. Neque tantum consecrati, sed ipsos etiam Leones illos contra Christum favire coegerunt: quin etiam plus illis favierunt. Nam Christum ad Crucem postulârunt apud Pilatum judicante illo dimitti. Eundem Christum ab Herode damnari urserunt, à quo tamen nihil dignum

morte

3.
Habes.

1. 8.

Soph. 3.

3.

morte factum est illi. Pilatus Barabbam occidi, Christum dimitti voluit, Iudæi contra persuaferunt, homicidam seditiosumque dimitti, Christum autem occidi. Pilatus lavit aquâ manus dicens, Innocens ego à sanguine iusti huius: at omnis multitudo Iudæorum exclamavit; sanguis ejus super nos & super filios nostros. Milites Christo Crucifixo nihil ampliùs in eum saviourunt, quin & mortuo crura non fregèrunt, & Pilatus Corpus Sepultura donavit: at Iudæi in Christum jam de Cruce pendentem, maxime rictus suos sanguinarios aperuerunt, & demerserunt, lupino furore ferocientes, & extremum odii exerentes, exercentes, atque exsultantes

4-
Psal. 21.
21.

Vocantur adhuc Canes, inimici Domini Nostri: contra quos erat Dominus, dum ait. *Erue à framea Deus animam meam, & de manu (aliàs, ore) Canis unicam meam.* Nempe Dominus Iudæos expertus est sui sanguinis cupidos, veluti canes famem patientes, & circumeuntes civitatem, tam extra muros suæ urbis Christum quærentes, & capientes, quàm per diversas urbis partes, à palatio ad palatium, & dentum usque ad montem Calvarie discursantes. Canes ajunt esse sanguinis humani saltem lingendi avidissimos: quàm avidi fuerint sanguinis Christi Principes Iudæorum, notum est satis. Cane rabido nihil venenosius ferociusque, domari nequit: nulli, ne suo quidem, parcat: sedit in obvios. Iudæi rabie in Christum, quid majus, aut notius, aut venenosius? Impudentissimi, & saturitatem nescientes, & irritati his ipsis, quibus eos mansvescere oportebat. Nam Pilatus Christi ærumnis post flagella & Corona spineæ durum ludibrium, ratus plus nimio seditum in Christum esse, ac proinde Iudæos pœnis ejus satiari, mansvescereque, & à morte ejus petenda supersedere posse, adduxit eum foras, & totum quantus quantus erat miserabilem inspiciendum dedit, addens. Ecce Homo. Scilicet plus quàm miserrimus, ideo misericordiâ populi dignissimus: tantùm abest ut mitiores facti sint Iudæi conspectu Christi miserabili, & nihil hominis humaniq; habentis specie, ut potius Canum instar efferati, rabidiq; magis facti sint, exclamaverintq; Tolle, tolle, Crucifige eum; & opponente Pilato. Quid enim mali fecit: illi ad talia omnia surdi, solo suo furore rabidi, famamq; sanguinis & vitæ Christi patientes ut Canes, magis tumultuabantur, magis clamabant, magis vocibus magnis instabant, Crucifigatur. Et quæ tandem cogitari potest rabies magis rabida, seu magis canina, quàm ista Iudæica? Verè Domine Iesv circumdederunt te

Canes

Canes cauli, canes sevi, canes rabidi, canes insatiabiles, canes impudentes, canes mortui, canes sancto indigni, canes quorum pretium infernus, canes quibus ingredi in Domum Domini est nefas, canes ad vomitum suum redeunt, eoque solo pastu digni.

Vocantur adhuc Domini nostri persecutores, Vrsi. Ita se ipsos vocant dicentes. *Rugiemus quasi Vrsi omnes.* De iisdem dicit Dominus. *Vrsus insidiarius factus est mihi* (populus). *Leo in absconditis.* esse dicitur Vrsus animal invidiosissimum, adeoque invidiæ typus, est savum, solitarium, inquietum. quod si alliges stipiti, perpetuo in gyrum cursitat, aut si subsistere coges, caput tamen incessabiliter agitat. Quid invidiâ Iudaicâ seu notius seu nocentius contra Christum? Ipse Pilatus compertissimum habebat, quod per invidiam tradidissent, & mortem ejus obstinatissime appetere. Itaque sicut invidiâ diaboli mors intravit in orbem terrarum: ita invidiâ Judæorum mors Christo irrogata est, & Filium Dei omnibus utique mundis nobiliorem, digniorem, innocentiores, utiliorem, invaluit atque perdidit: ut tanto major sit Iudaicæ invidiæ malitia, quam diabolicæ, quanto Christus præstat universæ creaturæ. Ajunt autem Hebraisantes, Vrsi nomen Hebraicum [*Dob, vel Diba*] desumptum esse & significare obloquutionem, detractionem, infamationem, murmur, & truculentiam infamem: quæ omnia sunt invidiæ progenies, & nulli alteri æquæ ac Judæorum contra Christum malevolentia, æstuantibusque odiis conveniens. Gens fuit solitaria Judæorum, gentibus reliquis omnibus tam inimica, quam & exosa, atque contempta. De ejus inquietudine satis sit, quod Christus Phariseis objicit: quia *Circuitis mare & aridam, ut faciatis unum profelytum, & faciatis eum filium gehennæ duplò quàm vos.* Vrsi à melle devorato, & ab alvearibus perruptis, apibusque absumptis dicuntur medicinam sibi querere. Et Judæi, suæ ut insanix, superstitionique consulere, tam Christum ipsum, alvear certè melle nobilissimo plenissimum, quam Ecclesiam ejus destruere devorareque sunt, quamvis frustra, conati, & ideo *Deo non placent & hominibus omnibus,* salutique inprimis eorum *adversantur usque hodie,* neque ipsi introeunt, neque alios introire, (quantum in ipsis) sinentes. Horum ergo rabiosa in Christum invidiæ, mors Christi filia est: illa est, quæ Dei cunctis parturit injustitiam, concepit dolorem, & tandem peperit iniquitatem, vix in cor hominis, atque dæmonis ascendentem, cogitationique creaturæ aut capacitati impossibilem, nisi re ipsa perpetrata esset.

5.
Isaie 59.

11.
Thren.

3. 10.

Ballester
lib. 4.
Hierolo-
gia c. 4.
n. 18.

Matth.
23. 15.

1. *Ihes.*
2. 15.

6.
Psal. 79.
14.

1. Cor. 2.
8.

Ioan. 15.
24.

Jerem.
1. 18.

Vocantur insuper Inimici Dei Nostri, Apri. Aper de sylva, & singularis ferus, qui nostram vineam cultissimam, Dominoque plus quam dilectam, depastus est, Iudæorum populus cum Principibus suis est. Suâ enim effera feritate, totis viribus in hoc incubuit, ut quidquid Christi esset inprimis, deinde quidquid post Christum Christi superesset, fideles, discipuli, Ecclesia, Nomen, Doctrina, Miracula, & demum omnia, funditus, radicitusque evelleretur, & aboleretur, & periret. Præeuntes ferme hac in parte, & in hoc studio, conatuque, ipsis dæmonibus, qui ab ipsis Judæis videbantur didicisse, quomodo, & quousque Christum persequerentur, aliqui enim verècundati fuissent, (maximè post ejus ad inferos descensum) tantâ rabie desavire in Christianos, nisi à savitie ipsorum in Christum Judæorum edocti animatique fuissent. Dæmones teste Apostolo, si Christum planè cognovissent, nunquam Dominum gloria crucifixissent. Hi autem & cognoverunt, & oderunt Christum, & Patrè ejus: sed ut adimpleatur sermo qui in lege eorum scriptus est. Quia odio habuerunt me gratis. Itaque isti feri efferi, isti singulares feri, fecerunt peccare in Christum, non tantum gentem suam, non tantum Pilatum, Herodem, gentilesque, verum etiam dæmones ipsos. Nunquam certè legimus, Dæmones tantum fuisse aulos ut Christum dæmoniacum, vel dæmonis consortio utentem appellarent, immo diabolus, qui eum in deserto & portavit, & tentavit, reverenter eum & innocuè gestavit, & sine ejus concessione, ne ipsos quidem porcos attingere ausi sunt, atque etiam eum adorare, & deprecari soliti fuerunt: isti verò singulares feri Iudæi, omnia sensere, & dixere contraria, affirmantes, & in vulgus spargentes, Christum dæmoniacum esse, dæmonium habere, in principe Bèelzebub eijcere dæmonia: propter quod judicati sunt à Christo, peccare in Spiritum Sanctum, tali peccato, quod neque in hoc, neque in futuro saculo remittendum eis foret. De quo etiam peccato peculiariter dicit Dominus Noster per Jeremiam. Tu Domine demonstrasti mihi, & cognovi: tunc ostendisti mihi studia eorum. Et ego quasi Agnus mansuetus qui portatur ad victimam. Studia Judæorum vocat, ut exaggeratam eorum in se, & contra se malignitatem rabiei explicet: Studia vocat, deliberatè conceptam adultamque invidentiam: studia eorum vocat, implacabile & insatiabile odium: studia eorum vocat viscerosum cordialemque nocendi, & perdendi omni acerbiori modo & arte conatum, atque diligentiam. Pro quibus studiis eorum, indu-

xit Dominus super eos etiam *Annum visitationis eorum*, hactenus nec dum terminatum.

Ibid.
V. 23.

Hactenus de nominibus atque comparationibus, quibus Spiritus Sanctus in sacris literis enormitatem passionum Christi delineat, per crudelitatem ferocium bestiarum. Plures hujusmodi comparationes ex Sacris Scripturis depromere, & in meditationem adhibere non erit difficile. Ex his autem varios affectus, varias vitiorum quidem Judaeorum detestationes, varias quoque virtutum Christi ascriptiones, & imitationes desumet Meditator pius, ut fructum competentem meditationis habeat. Omnes enim peccatores, bestiae alicujus, aut etiam pluriū simul, feritatem, peccatis & affectibus suis repraesentant, iisdemque suo modo in Christum deserviunt. Superbi enim & crudeles, & subjectionis debita excussores, Leones sunt. Potentes, & aliorum praese ipsi contemptores, sui que nimii amatores, tauris merito pinguibus comparantur. Vrsos porro, merito sanguinarios, murmuratores, detractores, invidis assimilet. Gulosis & crudelibus, lupos assignes congrue. Impudicos, mordaces, sordidos, iracundos, canibus similes nemo negaverit. Tepidos, somnolentos, quorumque adhæsit in terra, & adglutinus est venter, itemque avaros, & sordide parcos, singularibus feris comparare congrue licet: atque sic de aliis similibus, de quibus omnibus jure dicas, illud Moysis, esse illos *dentes bestiarum cum furore trahentium super terram atque serpentium* à quibus tantò amplius, indignius, crudeliusque tractatur Christus nunc, licet jam in Caelis gloriosus & regnans, quàm olim à Judæis, Gentilibusque, nostris in hac vita infirmitatibus obnoxius, quantò scelestius est, à suis scilicet fidelibus, atque professione cultoribus, cognitum, comperitumque, & cultum, nihilominus contemni, & despici DEVM, quàm ab infidelibus, & impietate cæcatis inimicis, incognitum, inasignatumque violari hominem. sive, quantò absurdus est Gloriosus in Caelo DEVM, quàm ærumnosum in terra contumeliosè & injuriosè tractari.

Dent.

32.24.

M O D V S LXIII.

Modus sexagesimus tertius meditandi Passionem Domini Nostri esse potest: ita Passionem Dominicam recogitando meditandoque deterrere, ut Deo Patri tanquam Principali Redemptionis nostræ, per Passionem Christi Authori, pro eadem Passione, eadem

L I R

ipsi

*Aloysius
Novari-
nus. libro
de Tribu-
to Divi-
no §. 31.
32. sive,
Tributo
15.*

ipsâ Passione tributum dependamus. Dabo explicationem hujus meditandi modi, ipsumque adeo modum, ex probatissimo scriptore, tamen non ad verbum ex eo desumptum.

Debitores sumus Deo nostro Patri Eterno tributi compassionis pro Passione, quam pro nobis pertulit unigenitus ejus, & Dominus Noster IESVS Christus. In qua compassione, minime nos esse parcos convenit, quando & Dominus noster IESVS Christus in sua pro nobis Passione minime parcus, summe autem liberalis fuit: idque a primo conceptionis suae instanti, usque per totam vitam suam: propter quod etiam gratitudinis nomine debemus illi hunc compassionis affectum, sive tributum, toto quo possumus cordis affectu illum exercendo.

I. Ac primò colligemus in unum omnes actus, sive Compassionis, sive Gratiarum actionis, quosunque unquam aliqua creatura persolverunt Deo, praesertim pro Redemptionis suae, Passionisque Christi beneficio, atque omnes hos actus, affectusque quanti quanti sunt, denovo Deo in tributum offeramus, quantumvis aliâs dudum eidem oblatos.

2. Secundò. Desideremus habere & exercere talem compassionis affectum, qui sit par Christi Passioni, nostrae pro illa erga ipsum obligationi; quem quia in effectu habere non possumus, saltem in desiderio illum habere studeamus.

3. Tertiò. Studeamus amplius semper cognoscere atque exercere oblationem illam vitae ac Passionis Christi, ejusque modum, quem ipse Dominus IESVS tenuit in offerendo semetipso Passioni, & idem ejusdem desiderium & amorem, quo partim Passus est, partim pati amavit, & optavit.

4. Quarto. Consvescamus Passionem Domini representare in omnibus (quoad representari potest) actionibus, occupationibusque nostris. v. g. Dum ambulamus, representemus quasi Christum cum Cruce ambulantem, dum manus brachiaque expandimus, effingamus Christum in Cruce expansa brachia expandentem: dum in lecto sumus, Christum in Cruce positum representemus; dum loquimur, Christi verba inter patiendum referamus: dum tacemus, silentio nostro, Christi in Passione silentium veneremur. Parde aliis actionibus ratio.

5. Quintò. Offeramus Deo omnes dolores, quos aut alii passi in morte sua sunt, aut patientur, aut etiam nos patiemur in morte nostra:

stra:

stra: respiciendo in illis, coniungendoque illos doloribus Christi, quos in Passione, & morte sua pro nobis sustinuit.

Sextò. Coacervemus in nostrum Corcum omni affectu nostro; omnes fructus, qui ex Passione Christi, & nati sunt, & nascituri: eosque omnes offeramus ipsi Christo, cum singulari quadam complacentia, atque congratulatione ex eis, & quod Christus per suam infinitam sapientiam, eos ex sua amara, & probrosa, pro nobis Passione, cruce, & morte educere scivit.

Septimò. Convertamur celesti quadam spiritualique alchimia omnes nostros, & omnium reliquarum creaturarum dolores, compassionis, tristesque affectus, & sensus, qualitercunque habitos, & toleratos, in affectum quàm maximam compassionis pro Passione, & super Passionem Christi.

Octavò. Omnes item dolores, afflictionesque nostras, acceptemus à Deo, & sustineamus cum omni modestia, & hilaritate, propter amorem IESU PASSI, ejusque Passionis pro nobis; optando ut omnes creatura id ipsum faciant, atque etiam earum hac in parte vicem quantum ex nobis supplendo; Deumque in omnibus omnium afflictionibus laudando, omnes pro eis perferendo, atque Christi passionibus uniendo, & ut ipse illas uniat desiderando, atque rogando.

Nonò. Si quando in aliquam imperfectionem defectumque labimur, subito pro illo lapsu nostro offeramus Deo totum illud, quod innocentissimus Agnus Dei pro nostris peccatis pertulit. Et quando erunt majores lapsus nostri, tantò diligentius pro omnibus illis intendamus, consuecamusque tam Patri Eterno, quàm ipsius Domini IESU cordi offerre Passionem Christi, & quidem ipso ejusdem corde.

Decimò. Oremus Amabilissimum Redemptorem nostrum, ut sibi met ipsi offerat pro nobis totum id, quod passus est pro nobis. Itemque oremus, & Sanctos omnes, ut offerant pro nobis Passionem Christi, ipsimet Christo.

Undecimò. Supplicemus Pretiosissimæ Dei Matri Virginæ MARIE, ut totum hoc, quod in Passione Filii sui perpessa ipsa est, offerat eidem Filio pro nobis passio. Vicissim verò offeramus, & representemus Christo, MARIE Matris Filio, id totum, quod illa cum ipso, & pro ipso passa est, quodque ipse cum Matre, & in Matre sua

MARIA perpessus est, & denique etiam ipsi Matri hoc offeramus, quod Filius ejus in ipsa perpessus est.

12. Duodecimò. Demus operam, ut non sit ullum verbum, non spiramentum, non cogitatio, non actio, non passio seu mutatio ulla in nobis, vel à nobis, cui inferere non intendamus, supra dictos actus, in infinitum multiplicatos, & secundum quod DEVS scit, aut potest facere, fierique multiplicatos; adjungendo extensioni, & numero actionum, intentionem quoque majorem, ac majorem, perfectioremque semper.

Supradicti Actus, etsi melius affectibus Cordis, quam vocibus oris exercebuntur, poterunt tamen etiam hisce sequentibus, vel aliis his similibus verbis exprimi, & exerceri.

1. Benedictus sis ò Pater Eterne, & sit benedicta infinita charitas tua, quæ te impulit, ut unigenitum Filium tuum dares ad assumendam nostram mortalitatem, in qua pati & mori pro nobis posset. Benedico te, & in omnem æternitatem benedicere volo, pro eo, quod sicut Filium tuum ab æterno ex tua substantia genuisti; ita etiam eundem ab æterno ardentè voluisti nasci ad patiendum pro nobis. Atque utinam prævaleam adeò gratus esse Majestati tuæ pro hoc beneficio, quàm magnus est Amor ipse tuus, quem in ipso isto beneficio demonstrasti nobis.

2. Nunquam volo permittere mihi mer, ut ex memoria mea deleatur recordatio beneficii hujus Domini mei JESU Christi, quod præstitit mihi patièdo pro me, ac si prorsus mei solius causà pati venisset, aut passus esset.

3. Volo etiam ex nunc ad te Dominum meum dirigi omnes operationes meas, omniumque aliarum creaturarum, omnes cogitationes, locutiones, respectus, intentionesque, immerfas, & absorptas, & appretiatas, in sanguine atque Passione JESU Christi, cum omnibus actibus gratiarum actionis, & compassionis, & devotionis, tuæ Majestati unquam exhibitis, à quocunque servorum tuorum, in unione Passionis ejusdem Domini nostri, Filii autem tui, JESU Christi.

4. O Domine JESU Christe, nunquid ego tanta pati possum pro Te, quanta Tu passus es pro me? Non equidem possum, attamen in compensationem qualem qualem hujus impotentiz meæ, offero tibi totaliter, quidquid passus unquam sum, quidquid adhuc patiar, quidquid passui sunt homines universi, atque adhuc aliquando patientur,

tientur, quacunque de causa, & quocunque motivo. Quod totum volo, & intendo, ut fiat propter amorem tuum, & propter amorem totius Passionis tuæ pro nobis.

Æterne DEVS, & Pater Domini Nostri JESU Christi, omnes defectus, omniaque delicta, & mea, & omnium creaturarum tuarum, quæcunque unquam commisimus displicita tuæ sanctissimæ voluntati: nunc quidem ego, quantum in me est, agnosco, confiteor, & retracto, coram Te, simul autem Bonitatis tuæ offero totum id, quod Dominus noster JESUS Christus Filius tuus passus est, pro omnibus delictis nostris, simulque oblationem huic meæ, adjungo illam ipsam oblationem, quâ Tibi Æterno suo Patri, Dominus JESUS obtulit suam omnem pro nobis Passionem.

Desidero, statuo, & intendo, omnibus & singulis actionibus meis repræsentare, ac etiam quantum mihi fas fuerit, exercere totam Christi Passionem, omnesque Passionis partes ac modos, & actiones. Sic volo, ambulationibus meis, dolorosas Christi per suam Passionem, ad usque Crucifixionis suæ locum ambulationes referre, illasque his associare, & hoc ipsum quod sensit in suis JESUS, ego quoque in meis propter ejus amorem sentire. Sic etiam volo omnibus verbis ac sermonibus meis venerari omnes Domini mei inter patiendum pro me, locutiones. Pariter, silentium omne meum, admirando illi silentio Domini mei conjungere, eodemque illud exornare volo. Omnem quoque cibum & potum meum, quem aliquando propter obsequium tuum divinum sumam, intingere volo in felle, myrrha, aceto, totaque calicis amaritudine, quem Dominus meus JESUS Christus in sua Passione bibit & ebibit. Vestitum meum conjungo, Domini mei, partim spoliationem, & nuditati, partim candidæ Herodianæ vesti, partim illusoriæ purpuræ, quâ illusus est pro nobis. &c. Denique somnum meum, & lectum, associo duro Crucis Christi lecto, mortisque somno, quem in Crucē obdormivit pro me. Ad extremum, protestor me intendere, proponereque omnem sive corporis, sive animi actionem, atque Passionem meam, quin & quantum in me est omnis creaturæ, in conjunctione, respectu, & honore, atque veneratione amarissimæ simulque preciosissimæ Passionis ac Mortis Domini Nostri JESU Christi peragere.

Recipe etiam Pater æterne, de manibus meis totum id, quod pretiosissima Filii tui, DEI Dominique nostri Genitrix, in Passio-

ne Fi-

ne Filii sui, Tuique, perpeſſa eſt. Recipe inquam, ſed potiùs de manibus illius ejuſdem Matris illud ejus ſacrificium, quod illa Mater omnis pietatis, fecit, & obtulit cordi tuo Divino pro nobis, tam ex ſeipſa, quàm ex Filio ſuo, eodemque Tuo, ac Redemptore noſtro.

8. Congrego in unum, atque comprehendo toto cordis mei affectu, omnes effectus fructuſque Paſſionis Domini Noſtri JEſu Chriſti, præteritos, præſentes, ac futuros, in omni tempore, ac tota deinceps æternitate: eoſque omnes quanti quanti ſunt, Tuæ, ô Pater Æternæ, Majeſtati offero, & in hac oblatione permanere volo, omnibus, & ſingulis momentis vitæ meæ, ipſam iſtam permanendi in hac oblatione voluntatem in ea comprehendo, atque ut ſit quaſi unus ex Paſſionis Chriſti JEſu fructibus intendendo, ut tanto acceptior ſit tuæ Divinæ voluntati, Majeſtati, voluptati.

9. Quâlibet reſpiratione & aſpiratione, totius vitæ meæ, offerre intendendo, & re ipſâ actualiter offero, vitam omnem meam, actionemque omnem vitæ totius meæ, tuæ pro me in ligno Crucis expirationi, & per punctum illud inſtanſque mortis meæ, quo actualiter moriar, propono, & intendo, pro Te Domino meo mori, ut hac ratione morte meâ correfpondeam aliquantula ex parte Morti tuæ, inſtanſque mortis tuæ, quo tu omnis vitæ author in Cruce expiraſti pro me: Atque ad hanc ipſam intentionem, quantum poſſum, dirigo omnem quoque, omnis mortalis, & mortuæ, morituræve creaturæ mortem.

10. Accepta ô Æternæ DEVS, pro tributo à me nunc tibi exhibito, oblationem illam, quam Tibi de ſe ipſo fecit pro me Dominus JEſus, quàmque de eodem Domino JEſu filio ſuo, ſimulque tuo, tum ſimul & de ſe ipſa fecit Mater Domini JEſu, itemque illam, quam & ipſe JEſus, & ejus Mater MARIA fecerunt Tibi pro me, & pro omni creatura. Et inſuper intendo per omnia eſſe totus tuus, toto illo modo, quo tuum eſſe Filius tuus fecit, tantoque me ad hoc amplius obligavit, quantum ipſe plus pro me pertulit.

Uſque huc Novarini modus atque ſenſus quantum pro me licuit ex ejus Italico expreſſus: ſitque hoc interim ſatis, de tributo ſolvendo pro Chriſti Domini Paſſione, DEO Patri Æterno. &c. &c.

M O D V S LXIV.

Exagesimus quartus Modus meditando Passionem Domini nostri, esse potest, ejusmodi, quem adumbratum legimus in Esdra de quo scribitur. [Congregatusq[ue] est omnis populus quasi vir unus ad plateam, quae est ante portam aquarum. Attulit ergo Esdras Sacerdos legem coram multitudinem virorum & mulierum, cunctisq[ue] qui poterant intelligere. Et legit in eo aperte, de mane usque ad mediam diem in conspectu virorum & mulierum, & sapientium: & aures omnis populi erant erectae ad librum. Stetit autem Esdras scriba super gradum ligneum, quem fecerat ad loquendum. Et steterunt iuxta eum ad dexteram ejus & ad sinistram ejus. Et aperuit Esdras librum coram omni populo, super universum quippe populum eminebat. Et cum aperuisset eum, stetit omnis populus.] Ad hunc ergo modum, & juxta hanc figuram, Christus Dominus noster Sacerdos, & scriba summus, atque sapientissimus, cogitari potest, stans super gradum ligneum, nempe super Lignum Crucis suae affixus, pendens, aperire Librum Legis, qui ipse idem Dominus est, tum Liber, tum Lex, tum etiam Legislator. Qui liber scriptus intus & foris, Carmine, va, & lamentationibus, in passione, partim clausus, & obfignatus, partim etiam apertus & lectus est: neque ab alio ullo, quam ab ipso met Christo Domino melius: nam alii hunc ignorantes, voces Prophetarum quae per omne Sabbatum leguntur, judicantes impleverunt. Ad hunc ergo Lectorem Legis Divinae, ad hunc Sacerdotem, & scribam, super gradum ligneum, super Cathedram Crucis suae stantem, omnis Anima fidelis merito concurrat, & aures ejus ad Librum erant erectae. Optime enim & appositè ad propositum praesens dixit Augustinus. *Crucem Christi, non solum esse lectulum morientis, sed etiam cathedram docentis.* Libeat ergo Animae fidei cuiusq[ue] vel legere propriis oculis librum hunc, vel audire legentem semetipsum Librum ipsum: miro quidem per omnia, tamen vero modo, quoniam in rei veritate, & Liber, & Libri verba, & Lex, & Lector Libri, & Legislator, unus, ac idem est Dominus noster IESVS Christus: potestque, immo debet, sive legi, sive lectus audiri, ab omni Anima fidei, Orando, Amando, Compatiendo, Obediendo, Laudando, Gratas agendo, Adorando, Servando, & Explendo, atque Imitando.

Porro quid sit in hoc Libro legendum non est quidem difficile

nosse,

2. Esdra
8.1.

Ezech.
2.9.

Aet. 13.
27.

August.
Tr. 119.
in Ioann.

nōsse, tum ex ipsa Passione; tum ex modis supra jam adductis, & præcipue *Modo v. g. 20.* Vbi agitur de Opere, Modo, & Causa. Item *Modo 36.* De labore & dolore Christi in Passione. Item 24. De quavis Parte Passionis Christi, & de peccatis eam causantibus, deque virtutibus & earum doctrinis, in ea nobis propositis &c. &c. Possunt nihilominus sive legi, sive etiam tanquam lecta audiri in eo Libro, ea ipsa verba æternæ vitæ, quæ Christus sicut vivens docuerat, ita Patiens, atque Moriens, ipso Passionis & Mortis suæ actu exercebat, exercendoque prædicabat. v. g. docebat Christus vivens. *Penitentiam agite*, appropinquavit enim Regnum DEI: id ipsum luculenter, & legere, & audire est, ex hoc Libro, & ab hoc Lectore super gradum ligneum, seu lignum Crucis stante, legente, prædicante, demonstrante.

- Luc. 9. 2. Qui vult venire post me, abneget semetipsum & tollat Crucem
27. suam quotidie, & sequatur me. Lege hoc ipsum in libro isto, & audi ab Eisdra Christo in Cruce prælegente.
- Matth. 3. Si vis perfectus esse, vade, vende omnia, & da pauperibus, &
19, 17. veni sequere me, & habebis thesaurum in Cælo. Lege hanc vocem, & vocationem in isto libro.
- Luc. 13. 4. Si vis ad vitam ingredi, serva mandata.
24. 5. Contendite intrare per angustam portam, quia arcta est via quæ
Mat. 11. ducit ad vitam, & pauci sunt qui inveniunt eam.
29. 6. Discite à me, quia mitis sum & humilis corde.
Ioan. 12. 7. Nisi granum frumenti cadens in terram mortuum fuerit:
24. ipsum solum manet, si autem mortuum fuerit, multum fructum affert.
Luc. 12. 8. 8. Qui me confessus fuerit coram hominibus, confitebor & ego
eum coram Patre meo, & coram Angelis DEI, qui autem me confusus fuerit (aut erubescet) coram hominibus, confundar & ego eum coram Patre meo, & coram Angelis ejus.
- Ioan. 13. 9. Scitis quid fecerim vobis? vos vocatis me Magister & Domi-
13. ne, & bene dicitis, sum etenim; Si ergo ego Dominus & Magister vester, laui pedes vestros, (hæc, & talia pertuli pro vobis) & vos alter alterius debetis lavare pedes. exemplum enim dedi vobis, ut quemadmodum ego feci, & vos similiter faciatis.
- Ioan. 14. 10. Ut cognoscat mundus, quia diligo Patrem, & sicut mandatum
30. dedit mihi Pater sic facio.
- Ioan. 3. 11. Sicut Moyses exaltauit serpentem in deserto, ita exaltari oportet
14. Filium hominis, ut omnis qui credit in ipsum non pereat, sed habeat vitam æternam. Sic enim Dicit &c. 12. Sic

12. Sic DEVS dilexit mundum, ut Filium suum unigenitum daret; ut omnis qui credit in eum, non pereat sed habeat vitam eternam. *Ibid.*
 13. Maiorem charitatem habet nemo, quam ut animam suam ponat pro amicis suis. *V. 16.*
 14. Ego sum Pastor bonus, & animam meam pono pro ovibus meis. *Ioan. 10.*
 15. Meus erubus est ut faciam (patiar) voluntatem Patris mei, qui in Caelis est. *15. 13.*
 16. Diligite inimicos vestros: benefacite his qui oderunt vos, orate pro persequentibus vos, ut suis filii Patris vestri, qui in caelis est, qui Solem suum facit oriri, super bonos & malos, & pluit super iustos & iniustos. *Ioan. 4.*
 17. Si in viridi ligno haec faciunt: in arido quid fiet? *34.*
 18. Qui autem in terram bonam (id est, qui sunt terra bona, fermen verbi DEI excipiens) haec faciunt fructum multum in patientia. *Luc. 6.*
 19. Qui autem perseveraverit usque in finem, hic salvus erit. *17.*
 20. In Patientia vestra, possidebitis animas vestras. *Luc. 23.*
 21. Omnis qui non bajulat Crucem suam quotidie, & venit post me, non est me dignus. *31.*
 22. Vulpes foveas habent; volucres caeli nidos, Filius autem hominis, non habet ubi caput suum reclinet. *Luc. 8.*
 23. Haec oportebat pati Christum, & ita intrare in gloriam suam. *Mat. 100.*
 24. Non est servus major Domino suo: sed sufficit illi si sit sicut Dominus eius. Sime persecuti sunt, & vos persequentur, si Patrem familias Beelzebub vocaverunt, quanto magis domesticos eius? *22.*
 Haec omnia docuit Christus vivens inter homines, haec eadem omnia, legere est in ipso eodem Christo velut in libro super Crucem expanso, haec omnia audire potest, ac debet, Anima quavis, ab eodem, de Crucis gradu cathedraque praegente: haec omnia docet Christus patiens, & moriens, & quidem non jam solis verbis, sed ipsis operibus, atque adeo doloribus, & vulneribus, ut dicere videatur: Si verbis meis non creditis, operibus credite; & ea operibus vestris complete. *Luc. 21.*
 Haec ipsa nostri Esdrae de ligneo Crucis gradu seu cathedra legem DEI edocentis, praecepta, ad alia pauciora prioribus, non minus tamen praequantia capita revocari possunt. In Christi enim Crucifixi & Passi volumine legi possunt e. g. haec. *19.*
 I. Amor DEI, atque ut Apostolus loquitur nimia Charitas Dei erga nos. Sic enim DEVS dilexit mundum, ut Filium suum unigenitum daret, &c. *Luc. 14.*
 M m 2 *1. Amor*

Gal. 2. 20.

1. Amor Christi Domini etiam erga eosdem nos. *Qui dilexit me, tradidit se ipsum pro me.*

3. Via ad Cœlum unica, & recta, & tuta, per Crucem & passionem propter Christum.

Rom. 8.

32.

4. Odiunt immensum Dei contra peccatum, zelusque justitiæ ac furoris ejus contra ipsum. *Qui proprio Filio suo non pepercit, sed pro omnibus nobis tradidit illum in mortem.* &c.

Luc. 23.

31.

Joan. 5.

2.

5. Immanitas poenarum inferni, destinarum peccatis & peccatoribus. *Si enim in viridi ligno hæc faciunt, in arido quid fiet? Omne palmitem in me non ferentem fructum, Pater meus tollet eum, & in ignem mittet, & ardet.* Denique immanitatem illam hoc luculenter ostendit, quia sanguine Christi eam extinguere oportuit.

Mat. 5.

12.

6. Immensitas Cœlestis gloriæ, quam adeo pretioso, id est divino sanguine comparari necesse erat. *Gaudere & exultare, quia merces vestra multa est in calo.* Sed Christi sanguine exarata.

Matt. 16.

26.

7. Pretium animarum nostrarum, quas Christus, non utique insipiens Mercator, sanguini, & vitæ suæ præferre non dubitavit, quod sanè amplius est longè, quam illud ejusdem Domini dictum. *Quid prodest homini, si universum mundum lucretur.* &c. *Aut quam commutationem dabit homo pro anima sua?* Certè Christus pro ea dedit suam. Vide ergo quanti æstimavit alterutram?

Joan. 13.

15.

Luc. 14.

27.

Nicol.

Lancitius

opuscul. 10.

med. 29.

8. Exemplum omnino imitandū ab omnibus. *Exemplum enim dedi vobis, ut quemadmodum ego feci, ita & vos faciatis.* *Qui non non bajulat Crucem suam & non sequitur me, non potest meus esse discipulus.*

Nicolaus Lancitius accuratus vitæ spiritualis Magister, tom. 1. Operum Spiritualium. Opusculo 10. Meditatione 29. ad quatuor capita revocat omnia, quæ præcipuè in Christi Passione, Passique Christi libro legenda sunt. 1. est. Gravitas peccatorum nostrorum. 2. Liberalitas Christi in nos, eandē vicissim à nobis in Christum requirens. 3. Amor efficax Inimicorum, & ingratorum, & indignorum. 4. Renuntiatio omnium commodorum personaliū, propriorum: quæ apud ipsum fusiùs legere est.

Laur. Iu-

stin. lib.

de Triu-

phali Ago

Liber hunc Modū concludere Beati Laurentii Justiniani verbis, quæ supra dictis lucem dabunt. Nihil eorum, quæ in sacro continentur eloquio, sic humanum valet excitare affectum, mentem erigere, temperare laborem, peregrinationis tœdium auferre, & felicitatis æternæ spem immittere, quam redemptionis humanæ mysterium.

sterium. In illo miserationis divinæ referatur abyssus, cœlorum ne Christi
aperitur janua, charitatis latitudo ostenditur, & quantus sit homo sti. cap.
apertissime demonstratur. Pro tuis itaque facinoribus, ô homo, 20.
tristare in Christo. Te agnosce in illo, tua in ejus afflictionibus
metire delicta, debita tua in Christi lege membranis. Ipsius attri-
tio, livor, & passio, nostræ sunt calamitatis indices, & adeptæ pacis
speciales testes. Hanc itaque (pacem) non in membranis, non in
lapide, neque in ligno, sed sanguine proprio in sua carne conscrip-
psit. Librum hunc, ut ab universis legatur publicè exposuit, non
sermone composito, vel humanæ sapientiæ exaratus est verbis, sed
hominum interveniente malitiâ, digito Dei scriptus; nempe sa-
vientibus inimicis depictus est foris: Charitate autem & sapientiâ
Christi, formatus est intus. Habet foris, simplex & indoctus quid
legat, habet spirituales & perfectus quid intus intelligat. Legit
simplex & latificatur, atque compungitur, exercitatus verò intelli-
gens irradiatur, atque accenditur. Quis, nisi Sapientia Doctrinæ po-
terat tam multa paucis colligere, abbreviatam legem, legalia Sa-
cramenta, charitatis compendium, perfectionis celsitudinem, & to-
tum Redemptionis humanæ Modum, in hoc Corporis sui conclu-
sit volumine. Quamobrem cum scribere complèssset, nihilque su-
peresset scribendum, dixit: *Consummatum est.* Hæc Beatus Lau-
rentius.

M O D V S LXV.

SEXAGESIMUS quintus meditandi Passionem Domini Modus esse
potest; si assumatur Christus Patiens vel Passus, atque meditati
proponatur, ita, ut totus quantus est Christus opponatur homini,
velut quidam accusator, expostulatorve, ac simul Iudex, simulque
etiam Medicus, aut Parens indulgentissimus. Opponatur autem se-
cundum omnia exteriora & interiora sua, toti homini, item secun-
dum exteriora & interiora ejusdem hominis. Explicatione, &
exemplo res fiet clarior. Igitur ô Christiane pone tibi ob oculos
cordis tui Christum DEVM tuum, in conditione quidem quâ vo-
les, & videtur utilissimum efficacissimumque futurum, si Patientem
aut Passum pro te tibi proposueris. Rursum verò coram Christo po-
ne temetipsum abjectum & prostratum in genua vel faciem, (prout
æquum est) vel prout commodius videbitur meditationi. Tum au-
dire tibi videaris Christum dicentem ad te illa. *Narra si quid ha-*
bes,

Isa. 43. *bes, ut iustificeris.* Conclusio tractatus istius, erit illa *Beati Iob.*
27. *Non respondebit ei unum pro mille.* Vel etiam illa. *Non iustifi-*
Iob. 9. 3. *cabitur homo compositus D E O.* Audi ergo homo quomodo Chri-
Iob. 25. sti exteriora stent contra te, & accuset te? *Eccē Caput Christi*
 4. confixum spineo ferto, conquassatum, depilatum, laceratum, humi-
 liatum: Accusat caput tuum, illudque secum in iudicium vocat,
 quia est sibi valde dissimile: nam est superbum, delicatum, calami-
 stratum, concinnatum, & cincinnatum, pingue, & unctum, ere-
 ctum, & cervicosum. *Frons Christi* veneranda, tuam effrontem
 frontem immodestam, & superbam arguit. *Oculi Christi* modesti,
 demissi, verecundi, suffusi, & caligine sanguinea obtenebrati, ocu-
 los tuos nutibus suis ambulantes, & usque ad fines terræ potrectos,
 vagos, vanos, lubricos, curiosos, molles, procaces, volubiles, in iu-
 dicio vocant. Defende si potes, ex causa, atque causam oculorum
 tuorum, frontis tuæ, capitis tui: quod si non potes? si quàm longis-
 simè (quod est per omnia verum) absunt à Christi exterioribus,
 quid restat, nisi ut denique te ipse condemnes, & dicant contra te
 iniquitates tuæ testimonium? sic enim tantum evadere potes horri-
 bile D E I iudicium. Nam si accusas te, iustificas: quod si iustus
 es? sequitur Christum iniquum esse. Atqui sic contra D E V M fac-
 cis, & iustior es factore tuo. Si autem accusas te, & condemnas,
 cum D E O facis, exaltas quidem Christum, qui est super omnia D E-
 vs benedictus in sæcula: Tibi autem solum faciei confusionem (quæ
 revera sola tua est, tibi que debetur) inducis & indicis, & per hoc ju-
 stus efficeris. Quod de Capite, Fronte, Oculis Christi dixi, de
 tota Corporis Christi, compage meditandum est, sed hoc in presen-
 ti (ubi modos tantum meditandi non meditationes scribimus) lo-
 cum non habet. Atque etiam id ipsum cogitandum de Christi
 interioribus, ita ut Anima Christi animam nostram incuset, Me-
 moria memoriam, Intellectus intellectum, Voluntas voluntatem,
 Phantasia Phantasiam, Iudicium & æstimatoria, itemque consultiva
 & electiva facultas Christi, nostrā judicativam, æstimatoriam, con-
 sultivam, & electivam vim in jus vocet. Pariter Amor amorem,
 Timor timorem, Tristitia tristitiam, Ira iram, Odium odium, Fu-
 ga fugam, omnis denique appetitus Christi, nostrum appetitum ac-
 cuset. Præterea, Charitas charitatem, Contritio contritionem,
 Obedientia obedientiam, Paupertas paupertatem, Puritas purita-
 tem, Humilitas humilitatem, Manfuetudo, Patientia, Modestia,

manfue-

mansuetudinem, patientiam, modestiam. Constantia, Fortitudo, Perseverantia, Fervor, Devotio; nostram constantiam, fortitudinem, perseverantiam, fervorem, devotionem inculpet, & de ea coram Deo Patre, vel ipso Christo, vel conscientia tanquam iudice, coram sanctis conqueratur; quod nempe tanta sit inter sua & nostra differentia, dissimilitudo, ut præter sola nomina, nullo modo in comparationem venire possint. Nam v.g. quæ comparatio nostræ charitatis ad Charitatem Christi, nostræ mansuetudinis ad Mansuetudinem Christi, nostræ orationis ac religionis, ad Orationem & Religionem Christi? Par de aliis iudicium, par & sententia, decretumque esto. Et tamen Professio, vocatio, obligatioque nostra magnam similitudinem promittit, & proficitur, & exigit: & tamen auxilia subsidiaque gratiæ, itemque opportunitas & occasiones, itemque exempla tum Christi Domini, tum Sanctorum, tum eorum, quos inter vivimus, à quibus & habemus data, quibusque obligamur dare, longè alia virtutum, perfectionumque argumenta, jure suo exposcunt. Hac tali meditatione, collatione, dijudicationeque Christi ad nos, nostrique ad Christum, præsertim Passum ac Patientem, institutà atque peractâ, cum debita applicatione atque serietate, quæ, vel ejus nostrum erit Anima, in qua non enascantur competentes, hoc est, maximè resoluti, accurati, obfirmati que affectus, & conatus ad meliora, ad perfectiora, ad Christo similia, vivendi, agendi que studia? Atque nisi me mea fallit opinio, talis dijudicatio, atque (ut sic loquar) Christi nobiscum, nostrique cum Christo confrontatio, illis potissimum usurpanda est, qui perfectionis christianæ, vel actualem possessionem, vel actualiter continuatam consecrationem profitentur statu suo, rationeque vivendi, & vocationis instituto. Gentilibus enim, maximè cum lumine rationis naturalis contendendum erit in iudicio, cui scilicet obluctati sunt, & veluti exuto rationis freno, bestiali libertate vixerunt. Christianis & Mâdata quidem Dei lumine rationis cognita, ac insuper à Deo proposita, sed præterea etiam fidei christianæ præcepta sinè dubio opponentur in iudicio, & ad illa, ipsorum vivendi ratio strictè examinabitur. At verò Christi perfectam imitationem professis: totus quantus est Christus, totaque virtutum ejus sinceritas, sublimitas, herocitas, atque exemplaritas, ob oculos statuetur, & ad eam normam, vitæ, virtutumque, nec non singulorum operum, omniumque morum perfectio, & sinceritas, & sublimitas expendetur: non utiq;

sinè

sine grandi confusione ejus, qui inventus fuerit minus habens. Si-
 cut etiam non erit absque magna, ac omnino divina consolatione,
 exultationeque illius cujusque, quicumque inventus fuerit quam exa-
 ctissime prototypo, exemplarique Christi Domini respondisse, ad
 illiusque similitudinem proximè accessisse. Quare hoc genus me-
 ditationis, sui nempe cum Christo collationis, & tam ab ipso, quam
 omnibus quæ sunt in ipso, nostrarum rerum, virtutum, partium, af-
 fectionum Accusationis, Examinationis, Dijudicationis: faciat
 unusquisque nostrum, qui vocatione statuque perfectionem, & per-
 fectam Christi imitationem profiteamur, sibi valde familiarem. Sic
 enim fiet, ut magnis, & perpetuò continuatis passibus, atque pro-
 gressibus stadium perfectionis christianæ decurrere nos, decurre-
 reque experiamur, assequamurque illud felicitatis, quod sponsa in
 Canticis obvenisse legimus: quæ omnibus illis encomiis, à sponso
 suo vicissim commendatur exactè, quibus ipsa sponsum suum co-
 piose & sigillatim dilaudat. Ad hoc certè studii genus Beatus Pe-
 trus videtur exhortari fideles, omnes quidem, at revera virtutis per-
 fectionem professos, præcipue, cum ita monet. *Christo in carne*
passo, & vos eadem cogitatione armamini. quibus verbis Apostolus,
 & admonet nos obligationis nostræ, quæ in nobis exsurgit, ex eo
 præcipue, quod Christo Crucifixo, Passoque pro nobis nomen de-
 didimus: ejusque obsequio nos dedidimus: videlicet ad imitationem
 ejus in Passione & sufferentia adversitatum quâcumque: & præ-
 terea demonstrat, quanto cum studio, animique applicatione, &
 obligationis appretiatione hanc ipsam obligationem exequi, tenere,
 & conservare debeamus: eâ scilicet quâ videmus militiæ consecra-
 tos homines, arma sua sive defensiva, sive offensiva solitos esse con-
 servare, tueri, æstimare. Cogitationes enim de Patiendâ pro Chri-
 sto, & cum Christo, & exemplo Christi, vocat armaturam nostram,
 contra omnes, non tantum adversitates, sed, etiam adversarios ipsos,
 Denique etiam Beatus Apostolus fructum nobis indicat ejusmodi
 cogitationum, atque ad patiendum (exemplo Domini nostri Iesū
 Christi) resolutionum: videlicet securitatem, & ab omni vulnere
 immunitatem, siquidem talibus cogitationibus non aliter quam in-
 vincibilibus armis, & protegemur ipsi, & hostibus formidini eri-
 mus. Quocirca Christo in carne sua Passō, armemur & nos car-
 nem nostram patiendi resolutionibus. Christo in Anima sua Pas-
 sō, armemur & nos proposito patiendi cum ipso in animabus no-
 stris,

Cant. 4.

1.

Cant. 5.

2.

stris, Christo humiliato, contempto, vulnerato, cruentato, illuso, exinanito, cum iniquis deputato, à Patre derelicto: & nos similibus perpetiendorum desiderio proposito, studio, inquisitione, aestimatione armemur: ut humiliari, despici, affligi, crucifigi, cum latronibus & impiis reputari, ipsum etiam cordis à Deo exilium perpeti concupiscamus, queramus, ambiamus, gaudeamus.

M O D V S L X V I.

Sexagesimus sextus Passionem Domini meditandi Modus esse potest, recogitando, & devotis cum affectibus expendendo, qualiter Dominus **I E S V S** semper quidem aliàs in tota mortali vita sua; ac specialius Passionis suæ, mortisque tempore, omnem quidem infirmitatem, & miseriam, atque vilitatem humanæ conditionis, quam assumpserat pro nobis, luculenter ostendit: contra autem omnem Divinitatis maiestatem à persecutorum subrum oculis abscondit. Exhibet istum Modum meditandi Gregorius Magnus; ubi verba illa Beati Iob. [*Si expavi ad multitudinem nimiam, & despectio propinquorum terruit me; & non magis tæcui, nec egressus sum ostium.*] ad Christum Dominum accommodans, ita loquitur. [*Quæ* scilicet verba, si ad mysticum intellectum petrahimus, in eis citius operationem nostri redemptoris invenimus. Ipse quippe ad multitudinem nimiam non expavit, dicens. Ego sum. Ipsum despectio propinquorum non terruit; qui nos ab æternis suppliciis liberans, palmas in facie æquanimiter accepit. Ipse tacuit, & ostium egressus non est: qui sub ipsa jam hora Passionis, cum humanitatis infirmitate pateretur, Divinitatis potentiam exercere noluit. Mediatori quippe Dei & Hominum quasi ingredi ostium fuisset; si cum teneretur ut Homo, Maiestatis suæ potentiam voluisset ostendere: & per Divinitatis Magnitudinem susceptæ carnis infirma transire. Vt autem apertus Homo mori posset, **D E V S** mansit occultus, quia si cognovissent nunquam Dominum gloriæ crucifixissent. Non est ergo egressus ostium, qui & requisitus à Pilato tacuit, atque inter persecutorum manus, & corpus Passionis obtulit, quod pro electis assumpserat, & resistentibus noluit demonstrare, quod erat. Vnde etiam per Psalmistam dicitur: Posuerunt me abominationem sibi, traditus sum & non egrediebar. Cum enim despiceretur, quia homo videbatur, egressus esset, si occultam maiestatem suam ostentare voluisset. Sed quia infirmitatem prodidit, potentiam abscondit, in

Iob. 31.

34.

Greg. lib

22. Mo-

ral. c. 12.

"

"

"

"

"

"

"

1. Cor.

2. 8.

"

"

Psal. 87.

9.

"

"

"

29 eo quod persecutoribus suis incognitus mansit, ad eos minimè exi-
 30 vit. Qbi tamen ad electos exit: quia Divinitatis suæ lyavitatem
 31 quarentibus aperit. Vnde etiam per Prophetam dicitur. Existi in
 Abac. 3. salutem populi tui ut salvos facias Christos tuos. Hæc Sanctus
 13. Doctor.

Licebit ergo ad hunc Modum Passionem Dominicam contem-
 plari, ut videlicet in infirmitatibus, & miseriis, & abjectionibus Sal-
 vatoris, quæ in oculis omnium fuerunt, & quæ Salvatorem aestima-
 tioni malignorum atque hostium vilissimum & contemptissimum
 per omnia exhibuerunt, scrutemur, admiremur, deprecemur, exal-
 temus, magnificemusque ea, quæ sunt Divinitatis, quæ Majestatis,
 quæ Gloriæ, Dignitatisque ejusdem, sic enim Anima pertransiendo,
 nunc priores & manifestas ignominias atque dolores, nunc *poste-*
 1. Pet. 1. *riores & occultatas gloriæ majestatisque divitias; egreditur, & in-*
 2. *greditur, & pascua inveniet.* Pascua (inquam) uberrima piissi-
 Iean. 10. morum atque devotissimorum affectuum, tum circa, & erga Domi-
 9. num suum Redemptorem, tum circa, & erga semetipsam ab ipso
 redemptam.

Ita si Anima fidelis contempletur Christum in Horto Patri sup-
 plicem in terram positus genibus, totoque corpore prostratum, Ca-
 licem Passionis, cum summa suæ voluntatis abnegatione, depre-
 cantem, atque præ angustis sacratissimæ suæ Animæ agoniscentem,
 atque sudore sanguineo manantem: Non hoc tantum, quod defo-
 ris patet, in Christo suo spectabit, atque deslebit, verum etiam ad
 interiora Iesv introibit, & videbit in Christo, qui orat, Christum
 ipsum; qui etiam oratur: in Christo Calicem Passionis deprecante,
 Christum calicem Passionis porrigentem; in Christo per Angelum
 confortato, Christum Angelorum fortitudinem & beatitudinem;
 in Christo agoniscente, Christum Agonothetam; in Christo sangui-
 neis guttis sudante, Christum infatigabilem in se, & omnium pro se
 fatigatorum recreatorem. Vtraque porrò istorum tam scilicet for-
 rinseca infirmitatum & miserationum Iesv, quàm Interiora gloriæ
 & majestatis ipsius, docebunt, & deducunt Animam, ad comple-
 tendum fide, spe, charitate Jesvm, ad ejus adorationem atque re-
 verentiam, ad compatiendum condolendumque ipsi, ad patiendum
 & sustinendum omnia adversa propter ipsum, ad suæ propriæ vo-
 luntatis translationem in ipsius beneplacitum, ad laborandum &
 sudandum infatigabiliter propter Nominis ejus gloriam, ad humi-
 liandum & abjiciendum sese sub potenti manu Dei. Ea.

Eadem Anima fidelis si contempletur Christum suum a foris quidem proditum, derelictum, captum, vinculis constrictum, & ad tribumalia Anna & Caipha traptatum, ibidem indignissimis injuriarum & contumeliarum modis saturatum, blasphemiae damnatum, reum mortis uno omnium Pontificum, Sacerdotum, Legisque Doctorum, ore, & decreto pronuntiatum. Simul etiam eundem intuebitur oculo fidei ad interiora Iesu pertingente, eundem iudicem coram reis, discretorem & scrutatorem cordium inter hypocritas impios, ultorem & vindicem omnis non blasphemiae tantum, sed absolute cujuscunque iniquitatis, Sanctum Sanctorum, & Candorem Lucis aeternae, iustitiamque omnem impium justificantem, quicumque illi sese subdere voluerit, & subdendi datam sibi ab eo gratiam & voluntatem non abjecerit. Ex quibus utrisque, discet Anima, brachiis fidei, spei, charitatisque suae, intus complecti Christum suum, discet gratias agere corde, voce, & in primis opere, Christi Majestati, in tanta sepultura, sua causa, opprobriorum, & indignitatum enormitate. Discet respicere, timere, revereri, atque demereri Iudicem suum olim futurum, cujus causam veluti impii advertit ab impiissimis judicari, discet explere honoribus, & aequare laudibus conari, atque studere eum, cujus Animam intuetur omnibus inhonorationibus, & contemtionibus inimicorum pro se inundatam, atque prorsus obrutam, & absorptam. Discet in medio impiorum pietatem exhibere, in medio perfidorum veritatem profiteri, in medio nocentium innocentiam servare, in medio hypocritarum dolorosam simplicitatem tenere, in medio persequentium & contradicentium constanter stare: in medio terrentium atque affligentium non timere: in medio inimicorum Dei pro Deo certare, & cum Deo esse.

Item si voluerit Anima fidelis & amans, contemplari infirma Salvatoris sui in Pilati examine, Iudicio, & Decreto, in Herodis fastu, ludibrio & contemptu, in comparatione cum Barabba: In flagellatione aequae crudeli ac probrosa, inveniet Christum iudicibus hominibus, a maximis ad minimos, malefactorem, seditiosum, rebellem, laesae Majestatis reum, fatuum, atque stultum, conditione, scelere, supplicio servum, vitam & terram, & nomine etiam, memoriaque inter homines indignum. Rursum autem eundem ipsum Christum suum, quamvis hoc modo plus quam miserabili conditionatum, in interioribus ejus contemplans, reperiet Christum omni potestate

absolutum & maiorem, reperiet testem veritatis, doctoremque, imò ipsissimam veritatem, reperiet Dominum ac Regem supra hunc mundum, reperiet sapientiam, & sapientiæ fontem ex ore Altissimi promanantem, reperiet vestitorem Syderum, Cœlorum, terrarum, rerumque omnium, vestimento tam naturæ, quàm gratiæ, quàm gloriæ, reperiet verbum, quo conditi & formati sunt cœli omnisque virtus eorum, verbum virtutis continens omnia, atque stabiliens, reperiet sanitatem & salutem universarum infirmitatum nostrarum, cuius livore nunquam sanati fuisset, nisi prius æternâ charitate dilecti, & miseratione perpetuâ præventi fuisset. Hæc verò utraque, nostri Salvatoris, tam patentia quàm latentia adjuncta, animam considerantem docebunt, Christum suum fide, spe, charitate complecti, stultitiam Christi non erubescere, imò eam propter Christum & ambire, & amplecti; comparari, imò & infra poni pessimis, abjectissimisque, non tantum silenter, sed etiam gaudentes, fieri pauperem usque ad nuditatem, castigari totâ die vitæ præsentis, & pati flagellationes manuum, linguarum, iudiciorum propter Christum, propter virtutem, propter veritatem, propter iustitiam, propter aliena sibi imputata delicta, denique subdi omni creaturæ propter Deum ad usque servilissimam conditionem, in laboribus, in doloribus, in suppliciis, in contemptibus, in contumeliis, in calumniis, in injuriis, in oblivionibus hominum, in ingratitude, in malorum pro bonis exhibitionibus, interim autem, hæc inter omnia obfirmatè silendo, & hæc universa in taciturnitate sepeliendo; ut quod piè patitur dextera, vanè vel amarulentè non clamet sinistra.

Quod si Anima fidelis circumspicere voluerit Christum suum Redemptorem, ludibrio crudeli, & crudelitate ludicrâ coopertum, nimirum in sermo spineo, in chlamide coccinea, cum sceptro arundineo, facie concussam simul & consputam, in Regem miseriarum, in virum dolorum, in monarcham contemptuum, in scientem infirmitatem, deformatum: ab universo populo suo abnegatum ad patibulum Crucis, non tantum maximâ clamorum instantiâ, verum etiam suimet suorumque infelicium filiorum iacturâ & perditione, sive ex postulatam, sive extortam, demumque examinato Præsidis Pilati timore, supplicio, mortique Crucis, & (quod est miserius) voluntatibus inimicorum suorum donatum, traditumque. Si inquam hæc circumspectare in Salvatore Anima fidelis, piaque volue-

rit

rit, sanè nihil ad exaggeratissimas calamitates miseriaeque tanquam
 extremi homuncionis Dei sui desiderabit. Attamen interea laga-
 cissimâ fide, fidentissimâque charitate, in his ipsis calamitatibus ver-
 mis & non Hominis, opprobrii hominum, & abjectionis plebium,
 indagabit, & inveniet Regem in decore suo, cujus vultum deside-
 ret universa terra, & in quem desiderent semper, cessent nunquam,
 Angeli prospicere. Inveniet Dominum excelsum, & elevatum, &
 Majestate gloriae suae terras coelosque replentem: cui adstantia Sera-
 phim Sanctus, Sanctus, Sanctus, incessabiliter decantent. Inveniet
 Dominum regnantem, indutum decorem, indutum fortitudinem,
 atque præcinctum. Inveniet Regem Salomonem, universa in san-
 guine suo pacificantem, redimitum diademate, quo coronavit eum
 Mater sua, in die desponsationis suae, & in die lætitiæ cordis ejus.
 Inveniet Filium Dei, non fictitium, neque creatum de nihilo, sed ex
 utero Patris, in splendoribus Sanctorum, atque sanctitatum genitū,
 & unigenitum, eundemque ex semine David, in tempore definito,
 ex virgine factum, & natum. Inveniet fortissimum Deum Sabaoth,
 qui solus habet immortalitatem, potentiam, atque virtutem, cui
 omnis fortitudo creata arundinea est infirmitas. Inveniet Leonem
 Agnum, (nempe Deum Hominem, Verbum carnem) coram quo
 viginti quatuor Seniores, & animalia quatuor sancta procidunt &
 coronas capitum suorum, pedibus ejus advolunt, Seraphim autem
 alis suis faciem ejus velant, decorem & majestatem vultus ejus con-
 tueri non prævalentia. Porro anima contemplans fidei charitate
 hæc tam Infirma, quàm Gloriosa Salvatoris sui, habet unde lactetur
 si infantula est, habetque unde solido cibo fortium pascatur, si jam
 idonea est. habet sugere mel de petra, oleum quoque habet de saxo
 durissimo. habet unde suam quidem superbiam, & tumorem vanæ
 mentis confundat, & contundat in ignominis Redemptoris: habet
 unde totam se profundat in exaltationem, atque magnificationem
 ejusdem Majestatis. Habet unde in imas abyssos demergatur pro-
 priæ vilitatis, dum in tanta despectione demiratur Dominum, &
 fontem omnis Dignitatis. Audit inclamantem furiosæ multitudi-
 ni Pilatum, Ecce Homo: sed vicissim reponit auribus omnis crea-
 turæ inclamans, Ecce DEVS. Abhorrescit audiens infernalem
 rabiem dicentium. Sanguis ejus super nos, & super filios nostros;
 & nihilominus adverso, id est, cœlesti spiritu repetit, & expetit, ve-
 niat, & sit sanguis ejus super nos, & super filios nostros in salvatio-
 nem,

Apoc. 4.

4.

Isa. 6.

2.

nem. Agnoscit omnem suam, & quaecunque creatam virtutem, & excellentiam, atque potentiam arundineam prorsus esse, per omnia, nisi à manu Dominica robur, & vegetationem perenniter influentem accipiat. Denique peccatis quidem suis, atque adeo toti sibi ex animo, & ex veritate inclamat assiduò, Tolle, tolle. Crucifige, crucifige: at verò Salvatori suo, Deo, Domino, totis medullis, totisque viribus suis inclamat, & insonat jugiter; *Benedicam Dominum in omni tempore, semper laus ejus in ore meo. Benedic anima mea Domino, & omnia quæ intra me sunt nomini Sancto ejus. Magnificate omnes creature Dominum mecum, & exaltemus nomen ejus in idipsum.* *Eccl. 43. Quantumcunque potestis, glorificate eum; nec deficiatis, supervalebit enim adhuc.*

Pf. 33. 1.
Pf. 10. 2.
1.
Pf. 33. 4.
Eccl. 43.
32.

Quodsi tandem fidelis Anima contemplari voluerit damnatum ad Crucem Iesum, & cum iniquis deputatum, & ipsum sibi bajulantem supplicium suum usque ad mortis dirissimæ locum, cinctum innumerâ multitudine spectatorum, præsertim hostium; felle acetoque potatum, nudatum, aut magis excorticatum, totum tamen Cruore, vulneribusque suis vestitum, in Cruce expansum, ei que admentum, & affixum, tandem in alto montis vertice, medium latronum constitutum, omnibusque creaturis miserabile, saxi ipsis, rupibusque lachrymabile, solis hostium amarissimorum odiis oculisque desiderabile, & oblectabile spectaculum, virulentissimarum linguarum aculeis, spiculisque, magis, quam tota fuerit ategressa Passio, exeruciatum, in extrema, funestaque siti, novercali aceto recreatum, demumque inter omnia miseriarum, dolorum, despretionum, exacerbationum, proscissionum volumina, fluctusque plusquam decumanos, velut in altitudine maris, furentiumque tempestatum vortices demersum: tandem mortuum, sepulchralia omnia, ipsamque etiam sepulturam passum, & ingressum: Nunquid aliquid desiderare poterit Contemplatrix Anima infirmitatum & miseriarum Iesu? Interim tamen per ista omnia forinseca Iesu, quæ impios traxerunt ad contumelias, tormenta, & contemptum, & necem Christi, deveniet ipsa ad intima viscera Misericordiæ, Bonitatis, Charitatis, Iustitiæ, Majestatis, Gratiæ, Gloriæ, Divinitatis, Beatitudinisque ipsius. Inveniet Deum in Christo, & per Christum reconciliantem sibi mundum. Inveniet Dominum regnantem à ligno, & per contemptibile Crucis lignum, atque supplicium ex diluvio peccati, atque mortis eruentem omnem humanam creaturam.

Inve-

Inveniet in rubro mari Passionis Christi, demerfos quidem Aegyptios, Salvatos verò Hebraeos. Inveniet in sanguine testamenti ejus eductos in fortitudine vinctos, de lacu, in quo non erat aqua. Inveniet architectum salutis humanæ in medio tetræ. Inveniet Aeternum unigenitumque Filium, Patri Aeterno exsolventem pretium Redemptionis nostræ, copiosâ supra omnem modum, supraque omnem iustitiæ rigorem redemptione, & quidem non impenso auro, aut argento, sed pretioso sanguine Agni immaculati profuso. Inveniet supereminentem scientiam charitatis Christi, atque cum omnibus sanctis comprehendet, quæ sit longitudo, & latitudo, quæ sublimitas & profundum salvationis nostræ, & glorificationis DEI & exaltationis Christi, in Cruce, perque Crucem peractæ. Inveniet illam plenitudinem beneficii DEI & Patris qui dignos nos fecit in partem fortis Sanctorum, in lumine, qui eripuit nos de potestate tenebrarum, & transtulit in Regnum Filii dilectionis suæ, in quo habemus redemptionem & remissionem peccatorum. Inveniet eum, qui est imago Dei invisibilis, primogenitus omnis creatura, quoniam in ipso sunt condita universa, in cælo, & in terra, visibilia & invisibilia, sive Throni, sive Dominationes, sive Principatus, sive Potestates; omnia per ipsum, & in ipso creata sunt, & ipse est ante omnes, & omnia in ipso consistant. Inveniet quia ipse est Caput Corporis Ecclesiæ, qui est Principium, primogenitus ex mortuis, ut sit in omnibus ipse primatum tenens. Quia in ipso complacuit omnem plenitudinem inhabitare, & per eum reconciliare omnia in ipsum, pacificans per sanguinem Crucis ejus, sive quæ in cælis, sive quæ in terris sunt. Inveniet ad extremum, Mysterium, quod absconditum fuit, à sæculis, & generationibus, nunc autem in crucifixio Salvatore, manifestatum est Sanctis ejus, quibus DEVS voluit notas facere divitias gloriæ Sacramenti hujus, quod est Christus; spes gloriæ. Ista omnia inveniet & degustabit fidelis Anima in Cruce, & Morte, & sanguine, & vulneribus, & opprobriis Christi Crucifixi, procedens ab exterioribus infirmitatibus ejus, ad interiores & inenarrabiles divitias gloriæ ac virtutis ejus, per illuminatos oculos cordis sui: quibus & cognoscit, quæ sit spes vocationis, agnitionis ejus, & quæ divitiæ gloriæ hereditatis ejus in Sanctis, & quæ sit supereminens magnitudo virtutis ejus in nos, qui credimus secundum operationem potentie virtutis ejus, quam operatus est in Christo, suscitans illum à mortuis, & constituens ad dexteram suam in cælestibus, supra omnem principatum, potestatem, & virtutem, & dominationem, & omne nomen,

Colos. 1.

12.

Ibid. 1.

15.

Ibid. 1.

18.

Ibid. 1.

26.

Ephes. 1.

18.

Coloß. 1.
28.

men, quod nominatur, non solum in hoc seculo, sed etiam in futuro. Ex quibus omnibus corripitur & docetur in omni sapientia, exhibeturque perfecta in Christo IESV. Etenim parum foret omni Animæ, siue intueri exteriores misérias Christi Crucifixi, siue contemplari interiores Divitias Divinitatis ejus in Cruce absconditas, nisi simul etiã ipsa recipiat in sese imaginem, & similitudinem, & amorem, & gustum, & virtutem, & Possessionem Crucis ejus in ipso, ut absit ei gloriari in ullo penitus, præterquam in Cruce Domini nostri IESV Christi, transformeturque in eum ipsum, & configatur, conformeturque cruce ejus, in omnibus, & per omnia. Ipsi gloria in secula seculorum.

M O D V S LXVII.

Sexagesimus septimus Modus Passionem Domini nostri meditari esse potest, per recogitationem, allegationem, exprobrationem piam atque devotam ipsiusmet Domini IESV, omnium earum indignitatum, quas ipse, siue in omni vita, siue potissimum in Passione & Morte sua pro nobis dignantissime subire, seque illis, & (ut ait Tertullianus) eorum patientiã saginare voluit. Collaudando interim Christum, compatiendo ei, gratias exhibendo ipsi, appetendo similia perpeti, & offerendo ac preparando nosmet ad consimilia toleranda cum ipso, pro ipso, tenerã quãdam devotione, atque devotã teneritudine cordis, veluti exprobrando hæc indigna Christo, re autem verã illum tenerrimè laudando, & exaltando, in istis, & propter ista, atque adeò per ipsa ista, allegando ea tanquam argumenta petitionum nostrarum pro nobis, proque aliis, à Christo Domino obtinendarum.

Vixit Cracovia in Polonia ante annos non ita multos Virgo nomine Susanna, illustri, sed hæreticã labe infecto genere, orta. Hæc cum fidem Catholicam amplexa esset, neque ullis artibus propinquorum suorum ab ea abduci posset, deserta, spreta, & omnibus mundi subsidii destituta, inter summæ paupertatis, omnisque austerioris vitæ arumnas, in obsequio divino ferventissima constantissimaque ad mortem perseveravit. Vix ulli mortalium cognita, inter absconditos Christi sponsi thesauros secreta, quia in humilitatis agro sepulta delituit, tantò uberius interioribus divitiis à Domino Deo suo cumulata, quantò minùs vulgo nota, quantò amplius soli & uni poene Deo & perspecta, & complacita existit. Texere plen-

norem

niorem de ejus virginis virtutibus, ceterisque divinis muneribus narrationem, hujus neque loci, neque propositi est. Quod meo servit, proposito id refero. Ejus scilicet esse modum hunc, Passionem Domini meditandi, cumque Domino Passio & Crucifixo agendi, & causas suas tractandi, quem in presenti, & jam retuli, & uberius pro piarum animarum vel solatio, vel eruditione, refero. Narrante ergo (qui noverant) virginem hanc, familiarem hujusmodi orandi Christum, & agendi cum Christo modum usurpasse. Accedebat ad Crucifixi Salvatoris imaginem (& in specie ad illam, quæ in templo Cathedrali Castri Cracoviensis prope Sacrarium prostat, antiquitusque multâ hominum veneratione colitur, & Beata Hedvigi Poloniae quondam Regina locuta miraculose perhibetur) coram illa, in genua provoluta, aut certe humi confidens, in eum denique deveniebat orandi modum, ut reverentissimâ, tenerrimâ, devotissimâque simul audaciâ enumeraret, & velut objectaret, exprobraret, improperearetque vocibus, atque nominibus seu compellationibus Christo Domino, quæ ille pro nostra salute dignantissimè ab inimicis potissimum suis oggesta, aut etiam ex conditione humili, quam inter nos tenuit, adnatâ facere. Eum itaque alloquens agebat. O Tu seductor, & impostor. Tu Pseudopropheta, Tu Blaspheme, Tu seditiose, Tu Regnum ambitione quærens, Tu ad columbam manu & loris carnificum ligate, & verberate, Tu conspue, & vultu sordide, Tu patibulo addicte, archilatro, Tu Potator vini, Tu Peccatorum, & Publicanorum Conviva, Amice, Sôdalis, Tu damonium habens, Tu insane & in furorem verse. &c. His similibusque titulis velut insignibus encomiis, sive memoriâ de scripturis, sive mentis piæ affectibus suggerentibus, Christum cum satis appellitasset, effundebatur in pias tum lachrymas, exterius, tum laudes, amores, gratias, postulationes, obsecrationesque interius: suorum plerumque votorum facta compos, quæcunque tam piis sarcasms condita Christo proposuisset.

Arbitror non defuturos inter pios devotosque Christi Passi cultores, amatores, oratoresque, quibus hic Modus cum Deo suo agendi interdum saltem arridebit. His proinde, ut pro modulo meo subserviam, contexo uberiores talium Domini Nostri Iesv Christi pro nobis Passi, encomiorum indiculum, quem recolens tenera pietas, devotaque se se, & si fortè non planè satiare, at saltem refovere possit.

1. Conceptionem obscuram
& parè suspectam habens. Ioseph cum esset vir justus, & nollet eam traducere. *Mat. 1. 19.*
2. A publico diversorio ex-
cluse. Non erat eis locus in diversorio. *Luc. 2. 7.*
3. In stabulo nate, puer, in-
fans. Invenietis Infantem, positum
in Præsepio. *Luc. 2. 12.*
4. In Præsepio reclinate. Reclinavit eum in Præsepio.
5. Pannis involute. Pannis involutum. *Luc. 2. 12.*
6. Fugâ nocturnâ Herodis fu-
rori elapse. Surge, & fuge in Ægyptum:
futurû est enim, ut Herodes qua-
rat puerum. *Matth. 2. 13.*
7. Circumcisionis stigmate
notate. Cûm completi sunt dies octo,
ut circumcideretur. *Luc. 2. 21.*
8. Nazarene. Habitavit in Nazareth, quoniâ
Nazareus vocabitur. *Mat. 2. 23.*
A Nazareth potest aliquid bo-
ni esse? *Ioan. 1. 46.*
9. Subdite putato Patri, &
Matri homini. Et erat subditus illis. *Luc. 2. 51.*
10. Inter peccatores baptismo
pœnitentiæ ablute. Venit Iesus in Iordanem ad
Ioannē, ut baptizaretur. *Mat. 3. 13.*
11. Famem, & furiemque pa-
ciens. Cû jejunâset quadraginta die-
bus, & noctib⁹, esuriit. *Mat. 3. 13.*
12. Tentate à diabolo. Et accedens tentator dixit, si
Filius Dei es. *Ibid. 43.*
13. Ab eodem gestate. Tunc assumpsit eum diabo-
lus. *Ibid. 4. 5.*
14. Fatigate itineribus. Iesus autem fatigatus ex iti-
nere, sedebat sic. *Ioan. 6.*
15. Non recepte à civitatibus. Et non receperunt eum, quia
facies ejus erat euntis in Ierusa-
lem. *Luc. 9. 53.*
16. Timide, & latibula quæri-
tans. Iesus autem exivit de templo,
& abscondit se. *Ioan. 8. 59.*
17. Mendicans aquam ad bi-
bendum. Mulier, da mihi bibere. *Ioan.*
18. Novam doctrinam disse-
minans. Quenam est doctrina hæc no-
ta? *Mat. 1. 52.*

19. Phantasma. Existimârunt eum phantasma
esse. *Mar. 6. 49.*
20. In furorem versè, & li- Voluerunt ligare eum dicen-
gande. tes, quia in furorem versus est.
Mar. 3. 21.
21. Insane. Insanit iste: quid eum auditis.
Ioan. 10. 20.
22. De quo nescitur, unde Hunc nescimus unde sit. *Ioan.*
sit. *9. 29.*
23. Nihil boni. Vide es Tu? *Ioan. 19. 9.*
A Nazareth potest aliquid bo-
ni esse? *Ioan. 1. 46.*
24. Dæmonium habens. Nonne benedicimus nos quia
dæmonium habes. *Ioan. 8. 48. 52.*
25. Samaritane. Et Samaritanus. *Ioan. 8.*
48.
1. Cuius testimonium non est Tu de te ipso testimonium per-
verum. hibes, & testimonium tuum non
est verum. *Ioan. 8. 13.*
2. Homo faciens te ipsum. Tu homo cum sis, facis te ipsum
DEVM. *Ioan. 10. 33.*
3. Lapidibus appetite. Tulerunt ergo lapides, ut ja-
cerent in eum. *Ioan. 8. 59.*
4. Homo non à Deo. Non est hic homo à Deo, qui
Sabbatum non custodit. *Ioan. 9.*
16.
5. In quem nemo ex Principi- Nunquid aliquis ex Principi-
bus credidit. bus credidit in eum? *Ioan. 7.*
48.
6. Seducens turbas. Alii dicebant quia bonus est,
alii autem quia non; sed seducit
turbas. *Ioan. 7. 12.*
7. Cum Publicanis & pecca- Quare cum Publicanis & pec-
toribus manducans. catoribus manducat & bibit, Ma-
gister vester. *Matth. 9. 11.*
8. E Synagoga ejecte & Civi- Ejecerunt eum extra Civita-
cate. tem. *Luc. 4. 29.* Dux-

9. Præcipitande de montis supercilio.
Duxerunt ad supercilium montis, ut præcipitarent eum. *Luc. 4. 29.*
10. Tradite gentibus ad illudendum.
Tradent enim eum gentibus ad illudendum, flagellandum. *Matth. 20. 19.*
11. Lachrymans.
Et lachrymans est IESVS. *Ioan. 11. 35.*
12. Filius hominis.
Quem dicunt homines esse filium hominis? *Matth. 16. 13.*
13. Tributis serviens.
Da illis pro me, & pro te. *Matth. 17. 23.*
14. Ascendens super asinam, & pullum ejus.
Ecce Rex tuus venit tibi, sedens super asinam. *Matth. 21. 5.*
15. Peccator.
Nos scimus, quia hic homo peccator est. *Ioan. 9. 24.*
16. Mendicus & pauper.
Ego autem mendicus sum & pauper. *Psal. 39. 18.*
17. Vermis, & non homo.
Ego autem sum vermis, & non homo. *Psal. 21. 7.*
18. Opprobrium hominum, & abjectio plebis.
Opprobrium hominum, & abjectio plebis. *Ibidem.*
19. Filius fabri.
Nonne hic est fabri filius, filius Ioseph. *Ioann. 6. 42.*
20. Faber.
Faber. *Marci 6. 3.*
21. Filius MARIE.
Et filius MARIE. *Ibidem.*
22. Quem Herodes quæsit interficere.
Exi hinc, quia Herodes quærit te interficere. *Luc. 13. 31.*
23. Pauperior vulpibus & avibus.
Vulpes foveas habent, volucres coeliniq. *Luc. 9. 58.*
24. Non habens ubi caput reclinet.
Filius autem hominis non habet, ubi caput suum reclinet. *ib.*
25. In Beelzebub ejiciens demonia.
In Principe Beelzebub ejicit demonia. *Matth. 12. 24.*
26. Blaspheme.
Hic blasphematur. Blasphemavit. *Matth. 9. 3. 16. 26. 65.*

1. Amice Publicanorum. *Amicus Publicanorum. Luc.*
3. Amice Proditoris Iudæ. *7. 34. Amice ad quid venisti? Mat. 26. 50.*
4. Tanquam latro comprehense. *Tanquam ad latronem existis cum gladiis. Matt. 26. 55.*
5. Suspecte de doctrina. *Interrogavit eum de doctrina. Ioan. 18. 19.*
6. Vorax, & Potator vini. *Venit filius hominis manducans & bibens, & dicunt vorax & Potator vini. Matt. 11. 19.*
7. Vilis merces, vilissimi pretii. *Quid vultis mihi dare, & ego vobis eum tradam? at illi constituerunt ei triginta argenteos. Mat. 26. 15.*
8. Deserte & derelictæ à tuis. *Discipuli relicto eo, fugerunt omnes. Matth. 26. 56.*
9. Cum iuramento, anathemate, & detestatione, abnegate. *Tunc coepit detestari, & jurare, & anathematizare. Matth. 26. 74. Marci 14. 71.*
10. Blasphemix in DEVM convicte. *Quid adhuc desideramus testes: audistis blasphemiam. Mar. 14. 63.*
11. Reus mortis ab universo concilio pronuntiate. *Qui omnes condemnaverunt eum esse reum mortis. Ibid. V. 64.*
12. Pseudopropheta. *Prophetisa nobis Christe, quis est, qui te percussit. Mat. 26. 68.*
13. Cujus vultus, consputationis locus. *Tunc expuerunt in faciem ejus. Ibid. V. 67.*
14. Malefactor publice & notorie. *Si hic non esset malefactor, non tibi tradidissem eum. Ioan. 18. 30.*
15. Pejor seditioso homicidâ, latrone Barabba. *Non hunc, sed Barabbam dimitte: erat autem Barabbas latro. Ibid. V. 40.*
16. Ad flagella nudate & flagellis serviliter caste. *Tunc apprehendit Pilatus Iesum, & flagellavit. Ioan. 19. 1.*

17. Fatue, insane, illuse fatuorum veste, & sprete.

18. Rex spinee, arundinee, derise, consputate.

19. Iuridicè abnegate ab universa gente tua.

20. Indigne nomine & appellatione.

21. Dammate ad mortem.

22. Tradite voluntati inimicorum.

23. Ecce Homo.

24. Bajulator proprii patibuli, ad locum supplicii.

25. A turbis ad supplicium deducte.

1. Crucifixe & in ligno suspense.

2. Inter latrones velut Archilatro Crucifixe.

3. IESVS Nazarenus Rex Iudeorum.

4. In Cruce derise.

5. Impotens ad salvandum te.

6. A latronibus con crucifixis improperate.

7. Fru-

Sprevit eum Herodes, & illum veste albâ remisit. *Luce 23. 11.*

Milites coronam spineam imposuerunt capiti ejus. *Ioan. 19. 2.*

Quem vos negastis ante faciem Pilati. *Act. 3. 13.*

Non hunc; tolle, crucifige hunc, & dimitte nobis Barabbam. *Luce 23. 18.*

Pilatus adjudicavit eum, petitioni ipsorum. *Luce 23. 24.*

IESVS verò, tradidit voluntati eorum. *Ibid. V. 25.*

Exivit ergo IESVS portans coronam, &c. Ecce homo. *Ioan. 19. 5.*

Et bajulans sibi Crucem exivit. *Ibid. V. 17.*

Sequebatur autem eum multa turba populi. *Luce 23. 17.*

Crucifixerunt eum. *Ioan. 19. 18.*

Et cum eo alios duos, hinc, & hinc. *Ibid.*

Scriptit autem & titulum Pilatus, & posuit super crucem. *Ibid. V. 19.*

Et stabat populus, & deridebant eum Principes cum eis. *Luce 23. 35.*

Alios salvos fecit, se ipsum non potest. *Matth. 27. 42.*

Id ipsum autem & latrones qui crucifixi erant cum eo, improperabant ei. *Ibid. V. 44.*

Con-

7. Frustra in DEO confite. Confidit in DEO, liberet nunc
si vult eum. *Ibid. V. 43.*
8. Falsè DEVS seu Deaster, Dixit enim quia Filius DEI
arrogatorque Deitatis. sum. *Ibidem.*
9. Derelictè à DEO. DEVS DEVS meus ut quid dere-
liquisti me. *Matth. 27. 48.*
10. Sitiens, & in fuit aceto po- Dicit, Sitio. Vas ergo positum
tate. erat aceto plenum. *Ioann. 9.*
11. Vestibus spoliato, & nudus Milites acceperunt vestimenta
pendens in cruce. ejus. *Ibid. V. 23.*
12. Super quem hostes move- Prætereuntes blasphemabant
runt capita sua, illudentes eum: moventes capita sua. *Mar-*
ci 15. 29.
13. Frustra præsumēs destruc- Vah! qui destruis templum
re reedificareque templum DEI. Dei, & in triduo reedificas. *Mat.*
27. 40.
14. Inclinato capite mortue. Et inclinato capite, tradidit
Spiritum. *Ioann. 19. 30.*
15. Cadaver. Viderunt eum jam mortuū.
Ibidem V. 33.
16. Lanceā transfixe per la- Vnus militum lanceā latus ejus
tus. aperuit. *Ibid. V. 34.*
17. Alienā misericordiā ad se- Accessit ad Pilatum, & petiit
pulturam curate. Corpus IESU. *Luce 23. 53.*
18. Alieno sepulchro condi- Posuit corpus in monumento
te. suo novo. *Matth. 27. 60.*
19. Extra Civitatem Sanctam Ejecerunt eum extra vineam
ejecte. & occiderunt. *Matth. 21. 39.*
20. Erase cum nomine ipso Eradamus eum de terra viven-
de terra viventium. tium, & nomen ejus non memo-
retur amplius. *Jeronym. 11.*
19.
21. Peccatum. Eum qui non noverat pecca-
tum, pro nobis peccatum fecit.
2. Corint. 5. 21.
22. Maledictè. Maledictus omnis qui pendet
in ligno. *Gal. 3. 13.*

23. Maledictum.

Factus est pro nobis imaledictum. *Gal. 3. 13.*

24. Scandalifator. Scandalum.

Audito verbo hoc, scandalifati sunt. *Matth. 23. 12.*

Et. Scandalifabantur in illo. *Marci 6. 3.*

Et. Beatus, qui non fuerit scandalifatus in me. *Matth. 11. 6.*

25. Seducitor.

Recordati sumus, quia seductor ille dixit. *Matth. 27.*

O JESU talis propter me, talis mihi carissime. Miserere mei, sicut potes, scis, & vis, propter dignationes & abjectiones istas tuas, secundum voluntatem tuam, propter Dignitatem tuam. &c.

Habes Lector. Centum ejusmodi titulos, in quatuor classes divisos: eis secundum pietatem cordis tui utere, & in abjectionibus Domini tui gloriare, morare, vive. Ex eis veluti ex fodinis metalla pretiosa erue. Divina Laudationis, Miserationis, Charitatis, Exaltationis; tuæ verò humiliationis, mansuetudinis, patientiæ, orationis, atque postulationis, protectionis etiam, fiducia, & consolationis. Quod enim Augustinus de uno seductoris titulo, ab hostibus Christo imposito dixit. [*Dixerant Iudei Pilato, Domine recordati sumus, quia seductor ille. Hoc appellabatur nomine Dominus IESVS Christus, ad solatium servorum suorum, quando dicuntur seductores.* Idem de omni alio titulo, qui Christo impositus sit injuriose, aut humiliatoriè, & sentiri, & dici potest. Neque enim servus est major Domino suo, sed sufficit ei, si sit sicut Magister ejus. Et verò clarè id denuntiat Dominus ipse noster nobis. *Si Patrem familias Beelzebub vocaverunt, quanto magis domesticos ejus?* Quæ conditio usque adeò non est defugienda imitatoribus & servis Christi, ut etiam sit inter insignia, atque decora reputanda: dicente Petro Apostolo, atque monente. *Charissimi nolite peregrinari in seruire, (zelo affluantes in tribulationibus, aut opprobriis irrogatis vobis) qui ad tentationem (impatientiæ, aut vindictæ, aut dejectionis) vobis sit, quasi novi aliquid vobis contingat, & indebiti. Sed communicantes Christi passionibus, (titulis, opprobriis) gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis; quoniam quod est honoris, gloriæ, & virtutis DEI, & qui*

*Aug. in
Psal. 63.
V. 3.*

*Mat. 10.
25.*

*1. Pet. 4.
12.*

est eius

est eius Spiritus, super vos requiescit. Idque est quod Paulus in Moysē summopere commendat, quod maiores divitias estimavit thesauro Egyptiorum, improprium Christi. Neque dubitat ex hoc ipso capite gloriationem, consolationemque suam desumere David, dicens Domino. Opprobria exprobrantium tibi, ceciderunt super me! quod David fecit Personā, Spiritu, sensuque ipsius Christi, attestante Paulo. Christus non sibi placuit, sed sicut scriptum est, impropria impropantium tibi, ceciderunt super me. Quaecunque enim scripta sunt, ad nostram doctrinam scripta sunt, ut per patientiam & consolationem scripturarum spem habeamus.

Hebr. 11.

26.

Psal. 68:

10.

Rom. 15.

3.

M O D V S LXVIII.

SEXAGESIMUS OCTAVUS Modus meditandi Passionem Domini Nostri esse potest, per Comparationem ipsius Domini Nostri Passionis, atque Patientis, & nos ad sui in Passione & Humilitate imitationem invitantis, cum Diaboli inimicitiam Christi, quam nostri superbiā & elatione, perque superbiam & elationem suam nos quoque ad omnem Christo Patienti, & Humili contrarietatem, quā verbis, quā exemplis inducentis. Habet hunc Modum meditandi Gregorius Magnus, quem ejus verbis hic proposuisse sufficiens Paradigma erit. Sic igitur ille.

Lib. 34.

moral.

c. 18. n.

22.

Ad hoc Unigenitus DEI Filius formam infirmitatis nostrae suscepit, ad hoc invisibilis, non solum visibilis, sed etiam despectus apparuit, ad hoc contumeliarum ludibria, irrisuum opprobria, passionumque tormenta toleravit, ut superbum non esse hominem doceret humilis DEVS. Quanta ergo Humilitatis virtus est, propter quam solum veraciter edocendam, is qui sine estimatione Magnus est, usque ad Passionem factus est parvus? Quia enim originem perditioni nostrae superbia praeiungit diaboli, instrumentum redemptionis nostrae, inventa est Humilitas DEI. Hostis quippe noster magnus inter omnia conditus, videri voluit super omnia elatus: Redemptor autem noster, Magnus manens super omnia, fieri inter omnia dignatus est parvus. Sed melius elationis causam detegimus, & humilitatis fundamenta aperimus, si brevi commemoratione perstringimus, quid mortis author, quid vitae conditor dicat: ille namque ait: In coelum ascendam: iste autem per Prophetam dicit: repleta est malis anima mea, & vita mea inferno appropinquavit: ille dicit: super astra coeli exaltabo solium meum: iste hu-

mano generi è Paradyſi ſedibus expulſo, dicit. Ecce venio citò, & habitabo in medio tui. Ille dicit. Sedebo in monte teſtamenti in lateribus Aquilonis. Iſte dicit. Ego ſum vermis & non homo, opprobrium hominis & abjeſtio plebis. Ille dicit. Ascendam ſuper altitudinem nubium, & ſimilis ero Altiffimo. Iſte cùm in forma Dei eſſet non rapinam arbitratus eſſe ſe æqualem Deo, ſed ſemetipſum exinanivit formam ſervi accipiens, & per membra ſua loquitur dicens. Domine quis ſimilis tibi? Ille per membra ſua loquitur dicens. Nefcio Dominum, & Iſrael non dimittam: Iſte per ſemetipſum dicit. Si dixerò quia non novi eum, ero ſimilis vobis mendax, ſed novi eum, & ſermonem ejus ſervo. Ille dicit. Mea ſunt flumina, & ego feci ea. Iſte dicit. Non poſſum à me ipſe facere quidquam. Et ruruſum. Pater meus, in me manens, ipſe facit opera. Ille regna omnia oſtendens dicit: Tibi dabo poteſtatem hanc univerſam, & gloriam eorum: quia mihi tradita ſunt, & cui volo do illa. Iſte dicit. Calicem quidem meum bibetis: ſedere autem ad dexteram vel ſiniſtram meam, non eſt meum dare vobis, ſed quibus paratum eſt à Patre meo. Ille dicit. Eritis ſicut Dii ſcientes bonũ & malum. Iſte dicit. Non eſt veſtrũ nõſſe tempora vel momenta, quæ Pater poſuit in ſua poteſtate. Ille, ut voluntas Dei deſpici, & ut poſſit propria ſvaderi, dicit. Cur præcepit vobis Deus, ut non comederetis ex omni ligno paradyſi? & paulo poſt. Scit enim Deus, quod in quacunque die comederetis ex eo, aperientur oculi veſtri. Iſte dicit: Non quæro voluntatem meam: ſed voluntatem ejus, qui miſit me. Ille per membra ſua loquitur dicens, nullum præſtatum ſit, quod non pertranſeat luxuria noſtra, coronemus nos roſis, antequam marceſcant, ubique relinquamus ſigna lætitiæ noſtræ. Iſte membris ſuis pronuntiat dicens: Plorabitis & flebitis vos, mundus autem gaudebit. Ille nihil aliud mentes ſibi ſubditas docet, quàm ceſſitudinis culmen appetere, cuncta æqualia timore mentis tranſcendere, ſocietatem hominum omnium, altæ elatione tranſire, ac ſeſe contra potentiam Conditoris erigere, ſicut de illis per Pſalmiſtam dicitur. Tranſierunt in diſpoſitionem cordis, cogitaverunt & locuti ſunt nequitias, iniquitatem in excelſo locuti ſunt. Iſte ad ſputa, ad palmas, ad Colaphos, ad ſpineam coronam, ad crucem, ad lanceam atque mortem veniens, membra ſua admonet dicens: ſiquis mihi miniſtrat, me ſequatur. Quia igitur Redemptor noſter regit corda humilium, & Leviathan iſte rex dicitur ſuperborum, apertè cognofci-

mus,

mus, quod evidentissimum reproborum signum superbia est. at
 contra. *Humilitas electorum.* Hucusque Gregorius singulari con-
 trapositione, diaboli quidem in superbia perversitatem, Christi verò
 in Passionis humilitate rectitudinem meditationi subiecit. Cujus
 ad instar facile erit, meditando dispicere, quomodo idem Dominus
 Noster Iesus Christus, per Passionem suam docuerit nos, Obedien-
 tiam, Patientiam, Mansuetudinem, Charitatem sive in Deum, sive
 in Proximum Constantiam, Longanimitatem, Animi Magnitudi-
 nem, Mundi & nostri ipsorum contemptum, Mortificationem,
 Perseverantiam, ceterasque omnes virtutes & perfectiones, quibus
 ab ipso jam Paradyso diabolus propinaverat omnem scelerum viru-
 lentiam, puta Rebellionem, Infobedientiam, Impatientiam, Dei &
 & Proximi Contemptum, Mendacium, Levitatem & Mollitiem,
 tam Carnis quam Mentis, Invidiam, Gulam, omnemque sensuum
 indulgentiam. Quo ex genere meditationis devota mens, tum plu-
 rimas alias utilitates percipiet, tum illam inter has, quas idem Gre-
 gorius eodem loco suæ jam adductæ meditationi subjungit, his ver-
 bis. *Cum ergo quæ quisque (virtutem Christi, aut malitiam diabo-
 li) habeat, cognoscitur, sub quo Rege, (Christo an diabolo) militet inve-
 niatur. Unusquisque enim, quasi quendam titulum portat operis, que
 facile ostendat, sub cuius servitute potestate Recloris.*

M O D V S . LXIX.

SEXagesimus nonus Modus meditandi Passionem Domini esse po-
 test, disceptationem cum Christo Domino instituendo de jure,
 quod ad Passionem habeat Christus, & Homo, & evincendo, sibi
 quidem jus ad patiendum omne penitus suppetere, atque adeò in-
 cumbere, à Christo verò illud omnino alienum esse. venit in mentem
 modus hic Sancto Bonaventuræ, qui quodam in loco piam hanc de-
 votamque litem movet Redemptori: contenditque & planè evincit,
 sibi quidem omni juris & debiti obligatione, debitam esse omnem
 quam Christus subiit, sibi que arrogavit Passionem: Ipsi verò Chri-
 sto nullo jure debitam, imò potius omni jure indebitam fuisse. Mi-
 rabilis per omnem modum, & digna seraphico Contemplatore co-
 gitatio: cujus intima si quis rimetur: nihil in ea deesse ad humilita-
 tem humiliationemque hominis, nihil ad exaltationem Redempto-
 ris: Nihil ad viscerosam Amorem, nostri nimii & excessivi Amato-
 ris, nihil ad irrefragabile efficacissimumque Christi in sua Passione

imitandi, atque adeò amulandi incitamentum deesse reperiet.

Statuamus enim in medio, universam Dominicæ Passionis congeriem, & cui demum ea subeunda sit, Christone, an Homini cuilibet, inquiramus: nonne omnino citra dubitationem, aut longiorem inquisitionem respondebit Humanum Genus universum, decernetq; illà pii Latronis voce. *Nos quidem iuste: nam digna factis recipimus, hic autem quid fecit? vel illa Præsidis Pilati, Iudaicum furorem, Christum ad Crucem efflagitantem, retundentis. Quid enim mali fecit? Nullam invenio mortis in eo causam.*

Nam quomodo, quove jure, quodque supplicium, injuria, tormentum, despectio, contumelia, dolor, cruciatus, vulneratio, mors, debebatur Personæ usquequaque Innocentissimæ, Iustissimæ, Sanctissimæ, Religiosissimæ, Beneficentissimæ in omnes, Dignissimæ super omnes, Dominæ Dominatricique omnium, potentiâ absolutâ, & omni potestate super omnia præditæ; denique Divinæ, atque adeò ipsimet veræ & summo Deo? utique nulla potest habere hic locum vindicta & punitio, ubi non tantum nulla culpa, nullum delictum, nullus error, malitia nulla, dolus nullus, intervenire potest: sed etiam potiùs ubi quidquid placet æquitas est, & eo quidem solo æquitas est, quia sic huic tali Personæ placet: ut pote quia ita tali voluntati atque Personæ placet, cujus velle est Lex, & omnis legis fons, omnis æqui, recti, & iusti regula, omniumque causarum, rationum, disquisitionum silentium. Qualis Persona, cum Dominus noster JESVS Christus sit, quo illi jure poenæ, supplicia, despectiones, tormenta, vulnera, dolores, cruces ullæ, vel deberi, vel inferri potuere? & non potiùs omnis & summus cultus, omnis glorificatio, omnis honor, amor, veneratio, exaltatio, benedictio, dilectio, æstimatio, subjectio, & obedientia, ab omnibus, & singulis tam hominibus, quàm creaturis competeat? Quid igitur Christo cum vinculis, quid cum carceribus, quid cum specie rei, malefici, & impii: quid cum accusationibus, quid cum Iudicum Præsidiūve sublellis, quid cum examinationibus, testibus, scrutiniis? quid cum correptione, quid cum suppliciis, cum flagellationibus, cum percussione, plagis, livoribus, vulnerationibus? Quid cum postulationibus ad mortem, quid cum damnatione, & ad Crucis supplicium addictione, quid cum deputatione cum impiis, cum societate latronum? Quid cum bajulatione proprii patibuli ad locum supplicii? quid cum morte, mortisque genere solis sceleratissimis debito? Attamen

men hæc omnia, & quidquid his immanius probrosiusque excogitare furor Judæorum, atque dæmonum potuit, Christus DEVS noster non solum perpeſſus eſt, verum etiam habitu, & ſpecie, & titulo, nomineque publice ſceſſeratiffimi rei, convictiffimi, conteſtatiſſimique latronis, ſeditioſi, rebellis, blaſphemi, impii, laſæ majeſtatis in Caſarem, in DEVM, comperti, totiusque Judææ gentis à ſummis Pontificibus, Sacerdotibus, Legisperitis, & Doloribus, uſque ad infimam plebèculam, ſuffragiis, unaque communi & ſententiâ, & voce condemnatiſſimi, demumque ſententiâ & decreto, ſupremi Præſidis, Proconſulisque Romani addicti, inque manus carnificum ex lege & forma traditi? Quo quidnam iniquius, & injuſtius, intolerantiſſimæque inveniat humana cogitatio, planè ignoro.

Iam autem ex parte altera, quomodo, & quo jure, & quodnam non debeat ſupplicium, pœna, deſpectus, illuſio, cædes, crux, mors, ſive hominum multitudini univerſæ, ſive homini ſpeciali, quæ naturâ filius eſt iræ, mortis & gehennæ; naturâ, pabulum ſupplicii infernalis; homini, prius juſtiſſimo Dei judicio damnato quam nato; homini, qui non prius in rerum naturam prodire, quam ſimul ſceleſtus, rebellis, raptor, fugitivus, proditor, & perditus potuit eſſe? Homini Majeſtatis Divinæ laſæ, contemptæ reo? Homini prævaricatori, & transgreſſori Divinæ voluntatis, & omnis legis. Homini conculcatori Authoritatis, Majeſtatis, Dignitatis Dei. Homini ſuperbo in Deum, ingrato in Conditorem, contumaci in Dominum, rebelli in Regem, everſori omnis æquitatis, pietatis, ſubjectionis, modèſtiæ, juris. Homini furi & interverſori univerſæ Gloriæ Divinæ. Homini apoſtata & transfugæ à legitimo ſuo Principe, ad tyrannum, ad hoſtem, ad rebellem Deo diabolum. Homini demum (ut verbo concludam) totius univerſi pertubatori, totius boni inimico, totius veri hoſti, omnis impietatis amico, omnium ſcelèrum conceptaculo, omnium malitiarum authori, reo, convicto, damnato. Quæ huic homini cruces ſatis ſint? quæ illius improbitati condigna ſupplicia? quid acerbitati & vindictæ indebitum? quid infernalium pœnarum, atque æternarum damnationum non accumulandum, exaggerandumque?

Nunc igitur Domine mi Ieſu, Deus meus, & Rex meus, ſte mus ſimul. Narra ſi quid habes culpæ, propter quam patiaris, non tanta ſolum, ſed vel quælibet minutiſſima: tu quidem peccatum non feciſti, nec dolus inventus eſt in ore tuo, plenus gratiâ & verita-

te, Sanctus Dei. At verò ego in iniquitatibus conceptus sum, & in peccatis concepit me mater mea. Multiplicata sunt iniquitates meae, super capillos capitis mei: supergressa sunt peccata mea arenam maris: computruerunt cicatrices meae, à facie insipientiae meae; & sicut onus grave gravatae sunt super me. Quid ergo Domine tibi, & Passioni? aut quid mihi, & impunitati? Tunc igitur quae non rapuisti exsolves, ego qui raptor sum, & in flagranti scelere teneor, immunis abibo & illaesus? Tristaberis tu, angustiaaberis, timebis, attediaaberis, ego verò latus, solutus, securus, tota facie, & uncto coronatoque capite incedam? Tu deprecaberis supplicium peccatorum meorum, apud tui amantissimum alioqui Patrem: ego autem interim propriis onustissimus delictis ne quidem Iudicem meum deprecabor? Tu praeter interiore angustia usque ad sanguineum sudorem pro me agonizabis, ego verò iusti laboris exfors, otio, & desidia in tuis etiam ipsis obsequiis torpescam? Tu Domine osculo proditorio in manus hostium venies, ego autem tui proditoris partes agam? Te captum & vinctum raptabunt, ego & extra vincula ero, & insuper te raptantium socius, aut etiam dux efficiar. &c. Domine Deus meus absque omni refragatione, & suffragantibus mihi omnium aequitatum rationumque sententiis: nihil, nihil omnino tibi, & supplicii istis. Mea est Domine, mea est, sicut omnimoda malitia, atque culpa, sic etiam ultio, sic & vindicta: mea est castigatio, meum odium, mea execratio, & detestatio mihi debitissima. Quia etiam mea sunt scelera, mea crimina, meae transgressiones, meae iniquitates, meae superbiae, meae concupiscentiae, turpitudines meae, sceditates malitiaeque meae, reatus omnis meus: plenum contra me testimonium dicunt: & me reum esse omnis poenae, omnis mortis clamant.

Aut ergo Domine recede à Passionibus tuis nullatenus tibi debitis, & per omnia tibi indebitis: aut da mihi quam plenissime tecum communicare de illis? Si enim tibi suffragatur ad patiendum haec omnia sola superficies atque species assumpta peccatoris; magis certe mihi favet ad passionem & supplicia, res ipsa & substantia peccatoris, corpusque peccati, & habitans in me peccatum: propter quod à planta pedis usque ad verticem capitis, non est in me sanitas: non est pax ossibus meis, non est spes, non est modus satisfaciendi aliquando pro malitiis meis. Si Tibi Domine satis est Innocentia tua & Sanctitas, ad perpetuanda omnia tam dira. Multò me magis ad
extrema

extrema omnia sustinenda adigit omnis Impietas, omnisque Injuria mea. Si Tibi satis est, ad patiendum, juris, à charitate erga me tua; magis me certè obligat ad patiendum, & tibi satisfaciendum, tum universus Iustitiæ rigor, tum obligatio inexplata redamandis te. Si ad supplicium Crucis sufficit tibi à Synodo Judæorum conclamatum esse adversum Te, Reus est mortis: vel ab universa multitidine Iudaica vociferatum esse, Tolle, Tolle, Crucifige eum. Sanguis ejus super nos & super filios nostros: vel à timido inconstantique Præsidente adjudicatum te esse petitioni furentium Judæorum, ut crucifigereris: ego igitur magis pati debeo, quem non furor, sed æquitas; non invidia sed iustitia; non metus ludicis iniqui, sed rigor Divini judicii, filium mortis atque perditionis pronuntiavit. Si ad Passionem sufficit tibi, quia Pater tuus æternus posuit in te iniquitatem meam, & propter scelus meum percussit te; quanto magis ad me spectat Passio, qui in Patrem tuum cœlestem peccavi, & nimis quidem peccavi; & iniquitatum mearum clamor ascendit usque in cœlum, & terra commota est à facie peccatorum meorum. Denique si satis est causa tibi ad patiendum, quia Tu pati vis, & quia ita placitum est ante te, ut ponas animam tuam pro ovibus tuis; sufficiat igitur, & longè amplius quàm sufficiat etiam mihi, ad subeundam Passionem tuam, quia & debetur omni jure mihi, & ego mereor illam ex omni origine mea, & tota cœli terræque iustitia, id exigit ex me, & exemplum tuum invitat me, & amoris servitus, quæ obligor tibi, ad id cogit me, & hæc est voluntas tua de me, & demum hæc quoque est voluntas mea, quam habeo ex miseratione tua coram te. Exemplum quippe dedisti mihi, sed & præceptum imposuisti mihi, ut Te in carne Passio pro me, ego quoque eadem cogitatione obarmer ad patiendum tecum, & pro te, supplicia tua, Tua inquam, non quia ullatenus tibi debita, sed tua, quia quæ omnibus modis mihi debita erant, meaque per omnem modum erant, Tu fecisti tua perpeffionis dignatione, & iussisti, fecisti quæ meæ esse imitationis æquitate, & condignitate.

Da ergo mihi Domine Jesu, da locum, da partem aliquotam saltem in Passione tua, ex dignatione tua, quoniam in rei veritate, in æquitatis rigore, in Iustitiæ debito, magis illa est mea quàm tua, magis inquam mihi quàm Tibi debita, imò omnimodis mihi, nullatenus autem Tibi debita. Tibi etenim Domine gloria, Tibi laus, Tibi adoratio, Tibi exaltatio, Tibi majestas, Tibi omnis honor, tam

ab ipso Te, quàm ab omni creatura: Mihi verò omnis confusio faciei, omnis contemptus, omnis ira, furor, abjectio, derelictio, obli-
vio, infernus, & æterna damnatio atque perditio. Quid ergo ma-
gnum dabis mihi, etiamsi Passionem tuam dabis, imò reddes, resti-
tuesque mihi, quando adhuc totas inferni pœnas, ex Iustitia debe-
bis mihi?

Sed enim ut tandem finem pertractandi cum Deo meo faciam, qui sum pulvis & cinis: deest quidem mihi undique Innocentia, ut eum illa, & ex illa, & pro illa patiar: at non deest iniquitas & mali-
tia, ut pro illa iustum supplicium sustineam: deest mihi magna cha-
ritas ut ex illa patiar: at non deest multa & magna peccatorum meorum enormitas, propter quam patiar: deest mihi Sanctitas, & Iustitia tua, ut propter illam patiar, at non desunt mihi mœrita Judæ & Barabbæ, vel Latronis, ut pro illis patiar. Noli ergo me exclu-
dere à Passione tua, Tu, qui inter latrones medius dignatus es pro me, proque salute & justificatione mea consummare Passionem tuam.

*Centilo-
qui Par-
te 3.
Sectione
31.*

Liceat hunc Modum meditandi concludere expositione quatuor conditionum Passionis Dominicæ, quæ illam exaggeratissimam fuisse evincunt, & observantur alicubi ab eodem Seraphico Doctore, hisce verbis. Sciendum est, quod Christus assumpsit non tantum naturam humanam, sed etiam defectus circa naturam humanam. Assumpsit enim pœnalitates corporeales, ut famem, sitim, lassitudinem; assumpsit & spirituales, ut tristitiam, gemitum, timorem, & dolorem. Nec tamen omnes corporeales assumpsit, sicut sunt defectus ægritudinum multiformium. Nec omnes spirituales: sicut sunt ignorantia, & rebellio carnis ad spiritum, & contra. Nec eas qualitercunque assumpsit: quia sic necessitatem patiendi assumpsit, ut nihil pati posset invitè; nec secundum Divinitatis voluntatem: nec secundum voluntatem rationis, licet Passio fuerit contra voluntatem sensualitatis & carnis.

1. In natura passibili sic assumpta, passus est Passione generalissimâ quantum ad naturam humanam, quia non solum secundum omnia membra corporis principalia, verum etiam secundum omnem Animæ potentiam: licet nihil pati posset secundum naturam Divinam.

2. Passus est Passione acerbissimâ: tum propter complexionis æqualitatem: tum propter sensuum vivacitatem, tum propter suspendii continuitatem: tum quia doluit propter vulnera ut patiens: tum quia doluit propter nostra delicta, ut compatiens.

Passus

Passus est Passione ignominiosissimâ, propter patibulum Crucis: quod erat supplicium latronum & pessimorum; & propter confortium iniquorum, latronum scilicet, cum quibus reputatus est.

Passus est tandem Passione interemptoriâ, per separationem Animæ à Corpore, salvâ tamen unione utriusque cum Divinitate.] Hæc Sanctus Bonaventura.

M O D V S LXX.

Septuagesimus Modus Dominicam Passionem meditandi esse potest. Assumere Passionem Christi sive universam & totam, sive etiam per partes distributam, & advertere, ruminare, degustare, experiri, & admirari, & glorificare ejus admirandos, & paradoxos effectus, dimanantesque ex ea fructus, quos protulit & præfert proferetque in finem usque mundi, imò & in omnem æternitatem. Primo quidem in cordè Patris æterni. Deinde in corde Christi ipsius patientis, seu qui passus est. Tertiò. In corde etiam Divinæ Matris. Quartò. In corde Electorum & Beatorum. Quintò. In corde reproborum & damnatorum. Sextò. In corde persecutorum. Septimò. In omnibus creaturis. Octavò. In ipso Meditatore Passionis.

Quantum ad Æternum Patrem, Passio Christi operatur & Iustitiam & Misericordiam: provocat enim DEVM ad iram & vindictam enormitate sceleris, quæ est in Deicidio: & in occisione adeò funesta unigeniti sui; & rursum tamen provocat eundem DEVM Patrem, ad Indulgentiam, Misericordiam, & veniam, & insuper ad dilectionem eorum, quicunque fuerant causa qualiscunque, necis & Passionis Filii, sive promerendo illam peccatis suis, ut omnes singulique homines, omnibus, singulisque suis peccatis, sive eam studiis, odiis, manibus, rabieque suâ procurando, quærendo, exercendo, inferendo: uti sunt, dæmon cum omni potestate tenebrarum. Iudas traditor, Iudæorum Principes, & Populus universus. Gentiles quoque ut Pilatus, Herodes cum suis ministris & militibus. Omnes enim isti eo ipso, quem profuderunt Christi sanguine, redempti & reconciliati sunt Deo Patri, etiam pro ipso illo profusionis necisque Christi perpetrato scelere. Quod patuit post mortem Christi, tam ante Resurrectionem, quando mortuo IESU, videns centurio quia sic clamans exspirasset in Cruce, & visis signis quæ fiebant: confessus est, quia verè Filius Dei erat iste, & multi de populo revertebantur à loco

Luc. 23.

47.

Inc. 23.

18. 21.

Ioan. 19.

7.

Act. 2.

37.

Act. 4.

4.

Gen. 9.

13.

mortis Domini, *percutientes pectora sua*: quam & post Resurrectionem, quando ad Petri prædicationem illi ipsi qui tempore Passionis clamaverant. *Crucifige, Tolle, secundum legem debet mori*. Ad penitentiam, fidemque, & amorem in Crucifixum à se Christum converſi ſunt, effundente nimirum ſuper eos Patre Eternò miſericordiã, & gratiam ſuam, à Chriſto ſuo illis apud ſe per Paſſionem & mortem promeritam, atque obtentam. Itaque Paſſio Chriſti eſt ſimilis Arcui cœleſti in nubibus, qui & eſt naturã ſuã nubium imbribus ſacundarum portio, & ſimul diluvii exundantis non futuri coram Deo memoriale, & ſignum.

Quantum ad Chriſtum ipſum Patientem, Paſſio ejus fuit cordi ejus & deſiderabilis, & formidabilis; fuit peccatum & poena peccatorum, & remedium eorundem, propter quorum primum, Chriſtus eam noluit: propter ſecundum eam in ſe ſuſcepit, propter tertium eam amavit, & Patri obtulit, & in nos redundare fecit, propter quod Apoſtolus affirmat, quod *Chriſtus mortis ægyrographum nobis contrarium ſuſtulit, & delevit affigens illud Crucis*. Præterea Paſſione ſuã & morte Chriſtus eſt exinanitus uſque ad formam ſervi, & impij, & latronis, & crucifixi; & per eandem exaltatus atque gloriſicatus eſt, dataque eſt illi omnis Potestas in cœlo, & in terra, & intravit in gloriam ſuam, accipiens nomen quod eſt ſuper omne nomen, factus omnibus cauſa ſalutis æternæ; Patri autem cœleſti, Gloriæ & exaltationis æternæ.

Quantum ad Pretioſiſſimam Chriſti Matrem, Paſſio Chriſti Filii, erat illi gladius doloris ipſam animam ejus pertranſiens. fuit illi omnis probri, & contumeliæ materia. fuit illi magnæ, inſtar maris, contritionis, & afflictionis, ſeges, imò melliſ, & oceaſio; fuit illi unica & irreparabilis incompenſabilisque orbitatis cauſa; ſimul autem eadem Filii Paſſio, contulit illi ut eſſet primogenita omnium redemptorum à Chriſto, ſimulque compars quadam, & comparticeps præcipua Paſſionis, Patientisque Chriſti, ſimul quoque ſuo modo Corredemptrix mundi, quatenus ſanguine Chriſti ejus Filii, ex ea deſumpto, redemptus eſt mundus, ipſa ſimul cum Filio eum offerente Patri cœleſti pro mundo univerſo, ſimul denique facta eſt Mater omnium noſtrum, tot ſcilicet filiorum, quot ſunt in numero redemptorum. Non enim de ſolo Ioannæ dixit Chriſtus Matri. *Ecce Filius tuus*: Sed in Ioannæ uno datum eſt Matri in filios eorum humanum, Chriſti ſanguine redemptum, genus.

Quan-

Quantum ad Electos atque Beatos: etiam in horum corde operatur Passio admirandos effectus: quia illos & sibi met ipsis, viles, abjectos, omni poena, & suppliciis etiam aeternis dignos demonstrat, & nihilominus eosdem coram Deo pretiosos, amabiles, amicos, beatitudinis partim, candidatos, partim possessores facit. isti intimo cordis sensu Passionem Dominicam & sentiunt, & partim lugent, in seipsoque derivari cupiunt, sibi eam potius, & non Domino suo deberi consentientes, partim (lugere cum per statum beatitudinis non possint) eam in sua salutis beatitudinisque bonum assumptam, & adhibitam esse intuentur, mirantur, & obstupefunt. Rursum vero simul se ejusdem Passionis Christi efficacem fructum, condignum premium, finem singularem, atque pretiosum intuentes & agnoscunt, de doloribus, contumeliis, passionibus, vulneribus, & morte, & cruce Christi gaudent, letantur, gloriantur, eamque Christo gratulantur, & pro ea Patri aeterno aeternas gratias agunt. Denique una, & eadem Passio Christi Ecclesiam quidem aedificavit, Synagogam vero destruxit.

Quantum ad Reprobos & damnatos. His Passio & mors Christi, quantum ex ipsa, salus est, & vita, remedium & liberatio a perditione tam peccati, quam inferni; quantum vero ad ipsos met, eadem illis est in ruinam & perditionis aeternae exaggerationem, quoniam dilexerunt magis semetipsos quam Deum, diaboli servitutem quam Dei voluntatem, concupiscentiam suam, quam Christi Charitatem. *Noluerunt benedictionem, elegerunt vero maledictionem, & elongata est ab eis illa, venit autem illis ista.*

*Ps. 108.
18.*

Quantum ad Persecutores. Horum quidam satini sunt poenis Christi, quidam molliti sunt cruciatibus Christi, cum Iudas ad mortem vendidit, Joseph mortuum a Pilato impetravit; & quem viventem confiteri timuerat, mortuum audacter a Praefide sibi donari postulabat. eundem Petrus cum detestatione, juramento, & anathemate negaverat, latro ei con crucifixus, ipsum & contra socium blasphemum defendebat, & universis adstantibus innocentem praedicabat, & ejus confitebatur a morte regnum, quem juxta se videbat affixum ad lignum, ab eoque accipiebat Paradysi societatem, cum quo pariter sustinebat Crucem, & crucis mortem.

Quantum ad omnes creaturas. Mors Christi sensum sui indidit omnibus, quae sensum sui nullum habebant. Luxit enim eum sol, & luna, & stella, & nox, & dies. Luxerunt eum petra, & terra, &

mare, & cœli. Luxerunt eum mortui, & ab inferis rediivi. Angeli quoque pacis eum amare flebant patientē, universa etiam mundi machina in ruinā festinabat Domino Patientē, quæ tamen omnis interea restorationem sui recipiebat ab eodem Domino moriente; ad extremum, quæ creatura serviebat inimicis ut favirent in Dominum, eadem patientem sentiebat & plangebat Dominum.

Quantum ad Meditatorē Passionis Dominicæ, in eo, quàm mirros, quàmque diversos operatur Passio Christi effectus, malo id non meis sed Divi Bonaventuræ explicatum sit verbis.

In sim.

amoris.

P. 1. C. 1.

O Passio desiderabilis! o mors admirabilis! Quid mirabilius? quàm quod mors vivificet, vulnera sanent, sanguis album faciat, & intima mundet, nimius dolor, nimium dulcorem inducat, apertio lateris, cor cordi jungat? sed adhuc mirari non cesses, quia sol obscuratus plus solito illuminat, ignis extinctus magis inflammat: passio ignominiosa glorificat. Sed verè mirabile est, quod Christus in Cruce sitiens inebriat, nudus existens, virtutum ornamentis ornat. Sed & manus ejus ligno conclavata nos solvunt, pedes confossi, nos currere faciunt: emittens spiritum, vitam inspirat: in ligno decedens, ad cœlestia vocat. O Passio amabilis & mirabilis: quæ suum meditatorem alienat & immutat, & non solum reddit Angelicum, sed divinum. Nam per meditationem, commorans in Christi tormentis, etiam se ipsum non videt: semper intuetur Dominum suum passum, vult secum crucem bajulare, & pro ipso levissimè omne bonum & malum vult portare, & ipsum in corde portat, cœlum & terram pugillo tenentem. Vult secum spinis coronari, & ipse spe gloriæ coronatur: vult secum in ligno sinè vestimentis frigescere, & nimio amoris ardore succenditur: vult secum acetum gustare, & vino inenarrabilis dulcedinis potatur: vult secum in Cruce existens sibi illud, & ipse ab Angelis honoratur, & à Beata Virgine in filium adoptatur: secum volens tristiari latatur, secum volens affligi consolatur, & nimium jucundatur. Cum Christo vult in cruce pendere, & cum Christus dulcissimè amplexatur, secum vult faciem, mortis pavore perfusam inclinare, & ejus caput Christus elevans suavissimè osculatur. O mors amabilis, o mors delectabilis.] Hæc Bonaventura, non minùs dilucidè quàm devotè explicans effectus & præclaros & admirandos, & veluti paradoxos insperatosque, quos in suis meditatoribus Passio Christi Domini operari apta est, & operatur, dum animas mentesque idoneas talibus effectibus invenerit, si-
ve (ut verius dicam) perfecit.

M O.

M O D V S . LXXI.

Septuagesimus primus meditandi Passionem Domini nostri Modus esse potest. In præcipuis Iesu Christi Passi, aut Patientis membris ac vulneribus, recognoscere aliquam congruam & Christo dignam perfectionem, tum Christo indignam passionem, tum piissimam nostræ salutis operationem. Circa quodlibet tale Christi membrum consideratione & meditatione tantisper immorando, donec mens congruis veritatibus erudiat, affectibus pascatur, virtutumque actibus perficiatur, prout animam gratia & unctio Spiritus, nec non ipsius animæ pia devotio disposuerit. Appono compendiosam ejus modi designationem. Pes Christi sinister vulneratus est, qui omnia sustinet. Pes dexter vulneratus est, qui omnia possidet. Manus Christi sinistra saucia est, quæ omnia fecit. Manus Christi dextra saucia est, quæ omnia regit. Cor Christi vulneratum est, quod omnia vivificat. Caput Christi spinis horridum est, quod omnia coronat. Scapulæ Christi vulneratæ sunt, quæ omnia protegunt. Brachia Christi vulnerata sunt, quæ omnia amplexantur. Pectus Christi cruentum est, quod omnia foiet. Vultus Christi despectus est, qui omnia latificat. Sanguis Christi effusus est, qui omnia redimit & abluit. Caro Christi lacerata est, quæ omnia parascit. Anima Christi afflicta est, quæ omnia sanctificat. Deus in carne passus est, qui omnia beatificat.

Devotus ergo Meditator coram Christo Passo & Crucifixo constitutus, singula horum quæ enumerata sunt, piè devotèque expendat: & v. g. ad pedem Christi sinistram constitutus, advertat quid Christus, qui est Potentia Patris, fecerit in cælo & terra, & in omnibus abyssis. quod cælum ipsum, & terram, & maria, & omnia quæ in eis sunt fecerit. Omnia enim per ipsum facta sunt, & sine ipso factum est nihil, per eum facta sunt & sæcula, & Angeli, & Sydera, & Homines, & quidquid infra hos est. Hujus Christi Pes sinister vulneratus est, quasi quidam abyssalis thesaurus omnipotentia Dei apertus est. Hunc pedem prosternendo se adoret, osculetur, pio fletu conspergat, admiretur, gratiarum actione repleat, laudibus corquet, intus in eum corde subintret, ac interiora ejus scrutetur. Ab hoc, imò sub hoc pede discat humiliari infra omnia, pati adversa corporis, & Animæ, & Fortunæ omnia: subjiciat se omnipotentia ejus, infatigabilis esse in labore pro eo, & in obsequio executioneq;

voluntatis ejus condiscat, constituat, incipiat, & nunquam desinat per omnia. Hoc aut simili modo progrediatur meditando circa alias Christi Passi partes. Veritatibus intellectum convincendo, affectibus voluntatem pascendo, effectibus seu operibus virtutum internis externisque instruendo & perficiendo.

Ex hoc meditandi Passionem Domini modo, videtur illa Sancti Patris nostri Ignatii desumpta, & ab aliis plussculum aucta oratio.

O Divinitas Christi, inhabita me. O Persona Christi, indivina me. O Anima Christi, sanctifica me. O Corpus Christi, salva me. O Cor Christi accende me. O Sanguis Christi, inebria me. O Aqua lateris Christi, ablue me. O Sudor & agonia Christi, conforta me. O Passio Christi, sana me. O Bone Jesu, exaudi me. Intra vulnera tua absconde me. Ne permittas me separari à te. Ab hoste maligno defende me. In hora mortis meae, voca me. Et jubere me venire ad te. Ut cum sanctis tuis laudem te in saecula saeculorum. Amen.

Hujus Orationis ad instar, devotio alicujus ex Doloribus Divinae Matris talem confecit meditationem sive Orationem, quam necin-gratam, nec inutilem pietati fore existimo.

O Afflictissima Virginis MARIE Anima, solare me.
O Dolentissimum DEI Matris corpus, conforta me.
O Amarissima Regina Caeli lachryma, purifica me.
O Gemitus Desparae, contere me.
O Tribulatum cor Angelorum Dominae, recrea me.
O Luctuosi Dominae nostrae sensus, sanate me.
O Angustiae Matris gratiarum, liberate me.
O DEI genitricis orbis, associa me.
O Mors genitricis vitae, vivifica me.
O MARIA amarum Mare, ab omni culpa & poena, crue me.
O Martyrum Regina infernum & mancipium tuum recipe me, & in hora mortis meae suscipe me: ut cum omnibus DEI electis, potissimumque tuis dilectis, diligam & glorificem te, in saecula saeculorum. Amen.

Hujus quoque Modi est meditatio illa.

O Pes potentiae, pro me vulnerati Jesu, humilia me, exalta Te.
O Pes Justitiae, pro me vulnerati Jesu, quamvis dignus sim, ne abjicias me.
O manus Gratiae, pro me vulnerati Jesu, sine te nihil sum, adjuvame.

O Ma-

O Manus Misericordiae, pro me vulnerati Iesv, Tibi soli peccavi, sicut potes, scis, & vis, miserere mei.

O Cor. & Latus, pro me vulnerati Iesv, sedes amoris accende me, ut incessabiliter amem Te.

O Caput, Sedes sapientiae, pro me vulnerati Iesu, illumina me, ut noverim Te, & noverim me.

O VERBUM Caro pro me factum, & in carne pro me passum, habita in me, & habitem in Te, in æternum & ultra. Amen.

Singulis hisce Punctis manifestum est, suas easque copiosas inesse meditationum, reflexionum, affectuum, propositorum, postulationum, virtutisque actionum materias: ut haud dubie multiplici cum spirituali fructu, atque gustu, pii meditatoris animus, eas versare possit; quod plenius ab experimento suo, quam à stylo meo, ut discat plurimum eidem oxopto.

M O D V S LXXII.

Septuagesimus secundus meditandi Passionem Domini Nostri Modus esse potest. Meditari eam tanquam admirabilem incredibilemque Christi Redemptoris & Hominiis redempti concertationem collustrationemque, tantam, ut ex parte quidem Christi Redimentis atque Patientis, nihil possit cogitari in misericordia & commiseratione, charitatisque super hominem profusione invincibilis atque dulcius: at verò ex parte Hominiis, qui hac Passione redimitur, seu redemptus est, nihil possit reperiri in eodem Redemptore, ejusque Passione contemnenda, abjicienda, repellendaque, scelestius, barbarius, ingratus, execrabilis.

Dandum est aliquod specimen hujusmodi, Lectori devoto.

Ab initio sui in mundum adventus Redemptor noster suscepit Hominem: quia VERBUM Caro factum est & habitavit in nobis. Homo autem, non solum ab initio mundi, sed etiam venientem in mundum abiecit DEVM, & nasciturum etiam diversorio communi exclusit, ad stabulumque compegit. In propria venit, & sui eum non receperunt.

Redemptor venit salvare Hominem à peccatis ejus: testante Angelo ad Iosephum. *Vocabis nomen ejus IESVM: ipse enim salvum faciet populum suum à peccatis eorum.* at Homo quæsit adhuc infantem DEVM ad necem. *Surge, & accipe puerum, & Matrem ejus, & fuge in Ægyptum: futurum est enim ut Herodes querat puerum ad perdendum eum.*

Matth.

1. 21.

Matth.

2. 13.

Redem-

Redemptor venit ab exilio revocare Hominem ad Patriam; Homo DEVM in exilium eiecit, tum cogens eum fugere in Aegyptum, (ut modo dictum) tum eiciens eum extra Civitatem Nazareth, & precipitare volens de montis supercilio, tum extra urbem eum crucifigens.

- Lucæ 19.* Redemptor Hominem quæsit: *Venit enim Filius hominis quærere, & salvum facere, quod perierat.* Homo DEVM fugit, & ab eo se elongavit, dicens; *Nolumus hunc regnare super nos. Et. Non habemus Regem, nisi Cæsarem.* Et. *Tolle hunc, & dimitte nobis Barabbā.*
- Ioan. 19.* Redemptor Hominem ad Pacem & amicitiam secum invitavit ineundam, & se mediatorem instituit. Homo DEI amicus esse, cumque eo pacem habere noluit, inimicus esse elegit, dicens. *Recede à nobis. Dixit populus meus: recessimus. Non veniemus ultra ad te.*
- 14.* Redemptor venit de Potestate diaboli Hominem erueri: *Homo elegit in potestate Diaboli esse. Vos ex patre Diabolo estis, & opera Patris vestri vultis facere. Ego veni in nomine Patris mei, & non accipitis me; si veniet alius in nomine suo, (scilicet Diabolus & Antichristus) illum accipietis.*
- Ioan. 8.* Redemptor eruit Hominem de tenebris ad lucem; *Homo dilexit magis tenebras, quàm lucem.*
- Ioan. 3.* Redemptor Hominem docuit viam vitæ & veritatis. *Magister scimus quia verax es, & viam DEI in veritate doces.* Homo DEI veritatem & vitæ salutisque viam à se repulit, dicens; *quia non est à Deo, sed seducit turbas & dæmonium habet, & testimonium ejus non est verum.*
- 16.* Iam verò in ipso Passionis Dominicæ tempore.
- Ioan. 7.* Redemptor se ipsum tradebat Homini in cibum & potum, quem sumens vitam haberet æternam in seipso. Homo DEVM tradidit & vendidit osculo ad mortem: & abnegans eum postulavit ad Crucem.
- Matth. 11. 18.* Redemptor per Divinum suum Sacramentum in viscera Corporis & Animæ, realissimâ Dignatione descendit. Homo autem post Buccellam Sacramentalem diabolum in cor admisit.
- Ioan. 8.* Redemptor inquinatos & sanguinarios hominis pedes, manibus suis lavit, terxit, osculatus est. Homo pedes suos ad festinandam ciuitatis quam moliebatur prodicionem Domini sui expedivit.
- Ioan. 6.* Redemptor, Homines gravissimo suo, & opere & verbo cohortatus.

tatus & obtestatus est, ad exhibendam exercendamque in sese mutuo humilitatem, charitatem, atque unionem. Homo neque Humilitatis, neque dilectionis, unionisque mutuz memor, congregat & armat cohortes lictoresque in DEVM.

Redemptor de salute Hominum sollicitus, tristitia, cœdio, pavore, condiscitur usque ad agoniam, usque ad sanguineum sudorem, usque ad ipsam mortem. Homo interea partim contra DEVM salutem, totam tenebrarum potestatem sollicitus, partim de prodicione per osculum peragenda Deicidas informat.

Redemptor orat, & repetitio orat, & tertio orationem repetit: seque ad omnia fanda infandaque pro Hominum salute, prostratus humi in faciem suam, devovet ac immolat. Homo interea totus dormit, & unâ horâ nec pro Dei voluntate, nec pro sua salute vigilare potest: an potius non vult?

Redemptor propter Hominum redemptionem sese hostium manibus & rabidæ potestati sponte offert. Homo DEVM in manibus hostium videns, relicto eo fugit, aut sitansisper sequitur, à longè, & abnegaturus, abjuraturus, detestaturusque sequitur.

Redemptor ingenuè se Christum Deum, judicemque omnium in maiestate & gloria venturum ac futurum profitetur Hominibus, pro ipsis Hominibus. At Homo Deum blasphemiz & mortis reum pronuntiat, & condemnat.

Redemptor Homines à morte corporis & animæ, temporali & æterna, culpæ & poenæ, liberare satagit. Homo DEVM ad mortem & crucem exposcit: Nullius non sceleris reum proclamat, latronibus coarquat in scelerum merito, latroni & hosti publico postponit, adeo, ut homine iudice Barabbas Christo melior sit.

Redemptor habens in se omnes sapientiæ & scientiæ Dei thesauros absconditos, per sapientiæ altitudinem & absconditum à sæculis Sacramentum, perque non investigabiles vias suas, salutem humani generis operatus est in medio terræ, hoc est in assumpta nostra carne. Homo verò, Deum sprevit & illusit, & velle fatuorum stultorumque induit.

Redemptor ut Homines à flagellis peccatorum, quæ innumerabiliter multa & gravia sunt, eriperet, Iustitiæ se & vindictæ diviniæ subiecit, estque propter scelus populi sui percussus & attritus, & disciplina castigatioque pacis nostræ super eum deposita, & exercitia remansit. Homo autem Deum Redemptorem probrosissima flagella-

gellationi subiecit; eumque vulnere super vulnus concidit, & super dorsum ejus aravit, sulcisque crudelibus Divinam ejus, carnem intersecans prolongavit iniquitatem suam.

Redemptor Hominem gloriâ & honore coronavit, & super caput ejus coronam de lapide pretioso posuit, deditque illi sceptrum regni, & constituit eum super omnia opera manuum suarum. Coronavit etiam eum in misericordia & miserationibus, signans eum lumine vultus charitatis suæ. Homo autem plectens coronam de spinis imposuit, & infixit eam in capite Majestatis Dei sui, dans arundinem in manu ejus, & eadem caput spinis horridum percussit: faciem ejus Angelis ipsis reverendam, a lapidis percussit, & fœditate buccæ suæ consputavit.

Redemptor ut Hominem ab æterna & temporali morte, atque damnatione eriperet, sanguini suo pretioso non pepercit. Homo Dei sui sanguinem in se malitioso furore suscepit, ut Deum suum morte turpissimâ crucis, interficere posset.

Redemptor Hominibus vitam æternam, & à constitutione mundi paravit, & impendio vitæ suæ Divinæ acquisivit. Homo Deum vitæ authorem, atque fontem, manibus suis, inter Crucis tormentis trucidavit.

Iam autem post Passionis tempora, qualiter se jam Glorioso, & super Cœlos regnanti, & ad iudicium vivorum, mortuorumque se se accingenti Redemptori suo, redemptus homo exhibeat, videamus & perpendamus. Libet de hoc audire ipsummet Hominem de se Redemptori suo confitentem apud Beatum Bonaventuram hisce verbis. [Nonne & hoc nequissimum est, quod post tam admirabile & fructuosum tuæ Domine Iesu Passionis beneficium non cesso peccare in conspectu oculorum tuorum, perinde ac si Tua Passio nihil esset. Te mihi dedisti, & Te renuo, tenebras animæ meæ effugasti, & ego ipsas sponte incurro. Mundum & quæ mundus amat abjecisti, & ego ipsum eligo, & diligo. An non vides Patientissime Domine Iesu, quod semper nitor facere. Tuæ contrarium voluntati; & in faciem Tibi resisto apertè. Si dicis mihi: Nolo ut hoc facias, dico ego, volo. Si dicis, volo ut hoc fiat, dico ego, nolo facere. Scio Te Dominum meum summum Bonum esse: & ego ad Te, ac si aut nihilum aut valde malum aliquid esses, non aspicio, sed converto cordis & corporis mei faciem ad ea, quæ vana sunt & perniciosâ, & nihil sunt, & aliquando ad ea, & ad talia, quæ turpe est dicere,

dicere, incongruum nominare, & siccis cor meum vinculis amoris colligatur, ut ad Te, cuius est, nequeatelevari. Et hoc certe detestabilis abusio est.] Valde autem exile est, quod dicitur hæc esse detestabilis abusio: quamvis verbum quo gravius ponderosiusque hominum christianorum, credentiumque, tam proterua barbaries, tam barbara ingratitude in suum Redemptorem explanetur, exprimiturque, pro merito, invenire difficile sit.

Nam quibustandem verbis exagitetur hæc indignissima malitia, malitiosissimaque indignitas Hominis in Deum suum?

Deus propter nimiam charitatem suam in hominem, descendit de cælo, ut hominem perditum, & morti æternæ addictum, ad cœlestē Regnum, beatamque aternitatem reduceret, in eumque finem, totum se, quantus quantus est Deus, & totam substantiam domūs (id est Divinitatis & Humanitatis) suæ profudit, atque prodegit, & veluti nihilum, præ dilectione, & salute Hominis, despexit eam. Homo autem, homo inquam christianus, hæc de Deo suo credens, atque confitens, hunc eundem Deum suum, & eandem omnem impensam sibi ab eo dilectionem, profusamque suā causā substantiam; voluntariā, & scientē, deliberatāque despectione negligit, & negligentiam despicit, & quidem millies repetitō despicit. Neque despicit tantum, sed etiam pessima quæque, pro tantis bonis reponit: committens ea in oculis Dei sui, quæ novit illius cordi Divino esse ingratiſſima, illius voluntati contrariſſima, illius Dignitate indigniſſima, illius meritis indebitiſſima, illius Bonitati atque Charitati inimiciſſima, illius Iustitiæ & æquitati displicitiſſima. Et quidem si faceret hoc infidelis & Redemptorem nesciens: sustinendum esset utique, sed fieri talia à Noscentibus, à Credentibus, à Consistentibus, & fieri ex proposito, atque ex professo, fieri assiduò, & omni vitā, fieri in oculis ipsius Divinæ præsentia, atque Majestatis, quis hoc satis capiat, cogitet, explicet?

Redemptor propter Hominem humiliavit, & exinanivit semetipsum. Homo superbus, & inflatus incedit, magnificans se ipsum, nec est finis superbiæ, & tumoris ejus.

Redemptor propter Hominem factus obediens usque ad mortē crucis. Homo in Deum & ejus mandata, & voluntatem est contumacissimus, ducitque sibi ignominia, obedire Deo; laudem reputat suam, mandata Dei audacter transgredi.

Redemptor Hominem, & verbo, & exemplo suo docuit, quia mi-

is est & humilis corde. Homo planissime tam humilitatem, quam mansuetudinem cordis fugit, detestatur, irridet, ac si omnino a Deo iracundiam, impatientiam, elationemque cordis edoctus esset.

Redemptor omne carnis vitium, & ipse nescivit, & Hominem nescire docuit, atque præcepit. Homo in carnis lasciviam, in omnemque inverecondiæ turpitudinem, ab ipsa tenella pueritia sua profunditur; Ita ut infelices pusiones, prius fiant impudici & prostituti, quam pudoris sint capaces, & verecundiæ. Ergo inter Christianos, inter fideles, inter castitatis puritatisque laudatores, atque professores, reperies obviæ, atque passim, tanta turpitudinis lasciviaque mala, quanta nec inter gentes quidem: & quanta si inter gentiles reperirentur, reperirentur quia licita reputarentur, at inter Christianos, ipsorummet fide magistrâ, Conscientiâ doctore, lege duce, confessione & professione exactore, ista omnia illicita, turpia, probrosa sunt, & qui talia agunt, regnum Dei non posse possidere sciuntur, & fide creduntur, sunt nihilominus, & sunt usque adeo profligatæ, & effrenatæ, non secus, quam si lege Christianâ hæc omnia indignitatum genera sancirentur. Certè si (per impossibile dictum sit) si inquam sancita essent, vix effrenatius à Christianis fierent, quam nunc lege Christi per omnia repugnante, à Christianis fiunt.

Redemptor noster dilectionem fraternam sanxit, adeo sollicitè, adeo tenerè, adeo perfectè, atque consummatè, ut etiam inimicos, & persecutores jufferit ex corde diligi, ex corde illis beneficia exhiberi, ex corde injurias quaslibet condonari. Quod præceptum suum, novum, magnum, omnium majus, & nunquam excidens: multum quidem verbis & sermone, at longè magis magisque commendavit & promulgavit opere, ac sanguine, atque Crucis morte. Atqui Homo istam adeo demandatam commendatamque charitatem mutuat usque adeo ex corde negligit, ex corde nihili habet, ex corde radicitus proscibit; ut pro eo quod inimicos ipsos verè diligit: ne amicos quidem & omni sanguine conjunctos sincero amore foveat. Itaque hodie vix par hominum invenias, qui sese invicem christianâ charitate, revera, & per omnia diligant. Itaque etiam hodie tam vulgatâ inter christianos cernas, non odia tantum, aut injurias, dolos aut invidias, calumnias & contumelias, verum etiam cades, & homicidia adeo vulgatâ, adeo faciliâ, adeo in immensum abacta & familiaria, ut in omnibus durantis humani generis sæculis non facile rec-

te reperias, unum aliquod, in quo tam facile fusus sit sanguis humanus, quam hodie funditur christianus. Non quaritur hodie bellis pax, sed bella ex bellis feruntur, neque pacis nomen in honore est, sed in probro, quodsi interdum quapiam ad speciem pacificatio in eunda videtur, ea ita peragitur, ut tamen seminarium belli residuum fervetur, quo saevius recrudescat cum collibuerit: & misera pacificatio non desiderio pacis, sed studio belli crudioris fiat. Ita nimirum hodiernis christianis, Christi sui de charitate mutua cordi & in pretio sunt, tum mandata, tum exempla.

Sed imponendus est finis, Modi hujus expositioni: atque aliae multae *detestabiles abusiones* Hominum & quidem christianorum, quibus passim, & perpetim Deo Redemptori rebellatur, & obedientiae, observantiaeque, imitationis, & gratitudinis loco, retribuitur, silentio damnandae: quoniam in praesenti scriptione hoc non agitur ut mores saeculi deplorentur, sed ut Passionem Dominicam meditando varietate, adiutae piorum animae, in Domini Redemptoris amorem, obedientiam, imitationem, aliosque Passionis fructus deducantur.

M O D V S LXXIII.

Septuagesimus tertius meditando Passionem Domini modus est, superiori oppositus: quia scilicet in eo consideratur dulcissima & profusissima Christi in electos suos redimendos per Passionem ac mortem propensio, liberalitas, atque planè prodiga sui charitas, & vicissim Hominum Redemptorum, electorum, iustorumque erga Jesum pro salute sua Passum profusissima, atque heroica, & usque ad exinanitionem perditionemque suimet (cum Christi tamen gratia, & auxilio, sine quo nihil, nihilque sunt omnes conatus hominum quantumcunque Sanctorum) exhibitio, & exhaustio & profusio.

Quod intellectum sic volo, ut nemo opinetur posse Hominum aliquem, vel etiam totum genus humanum, uni, vel minutissimae Christi super nos beneficentiae, aliquid aequale, & condignum reponere. Verè enim Bernardus dixit. *Amat nos Charitas, amat Immensitas: nos autem vicem rependimus cum mensura* infinities improporcionata; sed hoc dictum volo, ut discamus ab electis, sanctisque Dei, quibus illi studiis, conatibus, industriis, liberalitatibus, Redemptori suo, omniumque nostram, laboraverint gratos se exhibere, excessivae super se miserationi & charitati illius.

Quantâ profusione Charitatis sese nobis & pro nobis profuderit Dominus Iesus, arbitror opus non esse multis explicare iis, qui verè fideles sunt: imò iis quicunque mysteriorum christianæ fidei rudēs omnino non sunt. Pauculis ergo tantum indicanda, & strictim solum attingenda est ista Domini profusio. Et quidem si scripturas attendamus sacras: novimus per rubrum mare, in quo salvatus populus Domini, demersus autem cum omnibus suis Pharaō, designari Passionem Christi, in qua omnis diabolica Tyrānis, fexque peccatorum disperit, genus verò humanum universum, in littus salutis, & vitæ æternæ pertransiit. Atque sicut mari profusus est nihil, ita per hoc figuratum est, Passionis Christi efficaciam, atque in ea charitatis ejusdem profusione, nihil copiosius esse. Ob quod David loquitur confidenter. *Copiosa apud DEUM redemptio.* quidem enim copiosius, quàm quod omnibus hominibus, omnibus sæculis, omnibus peccatis ablundis sufficit, & redundat, & omnibus præmiis, per omnem æternitatem amplius & excessivius est? Itaque Moyses & Elias cum Christo in monte Thabor colloquentes, *loquebantur excessum eius.* Excessum inquam non tantum quasi excessum de vitæ per mortem, quod satis solum esset, sed excessum etiam immensæ & nimie charitatis, per quem excessu omnem modum, omnem mensuram, omnem efficaciam, omnem fidem, & spem, omnem retributionem, omnem denique possibilitatem; neque enim ullus major excessus charitatis possibilis est, vel ipsi omnipotentia Dei; unde bene Apostolus vocat hanc Dei *charitatem nimiam.* quia, ut idem loquitur, supereminet & transgreditur omnem longitudinem, omnem latitudinem, omnem sublimitatem, omne denique profundum. Etenim si attendamus quis sit & quantus qui profudit? quid altius cogitabitur, aut quæ altitudo tanta erit quæ non exæquetur & excedatur? Si attendamus. Quid profudit, & quantum? nempe Deum Hominem: Dei Homini Majestatem, Dignitatem, Perfectionum plenitudinem, Animam, Vitam, Sanguinem, Gloriam, Honorem, & quidquid Deus-Homo erat, in seque habebat: Ecquam latitudinem hæc profusio sumptuosissimæ Charitatis non circumplecteretur, non superexcedet?

Quod si attendamus, pro quibus. Nempe pro nobis hominibus, pro nobis vilitate ipsâ vilioribus, pro nobis scelerositate ipsâ scelerosioribus, pro nobis indignitate ipsâ indignioribus, pro nobis in æternum damnatis, atque ab omni bonitate, miseratione, æquitate in

perpe-

Exodi 21.
27.

Pf. 129. 7.

Lucæ 9.
31.

Eph. 2.
7.

perpetu
simul o
ingratit
pro om
quod in
sile, tan
nos, &
eelsit?
fructum
nam l
genus,
cula ex
bus his
istas ex
omne
(at id
de alba
erunt.
rum, n
rum, o
cidivat
suis p
catione
Domini
ra non
borari
fidem
compr
sublim
tatem
tem si
charit
vificat
dante
etiam
Se
nimia
loqui

perpetuum reprobatis, nec ullā possibili virtute creaturarum, etiam simul omnium, remedii & auxilii capacibus, denique pro nobis ipsā ingratitudine ingratoribus, omniumque ingratorum & odiosorum pro omnibus Dei super nos bonis eidem Deo retributoribus: Ecquod invenire poterimus profundum, tam profundum, tam abyssale, tam ultimum, ad quod ista charitatis Christi super nos, & in nos, & propter nos, profusio non penetravit, non accessit, non excessit? Ad extremum, si attendamus, in quem, & qualem usum, fructum, modumque hæc charitatis Christi profusio facta sit, quænam Longitudo ei æquabitur? Duret per æternitatem humanum genus, peccent omnes & singuli Adæ filii, per æternitatis omnia sæcula exaggerent malitias maliciarum suarum, usque, & usque: omnibus his profusa Christi Charitas sufficit, omnibus major est, omnes istas excedit, excedit autem plus quam mundus iste atomum, quam omne mare guttam, quam omnis æternitas momentum. Si fuerint (ait iste Redemptor Deus) *pectata vestra sicut coccinum, sicut nix dealbabitur; & si fuerint rubra quasi vermiculus, quasi lana alba erunt.* Non ponit numerum hominum, non numerum peccatorum, non mensuram enormitatis scelerum, non qualitatem specierum, non temporum sæculorumque spatium, non iterationum recidivationumve limitem. Quod totum Apostolus expendens, excessivus planè & ipse est, in hujus excessivæ charitatis Christi deprecatione. Hujus rei gratiâ. *Flecto* (inquit) *genua mea ad Patrem Domini Nostri IESV Christi: ex quo omnis Paternitas in cælo, & in terra nominatur: ut det vobis secundum divitias gloriæ suæ, virtute corroborari, per Spiritum ejus in interiorem hominem, Christum habitare per fidem in cordibus vestris, in charitate radicati, & fundati, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum.* Scire etiam supereminentem scientiæ charitatem Christi, ut impleamini in omnem plenitudinem Dei. Dixerat autem superius. *Deum; qui dives est in misericordiâ; propter nimiam charitatem suam, quâ dilexit nos, cum essemus mortui peccatis, conviviscasse nos in Christo, ut ostenderet in sæculis supervenientibus, abundantes divitias gratiæ suæ, in bonitate super nos, in Christo IESV, quas etiam vocat nullâ ratione investigabiles divitias Christi.*

Sed de Charitatis Christi super nos profusione excessiva, atque nimia, hæc sint satis; præstat siquidem de ea multa meditari, quam loqui. Videamus jam, & amulemur Sanctorum Charitatis quoque

Isaia 1.
18.

Eph. 3.
14.

Eph. 2.
7.

Eph. 3.
8.

lum

suam erga Christum (ex gratia Christi) profusionem. Atque huc veniunt omnes & singula Sanctorum Christi, propter Christum, siue actiones, siue Passiones.

1. In hunc censum venit Fides in Deum, & quem misit ille in mundum, in Jesum Christum, quæ Fides vincit mundum, & omnem Sapientiam, Potentiam, Dulcedinem ejus, arbitrans omnia bona ejus, tanquam stercora, atque detrimenta. Hæc fides in captivitate redigit omnem intellectum, in obsequium suum, ut quæ sunt apud homines impossibilia, confiteatur possibilia apud Deum, imò faciat omnia possibilia credenti, sitque sperandarum substantia rerum, & argumentum atque convictio non apparentium. Hanc Fidem Catholica Christi Ecclesia exhibet Christo per sexdecim & amplius sæcula, inconcussam: nulli parcens labori, sumptui, difficultati, periculo suo, suorumque.

2. Venit in eundem censum spes in Christum; quæ facit ut omnes Fideles Christi, etiam in spem contra spem sperent, & confidant Deo, siue spiritualia, siue corporalia, siue æterna, siue temporalia, bona, & auxilia. Spes remissionem peccatorum, spes victoriam tentationum, spes conculcationem omnium infernalium aspidum, & leonum, & draconum, spes oblivionem carnis, & sanguinis, spes Iustificationem & gratiam, spes filiationem & hereditatem Dei cum Christo, spes resurrectionem ex mortuis, spes confessum in cælestibus, spes ipsam æternam vitam, possessionemque Regni à constitutione mundi, præparatam, ex Christi meritis, & sanguine gratiaque derivans, nihil præsentium, nihil inter manus ipsas, oculosque positorum aut amat, aut appetit, aut possidet, sed totâ firmitate certitudinis fertur in abscondita, in invisibilia, in futura, in promissa; firmitusque & inconcussa magis adhesionem, ista, etiam adhuc in ista vita possidet, quam si re ipsa omni jure, mundi universi bona possideret. Imò quod est amplius, atque mirabilius; ideo universis hujus mundi bonis inhaerere, vel capillo tenus recusat, ut tantò firmitus immobiliusque futura illa sperans, illa eadem sperando possideat. Neque solum spes nostra in Christum hoc agit, quod bona præsentia omnia profundat, & bona futura possideat: verum insuper omnia mundi mala, & incommoda aggreditur, atque perperitur, ut futuris præmiis bonis, per invictam adversitatem incommoditatumque tolerantiæ perfui mereatur. Existens per hoc in Christum suum liberalissima: quod quantò se amplius ad bona à Christo sperata expecta-

spectat
f. rende
dat in
r. osom
lesti
n. itra
3. l
dilectio
comper
diti.
nihilum
sola pe
una, o
deles O
men c.
ergo n
in om
te Chri
lum? a
te mort
omnib
quia ne
virtutes
neque p
DEI, q
Ne a
Christu
audet,
sapient
in plag
quadra
sum, te
ribus fa
pericula
lia in m
multis
illa qua
Ecclesi

spectataque capaciorē sperando, & per spem operando bona, suffrendo adversa reddit, tantō ipsū Christum quodammodo reddat in bonis super se profundendis, inque prœmiis exhibendis, gloriosum magis, beatum magis, demumque coram & a Patre suo coelesti remuneratum magis. Est enim gaudium Domini fortitudo nostra, & gloria est Christi glorificatio nostra.

3. In hunc quoque censum venit. Fidelium Christi in Christum dilectio. Neque enim uliā aliā re condignius Amor, quā amore compensatur. Quidquid dederis, si amorem subtraxeris, nihil dedisti. *Si dederit homo omnem substantiam suam pro dilectione, quasi nihilum deficiet eam.* Dilectio liquidem talis est res, quæ sola bona, solā per se, & se ipsa bona est; omnia reliqua facit bona, & sine hac una, omnia aliā quæ videntur non sunt bona. Quomodo autem Fideles Christi retribuunt dilectionem Christo? videre licet, & specimen capere, ex uno Apostolo Christi, vero amatore Christi. *Quis ergo nos separabit* (ipse loquitur, & quidem non in sua tantum, sed in omniam verē amantium Christum persona loquitur) *à charitate Christi. Tribulatio, an angustia? an fames? an nuditas? an periculum? an persecutio? an gladius?* (Sicut scriptum est. *Quia propter te mortificamur totā die, estimati sumus sicut oves occisionis,*) sed in his omnibus, superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque alia creatura poterit nos separare à charitate DEI, quæ est in Christo IESU Domino nostro.

Rom. 8.

35.

Psal. 43.

23.

2. Cor.

11. 21.

Ne autem quis putet in solis magnificis verbis Amorem Pauli erga Christum sistere, audire liceat operosum amorem ejus. [In quo quis audeat, (in insipientiā dico.) audeo & ego. Ministri Christi sum, (ut minus sapiens dico) plus ego; in laboribus plurimis, in carceribus abundantius, in plagis supra modum, in mortibus frequenter. A Iudeis quinquies quadragenas, unā minus accepi; ter virgis cesus sum, semel lapidatus sum, ter naufragium feci, nocte & die in profundo maris fui. In itinerebus saepe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus; in labore, & ærumna; in vigiliis multis, in fame & siti, in jejuniis multis, in frigore & nuditate, præter illa quæ extrinsecus sunt, instantia mea quotidiana, sollicitudo omnium Ecclesiarum: quis infirmatur & ego non infirmor? quis scandalisatur &

Col. 1.24. ego non uror? En quomodo Paulus charitate suâ sanè operosâ Christi charitatem æmulari connisus est? Qui etiam non dubitat profiteri de se ipso. *Gaudeo in Passionibus pro vobis, & adimpleo ea quæ desunt passionum Christi, in carne mea, pro corpore ejus, quod est Ecclesia.*

Hebr. 11.

33.

Atque hæc quæ fecit, quæque de se professus est Paulus, fecere Apostoli, Apostolorumque successores: fecere Martyres, fecere Anachoretæ, fecere in simili fideles ab origine Christi Ecclesia, & faciunt usque huc, facturi usque ad consummationem sæculi. Quid enim agit universa Christi Ecclesia, toto terrarum orbe diffusa, quid egerunt tanti exercitus Martyrum, qui pro testamento Dei sui traderunt in omne carnificinarum & mortis genus animas suas, suoque sanguine mundum idololatriæ, & omnigenis iniquitatibus fecundum abluerunt, & emaculaverunt? Quid egerunt innumera illa prisceorum Monachorum, Eremitarumque examina? Quid agunt hodieque infinitorum cœnobiorum incolæ sexus utriusque? De quibus omnibus justissimè, quia & verissimè, dicas id quod Paulus loquitur de Sanctis fidelibusque veteris testamenti. *qui per fidem vicerunt regna, operati sunt iustitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii, convulnerunt de infirmitate, fortes facti sunt in bello, castra verterunt exteriorum, acceperunt mulieres de resurrectione mortuos suos. Alii dissenzi sunt, non suscipientes redemptionem, ut meliorem invenirent resurrectionem, alii verò ludibria & verbera experti, insuper & vincula & carceres; lapidati sunt, secti sunt, in occisione gladii mortui sunt, circumierunt in melotis, in pellibus caprinis, egentes, angustiiati, afflictii, quibus dignus non erat mundus, insolitudinibus errantes, in montibus, & speluncis, & in cavernis terræ. E quibus omnibus nunquid est aliquid, quod non præstitum sit, quodue non etiam præstetur à fidelibus Christi propter Christum in Ecclesia Catholica?*

Vixit Pauper Christus ita, ut non haberet ubi caput reclinaret suum, vivunt fideles ejus absque ullo dominio & proprietate super rem etiam tenuissimam, adscitâ etiam per votum Deo factum incapacitate Domini & Paupertatis æternitate.

Vixit Christus virgo. Habet in Ecclesia imitatores: qui in carne non secundum carnem militant, nulla carnis blandimenta admittunt, & insuper virgines, continentisque æterni voti sponsione sunt.

Vixit Christus obediens usque ad mortem Crucis; innumeri sunt, qui

qui totos se submisserunt alieni regimini iugo, superaddentes sibi votum obedientiae perpetuae propter Christum.

Humilis fuit Christus, & Mitis. Discunt ab eo, æmulanturque in ipso Humilitatis & Mansuetudinis viam, viventes sine querela & offensione, omnem humilitatem invicem insinuantes, & honore invicem prævenientes.

Passus est Christus; & fideles ejus eadem cogitatione armantur, atque in patientia offerunt ei fructum tricesimum, sexagesimum, centesimum; gloriantur in tribulationibus, atque omne gaudium existimant, cum in varias tentationes & persecuciones inciderint.

Bajulavit Crucem suam Christus, tam internam quam externam. Sunt fideles, qui verè fideles sunt, qui abnegant semetipsos, & tollunt crucem suam quotidie, & mortificationem Christi jugiter in corporibus, & animabus suis circumferunt, adeo, ut profiteantur, nihil se scire, nisi Iesum, & hunc crucifixum, in nullo gloriari, nisi in Cruce Domini nostri Iesu Christi, per quem eis mundus crucifixus est, & ipsi vicissim mundo.

Christi Cibus fuit facere voluntatem Patris. Et Christi fideles, in lege Domini meditantur die ac nocte, inquirentes & exequi satagentes, quæ sit voluntas Dei bona, beneplacens, & perfecta; omni hora, totisque cordibus clamantes Domino: fiat voluntas tua, sicut in cælo, & in terra. Non mea Domine voluntas fiat, sed fiat voluntas tua.

Christus non suam, sed Patris Coelestis gloriam quæsit. Et fideles Christi, in eo fidelitatem, fidemque suam Christo commendant, atque controbant: quia sive comedunt, sive bibunt, sive aliud quid faciunt, omnia in gloria Dei faciunt, sic faciunt coram hominibus opera sua bona, ut ea videntes glorificent Patrem, qui in cælis est. His clamant jugiter Deo, Magnificat anima mea Dominum. Clamant jugiter. Exaltetur Deus salutis meæ. Clamant jugiter. Sit nomen Domini benedictum ex hoc nunc & usque in sæculum. Clamant jugiter: Omnia ad Majorem Dei Gloriam.

Christus de manu Patris sui elegit vestitum humilitatis, confusio- nis, contemptus, elegit Crucem, & Crucis mortem, confusio- ne, & ignominia ejus contempta, proposito licet sibi ex parte altera; gaudio, gloria & honore. Et fideles ejus eligunt abjecti esse in do- mo Domini, magis quam gloriosè habitare, delicatè vivere in ta- bernaculis peccatorum. *Exhibentes se sicut veros Christi discipulos,*

1. Cor. 6. Deiq; ministros, in multa patientia, in tribulationibus, in necessitatibus,
4. in angustis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu Sancto, in charitate non ficta, in verbo veritatis, in virtute Dei, per arma iustitiæ, à dextris & à sinistris, per gloriam, & ignobilitatem, per infamiam, & bonam famam, &c.

Christus Bonus Pastor, animam suam posuit pro ovibus suis. Et Christi fideles pro Christo legatione funguntur, tanquam Deo exhortante per eos. Obsecramus pro Christo, reconciliamini Deo; quoniam ipse, eum qui non noverat peccatum, pro nobis peccatum fecit, ut nos efficeremur iustitia Dei in ipso. Hi die noctuque stant succincti lumbos, & lucernas tenent in manibus suis, tanquam boni dispensatores, & fideles ministri, super familiam Domini constituti, ut dent illis in tempore tritici mensuram, & custodiant vigilias super greges suos, atque ad instar Principis Pastorum, etiam mercenarios, & fures, & lupos, ovilibus Domini propulsant, etiam fortunarum, etiam famæ, etiam sanguinis, etiam vitæ prodigi, pro Animarum Christi sanguine redemptarum salutē.

In summa: habet Christus imitatores suarum virtutum, executores suorum mandatorum, custodes suorum consiliorum, amulatores suarum perfectionum, zelatores sæ gloriæ, dispensatores prudentes, qui sciant familiæ Domini sui dare tritici mensuram in tempore suo, negotiatores industrios, & diligentes, qui unâ Domini sui mnâ, decem lucentur. Operarios laboriosos, qui non refugiunt portare pondus dici, & æstus, in vinea Domini excolenda: servos denique fideles qui, cum omnia fecerint, quæ præcepta sunt eis, nihilominus dicunt. *Servi inutiles sumus, quod debuimus facere, fecimus.*

Luc. 17.
10.

Neque verò ab hoc redamatorum Iesv Christi Redemptoris, profusissimi que nostri Amatoris, exu excludendi sunt alii fideles ejus, credentes in eum, & ex fide viventes, operantesque opera dilectionis & iustitiæ, servantesque mandata Domini, ut mereantur ad vitam æternam ingredi. Et hic enim esurientem Christum pascunt, sitientem potant, nudum vestiunt, peregrinum hospitio excipiunt, captivum redimunt, infirmum visitant, incarceratum solantur, mortuum sepeliunt. Hi quoque oculus sunt cæco, & pes claudis, & Patres sunt pauperum, morientium consolatores, non negant, quod volunt, pauperibus, neque oculos viduæ expectare faciunt, neque comedunt

medunt buccellam suam soli, sed eam cum pupillis partiuntur, post aurum non abeunt, neque sperant in pecunia & thesauris, neque dicunt obrizo, fiducia mea; qui benefaciunt malefacientibus, benedicunt maledicentibus, orant pro persequentibus, non vincuntur à malo, sed vincunt in bono malum, nec dant ad peccandum guttur suum, ut maledicant odientibus se. Denique utuntur hoc mundo, tanquam non utantur; abundant in operibus bonis, & jugiter inclinant cor suum, ad faciendas justificationes Domini in æternum propter retributionem. Vide sis patrimonia quæ dederunt pauperibus Christi; monasteria, quæ ædificaverunt filiis excussorum Christi; templa, quæ fundarunt honori Christi; altaria, quæ extruxerunt & instruxerunt sacrificio Christi; Cantus & psalmodias, quibus per templa Christi providerunt resonare laudes Christi. Thesauros auri, argenti, gemmarum, vestiumque pretiosarum, quibus repletae sunt domus Christi, ornatae fulgent augustius cruces, altaria, imagines Christi. Et hæc omnia sunt patrimonium Christi, sunt merces sanguinis Christi, sunt protestatio flammescens in cordibus fidelium dilectionis Christi.

Et fatendum est quidem, quia hæc omnia, quæ breviter enumerata sunt, nihil omnino sunt, si conferantur charitati, quæ excessivè, & superabundanter dilexit nos Christus: attamen etiam negandum non est, attentis viribus nostris, & tenuitate facultatum nostrarum, hæc quoque pro magnis reputanda esse, ut pote fructus multum ebullientis per corda nostra redamationis Christi, quam in eis constanter efflorescere facit charitas redundans in Passione Christi.

Hæc recogitans pia anima, recordetur se quoque unam esse, ex his, quas profusè prodigèquè amavit Magnus amator Christus, & animetur ad hoc, ut omni conatu virium suarum, sataget, ad semper, semperque ampliùs, profusiùs, prodigaliùs, effundendum se in amorem, & fructus amoris Christi.

M O D V S LXXIV.

SEptuagesimus quartus Passionem Dominicam meditandi modus est. Speculari in ea, atque discere exemplariter elucescentem observationem Divinorum mandatorum. Et si enim tota Domini nostrum vita, morum nostrorum fuit disciplina, nec non speculum excursionis præceptorum Dei, atque voluntatis ejus, attestante id, ipso de se Domino: *Sicut mandatum dedit mihi Pater, sic facio.* Item. *Joan. 14.*

Ioan. 8.
29.

Ego, quæ placita sunt ei, facio semper, nihilominus hæc Christi ad Divinam voluntatem subiectio, mandatorumque plenissima exsecutio, perfectissimâ, & (prout dixi) exemplari, consummativâque ratione effulcescit, atque residet in Dominicâ Passione.

Licebit ergo pio meditati universa decalogi præcepta, à Christo in sua pro nobis Passione accuratissimè adimpleta perversigare; & in sedulam imitationem observantiz sibi met assumere,

Exodi 20.
2.

I. Præceptum est. Ego sum Dominus Deus tuus. Non habebis Deos alienos coram me. Servavit & adimplevit Christus Dominus mandatum hoc, in Passione sua, quia Patri suo, hoc est, Deo vero, eum exhibuit honorem atque cultum in Passione sua, qui & uni, & soli Deo debetur, estque omnium cultus eminentissimus: obtulit enim sacrificium & holocaustum Deo, non quale quale, non taurorum aut arietum pinguum millia, sed semetipsum, vitam suam ponens, pro obedientia Dei Patris. Quod olim diabolo adorationem sui suadenti, respondit; *Dominum DEVM adorabis, & illi soli servies*: hoc quàm plenissimè præstavit per Passionem & mortem suam, soli Patri sese non tantum in servum, sed & in holocaustum & sacrificium immolando. Docens nos in Dei nostri cultum profunderet, non omnia tantum nostra, sed etiam ipsos nos, impendendo, honori & obedientiæ, illi à nobis debita, etiam sanguinem, etiam honorem, etiam libertatem, etiam vitam.

Matth.
9. 10.

II. Præceptum. Non assumes nomen Domini Dei tui invanum. Nunquam Christus otiosè, nunquam falsò juravit, ac etiam observare est in vita Christi, rarissimè ipsum Dei nomen usum, nec nisi cum speciali aliquo adjecto reverentiam Dei sonante. In tota Passione sua solummodò bis, terue Deum nominavit, idque cum singulari affectu, tum dilectionis, tum reverentiz, tum fiducia, tum obsecrationis, dicens: Deus meus, Deus meus &c. Inter eandem Passionem per nomen Dei vivi adjuratus: eam fecit sanctissimo nomini Dei reverentiam, ut propter eam confessus sit luculentissimè, se Christum Dei Filium, sessurum à dextris virtutis Dei, venturum in nubibus cœli; (estò novisset confessionem hanc capitalè sibi futuram.) Ad hæc: Passione suâ Christus, illa omnia quæ Patribus Deus promiserat, & per semetipsum juraverat, fidelissimè præstavit, persolvitque usque dum in Cruce protestaretur diceretque *Consummatum est*: quidquid nimirum ad Dei Patris honorem, promissum fidem, salutem nostram, obedientiam & charitatem suam attinebat.

nebat. Quo exemplo docuit nos Dominus summa cum reverentia, humilitate, veneratione, pareitate Divinum nomen sermonibus nostris interferere, nec sine interiore pietatis, religionisque sensu illud usurpare.

III. Præceptum. Memento diem Sabbati sanctifices.] Videri poterat, & de facto Iudæis visus erat Dominus Sabbatum non custodire, quæ fuit (ut videri volebant) insdem causa singularis, odiorum atque persecutionum in Christum. Sed insanam superstitionem Iudæorum satis refutavit Dominus. Maxime cum ipse esset Dominus etiam Sabbati. At nihilominus exactam Sabbati custodiam in Passione sua demonstravit, tum quando in cruce corpus suum per Sabbatum remanere, tum quando in Sabbato noluit sibi à fidelibus ullum mortuale obsequium exhiberi, tum denique quia toto die mortem suam sequente Sabbatisavit, requiescens in sepulchro. Consummato salutis nostræ opere, nec non condito Ecclesiæ suæ mundo; prout olim condito mundo hoc visibili, septimo die requieverat. per hoc instituens nos: ut dies cultui Divino destinatos non solum habeamus, sed habitos revereamur, & Divino obsequio laudatione, gratiarum actionibus, orationibus, sermonibus sacris audiendis, nec non aliis salutaribus operibus, sanctos, & Deo consecratos placitosque reddamus. Ne hostes nostri dæmones, derideant sibi Sabbata nostra, prout hodie (pro dolor, & probum Christi!) fieri apud Christianos amat, quibus nulli magis ad omnem licentiam morum, ad omnem turpitudinem exercendam, de more atque instituto destinati sunt dies, quàm festi, quàm sacri, quàm Deo scilicet dicati, ejusque cultui destinati, quasi hoc esset Sabbatum quod Dominus elegit, quodue à suis christianis Christus requirit.

IV. Præceptum. Honora Patrem tuum & Matrem tuam.] Constat Dominum nostrum totam vitam suam impendisse honori, cultui, obsequio, obedientiæ Patris æterni, idque sub ratione Patris: quem & ideo sapissimè hoc gratioso Patris nomine compellare gratissimum & usitatissimum habuit. Constat etiam, ab eodem Domino Nostro Matri suæ ad usque annum vitæ trigessimum, obsequium & subjectionem filialem exhibitam, nihilque officii, quod Pietas in parentem posceret omisisse. Iosephum quoque Patrem putatum, affectu veri Filii, quoad vixit coluisse. Sed hoc tamen præcipue demonstravit in Passione sua, in qua licet undique calamitatibus obseptus, vereque vir dolorum, & sciens atque experiens infir-

mita-

mitatem esset, Matris tamen Cruci suæ adstantis curam minimè præterit, sed eam Ioanni commendans, eidem in eam filialem suum affectum amoris, & curæ indidit: unde & Ioannes ex illa hora accepit illam in sua. Patri verò æterno tum suam Passionem ac mortem, mortisque ignominiam, in honorem, obsequium, mandatiq; illius executionem impendit, tum in extremo vitæ periculo, inclinato per summam devotionem, venerationemq; capite, animam suam re commendans, atque tradens in ejusdem Patris manus, expiravit. Sciens, & nullo se loco melius spiritum suum, quàm in Paternis manibus depositurum; & nullo se gratiore pignore manus Paternas, quàm sui Spiritus in eas depositione daturum. Hac eadem operâ erudiens nos: tum omnem vitam, nostram cultui honoriq; summè boni, summè pii, summeq; venerandi, Patris nostri celestis, & nostro, & omnium creaturarum nomine consecrare, tum debito, Parentes, Magistratus, Majoresq; omnes honore, ac veneratione, pietatisq; officiis colere. Sibi enim hoc vel impensum vel negatum protestatur, quod Majoribus impensum negatumve fuerit, quod in nullius alterius præcepti sui observatione, aut violatione attendit Deus, idq; adeo delicatè, quasi pupillæ oculi sui res sit.

V. Præceptum. Non occides. Nullum occidit Christus, imò omnes mortuos peccatis, Passione suâ morteque vivificavit, insuper resurrectionem ex mortuis nobis omnibus promeruit. Vnum solummodò hostem nostrum occidit, mortem videlicet tam corporis, quàm animæ, tam temporalem, quàm æternam; de qua per Prophetam olim comminatus fuerat dicens. *Ero mors tua, o mors; & morsus tuus inferne.* Ad hæc etiam peccatum in suo mortali corpore interfecit, una cum chyrographo mortis affigens illud Cruci. Cujus figuram olim gessit & expressit David Philistæum interficiens, & suo ipsius eum gladio truncans, demumq; *velut tenerimus ligni vermiculus sexcentos*, hoc est, innumeros, & universos nostros hostes interficiens impetu uno. Atque per hoc etiam nobis fidelibus suis legem fixit, ut proximum quidem, etiam inimicum, & odientem, unusquisque nostrum diligat sicut seipsum propter Deum, cum peccato autem & diabolo, & mundo, & carne internecinum geramus bellum: donec eos virtute Passionis, Crucis, & mortis ejus contemamus sub pedibus nostris.

VI. Præceptum. Non machaberis.] Christus Deus Noster, & Spiritu Sancto conceptus, deque intemerata semper Virgine Ma-

Col. 2.

14.

1. Reg. 17.

51.

2. Reg.

23. 8.

ere, vi
fit, ali
hilom
per far
benter
ex nov
omni
carnis
Dei, c
n. fac
ciat di
(ait)
nostr
A. fca
sed pr
ornat
riq;
V
lus de
tus ell
forma
putre
autem
nostr
omni
ad co
pinac
quod
be. A
dirip
& di
tatur
ni.
pi &
tas C
perfe
pecc
gent

ere, virgo natus est, virgo vixit, virgo mortuus est, ut pœne absurdū sit, aliquid pro virginea Christi integritate asserenda laborare. Nihilominus ille sponsus sanguinum factus est Ecclesiæ suæ, quam sibi per sanguinem, crucem, & mortem acquisivit, & exhibuit non habentem rugam, neque maculam: ex cuius mortui latere, tanquam ex novi Adæ costa, ædificavit sibi uxorem, eamque fecit Matrem omnium viventium, qui non ex sanguinibus, neque ex voluntate carnis, sed ex Deo nascuntur filii Dei viventis. Hæredes quidem Dei, cohæredes autem Christi, ob quod Dominus Jesus Pater futuri sæculi meritò nuncupatur. Atque hic nobis amabilissimè denuntiatur dicens, *sponsa dote mibi in fide*. Et ejus Apostolus. *Respondi vos* (ait) *uni viro virginem castam exhibere Christo*. Ergo videat quisque nostrum, ut possideat vas suum, non in passione desiderii, sed in sanctificatione, & munditiâ, ut sit virgo & carne, & Spiritu, ut virgo sit, sed prudens, habens lampadem non solum fidei & spei sinceritate ornatam, verum etiam oleo bonorum operum plenam, charitatique igne succensam.

2. Cor.
11. 2.

VII. Præceptum. Non furtum facies.] Attestatur Apostolus de nostro Domino Jesu Christo: quia non est rapinam arbitratus esse se æqualem Deo; quin potius cum dives, imò Deus, & in forma Dei esset, propter nos egenus factus est, ita ut neque ubi caput reclinaret suum, neque ubi pedem poneret, habuerit: insuper autem quæ non rapuerat, furta primorum parentum, omniumque nostrum, in passione exsolvit, usque ad novissimum quadrantem, in omni rigore justitiæ, nec ad æqualitatem solum, verum etiam usque ad copiosum excessum. Et tamen non omisit Dominus exercere rapinam spoliaque diripere ex hostibus tam suis quàm nostris: propter quod nomen illi inditum narravit Propheta. *Accelera, spolia, devorabere. Festina, predare*. Ergo fortem armatum invasit, vicit, vasa ejus diripuit, & ab ipsis inferis captivam captivitatem eduxit, infernum & diabolum iniquè raptâ possessione, justè spoliavit. Ideo decantatum est illi: *Hæc est præda David, accipite de benedictionibus Domini*. Et illud. *Ascendens in altum captivam duxit captivitatem, accepit & dedit donâ in hominibus*. Hæc rapina, hæc spolia, hæc captivitas Christi, nos sumus, & utinam esse amemus, esse curemus, esse perseveremus. Quid enim felicius? sed heu, quàm multi amantes peccata sua, diligunt mortem; & tradunt se diabolo in servos, eligentes maledictionem, & negligentes benedictionem. Filii Levi, fi-

Isaia 8.
1. 3.

1. Reg.
30. 20.
Ephes.
4. 8.

liber potentes, filii excussorum, accingimini, & estote robusti, eruite pretiosum & vili. *Ite ad gentem convulsam & dilaceratam & gementem sub tyrannide, tot dominorum, quot vitiorum. Afferte Domino filii Dei, afferte filios arietum, diligit enim Dominus noster talem rapinam in holocausto.*

Ioan. 18.

37.

Matth.
22. 16.Matth.
26. 66.

VIII. Præceptum. Non falsum testimonium dices. Absit ut Christus veritas, ut verax, & testis in cælo fidelis, & qui cum veritate iudicat, & vincit, falsum testimonium dixerit aliquando. Passus est tamen falsos testes, & falsa testimonia contra se audivit, in hora Passionis suæ. Insuper autem protestatus est coram Pilato, se in hoc natum esse in mundum, ut testimonium perhiberet veritati. Et præstitit perhibuitque sanè quàm abundè, factaque sunt testimonia ejus credibilia nimis, virtute operum, evidentiâ miraculorum, veritate verborum, ita ut inimici dicerent ei. *Magister, scimus quia verax es, & viam Dei in veritate doces.* Nihilominus inimici ejus mentiti sunt ei, & verissimum testimonium ejus quod dedit veritati coram Caïpha Pontifice, & universo concilio, appellaverunt falsum, atque blasphemum, & ob illud proclamatus est, *Reus mortis.* Sicque testis veritatis, factus est victima falsi testimonii, neque ullam habuere Iudæi procurandæ & urgendæ mortis Christi causam, aut gravem & speciosam magis, aut falsam ementitamque magis. Et per hoc docet nos Dominus Jesus, esse nos per omnia servos veritatis, cultores, amicos, prædicatores, professores, tutores.

IX. & X. Præceptum est. Non concupisces quidquam eorum, quæ proximi tui sunt. Non uxorem, non servum, non bovem &c. Quomodo Christus Dominus aliquid nostrum concupisceret, qui ad hoc in mundum venit ut sua omnia, & se ipsum nobis impenderet, nobisque daret? Profudit ergo & planè prodegit, in nos, inque usum nostrum omnia sua, & Divinitatem, atque personam cum omni gloria ejus, & corpus, & sanguinem, & famam, & vitam, & animam, & matrem, & merita, & opera, & virtutes, & passionem; denique totum se, quidquid erat, quantus quantusque erat: ita ut etiam illud quod in latere & corde adhuc sanguinis & aquæ post mortem superfuerat, per vulnus lateris aperti effundi, atque in nostram salutis Sacramenta transire fecerit. Solâ duntaxat cruce reservatâ sibi, à qua non nisi alienâ manu, alienâ potestate, & mortuus quidem, depositus sit. Et hæc est disciplina nostra, magisteriumque nostrum, nobis à summo doctore, ex cathedra crucis traditum, ut si-

ut simus
tes eorum
do, omni
Christi,
ritia Ch
imitatio
trimoni

Eprou
elle p
servatio
modum
Ac L
ha sunt
est super
2. C
minus ex
in mund
caput re
eloxit ej
enim in
esse volu
fuit sua,
pulturat
in sepulc
norum,
nâ miser
ruse erat
ctus, sive
volunta
3. Co
servavit
noster.
tuus est,
dix, tum
dem in p
ni gener

ut similes in mundo isto tanquam filii excussorum, nihil concupiscentes eorum, quæ in mundo sunt, nihil commune habentes cum mundo, omnia impendentes salutis nostræ, auxilio proximi; dilectioni Christi, gloria Dei, solam crucis, & paupertatis, & Passionis, & stultitiæ Christi possessionem, hereditatemque nobis usque ad mortem imitatione retinentes, vindicantesque; solo hoc ex Christi bonis patrimonio in hac vita, divites, gloriosi, beati.

M O D V S LXXV.

Septuagesimus quintus Modus Dominicam Passionem meditando esse potest, advertere quomodo in Dominica Passione eluceat observatio consiliorum Christi. Erunt operæ pretium cum meditando modum in aliquot consiliis Christi declarare.

Ac I. Quomodo octo Beatitudines quæ propria Christi consilia sunt, in ejusdem Domini nostri Passione reluceant, declaratum est superius, Modo. xxxi.

Matth.

5. 3.

2. Consilium voluntariæ Paupertatis totâ quidem vitâ Dominus exactissimè consecutus est, adeo, ut ab ipso per nativitatem in mundum hunc, vitamque mortalem ingressu, non invenerit ubi caput reclinaret suum; præcipuâ tamen ratione, in tota Passione sua eluxit ejus erga Paupertatem amor, atque observantia. Nudissimus enim in Cruce pependit. Vestimenta sua inter crucifixores partita esse voluit, capite pendulo, & fulcimenti indigo, mortuus est. In siti sua, guttam aquæ non habuit, alienâ syndone involutus ad Sepulturam, alienâ stipe mortui corpus inunctum est, alieno denique in sepulchro conclusus, & conditus est. Nullum successorem bonorum, nullam è suis rebus possidendam heredi reliquit; nisi alienâ miseratione de Cruce depositus, tumultatusque fuisset, esca futurus erat aut volucrum, aut bestiarum rapacium, sive in Cruce relictus, sive sub cruce projectus. Atque hæc omnia Christo tam fuere voluntaria, & electa spontaneè, quam quidquam spontaneum.

Lucæ 9.

58.

3. Consilium voluntariæ virginis atque Puritatis, in omni vita servavit, sed specialiter in Passione & morte complevit Dominus noster. In medio enim virginum hoc est, Matris, & discipuli mortuus est, & virginem suam carnem exquisitis subjecit, tum verecundia, tum mortificationis occasionibus, & afflictionibus. Et id quidem in poenam & expiationem omnium & singulorum totius humani generis execrandarum obscenitatum; tum etiam ad emerendam

apud æternum Patrem corruptissima, & in turpitudinem luxuriæ projectissima naturæ nostræ, omnis castitatis, potissimum verò virginalis puritatis, & gratiam, & amorem, & studium, & præmium, atque triumphum. Nisi enim Christus virgo virginæ suam carnem, carnis voluptatibus subtraxisset, doloribus autem subiecisset, nequaquam virginum sponsus, & Rex puritatis omnis, castique consilii seminator exstitisset.

4. Consilium voluntariæ obedientiæ, cujus cum stupendum in primis Amorem, cultum, exemplumque in Passione Domini nostri videre est, tum etiam votum, professionemque cognoscere. Quemadmodum in primo instanti Incarnationis suæ, ingressusque sui in mundum momento, professus est Dominus noster Æterno suo Patri obedientiam omnem, asserente id post Psalmistam Apostolo. [*Ideo ingrediens in mundum dicit. Holocaustum & oblationem nolui, corpus autem aptasti mihi. &c. Tunc dixi, ecce venio. In capite libri scriptum est de me, ut faciam Deus voluntatem tuam. Deus meus volui, & legem tuam in medio cordis mei.*] contestans se nullâ suâ usum libertate, quantumlibet sibi à Patre permissâ, & relicta, saltem quoad circumstantias, & conditiones mandati de morte subeunda pro nobis, idque voto perpetuo confirmans, & sanciens. Adeundem modum etiam ex mundo exiens, atque ad Deum vadens, & sciens quia omnia dedisset, ei Pater in manus, nihilominus factus est obediens usque ad mortem, mortem autem Crucis, atque cum hîc jam prospiceret terminum tam suæ Passionis, quàm Paternæ voluntatis, minimè autem suæ ad obediendum ultra promptitudinis: non dubitavit Paternam voluntatem provocare, ad suggerendam adhuc alacritati suæ patiendi ac obediendi materiam, propter quod inclamavit in Cruce, *Sitio*; in quo nimirum amplius Patri obedire, & suæ ad obtemperandû fami sitive obsequi posset. Cum verò animadverteret Patri Æterno nullam amplius esse imperandi sibi voluntatem: ergo filiali simul humilitate, simul subiectione, pessimilis querenti, ait, ad Patrem. *Deus meus, Deus meus, ut quid dereliquisti me?* Obliviscens famelicæ sitibundæque promptitudinis meæ ad obedientiam Tibi ô Pater, quia nullam mihi jam dignaris suppeditare præcepti materiam. Quocirca quoniam obedire ulterius non possum Tibi, & consummata sunt omnia quæ placuerat imperare mihi, sit itaque finis vivendi, quandoquidem est finis obediendi. Non enim lubet ultra vivere, quoniam non licet ultra obedire. Ergo in

manus

manus tuas Pater commendo Spiritum meum, ut eadem sit mihi clausula vivendi, quæ & obediendi. Atque in hac quoque voluntate sanctificati sumus per oblationem corporis IESU Christi.

5. Consilium Christi. *Oportet semper orare & non deficere. Igitur vigilate omni tempore orantes.* Hoc consilium suum Incarnata sapientia Christus, totius quidem vitæ suæ decursu exercuit, sed maxime illi in sua Passione deditus fuit: quin imò Passionem suam totam, fecit orationem perpetuam. Cum enim tota ejus Passio, crux, & mors, aliud nihil sit, quam sacrificium, atque adeò holocaustum, quod pro omnium salute, unigenitus Dei, Deo Patri obtulit, constat autem sacrificium esse præstantissimam orandi speciem, sequitur quidquid in Passione Christi est, seu quidquid Christus Passus est, id totum orationem ejus fuisse. Et præter hoc, initium Passionis Christi, oratio perquam accurata fuit in horto Gethsemanico. Deinde per totius Passionis cursum, illa perpetua Christi oratio fuit: *Pater, dimitte illis, quia nesciunt quid faciunt.* Iam verò in Cruce per tres horas cum penderet vivus: *preces & lacrymas cum clamore valido obtulit Patri:* quas Psalmio suo toto David Rex prophetaverat, ad extremum totam vitæ periodum orando, & in manus Patris Spiritum suum commendando tradendoque absolvit.

6. Consilium Christi. *Omnis qui se humiliat exaltabitur, & omnis qui se exultat humiliabitur.* Hoc consilium à Christo in Passione completum, qui non agnoscit, planè nihil in ea, nihil in Christi fide, nihil in ipso Christo agnoscit. Ad hoc explanandum sufficit illam Apostoli tum enarrationem, tum etiam simul exhortationem adducere. *Hoc sentite in vobis, quod & in Christo IESU: qui cum in forma Dei esset, non rapinam arbitratus est esse se equalem Deo; sed exinanivit semetipsum, formam servi accipiens in similitudinem hominum factus, & habitu inventus ut homo, factus obediens usque ad mortem, mortem autem Crucis.* Propter quod & Deus exaltavit illum, & dedit illi nomen, quod est super omne nomen, ut in nomine IESU omne genu flectatur, caelestium, terrestrium, & infernorum. Quibus verbis graphicè Paulus & exinanitionem humiliationemque Christi, & ejusdem exaltationem, & denique nostram obligationem, atque etiam expectationem complexus est.

7. Consilium Christi. *Diligite inimicos vestros, benefacite his qui oderunt vos. Orate pro persequentibus vos, benedicite maledicentibus vos.* Et quid est tota Christi Passio, si non hujus consilii praxis, atque

Ioan. 19.

28.

Luca 23.

46.

Hebr. 10.

19.

Luca 18.

1.

Luca 21.

36.

Luca 23.

34.

Hebr. 5.

7.

Psalm. 21.

100.

Luca 14.

11.

Phil. 2.

5.

Matth.

5. 44.

executio? Nam præter illam inaudita mansuetudinis vocem, quæ Dominus in medio acerrimarum passionum, orabat ad Patrem non se postulans vindicari, sed crucifixoribus suis petens ignosci; utique tota Passio fuit inimicorum & dilectio, & cum irati Dei iustitia reconciliatio. *Etenim cum adhuc inimici essemus reconciliati sumus Deo per Christum*, perque mediantem ejus Passionem, & mortem. Quare etiam usque hodie in singula momenta, & usque ad mundi finem Passio Christi præcipue operatur unam dilectionem inimicorum, reconciliationem injuriosorum, veniam peccatorum, gratiam ingratorum, amorem persecutorum, provocationem infidelium, justificationem iniquorum. Ita ut sine Passione Domini, pacem cum Deo habere nemo possit, cum ea verò nemo non possit. Adhuc ergo hodie Christus clamat de Cruce pro nobis ad Deum, *Pater ignosce illis, quia nesciunt quid faciunt*. Quæ vox nisi semper in paternis auribus, per vulnera & mortem unigeniti personaret, indubitatè totus mundus in suarum eluvione iniquitatum desperaret. Sed oratio Patientis Domini pro peccatoribus scutum est atque protectio peccatorum ab iusto furore Domini irascentis.

In hunc modum, cætera consilia Christi in Passione Christi elucescentia, pio meditatiore considerare licebit, hæc autem in exemplum dedisse hoc loco sufficiat. Alia consilia Domini sunt. *Quæ tuasunt, nã repetas. Si quis percusserit te in unam maxillam, præbe illi & alteram. Estote perfecti, sicut & Pater vester cælestis perfectus est. Qui major est vestrum, fiat sicut minister. Gratis accepistis, gratis date. Dimittite, mortui sepeliant mortuos suos. Vade, vende omnia quæ habes, & da pauperibus, & veni sequere me*. Et alia ejusmodi.

M O D V S LXXVI.

Lucæ 6.

30.

Matth.

5. 39.

Matth.

5. 48.

Matth.

20. 26.

Matth.

10. 8.

Matth.

8. 22.

Matth.

19. 21.

SEptuagesimus sextus Passionem Domini meditandi Modus est: applicando nostras ad illam, vel illam ad nostras passiones, sive affectiones, tam quæ in concupiscibili quàm quæ in irascibili appetitu resident. Habent enim si diligenter attendimus omnes nostræ affectiones in Passione Christi, in ipsoque Christo Passio, pabulum suum, speculum suum, exemplar suum, frenum suum, regulam suam, locum suum, præmium suum, quæ omnia devoto meditatiore in Christi Passione scrutari licet. Ejus rei partem aliquam in Paradigma dabimus. Quia verò ut duplex est noster appetitus, nempe concupiscibilis, & irascibilis, ita duplices quoque reperiuntur in nobis

bis

his passionibus. In appetitu concupiscibili reperiuntur passionibus sex. Amor, desiderium, delectatio, seu gaudium & fructus. Item Odium, fuga, tristitia, seu dolor. In appetitu irascibili est ira, spes, desperatio, audacia, timor. De utrisque hisce passionibus, quatenus circa Dominicam Passionem occupari possint, dicemus. Et quidem in presenti modo, de passionibus appetitus concupiscibilis, in sequenti verò de passionibus irascibilis appetitus tractabimus, ne videlicet unius modi tractatio a quo longius exerceatur.

Hi ergo omnes affectus reperiuntur in naturæ nostræ parte inferiori, quâ cum brutis communicamus. Rationalis autem voluntas, quæ in superiore nostræ portione est, unica licet sit in se, omnibus tamen iisdem affectionibus suo modo æquivalet, & supra dictis utitur; sed interdum ita, ut eis obsequatur, & ab eis abripiatur, obliuante ratione, & tunc mala est: interdum autem ita, ut eis ipsa dominetur, easque juxta lumen, & dictamen rationis ac divinæ legis, fideique regulam gubernet, & tunc bona est. Vnde illud vulgare sed laudabile dictum. Voluntas si rationem sequitur, virtus est; voluntas si rationem non sequitur, vitium est. Vt ergo voluntas nostra cum passionibus suis rationem sequi condiscat, & consuecat, & delectetur, ad Dominicam Passionem sese convertat, & exinde omnē sui, passionisque disciplinam desumat & hauriat.

I. Amor in Passione Domini plus quàm luculenter addiscit, quid amare debeat, quid non amare. Quantum amare: & propter quid amare, & quomodo amare oporteat. Passio enim Christi clamat, nobis amorem Christi in DEVM, & amorem nostri propter DEVM, & quomodo amatus sit Deus à Christo, super omnia, quomodo amati nos à Christo propter Deum. Et hoc suo clamore eadem Passio Christi edocet nos, pari modo, & à nobis, amandum esse Deum super omnia, super vitam, super animam, super famam, super dignitatem, super totum mundum, super libertatem, super bona omnia: Nos autem & proximos nostros, amandos esse à nobis, propter Deum, & secundum Deum, ejusque voluntatem, atque gloriam. Quocirca Passio Domini est ipsissima schola, disciplina, regula amoris, in qua nihil magis inelamatur: quàm illud. Dilige, quia dilectus es. Dilige, quomodo dilectus es. Dilige, quantum dilectus es.

II. Desiderium, habet eruditionem pabulumque suum, in Dominica Passione. Desiderando quod Christus desideravit, quomodo Christus desideravit, ad quid, & quantum Christus desideravit.

Deh.

Desideravit Christus Deum, & ejus gloriæ amplificationem, Majestatis, ac perfectionum notitiam, & manifestationem. Voluntatis, & legis ejus, beneplacitiq̃ue, tum cognitionem, tum amorem, tum adimplentionem. Desideravit quoq̃ue Christus suimet quā Deus-Homo est, apud homines notitiam, fidem, amorem, preceptorum, & consiliorum amplexionem, vitæ morumq̃ue imitationem, sanguinis, meritorum, mortis, & Crucis studium, nobisq̃ue communicationem, & à nobis appretiationem: ad extremum Redemptionem nostram à captivitate diaboli, & damnationis æternæ necessitate, ablutionem à peccatis eorumq̃ue veniam, justificationem, sanctificationem, acquisitionem vitæ æternæ. Et propter hæc omnia supra dicta, desideravit omnem exinanitionem sui, ex forma Dei usque ad formam servi, formam peccatoris, formam maledicti, formam ab hominibus exterminati, contempti, stulti, nudi, egentis, afflicti, crucifixi, in cruce mortui, atque sepulti. Propter hæc omnia desideravit in stabulo nasci, profugus & exul nutrirī, paupereulus extremè vivere, subdi hominibus jejunare, sitire, totis noctibus in oratione pernoctare, fatigari, laborare, persecutiones, invidias, opprobria, calumnias, contumelias, insidias perpeti, cum publicanis, cum peccatoribus, cum vilissimorum hominum fæce conversari: ad extremum dura, & horrida, & probrosa omnia, ipsamq̃ue mortem inter iniquos sustinere, & obire. Hæc Christus desideravit, & desideravit desiderio, per totam vitam suam, continuato; ardenti; & (ut ipse Christus loquitur) ardente ipsum præ vehementia sui, desiderio cum notitia plena omnium desideratorum conjuncto, desiderio constante & perseverante, efficaciq̃ue usque ad mortem. Desiderio puro, nulli temporali bono permisto, sed toto divino, æterna sapiente, in Deum, & ejus gustum, gloriamq̃ue defixo, neque abrupto aut finito, priusquam ad exitum deductum, consummatumq̃ue esset. Desiderium hujusmodi Christus nobis totâ suâ vitâ, & Passione, & Cruce, & morte, commendavit. Tale desiderium nostrum omne esse vult, tali desiderio nos vivere, pasci, saginari, immori, vult, & mandat. Omnia alia desideria nostra, quæ hoc non redolent, neque huic supervivunt, reprobat, & respuit, noxia nobis esse, damnabilia, & in laqueos diaboli inducentia, inque æternum interitum mergentia denuntiat.

3. Gaudium sive Delectatio atque fructus, habet item eruditionem suam pabulumq̃ue in Passione Domini. Est enim Passio Domini

mini E
entia, l
Longan
Est item
& omni
nis, pro
pter sal
Mortui
na, est
ni; est
prio à s
omnis
boratio
rum, &
tiam, a
coher
citiam
colum
torian
Beatu
quod a
ne Do
rer alit
Anima
latione
fordidi
norum
mano
absit e
nisi in
quide
mund
& glo
4.
hione
docui
fidere
rimus

mini Exaltativa & glorificativa Dei, ejusque Potentiæ, Instituti, Sapi-
entia, Misericordiæ, Bonitatis, Charitatis, Veritatis, Majestatis,
Longanimitatis, reliquarumque plurimarum ejus perfectionum.
Est item eadem Passio Domini, exaltativa & commendativa nobis,
& omni rationali creaturæ, ipsiusmet Christi, tanquam Dei-Homi-
nis, propter voluntatem Patris, propter misericordiam suam, pro-
pter salutem æternam nostram, Incarnati, Nati, Passi, Crucifixi,
Mortui. Est quoque eadem Passio Domini, nostra salus, & vita æter-
na, estque ablutio & absolutio à peccatis; est condonatio reatus æter-
ni; est liberatio à morte tam temporali, quàm æterna; est redem-
ptio à servitute diaboli; est victoria temptationum; est exterminium
omnis malitiæ; est confortatio ad laborem; est excitatio, & corro-
boratio ad passionem; est justificatio ab iniquitate; est fons gratia-
rum, & virtutum, & meritorum; est jus ad omnem veniam, ad gra-
tiam, ad justitiam, ad filiationem Dei, ad fraternitatem Christi, ad
cohereditatem ejusdem, ad inhabitationem Spiritus Sancti, ad ami-
citiam, charitatem, desponsationemque Dei, est denique clavis ad
coelum, porta ad Regnum, Meritum ad præmium, thesauri ad vi-
ctoriam, via ad palmam, reductio ad Deum, introductio ad vitam &
Beatitudinem, & Gaudium Æternum. Et estne aliquid excogitare,
quod ad Gaudii nostri vel formam, vel materiam desit, & in Passio-
ne Domini non sit? Adhucne Gaudium nostrum, pabulum sibi qua-
ret alibi extra Dominicam Passionem? Adhucne stultæ mortalium
Anima vagabuntur per creaturas, à quibus emendicent suas conso-
lationes? Adhucne insipiens homo gaudere appetet de terrenis? de
sordidis, de vanissimis, non bonis, sed veriùs bonorum umbris, bo-
norum fecibus, bonorum somniis, atque fallaciis? Utinam toti hu-
mano generi libeat exclamare. Mihi absit gloriari, absit gaudere,
absit exultare, & latari, & quiescere, nisi in Cruce, nisi in Passione,
nisi in Morte Domini nostri Iesu Christi, per quem mihi mundus
quidem crucifixus, & contemptus, exosusque est, & ego vicissim
mundo. Ipse verò Dominus meus Iesus Christus, gaudium meum,
& gloria mea, & corona mea est, & ego vicissim Christo.

4. Odium quoque habet disciplinam & pabulum suum in Pas-
sione Christi, quemadmodum Patiens Passusque Dominus noster
docuit nos, quid, quantum, quomodo, & propter quid amemus, de-
sideremus, gaudeamus: ita etiam eadem operâ docet nos quid ode-
rimus, fugiamus, & detestemur. Oderat Christus omne id, quod

ſciebat eſſe Dei Patris gloria, atque voluntati, inimicum, noſtraque ſaluti, & beatitudini aternæ pernicioſum. Oderat peccatum, oderat amorem mundi & ejus vanitatem, oderat carnis deſideria & opera, oderat propriam voluntatem, proprium amorem, & ſuperbiam cordis, oderat mortem noſtram, & temporalem, & multo magis æternam, oderat diabolum Patrem mendacii, & omnis peccati, & homicidæ. Hæc Chriſtus oderat, horumque odio factus eſt Deus-Homo, Contemptor per omnia omnis concupiſcentiæ oculorum, concupiſcentiæque carnis, & ſuperbiæ vitæ. Horum odio ſectatus eſt extremam rerum omnium penuriam & neglectum, inſatiabilem & inviſam innocentiffimi corporis mortificationem, vexationem, dolorem, planè ut vir dolorum, & ſciens infirmitatem, meritò vocaretur: denique intimam, cordialem, & exinanitiivam ſui met humiliacionem, & contemptum contemptum, honorumque & omnis apparentiæ humanæ fugam. Horum odio, totum quidquid in ortu, vita, Paſſione, morte, honore, & virtute, & Perſonâ, & Dignitate paſſus eſt, totum hoc inquam horum odio paſſus eſt. Horum odiû & contemptum ſuo nobis adeo luculento, adeo efficaci, adeo irrefragabili, exemplo ſuaſit, & indixit, ut luculentius, efficacius, conviſiviusque, neque nos effugere, aut exſpectare, neque ipſe exhibere & adhibere potuerit. Et hæc cum ita ſint; adhucne odiet homo ea, quæ amavit Deus? aut amabit adhuc ea, quæ odio habuit Deus? adhucne amplectetur Chriſtianus, quæ averſatus eſt Chriſtus? aut adhuc averſabitur Chriſtianus, quæ amplexatus eſt Chriſtus? O filii hominum uſquequo gravi corde? uſquequo diligitis odienda? odiſtis amanda, & reprobatis quæ ſapientia æterna probavit, acceptatis quæ eadem ſapientia incarnata repudiavit, & vos repudiare docuit: docuit verò non perſaſibilibus & futilibus humanæ ſtultitiæ verbis: ſed inauditis, atque ſoli ſapientiæ Increatæ Inearnatæque congruis & condignis, exemplorum argumentis, & argumentorû exemplis, qualia quidem in Paſſione potiſſimum Chriſti, omni ſole clariùs eluſceſcunt.

5. Fuga ſive Averſatio. Quam ſimiliter erudit Domini noſtri Paſſio, & Crux, & Mors, atque etiam antegreſſa vitæ tum facta, tum dicta. Ex dictis Domini eſt illud. *Si vos perſecuti fuerint in una civitate, fugite in aliam. Dico vobis non conſummabitis omnes civitates Iſraël, fugiendo ex una in aliam, donec veniat dies Domini.* Et alio loco dicit Dominus. *Orate, ut non fiat fuga veſtra in hyeme, neque in*

Sabbæ.

Sabbato. Facto autem Dominus fugam probavit, toties manus hostium lapidaturas, precipitaturas, comprehensas effugiendo, nec non sese abscondendo. Non solum autem fugam nostram Dominus instruxit quasi Corporalem, sed etiam Spiritualem: ut cum monuit. *Attendite à fermento Phariseorum. Attendite à falsis Prophetis. Cave: ne justitiam vestram coram hominibus faciatis. Attendite ne corda vestra graventur à crapula & ebrietate. Nolite jurare omnino. Nolite irasci. Nolite judicare. Nolite condemnare.* Porro diabolus suadentem sibi precipitium, rejecit Dominus opponens non esse tentandum Deum; similiter eundem adorationem sui à Domino mercentem, pro omni gloria mundi, rejecit atque averfatus est, vibrans in eum fulmineum illud. *Vade Sathana, Dominum DEVM tuum adorabis; & illi soli servies.* Sed plures in verbis Domini nostri ejusmodi informationes, fugam nostram erudientes. At præterea repetire est, alterius quoque ordinis & generis fugæ nostræ informationem in Christi factis, dictisque, ac potissimum in Passione. Non jam scilicet fugiendo mala & adversa, sed potius fugiendo & averfando fugam adversorum. Tale est dictum illud Petro, advocanti Christum, à cogitatione Passionis suæ. *Vade retrò Sathana: scandalum es mihi. Non scis quæ Dei sunt, sed quæ hominum.* Tale & illud eidem Petro dictum, profliganti ad defensionem sui in Horto: *Converte gladium tuum in vaginam &c. Calicem, quem dedit mihi Pater, non vis ut bibam illum? &c.* Tale & illud dictum ad discipulos, cum ante captivitatem suam obviam iret Judæ, & ministris comprehensuris eum. *Surgite cæmus, ecce appropinquat qui me tradet.* Quo verbo, absterfit omnem illam quæ in portione inferiori residebat fugam, averfationem, deprecationemque Passionis, in cujus tanquam mare sese demersit dicens paulò post hostibus suis. *Hæc est hora vestra: & potestas tenebrarum.* Stetitque Dominus per totam Passionem suam in hoc firmitatis gradu, & fugæ omnis abjectione. Quà confessus est Pontificibus & Concilio venturum se judicem cum maiestate magna in fine mundi. Quà rejecit Pilatum jactantem potestatem vitæ & necis super se: rejecit Herodem, cui non respondit verbum, ad sermones ejus multos: rejecit etiam mulierum plangentium super se parùm opportunam humanitatem: rejecit denique suadentes descensum de Cruce, & fidem in eum promittentes. Sic Dominus noster fugam nostram erudit, docuitque verbo & facto, fugere quæ verè & meritò fugienda sunt. Non fugere, quæ propter Deum salutemque æternam fugienda non sunt.

6. Hæc

Matth.
24. 20.

Lucæ 12.

1.

Matth.

7. 15.

Matth.

6. 1.

Luc. 21.

34.

Matth.

7. 1.

Matth.

4. 10.

Matth.

16. 23.

Matth.

26. 52.

Ioan. 18.

11.

Matth.

26. 46.

Luc. 22.

53.

Matth.

26. 37.

Ib. V. 38.

6 Habet quoque in Passione Domini pabulum suum Tristitia nostra, quā Dominum in Passione sua laborasse, testes sunt Euangelistae, dicentes coepisse *Dominum parere, tædere, contristari, & mortuum esse.* testis est ipse Dominus, de se discipulis suis enuntians: *Tristis est Anima mea usque ad mortem:* quibus suis verbis, non tantum durationem, verum & vehementiam tristitiæ suæ significavit, asserens tristitiam suam, & lethalem mortiferamque esse, & nonnisi cum ipsa morte cessaturam. Qui autem fuerint fontes Tristitiæ tantæ Domini, non est difficile eos invenire & assignare. Tristatus enim est ob omnes, & singulas iniquitates omnium nostrum; enatasque ex eis injurias & offensas Patris Aeterni, nec non iustissimas, nullis autem creaturæ viribus & conatibus expiabiles, placabilesque vindicis iras. Tristatus est de indubitata ac irremediabili humani generis totius perditione. Tristatus est de impossibilitate remedii, quo salvari genus humanum iuste & condignè posset: præterquam per suam Passionem & mortem in Cruce pro hominibus in hunc, salutis scilicet, finem suscipiendam. Tristatus est, Hoc salutis redemptionisq; Humanæ, per suam mortem remedium, nonnisi mediante Deicidii inaudito scelere, ab ipsis met hominibus perpetrato, in executionem venturum. Tristatus est ob exiguum numerum eorum, quibus sua Passio & Mors efficaciter ad salutem æternam suffragatura, immensam autem multitudinem eorum, qui propriam suam culpam excidere debebant à fructu redemptionis, videlicet à salute æterna, potiusque eis mors sua, & Passio in cumulum & augmentum damnationis æternæ convertenda erat. Tristabatur de propria Passione & Morte, tanquam Dei-Hominis, tanquam Capitis humani generis universi, tanquam Principis, Regis, Domini, Heredisque rerum omnium, & quidem de adeo amara, probrosa, immani, omnibusque modis exaggerata morte. Tristabatur de dilectissimæ Matris suæ omnium dolorum dolorissimò dolore, orbitate, probrositate. Tristabatur de suorum discipulorum, amicorum, fidelium, afflictione, metu, perturbatione. Tristabatur de Ecclesiæ suæ, tanto sumptu à se quaesitæ, tanto labore constitutæ, & ædificatæ, prope modum ruinæ, & extinctione, nisi in unicæ Matris suæ inconcussa stabilitate fidei, spei, & charitatis consisteret atque perduraret. Tristabatur de indignissima exosissimaque ingratitude, abusu, contemptioneque omnium pæne hominum, etiam credentium, quā illi & in Salvatorem, & in salutem suam, per omnes ætates usque ad mundi finem propriam volunta-

luntatum impietate grassaturi erant. Tristabatur de hostium suorum simulque nostrorum, potissimum demonum consolatione & insulatione, quam habituri & exercitaturi erant, de tanta sanguinis atque mortis suae inutilitate, sterilitate, contemptu, perditione, evacuatione. Eligentibus innumeris hominum myriadibus, demonibus potius adhaerere, obsequi, obedire, sub eorumque tartareo iugo, gemitere, demumque aeternaliter cum ipsis perire; quam Christo Redemptori, & Salvatori, & Deo, & Domino legitimo, simul & amabilissimo, praemiatore liberalissimo servire, & serviendo, sese gratissimos Passionis ac mortis Dei sui fructus exhibere, Filios Dei, fratresque, & cohaereditas Christi praestare, ac tandem aeternae beatitudini idoneos, condignosque reddere. Quae quidem res, tantam indignitatem ex se, tantamque enormitatem habet ex multitudine, ut Dei Christi tanta pro hominibus Passio, tanta autem ab iisdem hominibus indigna perenniter patientis, ipsos demones capiat miseratio, si vera testantur historiae, referentes, ipsorum demonum, de hoc confessionem. De his omnibus tristabatur Christus tristitia inenarrabili, in agoniam extremam cruentumque sanguinem desinente, ut qui haec omnia & habuerit menti suae praesentissima, & per animi sui sapientiam perspicacissima, atque suis momentis expensissima, & exploratissima. Haec eadem omnia Tristitiae nostrae occupandae, erudiendae, pascendae, sola idonea sunt, sola sufficiunt, sola denique debita sunt, aliarum autem rerum omnium iacturam, rectus animus, viam ad tristitiae suae sensum admiserit.

*apud
Lauren-
tium à
Ponte in
Mar-
tha c. 1.
An Mor.
36. n. 24.*

M O D V S LXXVII.

Septuagesimus septimus Modus Dominicam Passionem meditando sit, reliquarum passionum seu affectionum nostrarum, quae in appetitu irascibili sunt, in eadem Passione Domini investigatio, occupatio, instructio, atque ad normam Christi compositio.

Prima harum est Ira. Haec in Dominica Passione discit: quomodo irascendum sit peccato: illudque vindicandum. Quomodo portanda sit ira Dei: quomodo proximorum & inimicorum iracundia, malevolentia, & invidentia, & omnia injuriarum genera sufferenda sint: quomodo irae modus ponendus sit. Etenim in Domini Passione elucescit magnitudo Irae & Zeli Divini contra peccata. In Passione quoque Christi discimus à Christo, quomodo is iram Patris aeterni, pro nostris peccatis, in se, pleno diluvio effusam supportavit, ac

simul quomodo & à nobis ira Domini supportanda sit, nos edocuit. Item in Passione Domini discimus, mansuetissimam & invidiosissimam Patientiam, insuper etiam dilectionem inimicorum, pro ipsis ad Deum supplicationem, eorumque excusationem. Ex Passione quoque Domini discimus, in quam absurdos furores, & in quam belluinitatem, rartareamque rabiem, ira & invidia præcipitare possit homines, si ei frena laxent. Vna enim Ira, & invidia, & Odium, omnes Iudaici populi ordines, ab infimis usque ad supremos, ad usque Deicidium deduxit, in illudque furoris baratrum (quod expressere, tum verbis Prophetæ. *Eradamus eum de terra viventium, & nomen ejus non remoretur amplius. tum propria. Sanguis ejus super nos, & super filios nostros.*) præcipitavit. Ex Passione ergo Domini nostri, discimus fugere iram Dei, irasci peccatis tam nostris, quam etiam (cùm id nostrum interest) alienis. Supportare iram Domini humilitate & patientiâ: proximorum iras mansuetudine, & beneficentiâ frangere, nec vinci à malo, sed in bono malum vincere, locumque iræ proximi non resistendo dare. Denique propriæ iræ ita dominari, ut nec sol occidat super eam, nec in voluntatem veniat alienatio à proximo, etiam ingrato, etiam adversario, etiam maledico, atque malefico. Hæc omnia, si nos Passio Domini non edocet, nulla certe disciplina docenda, domandaque iræ nostræ sufficiet.

Secunda Passio est Spes. Hanc, sola pro omnibus, Passio Domini, & fundat, & format. Ex Passione Domini etenim, & venia peccatorum, & Gratia virtutum, & Meritum æternæ vitæ, & victoria tentationum, & certitudo præmiorum, & invitatio ad labores, & solatium in afflictionibus, & auxilium in difficultatibus, & robur, contra nostras infirmitas; hostium autem robustas vires, & indubius exitus futurorum promissorum, velut ex fonte inexhausto promanant. Etenim si Pater Æternus proprio filio non pepercit, sed pro nobis omnibus, tradidit illum: quomodo non etiam omnia nobis cum ipso donavit? Si Christus tradidit se ipsum, & animam suam in mortem pro nobis, quid ei superest, quod nobis negaturus sit? Si Passione & morte Christi deletum est etiam illud singulare Deicidii peccatum, quod erit peccatum, quod non eadem Passione expiabile sit? Quis desperabit salutem, sciens se habere Deum Salvatorem, & pignus salutis ejusdem Passionem atque mortem? Si quis hominum major est peccator, quam Christus Redemptor atque Salvator, dubitet de venia peccatorum suorum. Qui dedit pro nobis vitam suam

suam Divinam, quomodo non dabit nobis vitam aeternam, quam ut negare non posset, anticipato dedit in pignus, imò in pretium ejus, vitam suam. Quid multa? Mors & Crux Domini nostri, omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte.] In qua veluti in mari refidet atque redundat copiosa redemptio, inexhausta misericordia, nimia Charitas. Quam nulla obruunt peccata, nulla exhauriunt promerita, nulla fatigant aut definiunt sæcula.

Tertia Passio est. Desperatio. Et huic Passioni est in Cruce mortis Domini, sua eruditio. Quantum enim illa profundit nobis de spe, tantum detrahit de desperatione. Vbi enim totum occupat certitudo spei, ibi nullus relinquitur locus desperationi. Idcirco infelicissimus est omnium Iudas proditor, qui elegit potius decurrere ad desperationis laqueum, quam expectare de Passione & Morte proditi à se Magistri ac Domini, spei & miserationis remedium. Felix Petrus, cui abnegatio & abjuratio Domini sui, sicut non præclusit viam ad amarum poenitentiam, ita non denegavit locum ad veniam. Felix & latro in Cruce, qui ad latus Domini pendens crucifixi, ex latrone Apostolus, ex blasphemo confessor factus & Martyr, dum à Domino verecundè postulavit sui in Regno memoriam, consequi meruit à Domino & cum Domino Paradysi gloriam. Nemo ergo desperet peccatorum veniam, nisi qui cum Iuda in laqueo agit poenitentiam. Alio porro modo Passio Domini deprecationem nostram format. Injiciendo nobis desperationem omnem salutis obtinendam, quam per gratiam miserationemque Dei, & per fidem, spemque in Christum, per participationem gratiæ, charitatis, sanguinisque & mortis ejus, per communicationem meritorum in Ecclesia & Sacramentis ejus, per observationem mandatorum ejus, per imitationem morum, & virtutum, & exemplorum ejus. Propter quod ipse Dominus noster dixit, *Hec est vita aeterna, ut cognoscant te solum verum Deum, & quem misisti IESUM Christum.* Et iterum. *Ego veni ut oves meæ, vitam habeant, & abundantius habeant.* Et iterum. *Oves meæ, vocem meam audient: & ego cognosco eas, & sequuntur me.* Et ego vitam aeternam do eis, & non peribunt in aeternum, & nemo rapiet eas de manu mea. Idem asseruit post mortem resurrectionemque suam. Apparens enim discipulis ait illis. *Quoniam sic scriptum est, & sic oportebat Christum pati, & resurgere à mortuis tertiâ die, & prædicari in nomine ejus poenitentiam, & remissionem peccatorum, in omnes gentes.*

S. Leo
Serm. 8.
de Passione.

Joan. 10.

10.

16. P. 27.

Luc. 24.

46.

- gentes. Neque alia fuit omnium Apostolorum Prædicatione, ut ita omnium vice testatus est Petrus Apostolus, adducens insuper testimonium Prophetiæ Moysi dicentis. *Quoniam Prophetam suscitabit vobis Dominus DEVS vester, de fratribus vestris, tanquam me: ipsum audietis juxta omnia quaecumque locutus fuerit vobis. Erit autem, omnis anima, quæ non audierit Prophetam illum, exterminabitur de plebe.*
- Act. 3. 22.* Rursum verò etiam idem Petrus de Christo Domino. *Hic est lapis, qui reprobatus est à vobis ædificantibus, qui factus est in caput anguli, & non est in alio aliquo salus. Nec enim aliud nomen est sub cælo datum hominibus, in quo oporteat nos salvos fieri.*

- Quarta Passio est Audacia. Et hic affectus noster in Domini nostri Passione eruditur quàm maximè; Dominus enim noster sicut animosissimè negotium patiendi ac moriendi in Cruce pro nobis suscepit, ita pari constantiâ animi illud exsecutus est, atque consummavit. Propter quod ultro prodiit hostibus suis obviam, seque permisit voluntati eorum, dicens. *Hæc est hõra vestra & potestas tenebrarum.*
- Luc. 22.* Propter hoc etiam adjuranti se Caiaphæ Pontifici, non tantum Christum se esse filium Benedicti Dei, (quod interrogabatur) disertè professus est, verum addidit, venturum, futurumque se Iudicem omnium.
- 33.* Pilato quoque oggerenti suam super ipsum vitæ necisque potestatem: *Matth.* audaci & rotundo verbo respondit. *Non haberes potestatem adversum me ullam: nisi tibi datum esset desuper.*
- 26. 64.* Fuit & illud Audacis animi constantisque verbum ad mulieres eum plangentes, quo illas à se quidem plangendo dehortatus est, adhortatus verò ut potius super se ipsas, & super filios, ficerent: quoniam superventuri essent eis extremarum calamitatum dies. Quid verò, quod in media positus morte, inque Crucis patibulo, latronum medius, tanquam latronum maximus, latroni nihilominus Regnum appromittit, & largitur.
- Ioan. 17.* Denique cum ob id præcipue ad mortem Crucis à Iudæis adactus esset; quia filium Dei se fecit, & quia Patrem suum dicebat Deum: nihilominus in auribus Principum omnium, & populi universi, de Cruce voce magnâ succellamans eandem repetiit Divinitatis unius ejusdemque cum Patre professionem. *Pater, in manus tuas commendo Spiritum meum; & hæc dicens expiravit.*
- 46.* Post Resurrectionem autem suam *Luca 24.* sistens se discipulis, hanc ipse animi audaciam & constantiam, attulit, indixit, inspiravit. *Pax vobis, Ego sum. Nolite timere. Et iterum. Confidite. Ego vici mundum.*
- 38.* Et rursum accedens ad eos locutus est eis dicens. *Ioan. 16.* *Data est mihi omnis potestas in cælo & in terra.*
- 39.*

tes ergo docete omnes gentes, baptisantes eos, in nomine Patris & Filii & Spiritus Sancti, docentes eos servare omnia, quaecunque mandavi vobis. Et ecce ego vobiscum sum omnibus diebus, usque ad consummationem seculi. Quibus verbis, ad firmandam formandamque nostram audaciam in Divinae gloriae atque voluntatis, item in nostrae atque proximorum salutis negotio atque studio, accedentibus ejusdem Domini Passionis tum meritis, tum exemplis, nihil efficacius, nihil optabilius.

Quinta Passio est. Timor. Habet hic quoque in Dominica Passione institutionis pabulum. Vbi enim homo potest expressius, efficaciusque discere timenda & non timenda, quam in Passione Domini, & Passio Domino? Asseruerat aliquando Dominus discipulis. Nolite timere eos, qui occidunt corpus, anima autem non habent quid faciant. Ostendam autem vobis quem timere debeatis, Timete eum qui postquam occiderit corpus, habet potestatem animam mittere in gehennam. Ita dico vobis, hunc timete. Quod asseruit verbo, hoc expressit exemplo. Non timuit timorem hominum, non invidias, non linguas, non contumelias, non insidias, non potentiam, non violentiam, non armatos, non gladios, non tormenta, non falsa testimonia, non flagellationes, non spinea ferta, non livores, non vulnera, non famem, non sitim, non extremam pauperiem, non infamiam, non probra, non Crucis patibulum, atque tormentum, non insultationes inimicorum, non denique crudelissimam & violentissimam mortem. Vnius ac solius Patris Aeterni Reverentiam, Honorem, voluntatem, & obedientiam, atque Pietatem, & nostrae salutis studium, istis omnibus opposuit, & praeposuit. Immo tantum absuit ut illa timuerit, ut potius ea totis suis viribus, omnibusque vitae momentis desiderio desideraverit, & gaudens laetabundusque ad ea festinaverit, atque etiam inter beatitudines suas, inter exaltationis suae beatificae necessaria media reputaverit. Oportet (ait ipse Dominus) exaltari filium hominis. Et rursum. Nonne haec oportuit pati Christum, & ita intrare in gloriam suam. Et ejus Apostolus de eodem. Qui proposito sibi gaudio sustinuit Crucem, confusione contempta, ac ne quidem attentam, sed potius totam Passionis acerbissimum eluvione, calicis unius instar haustusque loco reputata. Ob quod dixit ad Petrum. Calicem, quem dedi mihi Pater, non vis ut bibam illum. Ita Dominus noster & ipse timuit, & nos etiam timere docuit, aliud nihil, quam Patris Aeterni maiestatem, atque voluntatem, & animarum nostrarum salutem ne-

Ioann. 3.

14.

Luc. 24.

26.

Hebr. 12.

2.

Ioan. 18.

11.

Luc. 23.
27.

glectam. Quibus in integro positis, omnium creaturarum, siue violentiam, siue virulentiam, siue iacturam, nauci pilique esse faciendam. Timor ergo noster, ab exemplo Domini nostri patientis, solum Deum timeat, ne ejus voluntatem & gloriam laedat, timeat & aeternam animae perditionem, ne illam peccando incurrat, timeat timere creaturas, ne propter earum timorem, à Dei timore tantillum desleat. Tunc enim solum timor noster rectus, ordinatus, & sanctus est, quando timet Deum non timere, & quando creaturas timet timere. Adhuc autem timor noster aliam habet sui in Dominica Passione eruditionem, quam ipsemet Dominus noster in decursu Passionis existens, nobis intimandam putavit. Cum enim Crucem sibi bajulans Dominus pergeret in eum Calvariae locum, qui dicitur Golgotha, eumque pia quaedam animae lamentantes comitarentur, conversus ad eas dixit. *Filia Ierusalem, nolite flere super me, sed super vos flere, & super Filios vestros. Quoniam ecce venient dies, in quibus dicent, Beata steriles &c. Quia si in viridi ligno haec faciunt: in arido quid fiet?* Quam sententiâ Dominus evidenter denuntiavit, omnibus peccatoribus quanta illos maneat pro suis sceleribus supplicia, conjectandum, imò oculis spectandum, manibusque palandum esse in sua Passione. Si enim tam enormiter in Innocentissimo Agno, in Unigenito Dei filio aliena peccata sunt castigata; quid fiet ipsis scelestis & impiis, iniquitatum patratoribus? Deus qui proprio Filio non pepercit, sed pro omnibus impiis tradidit, atque adeo ipse percussit & castigavit, & in dolore atque in infirmitate contrivit illum: quid faciet impiis, & iniquis, & peccata sua diligentibus, neque dignos poenitentiae fructus constanter facientibus? Utique expectat illos ignis accensus in furore Domini, qui vastabit usque ad inferni novissima: montium quoque fundamenta comburet, combustionem, (ut ait Christus) aeternam. Præter hoc verò habet in Passione Domini impietas Iudaeorum grandem & inevitabilem timoris materiam. Horum enim mentis & carnis aspectibus, in Crucifixo à se Domino, non nisi illa species occurrit, de qua Moyses ad illos dixit: *Et erit vita tua pendens ante oculos tuos die ac nocte: & non credes vita tuae.* Isti enim in Crucifixo Domino, nihil præter facinus suum cogitare possunt, habentes timorem, non quo fides vera iustificatur, sed quo conscientia iniqua torquetur. Consumili timore timebunt omnes impii in Iudicii universalis die, quando videbunt Filium hominis venientem in nubibus cum potestate & maiestate: quando apparebit signum filii hominis. quando videbunt in quærens transfixe-

Deut. 32.
22.

S. Leo
Serm. 8.
de Passione.

Deut. 28.
66.

Luc. 21.
27.

Matth.
24. 30.

figerant,
collibusque

Septuaginta
est. Q
res Theo
Eluxe
mini, no
virtutib
cunt; pr
bus in se
ad morte
omni vi
tamen e
corrobo

Et qu
neque lo
mus, evi
tio, ipsi
velatione
implemet
lominus
posita, p
dubiam
lum fidei
ille in Pa
bavit; it
hunc, &
racula:
à Deo a
adstru
& factio
fecit. E
lentius a
bat, qu
stus Deu
atque de

fixerunt, & pupugerunt. quando dicent montibus, cadite super nos, & collibus, operite nos.

Ofc. 10.

8.

Luca 23.

30.

M O D V S LXXVIII.

Septuagesimus octavus Passionem Dominicam meditandi Modus est. Considerare quomodo in ea elucescant & efflorescant virtutes Theologicae: scilicet Fides, Spes, Charitas.

Eluxerunt enim luculentissimæ tres istæ virtutes in Passione Domini, non tantum ideo, quia Christus mortuus & Passus est pro hisce virtutibus asserendis, pro fidei suæ veritate, quam prædicavit & docuit; pro spei certitudine, de salute & vita æterna, quam, credentibus in se, promisit; pro charitate, quâ, nos usque in finem, & usque ad mortem pro nobis obitam dilexit. Sed etiam quia licet aliâs in omni vita sua, hæc tres virtutes fundavit firmavitque, potissimum tamen eas Passione & morte suâ sanxit, atque veluti testamento suo corroboravit.

Et quod ad Fidem attinet: etsi in Domino nostro fides non fuit; neque locum habuit, propter omnium, quæ nos fide Divinâ credimus, evidentem scientiam atque cognitionem ex Divinitatis consortio, ipsi necessariâ in-existentem, & quia ille nullam veritatem ex revelatione cognovit, sed ipsemet omnis veritatis revelator fuit, imò ipsemet omnis veritas existit, dicente ipso. *Ego sum veritas.* Nihilominus dum pro sua veritate nobis revelata, & ad credendum proposita, passus & mortuus est, fidem Passione suâ nobis adstruxit, indubiamque reddidit: maxime quantum ad fundamentalem articulum fidei suæ, qui est de ejus vera Divinitate atque Humanitate, quæ ille in Passione præcipue, atque etiam Passione asseruit, & comprobavit; ita ut quamvis nuda & pura Christi assertio magis probet, & hunc, & omnem alium articulum fidei, quàm ulla vel opera, vel miracula: nulla enim esse potest veritatis probatio major, quàm quia à Deo asserta est; tamen quoniam Christo placuit ad suæ veritatis adstructionem, & dicere, *si verbis meis non creditis, operibus credite:* & facto ipso opera miraculaque exhibere, ac facere, quæ nemo alius fecit. Ex omnibus istis sive operibus sive miraculis, nullum luculentius articulum fidei, de Christo vero Deo, veroque Homine probat, quàm Passio & Mors ejusdem Domini. Quod ita paucis. Christus Deum se & Hominem verum esse asseruit: Hoc ut probaret atque demonstraret, & ad Deitatem veram probandam miracula

Joan. 14.

6.

Joan. 10.

38.

operatus est: ad Humanitatem verò demonstrandam, concipi ex homine, nasci infans, crescere, manducare, bibere, dormire, fuit, esurire, demum pati, mori, sepeliri voluit. Nisi opera Dei seu miracula pro potestate fecisset: non fuisset unde Deus verus crederetur: si opera hominis seu humana non fecisset, neque subiisset, non fuisset unde Homo verus agnosceretur. Passio Christi, tam miracula Dei, (ut est prostratio satellitum in horto, cognitio sceleris Iudæ, sanatio auriculæ Malchi, discipulorum evasio: tum verò tenebræ per totam terram: terræ motus, scissio veli, petrarum, apertio monumentorum; resurrectio mortuorum, &c.) quàm miseras hominis continet. Passio ergo Domini, Dominum tam Deum verum, quàm Hominem verum demonstrat. Deinde Christus Passus mortuusque est pro salute nostra æterna, (sub quo nomine comprehendo, totum opus Redemptionis nostræ, ut est remissio peccatorum, Iustificatio, & Sanctificatio, & Filiatio adoptiva credentium. Vitæ, & virtutum sanctitas, atque perfectio. Mandatorum atque consiliorum propositio, receptio, exsecutio, denique vitæ æternæ consecutio, & hereditatio) atqui salutem nostram æternam operari non poterat nisi Deus verus, & Homo verus fuisset. Deus enim pati pro nobis neque mori poterat. Homo autem verus quidem sed purus etsi pati ac mori poterat, ejus tamen Passio & mors nobis ad salutem nostram æternam nihil proderat. Opus ergo erat Christum, & Hominem verum esse, ut pati morique posset, & Deum verum esse, ut Passione morteque suâ nobis prodesset, nosque salvaret. Quocirca Passio Christi Christum fuisse & esse Deum verum, Hominemque verum & nostrum Salvatorem demonstrat. Neque hoc argumentum eludi elidive potest dicendo, gratis assumi asserique Christum Redemptorem esse nostrum, & redemptionis nostræ causâ, pati morique voluisse: cum hoc ipsum probandum sit, & sit figmentum Christi, qui ut crederetur esse verus Deus, Redemptor videri & haberi voluerit, ideoque pati & mori, & omne miseriæ genus subire non abnuerit. Ut proinde tam fictitius sit Redemptor hominum Christus, quàm falsus fuit, & est Deus. Sed enim isti impugnationi evidenter ipsa Christi Passio, Mors, cæteræ acerbitates, in ortu, in vita, morte, toleratæ satisfaciunt. Nam si Christus verus Deus non fuit, neque verus Redemptor, sed per redemptionis nostræ speciem veri Dei opinionem de se captavit: fatendum est obijcienti horum alterum inprimis: Nempe Christum aut fuisse verum hominem, aut falsum etiam, & fictitium, & phantasti-

tasticum. Si verus homo non fuit Christus? quomodo ergo omnes
 humanas conditiones in eo homines viderunt, & tam sensibus pal-
 pârunt, quàm & intellectu adverterunt? Viderunt enim Infantem
 natum, circumcîsum, lactentem, crescentem per annos corporali-
 ter, manducantem, bibentem, dormientem, famescentem, sitien-
 tem, fatigatum, postremò captivum, ligatum, flagellis caesum, spi-
 nis coronatum, consputum, cruce onustum, cruci affixum, in cruce
 mortuum, de cruce depositum, sepultum. Hæc non sunt hominis
 fictitii & phantastici: veri ergo: ac proinde Christus verus homo
 fuit, & verè meritòque se filium hominis vocitavit, nec non ab ho-
 minibus vocitatus est. Quodsi verus homo Christus fuit: jam vel
 fuit purus solùmque Homo, vel fuit simul etiam Deus, & compositus
 ex Deo & Homine unus Christus. Si hoc secundum asseritur. Suf-
 ficit. Siquidem habetur intentum, & nihil superest probandum,
 ambigendumve de Christo vero Deo & Homine, consequenter Re-
 demptionis nostræ Authore, & salutis æternæ Administro. Si autem
 purus omnino, & solùm Homo Christus fuit, & solùm pro Deo ha-
 beri, colique affectavit, ad idque speciem fictitii Redemptoris, proq;
 hominibus Palsi, & mortui assumpsit: sequitur Christum. 1. quidem
 superbissimum. 2. stultissimum fuisse, Superbissimum quidem fuisse
 se necesse est: quia Deum se jactaverit, & pro Deo vero coli voluerit
 curaveritque: in quo cùm & mendax atque impostor ante homines,
 & in Deum verum impius atque idololatra & blasphemus existerit,
 meritò à Iudæis ea de causa ad mortem probroissimam adactus est,
 ut qui cùm homo esset, faceret se ipsum Deum, & diceret, quia Filius
 Dei sum, quia ego sum Christus, quia venturus esset in nubibus cum
 potestate & majestate. &c. quod extremæ superbiz, mendacitatis,
 impietatis, imposturæque sine dubio fuerit. Porro etiam stultissi-
 mum & vanissimum Christum fuisse opus erit fateri, qui ad hoc, ut
 Deum verum se hominibus persvaderet, nihil quidem Deo & Divini-
 tate dignum egerit, feceritve, quin neque honesto, & spectabili, aut
 æstimatione hominum dignum hominibus exhibuerit in se, & in suo
 genere, vita, statu, comitibus, sermonibusque suis: exhibuerit verò
 omnia contraria, nempe abjectionem, pauperiem, miseriam, impo-
 tentiam, convictum non tantùm abjectorum, & rudium piscatorum,
 hominum sine literis, & omni splendore ac dignitate, sed etiam pec-
 catorum, publicanorum, infamium, & malæ notæ apud omnes.
 Insuper verò subiit fanda infandaque ab æmulis & hostibus suis con-

vitia, vincula, accusationes, damnationes, flagella, ludibria, carce-
 res, cum latronibus comparationes, probrosa mortis sententiam of-
 ficiosam, patibuli portationem, affixionem ad Crucis patibulum, in-
 ter latrones duos, tanquam omnium latronum maximus, denique
 crudelem & abominabilem maledictamque in Cruce mortem, po-
 stremoque sepulturam ipsam. Quorum omnium & toleratio & osten-
 tatio, inefficacissimum sanè medium erat ad probandam & persua-
 dendam hominibus Divinitatem suam: imò nihil fuit efficacius ad
 eam abrogandam, & negandam; ut meritò Iudai volentes ostende-
 re ipsi etiam Christo, quòd Deus verus non esset, castigareque in eo
 condignè confictam & falsò arrogatam iactatamque Divinitatem,
 quasi verus Deus esset, meritò inquam assumpserint, pro medio com-
 petentissimo, consilium, & curam, & executionem necandi ejus in
 Cruce. Nos (inquiunt Summi Sacerdotes, & omne consilium, po-
 pulusque universus) *legem habemus, & secundam legem debet mori,*
quia filium Dei se fecit. Stultissimus ergo, & planè vanissimus fuit
 Christus (Si non fuit re verà verus Deus) qui per Passionem adeò di-
 ram, & putaverit se posse probare, quòd ipse esset Deus verus: cum
 per hoc medium non tantum non licuerit probare illi, quòd verus
 Deus esset, sed neque quòd honestus, aut probus, aut aliquo honore
 aestimationeque dignus homo esset; quin immo per hoc infelix, &
 non minùs miserabile, quàm detestabile medium assequeretur, ut
 etiam homo non esset, quippe qui in Cruce mortuus, & in Sepulchro
 conditus, de numeroque hominum sublatus esset; verè nemini ma-
 gis quàm sibi ipsi imposuisset Christus, si propterea miserrimè nasci,
 vivere, & mori, sepeliri que voluisset, ut credi posset verus Deus, &
 magno nimis mercatus esset opinionem falsam veri Dei: si propter
 eam delegisset è numero etiam hominum viventium, probrosissimà
 quamvis morte deleri. Si extremè insanit, qui putida poma mer-
 catut bono auro: quomodo non etiam ultra extremam insaniam in-
 sanit, qui verum falsi Dei mendacium, omnium bonorum, & sangui-
 nis, & vitæ, & sanæ crudeli impendio dispendioque licetur? Quod
 eum omnino in Christum Deum Redemptoremque nostrum non ca-
 dat, neque cadere possit: necesse est ut dicamus, Christum verè, &
 verum Deum esse: & verè per hominem assumptum, Redemptionem
 nostram, in vita, in Passione, & morte crucis peregisse. Etsi enim
 puri hominis mors nihil prosit, neque prodesse potuit redemptioni
 nostræ,

nostræ, potuit tamen prodesse, & re ipsâ profuit Mors Dei-Hominis, cujus misericordiæ non est numerus, & bonitatis infinitus est thesaurus, & omnipotentia ejus nihil est impossibile, & charitati nihil indignum, & sapientiæ nihil impeditum, & voluntati nihil non justum. Passio ergo Christi Divinitatem & Humanitatem ejus probat, & efficacem salutem nostræ facit, & fidem nostram, omnem quidem sed præcipuè in articulo fundamentalis, de Christo, Deo vero, & Homine vero, Redemptoreque nostro, indubiam facit. Eadem Passio Christi est spei nostræ lapis fundamentalis, & petra inconcussissima. Quando enim Passionem Christi habemus, quid jam sive à Patre æterno, sive ab ipso met Christo non habituri sumus? Optimè argumentatur Paulus. *Si Deus Pater, proprio Filio non pepercit, sed pro nobis tradidit illum, quomodo non omnia cum ipso nobis donavit?* Et licet pariter in argumento pergere. Si Christus sibi ipsi non pepercit pro me, quid mihi suorum bonorum negabit?

Rem. 8.

32.

Est ergo Passio Domini nostri fundamentum spei nostræ, est artha, est pignus omnium promissorum, est promeritio, & pretium eorumdem, pro iisdem mihi elargiendis ad mensum: ad mensum autem ita largè, ita supra debitum, ita supra condignam æquitatem, ut injuria sit Christi Redemptoris non exhibita retributio servis redemptis. Non confundit ergo nos spes nostra? salvi facti sumus jam spe nostrâ, quoniam Passio Christi, est pro Deo fideiussio nostrâ. Et quamvis aliud est retributionem esse promissam, & aliud re ipsâ exhibitam. Non tamen certior est retributionis divinæ, qui illam jam habet exhibitam, quàm qui illâ adhuc solum expectat promissam. Vtrumque enim æquè impossibile est, tam non haberi à Deo quæ promissit, quàm quod jam dedit. Denique tam securi certique sunt Christiani de his obtinendis, quæ illis Passione suâ pro ipsis meruit Christus; quàm certus est de promeritis suis per Passionem suam idem ipse Christus. Et ille enim in spem gloriæ corporis sui, in spem universæ salutis nostræ, in spem omnium bonorum Ecclesiæ electorumque suorum, in spem omnis potestatis in cælo & in terra, in spem nominis sui, super omne nomen exaltandi, atque omni genu coelestium, terrestrium, & infernorum adorandi, in spem judicariæ super vivos mortuosque autoritatis & potestatis, in spem capitis Ecclesiæ, Passionis suæ laborè subiit: dicente ipso Domino; *hec oportuit Christum pati, & ita intrare in gloriam suam.* Gloria autem Christi, omnia prædicta, & his similia sunt. Quidni ergo Passio Christi spem nostram

Isa. 53.
10.

stram fundet, firmet, radice, fecundet, solidet: si etiam ipsi Christo laborum suorum incentivum & solatium stimulusque fuit? Quod etiam pridem Propheta, & illi, & de illo prænuntiaverat. Dominus conterere eum voluit in infirmitate Passionis: Si posuerit pro peccato animam suam, videbit semen longævum, & voluntas Domini in manu ejus dirigetur. Pro eo quod laboravit anima ejus, videbit, & saturabitur: in scientia sua justificabit ipse justus servus meus multos, & iniquitates eorum ipse portabit. Ideo dispersit ei plurimos, & fortium spolia dividet, pro eo, quod tradidit in mortem animam suam, & cum sceleratis reputatus est; & ipse peccata multorum tulit, & pro transgressoribus rogavit. Quibus verbis veteris testamenti Propheta, non tam Prophetice quam evangelicè, & Passionem Christi, & spem, præmiaque Passionis ejus, copioso, & exacto stylo denarravit. Denique si Apostolo licuit dicere, propter spem Israël catenâ hac circumdatus sum. Multo justius licuisset Christo Domino profiteri, propter spem meâ, & populi mei Crucî huic affixus sum, &c. Passio ergo Christi, & Crux, & Mors, anchora spei nostræ est.

Ioan. 3.
16.

Isa. 53. 7.
Gal. 2.
20.

Ioan. 15.
13.

Rom. 5.
10.

Eadem Passio Charitatem Christi erga nos demonstrat, & nostrâ erga Christum evincit. Nihil enim est aliud Passus, & Crucifixus, mortuusque IESVS, præterquam Filius Charitatis Æterni Dei, qui sic dilexit mundum, ut Filium suum unigenitum daret ut mundus salvaretur per ipsum. Et idem est victima dilectionis suæ. Oblatus est enim quia ipse voluit, & qui dilexit me tradidit semetipsum pro me. Et, Majorem charitatem nemo habet, quam ut animam suam ponat quis pro amicis suis, ille autem posuit eam pro nobis tùm adhuc inimici essemus. Ob quod etiam est Clibanus Amoris in quo & Seraphim ardent, & corda nostra in æternum succendi, & ardere debent. At enim. Heu portentum sive Divinæ super nos, erga nos pietatis, sive nostræ erga benignissimum piissimumque DEVM ingratitudinis. DEVS in nobis vilissimis, ingratis, inimicissimis, perque omnia nihili, & nequam hominibus, invenit, ob quod, nimiam suam charitatem effunderet in nos, usque etiam suæ propriæ Divinæ Personæ, sui Divini sanguinis, suæ Divinæ vitæ impendio, nos amaret. Nos autem in toto quantus-quantus est Unigenito Dei, & Homine Deo, in omnibus bonis & beneficiis collatis in nos à Deo, in ipso charitatis & miserationis ejus nucleo, medullâ, thesauro, mari, & abyssu, nempe in Passione ejus, atque Crucis morte pro nobis suscepta, reperire tamen non possumus propter quod Deum verè, constantet, ac dignè memimus;

amemus; aut si reperimus, nihilominus eundem (quod quidem in
immentum improbius, & indignius est) nihilominus (inquam) eun-
dem non amamus, imò averſamur, repellimus, conculcamus, contem-
nimus; poriusque & ſinceriùs, atque conſtantiùs diabolo, Dei pa-
riter, ac noſtro capitali inimico, quàm ipſi omnis Bonitatis & Maje-
ſtatis, & Charitatis fonti adherere eligimus. Quis audivit talia hor-
ribilia?

M O D V S LXXIX.

Septuageſimus nonus Paſſionem Domini noſtri meditandi Modus
eſſe poteſt. Veſtigando in ea exercitationem virtutum Cardina-
lium, cæterarumque moralium ab illis dimanantium, quomodo ni-
mirum ea, & à Chriſto Domino in Paſſione ſua exercita; & à nobis
exercenda in vita noſtra ſunt.

Prima ex Cardinalibus virtus eſt, Prudentia. Hæc utique in vita,
at poſſimiùm in Paſſione Chriſti eluxit. In illa enim admirando, &
omnem humanam Angelicamque cogitationem excedente modo,
ſapientia Dei malitiam vicit diaboli, exſecuta eſt conſilium ſuum,
perfecit voluntatem Patris, perrupit omnia obſtacula ſalutis noſtræ,
vaſtavit infernum, mortem ſubegit, mundum calcavit, cœli & terræ
diſſidia conciliavit, æterni regni portas aperuit; Diabolus ſuis pro-
priis artibus eluſus eſt, ſuiſmet laqueis captus, in foveam quam fo-
derat præcipitatus, peccato quo vicerat victus, per lignum, per quod
triumphaverat, triumphatus, morte, quâ humanum genus infece-
rat & interfecerat, ipſe quoque conſectus eſt. Libet de hoc argumento
Beati Leonis Papæ orationem attexere. [Dei Filius ſecundum pleni-
tudinem tẽpõris; quod Divini conſilii inſcrutabilis altitudo diſpo-
ſuit, reconciliandam authori ſuo naturam generis aſſumpſit huma-
ni; ut inventor mortis diabolus, per ipſam quâ vicerat vinceretur.
In quo conſpectu pro nobis inito, magno & mirabili æquitatis jure
certatum eſt, dum omnipotens Dominus, cum ſæviſſimo hoſte, non
in ſua majeſtate, ſed in noſtra congreditur humilitate, obſiciens ei
eandem formam, eandemque naturam, mortalitatis quidem noſtræ
participem, ſed peccati totius expertem.] Idem Sanctus hoc ipſum
alibi tractans argumentum ita de eo loquitur. [Quid inter omnia
opera Dei, in quibus humanæ admirationis fatigatur intentio, ita
contemplationem mentis noſtræ, & oblectat, & ſuperat, ſicut Paſſio
Salvatoris? Qui ut humanum genus vinculis mortiferæ prævarica-
tionis

*Serm. v.
de Na-
tiv. Do-
mini.*

*Ser. ii.
de Paſ-
ſione*

„ tionis absolueret, & scyienti diabolo potentiam suæ majestatis occu-
 „ luit, & infirmitatem nostræ humilitatis objecit. Strenim crudelis &
 „ superbus inimicus consilium misericordiæ Dei nōsse potuisset, Iu-
 „ daorum animos mansuetudine potius temperare, quàm injustis odiis
 „ studuisset accendere, ne omnium captivorum amitteret servitutē, dū nihil
 „ sibi debentis persequitur libertatē. Fefellit ergo illū malignitas sua.
 „ Intulit suppliciū Filio Dei, quod cunctis filiis hominū in remediū ver-
 „ teretur. Fudit sanguinem justum, qui reconciliando mundo, & pre-
 „ tium esset, & poculum. Suscepit Dominus, quod secundum propo-
 „ situm suæ voluntatis elegit. Admisit in se impias manus furentium:
 „ quæ dum proprio incumbunt sceleri, famulatæ sunt Redemptori.]
 Hæc Sanctus Pontifex, egregiè complexus investigabilem pruden-
 tiam sapientiamque consiliorum Christi in nobis per Passionem suam
 redimendis exercitam. Possunt autem plura particulariùs Pruden-
 tiæ hujus in Passione Dominica apparentia adverti, atque expendi.
 Prudenter siquidem Dominus & elegit, & disposuit Passionis suæ, &
 Tempus, & Locum, & Modum, & Ministros, & Authores, in quibus
 omnibus, frustra sese vel humana vel diabolica laboravit interpone-
 re, sive malitia, sive astutia, atque præcipitatio. Quæserat Herodes
 Pater, infantuli Christi animam: quæserat & Herodes Filius. Vo-
 lebant Nazarethani de montis supercilio præcipitare, conabantur Iu-
 daei, tum per submissos cum suis ministris Herodianos, tum per se-
 metipfos lapidibus Christum trucidare: at hæc similiaq; frustra fuê-
 re, quia necdum venerat hora ejus, & quia nequaquam talis erat de
 sua Passione, atque morte dispositio ejus. Quæ dispositio ita erat or-
 dinata, ut ad minutissima momenta actionum, passionum, tempo-
 rum, locorum, personarum, circumstantiarumque omnium sese ex-
 tenderit, & in omnibus ad figuras, ad prædictiones scripturarum ad-
 implendas totius Passionis series processerit, ita ut neque unus apex,
 neque unum jota, quod non adimpleretur, remanserit. Accessit illud
 admirandæ Prudentiæ opus, quod Dominus noster in Passione sua ita
 hominem quem gerebat objecit tormentis, ab hominibusque à dæ-
 monibusque excogitatis & adhibitis, ut interea temporis, neque dæ-
 mones, neque homines, furore suo livoreque excæcati, interlucen-
 tem Divinitatem, virtutes evidenter summas, & verè divinas, prophe-
 tiarum concursum, & scripturarum executionem, impletionemque,
 ipsius Christi prædictionum de sua morte veritatem, innocentiae pa-
 tentissimum fulgorem, miraculorum fidem, odii sui invidiæque vi-
 rulen-

ruentiam, non minùs quàm manifestam in Christum rabiem, dispi-
cere, seseque recolligere in scelere, atque ab eo refrenare valuerint,
aut voluerint. Vidit & confessus est Sacerdotibus Judas peccatum
suum. Pilatus quoque contestatus est multis modis, & Christi inno-
centiam, & Iudaicam invidiam, imò & infamiam, laboravit pluri-
mùm pro ejus indemnitate & vita, uxor quoque Pilati, & preces, &
consilium, & periculum suum apud virum interposuit, plebs ipsa ni-
si à Principibus persuaderetur, & prævio exemplo traheretur, ob-
nitebatur. Mulieres laments suis, facti & iniquitatem, & enormi-
tatem declarabant. Denique ipse defectus causæ, ob quam Christus
morti, vel speciosè saltè addiceretur, ab ipso met Judice sapius enun-
tius, vim animis conscientisq; perdere cupientium Dominum,
inferebat. Solis Iudæorum Principibus, odio & livore invidiæ exca-
catus sol intelligentiæ non potuit illucescere, sed auribus suis graviter
audientes, atque cordibus suis indurati, ad facinus animo destina-
tum, tanquam equus impetu vadens cucurrerunt, & usque ad Deici-
dii scelus pervaserunt. Proinde Dominus sic usus est paratâ inimico-
rum nequitia, ut ex ea produceret universorum redemptionem, & de
peccato damnaret peccatum, ac per mortem suam pararet omnium
nostrum vitam. Sic ergo vicit sapientia malitiam, & ubi perversitas
peccantium seminavit iniquitatem & mortem, ibi Prudentia Domi-
ni Salvatoris messuit justificationem & vitam. Neque ullum fuit
consilium hominum contra Dominum, quod Dominus non conver-
terit in salutem & redemptionem hominum.

Altera virtus Cardinalis est, Iustitia. Hac quoque in Passione
Domini maximum locum, praximq; plurimam habuit: aded, ut
Christus propter Passionis laborem exhaustum peculiari nomine
atque ratione vocetur Iustitia nostra. Passione liquidem, satis, & su-
per satis fecit Iustitiæ Dei pro nobis, cui nos in immensum obligati
eramus, solvendo autem & satisfaciendo nullo possibili nobis modo
sufficiebamus. Passione item, omnem jacturam honoris & cultus
Deo per nos debiti illatam, abundè restituit, Passione obedientiam
& servitutem subjectionemq; à nobis Deo debitam, sed rebeli pro-
teruâq; voluntate denegatam, ipse supplevit, atque plenissimè exple-
vit. Passione quoque debitum & reatum damnationis æternæ, quo
eramus universim omnes obstricti, abolevit; aded, ut nulla deinceps
damnatio sit iis omnibus, qui sunt in Christo Ixv. Passione etiam
Mortis & æternæ & temporalis chirographum, quod erat nobis val-

dē contrarium, ē manibus mortis extorsit, & cruci suā affixit atque delevit. Passione etiam, omne, estō Tyrannicum jus servitutis, captivitatisque, quo à diabolo, tam viventes, quàm mortui tenebamur, debellatis nostris Tyrannis, evacuavit & nullum reddidit, nosque omni libertati asseruit. Passione item suā Dominus jus nobis adoptionis Filiorum Dei comparavit, dans nobis omnibus, quotquot eum reciperemus, ut ex Deo renasceremur, adoptionemque filiorum Dei assequeremur. Passione nos hāredes Dei, omniumque bonorum ejus, suos autem cohāredes, & fratres instituit. Passione perditum jus ad vitam, & ad Regnum æternum, beatitudinemque æternam nobis obtinuit, recuperavit, & restituit. Passione cœlestes portas nobis referavit. Passione nos ex iniquis justos, ex rebellibus subditos, ex impiis Sanctos & devotos, coram Deo fecit. Passione non solum ipse nobis amicitiam & gratiam, & sanctificationem, & æternam gloriam obtinuit, sed insuper ut nos quoque nostris operibus, in fide, spe, & Charitate ejus factis, eadem illa bona mereri nobis possumus, promeruit, & nobis aequitatem justitiæ dedit, adeo, ut liceat nobis dicere. *Bonum certamen certavi, cursum consummavi, fidem servavi: in reliquo reposita est mihi corona iustitiæ, quam reddet mihi Dominus in illa die iustus iudex.* Ita Dominus Iesus Passione suā non solum omnem implevit & exaquavit, placavit, ad mensuramque est justitiam: Non solum omnia jura nostra in integrum restituit, non solum omnia quæ debebamus Deo exsolvit: verum etiam insuper debitorem nobis Deum fecit, ut representatis meritis Passionis ejus, exigere possumus à Deo, & peccatorum veniam, & justificationem, & Gratiam, atque amicitiam, & Gloriam vitamque æternam. Et id quidem non septies, neque septuagesies septies, sed quoties toties, sed infinities. Nunquam, ne in æternum quidem, deficiente nobis thesauro meritorum Christi, & jure quod habemus, & nos, & opera nostra, ex benedicta & nunquam exhauriendi valoris Passione Christi. O Homines, amate hanc Redemptoris vestri justitiam; servate jus ex ea vobis manans; vivite & augeſcite in ea, & nunquam recedite ab ea, nunquam excidite ex ea. Passioni autem Domini omni devotione inhærete, & immanete. *Et grati estote, omnia enim bona venerunt nobis ex ea: & omnibus bonis per eam repleti sumus.*

De Tertia Cardinali virtute, nempe Fortitudine, quomodo in Christi Passione emineat, & quomodo à Christo Patiente exercita sit, pænè superfluum est fidelibus dicere. Quid est enim Passio Do-

mini,

mini, nisi opus Fortitudinis excellentis, heroicae, Theandricae. Cui nulla humana fortitudo, ne quidem Martyrum, etiam simul omnium, in comparationem venire ex aequo possit. Et cum ex toto illa admiranda sit stupendaque, ex illo tamen capite plus quam stupenda est, quia Dominus noster fortitudinem suam non in omnipotentia suae Divinae virtute fundatam exercuit, sed in infirmitate, in impotentia, in miserrima miserabilitate & abiectione, roborisque omnis defectu, exhibuit, & per eam omnes humanas vires, artes, audacias, furoresque, omnes tartareas potestates, nihil non audentes, nihil non tentantes, nihil non in effectum, juxta rabiem desideriorum suorum deducentes, sola suae infirmitatis exhibitione compescuit, confregit, confudit, in nihilum redegit, & velut lutum platearum conculcavit delevitque. Non secus ac omnes fluctus tumidissimi furiosissimi que maris, ad mollissimam arenam illi confringuntur, & in salivam spumamque deficientem dispereunt. Ita nimirum, *quod infirmum est Dei, fortius est hominibus*; atque demonibus & creaturis omnibus: quemadmodum etiam, *quod stultum est Dei, sapientius est hominibus*, & omnibus quantumcunque sapientibus. Sicut ergo *stultum fecit Deus sapientiam hujus mundi*, sic etiam omnem ejus potentiam & virtutem mundi, infirmitate sua & fragilitate contrivit. Non secus ut ille lapis excisus de monte sine manibus, vastam tamen statuatam confregit, comminutaque sunt pariter in pulverem aurum, argentum, aes, ferrum, & testa. lapillus autem crevit in montem, toti mundo occupando parem. Passus Dominus noster Deus Homo, omnem hujus mundi sapientiam, Gloriam, fortitudinem, potestatem, voluptatem, & quidquid mundus est, humilitate & infirmitate Passionis atque Crucis, & Mortis suae, in nihilum redegit, & totum potestati suae subjecit, atque sibi omne genu curvari coegit. Nam *quia in Dei sapientia non cognovit mundus, per sapientiam Deum, placuit Deo per stultitiam praedicationis salvos facere credentes*. Ita etiam, quia in Dei Potentia, non honoravit per Potentiam mundus Deum: placuit quoque Deo per Infirmitatem Passionis confundere mundi superbiam & potentiam, humiles autem exaltare, & virtutem in infirmitate perficere. Atque haec sapientia & virtus Christi est, quam abscondit Pater a sapientibus & Prudentibus hujus saeculi, revelat autem parvulis, minoribus coram mundo, stultis: propter Christum, amicis Crucis Christi, & gloriantibus in Cruce Christi, confixisque cum Christo in Cruce.

1. Cor. 1.

25.

Ibid. V.

20.

Dan. 2.

34.

1. Cor. 1.

21.

Quarta Cardinalis virtus est, Temperantia. quæ etiam sicut per omnem vitam, ita vel maximè per Passionem ejus universam comitata est Dominum nostrum. Quid enim non dico voluptatis, aut consolationis, sed vel modicæ quietis admisit Dominus in tota Passione sua? Sublimitatem perfectionemque Temperantiæ Christi in Passione potissimum hoc demonstrat, quod moriens in extrema afflictione Animæ & Corporis torius: ex bonis, & solatis commodisque hujus seu mundi, seu vitæ, ne unicam vestigium post se reliquerit, alicui habendum. Non opes, non possessiones, non pecunias, non dignitates, non honores, non domum, non amicos, non quidquam absolute rei. Sola post eum remansit Crux, ignominia, & execratio hostium, solus dolor sibi notorum & affectorum, sola confusio, dispersio, desperatio discipulorum, sola sepulchri & sepulturæ inopia & indigentia. Usque adeò Dominus noster nihil neque cum mundo, neque cum ejus bonis commune habuit, ut potius absolute, & plenè nihil, & nihil de hoc mundo habuerit: neque tantillo quidem terræ servato spatio, in quo caput suum reclinarer. Magno utique omnium fidelium suorum magisterio, ut sciamus satagendum nobis, ne ullum penitus cum mundo, & carne, & creaturis ullis, adeoque ipsi sine nobis, adhærescentis ad nos affectus privati ac proprii amoris habeamus, sed ut nudi nudum, exspoliati & mortui, perdit & annihilati à nobis ipsis, & ab omnibus (quantum ad amorem) creaturis, exinanitum Christum imitemur, amulemur, quàm vicinissimè comitemur. Vt hac ratione instar grani frumenti, nos quoque emortui, multum fructum asseramus. De virtutibus cæteris, quæ ad hæc quatuor, de quibus diximus, revocantur, existimo opus non esse ut sigillatim agamus. Id enim & prolixum nimis foret, & scopum nostrum excederet, & ex supradictis facillè patet, & actum supra de iis est, & denique peculiaris nihil habet necessitatis, ut exponatur. Manifestum est enim in Passione Domini exercitas esse virtutes omnes Christo dignas, unamquamque in summo, heroico, perfectissimoque gradu. Summam Charitatem Dei & Proximi, Humilitatem, Patientiam, Obedientiam, Mansuetudinem, Modestiam, Taciturnitatem, Magnanimitatem, Longanimitatem, Abstinenciam, Resignationem, Paupertatem, Orationis studium, Sollicitudinem pro suis, Inimicorum dilectionem, Constantiam, Religionem, Devotionem, Pietatè, omnem denique Perfectionem, Christo quidem dignam, Christianis autem ad imitandum necessariam.

*Supra
Modo
Octavo*

MO-

M O D V S LXXX.

Octuagesimus Modus Passionem Domini nostri meditandi est : dispicere in ea, & discere ex ea exercitium operum misericordiae, tam spiritualium, quam corporalium. In presenti modo res nobis erit de operibus misericordiae spiritualibus, quae ad septem Capita revocantur.

I. Docere Ignorantem. Docuit Dominus noster ignorantes, in omni quidem vita sua, sed specialiter in sua Passione : cum se Christum & Dei Filium, & Iudicem venturum, in Concilio asseruit. Cum Pilatum & de eius potestate, & de suo Regno edocuit.

II. Corrigere errantem. Depinxit egregio symbolo Dominus hoc opus suum, quando se assimilavit homini habenti centum oves, e quibus cum ei una periisset, reliquit nonaginta novem in montanis, descendit autem ad quarendam unam perditam, & erraticam oviculam; quam inventa, sustulit eam in humeros suos, & ad reliquum gregem reportavit. Unusquisque nostrum, seu genus humanum universum, tanquam una ovicula clamabat Deo: *Erravi sicut ovis, quae periit, quere servum tuum*: quaesivit in tota vita sua, quaesivit in Passione, quaesivit & invenit in Cruce, semivivam & adhuc vix spirantem, eam ergo ad ovile suum reduxit imò reportavit in jumento suo, & curam illius egit.

*Psal. 118.
176.*

III. Solari moestos & afflictos. Quis moerens & afflictus, si non humanum genus, si non omnes nos; tantò etiam afflictus magis, quanto sensu malorum nostrorum destituti magis. Sed qui consolatur humiles Deus, consolatus est & nos in adventu Christi, & in vita, in doctrina, in sacramentis, in meritis, in Passione, in vulneribus, in Cruce ejus, in morte ejus. Propter quid enim facta est anima ejus tristis usque ad mortem, nisi ut tristitia ejus consolatio nostra esset? Contristabant nos vulnera nostra: vulneratus est propter ea, & vulnera ejus facta salus & solatium nostrum. Contristabat nos perditio & mors nostra, & captivitas nostra. Captus est ille in peccatis nostris, & periit in Passione usque ad mortem; & vincula ejus, facta sunt libertas nostra; Mors ejus, facta est vita nostra; & in conversa captivitate nostra, facti sumus sicut consolati.

IV. Consilium dare dubitanti & indigenti. Et cujus nos consilio Prudentes facti sumus: nisi illius, qui magni consilii Angelus, nisi qui consiliarius est. Qui consilia salutis divulgavit in Evangelisatio-

Matth.

26. 41.

Luc. 14.

27.

Matth.

11. 28.

ne, confirmavit in miraculorum manifestatione, exemplo approbavit in Passione, sanxit demum in morte. Quid salubrius quam audire consilium dicentis. *Vigilate & orate; ut non intretis in tentationem.* Et illud. *Si quis venit post me, & non bajulat Crucem suam, non potest meus esse discipulus. Venite ad me omnes, qui laboratis & onerati estis, & invenietis requiem animabus vestris; jugum enim meum suave est, & onus meum leve.*

V. Patienter ferre injurias. VI. Remittere offensas. Quid verò est universa Domini Passio, nisi quantum ad inimicos, immanis & inaudita enormitatis injuria atque offensa? quantum verò ad ipsum Dominum nostrum, Invicta quædam Patientia & supra modum liberalis mansuetissimaque condonatio atque oblivio, atque etiam obliteratio. Delevit enim ipso peccato peccatum, ipsâ offensâ sanavit offensam, ipsâ injuriâ compensavit injuriam. Ita ut ille reatus, qui reos & debitores faciebat persecutores & peccatores, factus sit solutio, factus venia, factus indulgentia persecutorum atque peccatorum. Denique pro inimicis & crucifixoribus orant in Cruce, hoc est in ipso actu furentium inimicorum, suorum autem cruciatuum, non contentus, etiam nos excusavit tanquam ignorantia potius, quam malitia delinquentes.

VII. Orare pro vivis & defunctis. Atqui Passio Christi, oblatio est, & victima, & Holocaustum, pro omnibus. Audet Apostolus dicere: quia *IESVS Christus ipse est propitiatio pro peccatis nostris; & non pro nostris tantum, sed etiam pro totius mundi.* Et iterum idem loquitur. *In hoc apparuit Charitas Dei in nobis: quoniam Filium suum unigenitum misit Deus in mundum, ut vivamus per eum.* Quod attinet ad studium moremque Christi Domini orandi, & satagendi pro mortuis. Est hoc speciale secretum cordis atque Spiritus Christi, nimirum dum hic viveret, & potissimum dum pateretur pro mundi salute, tenerrimè affici erga animas purgatorii, quod etiam fuit sanctissimæ Christi genitricis hinc viventis, & quidem ab ipsa amborum in mundum conceptione & ortu. Huncque Spiritum teneræ affectionis erga animas illas Dominus amicis suis communicat speciali dono. Nec immerito; cum enim nullæ magis animæ desolatæ & destitutæ sint auxilio, & sine summe calamitosæ, miserationisque indigæ, non debet esse cuiquam mirum, quod Christus, qui est misericordiarum Pater, totiusque consolationis Deus; Mater quoque Christi, quæ est misericordiarum Mater; specialem affectum gerant per se,

se, suisque amicis ingerant gerendum pro subsidio animarum illarū. Et videtur hoc sæculum præsens in Ecclesia Dei, esse ejusmodi, in quo singulariùs vult & facit Deus efflorescere exerceri que copiosam charitatem erga animas illas, ut per eam pietatem specialiùs efflorescant amici Dei nunc in Ecclesia militantes, ipsaque Ecclesia Deo suo sese hoc genere pietatis probeat, atque commendet, sibi que misericordiam à Deo promereatur. Sed hæc hætenus obiter sint dicta.

Concludo Modum hunc meditandi Passionem Christi, repetendo eam esse totam exercitium misericordiarum operum spiritualium, quippe in ea Dominus noster omne miseriarum nostrarum spiritualium genus perlanavit. Simulque luculentissimum nobis exemplum exhibuit, ut & nos pro cuiusque nostrum facultate, toti simus in operibus istis exercendis. Non enim est reperire hominem fidelem, qui si non in omnibus, in pluribus certè, saltem in aliquibus hisce operibus exercere se, & erga Deum proximumque pietatem probare possit: ad quod persuadendum nobis, si exemplum (Passionis præsertim) Christi efficax non est? quid demum efficax futurum sit, non equidem inveniri puto posse.

M O D V S L X X X I.

O Ctogessimus Primus Modus meditandi Passionem Dominicam est, advertere & expendere exercitiam à Domino, in ea, septem operum corporalium misericordiam.

Recensuit hæc opera Dominus ipse in Evangelio suo, tanto quidem cum pondere divini sui sensus, de hujusmodi operum exercitio vel frequentato, vel neglecto, à fidelibus suis, ut absque sacro quodam horrore Evangelium illud relegi audirive non possit. Scilicet exercuisse illa, salus: neglexisse, Perditio certa æterna esse à Domino asseritur: additâ illâ admirabiliter ponderosâ in utramque partem causâ. *Quod uni ex his minimis meis fecistis, mihi fecistis: Et quod uni ex his minimis meis non fecistis, nec mihi fecistis: ac proinde vobis quidem facientibus salus, vobis autem non facientibus perditio eventura est.* Sed jam videamus, quomodo hujus misericordiarum praxis in Passione potissimum Domini eluceat. Atque inprimis considerandum est, quomodo Dominus noster omnia septem miseriæ humanæ genera, in semetipso subierit, sustinueritque propter nos.

I. Esurivisse Dominum sæpius, Evangelistæ testantur, neque certè aliter evenire potuit ei, qui in tanta sua pauperie, alienâ duntaxat mis-

ricordiâ sustentaretur, atque à suo, ex materna domo ad Baptismum Ioannis, & ad prædicandum Evangelium, excessu, nunquam deinceps ad eam accesserit, pedemue in eam intulerit, ne dum aliquid ex ea vitæ sustentationisque acceptaret: sed etiam Passionis ærumnæ, eorumque temporis longitudo, non minus famem quam sitim in eo excitare validam potuerunt.

II. Sitim verò suam peracerbam ardentemque Dominus ipse satis declaravit, quando in medio tormentorum suorum exclamavit: Sitio. quæ quidem non tantum fuit interior sitis à charitatis ardore, ab obediendi & patiendi amplius studio, ab Redemptionis nostræ desiderio profecto, verum etiam realis, atque lethalis fuit, contracta ex tantis fatigationibus, ex tantis doloribus, ex tantis sanguinis profusionibus, ex tantis tamque & variis & conglobatis, & diuturnis ærumnis. Proinde ex illa Domini de siti sua contestatione, cognoscimus certò, tam sitiendi causas, quam sitim ipsam fuisse summè graves, summèque intolerabiles, atque excruciativas, tenebrimæ & exhaurissimæ Christi naturæ.

Ioan. 19.
24.

III. Nuditate Domini nostri, quid vel acerbius, vel certius. *Partiti sunt vestimenta mea sibi, & super vestem meam miserunt sortem,* ait Dominus ore Prophetico, opere autem & experimento proprio. Itaque cum aliàs sæpe inter patiendum nudatus est, tum specialiter nudus omnino cruci affixus, & in Cruce usque ad mortem pependit, nec nisi syndone Nicodemi ad sepulturam involutus est.

IV. V. Captivatus & Incarceratus est quoque Christus, à prima comprehensione in Horto, usque dum Annæ, Caiphæque, & universo concilio præsentatus, reliquâ nocte carceri inclusus mansit. Summo autem mane, ex specu illo iterum productus ad concilium, iterum damnatus, onustus vinculis Pilato traditus est. Sed nullus Christi carcer gravior, quam Crucis, cui affixus pependit: omniumque & carcerum, & compedum, & cruciatuum, & vicem retinuit, & modum excessit.

VI. Peregrinum & Hospitem in Passione Christum habitum fuisse, illud satis demonstrat, quia illum universus populus ante faciem Pilati abnegavit, & ne quidem nomen ejus, vel audire, vel eloqui sustinuit. Insuper Barabbas latro, seditiosus, homicida, plius illis placuit, quam Iesus. Ad hæc ex proposito non à suis, suorumve popularium, sed à Gentilium manibus illum occidi, illudi, crucifigi delegerunt, ac demum professi sunt, quod non habemus Regem nisi

Cæsa

Cæsarem, tituliq; seriem à Pilato conceptam exosi, noluerunt scribi, *Rex Iudeorum*, sed quia ipse dixit, *Rex sum Iudeorum*. Quod quam senserit acerbè Dominus noster, testatur apud Prophetam. *DEVS Israël, propter te sustinui opprobrium, operuit confusio faciem meam. Extraneus factus sum fratribus meis, & peregrinus filius matris meæ.*

Ioan. 19.

21.

Psal. 68.

7.

VII. Ultimo. Mortuus est Dominus noster, & sepulture indigentissimus fuit: & omne sepeliendi obsequium, ipsumque sepulchrum, alienum illi beneficium fuit. Ecce quomodo noster Dominus: omnium nostrarum miseriarum particeps fuit? quis nostrum nollet in his omnibus Domino nostro fuisse aliquo subsidio? Quis nollet pascere esurientem, potare sitientem, vestire nudum, Redimere captivum, visitare infirmum, & vinctum, excipere peregrinum, sepelire mortuum? Nemo nostrum queratur, nemo obmurmuret. Non abstulit nobis quoque hanc dignationem, obsidem tenemus ejusmet sententiam: quâ dixit. *Quod uni ex minimis meis fecistis, mihi fecistis; quod uni horum facietis, mihi facietis.* Non dignamur pascere pauperes famelicos, potare sitientes, &c. quis credet facturos nos fuisse, vel esse in persona Christo, siquidem non dignamur hoc facere in suis minimis, id ipsum eidem Christo? Et sicquidem Christus Dominus miseriæ nostræ particeps, misericordiæ verò indigus esse voluit. Jam videamus, quomodo in Passione sua nostris miseriis misericordiam impendit?

Matth.

25. 40.

1. 2. Esurivimus, & sitivimus. Et Dominus noster dedit nobis manducare & bibere. Corpus videlicet, & sanguinem suum pretiosum, cum reliquis bonis suis in Sacramento atque Sacrificio Eucharistico, dedit & gratiam suam, de qua ipse testatus est: quoniam qui biberit ex aqua, quam ille dabit, non sitiet in æternum, sed fiet in eo fons aquæ vivæ salientis usque in vitam æternam.

3. Operuit etiam Nuditatem nostram vestimento meritorum suorum, atque tunicâ inconsutili, Ecclesiæ suæ, cujus filios nos esse fecit, & in ejus gremio veste gratiæ charitatisque vestimur. Et beatus qui custodit hæc vestimenta, ne nudus ambulet, neve careat veste nuptiali, sinè qua nemo dignus nuptiis Filii Regis æterni, sed ligatus mittitur in tenebras exteriores.

4. Captivos quoque nos redemit è potestate, & carcere tyrannidis tam diabolicæ, quàm peccati, quàm mortis; quin etiam descendit in illum carcerem, qui erat in inferioribus partibus terræ, & inde eduxit in fortitudine suâ vinctos, captivamque Patrum Sanctorum

captivitatem; quorum vincula dissolvit sanguine suo, alligavit autem fortem illum serpentem vectem.

5. Visitavit etiam nos infirmos, & multum temporis in infirmitate & languore habentes: impenditque nobis curam suam, visitans nos in salutaris suo, & infuso vino, oleoque suae veritatis & charitatis, alligavit vulnera nostra, & usque ad sanitatem perduxit. Insuper autem langviores nostros ipse in se suscepit, & eos pertulit, & vulnera nostra ipse portavit, factus vir dolorum, & sciens infirmitatem. Nos autem livore ejus sanati sumus.

Luca 23.
43.

6. Insuper peregrinos nos, imò profugos à Domino, & in regionem longinquam digressos filios à Patre, prodigos, & omnis substantiae profusores, ipse collegit, & in hospitio Ecclesiae suae collocavit. In cujus figura, cum ei se quidam valde peregrinus, atque adeò latronum secum crucifixorum unus obtulisset, non aspernatus eum, excepit non tantum hospitio Gratiae & miserationis suae, verum etiam Paradiso atque Regno suo: dicens ei, & re ipsa complens. *Hodie mecum eris in Paradiso*, quod verbum etiam nobis in salutem est, sicuti & latro est in exemplum. Et nos enim latrones fuimus, rapinam arbitantes gloriam Dei, & patrans operibus tenebrarum, fuimus inimici, & peccatores, & naturam filii irae, socii magni illius furis, filii autem alterius, sed interest agamusne poenitentiam, & confiteamur tum Domino peccata nostra, tum Dominum confitendo gloriam & misericordiam ejus, atque ab eo mendicando gratiam, & memoriam nostri in Regno ejus.

Rom. 6.
4.

Ibid. V.
10.

7. Ad extremum Dominus noster vespillonem egit, sepeliens omnes mortuos nostros in rubro mari, sanguinis, meritum, dolorum, & mortis, crucisq; suae. propter quod Apostolus ait de omnibus nobis, quod *Consepulti sumus cum Christo per baptismum in mortem, ut quomodo Christus resurrexit à mortuis per gloriam Patris, ita & nos in novitate vitae ambulemus*. Vnde quemadmodum quod Christus mortuus est, peccato mortuus est semel, quod autem vivit, vivit Deo; ita & nos existimemus, Nos mortuos quidem esse peccato, viventes autem Deo, in Christo IESU Domino nostro. Sepelivit nos ergo Dominus noster in sanguine, morte, Cruce sua. Nos inquam peccatores, filios irae, filios Adae veteris. Vivificavit autem nos in Resurrectione sua, & complantavit eidem resurrectioni in vitam aeternam.

Ita ergo Dominus noster opera misericordiae omnia exercuit circa nos,

ca nos,
riter &
nimis su
mus, Ca
mamus,
turam in
nobis, i
in fratre
recipiat
ta, glori
atque d
hadi, &
firi, &
eram, &
collegist
quibus
Patris
mundi
nudi in
fection
se. Ho
superfl
quod m
peccat
nobis.

Mo
decim
per C
ejus.
Christi
ascend
Intelle
& rep
quitur
pagin

canos, & quidem Passione sua pretiosa. Vtique erudiens nos, ut pariter & nos Minimos Christi, siue potius ipsum met Christum in minimis suis, Esurientem pascamus, sitientem potemus, Nudum operiamus, Captum, Infirmum, Peregrinum visitemus, colligamus, redimamus, consolemur, mortuis sepultura honorem, vel etiam sepulturam ipsam impendamus. Dignus certe Christus est, qui talia pro nobis, imò nobis, tanto suo impendio fecit, ut etiam in membris suis, in fratribus nostris, imò verò, ut ipse loqui dignatur, fratribus suis, recipiat à nobis. Vt olim cum venerit in maiestate & virtute multa, gloriaque Patris, cum Angelis Sanctis, iudicare sæculum per ignem, atque discernere populum suum à non suo. Oves segregans Pastor ab hædis, audire liceat nobis. *Quia esurivi & dedistis mihi manducare, sitivi, & dedistis mihi potum, nudus eram, & cooperuistis me, captivus eram, & redemistis me, infirmus eram, & visitastis me, hospes eram & collegistis me, mortuus eram, & sepelivistis me, in minimis fratribus meis, quibus quidquid fecistis propter me, mihi fecistis. Venite ergo benedicti Patris mei, possidete paratum vobis à Patre meo Regnum à constitutione mundi.* O quomodo in illa die vellemus ipsimet esurisse, sitivisse, nudi incessisse, cæteraque ejusmodi opera bona, usque ad nostram defectionem, Christo nostro in pauperibus ejus propter eum impendisse. Hoc igitur nunc faciamus, hoc nunc frequentemus, & vel saltem superflua, minusque necessaria nostra, in hos usus impendamus, ut quod nobis superest, pauperibus autem deest, *elemosynam dantes omnia peccata nostra, tam quoad culpam, quam quoad poenam, munda sint nobis.*

Matth.
25. 33.

Luca ii.
41.

M O D V S LXXXII.

Modus Octogesimus secundus meditandi Dominicam Passionem est. Scrutando in ea septem dona Spiritus Sancti, nec non duodecim fructus ejusdem, quos omnes, indubitatum est requievissse super Christum semper, & eluxisse in omni vita, Passione, & Morte ejus. Et de donis quidem attestatur Isaias, cum disertè loquens de Christo. *Et egredietur (ait) virga de radice Jesse, & flos de radice ejus ascendet, & requiescet super eum Spiritus Domini, Spiritus Sapientie & Intellectus, Spiritus consilii & fortitudinis, Spiritus scientie, & pietatis, & replebit eum Spiritus timoris Domini.* Quibus verbis manifestè loquitur Propheta de Messia Christo ex Virgine MARIA, Jesseæ propaginis filia nascituro, & inter nos in mundo conversaturo, & in Cru-

Isaie iii.
1.

cē exaltando, ubi & efflorescere debuit, in Nazarenum Regem Iudaeorum, & abundantia donorum suorum & fructuum repleturus universum orbem terrarum, ramosque suos expansurus usque in fines terrarum, ad instar arboris illius apud Daniele Prophetam, *cujus altitudo per-tingit ad cælum, & aspectus illius, in omnem terram, & rami ejus pulcherrimi, & fructus ejus nimius, & esca omnium in ea, subter eam habitantes bestie agri, & in ramis ejus commorantes aves cæli.* Cui arbori longè justius comparari debet Dominus noster Iesus Christus, quàm Babylonis Rex. Iam verò de fructibus ejusdem Sancti Spiritus in Cruce potissimum Christi requirendis, & inveniendis luculenter etiā asserere videtur Paulus Apostolus, qui cum dixisset, quod *fructus Spiritus est Charitas, Gaudium, Pax, Patientia, Benignitas, Bonitas, Longanimitas, Mansuetudo, Fides, Modestia, Continentia, Castitas*; hoc inquam cum docuisset, mox subjecit. *Qui autem Christi sunt, carnem suam crucifixerunt, cum vitiis & concupiscentiis.* Per hoc procul dubio indicare volens fructus Spiritus per crucifixionem sui, & per participationem Crucis Christi esse conquirendos, utpote ibidem potissimum à Christo reservatos, atque propter suos fideles electosque tum depositos, tum exhibitos, inibique ab hisdem requirendos, & decerpandos, qua de re licebit meditari hunc in modum Passionem Domini.

I. Igitur in Christi Passione elucescit Spiritus Timoris Domini. Cum enim Christus Passus sit pro peccatis nostris, & Justitiæ Dei pro iis plenè, & supra mensuram debitam satisfecerit, omnemque severitatem & rigorem iræ Paternæ in se exceperit, mortemque, & mortem quidem Crucis, omni genere probri, amaritudinisque exaggeratam subierit. Quis non videt ex tanto spectaculo, quanta sit vel peccati enormitas, malitiæque, vel rigorositas Iustitiæ Divinæ, vel poenarum peccatis nostris, aut potius propter peccata nostra nobis debitaram magnitudo, quandoquidem necesse fuit Christum Dominum unigenitum Dei tanta perpeti, & tam crudeliter probrosequē emori. Ex quo tanto exemplo, nonne meritò Spiritus Timoris Dei concipitur, parturiturque, ut tandem pariatur spes salutis. Qui est, declinare ab omni malo, neque defluere in concupiscentiam delectabilium, tam Carnis, quàm mentis vanitatum, nec aded poenam metuere peccatorum à Deo, quàm potius peccatum ipsum abhorrere in Patrem, propter cujus reverentiam, tam dira sustinuit unigenitus ejus in Cruce. Ad hoc Timoris casti donum spectat fructus *Modestie*, mode-

rans animam, fructus item *Continentiæ*, frenans sensualitatem: denique fructus *Castitatis*, sciens possidere vas suum in sanctificationem.

II. Elucescit quoque in Passione Domini nostri *Donum Pietatis* unà cum fructu *Bonitatis atque Benignitatis*. Quid enim Pium, quid Bonum, atque Benignum magis cogitari potuit, aut potest, quàm Dominus noster Iesus Christus? qui usque ad eò in Deum, & in proximū pius benignusque apparuit, ut propter pietatem hanc, etiam pro peccatoribus, pro inimicis, pro indignis, pro ingratis, pro inutilibus, tam amarā Passionem sustinere non dubitaverit. Vbi quaeso, & ex quo exemplo Christianus discet pietatem, in Deum, in proximum, in seipsum, si ab exemplo Christi Domini, Magistri, ac Regis sui eam non discet? Vbi discet habere Christianus voluntatem pronam, ad volendum bene, & promptam ad faciendum benignè cuilibet proximo propter Deum, si eam à Patientē, & in Patientē Domino suo non discet?

III. Elucescit quoque in Passione Domini *Donum Fortitudinis*, simulque fructus *Patientiæ*: cuius opus est, pericula vitæ, arduos labores, detrimenta bonorum, iacturas honoris, aliaque his similia hominibus vulgò pretiosa, contemnere, & aggredi, & appetere, & perferre, & vincere propter Deum, eo modo quo videmus Dominum Iesum, in Passione potissimum sua, hæc, plus quàm heroicā fortitudine patientiæque, non solum aggressum esse, verum etiam plenissime debellasse. Hoc suo exemplo erudiens fideles suos, nihil omnino in hoc mundo formidare, præter unum ac solum Deum, qui solus revera timendus est, & quem solum formidare, vera est Fortitudo, & magnanimitas maxima.

IV. Elucescit quoque in Domini nostri Passione, *Consilii Donum* fructusque *Longanimitatis*. Contempsit enim Dominus noster omnia, quæ hic mundus æstimat, & totis viribus quærit, atque concupiscit, & coacervat. Sive quæ ad concupiscentiam oculorum, sive ad concupiscentiam carnis, sive ad vitæ superbiam factumque pertinent, vitam denique ipsam & famam, & incolumitatem omnem postposuit, uni Divinæ gloriæ, salutique nostræ. Per hoc dans nobis exemplare consilium, quo salubrius nobis esse potest nullum. Vt scilicet impendamus nos Deo, ejusque obsequio, præ omnibus aliis desideriis, studiisque nostris; imò omnia illa exuamus penitus, ut in hoc solum toti vacemus. Etiam si eā causā esset nobis exhauriendus calix totus vilificationum, dolorum, mendacitatis, contradictionis, persecutio-

nis,

nis, odiorum, & periculorum, & quidquid est demum in Passione Domini nostri; ut ejus ad instar simus, totique in illum contemptum, pauperem, stultificatum, dolentem, crucifixum, omniq; opprobriorum ac miseriarum genere saturatum transformemur, gaudentes nos ejus dignationibus indutos esse. Nullum enim salubrius & gloriosius consilium Christiano esse potest, quàm indui Dominum suum IESUM Christum, & in eum penitus visceraliter transformari. Ad hæc docet nos Dominus Passione suâ pro nobis, illud consilium, ut studeamus juvare miseros in eorum necessitatibus, ut & ipsi mereamur juvari in nostris à Domino. Quia enim labor & dolor invenerunt & possederunt nos in ista vita, *Si quisque adjuvetur à superiore, nullo modo sibi est idoneus, ut sese tantis miseriarum implicamentis expediat: idcirco est justum consilium, ut qui se a Potentiori adjuvari vult, adjuvet ipse infirmiores, in quo est ipse potentior.*

*Aug. lib.
1. de Ser.
Dom. in
Monte.
C. 4.*

Elucescit in Passione Domini etiam *Donum Scientiæ, Mansuetudinisq; fructus.* Sive enim hæc sit illa scientia supereminens charitatis Christi, quâ scitur Longitudo, Latitudo, Sublimitas, & Profundum Crucis Christi, sive sit scientia ineffabilium secretorum & causarum Dei, quibus mota Sapientia, Potentia, Bonitas, Misericordia, Iustitia, Charitas, veritasque ejus, per Incarnationem Filii Dei, salutem nostram operari, gloriam suam manifestare, omnia, quæ per peccatum in coelo & terra destructa erant, morte Christi reparare, & constituit, & re ipsâ perfecit. Sive etiam sit scientia sacrarum scripturarum, quatenus illa Christum, partim expressè, partim figuraliter, non minori artificio, quàm dulcore prorsus divino, ubique sonant, ut ubique in eis Christus maximè Passus inveniri possit. Sed Sacram Scripturam non superbe discutere, neque arroganter reprehendere oportet, verum humiliter inclinatâ cordis cervice, jugum ejus eloqui, fluentaq; mysteriorum interiorum, in quibus & Elephas tumidus natat, & Agnus mansuetus ambulat subintroire, rogando, & pulsando cum Sponsa Domini, ut introducatur in cellas vinariæ ejus. Sive etiam scientia hæc sit Cognitio visibilium istarum rerum, quas inter versamur, quibus etiam utimur; & quibus, si modò novimus & volumus, neque oblucentes lumini fidei nostræ sumus, tanquam per scalarum inferiores gradus ad Superiores ascendimus, & tanquam per exteriores portas atriaque, ad interiores aditus habitationesque, tanquam per materialia ad spiritualia, tanquam per creata ad divina, tanquam per visibilia & circumscripta, ad invisibilia, & lumine incircumscri-

pto

pto latenter patentia, introgredimur, aut potius à Spiritu magistro, veluti manu ducimur. Omnibus his scientiæ sive generibus, sive partibus Passio Domini Nostri redundat, & contemplatorem sui humilem, devotum, mansuetumque replet, juxta illud quod dictum est. *Docebit mites vias suas.*

Psal. 24.

VI. Elucescit in Passione Domini Donum *Intellectus, & Fidei fructus*. Cum enim Passio Domini penitiora ingreditur Anima, cujus cor fide purificatum est, sanguine Christi ablutum, vulneribus charitatis saucium, Cruce Christi saginatum, morte vivificatum, redditur anima idonea ad percipiendas, penetrandasque veritates illas, ob quarum confirmationem Christus in Passiois labores, atque adeo in ipsam mortem, mortem autem crucis descendit. Intelligit specialiter Anima in Domini Passione erudita pretium sui, & quidem non à qualicumque æstimatore, sed ab ipsa sapientia Æterna, atque Prima Veritate: cujus judicio atque sensu, de pretio & valore sui, ex Passione Christi cognito: agnoscit se unam solam, universo mundo pretiosorem, agnoscit nullam esse ponderationem, quæ sibi comparari possit, agnoscit nullam in creaturis etiam simul omnibus, commutationem posse fieri, sciens disertè dictum à Veritate Æterna. *Quid prodest homini, si universum mundum lucretur, anima verò sua detrimentum patiatur, aut, quam dabit commutationem homo pro Anima sua?* Agnoscit adhuc se pluris æstimatam esse, quam ipsummet sanguinē, vitamque Christi, quandoquidem ille sanguinem pro ea fudit, vitam suam in mortem dedit. Agnoscit quoque per sui unius reparationem, reparari quoque omnia, sive quæ in cælo, sive quæ in terra, adeo ut ipsæ Angelicæ ruinæ, ab hac reparatione, sui quoque instaurationem & expectent, & accipiant. *Placuit enim Deo instaurare omnia in Christo:* per mortem quidem Christi, per vitam verò Humanæ Animæ. Agnoscit denique viluisse propemodum sibi ipsum Deum propter Animam, cætera quidem pauperem, & planè per omnia miseram, attamen Dei æstimatione quasi Deo, & Unigenito ejus pretiosorem, ita ut non vereatur dicere. *Qui dilexit me, tradidit seipsum pro me.* Et quidni præsumat hæc, quando audit ipsum Dei Unigenitum profitentem. *Sic Deus dilexit mundum* (Animas utique amatrices, inquilinas hujus mundi) *ut filium suum unigenitum daret, ut mundus salvetur per ipsum.* Hæc omnia anima discit perquam luculenter, atque superplenè, ex unico Passi Christi in Cruce expanso libro. Unde etiam intelligit omnem obligationem suam, quâ obstricta est, tan-

9.

Matth.
16. 26.

Eph. 1.
10.

Gal. 2.
20.
Ioan. 3.
16.

to amatori, tanto appretiatori, tanto emptori, & Servatori suo. Intelligit, illud se potissimum debere, ut nihil sciat aliud, nisi IESVM, & hunc Crucifixum. ut nihil amet nisi IESVM, & hunc Crucifixum. ut nihil possideat nisi IESVM, & hunc Crucifixum. ut nihil repræsentet in se, in moribus, in sermonibus, in vita, nisi IESVM & hunc Crucifixum, ut nihil inhabitet, nisi IESVM & hunc Crucifixum: nihil induat nisi IESVM, & hunc Crucifixum. ut nihil spiret nisi IESVM & hunc Crucifixum. ut denique nihil vivat, nisi IESVM, & hunc Crucifixum. O Bone Iesv Passe pro me, da mihi intellectum, & vivam Te IESVM, & hunc Crucifixum.

VII. Elucescit etiam in Passione Domini. *Donum Sapientie, & simul fructus Charitatis, Pacis, & Gaudii.* In Christo enim Passio, si quid elucet, elucet maximè sapientia Dei, aded, ut eam ibi agnoscere & degustare, consummata sapientia sit, quam non potest non comitari Charitas, & Pax, & Gaudium, exsuperans omnem sensum, omne votum, omnem captum. Fieri enim nullo modo potest, ut quis ingressus cellaria sapientie Dei, in Christi scilicet vulnera intromissus, non statim repleatur vino Charitatis, Bonitatis, Miserationis, Liberalitatis, Iustitiæ, Potentiæ, Veritatis, & omnis denique Divini Boni, atque aded ipsiusmet Divinitatis, tam quoad essentiam, quam quoad Personas, quam denique quoad Incarnationis verbi & economiam universam. Adhuc autem in Christi Passione, seu Christo Passo, repræsentatur multiformis sapientia Christi, secundum quam ille sese erga Deum Patrem suum gessit, nullam omnino speciem refugiens, quæ assumptâ posset gloriæ & gustui Patris subservire. Ergo se Christus Patri gessit ut Deum æqualem Deo, ut unigenitum & Filium, ut Regem Regum, & Dominum Dominantium, gessit etiam se ut servum, ut mancipium, ut jumentum, gessit se ut egenum, ut vilem, ut stultum, ut blasphemum, ut impiis improbiorem, ut amicum publicanorum, ut legis dissolutorem. Gessit se insuper ut peccatorem, ut peccatum, ut maledictum. Gessit se ut totius mundi scelerum reum, ut quasi non filium, quasi à Deo derelictum, quasi infamem, & probrosum, & damnicum, in furorem versum, pseudoprophetam, non à Deo hominem, demumque in patibulo Crucis in medio latronum mortuum, tandemque sepultum. Quis aded multiformem formam Christi nostri intuens assequatur, & eloquatur sapientiam Dei, quis assermet hac ratione agi salutem mundi, sic redimi genus humanum, sic aboleri peccatum, sic diabolum vinci, sic mundum calcari, de-
bella-

bellari carnem, superari mortem, spoliari infernum, referari cœlum, iram Dei placari, aboleri offensas, iustitiæ satisfieri, rebus pacem dari, exaltati Deum, gloriam ejus propagati, misericordias effundi, veritatem probari, promissa compleri? Quis credat his mediis ad illos fines pertingi? Quis speret his argumentis inveteratissimos errores mundi confutari, convinci, dedoceri, stultitiam prædicationis amplecti, & in probro scandaloque Crucis gloriari? Crucifixum inter latrones, ut Deum agnosci, coli, exaltari, omnibus viribus, omnibus operibus, omnibus impensis, sanguinis, honoris, libertatis, vitæ, inter omnes gentes, in omnibus regionibus terræ, in omnibus sæculis temporum? Ergo unum solumque Christum Crucifixum nôsse tota sapientia est, eum autem solum ignorare, absoluta stultitia. Quoniam verò sapientia saporē habere debet, quo si careat, sapientia nec esse, nec dici potest. Totum hoc, quod sapientia agnoscit intellectu, etiam voluntate sapere, gustare; atque veluti manducare debet. Itaque quisquis supra dicta in Christo Passio, & ex Christo Passio cognoscit, eadem etiam voluntatis affectibus juxta cujusque exigentiam tenere, atque saporare, seu sapere debet: potissimum autem, Deum super omnia æstimando, proximum sicut semetipsum diligendo, ad sui contemptum omnimodum, exemplo Christi, & desiderio similitudinis ejus anhelando, peccatum super omnia mala odiendo, & fugiendo. Dei voluntati cordialiter æternaliterque secundum ipsammet voluntatem Dei inhaerendo, deque ejus obedientia tam summè gaudento, quàm de inobedientia medullitùs dolendo, denique secundum imaginem Crucifixi Jesu ita omnia in Anima, & corpore, inque omnibus viribus horum, ita inquam ordinata, pacata, Christo conformia habendo, ut nullus in homine motus adversus rationis lumen, adversus fidei ductum, adversus exemplaris Christi regulam, rebellis sit; sed cuncta obtemperent homini in homine, prout & ipse homo plenè obtemperet Deo: sicque fruatur & gaudeat homo ipso se sibi subiecto, sicut fruatur & latetur idem homo, Deo sibi benignè familiaris, & familiariter benigno.

Hunc igitur in modum Passio Christi Donorum fructuumque Spiritus, & speculum, & magistra, & largitrix est iis, quibus interiora ejus patefcunt. Patefcunt autem illis, qui in Passione Domini, obstinata assiduitate erudiri laborant, & gaudent, in exaltatione Dei, in dilectione proximi, in vilificatione, & exinanitione & perditione sui, in odio peccati, in imitatione Jesu Christi, propter Jesum, & hunc Crucifixum.

M O D V S LXXXIII.

Octogesimus tertius Passionem Dominicam meditandi Modus esse potest; Considerate illam, quomodo omnia septem Sacramenta Ecclesiæ ab ea manant, efficaciamque omnem sumunt. Cum enim Passio Domini sit una & sola, & universalis medicina vulnerum, apotheca pharmacorum, balneum puritatis, debellatio & victoria hostium, armatura contra omne inimicorum genus, sacrificium pro peccatis, & holocaustum, mors vitiorum, vita virtutum, thesaurus meritorum, fons gratiarum, officina sanctificationis, resuscitatio mortuorum, conciliatio pacis, testamentum fœderis æterni, placatio Patris æterni, clavis cœli, jus ad beatitudinem æternam, & denique totum id, quidquid ad salutem nostram pertinet. Sacramenta autem sint totius Passionis hujus, omniumque in ea contentorum bonorum receptacula, & veluti gazophilaciæ ex quibus Ecclesiæ pro usu, necessitatibusque filiorum suorum depromat, ut incolumitatem, copiam, opulentiamque filiorum suorum promovere omni tempore, loco, occasione, possit. Manifestum est Sacramentorum virtutem omnem à Passione Christi esse.

*vide supra
Mōd. 43.*

Hoc autem multo etiam plenius affirmari & credi debet, de Sacratissimo Sacrificio Missæ, in quo non tantum est efficacia Passionis, ut in Sacramentis esse diximus: sed est ipsamet Passio, ipsaque Christi realis oblatio, & immolatio, & ipse Christus in Persona sua, actu offertur à semetipso in illum eundem salutis nostræ finem, in quem super aram Crucis, in monte Calvario olim, oblatus fuit. Et quanquam etiam in Sacramento Eucharistiæ, realiter est Christus præsens totus: non est tamen ibi cum Sacrificatione oblativa sui, (estd per eam ibi constituatur) sed per solam præsentiam suam instar convivii, cibi, potusque ad nutrimentum animarum nostrarum.

His positis non est difficile pio meditati, pervidere omnia Sacramenta Ecclesiæ in Passione Christi, eorumque ex ea dimanationem, efficacitatis derivationem.

Baptismum esse in Passione, & ex Passione Domini satis constare potest vel ex eo, quod illam Dominus ipse noster vocet Baptismum suum. *Baptismo* (inquit) *habeo baptisari, & quomodo coarctor usque dum perficiatur?* Et Petrus Apostolus cum dixisset, temporibus Noë per contemptibile lignum (Arcam scilicet) salvatas fuisse octo Animas à diluvio, mox subdit, etiam nunc fideles Christi per Baptisma simile

*Sap. 10.
4. 1. Pet.
3. 20.*

simile illi Noëtico saluos fieri, alludens sinè dubio, hanc similitudinē inter Baptismum nostrum & diluvium Noë in eo esse, quod utrumq; fieret per contemptibile lignum, nempe per Arcam ibi, hūc verò per Crucem Christi, quo satis ostendit Apostolus: Baptismi virtutem, à Cruce & Passione Christi esse. Unde alius Apostolus ait ad nos per aquam & sanguinem venisse Filium Dei.

1. Ioan. 5.

6.

Confirmationis Sacramentum etiam ex Christi Passione tum manare, tum vim suam desumere, ad baptisatorum Animas confirmandas, atque militiæ Christi contra Carnem, Mundum, Diabolum authorandas, dubitari non potest. Cum constet *Arma militiæ nostræ non esse carnalia, sed spiritualia & esse potentia Deo*: & insuper non tam esse contra carnem & sanguinem licet & contra hæc ambo, sed tamen primariò adversus principatus & potestates, & adversus mundi Rectores tenebrarum harum. Istos autem hostes non posse debellari à nobis, nisi virtute Passionis & Crucis, Mortisq; Christi; quā scilicet & ab ipso Christo Domino Nostro sunt debellati, dicente ipso Domino, *quod cum fortis armatus custodit atrium suum, in pace sunt omnia, quæ possidet*: cum autem fortior supervenerit, & vicerit eum, arma ejus & spolia, in quibus confidebat, auferet, & vasa ejus diripiet. Quod totum à Christo Domino, diaboli hunc mundum tyrannide prementis potestati factum est: debellatus est enim, victus, armis & spoliis fiduciæ suæ privatus: & non per aliud nisi per Christi sanguinem, Crucem, vulnera, mortem. Exinde ergo etiam milites Christi robur sumunt, exinde athletæ unguntur, & firmantur, arma Deo potentia, demonibus formidanda accipiuntur, exinde unguntur, exinde ad luctam idonei redduntur.

2. Cor.

10. 4.

Eph. 6.

12.

Luca 11.

21.

Eucharistiæ Sacramentum in quo ipse Christus totus realiter præsens est; non tantum ex Christi Passione vim suam sumit, sed ipsum in se Passum Dominum, ipsam Passionem ejus, atque mortem, & repræsentat, & continet, & exhibet in Cibum, atque Potum, in saginationem atque impinguationem Animarum nostrarum, in vitam gratiæ sanctificantis, & in vitam quoque Gloriæ beatificantis. Unde optime filii Ecclesiæ canunt exultantes; O Sacrum Convivium, in quo Christus sumitur, recolitur memoria Passionis ejus, mens impletur gratiâ, & futuræ gloriæ nobis pignus datur.

Pœnitentiæ quoque Sacramentum, in quo est Medicina morborum vulnerumque nostrorum: non aliunde nisi ex sanguine morteq; Christi. Sicut enim sanguis ille pro peccatis nostris fusus est; ita etiam eo-

rundem peccatorum vulneribus idem sanguis unica medicina est. Quæ quia fuerunt ad mortem, ideo necesse fuit propter eorum sanationem ipsum unigenitum Dei occidi. Hoc Sacramentum exercuisse videtur Dominus noster in Latrone poenitente, & scelera sua confitente. Ad exercitium quoque huius Sacramenti potest pertinere videri, descensus Animæ Christi ad inferos, ubi animabus in purgatorio prenas omnes indulgentia plenaria relaxavit, easque cum ceteris Sanctis participes beatitudinis fecit.

Ordinis Sacramentum, quemadmodum ad dispensationem, imò verò etiam ad confectionem, & sacificationem sanguinis atque Corporis Christi, meritorumque illius, in totum Ecclesiæ Christi corpus institutum est, ita nonnisi ex Passione atque Morte Christi potestatem, auctoritatem, efficaciamque habet; propter quod Dominus Iesus vs, etiam si pridie quàm moreretur Sacramentum Ordinis instituit, ad ejusdem Passionis suæ memoriale perenne: Memoriale autem non sterile & vacuum, sed cum representatione ejus reali, atque actuali, sed cum quotidiana ejus restauratione atque repetitione: ita ut quod in die Parasceves eruento peractum est sacrificio in altari Crucis, à Summo Sacerdote Christo, hoc ab initiatis Sacramento Ordinis, fiat reverà, & actualiter quotidie in Ecclesia per sacrificium incurrentum Altaris.

Matrimonii Sacramentum, ex sponso quoque sanguinum, hoc est ex Christi Incarnatione & Passione vim suam sumit. Imò verò ejus quædam imago est: dicente à postolo, quòd *Sacramentum hoc* (Matrimonii scilicet) *magnum est. Ego autem dico in Christo & Ecclesia.* Sicut enim Christus sponsam suam Ecclesiam, & quæsit, & lavit in sanguine suo, ut exhiberet eam sibi absque ruga & macula, & sic sanguine suo sanctificatam atque dotatam, sponsavit sibi in fide: verè sponsus sanguinum existens; ita in virtute huius desponsationis Christi & Ecclesiæ, Christianum Matrimonium gloriam Sacramenti, & gratiam efficaciamque habet, ad filiorum Ecclesiæ, fideliumque Christi propagationem, qui quamvis in peccato, etiam post Sacramentum nascuntur, virtute tamen Sacramenti jam tunc signantur ad gratiam, & adoptionem filiorum Dei, & ad filiorum Ecclesiæ numerum communionemque designantur, propiori quodam jure, quo infidelium filii carent.

Unctionis extremæ Sacramentum est quoque Passionis Christi fructus: quo Sacramento & completur sanctificatio nostra, profectioque
ad

ad Deum instruitur & peccatorum reliquiæ abolerentur, & Anima pro ultimo cum hostibus nostris luctamine inungatur, & corpora morbi (si ita expedit) sanantur, certè alleviantur, & tolerabiliore infirmis sunt. Hoc autem totum, virtus est Passionis & Mortis Christi, cujus sanguis, oleum est miserationis, & balsamum unctionis, & robur infirmitatis, & certaminis tessera, & omen extremæ victoriæ, & tutela transitus, ex hac vita, ad alteram æternam vitam.

In hunc ergo modum in Passione Christi Sacramenta omnia considerare licet, & quomodo ex vulneribus Passi Jesu omnia promanent, virtutemque sumant, agnoscere. Non solum autem hoc, verum etiam si superiores modos meditando rectè expendimus, omnia quæ in Christiana vita, Christi quæ Ecclesia continentur, elucescere in Passione Domini advertimus, sive Præcepta Decalogi, sive Consilia Evangelica, sive Opera Misericordiæ, sive virtutes Theologicas, atque Morales, sive Dona & Fructus Spiritus Sancti, sive Sacramenta septem, sive sacrificium omnis generis. ut verissimè affirmetur Christum, in sua, imò, suâ Passione genuisse, desponsasse, ornasse, & dorasse sibi Ecclesiam, cum omni illius perfectione, sanctitate, & ornatu, prout ex prædictis, facile patet.

M O D V S LXXXIV.

Octogessimus quartus meditandi Passionem Domini Modus esse potest: considerando quomodo in Passione sua Dominus noster Angelicas perfectiones, atque proprietates, nec non ministeria, nobis ex scripturis sacris nota, & exercuerit, & expresserit, & insuper etiam exceßerit.

Angelos Sanctos, præcipuâ ratione nobis commendat pietas, quam Dominus Deus noster mandavit illis de nobis, ut custodiant nos, in omnibus viis nostris, ne unquam offendamus ad lapidem pedes nostros, utque super aspidem & basiliscum ambulemus, & conculcemus leonem & draconem. Neque id solum, verum etiam, ut ducant nos per viam, quâ ambulemus ad patriam, præbendo lumen in tenebris, præsidium in periculis, solatium in mœroribus, robur in difficultatibus, refectiorem in laboribus, stimulum & animum in cessationibus, eruditionem & revelationem in ignorantibus. Hæc omnia longè plenius est nobis Dominus noster Iesus Christus, qui est verus Testamenti Angelus, est Agnus qui solvit signacula libri, septem Sigillis clausi, est ipse liber scriptus intus & foris. Ille Passione potissimum suâ revelavit nobis

Iacob
15.Ps. 90.
11.

my.

mysteria abscondita à constitutione mundi. Propter quod Petro ad Passionem suam impediendam nonnihil procedenti & coranti, dixit inter alia. *Calicem quem dedit mihi Pater, non vis ut bibam illum? quomodo ergo implebuntur scripturae, quia sic oportet fieri?* Idem Dominus noster piissimâ Passione suâ, & liberavit nos, & assidue liberat, ab omnibus incommodis periculisque salutis, & corporis quidem, sed potissimum Animæ, liberat autem purgando, illuminando, inflammando, confirmando, protegendo, consolando, adjuvando, ornando, ducendo, gratiis, meritis, omniq[ue] genere beneficiorum, usque ad possessionem vitæ æternæ, quæ non nisi per ipsam obtinetur.

Archangelorum, prout ipsum nomen sonat, munus est, majora & graviora Divinæ voluntatis decretorumque annuntiare. Quis autem & quando nobis grandiora mysteria & arcana revelavit quàm Christus in sua Passione, ac per Passionem. Christus Passus atque Crucifixus, revera Michaël fuit: qui nobis, quod nemo esset *Sicut Deus*, ostendit. Christus Passus etiam verè Gabriel fuit, qui fortitudinem Dei in nostra licet infirmitate absconditam exercendo nuntiavit. Christus item Passus Raphaël, seu Medicina Dei nobis exstitit, quoniâ ille Passione suâ, totius mundi sanitatem fecit. Denique Christus Passione & morte suâ, Patrem nobis reconciliavit, cælum aperuit, mortem nostram vicit, mundum calcavit, peccata delevit, vires diaboli confregit, vitæ æternæ nos hæredes constituit. Hæc si quis Spirituum coelestium nobis facta vel futura nuntiasset, meritò à nobis Archangelus dici debuisset. Christus ista omnia nobis nuntiando fecit, & faciendo nuntiavit, ita ut verissimè dixerit, tum Apostolis, *Omnia quaecunque audivi à Patre meo, nota feci vobis.* tum Iudæis. *Si non facio opera Patris mei, nolite credere mihi, si autem facio, & si mihi non vultis credere, operibus credite.* Horum verò operum, maximè vocalissima est Passio Christi, & vulnera, & Mors. Ipsa est enim exsecutrix omnium, ipsa lingua omnium, ipsa sigillum & obsignatio omnium. Noster ergo Archangelus fuit Passus Iesus, & omnium Archangelorum Princeps, atque Dominus.

Virtutes hoc muneris habent, quod operentur mirabilia atque miracula supernaturalis Ordinis, quin etiam ordinarium supernaturalitatis modum superantia. potissimum in Hominum ad Deum, ejusque Gloriam & voluntatem, subjectionem, tum verò ad ipsorummet illorum salutem æternam, accommodata, atq[ue] ordinata. Totus, & semper, & ubique fuit talis Virtus, Christus; at maximè, & specialissimè effi-

efficaciss
lenter aff
terra, on
stra pecc
nostrum
ut rescin
minum
ret; om
ut oblig
hoc aut
obscura
Petrat
li templ
Conver
Clamor
Passion
ligatio
coelestiu
Mortis
consilia
tatione
per sang
zo, Mol
virtutes
test, qu
bat om
Prin
repræse
nium c
quam
ideo qu
minus
ta, qua
patum
facta s
Propte
procel
ventum

efficacissimeque in Passione & Cruce, atque Morte. Quod ipse luculenter affirmavit aliquando Iudais dicens. *Ego, cum exaltatus fuero à terra, omnia traham ad me ipsam.* Et traxit revera omnia quidem nostra peccata, ut ea deleret; omnia nostra vulnera, ut sanaret; omnium nostrum mortem, ut vivificaret; omnium nostrum condemnationem, ut rescinderet. Traxit omnem furorem hostium, demonum, & hominum, ut patiendo vinceret. Omnem iram Patris Aeterni, ut placeret; omne iustitiae debitum, ut solveret. Omnium nostrum corda, ut obligaret. Omnium nostrum Animas, ut beatas faceret. Præter hoc autem, Virtutis Passionis Christi atque Mortis fuit, Terræ motus, obscuratio solis, in medio die & plenilunio per universam terram, Petrarum scissio, sepulchrorum apertio, Mortuorum resuscitatio, veli templi rescissio. Passionis quoque ac Mortis Christi virtus fuit, Conversio latronis, Confessio Centurionis, Populorum poenitentia, Clamor validus in morte, Oratio pro Crucifixoribus. Virtus etiam Passionis Christi & Mortis fuit, victoria mundi, evacuatio inferni, Allegatio diaboli, Confusio mortis, Iustificatio impiorum, Pacificatio coelestium atque terrestrium, reformatio cælorum. Virtus Passionis & Mortis Christi est, Conversio Humani generis ad fidem, ad legem, ad consilia, ad doctrinam, ad spem, & fiduciam, ad æmulationem & imitationem, ad confessionem & dilectionem Christi, etiam per vulnera, per sanguinem, per mortem pro Christo, & quidem Christo Crucifixo, Mortuo, & sepulto. Hæc Christi Passionis virtus, omnes excedit virtutes, omnesque virtutum operationes. De Passio Christi dici potest, quod de vivente dictum est. *Quia virtus de illo exibat, & sanabat omnes.*

Principatus habent hoc proprium sive naturæ, sive muneris, quod representent Deum tanquam Principem, principiumque rerum omnium creatarum, quæ omnes ex Deo tanquam ex fonte aquæ, tanquam ex mari flumina, tanquam ex terra germina, progrediuntur, ideoque etiam Deo subsunt, atque ab eo gubernantur. Christus Dominus noster longè iustius pleniusque representavit nobis, tam in vita, quam in morte Passioneque sua Divinum suum in omnia Principatum. Propter quod Evangelista de illo asseruit, quia omnia per ipsum facta sunt, & sine ipso factum est nihil. Quod factum est, in ipso vita erat. Propter hoc etiam, cum dormiente Domino in navicula, descendisset procella & venti in stagnum in quo navigabant, surgens increpavit ventum, & tempestatem, & mari dixit, tace, obmutescere; & cessavit, & facta

Ioan. 12.

32.

Luca 6.

19.

Ioan. 1.

3.

Luca 8.

23.

Lucæ 4.
41. facta est tranquillitas, dicebantque homines timentes ad invicem. *Quis putas hic est, quia & ventis & mari imperat, & obediunt ei?* Pari ratione tam morbis, quam mortuis, quam etiam ipsis dæmoniis imperabat, expellebatque ea, & increpans non sinebat ealogui. Porro in Passione sua, quantopere Principatum suum demonstravit, obscurum esse non potest. verbo suo prostravit universos milites, ministrosque & Sacerdotes, qui ad eum capiendum venerant. Verbo cohibuit eosdem, ne ullum ex discipulis suis apprehenderent; solo tactu, auriculam Malchi abscissam sanavit. Coram Concilio Iudæorum se Dei filium Christum, & Iudicem venturum in gloria denuntiavit. Coram Pilato Regem se esse professus est, esto non de hoc mundo: ejusdem minas repressit, dicens. *Non haberes potestatem adversum me ullam, nisi tibi datum esset de super.* Quid multa? Principatus Christi, super humeros Christi fuit, tum quando exivit bajulans sibi Crucem; tum quando Cruci affixus est, & titulo Crucis Regem se testatus est, & Latroni Regnum Paradysi appromisit, contulitque, & totum universum in planctum Passionis suæ Mortisque convertit. Denique Passio ejus universa, atque Mors in Cruce, aliud fuit nihil, quam exercitium Principatus sui, debellatio Tyrannidis diabolicæ, cui extorsit delevitque chyrographum decreti, quod erat contrarium nobis, & illud affixit Cruci, expoliavit quoque Principatus & potestates, & illos traduxit confidenter, palam triumphans illos in semetipso, passio, humiliato, exinanito, obediente, crucifixo, mortuo atque sepulto, demumque gloriose redivivo. Hæc eadem Domini Passio, fuit Principium & fons reconciliationis nostræ cum Deo, fuit fons sanctificationis, & justificationis nostræ, fuit fons filiationis, seu adoptionis nostræ in filios, & hæredes Dei, fuit clavis adaperiens celos & portas justitiæ, per quas ingreditur gens justa, id est Electi, in beatam æternitatem. Ad extremum Passione suâ Dominus Iesus quæ sivit sibi meruitque Principatum super omnia bona sua, juxta illud ipsiusmet dictum: *Oportuit Christum pati, & ita intrare in gloriam suam.*

Galos. 2.
14. Potestates Angelicæ, sunt repræsentatrices Omnipotentia Dei, tam respectu existentium, aut existiturarum, quam etiam respectu possibilem solum rerum. Quæ Deo plenissime subsunt, non solum quoad esse & existere, sed etiam quoad posse, etiam quoad vires & potestates earum: ita ut non sit potestas in ulla creatura nisi à Deo, cujus potestati, nemo prorsus, ne ad momentum; ille autem quovis momento, omni simul potestati resistere potest, eamque pro suo arbitrio

Lucæ 24.
26. mo-

moderari. Ejusmodi Potestas fuit, & excelluit in Christo, etiam Patientie, & quidem eminentius, atque naturalius, quam in omnibus simul Angelicis Potestatibus. Habuit & exercuit Potestatem Dominus ponendi animam suam, & iterum sumendi eam, neque ullus eam potuit tollere ab eo. Sapius tentarant inimici Dominum tenere, comprehendere, precipitare, lapidare; sed nihil proficere poterant, quia hora ejus necdum advenerat. Venit hora, aut potius ab ipso met adducta est hora, & tunc prevalere in eum visa est potestas tenebrarum, & hora inimicorum, & odium, invidia, rabiesque persecutorum: sed tamen etiam in hoc ipso viguit Potestas Christi Domini, quia illa manus impiorum atque hostium, quas ille in sese permiserat, ita suo incumbabant scelere, ut tamen famularentur obsequerenturque Redemptori. Perfecta est virtus infirmitate, Sanitas Passione, Redemptio Crucifixione, vita Morte, Gloria confusione, Iustificatio Iniquitate, Reconciliatio offensione. *Denique ubi abundavit delictum, ibi superabundavit & gratia.* In infirmis ergo infirmitatibus Passi Iesus, summa & absolutissima, & Divina Potestas exercita est, omnisque diaboli potestas contracta, arma ejus ablata, spolia ejus demacta, preda erepta, ipse alligatus a superveniente fortiore, infirmitatem licet, & ignominiam, & vulnera, & passionem, & mortem ipsam induto: quia quod infirmum & stultum erat Dei nostri, hoc fortius fuit, atque sapientius omnibus non solum hominibus, sed etiam demonibus, quorum omnis rabies, & astutia devorata est in Christi Patientis & mortui infirmitate & stultitia. Hæc Potestas Dei nostri, pro nobis Passi usque hodie perseverat, semperque perseverabit usque ad finem sæculi; quia omnes, tam hominum, quam demonum inimicas potestates, omnes errores, & persuasiones stultas, omnes tentationes & impugnationes violentas, omnes mundanas superbias ac vanitates, omnes concupiscentiæ carnalis licentiæ, & effrenitates, quibus superandis omnis in creaturis potestas est impar; Passio tamen Dominicæ efficaciam & potestate, per nos in nihilum rediguntur, & sicut lutum platearum delentur. Aded, ut tantum possimus, quantum confidimus in virtute Passionis Christi. Qua de re triumphatissime loquitur Apostolus inter plura alia. *Certe sum enim, quia nulla creatura poterit nos separare a charitate Dei, quæ est in Christo IESU.* Neque mirum; cum habeamus etiam Domini ipsius hac in parte munificentiam. *Eccce dedi vobis potestatem calcandi supra serpentes, & Scorpiones, & super omnem virtutem inimicorum: & nihil vobis nocebit.*

Rom. 8.

38.

Luce 10.

19.

Demi-

Apoc. 16.

14.

Philip. 2.

6.

Matth.
26. 18.Apoc. 5.
12.

Dominationes, Dominum Dei absolutum supremumque representant, quo ille essentialiter omnium Dominus est, & in quo à nemine dependet, aut limitatur, sed omnia ab ipso. Christus Dominus noster, Dominus universorum fuit, non per modum dominationis alicujus, participatiue, aut representatiue; sed essentiâ atque naturâ suâ imprimis; unde in ejus femore scriptum est; *Rex Regum, & Dominus Dominantium*: deinde fuit Dominus omnium meritorie; quia enim *formam serui accipiens exinanivit semetipsum factus obediens, usque ad mortem, mortem autem Crucis: propter hoc & DEVS Pater exaltavit illum, & dedit illi nomen, quod est super omne nomen, ut in nomine IESV omne genu flectatur*, ejusque Dominium, atque Regnum recognoscat. Et recognovit sanè tota universitas rerum Dominium ejus, semper quidem, at maximè in Passione illius, quando illo in Cruce pendente, atque moriente, tota rerum universitas, planxit mortem ejus, tribus horis, ita ut in omnibus elementis, in faxis, & rupibus, in mortuis denique ipsis, sensus mortis, Domini sui, planctusque apparuerit. Meritoriam hanc Domini super omnia à se acquisitionem, & acquisitionem, complevit Dominus, atque consummavit, tum pro potestate arbitrioque voluntatis suæ, inclinato capite Spiritum emittens, atque moriens; tum ad inferos, tanquam inter mortuos liber, & sicut vivorum, ita & mortuorum Dominus, tartarearumque potestatum debellator descendens; tum tertiâ die, propriâ suâ virtute, à mortuis ad vitam resurgens; quâ completâ potentiâ suâ apparens discipulis profertur dicens: *Data est mihi omnis potestas in celo & in terrâ*. Quia enim potestatem quam ex natura habuit, in Incarnationis, ac potissimum in Passionis, Mortisque suæ dispensatione, ipse sibi quoad usum exercitiumque quodammodo subtraxit, ideo post transactam subjectionis suæ horam, ad eandem potestatem, tanquam ad laborum suorum servitutisque præmium rediit, id ipsum congratulantibus ei cælestibus ordinibus universis, & dicentibus; *Dignus est Agnus, qui occisus est, accipere virtutem, & Divinitatem, & sapientiam, & fortitudinem, & honorem, & gloriam, & benedictionem, & omnem creaturam, quæ in celo est, & super terram, & sub terra, & quæ sunt in mari, & quæ in eo.*

Throni, sunt Spiritus representantes Divinam Æquitatem, Iustitiam, Majestatem, atque Reverentiæ illi debita Profunditatem. Vnde Throni dicti sunt illi Spiritus, tum quia in eis Deus residet, quietissime omnia judicans, discernens, concludens, atque decernens, immotus, ac imperturbatus ipse: tum quia in submissione humi-

militate
dam secu
humiles
quiescat
nus fuit
vinitas
omne ja
à Deo P
monium
strum se
na erat
sio tota
fuit, un
nando
sua actu
& quon
in Passi
quod e
perficio
conqui
Throni
express
In cogn
nem &
semeti
cietur p
ipsum,
ergo Q
dum,
eterna
jurato
confite
res; h
bant q
sancta
cerdo
tiam
Thro

mitateque profundissima illorum Spirituum; Deus ipse cum quadam securitate conquiescit, magnifice in eis adimplens, quod super humiles atque tremantes ad suos sermones descendat, atque in eis requiescat. Christus Dominus noster abq; omni dubitatione, & Thronus fuit ipse; & Passio ejus fuit Thronus ejus. Fuit Thronus, quia Divinitas ejus resedit, requievitque in Humanitate ejus. Christo enim omne *judicium dedit Pater, quia Filius Hominis est; & ipse constitutus est à Deo Patre, Iudex vivorum & mortuorum, cui omnes Prophete testimonium perhibent.* In hoc Throno sive folio, vidit Isaïas Dominum nostrum *sedentem super solum excelsum, & elevatum, & maiestate ejus plena erat omnis terra.* At etiam Dei Hominis Christi Thronus fuit Passio tota, & in specie Crux ejus. Tota enim prævia vita Christi cursus fuit, unde ex itinere fatigabatur, unde pertransiit benefaciendo, & sanando omnes oppressos à diabolo. Neque conquievit nisi in Passione sua actuali, affirmante ipsemet ac dicente: *Baptismo habeo baptisari, & quomodo coarctor usque dum perficiatur?* Perfectus est Baptismus in Passione & Cruce: ibi ergo resedit, ibi conquievit Dominus; ad quod etiam ipse respexit cum diceret. *Ecce ejicio demonia, & sanitates perficio, hodie, & cras, & tertiâ die consummor, atque perficior, & conquiesco.* Maxime verò hanc suam, in Passione & Cruce, veluti in Throno sessionem, quietem, Iudiciariæque Potestatis exercitationem exprelsit Dominus, quando affirmatè dixit, præsertim per Prophetam. *Tu cognovisti sessionem & resurrectionem meam:* sessionis nomine Passionem & mortem Crucis, sepulturamque suam significans; partim per semetipsum. *Nunc judicium est mundi, nunc Princeps hujus mundi, ejicietur foras. Et. Ego si exaltatus fuero à terra, omnia traham ad me ipsum, hoc autem dicebat significans quâ morte esset moriturus.* Iudicavit ergo Christus in sua Passione atque Cruce diabolium, iudicavit mundum, iudicavit peccatum, iudicavit mortem, tam temporalem, quàm æternam. Hoc iudicio periit Iudas traditor, conversus est Petrus abjurator: hoc iudicio damnatus est latro impœnitens, salvatus latro confitens; hoc iudicio damnata sunt peccata, salvati autem peccatores; hoc iudicio excusati sunt apud Patrem crucifixores, quia ignorabant quid facerent; & concussione totius universi, rescissione veli, ad sancta sanctorum, damnati & deserti sunt impii & incorrecti catus Sacerdotum, & Phariseorum. Quod si ad humilitatem Christi reverentiamque, quâ se Christus submisit Patri, respexerimus; & hæc utique Thronus Christi consummatissimus fuit. In hoc ille humilitatis, re-

Ioan. 5.

22. 27.

Act. 10.

42.

Isaïa 6.

1.

Lucæ 13.

32.

Ps. 138.

2.

Ioan. 12.

31.

verentia, mansuetudinis, exinanitionisque throno residens clamabat omnibus; *Discite à me, quia mitis sum & humilis corde.* In hoc throno tam per omnes gradus mensuralque excessit; ut omnibus simul collectis creaturis, etiamsi omnes essent Divinae Parenti dignitate pares, omnibusque earum humilitatibus, ac reverentis sub Deo congregatis, non tantum non sint adaequaturae, sed neque satis imitaturae Humilitatem Christi. Alia enim est, alia per omnem modum, alia infinites infinitè humilitas, quā se vilificat creatura, quā est absolutè nihil, & nihil; & alia Humilitas, quā se exinanivit Deus-Homo, & exinanivit factus obediens usque ad mortem, mortem autem Crucis. Humilitate suā quantacunque nunquam excedit creatura vilitatem nihili sui; at Deus-Homo, si se vel ad latum unguem humiliet, limites immensae Dignitatis suae transiit. Quam enim vilitati creatura debita est omnis vilificatio: tam Dignitati Increate nulla omnino competit humiliatio, multoque etiam minùs exinanitio. Quare nemini magis Thronus fuit Humilitas, & erga Deum Reverentia, quàm Christo sua Exinanitio, & descensio.

Cherubini, suo nomine sonant scientiae atque sapientiae plenitudinem; quia nimirum repraesentant hi spiritus semetipsi Divinam omniscientiam, omniumque veritatum consummatam, comprehensivam, intimam intelligentiam, in quacunque conditione, & suppositione. Non quòd Cherubini ipsi Deum comprehendant, ejusque scientiam & sapientiam cognitionibus suis adaequant, sed quòd naturis suis ostendant Deum talè esse, qui omnia nòrit, intueatur, comprehendat. Dominum nostrum Iesum Christum, omnes Cherubinos sapientiā excessisse facillè confitebitur, qui noverit de eo dictum ab Apostolo; *quia in eo habitat omnis plenitudo Divinitatis corporaliter.* Item. *quia in eo sunt omnes thesauri sapientiae & scientiae Dei absconditi.* Nunquam autè magis fuere isti thesauri absconditi & latentes, (quantum ad hominum, seu hostium oculos) quàm in Patiente & Moriente Christo: quamvis alioqui reverà tunc maximè elucescebant iis, qui oculos ad dispiciendum idoneos habebant. Vnde Apostolus idem affirmat: *quia nos predicamus Christum Crucifixum, Iudaeis quidem scandalum, gentibus autem stultitiam, ipsis autem vocatis, Christum Dei virtutem, & Dei sapientiam:* deque eadem re alibi idem dicit: *quia quod stultum est Dei, sapientius est hominibus.* Quid enim stultius cogitetur quàm Deum pati, crucifigi, mori, voluntate, atque spontaneo consilio, propter nulli usui sibi futuras causas, & quas potuerit longè faciliori, honestio-

rique

Colof. 2.

9.

Colof. 2.

3.

1. Cor. 1.

34.

1. Cor. 1.

23.

rique consilio expedire? sed quod stultum est Dei, sapientius est omnibus hominibus, omnibusque hominum sapientiis: quæ omnes in hac una Dei stultitia devoratae, everse, confusae, & exinanitæ sunt. Propter quod Apostolus nullam aliam sapientiam, atque scientiam, sibi vel optavit, vel gratulatus est, *quàm scire IESVM, & hunc Crucifixum.* 1. Cor. 2. Neque id soli sibi, verum & omnibus aliis exoptavit, & precatus est. 2. Sic enim ait. *Hujus rei gratiæ flecto genua mea ad Patrem Domini nostri IESV Christi, ex quo omnis paternitas, in caelis & in terra nominatur, ut det vobis secundum divitias gloriae suae, virtute corroborari, per Spiritum ejus in interiorem hominem, Christum habitare, per fidem in cordibus vestris, in charitate radicati, & fundati; ut possitis comprehendere cum omnibus Sanctis, quæ sit latitudo, & longitudo, & sublimitas, & profundum, scire etiam supereminentem scientiæ charitatem Christi, ut impleamini in omnem plenitudinem Dei.* 4. Hæc est Apostolica pro omnibus fidelibus ad Deum postulatio, quæ postulat omnibus, Passionis atque Crucis Christi, plenam perfectamque scientiam, & in eâ, absconditam licet, supereminentem tamen charitatem, quam consequatur impletio in omnem plenitudinem Dei. Et profectò Passio Christi est, illa *Clavis David*, quæ cui aperit mysteria seu Fidei, seu Scripturarum sacramenta, seu etiam aliarum veritatum atque scientiarum, huic nemo claudit; cui verò illa claudit (sicut claudit omnibus non credentibus, & negligentibus, & contempnentibus) huic nemo aperit, ad nihil inquam ei proficit omnis humana sapientia, sed & ipsa fidei lux, tenebræ sunt illi, & scripturarum lumine excoecatur potius, atque induratur, quàm in salutem proficit. Christus ergo noster verus Cherubin: & plus quàm Cherubin est.

Seraphinorum munus est, ardere Charitate, & hoc ardore representare Charitatem, quæ Deus est, quæ diligit ille semetipsum, & omnia in se, propter se, ac semetipso. Dominum nostrum IESVM Christum si dixerò non arsisse amore Seraphico, in Patrem suum Aeternum, & in nos, injurium me Charitati ipsius divinæ profiteri cogar: de quo enim aliquando Seraphinorum dictum est, quod Dominus noster de sua Patrique in mundum charitate dixit: *Sic DEVS dilexit mundum,* Ioan. 3. *ut filium suum unigenitum daret, ut mundus salvetur per ipsum.* 16. De cujus charitate dictum est. *Fortis est ut mors dilectio, dura sicut infernus amulatio.* Cant. 8. *Lampades ejus, lampades ignis atque flammarum. Aqua multa non poterunt extinguere charitatem, nec flumina obruent illam.* 6. De cujus item Charitate scriptum est. *Si dederit homo omnem substantiam do-* mus

1. Cor. 2.

2.

Ephes. 3.

4.

Isaia 22.

22.

Apoc. 3.

7.

Ioan. 3.

16.

Cant. 8.

6.

- mius sua pro dilectione, quam in nihilum despiciet illam?* Hoc utique Christus Dominus re ipsa fecit, in omni quidem vita sua, incipiendo ab iude, quando *VERBUM Caro factum est, & habitavit in nobis*, usque quando in Cruce pendens *tradidit in mortem Animam suam*. de qua charitate ipsemet iudicium tulit, quando dixit, *quia maiorem hac dilectionem habet nemo, quam ut animam suam ponat quis pro amicis suis*. Exaggerat verò hoc amplius Paulus, qui dicit nos non amicos, sed cum adhuc *inimici essemus*, dilectos esse, atque reconciliatos Patri per Christum: Quam etiam Charitatem idem Paulus nimiam vocare non veretur, sicuti & Lucas excessivam aut potius excessum ipsum. Porro totam hanc suam erga nos charitatem ipsemet Christus suam erga Patrem dilectioni attribuit, tanquam ei, cuius solius gratiam nos ille dilexit. Nos enim cur amaret omnino nullam aliam causam habuit, ideo sese Passioni accingens dixit discipulis. *Uc cognoscat mundus, quia diligo Patrem, & sicut mandatum dedit mihi Pater, sic facio*.

Plus quam ergo seraphicam exercuit charitatem Dominus Iesus Christus Salvator noster, in omni quidem vita, at potissimum in Passione, & morte sua. Neque potest cogitari actus ullus magis Seraphicus, ipsa Christi Passione: cuius comparatione omnes Seraphinorum actus, omnesque ardores, merum gelu, merumque frigus sunt.

M O D V S LXXXV.

- O Crogelimus quintus. meditandi Passionem Domini, Modus esse potest. Considerando quomodo Passione sua Dominus noster nos homines aptaverit, ad restaurandas implendasque Angelicorum Ordinum ruinas. Constat enim cum Lucifero, seu Dracone rebeli magnam quoque multitudinem Angelorum apostatasse à Deo, neque *servasse suum principatum, sed rudentibus inferni in tartara detractam*. Hanc etiam Apostasiam constat non ex uno tantum aliquo ordine choroque Angelorum contigisse, sed ex diversis, atque probabile esse, quod ex omnibus. Constat denique ad Dominum nostram Iesum Christum pertinuisse, atque adeo etiam re ipsa peractam esse hanc reparationem ruinarum Angelicarum: ratione cuius reparationis, Christus, Caput & Dominus est etiam Angelorum, ut sit totius Civitatis Coelestis Hierusalem Princeps, & Caput, & Rex. Cuius rei plures videntur esse assertiones in divinis literis. Talis est, cum David loquitur de Christo: *Iudicabit in nationibus, implebit ruinas; Angelicas haud dubie, supplemento ex hominibus à se redemptis accepto*. Qui etiam

Pro-

Propheta Deum precatur pro eadem instauratione Angelica, cum ait: *Benigne fac Domine in bona voluntate tua Sion, ut adificentur muri Ierusalem, caelestis utique non terrena: neque per alios, quam per homines illuc aptatos, inibi que dispositos. De qua eadem Civitatis Caelestis per homines à Christo redemptos completionem Apostolus Paulus sapius loquitur; ut cum ait: Accessistis ad Sion montem, & Civitatem Dei viventis, Ierusalem caelestem, & multorum millium Angelorum frequentiam, & Ecclesiam primitivorum. Et alio loco ait. Deus proposuit in dispensatione plenitudinis temporum, instaurare omnia in Christo, quae in caelis, & quae in terra sunt, in ipso. Plura adducere testimonia Sacra, supervacuū duco, unum tamen afferre libet, de Christi Domini Principatu etiam super Angelos, de quo graphice videtur loqui Apostolus quando commemorat Dei Patris operationem potentiae virtutis, quam operatus est in Christo, suscitans illum à mortuis, & constituens ad dexteram suam in caelestibus, supra omnem principatum, & potestatem, & virtutem, & dominationem, & omne nomen quod nominatur, non solum in hoc saeculo, sed etiam in futuro. Et omnia subiecit sub pedibus ejus: & ipsum dedit caput super omnem Ecclesiam, quae est Corpus ipsius & plenitudo ejus. Clara sunt Apostoli verba, sicut tamen luce videntur egere, interpretes adeat. Nunc ego quomodo per Dominicam Passionem homines disponuntur praeparantur ad reparationem Angelicarum ruinarum, paucis attingo.*

Inexhausta siquidem Pietas & Mansuetudo Christi, praecipua quādam ratione in Passione ipsius elucens, quā etiam inter alia pietatis opera, & operam dare se protestatus est. Aeterno Patri non se perdere quenkam ex his quos ille sibi dedisset, praeter filium perditionis, & in ipso aestu furentium in se hostium Malcho auriculam restituit, Petrum verò nimio terrore, à suae confessionis promissā constantiā dejectum, benignissimo oculorum suorum conjectu, ad poenitentiam sauciavit, & lamentatrices suas piissimè affatus, consolatusque est, & in Societate cruenti crudelisque supplicii consortem Regni Aeterni Latronem invenit, an potius fecit, & denique pro Crucifixoribus suis transgressoribusque Patrem rogavit, hac pietate plus quam Angelicā, Angelicam nos pietatem, erga nostros proximos docuit, reparandāque Angelorum ruinā idoneos fecit. Pietas enim in fovendis proximorum praesertim animabus Angelica virtus est; sicut odium proximorum, proprium est daemonum.

Iam verò Prædicatio veritatis, & testificatio atque enarratio myste-

Pf 50.20.

Hebr. 12.

22.

Eph. 1.9.

Eph. 1.

19.

Matth.
10.22.

riorum fidei, pro cuius doctrina & assertione Dominus Iesus animam suam posuit, nosque ad eius testificationem coram principibus, & populo terræ, tam verbo, quam magis exemplo animavit, dicens; *qui me confessus fuerit coram hominibus, confitebor & ego eum coram Patre meo, & coram Angelis.* Hac ratione ordinavit instruxitque nos, ut ad Archangelos pertingere possimus, quibus in eo similes reddimur, quia ad iustitiam Dei alios erudimus, & viam Dei, eiusque tam præcepta, tum consilia, in veritate docemus, atque prædicamus.

Porro dum in Passione Dominica virtutum heroicas operationes, generosamque Christi Crucifixi imitationem, atque Crucis ejus post ipsum bajulationem, opprobriique ejus portationem addiscimus, & eam quâ verbis, quâ operibus, quâ mentis affectibus adimplemus, virtutum Angelicarum ruinis instaurandis idonei reddimur. Vbi enim dilucidius virtutes Christi Domini heroicas, atque etiam exemplares, vel elucescunt, vel ad suam emulationem provocant credentium animos, quàm in ejus vita, ac potissimum Passione? Quare ab ea specialissimè parte tum in animo virtutibus ornatur, tum etiam in coelis virtutum choro inserimur.

1. Pet. 4.

1.

2. Cor. 4.

10.

Ad Principatus autem conscendimus, quando ex Christo Passio in Carne, & nos eadem cogitatione armamur mortificationemque Christi in Corpore nostro jugiter circumferimus, atque juxta Apostoli monitum, *in carne passi*, & in sensibus nostris edomiti *desinimus à peccatis, ut jam non desideris carnis, neque desideris sensuum, neque etiam desideris hominum, sed voluntati Dei, quod reliquum est, in carne vivamus temporis*, tenente principatum ratione ac fide, & regente vitam conversationemque nostram divinâ lege, & exemplorum Christi imitatione.

Ad Potestatum Chorum explendum, disponit nos Passio Domini nostri, quando fide, virtute, exemplo, meritisque illius roborati, atque in potentia virtutis Domini confirmati, nec non armaturâ Dei nostri superinduti, stamus adversus insidias diaboli: quoniam non est nobis colluctatio (tantum) adversus carnem & sanguinem, sed etiam adversus principes & potestates, adversus mundi rectores tenebrarum harum, contra spiritus alia nequitia in celestibus. Quemadmodum enim nunquam, & nullibi magis potestas tenebrarum, atque universa diaboli fortitudo contrita & confracta est, quàm in Passione, & à Cruce Domini nostri Iesu Christi: ita quoque & nos, quicunque in Christo baptisati, & cum eodem consepulsi sumus, nullo ex armamentario arma potentia Deo, ad resistendum nequissimis potestatibus uberius atque certius deprimimus, quàm ex Christo, & eo quidem Crucifixo. Domi-

Dominationum ruinis explendis à Passione & Cruce Domini nostri idonei reddimur. Crux enim Domini atque Passio, est *virga illa virutis ejus, emissæ ab ipso met ex Sion ad dominandum in medio inimicorum suorum*, atque etiam nostrorum. Cum verò inimici nostri, sine domestici nostri, ac vel maxime nosmetipsi; ideo istud est præcipuum dominium nostrum per Christum, ut sciat unusquisque nostrum possidere vas suum in sanctificationem, non in passionibus desideriorum infractorum, nec in animo irreverenti, sed in disciplina & correptione Domini, quam ille nobis in semetipso, ad imitandum sustinenturque proposuit; quando attritus est propter scelera nostra, & disciplina pacis nostræ facta est super eum. Et quidem ille peccatum non fecit, neque dolus inventus est in ore ejus, neq; inventus est quisquam, qui argueret eum de peccato, ut testati sunt de eo, vel ipsi inimici ejus, ludas, & Pilatus, & Herodes; at verò nos in peccatis concepti atque nati, regnans habuimus peccatum in nobis, & dominata est nobis injustitia, & obedivimus concupiscentiis nostris, servientes eis ad voluntatem earum, & exhibentes tam membra nostri corporis, quam potentias animæ, arma injustitiæ ad iniquitatem: propter quod Passio Domini hoc in nobis efficere, & nos in hoc instruere maxime debet, quia & sola potestas; ut dominemur ipsis nobis, omnibusque tam potentiis, quam membris; omnibus tam vitiis, quam concupiscentiis, ita ut mens nostra nihil sinat, quin & (quoad fieri potest) neque sentiat in se inordinatum, nihil superfluum, nihil non ad suam, divinæque legis regulam. Deus autem plenè dominetur nostris, juxta voluntatem suam sanctam, beneplacentem, & perfectam, ut in omnibus, tam prosperis, quam adversis, fiat voluntas ejus, & nos exemplo Domini nostri, quæ placita sunt ei faciamus semper. Sic enim verè & nos domini erimus, & Dominus dominabitur nostris: & inter Dominationes Angelicas erit habitatio, atque gloria nostra.

Ad Thronos Angelicos sublevar nos etiam Domini nostri Passio & Crux. Quemadmodum enim Christus per Crucem & Passionem suam planè in novissimo loco confedit, tribuens id humilitati, atque erga Patrem observantiæ, & reverentiæ prorsus abyssali, ut esset novissimus virorum, adeoque non homo, sed opprobrium hominum, & abjectio plebis, neque nidum, neque foveam, neque ullum omnino in mundo terræ palmum, vel cespitem, in quo suum caput reclinaret, vel pedem poneret, habens, sed inclinato, atque demisso, & pendulo capite mori debuerit: propter quod exaltatus est à Deo Patre, & ad de-

xteram ejus confedit, habens omnia sibi ab eo subiecta, tam quæ in
coelis, quàm & quæ in terris, quàm quæ & infra sunt. Ita & nos fac-
re oportet, humiliari per omnia, & propter reverentiam honoremque
Ephes. 4. Majestatis, subijci omni creaturæ, *cum omni humilitate, & mansuetu-*
2. *dine, cum patientia supportantes invicem.* Exemplum enim dedit no-
bis Dominus, ut quemadmodum ille fecit, & nos similiter faciamus,
Isaie 66. accenseamurque illis, de quibus profitetur, quia non respiciet *nisi ad*
2. *pauperculum & contritum corde, & tremementem sermones ejus.* Denique
Apoc. 3. ait. *Qui vicerit, dabo ei sedere mecum in throno meo, sicut & ego vici, &*
21. *sed cum Patre meo in throno ejus.*

Cherubicis spiritibus associamur, adæquamurque etiam per Pas-
sionem Domini. Hæc est enim vera & sola sapientia scire Iesum, &
hunc Crucifixum. In Christo enim Crucifixo omnium est sicut con-
gregatio, ita & elucidatio, atque etiam completio veritatum. Propte-
rea Dominus Iesus, ut plurimum impletionem scripturæ Dei, per Pas-
sionem suam urgebat: & quando post resurrectionem aperiebat sen-
sum Apostolis, ut scripturas intelligerent, dedit eis veluti clavem ad
Lucæ 24. hunc intellectum Passionem suam, *dicens eis: quoniam sic scriptum est,*
46. *& sic oportebat Christum pati & resurgere à mortuis.* Atque id ipsum
fecit cum duobus illis Emmaunta proficiscentibus: quibus ut ostende-
Lucæ 24. ret *quia hæc oportuit pati Christum, & ita intrare in gloriam suam. In-*
26. *cipiens à Moysè, & omnibus Prophetis, interpretabatur illis in omnibus*
scripturis, quæ de ipso erant. Nimirum Passio & Crux & Mors Christi,
totius est Divinæ sapientiæ thesaurus, omnium veritatum gazophyla-
cium, omnis scientiæ atque disciplinæ magisterium, in quo quantum quis
amplius proficit; tanto amplius sapientiæ Cherubicorum spirituum
appropinquat; quorum Sapientia universa, Christus est.

Seraphicis denique mentibus æquiparamur, & adaptamur à Passio-
ne & Cruce & Morte Christi. Etenim ubi majora, ubi (inquam)
omnibus Seraphicis flammis atque ardoribus majora, vel reperire, vel
concipere est incendia, quàm in Dominica Passione. Quid est Passio
Christi, nisi excessus Amoris Divini? quid est Crux Christi, nisi scho-
la dilectionis divinæ? quæ ita Deus dilexit mundum, ut non pepercerit
filio suo propter ipsum. Quid denique est mors Christi, nisi nimia
Dei charitas, quæ cum exastuasset immensitas illa, omnes transgressa
est limites, & usque ad nimietatem accessit? Quis quæso Seraphinus,
quis ordo Seraphinorum etiam totus, me ita Charitatem ac dilectio-
nem docebit, saltem verbis: quomodo in illa erudior, à Christi Passio-
ne, in

ne, in immensum exaggeratis exemplis, exemplorumque divinæ charitatis potentis? Omnes Seraphinorum, atque etiam omnes omnium creaturarum conversi in Deum amores, amorumque ardores, Divinæ Majestati, Dignitati, Amplitudini collati, vix sunt, ac ne quidem sunt, unius instar scintillæ oculo conspiciendæ; at verò una Passio Domini nostri Iesv Christi, tantum ebullit & eructat dilectionis Dei, atque proximi, quantum Divino per omnia licet immenso cordi exsatiando sit satis. Nisi enim satis esset, nunquam Passio Domini Iesv, nos inimicos, nos naturæ iræ filios, nos in servitute peccati, & diaboli sepultos, Deo reconciliasset, nunquam filios Dei fecisset, nunquam Divinæ confortes naturæ reddidisset, nunquam hæredes Dei, cohæredes autem Christi constituisset. Nunc autem omnia hæc sumus, & quidem per charitatem Christi Crucifixi sumus.

Et quamvis hoc ita se habeat tamen (ah probum vel dicere, sed plus quam probrosum ita esse) tamen (inquam) nos inter tanta charitatis Christi erga Deum, & erga nos propter Deum, incendia, torpescimus, gelaſcimus, rigescimus; & tales quidem infiniti sumus? vix aliqui, & admodum sanè pauci, qui vel modicum quiddam, de istis sempiternæ charitatis flammis concipimus atque fovemus. Ita nobis ex Redemptore nostro, pro nobis in Cruce mortuo, patet ad omnem non tantum salutem, sed etiam celsitudinem beatitudinis aditus, & via, nisi eam nostra nobis incogitantia, ingratitude, & peccatorum amor insatiabilis obstrueret.

M O D V S LXXXVI.

Octogesimus sextus Passionem Dominicam meditandi Modus esse potest. Considerare quomodo Passioni Domini nostri respondet gloria Beatorum in calo. Dupliciter autem respondere potest. Primo meritorie, ita ut expendamus, quam partem beatitudinis, quæ parte Passionis suæ Dominus noster promeruerit. Etsi enim totâ Passione, & quâlibet ejus parte totam promeruit gloriam cœlestem Beatis suis Dominus, assignari tamen possunt per piam considerationem, certæ partes Passionis, habentes quandam proportionem, ad certas partes gloriæ, quæ per illas promeritæ videri possint. Altero modo respondere potest Passio Gloriæ Beatorum nempe exemplariter, de quo modo, in sequenti proximè agemus. Nunc autem priorem proponemus.

Beatitudo Cœlestis hominum beatorum (de horum enim agimus)

C c c 3

comple-

complectitur hæc. I. Beatitudinem Animæ, quæ consistit in visione Dei intuitiva, Amore beatifico, & gaudio, fruitione, possessioneque, seu Tentione Dei æternâ. Estque hæc beatitudo Essentialis atque substantialis. II. Complectitur beatitudinem corporis, quæ consistit in quatuor ejus dotibus, nempe 1. Immortalitate seu impatibilitate. 2. Claritate. 3. Agilitate. 4. Subtilitate. III. Complectitur Laureolas, quæ sunt triplices. 1. Virginum. 2. Martyrum. & 3. Doctorum. 4. Complectitur glorias accidentales, quæ beatis adveniunt frequentissimè ex variis occasionibus & causis, connexionibusque ipsorum Beatorum cum ipsis. ut v.g. quoties alicujus Beati exemplo, seu doctrinâ, proficiunt viatores in Dei & proximi amore, & obsequio, in studio virtutum, in exercitio poenitentiae &c. toties illi Beato obvenit accidentalis gloria, juxta illud Domini nostri verbum.

Luce 15.

7.

2. Esdra.

8. 10.

Gaudium est Angelis DEI in cælo, super uno peccatore poenitentiam agente: de hac etiam accidentali gloria intelligendum illud. Gaudium Domini, fortitudo nostra. Istæ omnes Beatitudinis portiones, habere possunt partes suas, in Passione Domini, quibus emerita, & acquisita sunt Beatis, Has partes assignare quisque pro suo ingenio arbitrio potest, ego partim minuendi laboris, partim paradigmati causâ, sic designo.

Primum ergo, Possessionem Dei beatificam, emit nobis Dominus noster venditione atque traditione sui, quam à Iudâ discipulo in manus inimicorum subit. Emit etiam traditione illâ, quâ demum à Pilato traditus est voluntati Iudeorum, & denique illâ à suo populo sui sanguinis super se, & super filios eorum acceptione.

Deinde visionem beatificam & intuitivam Dei sicuti est, emit nobis Dominus Comprehensione & Captivitate sui ab inimicis, circumductioneque illâ ad subselia Iudicum, tam Iudeorum, quam Gentilium.

Tertiò. Gaudium & Fruitionem Tentionemque Dei beatificam promeruit nobis Dominus, desiderio suo, quo flagravat, patiendi pro nobis, item affixione ad Crucem per manus, atque pedes. Siti quoque & fellis ac aceti gustatione. Oratione quoque ad Patrem pro transgressoribus, ac demum derelictione sui à Patre, quam testatus est ipse.

Quartò. Corporis gloriam in universum promeruit nobis partim sudore sanguineo in horto, partim verecundiâ in tot repetitis nudationibus, partim cruentissimâ, crudelissimâque flagellatione, atque laceratione corporis sui.

Quintò

Quintò. Immortalitatis seu Impatibilitatis dotem meruit nobis Cruciatibus suis in Cruce, Agoniâ trium horarum, & denique morte in eadem funesta trade.

Sextò. Agilitatis Dotem meruit nobis ultroneo occurſu hostibus ſuis, ad ſe capiendum venientibus. Item vinculis toties ſibi injectis auctilque, uſque dum crucifigeretur.

Septimò. Claritatis Dotem obtinuit nobis, nocturnis pœnis in domo Caiphæ, ubi velaverunt faciem ejus, & dabant ei alapas, & colaphis eum ceciderunt, & prophetifare juſſerunt, & alia multa blaſphemantes in eum dixerunt, demumque totâ illâ nocte, indigniſſimis crudeliſſimiſque modis habuerunt.

Oſtavò. Subtilitatis Dotem acquiſivit nobis Dominus, Oratione & agoniâ in hortu: pavore & triſtitia, & tœdio cordis, vulnere lateris, & ſepulturâ.

Nonò. Laureolas promeruit nobis Dominus illuſione tum per veſtem albam Herodianam, tam chlamide coccineâ, tum ſpincâ coronâ, & arundineo ſceptro, totâque illâ conſputatione, alapis, illuſoriis ſalutationibus, & in ſpecie dum in Cruce conſummavit martyrium, caputque exſtitit martyrurum; dum ex Cathedra Crucis docuit, perdendam potiùs vitam, quàm obedientiam, dum inter Matrem Virginem, & diſcipulum, ipſe quoque Virgo mortuus eſt, tres omnes in ſe laureolas dedicavit.

Decimò. Accidentales glorias promeruit Dominus noſter omnibus Paſſionis ſuæ acceſſoriis conditionibus, atque circumſtantis, tum exterioribus, tum maxime interioribus, Chriſto ſoli notis. ac potiſſimum inexplebili amore Dei Patris, & propter illum etiam amore ſalutis noſtræ; acceſſit dolor compaſſivus ſuper ruina populi ſui, tam Spirituali & æterna, quàm etiam corporali, ſimilis dolor ſuper lapſu Petri, ſuper maternis doloribus, ſuper aliorum amicorû ſuorum luſtu.

Vndecimò. Gloriam quinque ſenſuum corporis meruit Dominus noſter afflictionibus ſuorum quoque ſenſuum externorum: quâ de re plenius dicitur in fine modi ſequentis.

Ex his pii Meditatoris Animus cognoscat fructus Paſſionis Domini, qui ſe etiam in Beatos, beatitudinemque eorum effundunt: cognoscat ſuam & omnium hominum, & imprimis beatorum obligationem, tum ad agendas gratias adeò profuſæ Domini noſtri in nos charitati; tum ad faciendas quoque de ſuo aliquas impenſas, Chriſti hiſce impenſis unitas, ad propriæ beatitudinis acquisitionem. Agnoſcat

scat quoque & accuset, & defleat & emendet, emundetque suam, & aliorum infinitorum ingratitudinem, negligentiam, molliem, in respondendo tantis Christi, nostri causa susceptis laboribus, exhaustis doloribus, profusis sumptibus, quæsitis & acquisitis beatitudinibus. &c. Agnoscat denique & accendatur, ad quarendos Christo eos, qui beatitudinis ab illo ipsis promerita participes sint, disponendosq; eisdem quàm maximè, ad summam capacitatem participationemque Beatitudinis, ita sibi à Christo quasitæ. In hoc namque studio consistit & excellit zelus, non tantum erga proximos Christi sanguine redemptos, verum etiam erga ipsiusmet Christi gloriam, quam ille pro suis omnibus passionibus potissimum ex nostra ultimata beatitudine percepit, tanquam præmium & mercedem. Neque possumus excellentius nostram in Christum vicissim protestari depromereque charitatem, quàm si plurimos, & quantum ex nobis, omnes adnitamur exhibere Christo plenissimè glorificandos. Hoc enim est maximam, quæ fieri possit, procurare Christo mercedem laborum, & Passionum, & meritorum suorum.

M O D V S LXXXVII.

Octogesimus septimus Modus Passionem Domini meditandi esse potest, Considerare qualiter Passio Christi respondet exemplariter Beatorum præmio, atque gloriæ in cælo, & hæc vicissim illi. Cum autem dico exemplariter respondere, in eo sensu dico, quia quædam partes Passionis Dominicæ correspondent partibus Beatæ gloriæ proportionè quâdam, non tantum propter similitudinem, aut identitatem, verum etiam propter efficientiam, atque adeo & propter contrarietatem.

Primò. Abscondita sapientia, veritasque contempta, & partim falsitatis, partim stultitiæ velamine obscurata, respondet visioni Dei intuitivæ, quâ jam Beati non per speculum, & in enigmate, sed revelatâ facie ad faciem, sicuti est, Dei essentiam per ipsam essentiam inveniuntur.

Secundo. Charitas Christi Domini erga Deum Patrem, nec non erga nos homines propter eundem, quâ dilexit nos, & tradidit se ipsum propter nos, excessivè (ut loquitur Evangelista) itemque nimie (ut loquitur Apostolus) respondet Amatori beatifico, eidemque fructivo, incessabili, & necessario, quo beati diligunt Deum, eoque fruuntur, absorpti & transformati totâ voluntate in Amorem Dei, ita ut ni-

hil

hil diligant, nihil diligere velint, nihilque diligere possint, nisi unum & solum Deum; semetipsos autem ac omnia alia, nonnisi in Deo, & propter Deum, & quatenus in eis relucens vident Deum.

Tertio. Subjectio Domini nostri, quâ se & Patri, & creaturis usque ad traditorem, ad hostes, ad crucifixores, propter excellentiam, propter reverentiam, propter obedientiam, propter dilectionem ejus, submitit, humiliavit, à forma consubstantialitatis Dei, ad formam & habitum servi, & peccatoris, & maledicti, usque ad exinanitionem, prout loquitur Apostolus. respondet, vel respondentem sibi habet possessionem atque tentionem beatificam Dei. Nulla etenim virtus, sive affectio nostra accessum facit vel nobis ad Deum, vel Deo ad nos, etiâ in illa beatitudine, nulloque modo immobilis Deus in nobis, & nos in Deo habitamus, nullo etiam jure, intimius, atque naturalius, securiusque Deum tenemus, possidemusque, ab eodemque vicissim tenemur, ac possidemur, quàm exinanitione nostri, & perditione, quæ possit esse annihilativa nostri, exaltativa autem & æstiativa Dei. Quocirca, recte in Christi propter nos, coram Deo Patre humiliatione, statuitur proportionatissimus quidam locus, æquissimumque jus possidendi Deum beatificè.

Quarto. Desiderium & sitis famelique Christi ad patiendum pro gloria Patris, & pro salute nostra, quâ, totâ vitâ se arsisse testatus est ipsemet Dominus, & maxime in ipso Passionis tempore, atque fervore eadem arsit, ac planè æstuavit; totumque ideo passionum suarum mare, instar unius calicis atque haustus reputavit, & nequaquam per eum ardori suo æstuique satisfactum, voce illâ in Cruce emissâ *Sitio* demonstravit. Hoc inquam desiderium, adeo sitibundum & famelicum, respondentem habet in Gloria beatorum, fruitionem atque delectationem & gaudium, atque exsationem, quam Beati habent de Deo, & in Deo, & propter Deum.

Quinto. Saturatio (ut eam scriptura vocat) opprobriorum, irrisionum, contemptionum, blasphemiarum, nec non odiorum, & execrationum, detestationumque; Insuper exprobrationum, insultationum, mordacitatum, & subsannationum, quibus hostes Christi furores, odia, invidentias, omniaque in Christum virulentissima studia sua expleverunt, & simul ipsum Christum exsaturaverunt, dicente Prophetâ: *Saturabitur opprobriis.* Et iterum ex persona ipsiusmet Domini, *Satiati sunt penis meis.* Habet respondentem sibi in Beatitudine celesti, Laudationem & Exaltationem Dei, quâ Beati in sæcula sæculorum

Psalm. 68.

34.

lorum laudant Deum; & nunquam fatigantur, satianturve laudando; sed perpetuò videntes Deum omnibus suis laudibus supervalere, easq; infinities magis ac magis superexcedere, accenduntur & astuant, in glorificationem & superexaltationem Dei, *quem magnificari in sua laude*, amplius ampliusque majorem reperiri, post omnem, & super omnem laudem suam experiuntur laudantes, & laudant experientes.

Sextò. Enormissima Immanitas & simul perpetim exaggerata multitudo, atque longitudo pœnarum cruciatuumque Domini nostri usq; ad mortem, perinde truculentam, ac infamiae plenissimam, à Domino nostro voluntariè, omnique cum promptitudine animi tolerata, habet respondentem sibi in Gloria Beatorum Impatibilitatem & Immortalitatem, quâ Beati æternum perfruuntur, securi de vita æterna. Morte siquidem Christi spontaneâ, debellata est mortis necessitas omnis, absorptaque est mors in victoria sua propria; nam dum Christum subegit, subacta est; dum vicit, victa est; dum triumphavit, suo triumpho triumphata est, & aditum immortalitati referavit, omniq; jure in homines celsit, aut potius excidit.

Septimò. Resignatio, non minùs plena, quàm prompta, atque devota Domini nostri, quâ non suam voluntatem, sed Æterni Patris in bibendo Passionis calice perfici, ultro consensit, imò petiit. quâ etiâ hostium invadentium furori sponte obviam iit, quâ in manus Patris commendatum spiritum moriens emisit, atque tradidit, quâ denique nullum non tantum impedimentum, sed neque lenimentum, ac solatium, ac demum neque moram admisit in Passione atque morte sua, sed oblatus est quia ipse voluit; respondentem sibi habet in felicitate beatorum Agilitatem, pernicitatemque, propter quam nulla eis creata opponi possunt impedimenta, quominus sistere sese possint quacunq; demum suus eos impetus voluntatis, atque placiti ferat.

Octavò. Indignitati injuriarum, omnisque generis injustitiarum, nec non contumeliarum, per virulentissimas, simulque mendacissimas, & aculentissimas linguas & mentes hostium, Christo in Passione allatas, quibus tota Anima Christi penitissimè penetrata, atque sauciata fuit, cujusque talis dolor exstitit in Christi Divino corde, ut omnes alios dolores Corporis & Animæ illius excesserit, in ipsasque creaturas insensibiles sensum suum immiserit, plandumque cœlo, terræ, mari, saxis, & rupibus, ipsis denique mortuis ac sepultis indixerit. Huic inquam indignissimæ indignitati respondet in Beatis subtilitas atque veluti quædam spiritualitas, tam quoad hoc, quia instar spirituum penetra-

netra-

metrare poterunt omnia corpora, & obstacula: tum quia instar quoque spirituum, nullis actibus vitæ vegetativæ, aut nutrientis egobunt, *sed erunt sicut Angeli Dei* ut Dominus locutus est.

Matth.

22. 30.

Nonò. Abscondito vultui Christi, hoc est, ita Pasionis & ignominia, & acrimonia, & accumulata alterius super alteram multitudine, alterato, atque prorsus immutato, ita ut cognosci reputarique à desiderantibus Prophetis non potuerit, eò quod neque decorem, sed neque speciem retinuerit sibi solitam, atque innatam: respondet Claritas resplendens, tam in ipso Christo, post resurrectionem, quam in Beatis Deo beatificè fruētib. Et ni fallor, videtur ipse Dominus Iesus, huc respexisse in gloriosa transfiguratione sua facta ante mortem suam in monte Thabor. *Sciens enim omnia, quæ ventura erant super eum*: atque eadem prænuntians, quin etiam (ut Matthæus loquitur) ostendens discipulis suis, *quia oporteret eum ire Ierosolymam, & multa pati à senioribus, & scribis, & Principibus Sacerdotum, & tradigentibus ad illudendum, & flagellandum, & conspuendum, & denique ad occidendum*: præludere quodammodo voluit, atque gustum aliquem exhibere passuræ Humanitati suæ, illius gloriæ atque felicitatis, quæ illius passionibus atque afflictionibus successuræ post resurrectionem fuerant. Propterea transfiguratus est in monte supra dicto, & facta est species vultus ejus altera, resplenduit sicut Sol: vestimenta autem ejus splendentia & candida nimis sicut nix. Tanquam si ostenderet Dominus, illi absconsioni sui vultus, successuram retribuendamque esse, claritatem ejusdem instar solis, imò & supra claritatem omnis solis.

Ioan. 18.

4.

Matth.

16. 21.

Lucæ 18.

32.

Lucæ 9.

29.

Matth.

17. 2.

Marci,

2.

Decimò. Cruci & Morti Christi, quæ consummatus est, tum omnis labor ejus, tum exaltatio Patris, tum redemptio & salus nostra. In qua testimonium perhibuit veritati, & quæ fuit ejus cathedra morientis, & in qua denique virginis natus, virgo ipse, virginum curâ & favore speciali perfunctus, mortuus est: respondent laureolæ tres beatorum, videlicet Laureola Martyrum, Laureola Prædicatorum, Laureola Virginum.

Undecimò. Afflictioni omnium & singulorum sensuum in Christo Domino, quos indubitatisimum est, (& aliàs supra explicatum) in tota Domini Passione afflictissimos fuisse, omnes, & singulos; respondent eorundem sensuum omnium in Beatitudine consolationes atque glorificationes, tam in ipso Christi Domini corpore, quam in Beatorum corporibus, similitudinem gloriæ Corporis Christi, in se deferentibus, imò ex illo derivantibus: sicut enim potissima sensibilibus

vide su-

pra Mo-

dum 6.

Iob. 19.
25.

vide su-
pra Mo-
dum 6.
& Mo-
dum 27.

gloria ac beatitudo in cœlis erit gloria Christi Corporis, & à gloria ejusdem Sacro-Sancti Corporis; sic etiam ex ea, & ad instar ejus, potissimum Beati glorificabuntur in corporibus suis. Attestatus est hoc Sanctus Patriarcha Prophetaque simul Iob, de uno sensuum suorum, scilicet de visu (est autem ratio eadem aliorum quoque sensuum) quando dixit. *Scio quòd Redemptor meus vivit, & in novissimo die, de terra surrecturus sum, & rursus circumdabor pelle mea, & in carne mea videbo DEVM meum, quem visurus sum ego ipse, & oculi mei conspecturi sunt, & non alius, (pro me.) Reposita est hæc spes in sinu meo.*

Duodecimo. Afflictioni omnium & singulorum sensuum Christi Domini in Passione, (omnes siquidem in Christo habuerunt suos, & quidem plures gravesque cruciatus) in gloria beatorum respondent sensuum quoque omnium beatitudines in corporibus beatis.

Visus Christi afflictioni, respondet amplissima delectatio visus & oculorum beatorum; videbunt enim & delectabuntur aspectu Sanctissimæ Iesv Christi Humanitatis, quam intueri in sua gloria atque majestate erit secundaria Sanctorum, substantialis tamen Beatitudo, & ea quidem quantum ad sensualem perceptionem, propria erit hominibus Beatis: in Angelicos enim Spiritus, ut pote sensibus destitutos ea non cadit. Exaggerabit hanc oculorum ex visione Humanitatis Christi delectationem in Beatis, quòd non tantum personam ipsam Christi Domini intuebuntur, sed etiam omnia ejusdem opera in terris per Hominem susceptum gesta quæcunque, & quotiescunque voluerint representata sibi, tanquam presentia intueri poterunt. Intuebuntur cum libuerit Christum Incarnatum in visceribus purissimæ Mariæ Virginis, intuebuntur natum in stabulo, involutum fasciis, positum in præsepio, conversantem cum hominibus, sudantem sanguine in orto, subiectum flagellis, coronatum spinis, Cruce onustum, in Cruce pendentem, mortuum, sepultum, redivivum. &c. Eritque exinde eis summa delectatio, gratiarum actio, exaltatio Christi. Accedet huic oculorum Beatorum ex aspectu Christi delectationi, eximia quoque delectatio ex visione Sanctissimæ Dei Matris, nec non Sanctorum innumerabilium, secundum corpora glorificatorum, idque cum admirabili & gratiosissimâ varietate formarum & figurarum, in omnibus singulisque beatis corporibus existentium plus quam speciosissimè, quæ delectatio exaggerabitur etiam inde, quia Beati mutuo poterunt videre actiones perpassionesque suas externas, quas in hac vita gesserunt, sive benè & laudabiliter, sive etiam malè, sed in poenitent-

tentiam, in humiliationem, in fructus dignos poenitentiae; in Dei timoris, & amoris, & fervoris instaurationem.

Auditus Christi afflictioni; respondet illa Auditus Beatorum delectatio, ex admirabiliter suavissima laudatione, exaltationeque ex ore omnium Beatorum resonante, tum Sanctissimae Trinitatis; tum Christi Domini, beneficiorumque, & operum, & perfectionum ejus. *Exultabunt enim Sancti in gloria, & exaltationes Dei in gutture eorum.* Unde & Beati (sunt) qui habitant in domo tua Domine, in secula (enim) seculorum laudabunt te. Et quemadmodum de Seraphinis Isaías: de quatuor autem animalibus Sanctis Ioannes narrat, *quia non habent requiem die ac nocte, dicentia Sanctus, Sanctus, Dominus DEVS omnipotens*: ita sine dubio partes omnes coelestis domicilii resonabunt Dei laudibus, & hymnis canticisque novis & melodis nunquam in hac vita excogitatis, nunquam autem cessantibus ab ore Beatorum, quoniam haec est merces eorum, hoc etiam negotium amantium, haec vita gloriosorum, & beatè Deo perfruendum. Aderunt & aliae laudes resonantes in ore Sanctorum jugiter, quibus laudabunt Deum, & in Deo gloriosissimam, speciosissimam, pretiosissimamque Dei Genitricem; laudabunt item in Deo Sanctos concives suos, & socios in beatitudine, desumentes materiam laudis incessabilis tum ex beneficiis, gratiisque omnibus in Sanctos à Deo profusis, tum ex Sanctorum pro Deo, pro ejus gloria, & voluntate, pro sua quoque salute, & gloria aeterna, exactis laboribus, & exinde meritis. Ibi audire erit exaltantes Deum Patriarchas, tum Prophetas, deinde Apostolos & Evangelistas, tum verò Martyres, itemque Virgines, cantico, quo, nemo alius poterit, tum confessores, tum omnem chorum Sanctorum. Ibi audire erit unamquamque gentem ante thronum Dei & Agni congregatam, & laudes Deo & Agno dicentem. *Salus Deo nostro, qui sedet super thronum, & Agno. nec non illud Redemisti nos Deo in Sanguine tuo, ex omni tribu, & lingua, & populo, & natione: & fecisti nos Deo nostro regnum, & Sacerdotes, & regnabimus.* Ibi quoque erit audire jubilantes coram Deo, & Christo ejus: omnes Ordinum Religiosorum familias, & familias seorsum cum Patriarchis suis atque fundatoribus. &c. Erit quoque Auditui Beatorum singularis valde delectatio, ex conversatione colloquiisque mutuis inter se: tum quia omnis eorum sermo erit divinus, deque Dei laudibus, & Dei voluntati placens, tum quia nihil erit in sermonibus illis, non sapienter, non sanctè, non sincerè, non amicè, non divinè dictum, sed per omnia erunt huiusmodi, quales decet Sanctos & Beatos.

D d d 3

Odo

Ps. 149.
5. 6.Isa. 6. 3.
Apoc. 4.
8.Apoc. 7.
10.
Apoc. 5.
9.

Odoratus Christi afflictioni, respondet in Beatorum corporibus delectatio odoratus eorum. Tota enim illa Cœlestis Civitas, suavissimo sensibili erit odore fragrantiaque plenissima: idque tum ex sua pte conditione, ad omnem beatitudinem facta, tum ex ineffabili corporum beatorum omnium, ac singulorum, inprimisque Sanctissimæ Humanitatis Christi, nec non Matris ejus gloriosissimæ Corporis suavulentissima constitutione, ut proinde ibi supra quam iustissimè inlameretur Christo, ejusque Matri. *Trabe nos post te, curremus in odorem unguentorum tuorum.*

Cap. 1.
3.

Gustatus Christi afflictioni, respondet in Beatorum gustatu delectatio sensibilis, per omnia quidem admiranda, sed inprimis ex eo, quia sapor ille, gustatum Beatorum recreans & oblectans, erit quasi ex cibis, & tamen sine cibis, & nihilominus suavior omnibus saporibus, qui haberentur ex cibis, idque sine fastidio & nausea satietatis, & repletionis. Neque hoc est aut difficile, aut inconveniens, esse exhiberi que Beatis in cœlo à Deo suo, cui facile & decorum erat in populi Israël sustentationem, atque solatium peregrinationis, atque solitudinis, dare per quadraginta annos manna mirabile, quod cum unicum tantum esset, *habebat tamen omne delectamentum, & omnis saporis suavitatem*: addente etiam causam congruam, Sacram Scripturam, sed magis in beatitudinis statum quadrantem; dicit namque Sacer textus: *Substantia enim tua, dulcedinem tuam, quam in filios habes ostendebat, & deserviens uniuscujusque voluntati, ad quod quisque volebat convertebatur.* Quod sine dubio magis decet tam Majestatem beatificantis Dei, quam beatorum ipsorum beatissimam, & omnium bonorum aggregatione perfectam conditionem.

Sap. 16.
20.
16. V. 21.

Tactus sensui in Christo Domino afflictissimo, respondet purissima & sincerissima ejusdem sensus in beatis delectatio: intrabunt enim in gaudium Domini Dei sui, non tantum secundum animam, verum etiam secundum Corpus affluentes omni Sanctæ voluptatis suavitatem. ut quemadmodum in patiente Christo Domino à planta pedis, usque ad verticem, non erat sanitas, sed omnia vulnus, & livor, & sanguis, & plaga tumens, & dolor immensus, pro salute & sanitate beatorum suorum; ita & in eis jam per merita sua beatificatis, nihil sit non gloriæ & honore circumdatum, nihil non plenum delicatæ voluptatis puritate. Quemadmodum item totum corpus hac in vita servivit animæ, per multiplices suas calamitates, atque afflictiones, ad promerendam æternam felicitatem: ita vicissim ex Anima beatificata atque glorificata, de-

ta, defluat in corpus, & in omnes ejus sensus; atque partes experimen-
tum atque possessio, congruæ, competentisq; sibi & statui suo beati-
tudinis, & oblectationis.

Hunc in modum nobis relucet in Passione Domini Cœlestis Beati-
tudo, vicissimq; in hac resplendet Dominica Passio. Hunc etiam in
modum potest pius meditantis animus, ex amarissimo passu Domini-
cæ Passionis, transire in suavissimum Beatitudinis æternæ gustum, rur-
sumq; ex hujus sapore dulcissimo, devolui ad saluberrimum saporem
gustumq; salutiferæ Passionis Christi.

M O D V S LXXXVIII.

Octogesimus octavus Passionem Domini meditandi Modus esse
potest: advertere & expendere, quomodo Christus Dominus in
sua Passione possedit octo Beatitudines à se quondam in Evangelio
commendatas, atque virtutibus heroicis hujus vitæ assignatas, nobisq;
ad eas quærendas, & acquirendas, exemplo suo demonstratas. Et est
quidem de hac re actum supra. hoc tamen loco aliud quiddam dice-
re volumus, meditandumq; proponimus. Nempe quomodo in Pas-
sione Domini relucet octo beatitudines, sed non secundum hujus vitæ
statum, verum secundum beatitudinis cœlestis & æternæ possessio-
nem. Nemini enim dubium esse debet, longè plenius perfectiusq;
residere has beatitudines in cœlo, quàm hic in terra; hic enim existunt
magna ex parte laboriosæ, difficiles, meritoria, & in spe, expectatio-
neque magis, quàm in re: ibi autem sunt, per modum præmii, & mer-
cedis, & completæ comprehensæque in æternum retributionis.

Proponimus ergo in præsentī modo meditandum Dominum Ie-
sum, etiam in sua Passione actuali possidentem omnes octo beati-
tudes, etiam secundum statum gradumq; cœlestem, seu quomodo
in illa gloria cœlesti Sanctis, inprimis verò Sancto Sanctorum com-
municantur.

I. Itaque Pauperrimus tum in omni mortali vita, tum specialiter
in sua Passione Iesus, non solum Spiritu, sed etiam re ipsâ, adeò ut lo-
cum non habuerit in toto mundo proprium, in quo vel pedem ponere,
vel caput reclinare posset; quin neque corporis sui possessor ad mor-
tem sepulturamq; fuit, sed à Pilato Præsīde emendicandum, ab Io-
sepho Arimathæo, eidemq; ab eodem Præsīde donandum, ac tum de-
mum tanquam res Iosephi propria, in proprio sepulchro Iosephi re-
condendum fuit. Nihilominus simul ditissimus Dominus fuit posses-
sione,

*vide su-
prà Mo-
dum 32.*

*Marc.
15. 46.
Mat. 27.
60.*

sione, imò Dominatu, Hæreditateque Regni celestis, cujus possessionem, etsi, quâ passione, atque morte, quâ nudissimâ paupertate promerebatur, attamen simul etiam illud habebat, atque possidebat jure Creatoris, jure Domini naturalis, jure hæreditatis. unde dixit post mortem suam. *Hæc oportuit Christum pati, & sic intrare in gloriam suam.* Exercuitque Dominus IESVS dominium hoc quando consortium hujus regni adhuc vivens, imò in Cruce pendens latroni illud promisit: *Amen dico tibi, hodie mecum eris in Paradiso.*

2. Mansuetissimus & Mitissimus per omnem modum in sua Passione Dominus, qui velut *Agnus mansuetus ad victimam, non aperuit os suum, neque comminabatur, cum malediceretur*, possedit ipso Passionis suæ tempore terram, non solum Animæ & Corporis Sacratissimi, quod in ultima cœna tradidit discipulis, ac toti cum eis Ecclesiæ suæ. Neque solum terram totius mundi, defluente in eum possessione illius ex Divinitatis consortio, & in cujus medio tunc operabatur salutem nostram. Neque solum terram cordium humanorum, de qua dictum ad illum est à Patre, *dabo tibi gentes hæreditatem tuam*: verum etiam terram illam Cælestem viventium, de qua dicebat apud Prophetam: *Portio mea in terra viventium.* Et iterum. *Placbo Domino in regione vivorum.*

3. Lugens & tristis Dominus IESVS, atque adeò vir dolorum, & sciens infirmitatem, afflictus quasi luctu strutionum, nec habens consolatorem in Passione sua. Nihilominus in eadem ipsa, & consolatus est à Patre cœlesti, quando orans cum lachrymis & clamore valido, in diebus carnis seu Passionis suæ in carne exauditus est pro sua reverentia, sed & ipse consolatus est Matrem suam, atque Ioannem discipulum, consolatus & latronem poenitentem, necnon Petrum negatorem, quem ad delictum suum amaris lachrymis deplorandum, intuitu amabilium oculorum suorum adduxit. ut taceam quod inter eandem suam Passionem fuit Dominus lætitia omnium Angelorum, Patris Eterni voluptas, & Deus totius consolationis, tam eorum qui in terra, quàm eorum, qui sub terra expectabant ejus consolationis gratiam.

4. Esuriens & sitiens in Passione Dominus, non tantum naturali indigentia, sed etiam spiritali fame sitique gloriæ Patris sui, salutisque nostræ, ac beatitudinis æternæ: saturabatur interea, in Passione quidem doloribus & opprobriis, & contumeliis, at verò simul eodem tempore saginabatur & potabatur fruebaturque evidentiâ, atque certitu-

titu-

etudin
tur, lag
ris exte
natum
tique D
cati, in
captiv
na, in
suæ, n
exinde
in elec
in futu
sionis
quasi
lica C
Calice
illa in
tur per
deince
dispon
regno
nistrat
chariss
illos S
qui oc
ad vita
5.
Passio
cordi
nobis
bris.
gener
tam a
divi, &
quis e
Denic
rum.
6.

ritudine beneplaciti divini, obedientiaque precepti quod exsequebatur, saginabatur dulcedine excellentissimi supra omnem captum operis executionis, successusque altissimi consilii divini, quod erat ordinatum in Redemptionem hominum, in reconciliationem offensus irae Dei, in restaurationem ruinarum coelestium, in abolitionem peccati, in debellationem diaboli, in victoriam mortis, in liberationem captivorum Patrum, in relevationem portarum aeternalium vitae aeternae, in gloriam corporis sui. Saginabatur fructu & effectu Passionis suae, mortisque, & meritum suorum, sciens intuitivè quanta bona exinde erant manatura, quanta virtutum exercitationes perficiendae in electis suis, quanta Divini nominis exaltatio, tam in hac vita, quam in futura victuris. Fuitque haec satietas Christi tanta, ut omnes Passionis amaritudines per eam illi dulcescerent, minorarentur, & unius quasi calicis haustusque viderentur, imò redderentur. Hinc illa famelica Christi ad Patrem vox: *Pater fiat voluntas tua.* & illa ad Petrum. *Calicem quem dedit mihi Pater, non vis ut bibam illum.* Maximè verò illa in Cruce. *Suo.* Sitivit enim Passionis fructuum plenissimam ubertate, quam deinceps inebriaturus erat electos suos tota aeternitate. Sic jam tunc disponens illis regnum, ut ederent & biberent super mensam ejus in regno ejus, in quo facturum esset illos discumbere, se praecincto & ministrante, atque inclamante. *Comedite amici, & bibite & inebriamini charissimi.* Ubi non esurient neque sitient amplius, neque cadet super illos Sol, neque ullus aestus, scilicet quia Agnus in medio throni est, & qui occisus est, & regit illos, & transiens ministrabit illis, & ducet eos ad vitae fontes aquarum.

5. Misericordissimus Iesus in Passione (nam quid aliud est Christi Passio, nisi prodigium & profusio excessivae misericordiae?) Misericordiam quoque omnimodam consecutus est, non sibi quidem, sed nobis, aut si etiam sibi, id tamen in nobis, quia tanquam caput in membris. Unde & per hanc misericordiam suam salvos nos fecit, atque regeneravit nos in spem vivam. Hanc quoque misericordiam sibi indulgentiam à Patre, eidem ipse confessus est, dicens. *Quos dedisti mihi custodiri, & nemo ex eis perivit, nisi filius perditionis.* Et quomodo periret quis ex eis, quos misericordia fovit, pietas custodivit, charitas servavit? Denique per viscera misericordiae Dei nostri, qui est Pater misericordiarum, & Deus totius consolationis, convivificati sumus omnes nos in Christo.

6. Mundissimus corde, & ore, & opere Iesus in Passione sua, atte-

E e e

stante 3.

Matth.

26. 42.

Joan. 18.

11.

Cant. 3.

1.

Tit. 3. 5.

1. Pet. 1.

3.

Joan. 17.

12.

Luca 1.

78.

2. Cor. 1.

stante etiam ipso Pilato Præside, nec non ejus uxore, insuper & Herode, ac tandem & Latrone: beatitudine visionis Dei perfructus est, ab ipso quidem initio Conceptionis suæ, quando VERBUM Caro factum est, sed etiam in universa Passionis suæ tempestate atque diluvio, quo & lavit nos à peccatis nostris, & fecit nos sibi Ecclesiam *non habentem maculam neque rugam. Et licet infixus esset in limo profundi,* in quo non erat substantia, licet venisset in altitudinem maris peccatorum nostrorum, & tempestas iniquitatum nostrarum poenarumque pro illis nobis debitarum, eum demersisset; tamen etiam sic, quemadmodum per omnia mundus corde permansit, ita etiam Divinâ perfructus est beatificâ claritate. *Talis enim decebat ut esset nobis Pontifex, Sanctus, innocens, impollutus, segregatus à peccatoribus, & excelsior cælis factus, qui consedit in dextera sedis magnitudinis in cælis.*

7. Pacificus, & Pacificans omnia, Princepsque pacis, & Iustitia, & Pax nostra, Dominus Iesus in Passione, & per Passionem suam, Filius esse Dei & agnitus & vocatus est, & re ipsâ fuit, consistentibus jam tunc eum Centurione & multis dicentibus: *verè Filius Dei erat iste.* Non enim adoptione filius erat, sed naturâ, quasi unigenitus à Patre, in splendoribus Sanctorum, & Sanctitatum, ante Luciferum, & ante omnem creaturam genitus, qui & omnibus, quotquot credendo receperunt eum, dedit potestatem filios Dei fieri. *Neque confusus est fratres eos vocare: quin & dare, atque communicare cum eis hereditatem suam, ut sit ille tanquam Primogenitus in multis fratribus, illi autem fierent ex ipso heredes quidem Dei, coheredes autem sui.* Atque hæc est illa pacificatio, quam Dominus noster Passione suâ, & morte promerendo peregit, ejusque hereditatem in semetipso primus, sed & propter nos, tanquam caput propter corpus, & membra, possedit. Consummaturus eam plenè, & ultimariè, etiam in nobis, quando apparuerit gloria ejus, juxta illud, quod Ioannes promittit dicens. *Nunc (quidem) filii Dei, (jam) sumus, & nondum apparuit quid erimus. Scimus quoniam cum apparuerit, similes ei erimus, quoniam videbimus eum sicuti est.*

8. Passus est Dominus Iesus persecutionem, qualem mundus non vidit, ex quo homines esse coeperunt: passus autem est non solum propter iustitiam suam, sed etiam propter justificationem nostram. Interea tamen Regnum cælorum ejus fuit, & illi curvabatur omne genu. *Omnia enim quæ Patris ejus erant, erant etiam ipsius.* Propter quod dicebat Patri. *Pater, mea omnia tua sunt; & tua mea sunt.* Atenim

supra

Eph. 5.
27.

Hebr. 7.
26.

Hebr. 8.
1.

Matth.

27. 54.

Ioan. 1.

14.

Pf. 109.

3.

Ioan. 1.

12.

Hebr. 2.

11.

Rom. 8.

29.

Rom. 8.

27.

Ioan.

2. 2.

15.

15.

15.

15.

15.

15.

15.

15.

15.

15.

15.

15.

15.

15.

supra de hoc aliquid etiam quia dictum est, nunc plura hic addere nihil attinet.

Admiremur & congratulemur admirandam adeo disparatarum rerum in Iesu Passio pro nobis conjunctionem. Agamus etiam gratias tam corde, quam ore, quam opere, eidem Domino nostro, qui nobis & exemplum dedit, quod sequentes cum eius gratia, beatitudines veras, tam in hac, quam in altera vita obtineamus: & insuper Passionis mortisque suae merito, easdem nobis acquisivit, atque obtinuit. Denique sumus in hoc studio infatigabiles, ut Patientis ac morientis, pro obtinenda nobis beatitudinum istarum plenitudine, Domini Iesu vestigia, assiduo, & quam maxime, quamque proxime premamus, facientibus & suppeditantibus nobis animos robustissimos, ipsiusmet Christi Iesu tum exemplis usque adeo heroicis, tum meritis supra modum copiosis & efficacibus.

M O D V S LXXXIX.

Octogesimus nonus meditando Passionem Domini nostri Modus esse potest scrutando exemplares, Politicas, Purgatorias, Purgati animi Christi Domini in Passione sua virtutes.

Pro Fundamento ponenda est doctrina de virtutum varietate, neque melius potest haec enarrari, quam est à Divo Thomae explicata.

Affirmans ergo & probans Divus Thomas, convenienter Cardinales virtutes dividi in Politicas, Purgatorias, Purgati Animī, & Exemplares: ita discurret de singulis.

Oportet quod anima aliquid sequatur, ad hoc, ut ei possit virtus innasci, & hoc Deus est, quem si sequimur, bene vivimus. Patet igitur quod exemplar humanæ virtutis in Deo præexistat: sicut etiam in eo præexistunt omnium rerum rationes. Sic igitur virtus potest considerari, vel prout est exemplariter in Deo; & sic dicuntur virtutes exemplares, ita scilicet quod ipsa Divina mens in Deo, dicatur Prudentia. Temperantia verò, conversio Divinæ intentionis ad se ipsum, sicut in nobis temperantia dicitur per hoc, quod concupiscentia conformatur rationi. Fortitudo autem Dei, est ejus immutabilitas. Iustitia verò Dei, est observatio legis æternæ in suis operibus. Et quia homo secundum suam naturam est animal Politicum, virtutes hujusmodi prout in homine existunt secundum conditionem suæ naturæ, politice vocantur; prout scilicet homo secundum has virtutes rectè se habet in rebus humanis gerendis. Sed quia ad hominem pertinet, ut etiam ad divina

E e c c

se tra-

2. 2. 2.
61. 25.

se trahat quantum potest, (ut etiam Philosophus dicit in 10. Ethicorum Cap. 7.) & hoc nobis in Sacra Scriptura commendatur multipliciter, secundum illud, Matth. 5. *Estate perfecti, sicut & Pater vester celestis perfectus est.* Necesse est ponere quasdam virtutes medias inter politicas, quæ sunt virtutes humanæ, & inter exemplares, quæ sunt virtutes Divinæ. Quæ quidem virtutes distinguuntur secundum diversitatem motus & termini. Ita scilicet quod quædam virtutes sunt transeuntium & in divinam similitudinem tendentium, & hæ vocantur virtutes Purgatoriæ. Ita scilicet quod Prudentia, omnia mundana, divinorum contemplatione despiciat, omnemque Animæ cogitationem in Divina sola dirigat. Temperantia verò relinquat in quantum natura patitur, quæ corporis usus requirit.

Fortitudinis autem est, ut Anima non terreatur propter excessum à corpore, & accessum ad superna. Iustitia verò est, ut tota Anima consentiat ad huiusmodi propositi viam.

Quædam verò sunt virtutes jam assequentium Divinam similitudinem, quæ vocantur virtutes jam Purgati Animi: ita scilicet: quod Prudentia sola divina intueatur. Temperantia terrenas cupiditates nesciat. Fortitudo passiones ignoret. Iustitia cum Divina mente perpetuo foedere societur, eam scilicet imitando: quas quidem virtutes esse dicimus Beatorum, vel aliquorum in hac vita perfectissimorum. Hæc Divus Thomas.

Quibus ita explicatis considerari jam potest quomodo in Christi Domini Passione, atque etiam vita ejus universa eluxerunt istæ virtutes.

Et Exemplares quidem non est dubium in Christo Domino existisse, non solum in quantum Deus verus fuit, verum etiam in quantum Deus Homo existit. Etenim ipsa mens Christi, fuit in eo Prudentia, quâ voluntatem Dei, & salutem nostram operatus est, secundum omnes rationes æternas atque Divinas, quas in Deo præexistentes clarè intuebatur, ab instanti suæ Incarnationis, & totâ vitâ, iisdem regulatus, easdem exsequebatur, usque ad instantem mortis, propter quod dicebat: *Sicut mandatum dedit mihi Pater, sic facio.* Porro Temperantia exemplaris fuit in Christo, quatenus ejus Theandrica Mens, & omnis intentio conversa fuit semper ad se ipsam, eamque in omnibus intuebatur, omnemque actionem suam suis mensuris admetiebatur. Fortitudo Christi in eo eluxit exemplaris, quod immutabiliter se in omnibus habuerit, nequaquam consilium propositumve Animi ejus ulla

crea-

creatura immutare potuerit. Sic et si hostes ejus sæpius ejus mortem attentaverint: nunquam tamen facere quidquam potuerunt. *Quia necdum venerat hora ejus.* Sic etiam descensum de Cruce frustra videbant, pollicentes fidem in eum, quia non in descendentem de Cruce, sed in Resurgentem è sepulchro, redivivumque à morte credendum esse, salvandis à se, statuerat. Iustitia Christi in hoc eluxit, quia legem suam æternam, tum per vitam totius in terris cursum; tum in Passione sua potissimum rigorosissime in semetipso adimplevit, adeo ut de illo dictum sit, *quod factus sit nobis Iustitia à Deo.*

Ioan. 7.
30.

1. Cor. 1.
30.

De Politicis virtutibus, quod in Christo, & quidem perfectissime exstiterint, manifestum est, vitam ejus Passionemque omnem intuenti. Perfectissime enim se habuit semper in rebus humanis agendis, ita ut dicere potuerit hostibus suis in faciem. *Quis ex vobis arguet me de peccato.* Vixit fere perpetuo inter observatores actionum suarum, inter captatores sermonum suorum, inter scandalum patientes malitiosè ex operibus suis: neque tamen quidquam unquam deprehenderunt quod iuste accusarent. Imò aut fateri coacti sunt. *Bene omnia fecit.* aut confusi & responso destituti abire. Et in Passionis tempore Pilatus alioqui iudex iniquitatis, tamen repetitò testimonium ejus innocentia dedit, atque latronum conerucifixorum ipsi unus contra omnes principes & populos non dubitavit pronuntiare de eo. *Nos quidem iuste (patimur) nam digna factis recipimus. Hic autem nihil mali gessit.* Denique quod semel Dominus in alapa illa indignissime sibi inflicta respondit. *Si male locutus sum, testimonium perhibe de malo: si autem bene, quid me cadis.* Hoc ipsum ad singulas poenas suas, per omnia momenta Passionis repetere potuit. Atque ut particulariùs aliquid attingamus de hisce virtutibus.

Ioan. 8.
46.

Luce 23.
41.

Ioan. 18.
23.

Politica virtus fuit in Christo. Adire ad Ioannem Baptismi gratia. Nuptias suà præsentia cohonestare, & vinum in eas largiri. Solvere didrachma, ne scandalisarentur ejus exactores: decernere, ut redderentur quæ sunt Cæsaris Cæsari, & quæ sunt Dei, Deo. Misereri super turbam, & eam pascere in deserto. Usus naviculæ Simonis, ad docendas turbas ex ea, persolvere capturâ piscium copiosâ.

Politica virtus fuit, triumphaliter, simulque humiliter ingredi Regiam Civitatem: defendere Magdalenam à reprehendentibus ob effusum super caput ejus unguentum. Mortem amici Lazari desistere. Lavare pedes discipulorum. Obviam procedere inimicis. Proditorem amicè compellere. Osculo dignari. Invasorem suum à vulnere sanare.

sanare. Inter contumelias, probra, injurias, calumnias, vulnera, fortiter, patienter, mansuetè durare, pro inimicis orare, in parentem pietatem exercere. Spiritum Deo commendare ac tradere. Pro iustitia & charitate mori, pro salute & incolumitate publica omnium, omni discrimini, iacturæ, periculo, & morti sese offerre, & impendere.

Virtutes Purgatorias quatenus iis tenditur & transitur in Divinam similitudinem, & aliquid adhuc involvunt imperfectum: in Christo non fuisse dubium non est. Siquidem ab instanti conceptionis habitavit in eo, tam Divinitatis, quàm omnium virtutum perfectionumque plenitudo. Nisi fortè cui placeat dicere ita in Christo fuisse perfectum virtutum, sicut in Evangelio dicitur, *IESVS profecisse, Sapientiâ & aetate, & gratiâ, apud Deum, & apud homines*. Non quòd Dominus Iesus non fuerit semper ab ipso ortu suo plenus sapientiâ & gratiâ, & perinde omni virtute, & veritate, & perfectione, sed quia (ut ait Bernardus) aliquid in eo novum accidere videbatur, quando volebat ipse ut videretur: interim autem semper erat sapiens, & sapientissimus, & sapientiâ ipsa: perfectus quoque, & perfectissimus, & perfectio ipsa.

At verò virtutes Purgati Animi, quatenus ea non supponunt ullam, quæ debuisset purgari, impuritatem: (quod præmitto ne quis ludat ludaturve in verbo) fuerunt per omnia consummatæ in Domino Iesu. Sinè dubio enim ille nihil penitus nisi sola Divina intuebatur, quod fuit Prudentiæ, terrenas etiam cupiditates prorsus nesciebat. quod fuit Temperantiæ. Passiones etiam ignorabat, imò nec habebat (sed solum ut loquitur Hieronymus propassiones) quod erat Fortitudinis, denique cum Divina sua mente, perpetuo fœdere sociabatur, eamque perfectissimam, ac planè Theandrico modo imitabatur, quod erat Iustitiæ. Atque hæc etsi in tota vita Domini, at speciatim quâdam ratione, inter Passionis ardua, & acerba, & indigna, & funesta collucebant. ubi enim Christus magis sola intuebatur Divina? ubi passionum nescius magis? ubi terrenorum studiorum oblitus & negligens amplius? ubi arctiori fœdere Dei voluntati atque menti adstrictus? quàm in Passione, & Morte, in qua ne perderet obedientiam, perdidit vitam.

Ergo Christus Dominus & Rex virtutum: ergo plenus gratiâ & veritate, ergo Sanctus Sanctorum, ergo Iustus & Iustitia, Perfectus Perfectioque ipsa fuit. Nobis in omnibus relinquens exemplum, ut sequamur vestigia virtutum ejus. Et quidem non exemplarium: quia hæc creatura cuius impossibiles sunt, sed in Politicis, in Purgatoriis, potissimum

simam autem in iis quæ Purgati Animi & exemplaribus vicinæ præ omnibus aliis sunt. Ut impleatur per Gratiâ Dei à nobis in nobis, illud Domini nostri dictum. *Et vos ergo estote perfecti, sicut & Pater vester celestis perfectus est.* quod utique fiet, si sola quæ Dei sunt intuebimur, si terrenas cupiditates ne quidem sciverimus, si Passiones ignoraverimus, si cum Divina mente perenni fœdere consociabimur eamq; imitabimur.

M O D V S X C.

Nonagesimus Modus meditando Passionem Domini esse potest. Comparando Creationem mundi cum Incarnatione atque Passione, tum etiam Resurrectione Christi Domini. Paucis carpat hanc comparisonem, fusius tractatam ab aliis scriptoribus.

Primò igitur Moyſes describit Mundi Creationem his verbis. *In Principio creavit Deus cælum & terram.* Et potest quidem vox *In Principio*, ita intelligi: primò omnium, & ante omnia: potest nihilominus etiam intelligi, prout passim intelligitur, id est, in Filio, seu in VERBO, dicente alibi scripturâ. *Verbo Domini cæli firmati sunt.* ut respondeas initium veteris legis seu Testamenti, initio legis novæ & librorum ejus. *In Principio erat verbum.* & mox. *Omnia per ipsum facta sunt, & sine ipso factum est nihil, quod factum est. in ipso vita erat.* Quæ Evangelii verba videntur veluti esse explicatio, in quonam Principio Deus creavit cælum & terram: ad stipulante etiam Apostolo ad Hæbreos, ubi dicit, *Deum per Filium fecisse sæcula.* adducitque Davidis testimonium dicentis de Filio. *Tu in principio Domine terram fundasti, & opera manuum tuarum sunt cæli.* Quod si de hisce visibilibus mundi partibus verum est in Verbo, & à Verbo conditas esse, verum erit & multò quidem magis, alium etiam mundum cum partibus suis, hoc, ab initio creato, multò nobiliorem, digniorem, admirabiliorem, & propter hæc omnia etiam longè majorem, ab eodem, & in eodem, imò verò, & ex eodem verbo Filioque conditum esse. Antiqui vocabant Hominem parvum mundum, at Nazianzeno placuit eundem vocare magnum mundum, quod nomen justissimo jure justius tribui debet Deo-Homini Domino nostro, Iesv Christo: qui semetipsum in sua Persona VERBI ex Homine-Deo hypostaticè consians, revera *In Principio creavit cælum & terram*: hoc est in VERBO & Filio DEO uniens Animam & Corpus. Anima enim Cælum revera fuit, & quia Spiritus immortalis, & quia jam tunc ab exordio creationis suæ Hypostasi Di-

vinæ adhærens, & simul etiam visione Dei beatificâ perfruens; Corpus verò terra, quia terrenum fuit, & de terra Virgine sumptum formatumque est.

Adhuc autem Anima Christi Domini Cælum fuit, quoniam in ea *habuit plenitudo Divinitatis* (ut ait Apostolus) *corporaliter*; in ea etiam omnes thesauri Sapientiæ, & Scientiæ, Iustitiæ quoque, & Misericordiæ, Charitatis etiam, & Bonitatis, reconditi erant. Corpus autem ejus terra fuit: terra nova, terra viventium, terra maledictionis omnis expers, terra in qua plantavit Dominus Paradysum voluptatis.

Præterea fuit Anima Christi Cælum, quod à celando dictum est, quia omnia celat, & tegit omnia, sic enim etiam Anima Christi celabat intra se omne Divinitatis consilium, omnemque VERBI Divinitatem. Corpus verò Domini terra fuit, quia quemadmodum terra foditur, aratur, colitur ut fructificet; ita & Corpus Christi araverunt peccatores, & prolongaverunt sulcos suos. Sicut terra est Fundamentum omnia sustinens; ita & Corpus Christi omnes nos in sua membra admittit. Sicut terra omnes res alit, & esca omnium in ea; ita & Caro Christi verè est cibus, & Sanguis Christi verè est potus, quo nisi alatur Animæ nostræ, vitam Spiritus, & gratiæ, & gloriæ habere in sese non possunt.

Denique Anima Christi Domini Cælum erat, quoniam beata, & gloriâ atque fruitione Divinitatis beatificâ plena erat. Corpus autem terra erat, quia beatitudine suâ necdum fuit dotata, sed terrenorum corporum instar passibile, mortale, ærumnis & necessitatibus subiectum erat. unde quod Moyses dixit de terra initio condita, *quod esset inanis & vacua*, hoc Corpori Christi Domini optimè quadrat. Erat enim Corpus illud Sacratissimum inane & vacuum gloriâ & beatitudine sibi connaturaliter ob unionem cum Anima jam beata, itemque ob unionem Hypostaticam cum VERBO debita, sed per miraculum, atque propter misericordiam super nos in corpore patibili præstandam suspensa, & veluti exclusa: donec nimirum terra ista Corporis Sacrosancti fuisset omni genere ærumnarum culta, & fructibus omnigenæ salutis nostræ preparata, quin etiam gloriæ, ac beatificationi suæ meritório jure idonea facta. Quod attestatus est postmodum suo tempore Dominus, quando dixit. *Hac oportuit Christum pati: & ita intrare in gloriam suam.* Corpori scilicet suo inferiorique portioni sensuali debitam ex Animæ Beatae Verbiq; Divini consortio, uti supra dictum est.

Huic

Huic eidem Corpori Christi Domini optimè servit id, quod Moyses narrat de terra, eam nimirum fuisse immensis aquarum abyssis obrutam, insuperque tenebris occupatam. Humanitas siquidem Christi quoad Inferiorem sensitivam Corporisamque suam portionem, co-operta fuit à prima conceptione sua, & deinceps per omnem vitam, maxime in Passione & Morte sua, abyſſo patibilitatis, & omnis generis arumnarum, ex patibili mortaliq; statu in se redundantium : magis verò ex aquis passionum tam interiorum, quàm exteriorum, plus quàm immensè dolorosarum. Maxime porro ex tenebris mortis, quando Anima à Corpore soluta, ipsa quidem ad inferos victrix cum potestate triumphali descendit, at verò Corpus inane, vacuum, tenebris mortis obvolutum in sepulchro mansit.

Quis cogitabit & pervadet animo abyſſos, quibus Christi Humanitas cooperta fuit in illa lucta in horto, ubi Iesus coepit pavere, cedere, contristari, moestus esse, orare, sudare sanguine, agonizare, usque ad mortem? Quis horrorem illum potestatis tenebrarum, in Christum totis viribus, effusisq; cataractis inferni erumpentium comprehendet? Quis (ne longus per singula eundo videar) quis inquam Congregationes dolorum, omnisq; generis calamitatum maria, super Animam Corpusque Christi superinfusa permetietur. Sinè exaggeratione atque Hyperbole tunc Dominus noster vocem illam usurpavit Propheticam. *Circumdederunt me aquæ, usque ad Animam. abyſſus valavit me, pelagus operuit caput meum.*

Interea tamen Spiritus Domini ferebatur super aquas istas, & tenebras illas discutiebat, VERBUM scilicet Hypostaticam unionem conservans, cū mortuo Corpore, nec dans Sanctū suū videre corruptionē, donec veniret hora resurrectionis, in qua instaurata est Humanitas Christi tota, & gloriā atque honore beatitudinis etiam in corpore gloriosissimo coronata. Vel etiam Spiritus Domini ferebatur super aquas, quia super scelus inimicorum & interfectorum Christi, elevabatur consiliū admirabile Trinitatis, quo, & nolebat hominem contra propositum suum perire, & scelere interfectionis Filii Dei, uti volebat, reque ipsa utebatur ad executionem Sapientiā, Omnipotentiā, Iustitiā, Misericordiā, & Charitate plenissimi consilii. Fecit enim ut manus impiorum, quas in se admittebat Filius Dei, famularentur Redemptori, & Humani generis redemptioni.

Interea quoque dixit Deus, fiat lux : & facta est lux : quia quando

VERBUM Caro factum est, & habitavit in nobis, tunc etiam in ipso vi-

F f f

sa erat,

Iona 2.
6.

Ioan. 1.

ta erat, & vita erat lux hominum, & lux in tenebris lucet, & tenebrae
non comprehenderunt, neque enim in propria venientem receperunt. Sed
potius videntes eum, dixerunt. *hic est heres, venite occidamus eum, &*
hereditas nostra erit. Sed mentita est iniquitas sibi. Filius enim Dei, &
vivens in terris, lux fuit mundi, & in Cruce patiens atque moriens no-
ctem peccatorum damnationisque æternæ depulit, atque discussit: vi-
vificans & illuminans omnem hominem venientem in hunc mundum: ju-
xta quod dixerat ipse. Oportet exaltari filium hominis. Et. Ego si exal-
tatus fuero omnia traham ad me ipsum. Nisi enim granum frumenti ca-
dens in terram mortuum fuerit, ipsum solum manet. Si autem mortuum
fuerit, multum fructum affert.

Divisit quoque lucem à tenebris, Passione & Cruce, atque Morte
suâ Dominus; tum quia non Angelus sed Semen Abrahæ apprehendit,
pendensque medius latronum, unum eorum, qui figuram gessit Ada-
mi, seu generis Humani, paradyso donavit; alterum qui typus fuit dia-
boli in damnatione dereliquit: tum quia Ecclesiam suam à Synagoga
separavit; tum etiam quia Electos à reprobis, credentes ab infidelibus,
amatores ab odientibus discrevit, in extremo suo iudicio Agnos ab hæ-
dīs æternū separaturus est, quando Oves, id est, Iusti ibunt in vitam
æternam; hædi autem, id est, impii; in combustionem æternam.

Tunc etiam fecit Deus firmamentum ex aquis, in medio aquarum,
divisitque aquas ab aquis. Passio enim, & Crux, atque Mors, & omnis
Infirmitas Salvatoris nostri in Homine quem suscepit, facta est Firma-
mentum infirmitatis nostræ, sanitas omnis ægritudinis nostræ, suble-
vatio omnis ruinæ nostræ, solidatio omnis contractionis nostræ, Eru-
ditio omnis imperitiæ nostræ, Consolatio omnis tribulationis nostræ,
Abundantia omnis egestatis nostræ: denique vita omnis mortalitatis
& Mortis nostræ. Dominus namque noster ostendit, imò & contulit
nobis in sua Cruce gloriam, in sua stultitia sapientiam, in suis probris
laudem, in sua egestate & nuditate divitias, in suis doloribus delicias,
in sua afflictione dulcedinem, in suis tribulationibus consolationem,
in sua tentatione gaudium, in sua infirmitate robur, in sua obedientia
libertatem, in sua patientia pacem, in sua humilitate exaltationem, in
sua mortificatione conservationem, in sua morte vitam, in sua fide sci-
entiam, in sua spe possessionem, in sua charitate beatitudinem: videli-
cet aquarum ab aquis separationem. Quoniam sunt etiam aquæ ini-
quitas, & aquæ Iustitiæ; sunt aquæ Culpæ, & aquæ veniæ; sunt aquæ
mortis, & sunt aquæ vitæ; sunt aquæ peccati, & sunt aquæ Gratiæ; sunt
aquæ

Aquæ Sapientiæ hujus mundi, & sunt aquæ salutare Sapientiæ Dei; sunt aquæ tribulationum, & sunt aquæ consolationum; sunt aquæ temporaneæ, & sunt aquæ æternitatis, denique sunt aquæ damnationis & inferni: & sunt etiam aquæ beatitudinis & cæli. Atque hæc omnes ab invicem Crucis Mortisque separantur firmamento.

Et ne longus sim. Dixit præterea Deus *Congregentur aqua in unum locum, & appareat arida, & factum est ita.* Quod quid est aliud, quam in Christum Deum-Hominem congregatas & coactas esse omnis generis gratias, & dona, & prærogativas, beneficentiæ Dei, ejusque meritum intuitu Aridam apparuisse, hoc est, Humanam nostram naturam à Deo adamatam, & exaltatam tantopere: usque nimirum ad fruitionem Dei, aut usque ad Consortium unionis VERBI. Vél certè. Congregatae sunt aquæ omnes peccatorum nostrorum, seu suppliciorum peccatis nostris debitorum, in unum Dominum nostrum, posuit enim in eo (juxta dictum Propheticum) *Pater, iniquitatem omnium nostrum, & ipse factus est Agnus, qui tollit peccatum mundi: ipse peccata nostra pertulit super lignum.* Interea verò nos ejus livore sanati sumus, nos sumus reconciliati Patri per ipsum. Nos apparuimus tanquam Arida, immunitis & innocens. Et qui ante fuimus procul, facti sumus propè: qui fuimus non populæ, & absque misericordia; facti sumus populus, & misericordiam consecuti. denique qui fuimus terra deserta & invia, ecce facti sumus terra proferens herbam virentem, & faciens Semen juxta genus suum, lignumque, faciens fructum suum, fructum nimirum Fidei, Spei, Charitatis, Iustitiæ, bonorum operum. Laudis, & gratiarum actionis, & omnis virtutis, adeoque etiam beatitudinis, per merita & gratiam Domini Nostri Iesv Christi, qui est Deus Benedictus in sæcula.

M O D V S X C-I.

Nonagesimus Primus Passionem Domini meditando Modus potest esse; Comparando statum Redemptionis, qui nobis per Passionem Domini obvenit, cum statu Innocentiæ, quem nobis Deus in prima Creatione contulerat: & advertendo plus nobis in Redemptione à Passione collatum esse, quam in Creatione ab Innocentia collatum fuerat.

Desumo hunc Modum à Patre Ludovico de Ponte: qui Gratiam Incarnationis Divinæ propter nos, passionisque pro nobis, cum Gratia, quæ Adamo ejusque posteris in statu Innocentiæ præstita, conferens, illamque huic præferens ejusmodi discursum instituit.

In initio creavit DEVS Adamum in gratia & originali Iustitia, tan-

Gen. 1.

8.

Isaia 53.

5. 6.

Ioan. 1.

29.

Isaia 53.

5.

1. Petri

2. 10.

Gen. 2.

12.

Parte 6.

Mediat.

35.

„ quam Caput totius Humani generis cum tali pacto, ut si ipse in ejus ser-
 „ vitio perseveraret, omnes ejus posterii cum eadem gratia nascerentur,
 „ in qua facillè possent totà suà vitā perseverare. Abstulit enim Deus illis
 „ tria impedimenta perseverandi, quæ nos modò sustinemus. 1. Rebel-
 „ lionem Carnis contra Spiritum, & Passionum contra rationem. 2.
 „ Mortalis Corporis miseras, quæ Pauperem Animam gravant. 3. Per-
 „ secutiones & contradictiones exemplaue malorum, qui bonos infi-
 „ ciunt & perturbant. Si enim aliquis tunc fuisset malus, mox illum
 „ Deus à cæteris separasset. Licet verò tentatorem diabolum illis reli-
 „ quit: poterant tamen eum facillè superare: quia illius tentatio tunc
 „ non potuit esse illis tam vehemens, sicut nobis modò est. Cum in eis
 „ non potuerit Diabolus commovere humores, concitare inordinatas
 „ Passiones, representare imaginationes, prout nunc nobis facit, sed tan-
 „ tum ei licebat exterius proponere, per quod decipere volebat: quas
 „ ejus deceptiones facillè fuisset tunc hominibus cognoscere per scientiā,
 „ atque gratiam infusam à Deo, si eā uti voluissent. Ex quo apparet,
 „ quàm Deus voluerit homines in illo statu Innocentiæ perseverare, cæ-
 „ lumque obtinere.

„ At quia Primus Homo peccando dissolvit Providentiæ Dei disposi-
 „ tiones, circa suam suorumque posterorum salutem, in illo Innocentiæ
 „ statu: per quod commertus erat cum suis omnibus à Deo abjici, atque
 „ deferri in damnatione mortis, etiam æternæ. Nequaquam tamen ita
 „ fecit Deus, sed illico aliam Providentiæ in disponenda salute humana
 „ rationem assumpsit, quā hominibus remedium adhiberet, & quidem
 „ sublimiori longè quàm prior fuerat Providentiā.

„ Etenim in eum finem, ex multis quæ assumere potuit mediis, ex
 „ sua infinita charitate elegit gloriosissimum, quale & sapientia ejus ex-
 „ cogitare, & omnipotentia exsequi, & bonitas velle potuit: ita rem di-
 „ sponens, ut ex ipsis Adami posteris nasceretur Homo, qui simul esset
 „ Davs: propter cujus merita, peccatum Adami remitteretur, damnaq;
 „ illius repararentur. Itaque ipsemet in Persona sua Deus exsecutor esse
 „ voluit hujus suæ Providentiæ, faciens se ineffabili modo Hominem pro-
 „ pter Homines; & sese caput eorum visibile; (aliàs enim erat tantum
 „ invisibile) instituens per naturæ Humanæ ad suam Divinam Personā
 „ conjunctionem. Infinites majorem hac ratione honorem adhibens
 „ Hominibus, quàm ante culpam habuissent. *O felix culpa, quæ talem ac-*
 „ *tantum meruit habere Redemptorem!* O felix fractura quæ adeò admi-
 „ randâ providentiâ est reparata! O felix miseria, quæ adeò infinitis mi-
 „ sericordiæ remediis est persanata?

Si-

Sicut enim iste secundus Adam, nimirum Christus, infinitè excellit primum; sic bona quæ per secundum nobis proveniunt, excedunt incomparabiliter illa, quæ per Primum advenissent, si ille non peccasset.

Nam Primò, etsi Filii Prioris Adami nati fuissent in gratia, ii tamè quia Christo generantur per Baptismum, majorem nunc recipiunt gratiam: illis enim Deus dedisset gratiam tantum ex sua libertate: at verò istis dat eandem etiam propter infinita merita Christi, qui Passione & morte suâ eam ipsis comparavit.

Deinde quamvis Filii Adami, in illo statu Innocentiæ non habuissent pugnam Passionum, quam nunc Filii Christi sustinent: hoc tamen ita disposuit Divina Providentia, ut eò victoria esset illustrior, quò pugna acrior: essentque illorum opera magis meritoria, quò majores vincerent difficultates: suffragantibus meritis Passionis & Mortis Redemptoris, & gratiâ ejus copiosâ filiis ejus debilioribus.

Tertiò licet Filii Adami mortem non obiissent, neque alias corporis miseras experti fuissent, quas Filii Christi Domini experiuntur & sustinent, ipse tamen Christus, ita illas honoravit, cum in se ipso illas suscepit, ut felicitatis atque honoris potius sit eas à nobis subiri: eò quòd omnes Dominus ipse convertat in materiam, & exercitationem Heroicarum virtutum: quarum excellentes actus in illo statu non fuissent. Desuissent enim occasiones Paupertatis, Patientiæ, Martyrii, dilectionis inimicorum, resignationis in re præsertim adeò chara, qualis est salus & vita, quæ tamen omnia in nostro statu dulcia sunt, propter eum, qui prior dilexit nos, & tradidit se ipsum, ad hæc omnia propter nos.

Denique Misericordiæ ejus Magnitudo, infinitè vincit miseriæ nostræ magnitudinem ab Adami culpa inflictam. Non enim tantam vim habuit *delictum*, sicut habet *donum*. Nec tantum nobis potuit damnum Adamus inferre, ut eò majus bonum non potuerit nobis Christus conferre, condonando scilicet peccatum, quod hereditate ab Adamo acceperamus, & omne præterea aliud, quod ipsi commiseramus. Prosequendo etiam nos tot tantisque favoribus, post omnem licet nostram ingratiudinem, bonorumque suorum contemptum: adeò, ut qui in illo statu fuissent, potuissent nobis jam nunc plurimas veluti invidere excellentes prærogativas, quales sunt Communio cum VERBO Incarnato, Sacramenta, (præsertim) Eucharistiæ. Item Sacrificium, atque Sacerdotium illi respondens. Influxus meritorum Christi in opera nostra, quo ea dignificantur longè illustrius, quàm in puræ innocentia

statu quæ omnia in hoc statu habemus nos propter merita Redemptoris nostri.

O Redemptor dulcissime: gratias tibi agimus quantas possumus, pro paterna tuâ erga nos Providentiâ: quâ felicitatem statûs Innocentiæ suppleas nobis abundantia copiosæ Redemptionis atque Gratiæ Tuæ Divinæ, quam nobis communicas. Melius est Dominæ tecum vivere in statu certaminis, quàm sinè te in statu pacis. Pax enim sinè te, uno in die perit: certamen autem cui Tu assistis tuâ gratiâ, obtinebit pacem sempiternam.

Hactenus ex Ludovico de Ponte. Quibus addo pauca, pariter ex optimo scriptore ad idem propositum.

*Neremb.
in Theo-
pol. Par-
te 1. lib. 1.
Cap. 9.*

Quæ major Dei gloria, quàm autoritas misericordiæ stupendæ, & autentica illa demonstratio bonitatis suæ, quæ inimicis non solum pepercerit, sed propter illos proprio non pepercit Filio? quæ major honorificentia nostri generis, quàm congenerê habere Deum, & collegam laborum? Omnia hæc feliciora sunt quàm antea. In-
gemunt multi nostræ conditionis miseriam, clamant, accusant Adamum, propè est ut maledicant, cupidi alterius statûs. Nescio an hoc sit aliqua Christi oblivio. Ego valde lætor, & exulto cum Iesv meo, cum hoc statu miseriæ, sed gratiæ. Si eligendi alterutrum mihi præstaretur optio, hunc tristem (excepto peccato) non aspernarer quia felicissimum cum fraternitate Iesv, cum Gratia ejus cum necessitatibus, cum miseriis. Has exosculor, has odoror, has præfero felicitati antiquæ. Nam has sanctificavit Iesvs, has prætulit, quia pertulit. Iam Sanctas illas video. Hæ me similem Deo facient, hæ me exstimulant, & agitant, ut Iesvm cum illis, & in illis inveniam. Locus iste Sanctus est, & porta cœli.

Non est cur jam desicemus miseras istas, & exoptemus impatientibus votis, felicitatem aliam fortasse periculosam. Malo debere salutem Iesv meo, quàm Adamo. Nam debeo certiozem, fortasse majorem. Gratulor, gratulor mihi gratiam Iesv, venerandam etiam Angelis, & propè invidendam. Gratulor mihi vulnera unigeniti Dei, gratulor sanguinem Christi, gratulor patientiam potentissimi, gratulor tot passiones impassibilis, gratulor & meas. Multa sunt quæ me lætificent, si conferam utrumque statum. In illo non deessent peccata, quid juvaret si deessent miseriæ? In hoc non deerit Gratia: quod id impedit quod abundantem necessitates. &c. &c.

M O D V S XCIL

Nonagesimus secundus meditandi Passionem Domini nostri Modus esse potest, tanquam quiddam Christo Deo Gloriosissimum atque omnino dignissimum, idque in ipsa sua indignitate & enormitate. Novimus ab Apostolo Paulo notatum esse triplex Iudicium de Christi Passione, Cruce, & Morte. nempe quod *Iudæis* quidem sit scandalum, *Gentibus* seu infidelibus gentilibus *stultitia*, *Electis* autem & credentibus, *Dei virtus atque Sapientia*; assignatq; rationem, non minus veram, quam miram, dicens: *quia quod stultum est Dei, sapientius est hominibus: & quod infirmum est Dei, fortius est hominibus.*

Expendit hoc argumentum præclarâ & oratione, & pietate citatus proxime Ioannes Eusebius Nerembergicus, propterea ejusdem verbis hunc meditandi Modum hic exponam, abbreviatis tamen, vitandæ longitudinis causâ.

Quod Gentibus stultitia est, visum Iudæis scandalum: Deum-Hominem mortuum fuisse, laboribus saginatum, & per totius Patientiæ pericula commendatum, hoc summa sapientia est, & decentissimum Deo. Cyrillus Jerosolymitanus non solam gloriosam dixit Crucem Christo Jesu, sed gloriationem gloriationum. Inprimis allego privilegiam Amoris legem, per quam nihil vilescit, quidquid amore fit, etiam vilissimum: commendare charitate omnem humilitatem, juvat addere christianam Balduini sententiam. Judas vel Judæus Christum morti tradidit, & hoc ex malignitate; tradidit Pater Filiū, & Filius se ipsum, & hoc ex charitate. Nec traditionis est rea Charitas, sed innocens est etiam in morte Christi. Soli enim charitati licet, quidquid libet, & impune: sola Deum cogere potest, quasi imperiosa. Hæc de coelo Deum deposuit, hæc in Cruce posuit, hæc tam innocenter quam salubriter sanguinem Christi fudit in remissionem peccatorum.] Ergo si amare dignum est Deo, nihil indignum erit quod amatorio impetu fecerit: quanto magis pati, quod ipsum Amorem maximè commendat. Tam abest, ut Patientia majestate Iesu indigna sit, ut non solum eam suus Amor commendet, qui commendat etiam vilia, & abjecta, sed ipsa commendet Amorem omnia commendantem.

Satis jam Actiones Divinæ fidem Amoris præstiterunt. Oportebat per omne periculum explorari, scilicet per Passiones. *Quia nos videlicet* (verba sunt Gregorii) *minus amaret, nisi & vulnera nostra*

Eus. Neremb. in Theopol. Parte 1. lib. 2. Cap. 27.

susci-

„ susciperet: nec vim nobis sue dilectionis ostenderet, nisi hoc quod à nobis
 „ tolleret, ad tempus ipse sustineret. Passibiles quippe mortalesq; nos repe-
 „ rit, & qui nos exsistere fecit ex nihilo, revocare videli. et etiam sine sua
 „ morte posset à Passione. Nos itaque quia amati à Deo vulneravimus
 „ eum, ideo ut vulnera sui Amoris per vulnera sui Corporis significa-
 „ ret ipse Iesus dulcissime affatur Animam: *vulnerasti cor meum So-*
 „ *ror mea sponsa, vulnerasti cor meum.*

„ Deinde non indigna est Divinitate tolerantia. allego sensum na-
 „ turæ, & ipsorum Ethnicorum suffragium. qui cum filium aliquem
 „ Dei suum Herculem ad exemplar virtutis proposuissent, laboribus
 „ etiam exornarunt, & omni consecrarunt patientiâ. Hujus gloriam
 „ lego ab Ethnicis commendatam, & per ignominiam Crucis. de qua
 „ Lucius Florus, Reguli mortem narrans sic loquitur. *Nec ultimo sive*
 „ *carceris, sive Crucis supplicio deformata majestas, imò his omnibus admi-*
 „ *rabilior, quid aliud quam victus de victoribus, quia Carthago non cessa-*
 „ *rat, de fortuna triumphavit?* Hæc Ethnicus de Patientia Hominis;
 „ quantum gloriabitur Christianus de Patientia Dei? dicam cum Am-
 „ brobio. *Decoras facies quæ non erubescit autorem: quæ non confundi-*
 „ *tur Redemptore.* Dicam cum Tertulliano. *Quodcumque Deo indi-*
 „ *gnum est, mihi expedit, salvus sum, si non confundar de Domino meo. Qui*
 „ *me (inquit) confusus fuerit, confundar & ego cum.* Alias non invenio
 „ *materias confusonis, quæ me per contemptum ruboris probent bene impu-*
 „ *dentem & feliciter stultum.* Natus est Dei Filius: non pudet, quia puden-
 „ dum est. Et mortuus est Dei Filius: prorsus credibile quia ineptum est: &
 „ sepultus resurrexit, certum est, quia impossibile est. Dicam denique cum
 „ eodem, humilitates & passiones Jesu, *neceffarium decus fidei.*

„ Cæterum & fidem Majestatis tanta humilitas præstat. Non habet
 „ Deus suum honorem leviter sibi adhaerentem ut facile excidat: innæ-
 „ ta est illi Majestas, secuta periclitari se potest, & tuta, & tota, & ma-
 „ gnificè demittere. Ille enim qui non duxit rapinam æqualitatem Pa-
 „ tris (etenim re verâ & legitimâ, & naturali hæreditate æqualis erat)
 „ securè potuit semetipsum exinanire. Non enim rapuerat gloriam
 „ (ait Theophylactus) ut timeret de illa excidere: & propterea non de-
 „ dignatur humile quidquam facere: qui generosi non sunt, quod glo-
 „ riam rapiant, nolunt ullo modo humiliari, ut non perdant quod ra-
 „ puerunt. At omnium Rex erat Christus & Dei Filius. *Hæc summa*
 „ *magnitudinis servitus est, non posse fieri minorem.* dixit Seneca.

„ Decebat etiam Magnum illum Dominum Majestatis exhiberi mi-
 „ nimum,

Ambr.
 Ser. 6.
 Tertul.
 l. de Car-
 ne Chri-
 sti. C. 5.

nium, & sapientis praeceptum acie amplecti. *Quarto magnus es*
humilitate in omnibus. Elegantiissime balduinus. Secundum Magni-
tudinem dignitatis, aqua sit mensura humilitatis, humilitas in honore,
honor est ipsius Honoris, & Dignitas Dignitatis. Omnis Dignitas ipso no-
mine Dignitatis indigna est, si humiliando dignetur. Humilitas autem si-
ne honore, ipsa sibi sufficit ad honorem. Honor vero sine humilitate sese
perdit ad confusionem. Adice, nullam ignominiam Patientiae injus-
 tam esse, imò gloriosissimum est indigne pati. Quanto turpius est
 ob peccata mereri supplicium, tanto gloriosius sine peccato ferre:
 quid erit si non sit peccatum, maxime si nec alienum. Hic totus est
 Pudor Crucis Christi, scilicet Gloria est.

Præterea, Opera Dei imperfecta non sunt, depressit se ad Humilitatem
 nostram, ad exemplum; ad redemptionem, exactè debuit face-
 re quidquid fecit: Voluit pati: debuit exactè pati: id est, non mi-
 nus quàm ullus, id est, plus omnibus. Voluit mori; debuit exactè
 mori, morte (ut sic dicam) mortalissimâ. Voluit humiliari: debuit
 exactè humiliari; debuit magnanimiter, debuit ad extremam lineam:
 voluit egere: debuit exactè egere, id est nihil habere. Propterea tan-
 to voluit contemptui haberi, & execrandus judicari, ut (quemadmo-
 dum Anselmus ait) nec mori dignus haberetur intra aliquam hominum
 habitationem, neque inter homines, nisi inter execrabiles. Neque sub te-
 sto aliquo, nisi sub celo, de quo ejici non potuit, ut secundum Prophetam
 opprobrium hominum & abjectio plebis asstimeretur. Denique si decens
 Deo fuit, Deum fieri hominem, decuit sic fieri hominem, ut minus
 homine videretur. Sunt enim Divina opera eximia, & in humilibus
 etiam magnifica, & quodam infinitatis odore illimitata.

Multæ aliæ causæ fuêrunt, quæ sic Iesum meum exigebant: Conso-
 latio nostræ miseriæ. Exemplum virtutum ipsius. Demonstratio
 gravitatis peccati. Commendatio Divinæ gloriæ. Necessitas humi-
 litatis nostræ. Et denique Doctrina vitæ. Doctrina mortis. Omnia
 gravia vitæ, consortio Iesv patientis dulcescunt, non minus quàm
 aquæ amaræ per lignum.

Plurimum quoque juvant Passio & Exempla Iesv, nostro corpori
 excutiendo, & animi sterilitati fecundandæ.

Porro ad omnium malorum durissimam mortem tolerandum,
 quanta consolatio est exemplum Christi mortalissimè morientis, cum
 Passus sit pro nobis, vobis relinquens exemplum ut sequamini vestigia ejus.
 Devotè & sublimiter Balduinus exclamat. Orem mirandam & su-

pendam ! inde obligamur usque ad mortem obnoxii, unde per mortem dimittimur à morte liberi: inde mortis debitum contrahitur, unde mortis debitum absolvitur. Iam ergo ex nova causa mortis debitores sumus, quamvis ex veteri culpa, nihilominus ex nova gratia. Sed mors peccatorum pessima: debita poenae est quaedam exsolutio: sic tamen ut ingratitudinis nulla sequatur absolutio: preciosa verò Mors Sanctorum, quae per mortem Christi est quaedam gratiarum actio & vicissitudinis nonnulla similitudo. Hæc autem est similitudo, obedientia usque ad mortem.

Vbi autem fecundiori fructu Charitas, quam ad præsentiam tantæ charitatis Iesv, tot laboribus, humiliationibus, passionibus, & morte ipsa, authenticæ, & probatissimæ? velut enim palmæ, & nonnullæ arbores ad præsentiam alterius fecundantur, & inclinantur ad sociam: sic nostrum Amorem trahit Charitas, Iesv ex arbore Crucis. Ipse dixit. *Si exaltatus fuero à terra, omnia traham ad me ipsum.*

Quid dicam, quantum compendio deliciarum, strangulationi (ut sic dicam) elationis, & in summa, correctioni pravarum omnium affectionum faciant dolores Iesv, & humilitates, quarum memoriâ facilius toleramus adversa, adversamur superbia?

Quid dignius Deo quam dispendium peccatorum, quam emolumentum virtutum. utrumque artificium est Passio & Humilitas Iesv. Christus Hostia fuit pro delicto, cuius sanguis per gyrum cordis nostri, (quod altare divinum est) fusus in ejus Passionis memoriâ dedicat & sanctificat affectus nostros.

Atqui formidinem peccati quid magis commendare potuit, quam ita pro alieno affligi innocentissimum Dei Filium, & Dominum Majestatis? Idem dico de magnitudine gloriæ, quam nobis tanto emit ejus Dominus. Majestas divinarum perfectionum, & attributorum, ubi dignis patefacta? ubi Misericordia? ubi Iustitia augustius manifestata? Namque ut nostri miseretur Filius Dei, suæ vitæ non pepercit: & Pater non derogaret Iustitiæ suæ, non pepercit Charissimi Filii vitæ. Vbi Sapientia emicuit altior quam in hoc fœdere misericordiæ & Iustitiæ? Vbi Patientia Dei fortior, quam per infirmitatem omnipotens. Optime dixit Augustinus, ejus infirmitatem ex potestate esse. Vbi major Doctrina vitæ, quam ex morte ipsius vitæ per omnium rerum contemptum, & penuriam?

Immensum esset gloriam Humilitatis Iesv & fructus Passionis ipsius enumerare. Patet omaibus convenientia tanti Sacramenti Deo indit

Indignissimi. Experientia jam probavit gloriosissimum, cum Passioni Iesu cultus & notitia Dei debeatur. Christi Crux super Imperatorum capita, ad Majestatis signum gestatur. Super omnem mundi gloriam hoc signum exaltatum est, ut verè juxta Maïæ dictum. *Super montem caliginosum signum levatum sit.*

Hucusque Eusebius: dignè satis de Dignitate Dominicæ Passionis.

M O D V S XCIII.

Nonagesimus tertius Modus meditandi Passionem Domini est; secundum fines, atque usus, & fructus, ex eadem Passione meditando, ac deinde utendo decerpendos; ita verò decerpendos, ut ipse homo totus quàm maximè in Christum Passum vivaciter transformetur, corde, affectu, vitâ, moribus, animo, sensuque omni. Enumerabo, & enarrabo hos fines, usus, affectusque verbis Seraphici Doctoris, tali siquidem lingua opus est, ad ista secreta, & scrutanda, & narranda.

Circa Passionem Domini Iesu, sic potest se homo habere, ut consideret eam. Primò ad imitandum. Secundò, ad compatiendum. Tertiò, ad admirandum. Quartò, ad exultandum. Quintò, ad resolvendum. Sextò, ad quiescendum.

Primò igitur eam consideret *adimitandum*. Hæc enim est summa & perfectissima Christi imitatio: hæc est summa & perfectissima vita: hæc est summa & perfecta Religio, & Religiosa Perfectio: hæc est regula & exemplar omnis vitæ, perfectionis, & virtutis, scilicet Christum imitari in Passione, & morte. Sit ergo regula nostra vivendi, Passio Salvatoris; & tantò amplius in hoc consolemur, quantò amplius Christo Passio conformamur: & tantò amplius desolemur, quantò ab hoc exemplari & regula amplius elongamur. Semper ergo quantum in nobis est velimus ab omnibus conculcari, dejici, vilipendi, illudi, persecutionem pati, flagellari, & in Divinis obsequiis ab omnibus exprobrari. Simus nudi cum eo nudo, & nihil penitus cupiamus habere; imò aliquid habere, sit nobis gravissima poena, & dolor immensus, nihil autem habere plena exultatio. Abhorreamus dulcia & delectabilia degustare, & potius velimus vilibus & amaris cibari, & desideremus ut qualibet cibaria felleum nobis potius quàm melleum afferant saporem, quia ipse Christus felle & aceto fuit potatus. Et ut breviter dicam: Consideremus quæ pro nobis sustinuit,

*Bondv.
in stimu-
lo Amo-
ris Par-
te 1. C. 4.*

qualiter in Passionibus se habuit, & pro modulo nostro, conformemus nos eidem.

Secundò. Debet Passionem Domini Homo considerare *ad compatiendum*. Debemus enim considerare ipsius flagella, illusiones, & opprobria, & in corde nostro ruminare, & imaginari quanta ibi fuit dejectio & contemptus erga Dominum nostrum IESVM Christum. quantus dolor, quantaue afflictio in corde, & corpore, & ratione Passionis, & compassionis pro peccatis nostris fuit. Consideremus ergo quantà tunc amaritudine repletus erat, qui Angelorum dulcedo erat, quantumque gravabat eum, non tantum poenæ illatio, & nostra ingratitudo, sed & Matris assistentis afflictio, quam sic diligebat, & quasi deficere præ compassionis dolore videbat. Ibi Filius crucifigebatur cum Matre, & propter mutuam, & intensam dilectionem, ex compassione mutua, erat nimia affectio utriusque, & maxime cum pro invicem paterentur. Sciebat Mater quod Filius patiebatur pro ipsa, sicut pro reliquis redimendis; sciebat Filius, & certissime scrutabatur, quod suus gladius ex compassione, Matris Animam pertransibat. Unde Passio filii, erat Passio Matris. Eja ergo Christiane, hæc verte, & converte in corde tuo; & totum cor reple convitiis illis, & poenis, videns Dominum tuum, & sponsum tuum, pro te talia sustinere. Si enim per Amorem ei bene unitus fueris, tunc compatieris eidem: si autem non sentis dolorem Capitis, quomodo es unum cum ipso? Et si plus est compatiendum Capiti, quam ceteris membris; sic magis sine comparatione ipsi compati debemus plus, quam quantumcunque dilecto Filio, vel amico, imò plus quam tibi ipsi, si omnia prædicta patereris. Nunc ergo charissimi, felle, & absinthio, atque myrrhâ inebriemur: & solum ejus vulnera sentiamus, transfigant cordis nostri intima, ejus convitia, flagella, vulnera, nec in nobis sit, quod non perfundatur compassionis dolore, & affligatur intense.

Tertiò. Consideremus Domini Passionem *ad admirandum*. Si enim consideremus, Quis? Quæ? Pro quibus? Passus est, multum mirari debemus. Quis? Scilicet Dei Filius verus, summe potens, sapiens, & bonus. Et simpliciter, quidquid ei nobilitatis attribueris, nihil est adhuc respectu magnitudinis suæ. Omnia quantumcunque bona sint, & magna, sunt sicut quædam favilla, imò quædam vanitas in comparatione ipsius. Sed, Quæ Passus est? Peregrinationem, fugas, sitim, famem, calorem, frigus, tentationem, horrores, persecutiones, observationes, sputa, opprobria, vincula, flagella, illusiones, dolo-

dolores, & plagas, & vulnera. Conspuitur enim Gloria, condemna-
tur Iustitia, Iudex iudicatur. Crimine carens inculpatur, Innocens
infamatur, Deus blasphematur, Christus conculcatur, occiditur vita,
obscuratur Sol, Luna denigratur, Sidera disperguntur, & hæc omnia
tolerat patienter, ut agnus, cum solo nutu posset demergere omnem
creaturam, in profundum inferni. Sed pro quibus hæc patitur? pro
nequissimis mancipiis, pro sceleratissimis inimicis, imò pro diabolicis
viris, & per imitationem diaboli filiis: pro contemptoribus Divinæ
Majestatis, & Divinæ Bonitatis ingratis. Ergo talis, ac tantus, talia,
& tanta, pro tam vilissimis, & abjectissimis Passus est. Sed à Quibus?
À specialiter dilectis, & aliis prælectis, quibus omnem benignitatem
ostendit: à vilissimis Maximus: à stultis Sapientissimus, quia Dei vir-
tus & sapientia: ab impiis summè Pius: à sanie foedissima splendor
æternus. In his ergo omnibus in Divinæ benignitatis & largitatis ad-
mirationem elevemur.

Quartò. Consideremus Passionem Domini *ad Exultandum*.
Exultare in ea debemus de Redemptione humana, restauratione An-
gelicâ, & clementiâ Divinâ. De Redemptione humana sinè dubio
nimis exultare debemus, facta per Christi Passionem & mortem. Quis
quæso non exultet, cum cernit se ipsum per hanc beatissimam Passio-
nem liberatum, à damnatione æterna, à culpæ ignominia, à potestate
diabolica. Sed quis non exultet in immensum, dum cernit Deum,
in tantum ipsum diligere, ut tantæ vilitati, & pœnalitati se subjecerit
pro ipso? Non quòd gaudeat de ejus vilitate, & Passione, dico: sed
de ejus effectu, & affectu, & amoris manifestatione. Quis Princeps
cernens tantum se à Rege suo diligi, ut paratus esset mori pro ipso, non
exultaret? quanto magis nos vilissimi homines, & nefandissimi pec-
catores, & servi exultare debemus, cum videmus Regem Regum, &
Dominum Dominantium, & Creatorem nostrum IESUM Christum,
nos ita continuè diligere, ut immolaverit seipsum pro nobis, in tam
turpi & vilissima morte? Plus enim sinè comparatione nos diligit,
quàm nosmet ipsi, nosmet ipsos.

Gaudeamus etiam & exultemus: quòd per Christi Passionem re-
staurata est Angelica ruina. Magna jucunditas debet esse nobis, cum
videmus per Christi mortem tam nobile Collegium reparari de no-
bis, ut fiat unum ovile, & unus Pastor, & simus unum in uno. In hoc
enim debet tota cælestis curia, & etiam militans Ecclesia gratulari.
O certè amabilis & venerabilis Passio Salvatoris, quæ sic disjuncta con-
jungis,

jugis, & tam sequestrata conglutinas, & unis firmissimè in simul,
 stringisque vinculo consummati amoris & felicitati gaudii sempiterni
 Præcipuè autem gaudere & exultare debemus, cernentes in supra di-
 ctis omnibus summam clementiam Domini, Dei que nostri Iesv Chri-
 sti. Hæc puto, summam esse gloriam bonorum, tam hominum,
 quàm etiam Angelorum, quantò intimiùs & profundius contemplan-
 tur clementiam, & benevolentiam Dei, & immensitatem Bonitatis
 ejus. Et hæc debet esse cujuslibet contemplantis exultatio medulla-
 ris. Sed ubi quæso magis apparet diffusio bonitatis Divinæ, & beni-
 gnissimæ clementiæ, dulcissimi & amantissimi Dei, & Domini nostri
 Iesv Christi, quàm in Passione sua? ubi talia, tanta, tam turpia, &
 gravia sustinere voluit, pro inimico suo liberando, & glorificando,
 & pro vanitate quadam digna morte æternâ. In istud gaudium intret
 homo, & reficiatur magnificentia benignitatis Divinæ. Accedat ho-
 mo ad cor altum, & in corde suo exaltetur excellentissima, & inenar-
 rabilis Clementia Christi Passi.

Quintò etiam consideremus hanc beatissimam Christi Passionem
ad cordium nostrorum resolutionem, & etiam perfectam transformatio-
nem in ipsum, quod sit, quando non solum imitatur, compatitur, ad-
 miratur, exultat, sed etiam totus homo convertitur in Dominum no-
 strum Iesvm Christum, Crucifixum, ut jam quasi ubique & semper
 Crucifixus sibi occurrat. Imò tunc verè ille in ipsum resolvitur homo,
 quando exiens ex se, & superpositus universis, imò super se abstractus
 ab omnibus, totus est conversus in Dominum suum Passum: ut nihil
 videat aut sentiat intra se ipsum, nisi Christum Crucifixum, illud suum
 exprobratum, & Passum pro nobis.

Sextò. Consideremus eandem vilissimam Christi Passionem *ad*
quietem dulcoris interni, quod sit quando resolutus homo, (ut dixi) si-
 ribundus eandem Passionem ruminare non cessat: & intrans secun-
 dum posse suum illum Passionis thesaurum, humiliter & devotè li-
 quescit amore devoto, & feruidâ devotione, vel dilectione, deficit à
 se, & requiescit in Christo Crucifixo. Sed quantò ei plus inhaeret,
 eumque sequitur, tantò amplius devotissimo amore in se deficit, & li-
 quescit & quantò plus deficit à se devotione & amore, tantò plus ei-
 dem dilecto pro se mortuo inhaeret & plus requiescit in eo. Et sic mus-
 tuò se augent adhæssio amoris & devotio: donec tota sponsa absorbea-
 tur ab illo camino ignito Amoris Passionis dilecti. Sic in amplexibus
 sponsi amorata quiescit, qui clamat & dicit. Adiuro vos Filie Hie-
 rusalem,

Iherusalem, ne susciteris, neque evigilare facias dilectam, donec ipsa
 velit.

Sic ergo circa Dominicam Passionem debet esse Imitatio ad sur-
 gationem mentis, & dilectionem. Compassio ad unionem & amo-
 rem. Admiratio ad mentis elevationem. Gaudium & Exultatio ad
 Cordis dilatationem. Resolutio ad perfectam Conformationem.
 Quies & Pausatio ad Devotionis compositionem.] Hæc Seraphicus
 Doctor cujus sex considerationibus addere libet, ex Divo Augustino
 septimam, quâ ille devotissimè contemplatus est, insignem atque adeo
 principalem Passionis atque Incarnationis Dominicæ & effectum, &
 fructum. Nimirum considerandum esse Passionem Domini nostri,
 ipsumque Passum DEVM & Hominem, ad fruendum DEO, & ad as-
 surgendum ad hoc opus per depressionem tumoris nostri, sub infirma
 Divinitate, quæ assurgens nos prostratos sublevet. Verba Augustini
 dulcius & plenius sensum explicabunt, quæ appono. Sic igitur ille.

Quarebam viam comparandi roboris, quod esset idoneum ad fru-
 endum te, Deus meus: nec inveniebam donec amplecterer mediato-
 rem Dei & Hominū, Hominem Christum Jesum (qui est super omnia
 Deus benedictus in sæcula) vocantem, & dicentem. Ego sum via, veri-
 tas, & vita. Et cibum cui capiendo invalidus eram, miscntem carni:
 ni: quoniam VERBUM Caro factum est: ut infantæ nostræ lactesce-
 ret sapientia tua, per quam creasti omnia. Non enim tenebam Domi-
 num meum Jesum Christum humilis humilem, neque cujus rei ma-
 gistra esset ejus infirmitas, noveram. Verbum enim tuum Æterna
 veritas, superioribus creaturæ tuæ partibus superveniens, subditos eri-
 git ad se ipsam: in inferioribus autem edificavit sibi humilem domum
 de limo nostro, per quam subdendos deprimeret à se ipsis, & ad se tra-
 jiceret, sanans tumorem, & nutriendum amorem: ne fiducia sui progred-
 erentur longius, sed potius infirmarentur, videntes ante pedes suos
 infirmam Divinitatem; ex participatione tunice pellicæ nostræ, &
 lassī prosternebantur in eam, illa autem surgens levaret eos.] Et reve-
 ra sic factum est, sic fit, sic fiet, usque ad sæculi finem, cum credenti-
 bus in Christum, & agnoscentibus humilitatem ejus in Incarnatione,
 in vita, seu conversatione, in Passione, atque morte, quâ mortuus est
 propter peccata nostra, resurrexit autem propter Justificationem no-
 stram; & sic surgens levavit nos: quia Christo resurgente consurgi-
 mus cum ipso, & jam quæ sursum sunt quærimus, ubi Christus est ad
 dexteram Dei sedens: quæ sursum sunt sapimus, non quæ super terram.

Aug.
 lib. 7.
 Confess.
 C. 18.

Ita

Aug. Cō.

1. in Psal.

33.

Ita ergo Dominus nollet, viam fecit nobis per humilitatem, qui recel-
 seramus à Deo per superbiam, & sedere ad eum, nisi per humilitatem
 non poteramus, quem autem nobis præponeremus ad imitandum non
 habebamus. Omnis enim mortalitas hominum superbiā tumuerat,
 & si fortè existeret aliquis vir in Spiritu humilis (sicut erant Prophetæ
 & Patriarchæ) dedignabatur genus humanum imitari homines humi-
 les. Ne ergo dedignaretur homo imitari hominem humilem, quem
 imitando reverti posset ad Deum, Deus factus est humilis, ut vel sic su-
 perbia generis humani non dedignaretur sequi vestigia humilis Dei.

Cæterum discursus hic de Dominica Palsione, erudire potest imò
 & debet, unumquemque Christi fidelem imitorem, ut in studio imi-
 tationis & in cultu virtutum, non per infima serpat, sed quantum cum
 Dei auxilio prævalet, ad summa in omnibus exercitiis suis cōnetur: &
 gloriosus in illis coram cælo & Deo apparere ac eminere satagat. Hu-
 milis quis esse vult: in vera, & interna humilitate, per insignes humi-
 liationes atque vilificationes ad summam & ipsi cælo mirandam eva-
 dere atque sedem figere studeat. Patiens quis esse cupit, per omnem
 patientiæ messem innocenter, patienter, pacatè, hilariter, delectabili-
 ter, cum fame & siti amplius ampliusque pro Deo, & Christo ejus pa-
 tiendi, usque ad consortium Crucis Dominicæ enitatur. Mundi cō-
 temptor, ac rerum egens esse sitit: ad eum gradū evolet, in quo Chri-
 stum constituisse novit: ut non habeat in terra, quantum in ipso & ejus
 statu situm est, ubi caput reclinet suum: sitque illi summa & plena ege-
 stas ac nuditas cum Christo: præ omnibus universi Mundi opibus &
 commodis.

M O D V S XCIIV.

Nonagesimus quartus Palsionem Domini meditandi Modus esse
 potest, apprehendendo sive per Imaginationem, sive per Intelle-
 ctum, atque etiam voluntatem, Palsiones Christi, earumque merita,
 & eadem applicando ad Animas nostras, easque iisdem Domini meri-
 tis quàm copiosissimè locupletando. Desumam, & exponam Mo-
 dum hunc, ex quodam Tractatu meo Spirituali.

[Docuit nos Modum hunc Palsionem Domini, ejusque merita tra-
 ctandi, ac nostris Animabus applicandi, illasque opibus Christi Palsi-
 dandi, ipsemet Spiritus Sanctus in scripturis suis, & quidem satis fre-
 quenter. Isaias Propheta concinit promittendo, ac simul provocā-
 do. *Haurietis aquas in gaudio de fontibus Salvatoris.* Idem loquitur
 Zacha-

Zacharias. *In die illa erit fons patens domui David, & habitantibus Ierusalem, in ablutionem peccatoris, & menstruata.* Qui namque sunt isti fontes Salvatoris patentes ad ablutionem, aut quæ aliæ aquæ, nisi Passiones & vulnera, nisi sanguinis & mortis merita Jesu Christi? quæ in Sacramentis ejus deposita, inde hauriuntur ab Animabus nostris, partim ministerio Ecclesiæ, partim devotione cujusque fidelis: sive is sit peccator poenitens, sive etiam iustus proficiens, atque Perfectus in via & Lege Domini.

Hanc ipsam de Sanguine ac Meritis Passionis Christi Meditationem seu Imaginationem, usurpat sapientissimus Beatus Joannes in sua Apocalypsi, partim cum ait: *Hæ sunt qui venerunt de tribulatione magna, & laverunt stolæ suas, & de alba verunt eas in sanguine Agni:* partim cum dicit: *Beati qui lavant stolæ suas in sanguine Agni, ut sit potestas eorum in ligno vitæ.* &c. Qui idem Apostolus alio loco vocat, nomine pretii redemptionis nostræ sanguinem atque Passionem Jesu Christi: quando ait: *Redemisti nos Deo in sanguine tuo: consonè ad illam Davidis cantilenam. Copiosa apud Deum redemptio, & ipse redemit Israël, ex omnibus iniquitatibus ejus: tum & phrasi Apostolicæ: scientes quod non corruptibilibus: auro, vel argento, redempti estis, de vana vestra conversatione paterna traditionis, sed pretioso sanguine, quasi Agni immaculati, & incontaminati.*

Hæc num ita sint licebit consimili ratione nobis Passionem, Mortem, vulnera, sanguinem, Meritaque Christi Domini meditari, & apprehendere, & usurpare, inque Profectum nostrum Spiritualem, & Animarum nostrarum coram Deo ditationem, ornatumque convertere. v. g.

Cogitans & Animo meo statuens Christum cum suæ Passionis meritis esse Fontem limpidissimum, & simul largifluentissimum, instar Paradysiæ, manantis aquas salutis & sanctitatis, & beatæ vitæ, & omnis gratiæ, virtutis, atque Perfectionis, seu Participationis Divinæ, totâ capacitatem Animæ, imò universæ substantiæ meæ, ejusdemque, tot faucibus, quot partibus, imò atomis, per omnia instantia temporis ac vitæ meæ bibam, hauriam, derivabo, & deducam aquas meritorum in Christo contentorum, in cor, mentem, voluntatem, Animam, substantiamque meam, & iis replebo totam entitativam capacitatem meam.

Pari ratione cogitans Christum esse vitem unam speciosissimam & fecundissimam, faciam me totum, quantus quantus sum in omnibus parti-

H h h

Zach. 13.

1.

Apoc. 7.

14.

Apoc. 22.

14.

Apoc. 5.

9.

Ps. 129.

7.

1. Petri

1. 18.

particulis atque atomis meis, in omnibus quoque actionibus & passionibus, seu mutationibus meis, veluti multiplicem palmitem, atque etiam botris quarumlibet actionum mearum oblitum; sicque ex Christo, & ex ejus meritis humorem omnigenae sanctitatis, perfectonis, & gratiae traham, & botros operum fecundos, turgidosque pretioso Christi sanguinis vino faciam, ac tales gustui, mensae, cellis vinariis Sanctissimae Trinitatis, & Christi, & totius coelestis curiae adferam, inferam, offeram, & propinabo, in omnemque aeternitatem recondam, seu reservabo.

Simili modo cogitans Christum esse Balneum quoddam, seu Thermas salubritatem omnem scaturientes, quarum efficacitate, & a sordibus abluamur, & morbositatem omnem depellamus, & omni puritate ac decore ornemur, & omnia opera nostra tum purificentur, tum sublimentur quotidie, sapientiusque in die, quin & in singulis (quoad huius vitae fragili fas) spirationibus, & commotionibus, ac momentis. Totum me, totamque substantiam, & entitatem meam, actionumque mearum, iniciam in balneum hoc sanctissimum, & in eo me, meaque omnia abluam, purificabo, emundabo, sublimabo, & ornabo. Nunquam penitus ex hoc pretioso dolorum, vulnere, sanguinis, meritorumque Christi balneo egrediens, nunquam me ab eo desiccans, sed semper in eo ad instar pisciculi in mari innatans.

Cogitans item Christum ejusque Passionem esse immensam quandam inexhaustamque aurifodinam, pretioso & incorruptibili auro refertissimam, & quemadmodum omnibus, ita & mihi pauperculo expositam, atque ad eruendum omnimodas auri coelestis opes liberaliter concessam: ponam adificiolum meum in hac fodina, & omnia scriniola, omnes sarcinas substantiae meae, mearumque virtutum, potentiarum, articulorum, actionum, & alterationum, volitionum, desideriorum, necessitatum, capacitarum, & possibilitatum perpetuo implebo, cumulabo, infarciam, iterum iterumque. Indubitatum est enim: totum Christum, omnes ejus particulas, omnes potentias, omnes actiones, omnes passiones, omnes atomos ejus, fodinas esse, omnes item ejus vitae minutissimas minutias, omnes dolorum, passionumque indivisibiles, esse abyssos divitiarum salutarium, caelestium, divinarumque. Omnis enim plenitudo latet & scatet in eo, ita ut ex una Christi Passione (v.g.) atomo, liceat abyssos thesaurorum eruere, & promere, gratiarum virtutum, perfectionum, donorum, meritum, sanctitatum, beatitudinum. Dummodo (mihi homo) in quo haurias habeas, habes

habes autem si te ipsum habes. Si inquam te ipsum in Christi tibi dati & donati, & in possessionem omnimodam traditi, usum, fruitionem, possessionemque convertere nolis, & noscendo ad realem usum minime pigrescis.

Eadem ratione cogitare licet Dominum Jesum Christum Passum, ejusque Passionem, ac Passionis merita, esse velut universitatem officinarum rebus ad usum humanum necessariis refertissimam. Hic Armamentarium, hic Apotheca, hic Vestiarium, hic Bibliotheca, hic Gazophylacium, hic cella penularum, atque vinaria, hic omnium artificiorum collegia, hic arsenal navibus in portum aternitatis beatæ advehturis redundans, hic denique promptuaria eructantia ex hoc in illud, nec non omne bonorum genus coacervatum, repositumque, ac simul omnibus, uti, capereque in rem suam volentibus, expositum. Solus ergo restat hauriendi, & in usum derivandi, utendi que labor. Qui ipse labor, sine labore est, cum in sola voluntate libera, in solo desiderio, in sola intentione, atque cupiditate nostra propemodum, principaliter certe consistat: adeo ut quantum desideras, quantum desideria, intentiones, cupiditates, vota que tua dilatas, tantum capias, & adhuc infinitas infinita super sint, quæ si velis, si vellevelis, eo ipso capias. Itaque hic mihi tantum licet, quantum libet. Hic non duplicibus, sed millecuplicibus quotidie mutatoriis vestiri, induique possum: desumendo mihi vestimenta Christi meritorum, virtutum, gratiarum. Idem dico de omni armatura fortium, quæ in Christo omnis est, pendentibus ex eo non mille clypeis, sed mille millibus clypeorum. Idem dico de medicinali Apotheca: quæ hic ad omnes morbos sanandos, ad omnes sanitates tuendas abundat, & patet assiduò. Idem dico de Gazophylacio, in quo omnes thesauri, non uni tantum homini, sed universo generi humano ditando superabundantissime sufficientes. Dico item de promptuariis cellis refertissimis omni omnino alimoniarum, deliciarumque spiritualis, atque cælestis genere, quoniam usque ad delicias, usque ad beatitudines amamur. Sed horum in enarrando finis nullus esset: utinam usus ipse, atque fruitionis, nullus quoque finis, nullus modus, nullus terminus, sit apud nostras Animas, Mentis, Corda, voluntates.

Ut igitur paucis multa complectar, satis habeo recensere catalogum eorum, quæ in Christo Domino, potissimum Passio, habemus bonorum, nobis non minus necessariorum, quam in eo ad usum nostrum paratissimorum.

Itaque Christus est mihi Deus Creator, ego illius indigentissima creatura. Christus mihi Rex: ego per omnia subditus. Christus meus Dominus supremus, absolutus; ego ejus servus, mancipium, jumentum. Christus Caput meum, ego membrum ejus. Christus vitis, ego Palmes, Christus Fons, ego rivulus. Christus Cor, ego vena. Christus Artifex, ego instrumentum. Christus Idea, ego opus. Christus Prototypum, ego ad instar. Christus Nutrix, ego lactens. Christus Spiritus, ego corpus. Christus vita, ego vivens. Christus Hortulanus, ego areola. Christus nubes rorida, ego terra sitiens. Christus Cultor, ego vinea. Christus Agricola, ego agellus. Christus Pastor, ego ovicula. Christus Doctor, ego discipulus. Christus Medicus, ego infirmus. Christus Imperator, ego tyrō militiæ. Christus Musicus, ego organum. Christus Anima, ego cadaver. Christus Architectus, ego materia. Christus Fundamentum, ego superstructio. Christus Sol, ego aër illunis. Christus Figulus, ego lutum, & figmentum. Christus Dives, ego pauper. Denique Christus totum meum & omnis sufficientia mea: Ego sine illo nih ilsum, nihil possum, nihil mereor boni. Aegritudo æterna, miseria infinita, indigentia inexpleta, merum, & purum, in dō & malum nihil.

Hæc omnia Homini Christus, hæc item homo Christo. Gaudeat Homo de se tali qualis est, & de se eo, qui est. Non quia is, & talis est. (hæc enim non gaudii, sed mœroris seges est) sed quia is, & talis cum sit, talem sibi habet Christum: ad omnia infinities diuitem, infinities paratum, infinities desiderantem, danda, elargienda, profundenda, in omnem, & per omnem æternitatem.

M O D V S XCV.

Nonagesimus quintus meditando Passionem Domini Modus esse potest: eam cum Scala Jacob comparare, sive in ea scalam Jacobo præmonstratam invenire, & per illam post Christum usque ad Deum ascendere.

In Scala Jacob etsi plura possint considerari: aliqua tamen solum hic attendere sufficiet.

Igitur scala illa uno extremo sui tangebatur terram, altero Cælum.

Latera habebat hinc inde duo. Gradibus fuit distincta: Angeli per eos descendeabant & ascendeabant. Deus in supremo scalæ innitebatur.

Hæc scala per allegoriam designat nobis Incarnationem Verbi, & pressi-

preſius etiam Crucem, atque Paſſionem Domini noſtri, per quam te-
lur per ſcalam & ipſe aſcendit in cælum, teſtante ipſo: *Oportuit Chri-
ſtum pati, & ita mirare in gloriam ſuam.* & omnis Chriſtianus poſt
ipſum eodem aſcendere debet. juxta Domini quoque dictum: *Qui
vult venire poſt me, abneget ſemetipſum, tollat Crucem ſuam & ſequa-
tur me.*

Chriſtus igitur Dominus, & Crux, atque Paſſio, & tota Incarnatio,
atque illius Oeconomya, Scala eſt.

Ejus unum extremum terram, alterum verò Cælum tangit, tum
quia Chriſtus Homo, Deusq; e ſimul eſt, tum quia ita Verbum deſcen-
dit in terram, inque Virginis uterum, ut tamen apud Patrem in ſinu
maſerit in Cælo: juxta illud Domini dictum. *Nemo aſcendit in ca-
lum, niſi qui deſcendit de cælo, Filius Hominis qui eſt in cælo.* quod Domi-
nus dixit manens in terra de ſemetipſo, nihilominus, & exiſtente etiam
in Cælo. Cui conſonat & illud: *Unigenitus qui eſt in ſinu Patris: ipſe
narravit* Exiſtens & vivens in terris inter homines, ipſe enarravit ho-
minibus Legem vitæ, manens tamen in ſinu Patris tanquam Unigeni-
tus ejus. Adhuc etiam Scala hæc terram & cælum tangit: quia Chri-
ſtu, Incarnatione ac Paſſione ſua, Deum mundo reconciliat, homini-
bus in terra manentibus cælum reſerat, & errantes in deſertis oviculas,
bonus Paſtor in Montana ſuper humeros ſuos aſſumens deſert.

Lateræ Scalæ hujus noſtræ duo ſunt, inconcuſſæ ac ſimul altiffimæ
firmatæ. Divina ſcilicet Miſericordia atque ejusdem Juſtitia. Iſtæ
enim duæ Dei noſtri perfectiones, atque tanquam Patris Cæleſtis Filia,
apud Patrem totam ſcalæ Machinam, totum (inquam) Incarnationis
opus molitæ, atque architectatæ ſunt: tanto Sapientiæ atque Poten-
tiæ arcano artificioque, ut in ſumma Miſericordia locus eſſet ſummæ
Juſtitia: & in ſumma Juſtitia eſſet quoque locus ſuus, ſummæ Miſeri-
cordia: quando, ita humano generi univerſo, per omnia calamitate
perditioneque involuto, remiſſio peccatorum, & gratia, gloria, vitæq;
æternæ condonatio piiffimâ miſeratione, Unigenitiq; Dei merito in-
dulta eſt, ut tamen Majeſtatis Dignitatique Divinæ, ab hominibus læ-
læ, juſ debitumq; ſummo & exaggerato Juſtitia: rigore, ejusdem Vni-
geniti Dei ſanguine, Cruce, & Morte, ad omnem integritatem ſarcire-
tur. His ergo duobus ſulta lateribus Scala iſta conſtitit, & adhuc
conſtitit. *Quoniam Miſericordia & veritas obviaverunt ſibi: Juſtitia
& Pax oſculata ſunt.*

Gradus Scalæ hujus Myſticæ variè diſtingui, aſſignarique poſſunt,

H h h 3

Primò

Primo quidem secundum totum Incarnationis, deinde secundum solius Passionis opus.

Totius Incarnationis gradus hi assignari possunt. 1. Prædestinatio & Electio Christi. 2. Promissio illius Patribus. 3. Ejusdæ Præfiguratio in figuris, & sacrificiis, aliisque ritibus, ac rebus. ut Tabernaculo, Arca, Templo, Altari. 4. Prædictio per Prophetas. 5. Incarnatio ipsa & adventus. 6. Nativitas, & tota vita occulta, privataque. 7. Baptismus apud Joannem, & Manifestatio Domini per vocem, & Columbæ descensum super eum. 8. Mora in deserto, jejunium, & tentatio. 9. Prædicatio, conversatio, Miracula. 10. Ingressus in Jerusalem super Asellum triumphalis simul & lachrymabilis. 11. Agni Paschalis esus, & lotio pedum. 12. Institutio Sacrificii & Sacramenti Eucharistiæ, Sacerdotiique; Novæ Legis. 13. Passio universalis. 14. Crux & Mors. 15. Sepultura, & descensus ad inferos. 16. Resurrectio, & Ordinatio, Confirmatioque discipulorum & Ecclesiæ. 17. Ascensio, & sessio ad dexteram Patris. 18. Regimen Ecclesiæ, & Missio Spiritus Sancti in eam. 19. Adventus ad judicium extremum, ipsumque judicium. 20. Regnum cum Deo Patre & sanctis æternum. Isti sunt gradus scalæ Incarnationis, totiusque Operis illius.

Jam verò solius Passionis Dominicæ gradus sive partes & progressus hi assignari possunt, quibus Dominus noster veluti per Scalam ad summitatem dolorum & Mortis suæ, obedientiæ autem Paternæ, & Redemptionis nostræ ascendit. Gradus 1. Lotio pedum. 2. Institutio Eucharistiæ. 3. Cygnea ante Passionem cantatio, simulque ad Mortem, seu Morti par Tristitia. 4. Oratio repetita. 5. Agonia & sudor sanguineus. 6. Obviatio venienti proditori, & hostibus, eorumque excæcatio, prostratio, sublevatio. 7. Captivitas, & ligatio. 8. Examen apud Annam. 9. Judicium, injuriæ, damnatio apud Caiapham. 10. Repetita mane damnatio. 11. Ad Pilatum deductio, & calumniosa accusatio. 12. Deductio ad Herodem: ibi spretio, & illusio. 13. Reductio ad Pilatum, Examen, Flagellatio. 14. Corona spinea, purpura, arundo, illusio, Ecce Homo. 15. Eviscero damnationis, & damnatio ad Crucem. 16. Egressus cum Cruce inter iniquos ad locum Mortis. 17. Crucifixio. 18. Injurie, & blasphemie in Cruce. 19. Trium horarum Oratio & Agonia in Cruce. 20. Mors, & Anima in Manus Patris tradita, & sepultura.

Per istos gradus Dominus scalā passionis suæ pertransivit: per eodem

dem Anima fidelis illum sequi studeat fideliter, constanter, fortiter, gaudenter, subinde, usque dum ad absolutam consummationem operis sui perveniens, etiam ipsa in Manus Aeterni Patris suscipiatur. sequetur verò Dominum per affectus, & effectus Cordis, Oris, Operis, vel hos quos subjungo, vel quos Spiritus meliores suggererit.

Primus erit, Agnitionis, seu Fidei eorum quæ Dominus gessit, ac pertulit patiēdo. 2. Confessionis eorundem. 3. Admirationis. 4. Participationis seu Condolentia. 5. Conjectionis causa in sua peccata. 6. Doloris, Odii, Execrationis eorum, ut causa tanti laboris sumptusque Domini. 7. Deprecationis. 8. Propositi fugiendi, & expiandi peccata. 9. Expiationis actualis eorum, in Balneo sanguinis & Meritorum Domini. 10. In Imitatione humilitatis Domini. 11. Obedientia. 12. Patientia. 13. Mansuetudinis. 14. Charitatis DEI. 15. Dilectionis proximorum etiam inimicorum. 16. Conformationis plena cum voluntate Dei. 17. Zeli Gloriz Divinae, & salutis proximorum. 18. Desiderii, & studii vitæ aeternæ. 19. Amoris Jesu Christi. 20. Constantia & perseverantia in his omnibus, usque ad mortem, propter DEVM. Hi sunt gradus per quos fidelis Anima post Jesum passum ascendere debet, si ad summitatem Scalæ ejus cupit pervenire.

D. Basilius presitiis hosce gradus Animæ numerat, quos proderit cognoscere, & magis etiam decurrere. [Scala (inquit ille) est ascensus ad Perfectionem; culmen est Charitas; Gradus, sunt gradus decem Abrenuntiationis. Primus est, Abdicare terrena, ut cum Apostolis dicat. *Eccen nos reliquimus omnia.* 2. Eadem oblivisci. *Audi filia &c. & obliviscere populum tuum.* 3. Eadem ut stercora odisse & aversari. 4. Parentum, & cognatorum amorem exuere. 5. Odisse Animam suam propter Christum. ut ne de vita quidem sua quidquam affectus sit omnino, etiam si Mortis habeat responsum. 6. Abnegare suum Judicium, Voluntatem, (Honorem.) 7. Semper mortificare suas cupiditates, ut impleat illud Christi. *Abneget semetipsum, & tollat Crucem suam quotidie.* 8. Sequi Christum & discere ab eo, *quia mitis est, & humilis corde.* 9. Amare constanter & efficaciter proximos, etiam Inimicos. 10. In quo Dominus visus est, est adherere Deo, eiq; in uno Spiritu uniri.

Descendentes per scalam & Ascendentes Passionis Dominicæ, quantum ad Nostrium propositum, sunt Judæi quibus Crucifixus Jesus scandalum: & Gentes qui crediderunt in eum: & acceperunt potestatem

Filios

Basil. in
1. Psal.

Filios Dei fieri. Sic etiam per Passionem Domini, Judas descendit, Latro ascendit; Diabolus descendit, Homo ascendit. *non enim Angelos, sed semen Abrahae apprehendit.* Sic quoque per scalam Passionis, Caro nostra, & sensus descendit, Spiritus autem ascendit. *Caro enim non prodest quidquam, sed spiritus est qui vivificat.* Et Corporalis exercitatio ad modicum utilis est, pietas ad omnia utilis est: *promissionem habens vita, quae nunc est, & futura.* Sic quoque ipse Spiritus descendit usque ad contemptum, usque ad odium, ad annihilationem sui per, & propter exemplum. Passi Christi, ascendit autem usque ad similitudinem, usque ad consortium, usque ad unionem, & identitatem Passi quoque Christi. *qui enim adharet Deo, unus spiritus est.* ut dicat. *Vivo autem ego, jam non ego: vivit verò in me Christus.*

Denique, Christo Confixus sum Cruci: & stigmata Domini mei IESU Christi in Corpore meo porto.

Deus scalae Passionis Domini innixus est, quia *Deus erat in Christo sibi reconcilians Mundum.* & consummata omni Passione, Dominus dixit: *Pater in manus tuas commendo spiritum meum: & inclinato Capite emisit Spiritum.*

Atque hic, & huc, debet esse cursus omnis Animae currentis post IESUM per scalam Passionis ejus. quam ille percurrit prior, dans nobis exemplum, ut quemadmodum ille fecit, & nos similiter faciamus; sequamurque eum quam maximam vicinitate vestigia ejus. ut tandem apprehendamus eum, teneamusque, nec dimittamus. Alioquin nihil prodest Christum sequi, si non contingat consequi.

Libet Modum hunc concludere Devotissimi Patris Bartholomaei Saluthii Inventionem, quam ille de Domini Passione per modum scalae conscripsit ad inflammandam devotionem in eandem. & sic se habet.

Passio Domini mei IESU Christi sit semper

1. Mater mea.

Mater mea, parturias me.

2. Sponsa mea.

Sponsa mea, amplexaris me.

3. Soror mea.

Soror mea, orna me.

4. Amica mea.

Amica mea, ama me.

5. Dilecta mea.

Dilecta mea, dilige me.

6. Co-

6. Columba mea.
Columba mea, vola ad me.
7. Perfecta mea.
Perfecta mea, perfice me.
8. Unica mea.
Unica mea, posside me.
9. Filia mea.
Filia mea, honora me.
10. Fortitudo mea.
Fortitudo mea, defende me.
11. Schola mea.
Schola mea, instrue me.
12. Dulcedo mea.
Dulcedo mea, recrea me.
13. Doctrix mea.
Doctrix mea, doce me.
14. Mensa mea.
Mensa mea, ciba me.
15. Lux mea.
Lux mea, illustra me.
16. Lectio mea.
Lectio mea, erudi me.
17. Dux mea.
Dux mea, deduc me.
18. Camera mea.
Camera mea, recipi me.
19. Defensio mea.
Defensio mea, defende me.
20. Turris mea.
Turris mea, absconde me.
21. Oratio mea.
Oratio mea, trahe me.
22. Sedes mea.
Sedes mea, accipe me.
23. Columna mea.
Columna mea, sustenta me.
24. Hospes mea.
Hospes mea, hospitare me.

25. Civitas mea.
Civitas mea, recipe me.
 26. Contemplatio mea.
Contemplatio mea, assume me.
 27. Domus mea.
Domus mea, circumda me.
 28. Refectio mea.
Refectio mea, refocilla me.
 29. Meditatio mea.
Meditatio mea, incende me.
 30. Socia mea.
Socia mea, associa me.
 31. Nutrix mea.
Nutrix mea, nutrim.
 32. Spes mea.
Spes mea, conforta me.
 33. Fiducia mea.
Fiducia mea, assecura me.
 34. Consolatio mea.
Consolatio mea, consolare me.
 35. Sollicitudo mea.
Sollicitudo mea, vulnera me.
 36. Portio mea.
Portio mea, queta me.
 37. Requies mea.
Requies mea, inebria me.
 38. Beatitudo mea.
Beatitudo mea, beatifica me.
- Hæc Saluthius.

M O D V S XCVI.

Nonagesimus Sextus meditandi Passionem Domini Modus esse potest: scrutando & investigando simulque admirando & contemplando arcana fidei nostræ Christianæ, tanquam à Christo Domino nostro per Incarnationem, vitam, & Passionem, atque Mortem mirabiliter reſerata, atque manifestata: ita ut quæ ante Christi Domini adventum fuere valde occulta, & miris modis involuta, atque inutibrata; hæc omnia sint per Christum in luce posita, & ad potitiam omnium

omnium fidelium, etiam alioqui rudium, & simplicium deducta, in tantum, ut unus aliquis Christi fidelium, maiorem notitiam lacemq; habeat in rebus & mysteriis fidei, quam ante Christum habuerint illi, qui erant Magistri in Israël: quod à Domino Nicodemus audivit, qui ad eum venerat nocte, & quod patuit citò post Domini ascensionem, cum unus Stephanus Levita adulescens prævaluit Spiritu, & sapientiâ, mysteriorumque divinorum cognitione, omnibus Doctoribus Judaicarum Synagogarum: de quo in Actis Apostolicis testimonium est luculentum.

Manifestationis. hujus per Dominum nostrum factæ, plurima & expressa valde habemus in sacris literis testimonia. Hujusmodi est illud, quo apud Isaiam Dominus noster dicitur *habere clavem Domus David super humerum suum, qui aperiet, & non erit qui claudat, & claudet, & non erit qui aperiat.* quod idem testimonium de se Dominus repetit ipsemet in Apocalypsi. Deinde non aliud sibi vult sapius repetitus à scriptura Liber intus & foris scriptus, tam apud Isaiam, quam apud Ezechielem, præcipuè autem in Apocalypsi, ubi describitur *Liber in dextera sedentis super thronum, scriptus intus, & foris, signatus sigillis septem, & nemo poterat neque in celo, neque in terra, neque subtus terram, aperire librum, donec Agnus qui stabat tanquam occisus venit, & accepit de dextera sedentis in throno librum, quem & aperuit.* Ubi manifestum est, Librum hunc esse Christum Dominum, seu VERBUM Incarnatum, cujus Incarnationis mysterium septem sigillis signatū esse ideo dicitur, quia nimirum tantis tamque sublimibus, & omnem creatum intellectum transcendentibus involucribus, difficultatibus, arcanis, atque planè tenebrosis latibulis, ut ad ejus apertionem, hoc est, ad ejus cognitionem, & revelationem, nemo ex purè creatis intellectibus, in celo, in terra, subtus terram, suffecerit: donec Agnus (qui est idem ipse, qui & Liber signatus) tanquam occisus, & revera occisus, atque oblatas, aperuit librum, & solvit signacula ejus; evoluit scilicet mysteria, & arcana, & involucria omnia ejus: juxta illud. *Unigenitus Filius, qui est in sinu Patris, ipse enarravit.*

Unde idem Dominus noster frequenter se vocavit, *Lucem mundi.* *Ostium ovium, per quod si quis introierit salvabitur, & ingredietur, & egredietur, & pascua inveniet.* Idcirco etiam hortatus est Judæos. *Scrutamini scripturas, quia vos putatis in illis vitam æternam habere, & illa sunt quæ testimonium perhibent de me. & non vultis venire ad me, ut vitam habeatis, & adjecit dicere iisdem. Nolite putare quod ego accusa-*

Ioan. 3.

10.

Act. 6.

9.

Isaia 22.

22.

Apoc. 3.

7.

Isaia 8.

1.

Ezech.

29.

Apoc. 5.

1.

Ioan. 1.

18.

turus sim vos apud Patrem; est qui accusat vos Moyses, in quo vos speratis. de me enim ille scripsit.

Sed nihil potest apertius dici de hac mysteriorum Divinorum, arcanorumque, per Christum Dominum manifestatione, quam ipsa verba Domini, sapius hanc in se, & à se factam indicantia. *Dico enim vobis, quoniam adhuc hoc quod scriptum est, oportet impleri in me [& cū iniquis deputatus est.] Etenim ea quæ sunt de me, sinem habent. tum quia implentur, tum quia manifestantur. Idem planè asserit illa Dominica ad discipulos in Castellum Emmaus euntes, adhortatio simul & attestatio. Ostultis & tardi corde ad credendum in omnibus, quæ locuti sunt Prophete. Nonne hæc oportuit pati Christum & ita intrare in gloriam suam? Et incipiens à Moysè, & omnibus Prophetis, interpretabatur illis, in omnibus scripturis, quæ de ipso erant. Ad idem facit illa etiam Domini nostri congratulatio discipulis facta. Beati oculi qui vident, quæ vos videtis; & aures quæ audiunt, quæ vos auditis. Amen quippe dico vobis, quod multi Prophete, & Reges, & Iusti cupiverunt videre, quæ vos videtis, & non viderunt; & audire, quæ vos auditis audire, & non audierunt. Et alio loco, licet brevius. Iam non dicam vos servos, sed amicos; quia servus nescit, quid faciat Dominus ejus. Vos autem dixi amicos, quia omnia quæcunque audivi à Patre meo, nota feci vobis.*

Sed de his fatis restat videre, & ad meditandum proponere, quomodo, & quænam Divinæ circa salutem nostram Providentiæ arcana, & mysteria, per Incarnationem, vitam, Passionem, Mortemque Christi Domini referata, & in lucem cognitionis fidei producta sunt.

Libet autem rem hanc explicare sub typo libri septem Sigillis primum quidem signati, deinde per Agnum aperti. Ac in primis adduco & assigno septem sigilla à Divo Bernardo assignata, quibus noster Liber nempe Christus fuit obsignatus; verba sancti sunt.

- I. Septem quædam arbitror inveniri, quibus maximè celabatur in carne Præsentia Majestatis, ut non posset aperiri Liber, & sapientia quæ latebat agnosci. Sunt autem quæ occurrunt interim. *Matris Desponsatio.* quâ partus Virginis, & conceptionis puritas, velabatur; ita
- II. *ut hominis fabri filius, fabricator hominis putaretur. Infirmitas etiam Corporis.* quâ nimirum plorans, vagiens, lactens, dormiens, & cæteris subjacens necessitatibus Carnis, latebat inter hæc virtus Divinitatis. Sic & *Circumcisionis* signum suscipiens, peccati remedium, & agritudinis medicinam, qui morbum omnem tollere venerat, & peccatum.

catur. Et item *In Ægyptum fugiens*, à facie Herodis Reguli, nec Dei filius agnoscei poterat, neque Rex calli. Quid *Trinacillatentatio inimici*, in deserto, in pinnaculo, supra montem? si filius Dei es (inquit) dic ut lapides isti panes fiant. Et item. Mittete deorsum. Neutrum Christus fecit. ut signaretur Liber, & falleretur astutus. Denique eo usque seductus est, ut haberet jam pro constanti hominem esse purum, & in tantam vesaniam superbia cæca proruperat, ut non diceret ultra, si Filius Dei es, sed omnia tibi dabo, si procidens adoraveris me? Sextum est. *Signaculum Crucis*. Ubi pependit inter latrones, & cum iniquis deputatus est Dominus Majestatis. Clausit & *Sepultura* hunc Librum: nec ullum omnino signaculum sic obstruxit, sic occultavit magnum Pietatis Sacramentum.

Possunt autem alio quodam modo, alia quoque septem Sigilla hujus Divini Libri recenseri. v.g. 1. Sigillum, Figuræ fuerunt. 2. Prædictiones seu Prophetiæ. 3. Sacrificia. 4. Ritus ac Cerimonix. 5. Sacramenta. 6. Parabolæ. 7. Opera, effectusque varii, quibus omnibus, & velabatur occultabaturque venturus Christus, & sigillabatur Liber Divinus, atque Mysticus: in Adventu autem, imò Advētu ipso, gestisque Christi, omnia reſerata sunt, cum tanta claritate, atque plenitudine, ut (quemadmodum supra dixi) hodie minimus fidelium Christi peritior sit in his enucleandis & enarrandis, quàm ante Christi Adventum integra Synagoga Judaica. Quis enim nunc filiorum Ecclesiæ Christi ignorat: quid sibi voluerit Isaac in Monte Moria oblatio; in ariete cornibus inter vepreta hærente consummata? Quid omnium Gentium benedictio in semine Abraham? Quid Melchisedech, Rex & Sacerdos, sacrificium Panis & Vini offerens? Quid Agnus Paschalis, cujus sanguis postibus illitus salvavit primogenitos Israelis? Quid transitus Maris rubri ex Ægypto, in quo Ægyptii perditii, Hebræi salvati? Quid totum tabernaculum? quid manna de celo? quid aqua de petra? quid serpens æneus in ligno suspensus? omnes ad eum respicientes, à serpentum veneno sanans? Quid maledictionis hircus, peccatis populi onustus foras in desertum expulsus? Quid Davidis cum Golia Philistæo duellum? Quid Salomon & Templum ejus?

Cui Fidelium hodie non in manifesto est Virgo Concipiens & Pariens Filium, cui nomen Emmanuel? Quis nescit, quis ille Parvulus sit natus & datus nobis, cujus imperium super humerum ejus, & vocatur Admirabilis, Consiliarius, Deus, Princeps Pacis, Pater futuri sa-

IV.
V.VI.
VII.

culi? Quis ignorat Novum quod fecit Dominus super terram, quæ nimirum illa sit fœmina, quæ circumdedit virum? Cui ignota est interpretatio Madentis nunc Aræ, nunc Velleris Gedeonici? Quis nescit quis sit Mons Domus Domini elevatus in vertice montium? quæ sit Porta Orientalis clausa omnibus, soli pervia Principi? quæ sit virga Aaron, quæ absque radice floruit, fronduit, & fructum protulit? Quis sit Rubus ardens incombustus?

Quis nescit quæ sit stella orta ex Jacob. Qui sint Reges Tharsis & Insulæ munera offerentes, Aurum, & Thus deferentes? Quis sit Dux ex Bethleem egressus, qui regat Populum Israel? Quis sit ille vir dolorum, & sciens infirmitatem, quasi leprosus, & percussus à Deo, ac humiliatus? Quis sit ille quasi Ovis ad occisionem ductus, & quasi Agnus coram tondente se mutus, cuius iudicium in humilitate sublatum est? Quis sit ille iustus circumventus tanquam inutilis, & operibus impiorum contrarius, Improperans eis peccata legis, qui filium Dei se nominavit, gravis iniquis ad videndum, turpissimâ morte condemnatus? Quod sit illud sacrificium vespertinum? quod Thymiam ex minutissimis pulveribus specierum pretiosissimarum confectum & incensum? Quid quinque Civitates refugii? Quid reditus homicidarum & maleficorum ad Patriam post mortem summi Sacerdotis? Quid ostium in Arca Noëtica latere? Quid Eva de Costa dormientis Adæ ædificata? Quid Noë ebrius & dormiens ac nudatus, à filio nequam irrisus & illusus?

Quis nescit Fidelium quis sit ille Mors mortis, & morsus inferni? Quis sit ille qui in fortitudine sua descendit in profundum lacu, in quo non erat aqua, & populum, qui inibi sedebat in tenebris, luce magnâ perfudit, & in libertatem beatitudinis æternæ produxit? Quis nescit quis ille Catulus Leonis dormiens, & à nemine præterquam à se ipso suscitatus est? Quis Samson mediâ nocte de somno consurgens, & portas Philisteorum cum postibus estringens, & exportans? Quis nescit quæ sit illa Gloria, & quod Psalterium, atque Cythara exurgens diluculo?

Denique (ut finem recensendi faciamus) quis ignorat fideliū Christi hodie, viam Aquilæ in cælo? Itemq; Auxiliatorem Populi, Ascensorem Cæli? Itemque illum Ascendentem in altum, & Captivam Captivitatem ducentem? Itemque illum Regem Gloriæ, ac Dominum virtutum, fortem ac potentem in prælio, cui jubentur aperiri portæ Iustitiæ, & elevari portæ æternales? Itemq; illum, cui datæ sunt Gen-

tes in hereditatem, & termini terræ in possessionem, & reges eius in virga ferrea. Item illum Dominum, cujus dies magnus juxta est, & velox nimis? vox dei ejus amara, tribulabitur ibi fortis, dies iræ, dies illa, dies tribulationis, & angustiarum. Qui & congregabit omnes gentes, & deducet eas in vallem Josaphat, & disceptabit cum eis ibi.

Ecce ista sunt sive Sigilla, sive arcana fidei salutisque nostræ, sive Divinæ circa salutem nostram Providentiæ opera, quæ per incarnationem, Vitam, Passionem, Mortem, Resurrectionem, Ascensionem Domini nostri Jesu Christi universa patuerunt, Liberque ille, tantis, totque clausus signaculis, tantis, totque obseptus involueris, apertus est, ita ut merito velum Templi in morte Domini scissum fuerit à summo usque deorsum; tanquam significans, omnia jam Arcana veteris Synagogæ, per Christi mortem patuisse, nec jam oppandi iis velum ultra oportere.

Enimverò præter Arcana scripturarum, præterque mysteria Divinorum circa nostram salutem decretorum & operum: patuerunt adhuc, per ejusdem Domini nostri vitam, Passionemque, alia quædam Sigilla altissimarum, & ab omnibus retrò ante Christum sæculis, nec auditarum, nec visarum, sed neque cogitarum virtutum, atque Perfectionum, quæ merito propter sui excellentiam sublimitatemque; quasi sub signaculo ante Christum fuerunt, in vita autem & Passione Christi luculentissime patuerunt; neque patuerunt tantum, sed etiam operabiles imitabilesque factæ sunt, omnibus volentibus, quarum admirandam, tum celsitudinem, tum arcanitatem, tum etiam honestatem, Dominus ostendere, & exprimere volens eas Beatitudines vocavit, & non præcepta sed consilia esse voluit.

Quis quæso ante Christum evulgavit. *Beati Pauperes Spiritu, quoniam ipsorum est Regnum Cælorum.* Et. *Si vis perfectus esse: vade, vende omnia quæ habes, & da Pauperibus, & veni sequere me, & habebis thesaurum in cælo.* Et. *Vos qui reliquistis omnia & secuti estis me, in regeneratione, cum sederit Filius Hominis in sede majestatis suæ, sedebitis & vos super sedes judicantes duodecim tribus Israël.* Et omnis qui reliquerit domum vel fratres, aut sorores, aut Patrem aut Matrem, aut Vxorē, aut filios, aut agros, propter nomen meum, Centuplum accipiet, & vitam æternam possidebit? Quis ante Christum enuntiavit. *Nisi efficiamini sicut parvuli non intrabitis in Regnum cælorum.* Et. *Discite à me, quia mitis sum & humilis corde?* Quis ante Christum in abnegatione sui, in abjectione honorum, in novissimi loci confessusque ambitione, in eâ nuditate,

nuditate, & paupertate, ut nec locum capiti, reclinando reliquum habeas, beatitudinem esse ostendit? Absconsa hæc fuere à sapientibus & prudentibus: revelata autem parvulis, revelata autem per vitam, & Passionem, Exemplaque ac Mores Jesu Christi: revelata autem cum adeò efficaci svavitate, svavique efficacitate, ut mox imitatores exsecutoresque haberent.

Quis ante Christum Mansuetudini nesciæ lædi, & irasci, & ulcisci, inesse beatitudinem, & terræ possessionem revelavit, aut sensit? Cùm sensu vulgari, Mansuetudo vel maximè injuriis, rapinis, depradationibus, & vexationibus exposita sit, ignaviaque ac stupor reputetur? Atqui alius est Christi sensus, alia Doctrina, alia exempla. *Diligite inimicos vestros, bene facite his qui oderunt vos. benedicite maledicentibus vobis: & orate pro calumniantibus vos. Et qui te percutit in maxillam, præbe ei & alteram. Et ab eo qui aufert tibi vestimentum, etiam tunicam noli prohibere. Omni autem petenti te tribue, & qui aufert que tua sunt, ne repetas.*

Quid apud Homines jucundius risu, lætitiis, & lautitiis, atque consolationibus, & opulentiâ, ac prosperitate? quid contra miserabilius luctu, ploratu, gemitibus, & fletu? At Christus verbo & opere suo contrarium revelavit. *Va vobis divitibus, quia habetis consolationem vestram. Va vobis qui saturati estis, quia esurietis. Va vobis qui ridetis nunc, quia lugebitis & flebitis.* E contrario autem. *Beati qui nunc fleitis, quia ridebitis. Beati qui lugent, quoniam ipsi consolabuntur.* Christum risisse, nunquam legimus: flevisse sæpius: adeò ut ipsam Passionem suam, Oratione, lachrymis, & clamore valido conclusisse testetur Apostolus.

In siti & fame Justitiæ, beatitudinem sitam Christi sensus & doctrina est. Doctrina autem non minus verbo, quàm opere, non minus sermone, quàm Passione propter Justitiam sancita & tradita. Hæc est illa sitis Christi in Cruce, cui & immortalis est. Hæc illa est fames, cui non nisi ab impletione voluntatis paternæ, levamen satietatis fecit. Ergo Beati qui esuriunt & sitiunt Justitiam Dei: qui eligunt perdere vitam, ne perdant obedientiam. Quibus cibus & potus, & omnis sustentatio atque substantia est obedire Deo, ejusque mandata servare, & in ejus dilectione manere. Quibus gaudium & epulatio lauta est saginare Animas suas Divinâ voluntate, bonâ, & beneplacente, & etiam perfectâ: exuendo & exinaniendo proprias voluntates, perdendo animas suas, propter Deum, ut in vitam æternam inveniant & custodiant illas.

illas. *Verè Beati qui nunc esuritis: quia saturabimini.* Iustitia siquidem & Dei voluntas cibus est, non tantum tunc quando impletur, verum etiam quando esuritur: adeo ut ipsa esuries ejus, sit cibatio ejus, sit saginatio ejus: cui nihilominus offertur & exhibetur Beatitudo æterna, tanquam expletio ejus.

Misericordiam super proximos quoscunque Beatitudinem esse, certissimamque ad misericordiæ consecutionem methodam, nemo unquam plenius Christo declaravit, ac referavit, tam verbo, quam opere, atque Passione, & Morte; ad quam una solaque Charitatis suæ Misericordia super nos, Christum perduxit. Vult Dominus misericordiam nostram extendi, tam ad corporales, quam ad spirituales proximorum necessitates, vult extendi eandem non tantum ad notos, & amicos nostros, verum etiam ad ignotos, etiam ad eos, qui non habent retribuere nobis; alioqui misericordiæ nostra gentilem non superabit. Vult quoque extendi nostram misericordiā Dominus etiam ad inimicos, ad malefacientes nobis, ad ingratos, ad maledicentes, ad convitantes, ad malum pro bono reddentes: ut maledicentibus benedicamus, convitantes honoremus, malefacientibus bene faciamus, detractores laudemus, inimicos & ofores amemus. injuriantibus bonum pro malo reddamus, & malum in bono vincamus. Vult Dominus misericordiam nostram extendi usque ad ipsummet Dominum: ita nimirum eam exhibendo quibuslibet proximis, quasi illi non essent illi, sed in eis esset Christus, sed quasi quilibet eorum esset ipse Christus. Denique extendit extendique vult Dominus misericordiam nostram usque ad æmulationem, tum misericordiæ, tum perfectionis, nū naturæ, seu Filiationis Divinæ. Omnem enim misericordiam nostrā esse vult, ut (inquit) *sicut Filius Patris vestri, qui in celis est, qui solem suum facit oriri super bonos & malos. & pluit super justos & injustos, & benignus est, super ingratos & malos. Estote ergo misericordes, sicut & Pater vester misericors est. Estote perfecti, sicut & Pater vester celestis perfectus est.* Quis autem ignorat talem per omnia fuisse misericordiam Christi ipsius, imò & multò majorem, atque altiorem: qui solem & imbrem salutis redemptionisque suæ profudit super nos, *per hoc commendans charitatem suam in nobis, quoniam cum adhuc peccatores & inimici essemus imò & cum deinceps futuri essemus, pro nobis mortuus est.*

Cordis munditiem beatitudinem esse referavit Christus, & ei visionem divinam promisit. Quam perfectionem etiam non ignotam habuit

antiquitas: Orabat enim David Deum, *Cor mundum crea in me: eam* tamen cordis munditiam, quam Christus verbo & exemplo docuit ac ostendit: nec per somnium (ut ajunt) quis cogitavit unquam veterum. Mundities enim cordis à Christo laudata, ad ò esse excelsa & superheroica debet, (adjuta præsertim religione voti) ut non tantum excludat à corde omnia opera, verba, cogitationes, imaginationes, sensuumque externorum omnes illecebras, quovis modo etiam aliqui licito, nitorem oblādentes puritatis, & nidorem adstantes integritati: verum etiam Corpus ipsum ita castificet in obsequium cordis, ut in carne non secundum carnem militetur, ut instar cælestiū incolarum, neque nubant, neque nubantur, sed sint sicut Angeli Dei, casti corpore & spiritu, mundi carne & mente, munditie, non ita quidem sicut Angeli felice, sed quàm Angeli fortiore. tali munditie, quæ non tantum pro futura in cælis, at etiam pro præsentī in terris vitā, oculos ad videndum Deum purificet, nomenque melius à filiis & filiabus conferat, demum merito incorruptionis Deo simillimum reddat. Deo inquam non tantum Virgini ex Virgine Incarnato, sed etiam Deo Trinitati quoniam Prima Virgo Trinitas est.

Iam verò quid in Pacis amore, studio, custodia, & institutione sublimitatis lateat, nemo unquam cognovit satis ante Christum. Primus omnium Christus beatos pacificos dixit, primus Filios Dei, dignos tanto Patre pronuntiavit: primus etiam Pacificatoris munus in suos humeros, tanto utique muneri solos pares assumpsit, & perfecit. Quis enim hominum aut Angelorum idoneus fuit ad reconciliandum Deum mundo, & ad pacificandum dissidium mundi, à Deo? Ecce autem Princeps Pacis, & Salomon Pacificus *Christus pro nobis omnibus mortuus est, & ipse est Pax nostra: qui fecit utraque unum, & medium parietem maceria* (iræ Dei, & offensæ mundi) *Solvens iniquitias in carne sua, ut duos condat in semetipso in unum hominem faciens pacem, & reconciliet ambos in uno corpore, Deo per Crucem: interficiens inimicitias in semetipso.* Unde etiam præparavit nobis Evangelium pacis, instituens unum Pastorem se, unumque ovile nos, oves suas, unum caput se, nos verò unum corpus, & membra in uno corpore: edicens nobis: quia in hoc cognoscent omnes, quòd discipuli ejus sumus, si dilectionem ad invicem habuerimus. Atque hoc munus, imò hanc beatitudinem pacificationis, non tantum commendavit, sed etiam imposuit nobis, ut cum omni humilitate, & mansuetudine, & patientia supporteremus invicem, in charitate, solliciti servare unitatem Spiritus in vinculo pacis.

ut omnes unum simus, sicut Pater in Christo, & Christus in Patre; ut & nos in nobis unum simus. Nostra ergo pacificatio, nostra pacificationis beatitudo, nostra Dei Filiatio, in hoc sita est, ut ante omnia quidem, pacem dilectionis & subjectionis habeamus & servemus cum Deo; deinde pacem & unionem charitatis custodiamus cum omni proximo. *Hoc enim mandatum habemus à Deo, ut qui diligit Deum, diligat & fratrem suum:* adhuc autem & proximos nostros omnes, quod in nobis est, laboremus habere pacem cum Deo, tanquam ipso *exhortante per nos, Reconciliamini Deo.* Insuperque ut studio nostro, ipsi quoque proximi nostri, inter sese propter Deum pacem habeant in nomine Domini, *charitatem & humilitatem invicem insinuantes.* alterque alterius onera portantes, & nemini quidquam debentes, nisi ut invicem diligant, & sic legem Christi adimpleant, quoniam *qui diligit proximum legem implevit.* Atque hæc est Pacificorum regula: cujus regulæ summum exemplar Christus, cujus beatitudo, est illa, quia filii Dei erunt, & vocabuntur, & Christi fraternitatem sortientur.

Super omnia verò quæ Dominus noster Iesus Christus, mysteria & enarravit, & evulgavit, illud est: *Beati qui persecutionem patiuntur propter iustitiam, quoniam ipsorum est Regnum celorum. Beati estis cum maledixerint vobis, & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra copiosa est in celis.* Admirabilitatem, altitudinem, abstrusionem doctrinæ, virtutis, perfectionisque hujus exaggerare multis nihil attinet: satis sit dicere. Id genus sapientiæ, nunquam ulli in mentem venturum fuisse, nisi Unigenitus Dei, qui est in sinu Patris, illud enarrasset, enarrasset verò magis factis, quam dictis, magis ipsâ inauditarum omnis generis calamitatum stupendam perpeffione, quam exaggeratâ verborum affirmatione. Quâ docendi methodo per exemplar Passionis suæ, tantum quidem profecit Dominus, Magisterque noster: ut exemplo ejus instructi, non dubitemus gloriari in tribulationibus, gaudere, atque etiam omne gaudium existimare, cum in varias tentationes, tribulationes, persecutiones inciderimus, ut majorem felicitatem reputemus Crucem pro Christo, quàm vitam cum Christo. Ut major sit nobis fames patiendi, quàm beatè vivendi, ut doleamus in patiando pro Christo æternitatem non esse, sicut in gaudendo cum Christo scimus esse. Denique gloriatio nostra hæc est una, à qua absit omnis alia, gloriari in Cruce Domini nostri, Christo crucifigi in Cruce. Ita ut ibi sit animarum nostrarum possessio. Nam in patientia

vestra (ait Dominus nobis) *possidebitis animas vestras*. Ibi quoque perfectio virtutis nostræ: Nam *virtus in infirmitate perficitur*. Ibi potestas & potentia nostra: nam *cum infirmor, tunc potens sum*. Usque adeo Dominus Iesus omni genere bonorum atque beatitudinum adimplevit patientiam suam, hoc est, Crucem suam: quam ille pro nobis, gaudio sibi proposito; & confusione, quam furiosissima malitia, ryalitiosissimusque furor adinvenire, & inferre potuit, penitus contempta, sustinuit, & instar unius perijucundi calicis, poculique gratiosi exhaustit.

Sunt adhuc complura ejusmodi arcanissima perfectionum & virtutum ornamenta, à Christo nobis patefacta atque resignata, in sua vitæ Passionisq; libro. Ut est Filiatio Dei, & cohereditatio cum ipso Christo. nam *dedit nobis potestatem filios Dei fieri*. Item *ut simus heredes quidem Dei, coheredes autem Christi*. Est etiam tale illud: quia *ille est vitis, nos palmites, & sine eo nihil possumus facere*. Tale quoque illud. *Cum omnia feceritis quæ præcepta sunt vobis, dicite servi inutiles sumus*, quod debuimus facere fecimus. Tale illud, *Nolite gaudere in hoc quia demonia subjiciuntur vobis, sed in hoc gaudere, quia nomina vestra scripta sunt in calo*. Tale illud. *Nescitis cujus spiritus estis, filius enim hominis non venit animas perdere, sed salvare*. Tale illud. *Nolite timere eos, qui occidunt corpus, post hæc autem non habent quid faciant*. *Timete eum, qui postquam occiderit corpus, habet potestatem mittere animam in gehennam*. Tale illud. *Caro mea verè est cibus, & sanguis meus verè est potus, nisi manducaveritis carnem filii hominis, & biberitis ejus sanguinem, non habebitis vitam in vobis*. Tale est illud. *Misericordiam volo & non Sacrificium*. Tale est etiam illud. *Si pes tuus, aut manus tua, aut oculus tuus scandalizat te, abscinde, & erue illum, & projice abs te, bonum est tibi claudum, mancum, cecum intrare in vitam æternam, quàm duos oculos, aut manus, aut pedes habentem mitti in gehennam*. Tale illud. *Contendite intrare per angustam portam, quàm angusta est porta, & arcta est via, qua ducit ad vitam, & pauci sunt, qui inveniunt eam*.

Tale est illud. *Facilius est camelum ingredi per foramen acis, quàm divitem intrare in regnum calorum*. Tale illud quoque. *Quid prodest homini, si universum mundum lucretur, anima verò sue detrimentum patitur*. Tale illud. *Omnis qui fecerit voluntatem Patris mei, qui in calo est, ipse meus frater, & soror, & mater est*.

Sed enim finienda est aliquando hæc enumeratio admirandarum perfectio-

perfectionum Christianarum, quas nobis Christus, quâ verbo, quâ exemplo, in admirabili vitæ Passionisque suæ libro reſeravit, & ſtylo hominis ſcripta legendaque, operibus autem noſtris, à nobis exprimenda & exaranda propoſuit.

Quia verò Dominus Jeſus, proſitetur ſapius, ſe veniendo in mundum, & vivendo in eo, manifeſtaſſe nomen Patris, hoc eſt Divinitatis ejus, & perfectionum arcana evulgaſſe, ac nota feciſſe hominibus: unamque & ſolam ejus gloriam quaſiſſe; tum etiam voluntatis ejus executione tanquam ſubſtantioſo & vitali cibo vixiſſe. Proderit etiâ hunc catalogum Divinarum magnitudinum ſaltem perſtringendo reſcenſere.

Ergo ex libro vitæ Paſſionisque Jeſu Chriſti ſcimus. 1. Quia Deus noſter eſt Trinus & unus, Pater & Filius & Spiritus Sanctus, in cujus nomine, & baptiſari atque renaſci nos oportet ut ſalvi ſiamus. Scimus 2. Quia Pater & Filius unum ſunt, & omnia quæ habet Pater Filii ſunt, & omnia quæ Filii ſunt, Patris quoque ſunt. Scimus 3. Quia ſic Deus Pater dilexit mundum ut Filium ſuum Unigenitum daret, ut mundus ſalvetur per ipſum. Scimus 4. Quia Pater omne judicium dedit Filio: quia Filius hominis eſt. Scimus 5. Quia qui fecerit & ſervaverit ſermoneſ Domini Jeſu: Pater cæleſtis diligit eum, & ad eum venient Pater, & Filius, ſimulque Spiritus Sanctus, & manſionem apud eum facient. Scimus 6. Providentiam Dei infinitam circa nos, adeo ut neque paſſerculi ſint in oblivione coram ipſo, ut etiam capilli capitis noſtri numerati ſint, apud Deum, omneſque greſſus noſtros, non tantum corporis, verum etiam animæ dinumeratos habeat. Scimus 7. Altioſiorem aliam Dei Providentiam (complectendo nomine Providentiæ, Sapientiam, Miſericordiam, Veritatem, Juſtitiam, Charitatem, Liberalitatem, Suſtinentiam, & omnem penitus Bonitatem divinam) circa ſalutem noſtram: quam tota Sanctiſſima Trinitas operata eſt, & uſque modò operatur. Pater quidem Unigenitum Filium ſuum in mundum mittendo. Filius in mundum veniendo, & carnem noſtram ex puriſſima Virgine ſumendo, Spiritus Sanctus Incarnationem Verbi in Virgine, ex Virgine, & cum Virgine operando. Pater propter ſcelus populi ſui Filium tradendo, atque diris ſuppliciis percutiendo. Filius ſemetipſum, ſponte ad perfeſſionem omnis humanæ calamitatis, demumque ſupplicii Crucis & mortis offerendo, ſicque pro ſalute noſtra ſeſe hoſtiam & holocauſtum Patri faciendo. Spiritus Sanctus ad ſalutem noſtram conſummandam deſcendendo, in nobis

his tanquam in templis manendo, nosque sanctificando, & sanctificationem hanc fovendo, augendo, totumque Ecclesie Christi Corpus gubernando, vivificando, consecrando, gratias omnibus fidelibus, ad operandam salutem suam elargiendo. Scimus 8. Ex Deo nos habere peccatorum remissionem, quin imò & eorundem aliis remittendorum retinendorumque potestatem. Scimus 9. Habere nos presentem nobiscum realiter etsi invisibiliter Dominum nostrum IESVM Christum: dicente ipso. *Ecce ego vobiscum sum omnibus diebus, usque ad consummationem sæculi.* quæ mansio non est tantum per gratiam sanctificantem, sed etiam per Sacramentalem presentiam in Eucharistiae Sacramento, in quo Deus noster non solum nobiscum, & inter nos, sed etiam in nobis manet, dans nobis carnem suam in cibum, & sanguinem in potum, quo alamur, vegetemur, robaremur, saginemur in vitam æternam, cujus pignus, unà cum resurrectione futura, est idem ipsum Sacramentum. Scimus 10. Habere nos sacrificium admirabile & ineffabile, unà cum Sacerdotio ad illius oblationem destinato, in quo offerimus ipsummet Unigenitum Filium Dei: modo per omnia stupendo, innovantes & representantes incruentè, cruentum Christi sacrificium, in Cruce pro nobis ab ipso peractum. Quo Sacrificio unico quidem, sed omnia alia sacrificia evincente, & explente, placamus Deum, redimimus peccata, sanctificamus animas nostras, purgatorii poenas sublevamus: totum humanum genus protegimus, Ecclesiam ditamus, & adjuvamus, Deum & sanctos omnes ejus, honoramus, lætificamusque.

Scimus 11. Christum Iudicem venturum ad Iudicium in consummatione sæculi, cum virtute & maiestate magna & potestate: Iudicaturum omnes vivos & mortuos, & dicturum his, qui à dextris ejus erunt, iustis. *Venite benedicti Patris mei, possidete paratum vobis regnum à constitutione mundi.* illis verò qui à sinistris ejus erunt impiis: *Ite maledicti in ignem æternum, qui paratus est diabolo & Angelis ejus: & ibunt ibi in combustionem æternam, iusti autem ibunt in vitam æternam.* Scimus denique 12. Deum esse & fore beatificatorem nostrum, atque adeò beatitudinem ipsam æternam, cum quo regnabimus, & simul regnum ejus erimus: cujus regni non erit finis, in quo regno laudabimus, & amabimus, & superexaltabimus Deum nostrum in sæculorum sæcula, & ultra.

Atque hæc nobis Unigenitus qui est in sinu Patris, qui Incarnatus & Passus est pro nobis, Sacramenta & arcana revelavit.

Parce

Parce benigne Lector, quod hoc loco metas meas forte exceſſerim, & calamo nonnihil indulſerim: ſervire pietati tuæ indulgereq; volui, quanquam ſi materiæ tractatæ ubertatem, dignitatemque diſpexeris, juſtus forſitan copiam explicandi deſiderabis, quàm falſides.

M O D V S XCVII.

Nonageſimus ſeptimus Modus Paſſionem Dominicâ meditandi eſt, de variis & ſalutaribus Modis Paſſionem Domini compenſandi ipſi Chriſto.

Fundamentum hujus uſûs ac ſimul meditationis, eſt notitia Paſſionis Domini noſtri, quæ non tantum complecti debet cognitionem hiſtoricam eorum quæ Paſſus Dominus, verum etiam conditionum & circumſtantiarum inter hæc intervenientium: v. g. Dignitatis, Innocentiæ, Juſtitia, Miſericordia, Beneficentiæ, Sanctitatis, Potentiæ, ejus, qui Paſſus eſt: è contra Malitiæ, Vilitatis, Odii, Invidiæ, Virulentia, Ingratitudinis horum, à quibus paſſus eſt. De quibus conditionibus, aliſque pluribus, ſicuti & de cauſis Paſſionis, in ſuperioribus ſatis actum eſt.

Notitiam hanc fides comitari & perficere debet, Fides inquam Divina & ſupernaturalis, ut nempe credamus hæc quæ Paſſus eſt Dominus noſter omnia, & credamus eum Paſſum eſſe Deum-Hominem, ex amore Patris Aeterni atque obedientia, ex amore quoque noſtri propter Patrem Aeternum; ex amore inquam ſalutis & Redemptionis noſtræ, à morte peccati, à morte corporis, demumque à morte aeternæ damnationis; propter eximendos nos à diabolica poteſtate, propter conciliandos nos Deo, & pro acquirendo nobis Beatitudinis aeternæ Regno. Nullo noſtro merito apud Deum, imò inter multa demerita noſtra. Nullo fructu Chriſti neque neceſſitate; ſed ſolus charitatis & miſerationis ejus ſuper nos; inductione. Tum etiam adimplendæ veritatis figurarum, promiſſionum, prædictionumque gratiâ: Quæ omnia credenda ſunt propter revelationem à prima veritate factam: Eccleſiâ Dei proponente.

Fidem ſequi debet æſtimatio & appretiatio eorum, quæ Dominus noſter Paſſus eſt. Tantus nimirum, & tanta, & pro tantillis, & pro tantis noſtris bonis atque commodis: & quibus nulla poſſit assignari ne quidem in minima proportionem æſtimatio, ne dum compenſatio. Hæc æſtimatio, & appretiatio Paſſionis & eorum quæ Paſſus eſt Dominus, quanto erit major & vivacior, & condignior (nulla autem eſſe unquam

unquam potest, poteritue adæquate condigna, ne quidem ab omnibus Creaturis) tantò nostra, ad, & circa, Passionem Domini, ipsumque Passum Dominum, occupatio, & affectio, erit, & Deo Christoque gravior, atque gloriosior, & nobis salubrior, utilior, meritisque & virtute Passionis ipsius gravidior.

Hanc æstimationem & appretiationem Passionis Domini comitari, & velut fermentare, perficere ac vegetare debet, Amor reciprocus Passi tanta, propter nos tales, tanti Domini, atque Dei nostri. Amavit nos viliores ipsa vilitate vermiculos, amavit inquam nos Charitas, amavit Immenitas, & amavit tam ardentem, tam potentem, tam profusè, atque prodigè: saltem ergo rependamus vicem cum mensura, cum mensura, cum mensura, tamen semper pleniori, semper ardentiori, semper superfluentiori.

Amori porro & æstimationi, ne fortè sit sterilis, adjungatur recompensationis cura, atque recompensatio ipsa, quæ remordebat Davidem cum dicebat. *Quid retribuam Domino pro omnibus quæ retribuit mihi:* non tantum dando mihi beneficia sua, sed faciendo etiam beneficii meum semetipsum: & faciendo per Amaram, per Infamiam, per Indignam, per Enormem, per Parricidalem, per Ingratissimam, per Excessivam, per Infinitis modis exaggeratam, tam ex parte Charitatis Dei & Christi, quam ex parte indignitatis nostræ, quam ex parte virulentia furorisque inimicorum, quam ex parte summorum omnemque æstimationem infinities evincendum fructuum suorum, Passionem. Ejus recompensationis modum unum præcipuum, ac tum sibi gratissimum, tum nobis saluberrimum designavit atque demandavit nobis ipse Dominus dicens. *Hoc facite in meam commemorationem.* Significans oblationem Sanctissimi Sacrificii ex pane, & vino, in quo representetur, atque etiam repetatur universa Passio & Mors sua, sacrificiumque cruentum a se in Cruce perfectum, esse, & fore sibi convenientissimū, gloriosissimum, gratiosissimumque modum, quo ei Passio sua universa cum morte poterit, ac debebit à nobis usque ad consummationem sæculi recompensari.

Huius modo vicinus, imò conjunctus, atque pars ejus est Sanctissimi Eucharistia Sacramenti devota, famelica, ardens, nec infrequens, semper autem Charitate atque Humilitate sublimior, atque perfectior sumptio, & manducatio.

Tertius modus recompensationis est. Meditatio atque recogitatio jugis, & quam fieri potest perennis Dominica Passionis. Ad hoc est enim

enim institutum Iuge sacrificium Missæ in Ecclesia sua ab ipso Christo, ut nulla dies esset in tota Ecclesia Christi, quâ in hoc Sacrificio non repræsenteretur à Sacerdotibus, & non recoleretur à fidelibus Passio & Mors Domini Salvatorisq̃ue nostri. Hoc etiam vult sibi monitum illud Apostolicum. *Recogitate eum, qui talem sustinuit à peccatoribus, adversum semetipsum contradictionem.* Sicuti & illud aliud, Divinum pariter. *Non recedat volumen legis hujus ab ore tuo: sed meditaberis in eo diebus ac noctibus.* Ad quod meditationis ejusque materiæ genus aspirabat vehementer Beatus Iob. dum ita anhelabat. *Quis mihi tribuat auditorem: ut desiderium meum audiat omnipotens, ut librum scribat ipse, qui judicat. Ut in humero meo portem illum, & circumdum illum, quasi coronam mihi. Per singulos gradus meos pronuntiabo illum; & quasi Principi offeram eum.* Quibus votis suis Beatus Patriarcha, non solum vota sua ad meditandam Redemptoris sui Passionem exaggerat, verum etiam modum, etiam affectum, etiam effectum, & fructum, quo meditaturus sit, eximie denuntiat: in quo toto negotio acquissimū est, ut eum nos quoque imitemur: non solum memoriā aut mentē meditatione Passionis Christi occupando, verum etiam humerorum robore, manuumque labore, sinē lassitudine, & requie, dignas Christo Crucifixo operationes, imò verò & Passiones suscipiendo, & sustinendo: cum ea mentis corporisq̃ue etiam hilaritate, & promptitudine, ut planè *absit nobis gloriari in ullo alio, nisi in Cruce Domini nostri IESU Christi.* Sed ipse sit nobis Corona Capitis, ipse merces laboris, ipse præmium sufferentiæ propter ipsum: proficiendo semper in hoc studio: & gradus atque ascensiones in ejus decursu faciendo, superando, transcendendo, ut sicquā maximè Princeps Crucifixorum *formetur Christus in nobis* ipseque sit sibi veluti munus, ac præmium, & pignus suum in nobis, à nobis.

Præter hos modos Compensationis Passionis Dominicæ, est Gratitude atque Actio gratiarum: actio inquam, talis scilicet, quæ non solum animo & memoriā gratias cogitante, nec solum ore gratias fundente, sed multò magis operatione assiduâ, singulari, exquisitè devotâ & liberali, gratias pro Passione (quæ gratia gratiarum, & omnium fons gratiarum est) exhibente perficiatur. Hoc enim genus, & hic modus gratiarum actionis, tum perfectissimus, tum Christo Domino debitissimus juxta ac gratissimus est. Opera gratiarum actionis præstare, atque (ut nuper dicebam) in humero Passum Jesum, & Passionem circumferre, animo & spiritu gratitudinis indefinens, nec unquam

quam sibi satisfaciens plenissimo, & ditissimo. Et possunt quidem in censum operum gratiarum actionis venire omnia vitæ nostræ opera, etiam ex se indifferentia (tantummodò non ex se, modo ve agendi mala & depravata) bonitate intentionis idoneæ imbuta, & sublimata: nihilominus præcipuum hîc locum, primamque gratiam obtinent opera tum Poenitentiae emendationisque morum: tum exercitationis virtutum & perfectionis, tum Patientiæ, sive voluntarie susceptarum afflictionum corporis aut animæ, sive etiam aliunde, (à Deo puta, aut à Creaturis, permittente Deo) oblatarum, atq; in fortunas, in corpus, in animam, in Spiritum, in honorem, in libertatem nostram, vel eorum qui nostri sunt, incidentiū adversitatum, ærumnarumque. Quarum toleratio cum Christiana magnanimitate, (scilicet modestè, mansuetè, humiliter, hilariter, libenter, avidè, & cum gustu, constantia, ampliorumque desiderio, eorum quoq; qui authores fortè sint, amate, ac omne malum in bono vincente animo) suscepta & perfecta, atq; Christi Passionis amore & imitatione condita, ipsiusque Christi gustui exhibita: superat omne, quidquid præsens vita gratum, pretiosumque Divinæ offerre pravalet Majestati.

Quintus Modus Recompensationis Passionem suam Domino Iesv Christo, est ille Apostolicus, sive ille quem Paulus Apostolus, neque is solus, sed pariter cum omnibus Apostolis, & cum his omnes Apostolico officio, animo, laboribusque præditi, & exerciti, jam inde à nata Christi Ecclesia, usque huc tenuerunt, & ad finem sæculi tenebunt. Graphicè illum Apostolus Paulus denarrat, cum ait. *Nunc gaudeo in Passionibus pro vobis, & (seu, quoniam) adimpleo ea quæ defunt Passionum Christi, in carne mea, pro corpore ejus, quod est Ecclesia.* Laborare circa conversionem animarum ad Deum, & circa salutem perfectionemque conversarum jam, atque credentium in Christum, defudare, eoque nomine persecutiones, tribulationes, cruces, verbera, vulnera, mortes, vel exilia, proscriptiones, maledicta, calumnias, censuras, detractiones, irrisiones, oppugnationes, impedimenta, falsa testimonia, & interpretationes, labores, sudores, fatigationes, libenter & infatigabiliter devorare, atque cum Apostolo, filios, iterum iterumq; Christo parturire, donec Christus in eis formetur, & crescat in viros perfectos, in mensuram ætatis plenitudinis virtutum suarum. Id verè est compensare Passionem suam Christo: imò id verè est supplere & adimplere ea quæ defunt Passionibus, & Cruci, atque morti Christi, desunt autem ad hoc, ut Passio, & Crux, & Mors Christi ex se se licet per omnia

omnia satisfactioni pro toto mundo, quin & pro infinitis mundis super-
 excessivè sufficientissima, tamen quantum ad suum effectum, & effe-
 ctus propagationem, applicetur hominibus re ipsâ, & in Ecclesiam, quæ
 est Corpus Christi, itemque in Ecclesiæ filios, qui sunt membra corpo-
 ris, cujus caput est Christus, derivetur; quæ applicatio Passionis &
 Mortis Christi, atque ejus derivatio in Ecclesiam, & filios Ecclesiæ, non
 est facta actualiter ab ipso Christo, qui *resurgens ex mortuis, jam ultra*
non moritur, neque patitur in semetipso suaque persona: sed faciendum
 disposuit, & commisit Apostolis, & eorum Successoribus in Apostola-
 tûs munere, & opere, per omnes gentes, per omnia tempora, quibus
 annuntiandum fuit, & est, Evangelium simulque Passiones, & Mors,
 atque Crux Christi, ejusque efficacia applicanda, & derivanda in omnes
 Ecclesiæ partes, & filios, usque ad sæculi consummationem. Quæ an-
 nuntiatio Evangelii atque mortis Christi, applicatioque, & communi-
 catio virtutis & efficaciar ejus, quia non poterat, neque debebat esse absque
 laboribus, & tribulationibus, & persecutionibus, & passionibus, ca-
 dibusque, tam Apostolorum, quam Apostolicorum Successorum, uti
 & Christus prædixerat promiseratque, & re ipsâ eventus docuit, & in
 hanc usque diem docet, ac postmodò ad finem mundi docebit, ideo Paulus
 confors & particeps factus laborum tribulationumque; pro nomine Iesv
 Christi, proque conversione gentium, & pro conversis jam ad Chri-
 stum, nec non pro congregatis ad Ecclesiam Christi, fidenter affirmat
 de se. *Nunc gaudeo in Passionibus pro vobis, quoniam adimpleo ea, quæ*
desunt Passionum Christi, in carne mea, pro corpore ejus, quod est Ecclesia.
 Passus est Christus redundantissimè ad satisfactionem reconciliatio-
 nemque totius mundi. Passus est Apostolus, omnesque Apostoli, &
 omnes Apostolorum asseclæ passi sunt, habentque necesse pati, ut ipsa
 Passionis Christi satisfactio, & efficacitatis ejus communicatio, fiat
 pervadatque in homines, in gentes, in Ecclesiam, in ejus filios, in mem-
 bra corporis Christi, cujus Caput est Christus. Et omnes quicumque
 aliquando, & alicubi, annuntiaverint Christum, propterea persecu-
 tionem patientur, propterea adimplebunt in carne sua, & in personis
 suis, ea quæ desunt Passionum Christi, pro corpore ejus, quod est Eccle-
 sia. Christus enim, sicut salutem hominum nonnisi per humiliatio-
 nem, & exinanitionem suam, non nisi per Passionem Crucis & mortem,
 non nisi per charitatem, quâ animam suam posuit pro nobis adhuc ini-
 micis, peragere voluit, ac re ipsâ peregit: ita hujus ipsius salutis huma-
 næ per se peractæ, in homines derivationem, atque communicatio-

Rom. 8.

9.

Colos. 2.

24.

agm non aliter peragi vult, & ad usque finem mundi vult, nisi per humiliaciones & contemptus, per tribulationes, & persecutionum passiones, per dilectionem ipsâ morte fortiorem, eorum qui pro Christo fungentur & fungentur legatione ad homines, tanquam Deo exhortante per eos: *Reconciliamini Deo.*

Quisquis ergo ex Amatoribus Christi, vel pro conversione infidelium quorumcunque ad Christum, vel pro conversione peccatorum ad poenitentiam melioremque vitam, vel pro conservatione aut promotione bonorum & iustorum ad sanctitatem vitæ perfectionemque virtutum, vel pro perversione amplectendorum consiliorum Christi, vitæque mundo contemptæ, & simul mundum contemnentis, atq; Crucem Christi amplectentis, & iugiter in corpore suo circumferentis, vel quoquo modo in salutem æternam proximorum suorum, docendo, prædicando, confessiones audiendo, rudimenta fidei Christianæ, rudibus tradendo, hæreses & errores confutando, vitæ Sanctæ exempla præbendo, virtutum opera ad ædificationem aliorum faciendo, Dei gloriam promovendo, offensas Dei, legisque ejus Sanctissimæ violationes tollendo, aut impedimento, denique sobriè, iustè, & piè vivendo, sicque perseverando, propter Christum Crucifixum constanter & ardentè satagit & laborat: is indubitatè adimplet ea, quæ desunt Passionis Christi in carne sua, pro corpore ejus, quod est Ecclesiâ. Omnes enim qui piè vivere volunt in Christo, persecutionem patientur, quod si hi qui solum ipsos se piè vivere in Christo curant, ista fors manet, quanto magis omnes eos, qui non solum semetipsos, sed & quàm plurimos alios contendunt insatiabiliter adducere ad fidem, spem, dilectionem, mortificationem, obedientiam, patientiam, imitationemque Christi Crucifixi, privilegium, (sed & præmium) tolerantia persecutionum, nec non gratiâ atque gloriâ adimpletionis in carne sua Christi passionum, eadem conditio expectat.

His ergo modis potest à quolibet devoto Passionis Christi Meditatore compensari salubriter Passio Christi, ipsâ Passione Christi, seu Passione pro Christo, ad quod enixè constanterque præstandum excitare cujusvis animum melius sufficientiusque nihil ex parte nostra potest, ac debet, quàm ipsa fervens, devota, & frequentata Passionis meditatio.

M O D V S XCVIII.

Nonagesimus octavus Passionem Domini meditando Modus esse potest: Meditando dediscere ex ea Spiritum huius mundi, periversionemque amatoribus mundi usitatas: addiscere autem Spiritum Christi verum, & proprium, ut ad normam ejus tum sapiamus, tum vitam presentem vivamus. Frequens est hæc meditando Passionem Domini ratio apud Patres, & absolute breviterque loquar, in hunc fere potissimum finem, suas de Dominica Passione cogitationes, tractationesque destinare consueverunt. Neque sine iusta ratione.

Primo namque certum & indubitatum est, tam ex evidentia rationis & naturæ Dei atque creaturæ; quam ex assertionibus Sacrarum literarum, alium & disparem esse Spiritum, sapientiam, sensumque Dei, à iudicio, & sensu, Spirituque hominum, & mundi. *Non enim cogitationes meæ* (ait per Isaiam Deus) *cogitationes vestra: neque via vestra, via meæ. Quia sicut exaltantur cæli à terra, sic exaltata sunt viæ meæ à viis vestris.*

Deinde certum est, utrumque hunc spiritum, Divinum nempe & Humanum, non tantum dispares, & diversos, sed etiam adversos, & planè repugnantes esse, sibi mutuo: ita ut quod Spiritui Divino rectum, hoc humano obliquum: quod Spiritui humano iustum, hoc Divino iniquum: quod Spiritui Divino sapiens, id humano spiritui stultum ac insipiens videatur.

Ita porro hi Spiritus atque sensus sibi ad invicem repugnantes sunt, ut non alternent in sensu suo, quasi contingat alterum eorum nunc rectè, nunc prave sentire, & contra, alium ubi prior rectè, hunc prave, hunc sanè & rectè statuere: sed ita sibi invicem repugnant, ut Divinus Spiritus sensusque, semper & infallibiliter sit sanus, rectus, iustus, Sanctus: neque omnino possibile sit aliter se habere. Mundanus autem, ac humanus semper sit fallibilis & fallax, erroneus, perversus, vanus, insipiens, atque insipientia ipsa, & quem, non sit possibile, rectum esse, nisi consentiat subjectusque sit Spiritui Divino.

Quo fit ut secundum hominem (& idem est, secundum carnem, secundum mundum, secundumque diabolum) sapere, sit non sapere, sed desipere, sed errare, sed falli, sed pravum, & iniquum, & impium, injustumque esse. propter nimirum regulam sapiendi pravam, & iniquam. E contra autem sit exinde, ut secundum Deum sapere, sit verè sapere, sit verè iustum, rectum, prudentem, sapientem, sanctumque esse. Scilicet propter regulam sentiendi verè regulam, & regularum primam.

Inde Sapientia & Spiritus Dei, est Prima Ratio, est Prima veritas, est lux & lex, est Iustitia, est Sanctitas, est Vita. Contra, sapientia huius mundi, sapientia & spiritus hominis seu carnis, est mendacium, est vanitas, est tenebræ, est nox, est mors, est peccatum, est perditio, est stultitia, & insipientia.

Inde illa Sacra Scripturæ enuntiata frequentissima. *Sapientia huius mundi, stultitia est apud Deum.* Et. *Dominus fecit cogitationes hominum.* (Sapientium, habet Paulus) *quoniam vane sunt.* Et Christus Petro. *Vade retro Satana, scandalum es mihi: non sapis quæ Dei sunt, sed quæ hominum.* Et aliis discipulis. *Nescitis inquit cuius Spiritus estis: tunc etiam iisdem disceptantibus, quis eorum esset maior, ait: Reges gentium dominantur eorum, & qui potestatem habent super eos, benefici vocantur. Vos autem non sic, sed qui maior est in vobis, fiat sicut minor.*

Quia verò sapientiam & Spiritum Dei inter homines reperire usque adeò rarum, adeò parcum, adeò prope nuspiam licebat: dicente & inquirente scripturâ. *Sapientia verò ubi invenitur? & quis est locus intelligentia.* Nescit homo pretium ejus, nec invenitur in terra suaviter viventium. *Abyssus dicit non est in me: & mare loquitur non est mecum &c.* Et rursum alibi. *Non est qui possit scire vias Sapientia, neque qui exquiserat secretas ejus. Sed qui scit universa: noviteam.* E contra autem toto ferè mundo diffusa dominabatur sapientia carnis, & spiritus hominum, & mundi prudentia, cum suo Principe diabolo; nec erat modus, aut ratio, consequenter neque spes salutis aut vitæ: sed omnia occupabant tenebræ, & mors, & perditio, & insipientia, & cæcitas, & mendacium, & iniquitas. Ideo tandem tempora & sæcula huius ignorantia despicies, ac miserans Deus, non amplius, sicut in præteritis generationibus, dimisit omnes gentes ingredi vias suas, sed misit Filium suum IESUM in terras, & cum eo Spiritum suum, rectum, sanctum, principalem, Spiritum Filii, Spiritum reconciliationis, & simul Spiritum Sapientiæ, Intellectûs, & Scientiæ: Spiritum Consilii, Fortitudinis, Pietatis, & Timoris Dei. Spiritum quem mundus non potest recipere, neque novit eum, neque scit eum. *Hic est Deus noster, & non æstimabitur alius ad eum.* Hic adinvenit omnem viam disciplinæ, & tradidit illam Iacob puero suo, & Israël dilecto suo: testimonium perhibente illi Patre suo de cælis ac dicente. *Hic est Filius meus dilectus, in quo mihi bene complacui. ipsum audite.*

Iste itaque Filius Dei, veniens in mundum hunc, & VERBUM CARO factum, tanquam Magister à Deo, & lux vera illuminans omnem hominem

minem

minem venientem in hunc mundum, factus est via, veritas, & vita : via quidem in exemplo, veritas in verbo, vita in præsio ; omnem doctrinam, per omnia mundi, & Carnis, & sensus, & hominū doctrinā contrariam, tradidit nobis, in omni quidem vita sua, omnibusque operibus vitæ suæ, at super omnia, in extrema clausula, hoc est, in tempore Passionis & mortis suæ.

De qua re tanquā supra modum manifesta, & nota in lege Christiana, non libet mea interponere plura verba : libet tamen Augustini præclara apponere sensa. Sic ergo Sanctus Doctor, cum dixisset, quod Deus nullo modo beneficentiū consuluit generi humano, quā cum ipsa Dei Sapientia, id est, Unicus Filius, Consubstantialis Patri, & Coæternus, totum hominem suscipere dignatus est, & *VERBUM Caro factum est, & habitavit in nobis*. Ita enim demonstravit carnalibus, & non valentibus mente intueri veritatem, corporeisque sensibus deditis, quā excelsū locū inter creaturas haberet Humana natura, per hoc quod hominibus in vero Homine apparuit : siquidem ipsa natura suscipienda erat, quæ liberanda. Miraculis conciliavit fidem Deo qui erat, passionem Homini quem gerebat. post alia enarrat quomodo hic ipse Deus Homo, contrariam per omnia spiritui Carnis, atque mundi viam adinvenit, iniiitque ipse, & nobis tradidit, tam in vivendo, sive agendo, quā in patiēdo, atque moriendo. Satellites inquit voluptatum divitias, perniciosē populi appetebant : Pauper esse voluit. Honoribus & imperiis inhiabant : Rex esse noluit. Carnales suos filios magnum bonū putabant : talē conjugium prolemque contempsit. Contumelias superbissimē horrebant : omne genus contumeliarū sustinuit. Injurias intolerabiles esse arbitrabantur ; quæ major injuria, quā iustū, innocentemque danari ? Dolores corporis execrabantur : Flagellatus atque Cruciatu est. Mori metuebant : Morte mulctatus est. Ignominiosissimū mortis genus Crucem putabant : Crucifixus est. Omnia, quæ habere cupientes non rectē vivebamus, carendo vilia fecit. Omnia, quæ vitare cupientes a studio deviabamus veritatis, perpetiēdo deiecit. Non enim ullum peccatum committi potest, nisi dum appetuntur ea, quæ ille contempsit ; aut fugiuntur ea, quæ ille sustinuit. Tota itaque vita ejus in terris per hominem, quem suscipere dignatus est, disciplina morum fuit.

Quam disciplinam nisi Homines à Christo Incarnato, Passio, Crucifixio, Mortuo redempti, in Christo renati, Christumque induiti quā plenissimē, quāq; tenacissimē tenuerint, impossibile est eos ad opta-

*August.
Tomo 1.
lib. de ve
ra Relig.
Cap. 16.
Ioan. 1.
14.*

cam

tam salutem, beatitudinemque pervenire. Si enim Christus Redemptor est sapientia? desipit quisquis cum eo non sapit. Si Christus est via? errat qui aliâ progreditur. Si Christus est veritas? ignorans est qui illi non credit. Si Christus est vita? perit quisquis ad eum non pervenit. Si Christus est lux? in tenebris est, qui eum eo non est. Si Christus est Iustitia? iniquus est, qui illum non tenet. Si Christus est Pastor? ad lupum pertinet, qui de ovibus ejus non est. Si Christus est Magister? de Schola diaboli est, qui non est discipulus ejus. Denique si Christus Caput est? non est de corpore ejus, qui non est membrum ejus, quod si non est membrum ejus, non etiam vegetatur de spiritu ejus. *Qui autem Spiritû Christi non habet, hic non est ejus. Hic Sapientia est, & hic est sensus, qui habet Sapientiam.*

M O D V S XCIX.

Nonagesimus nonus meditando Passionē Domini nostri Modus esse poterit; Comparando Passionem Christi, quatuor temporibus anni communis. nempe Veri, Æstati, Autumno, Hyemi. Non est enim insolens apud Sanctos Patres atque interpretes, totam Redemptionis nostræ seriem, atque adeo historiâ contemplari in Cosmopœia: itemque Incarnati VERBI mysterium opusque universum, agnoscere in umbratum conditione visibilis & naturalis mundi: ipsa quoque temporum in hoc universo discrimina, in salutis nostræ Authore, operibusque illius cognoscere. Particulam ergo hujusce contemplationis rudiusculè & pro captu nostro sectando, licebit meditando vestigare quatuor ista vulgaris Anni tempora, per similitudinem mysticam, tam in vita, quam præcipuè specialiterque in Passione Domini.

Ac Primò nihil vetat Exordis vitæ Christi Hyemem attribuere: cum constet revera hyemē mundi, fuisse Natali Domini nostri in mundum destinatam, Christumque de facto hyemali tempore in mundum hunc nascendo prodiisse. Erat verò tunc simul hyems altera rigidior longè, atque immitior, quando nimirum toto terrarum orbe, universum humanum genus in rigidissimum Idololatriæ & Ignorantiæ Dei gelu concreverat, tota filiorum Adæ progenies, in favissimam simul ac sterilissimam brumam, vitiosissimā ac profligantissimā universim vitæ abierat. Omnes declinaverant, omnes inutiles facti erant. Non erat qui faceret bonum, non erat usque ad unum. Ipsa quin etiam Iudæa gens, in qua sola notus uterque Deus, & manifestatio legis ac judiciorum, voluntatumque ejus remanebat, vix exiguis, usque multum deprava-

deprava
beba
hinc
tis
atque
Bethle
xerunt
tyrum
mas
clis
vecord
lut
Postqua
Vade
quod
vita
veluti
Vita
libet.
semien
(inqua
Evangel
sciplina
fuit ad
vitatem
do, &
oppress
ulque d
partim
lium, a
dus totu
Passi
ne enim
summu
super b
nique
Pascua
erat, qu

depravatis partibus; veræ pietatis ac religionis tenebræ residuum habebat. Quam pigrum frigus tenuerit illum ipsum Dei licet populum, hinc satis constat, quia & appropinquantis Messæ adventus, à Prophetis sibi prænuntiatum tempus custodire neglexit, & jam venientem, atque adeo natum eundem, quem Orientalibus Magis, panè digito in Bethleem ostendebant, ipsi tamen cognoscere, adire, venerari neglexerunt. Talis & illa hyems in Populo Iudaico fuit, quæ primos Martyrum flores, tanquam in medio frigore infidelitatis exortos, velut primas erumpentes Ecclesiæ gemmas, persequentibus cum Herode ascclis ejus, Animamque Nati Pueri Salvatoris ac sui Regis quærentibus, vecorde pruinâ decoxit. Ipsum verò Christum eadem crudelitatis velut hyemis asperitas, in exilium Ægyptiacum, mediâ nocte compulit. Postquam rediens Angelus, reditumque in terram Israel indicens, ait. *Vade in terram Israel: defuncti sunt enim, qui quærebant animam pueri.* quod fuit dicere. *Iam hyems transit, imber abiit, & recessit.* Denique vita ad Annum trigessimum usque Domini abscondita, quid aliud nisi veluti hyemali frigore arctata, & occulta fuit?

Vitam Domini nostri ab anno trigesimo, tempori Verno assimilare libet. Tunc enim Dominus noster exiit tanquam qui seminat seminare semen suum: tunc exiit conducere operarios in vineam suam, tunc (inquam) cœpit circuire Vicos, Castella, Civitates, & prædicare illis Evangelium Regni cælestis, promulgare populis legem vitæ, atque disciplinæ salutaris, & non solvere legem, sed adimplere. Tunc pertransiit ad poenitentiam adhortando, ab inolitis vitiis dehortando, ad novitatem vitæ vocando, viam Dei in veritate, & mansuetudine docendo, & simul benefaciendo, sanando etiam omnes languores, omnesque oppressos à diabolo, usque dum aliquanti flores apparerent in terra, usque dum regiones albescere jam inciperent ad messem, usque dum partim Apostolorum, partim discipulorum, partim cæterorum fidelium, aliquantulus exstaret numerus, obstrepente invidia: *Ecce mundus totus post eum abiit.*

Passionem Domini Nostri: Æstivum tempus cogitemus. In Passione enim sua Christus, Iustitiæ ac Misericordiæ Charitatisque suæ, ad summum usque intendit æstum, & in Auge planè solem suum evexit, super bonos & malos, super Iustos & Injustos. An non æstas fuit, omnique æstivo æstu major æstus ille, quo Dominus Desiderio desideravit Pascha manducare cum discipulis antequam pateretur? Non æstas erat, quando Dominus cum dilexisset suos qui erant in mundo, usque

in finem dilexite eos? Non erat æstas & æstus, quando Dominus à mensa confurgens, vestimenta deposuit tanquam calore exundans, & aquâ in pelvim effusâ, lavit pedes discipulorum ad eos abjectus, & veluti ab humo humilive loco refrigerium captans? Non æstas erat in corde Boni Jesu, quando instituto Sacrificio atq; Sacramento mirabili, Corporis & Sanguinis, quidquid potuit, quidquid in omni substantia sua habuit, totum cogente charitate profudit pro dilectione? Non æstas, aut non æstus ardorq; fuit, quando longissimum ideoque suavissimum illum Charitatis, serinonem? an ardorem? eructavit ipsa illa, quæ ex Deo est, Christi, seu potius, Christus Charitas? Fuitne illa æstas & æstus, quando ingressus hortum, montemq; myrrhæ, messuit myrrham suam, avulsi à discipulis, & prolixius orans, stratus super terram; ut n mirum calefaceret eam, refrigeresceret autem ab ea factus in agonia, factus quoque est sudor ejus sicut guttæ sanguinis decurrentis in terram? Æstusne ille fuit, quo percitus processit obviam hostibus, & ludam proditorem amicitia & osculo dignatus, prostratosq; hostes verbo suo, mox erexit, & ad sua vincula admisit? Pergat hunc in modum anima devota per totum Passionis Iesu tractum, & æstum æstare, & charitatis ejus in singulis passibus periodisq; contempletur, admiretur, veneretur, bibat, eoq; deebrietur. Inveniet enim per singula momenta Charitatem Iesu, æstuantem magis magisque fuisse, & de Iesu victo victoque suo impotentius triumphasse, usque dum in vertice Calvario, supra trabem Crucis elevatum, & undique dilectionis notis spectandum, ejusdemq; clavis Cruci affixum, toti cælo, totique terræ conspiciendum dedit, quosq; & quantos agere de Iesu amatore triumphos sibi licuisset, & exultabunda, atque gloriabunda non tantum non verecundaretur, verum etiam superbiret, & trophæa statueret, spoliaq; detraheret, ac dispertiret: dicens. *Hæc est præda charitatis David; accipite de benedictionibus ejus.* Pater quidem Æternus Animam, Ioannes Matrem, Latro Paradysum, Crucifixores Veniam, Centurio Fidem, Spectatores Pœnitentiam, Milites vestimenta, Mortui vitam, Arimathæus Corpus, Cælum Pacem, Mundus Restaurationem, Genus Humanum salutem, Captivi Patrum Spiritus Libertatem, & simul Æternæ Beatitudinis Possessionem.

Vbicunque steterunt pedes Iesu, ubique Charitas ejus reliquit signa ardoris sui, æstus sui, violentiæ atque victoriæ suæ. Vbicunque comparuit Amator Iesus, ibi messuit Myrrham primam, ibi botros racemavit, ibi torcularia redundantia vino calcavit, ibi opobalsamum sudavit,

Davit, ibi ascendit in Palmam & fructus ejus apprehendit, ibi Rex Pacificus, magnificatus est vehementer, & apparuit diademate coronatus, ut in die desponsationis & lætitiæ cordis sui, propter filias Hierusalem.

Unde sive cogites, aut contempleris Agoniam & sanguinei sudoris balneas, sive vincula & catenas & verbera, sive furiosas raptationes, sive alapas, colaphos, vulsiones, consputationes; percussiones, sive adjuramenta, falsa testimonia, contumelias, calumnias, opprobria, mendacia, insultationes; sive illusiones, sive Barabbas, sive calumnias, sive flagellationis araturas, sive spinarum aculeos, sive coronas & purpuras, & adorationes, & arundinea sceptræ, sive universorum populorum plena ad Crucis mortem suffragia, atque nonnisi perniciæ Christi explenda quieturaque odiorum studia, sive damnationis decreta, sive patibuli gestationem, sive fel & acetum, sive nuditatem & verecundiam, sive clavos & vulnera, & sanguinem & Crucem: sive cum iniquis depurationem, & inter eos mediantem principatum, sive postrema linguarum jacula, venenata, & blasphemales injurias crucentificis plagis faviores, sive sitim atque derelictionem, sive hostium tanquam votis suis abundè potitorum poenisque suis exsaturatorum victricem lætitiæ, sive postremam omnium mortem atque sepulturam. Quidquid horum cogites nonnisi messem æstivam, æstuantis Charitate Jesu cogites: quæ ille demersit usque ad novissimam spicam, usque ad minutissimum gramina, ad unicum acinum, atque uvam. Donec omnia horreis divinis illata, & in officinis Redemptionis condita, & famelicâ sitibundaque charitatis ingluvie satiata atque saginata: ipsa demum, sciens quia consummata sunt omnia, & nihilominus sitim suam testata, acetoque gustata solata, *Consummatum est*, proclamavit & denuntiavit.

Resurrectio Domini & quæ eam consecuta est multiplex apparitio, ac deinceps in cælos Ascensio, quin & Spiritus Sancti ad Ecclesiam missio, sessio ad Patris dexteram, & quæ mundi, quæ specialiter Ecclesiæ ad finem mundi duratura gubernatio, deputeretur Autumno ejusque similitudini compareretur. Omnia enim illa quæ Resurgens ex mortuis Dominus egit, & agit, & acturus est, non tantum ad hujus sæculi finem, sed etiam toto illo futuro sæculo, quod nullum habebit finem, fructus sunt, & collectiones fructuum sunt, quos terra nostra sanguineis laboribus Christi nostri culta, arata, seminata, plantata, rigata, fecundata, ad incrementum & maturitatem provecta, dedit, & dat, & dabit Agricoltæ cælesti juxta illud. *Omnia poma, nova & vetera servavi tibi, Dilecte mi.* Omnia sunt vel fructus, vel merces, laborum, merito-

omnibusque Christi, omnia sunt vel opera, vel propagines operum Christi, donec veniat ille absque fine finis: cum tradiderit Christus Regnum Deo & Patri, cum evacuaverit omnem principatum & potestatem, & virtutem: quando & positos habebit inimicos suos sub pedibus suis: ut sit Deus omnia in omnibus.

Potest autem hæc ipsa Passionis Dominicæ comparatio ac meditatio, aliter paulo institui, secundum eadem Anni tempora: ut Passio in Horto, sit veri similis: quæ apud Annam & Caipham, & totâ nocte gesta sunt, Æstatem referant; quæ apud Herodem & Pilatum, Autumni similia sint. Quæ demum in Cruce & Morte, Hyems quædam sint Passionis.

Ea quæ in Horto Passus est, ver quoddam erant. Prælia enim (esset acerbissima, & usque ad mortem, usque ad sanguinem) prælia tamen & initia tantum dolorum fuerunt, omnia illa quibus Hortus Humanitatis Christi, cum suis arbusculis, atque floribus præambule arabatur, colebatur, seminabatur, rigabatur, ligabatur, circumfodiebatur, transferabatur. Quæ ante horam illam latebant in sola præscientia Domini omnium quæ ventura erant super eum: conclusa tanquam in necdum aperta ad germinandum humos; tunc pullulare cœperunt omnia, tunc enim cœpit Dominus Iesus pavere, credere, contristari, & moestus esse, tunc pavor mortis irruit super Animam Iusti nostri: tunc Oratio, tunc Calix inebrians, tunc Agonia, tunc Sudor sanguineus, tunc perfidiæ oscula, tunc Captivitas & vincula venerunt super nostrum Samson. Tunc etiam ignita licet, abdita tamen aliquomodo Charitas Christi efflorescere, & veluti vernare manifestius, & efficacius incipiebat, atque primos suos fructus Cælesti Patri offerendo libabat.

Ea quæ Dominus Passus est in Annæ & Caiphæ domibus, Examina, Testimonia, Adjurationes, Judicia, Damnationes, Mortis decreta, Conspirationes, Consputationes, Velationes oculorum & faciei, Tunctiones, Vellicationes, Alapæ, Colaphi, Palmæ, omnesque injuriæ noctis, inter feces satellitum rabidorum, totusque ille nocturnus æstus potestatis tenebrarum, & furoris bullicientis, odiique fervor, omnium, at præcipue Principum, & Sacerdotum. Quo ita æstuabant, atque in tantam agebantur præcipitabanturque festinationem, condemnandi quam primum, atque ex vivis tollendi Christum, ut neque coenandi; neque quiescendi sibi met spatium darent, sed eadem unâque noctis parte, traditus, captus, adductus, accusatus, examinatus, iudicatus, condemnatus.

damnatus, & nimirum tormentis (juxta illud, *contumelia & tormento interrogatus cum*) quæstionibusque subiectus, illudendus, & affligendus totam per residuam noctem relictus est. Summo deinde mane coactio iterum Concilio, iterum ab universo damnatus, raptum Pilato Præfidi oblatum, traditus, summario accusatus, calumniis obrutus, odia fatigatus, ad mortem Crucis omni iniquitatis conatu & studio postulat, denique adductus est. Revera Domine Jesu *astuaverunt homines illi impii, astu magno & blasphemaverunt nomen tuum: neque egerunt penitentiam, ut darent tibi gloriam.* Sed & tu Domine Jesu toto cordis tui desiderio astuabas in patiendum, pro nostra salute, proque Patris tui Obedientia & Amore: ita ut ad ardores æstusq; tuos odia inimicorum tuorum, tarda, & torpente frigidaque prorsus essent, ut poenæ assiduo malitiæ hostili, repetieris illud tuum. *Quod facis, fac citius.*

Ea quæ exinde apud Pilatum, apudque Herodem, & rursus apud Pilatum, in ejusque Prætorio perpeffus est Dominus, quendam Autumni videntur referre. Ex tunc enim cunctantius & quasi maturius acta videntur omnia. Expendit Præfex Pilatus objecta, invenit, & testatus est nulla, ac soli tantummodo invidia & odio servientia: reddidit testimonium innocentia, recusavit cognitionem iniquæ causæ, demum remisit ad forum dominumque suum, Galilæum Civem, ad Galilæum Regem. Ubi ita audita accusationes in Christum, ut tamen durius nihil statueretur in ejus sanguinem, & supplicium. Deinde gradatim supplicia processere, Barabbæ primum compositus, ac postpositus est, postea correptus flagellis, quasi poenæ dimittendus: tum actorea pars admittitorem partem trahi visa, vitam & sanguinem ne peteret. Nihil omisum cunctationis ab Iudice, quo minus ad sententiam feralem accederet. Nihil non maturè, sedatè, absque æstu, & rabie, denique lotis manibus ad ultimum decretum accessum est. Et inter hæc bonus quoq; Jesus, tanquam vitis fructifera, & botris onusta vinoque redundans apparuit, vindemiam fecit, torcular calcavit solus, multum sanguinis per flagella, & verbera expressit. Spinis etiam confixus & punctus, tanquam ad uberiores, dulcioremque gustui fructum & saporem, & medicinam. Postremo per omnia perfectus vir & Rex dolorum apparuit purpuratus, & coronatus, dolore, & ignominia, donec ad desideratissimum regni thronum duceretur.

Hyems Passionis Domini Nostri fuit, gestorum & tolerantium circa crucem, & in cruce, usque ad mortem series: tanquam in hyeme delapsa excussa que sunt ex Arbore Christo, ipsa etiam folia, etiam ve-

30.
19.Apoc. 16.
9.Ioan. 13.
27.

inimenta. Ipsi quoque noti & amici recesserunt, & foras fugerunt: consolator quaesitus, nec inventus. Pater ipse Aeternus inter derelictores esse voluit, deseruitque Filium uteri sui. Obscuratus est Sol, Luna non dedit lumen suum, Angeli pacis amare flebant; terra mota, petra scissa, monumenta aperta, Sancta Sanctorum scisso velo patuerunt. Ad extremum horror hyemis, & gelu mortis invasit Dominum, inclinato Capite tradere coegit Spiritum, & rigentem gelidumque inclusit sepulchro, & insuper obruit grandi lapide advoluto. Et quam hyems rigidior hyeme mortis, hyeme sepulchri?

O utinam in nobis Christianis efflorescant tandem tandem flores bonarum mentium, atque voluntatum, Sanctorum, & Deo placitorum desideriorum.

Utinam aestuemus veram & germanam in Deum ejusque voluntatem, & gloriam, charitate; ut Christo in carne Passio, & nos eadem cogitatione armati, indicamus implacabile bellum Carni, & Sangvini, Mundo & pompis ejus, diabolo & desideriis ejus.

Utinam Crucem Domini amplectamur, & portemus post Jesum, unicam gloriam reputantes, configi Cruci ejus, & stigmata ejus in corpore & anima portare.

Utinam denique moriatur in nobis omne quod inimicum est Deo, ejusque repugnans voluntati. Et fiat *vita nostra abscondita cum Christo in Deo, ut cum ille apparuerit vita nostra; tunc & nos appareamus cum ipso in Gloria.*

M O D V S C.

Centesimus meditando Passionem Domini nostri Modus esse potest: Recogitando quomodo Dominus noster in sua Passione atque Morte, tam per Malitiam odiumque Inimicorum suorum; quam per Charitatem suam erga Patris Aeterni honorem, & erga nostram salutem, annihilatus, exinanitus, mortuusque est totus. Libet hoc declarare aliquatenus in gratiam pii meditatoris.

Quod ergo attinet ad Inimicorum Christi erga ipsum Malitiam atque Odium: Manifestum est consideranti studia eorum, hanc fuisse primariam & plenariam ejus proprietatem efficere, ut Christus neque Deus, neque Homo, neque quidquam aliud esset, sed ut nullo modo in rerum natura existeret; ut annihilaretur, seu ut in nihilum omnino redigeretur. Quod & effecerunt omnino facto ipso, quantum quidem in ipsis erat.

Ad quod

Ad quod plenius considerandum, videamus studia, & proposita-
luntas eorum, odiis omnibus inflammatis. quæ quidem ipse
Dominus noster apud Ieremiam sibi ostensa & cognita fuisse testatur,
dum ait ad Patrem suum Aeternum. *Tu Domine demonstrasti mihi &
cognovi: tunc ostendisti mihi studia eorum.* Quæ verò fuerint illa studia,
quæque proposita, & quò demum exitu terminanda, effectusque satiā-
da ex ipsorum voto, mox in consequentibus denuntiat, & prædicit, per
eundem Prophetam subdens. *Et ego quasi Agnus mansuetus, qui porta-
tur ad victimam: & non cognovi, quia cogitaverunt super me consilia, di-
centes. Mittamus lignum in panem ejus, & eradamus eum de terra vi-
ventium: & nomen ejus non memoretur amplius.* In quibus verbis, ma-
nifestè, & expresse, Inimici Dei, & Salvatoris nostri, exprimunt viru-
lentiam studiorum suorum ad nocendum, esse & fuisse tantam, ut con-
tenti non essent quantacunque Domini afflictione, sed eam talem esse
optarent, quæ inprimis esset ignominie pariter & cruciatūs plenissima.
Crucis nimirum, quam expresserunt illā phrasi. *Mittamus lignum in
panem ejus.* quasi dicerent, affigamus eum Cruci, suspendamusque in
ligno corpus ejus, quod panem vocant, velut præfagientes (quanquam
non ex suo spiritu maligno, sed ex Divino oraculo) Corpus Domini Je-
su, futurum panem missum, & datum, à Patre de celo, verum, qui dat
vitā mundo: nisi velimus dicere, Corpus Domini nostri, vel ipsummet
Dominum nostrum Panem ab eis dici, quòd ejus excarnificatio-
ne, atque cruciamentis, præsertim in ligno Crucis, essent odia sua, &
furores, ita exsaturaturi, quomodo famelici, & fame rabidi lupi, aut
canes, aut quicumque alii exsaturantur cibo, vel pane, quomodo alicu-
bi Dominus dicit de suis iisdem persecutionibus. *Satiati sunt pœnia
meis.* ac si pœnæ suæ, panis eorum fuerint, quibus usque ad ingluviē,
& odesitatem saginati, & farti fuerint. Pergunt autem impii furorem
pectorum ac studiorum suorum contra Christum explicatius enarrare
cū dicunt. *Et eradamus eum de terra viventium:* quasi dicant. Pa-
rūm est nobis, Crucifigi à nobis Christum: amplius desiderant odia
nostra: non quietura, neque sopiēda, nisi penitus eraserimus eum de
terra communi: ut vestigium ejus supersit inter homines nullum, nul-
la fibra radices ejus, nulla vel umbra illius. Ipsa quin & memoria no-
minis ejus, ex hominum mentibus tollatur & aboleatur, ut nomen ejus
non memoretur amplius, sed fiat, quasi nunquam eum, aut natura re-
rum, aut oculus hominis vidisset existentem.

Simillima hostiū Christi in Christū studia, sive potius odia, ipsimē
hostes

hostes deprædicant apud Salomonem, cum dicunt. *Circumveniamus justum, quoniam inutilis est nobis, & contrarius est operibus nostris, & impropere nobis peccata legis, & diffamat in nos peccata discipline nostre. Promittit se scientiam Dei habere, & Filium Dei se nominat. Factus est nobis in traductionem cogitationum nostrarum. Gravis est nobis etiam ad videndum: quoniam dissimilis est aliis vita ejus, & immutata sunt via ejus. Tanquam nugaces aestimati sumus ab illo, & abstinet se à viis nostris, tanquam ab immunditiis, & præfert novissima justorum, & gloriatur Patrem se habere Deum. Videamus ergo si sermones illius veri sint, & teneamus quæ ventura sunt illi, & sciamus quæ erunt novissima illius. Si enim est verus Filius Dei, suscipiet illum, & liberabit eum de manibus contrariorum. Contumeliâ & tormento interrogemus eum, ut sciamus reverentiâ ejus, & probemus patientiam illius. Morte turpissimâ condemnemus eum: erit enim ei respectus ex sermonibus illius. Hæc cogitaverunt impii: & hæc postmodum tam opere, quam sermone præstiterunt, adeo parè ad ungve, ut dici posset ex Evangeliiis hæc assumpsisse, quæ ante Evangelistas omnes tantò ante prolocuti sunt.*

Hanc eandem plùs quàm furiosam exitialemque inimicorum Christi enormitatem, ejusque usque ad exterminium affligendi cupiditatè, Beatus Iob expressit. cum inter alia in Christi Persona de ejusdem doloribus prolocutus est. *Oppressit me dolor meus, & in nihilum redacti sunt artus mei.* Cujus verbis consonat etiam apud Davidem in persona sua Dominus. *Et ego (inquiens) ad nihilum redactus sum, & nescivi.*

Quomodo autem hæc in Scripturis Sacris de hostili in Christum odio prænuntiata, effectu ipso ab hostibus comprobata, inque actum deducta sint, ex Evangelica, narratione videamus.

Universaliter ergo in primis loquendo. Impii & Inimici Domini, quidquid in Domino fuit, totum destruxerunt. quod verò destruere non potuerunt, negaverunt: atque sic nihilominus quantum in ipsis fuit, totum Dominum destruxerunt, corruerunt, in nihilum redegerunt.

Nasciturum in mundum Dominum nemo suorum recepit, sed eum ad stabulum, atque ad bestias rejecerunt; unde & Mater sua coacta est reclinare eum in præsepio; quia non erat ei locus in diversorio.

Natum in mundum: subito ad necem quænaverunt atque destinaverunt: quam ne evaderet nulli infantium coætorum pepercerunt, sed ut ipse inter illos unus perditorum occisorumque esset, inauditam post homines natos, parvulorum lanienam perfecerunt.

Ergo

Ergo in Exilio Ægyptiaco profugus, occultus, omnium egens, & inops servatus, succrevitq; donec mortui sunt omnes ii, qui quarebant animam ejus.

Reversum ab Exilio, latere ignotum, abjectum, pauperem, fabrilia opera peragentem, obsequia domestica omnia MARIE Matri, & Iosepho Patri impendentem; planèque occultum ad annum usque trigessimum ætatis permanere opus fuit, ut postmodum Filius fabri, & faber, & Filius Ioseph, ac MARIE per contemptum diceretur.

Prodiit tandem in publicum, ut putabatur filius Ioseph: & rem communem, id est, salutem totius mundi agere cœpit: sed simul etiam eodem opere ac tempore, odiorum & persecutionum ostium ei apertum est, & adversarii multi.

Ante omnia negaverunt eum Deum esse: sed neque Dei Filium esse audire potuerunt, multòque minùs credere. Quin etiam illum neque Hominem Dei, seu Hominem à Deo esse, putarive passi sunt. Itaque quod in ipsis erat, Divinitate eum spoliaverunt, atque si Patrem suum Deum, ac se Filium Dei appellâsset, blasphemiam, mendacii, impietatis, mortis denique reum judicaverunt, proclamaverunt, lapidibus obruere tentaverunt, demumque Crucis tandem supplicio necaverunt. Neque hic stetit iniquitas eorum: sed negantes Christum Deum, negaverunt & Incarnatum, seu VERBUM Carnem factum: quâ quidem injuriâ nihil Deo ingratus, nihil Christo injuriosius, nihil Humani generis saluti nocentius, nihil toti universo damnosius, quantum in ipsis erat, fieri potuit.

Quid enim Homine Deo, atque VERBO Carnem induto, vel Magnificentius Deitati, ejusque gloriæ atque Charitati, vel honorificentius Christo, vel salubrius generi humano, vel toti universo visibili invisibilique ornatius & pretiosius? Tolle de natura rerum Deum Hominem: sustulisti Divinæ Charitatis medullam: sustulisti læsæ Majestatis Dignitatisque Divinæ unicam medicinam, sustulisti totius generis humani salutem, sustulisti universi omne unicumque Bonum. Hoc fecit hostium Christi furor, quando in Christi Deitatem debacchatus est. *De bono (inquit) opere non lapidamus te, sed de blasphemia; & quia tu homo cum sis, facis te ipsum Deum.* Et rursus. *Nos (aiunt) legem habemus, & secundum legem debet mori, quia Filium Dei se fecit.*

Orbârunt ergo impii & inimici Dei nostri, Deum nostrum, per impietatem suam, & Divinitatis naturali Majestate, & Incarnationis dignantissimâ charitate. Videamus an saltem eum esse per illorum

curiosissima odia licuerit integrum in Innocenti Humanitate.

Ac inprimis attendamus, an, & quam ei honestatem, civilem saltem, reliquerint? & reperiemus, nullum (ut aiunt) pilum boni, honestique hominis, ac Civis residuum fecisse. Siquidem cum Peccatorem Samaritanum, damoniacum, furiosum, insanum, mendacem, Pseudo-prophetam, Sacrilegum, legum violatorem, Impium, Ambitiosum, Regni avidum, Seditiosum, Rebellem, Seducatorem, Maledicum, & Maledictum, Execrandum, Potatorem, Voracem, Latronum Principem, & homicidis, latronibusque deteriorem, vitam indignum, Mortis reum, Blasphemum, Furciferum, neque commiseratione, neque aspectu, neque appellatione, neque unius saltem diei vitam dignum reddiderunt. Hanc illi honestatem Christo induerunt, talem illum Civem suffragiis suis fecerunt.

At enim fortasse doctrinam ejus caelestem sapientiamque Divinam, & viam veritatis docentem promptis, paratis, obsequentibusque animis receperunt? Constat namque quia Dominus Jesus, populo illi scelerato, & semini nequam, praecepta vitae, salutisque aeternae proponebat, ut poenitentiam agerent, quoniam, appropinquasset Regnum Dei: ut ejus mandata servarent, quatenus ad vitam aeternam ingredi possent, ut Deum ex toto corde, & super omnia; proximos verò sicut semetipsos diligerent; ut non irascerentur omnino, ne inimicis quidem, sed ut amarent inimicos suos, benefacerent malefactoribus, benedicerent maledicentibus, orarent pro persequentibus, ut tollerent legis suae super se jugum suave, & onus leve. Hæc, similiaque ille Doctor Iustitiæ, de caelo datus, atque promissus populum suum edocebat. Porro Homines illi, planè ac si non hæc, sed his contraria præciperet, ita prorsus his omnia contraria egerunt, atque in ipsummet Doctorem Iustitiæ exerceverunt. Non tantum non egerunt poenitentiam de peccatis, sed potius dilexerunt peccata sua, dilexerunt magis tenebras quam lucem; & Christum, licet non solum proximum, sed etiam Benefactorem suorum tam corporum, quam animarum, odio habuerunt gratis, benefacienti & voluerunt, & fecerunt pessimè, doctrinæ contradixerunt plus quam pervicaciter, maledixerunt benedicienti, insidiati sunt innocenti, optima quæque monenti, svadenti, docenti, volenti, pessima quæque, probra, odia, persecutiones, insidias, præcipitia, lapidationes, contumelias, vincula, verbera, vulnera, omnia denique vitæ pericula, usque ad mortem turpissimam objecerunt.

Iam verò viventem illum numquid non sic exagitaverunt, tractaverunt,

runt, ut tamen eum salvâ vitâ, hominem esse non permiserint. Minimum est, quod vultum ejus præ filiis hominum speciosum, decorum, & amabilem, velaverunt, conspuerunt, conspurcârunt, contuderunt insuper pugnis, alapis deformârunt, unguibus laceraverunt, genas vulserunt, labia labraque ruperunt, fauces & dentes concusserunt, formâ spoliaverunt, & exterioris speciei pellisque nihil reliquerunt. Itaque quasi absconditus vultus ejus erat: viderunt eum Prophetæ, & Amanitæ Animæ, sed non erat ei aspectus, desideraverunt eum, sed quasi leprosum, & ne quidem reputaverunt eum. Unde & ipse Pilatus sic deformem informemque videns, scelestæ illi multitudini produxit eum foras, dicens. Ecce Homo: quod erat dicere. Ecce jam nihil in eo est, unde dici, unde reputari possit, debeatur Homo. Nimirum caput ejus depilatum, lacerum, concussum, tumens & livens, spinis infixis circumquaque horridum, sanguinis proprii tabo cerebroque stillante infectum. Os lacerum, distortum, & inæquale, genæ tumentes, lividæque, oculi succussi, & suffusi, nares ruptæ & cruentæ, à percussionibus. Mentum lacerum, collum fractum, omnino per omnia nihil habens humanum.

Sed reliquum quoque Corpus Domini minimè humanius habitû: totum à planta pedis usque ad verticem, sanitate & integritate, imò & pelle atque adeo carne quoque destitutum, quia despoliatum, quia lacerum, lividum, cruentum, vulnere super vulnus concisum, usque ad ossa carnè revulsâ nudatum, sanguinis rivi & glomi undique per terram fusi, pedibus conculcati, & canibus ad lingendum derelicti, partes carnis revulsæ, & hac illac per aërem, per circumstantes, per parietes, per pavementum sparsæ. denique quasi hætenus honorificè sanguinem ejus tractâssent, omnium quo poterant loco detestatissimo eum persperferunt vociferantes: Sanguis ejus super nos, & super filios nostros. O portentum odii? non humani, sed neque diabolici, at Iudaici, at populi Christo inimici.

Quid quod venæ, arteriæ, musculique Corporis distracti, atque lacerati, & soluti? Ossa omnia dinumerata, lingua, palatum, fauces, guttur, viscera, fame primum siti que, deinde felle & aceto pasta & potata sunt. Manus, pedes, caput, latus, cor, fauciatum, compunctum, transfixum?

Affixum Cruci, & necdum erectum, tantâ petulantia, in os vultumque miserabilem partim conspuerunt, partim calcibus percusserunt, ut prope enecaverint. Sublatum verò in Crucis trabe, medium

latronum, & iniquorum, tanquam latronum iniquissimum & caput statuerunt, aversumque à Civitate, ne ejus oculis, & aspectu, Civitas scilicet macularetur.

Pendenti jam in Cruce impropérarunt, insultarunt, exprobrarunt, blasphemaverunt, omnibusque linguarum, & oris maledicentiis, dicacitatibus, scommatis, sarcasms flagellaverunt, confixerunt, suos quidem animos jucundâ voluptate, Animam verò illius amarissimo dolore, saturaverunt: scelusque suum, omni scelere sceleratius, sicut Sodoma prædicaverunt, in eoque coram oculis ejus ad invicem tripudiantes, & exultantes triumphaverunt.

Et hætenus eum vivere vitam licet omne morte amariorem permiserunt, sed tandem, tandem, etiam in ejus vitam grassati sunt, eumque ad mortem adaptum vitam spoliatum, Animam de corpore proturbatam, non hominem ex homine, non Deum-Hominem, ex Deo-Homine, non existentem ex existente, nihil & non ens ex ente fecerunt.

Atque huc cursus, huc usque conatus, huc usque furor odiorum & invidentiæ hostium Christi nostri fuit *Maledictus furor eorum, quia perinax; & indignatio eorum, quia dura; quia in furore suo occiderunt virum, & fecerunt in eo, quaecunque voluerunt, prolongaverunt, atque ad nihilum usque terminaverunt iniquitatem suam.* Bene, atque justè Sanctus Patriarcha maledixit ac detestatus est, furorem odiumque Filiorum & posterorum suorum, benè & justè, nos quoque detestamur eundem tanta cum rabie, rabidaque obstinatione exercitum. At quid nobis faciemus ipsi nos. Nos inquam Christiani, nos peccantes & peccatores, nos bibentes quasi aquam iniquitatem. Nos exundare facientes omnem impietatem absque ullo termino: nos iterum iterumque, & milies miliesque iterum Christum crucifigentes in nobismetipsis, & eum ostentui atque contemptui habentes. Nos qui sanguine Christi, vel potius Sanguinis Christi pretio, animabus scilicet nostris, profunda inferni replemus: Nos quibus risus joculusque est, salutem à Christo nobis quasitam, contemnere, negligere, perdere, atque diabolo propinare, offerre, obtrudere. Nos denique qui diabolum Christo præferimus, & cum diabolo, à diabolo infernalem æternamque damnationem, præligimus, atque præponimus à Christo nobis partam, acquisitionem æternæ salutis? Quid inquam faciemus nobis ipsi nos, aut quid maledictionis obventurum putamus nobis, qui tantam negligimus salutem? Non enim comparatio est malitiæ judaicæ in Christum, cum nostra in eundem ingratitude, petulantia, & peccandi enormitate:

in im-

in immensum major est, magis injuriola est, magis ingrata est, majore supplicio digna est Christiana quam Iudaica in Christum malitia. Iudaicum enim furorem, & furoris totum scelus, admisit Christus, & suâ charitate in obsequium suum, & in exsequendum salutis nostræ totiusq; generis humani consilium adhibuit, adeo ut impiorum illorum manus, quando suo incumbabant sceleri, tunc simul famulabantur Redemptori. At verò Christianorū scelera, ad nihil proficiunt, serviuntve Christo: nisi ut cum peccatis peccatoribusque Christianis, devoluantur in tartara simul quoque Divinus sanguis à Christo profusus. An verò indignius sit Christum à Iudæis ad breve tempus exosum, contemptum, crucifixum, occisum esse; an eundem, Salvatorem, creditum, & agnitum à Christianis, cum animabus suismet, in æternam perditionem scelere voluntario devolutum esse: judicent cæli, terræ, & ipsi inferi. Vidimus quantum Malitiositati odiisque hostium in Christum licuit, qualiterque eorum acerbitate & insatiabili furore ad usque nihilum deductus sit; Iam superest ut videamus quid itidem in eo fecit Charitas erga Æternum Patrem, & erga nos propter Patrem.

Atque inprimis dico, quod nihil prævaluissent ulla inimicorum Christi in Christum odia, nisi ea prior Charitas Christi acceptasset, & admisisset, suoque consilio, & suo excessui, instrumenta esse, ministra- reque fecisset. In quem sensum Dominus Iesus Pilato potestatem vitæ & necis ejus apud se proponenti, respondit. *Non haberes potestatem* Ioan. 19.
adversum me ullam; nisi tibi datum esset desuper, à mea scilicet propria II.
in Patrem, & in Homines propter Patrem Charitate.

Hæc Charitas Christi, vocatur ab Evangelista Excessus, seu Excessiva; ab Apostolo Paulo, nimia; à Davide, Copiosa. à Salomone Fortis ut Mors fortiorque Morte, & dura sicut Infernus: à Ioanne in finem usque & finem non habens, ac demum ipsemet Deus: à Christo denique ipso Major omni, & quâ maiorem habet nemo.

Hæc Charitas ita in Christo vigit, abundavit, excessit, ita ei dominata est, ita despotice eum tractavit, subjectumq; habuit, ita de eo impotenter triumphavit, ut aut esse Charitatem, aut Christum esse Deum Hominem ignorasse, vel oblita esse, vel contemptui habuisse videri, atque ex gestis suis argui possit. Subjugavit ita sibi totum, quantus- quantus erat, Christum, ut in Christo nihil reliquerit Christi, sed totum impendit sibi, hoc est suæ voluntati, potestati, violentiæ, excessui, nimietati.

Explicent hoc primū Apostolica verba, deinde ipsius Christi, ejusq;

Philip. 2.
6.

Charitatis opera. Verba sunt Apostoli. *Christus, cum informa Dei esset, non rapinam arbitratus est esse se equalem Deo, sed exinanivit semetipsum formam servi accipiens, in similitudinem hominum factus, & habitu inventus ut homo: factus obediens usque ad mortem, mortem autem Crucis.* Non egent dicta Apostoli commentario & explicatione, omnes elucidationes habet, explet, & excedit, dictum illud. *Exinanivit.* Atque hoc videamus in Dei nostri ejusque charitatis operibus.

1. Incarnatio ejus. Exinanitio fuit. Nam quid tam exinanitum, quam VERBUM Caro factum, Creator in creaturam formatus.

2. Nasci in stabulo, eò quòd non esset ei locus in diversorio: Exinanitio fuit. & talis quidem, ut beneficentiâ brutorum in præsepio utendo eguerit.

3. Circumcidi octavo die. Exinanitio fuit. hoc enim facto stigmate peccatoris signatus est: quod ipsum signaculum subiit quando baptismo poenitentiae ab Ioanne ablatus est.

4. Triginta ipsis annis in subjectione & obedientia Patrum occultus, ignotus, abjectus, contemptus vixit, etiam hoc Exinanitio fuit.

5. Quadraginta diebus jejunaſſe & postea esuriſſe, cum bestiis in deserto vixiſſe, à diabolo tentatum triplici assultu, insuper à diabolo portatum de loco in locum, inter tam propudiosas & exosas manus, nec non ad sui adorationem invitatum. Numquid non etiam hæc Exinanitio fuit?

6. At enim prædicatione Evangelii, miraculisque omnis generis, beneficiis in populos infinitis, Innocentiâ vitæ, sine ulla omnino culpa, Admirandâ sapientiâ, stupendâ, in morbos, in mortem, in demones, in ventos, in marinos fluctus, & tempestates, potestate inclaruit, gloriosus visus, magnificatusque est: nimirum nusquam magis (ante Passionem) exinanitus est. Hic ille namque per supra dicta omnia nomen acquisivit stulti, demonium habentis, in furorem versi, insani, peccatoris, & peccatorum meretricumque amici, Samaritani, blasphemæ, seducantis turbas falsarii, & falsi Prophetæ, divinitatem arrogantis & emementis. Hic ille amisit Sapientiam, Veritatem, Iustitiam, Innocentiam, Pietatem, Religionem, Charitatem, Scientiam, Honestatem, denique omne boni Hominis nomen, omnemque speciem prodedit, ita præcipiente charitate.

Omittamus quòd cum dives esset, propter nos egenus factus est: & ita quidem egenus & mendicus, ut alienâ miseratione sustentaretur, quâ ipsâ non raro deficiente, se, suosque nonnisi fame & inediâ sustentaret,

taret,

taret, eò demum egestatis sese redegit, atque à Charitate redactus est, ut ejus respectu, atque comparatione, vulpecula & avicula suarum fovearum, suorumque nidulorum possessione eum excederent: denique neque palmum terræ, ubi pedem poneret, neque locum in quo caput reclinare posset haberet: unde & pendulo in Cruce capite mortuus est, & alieno in linceo involutus, alieno in sepulchro conditus est. Ad hanc nimirum eum omnium rerum egestatē nuditatēq; Charitas adegit.

Iam verò Ingressus ille in Ierusalem super asinam & pullum ejus: ablutio quoque pedum discipulis suis facta à Domino: quid fuit nisi triumphus Charitatis de Christo, ejusque non tantum gloria, verum & humilitate. Ascensorem Cæli, currū gloriæ solitum vehi super Cherubim, super asellum locare, & triumphaliter in urbem Regiam ingredi facere: numquid non ludus Charitatis est? porro ad usq; Iudæ etiam proditoris pedes lavandos, extergendos, osculandos, amplexandosque Deum-Hominem abjicere: hic major excessus exinanitionis est, quam à diaboli manibus gestatum nuper fuisse. Nam manus etsi diaboli erant, innoxia tamen à Christi Sangvine erant, & gestando Dominum nulla eum injuria lædebant; at verò pedes Iudæ, pedes proditoris, pedes sangvinarii, pedes circa mercaturam vitæ Domini sui inquinati: manibus Christi contrectati, abluti, extersi, amplexu & osculo dignati sunt! O Charitas Christi! itane tibi vilis tuus Christus, ut eum subiectum & servum habere Judas proditor fuerit te Iudice dignus.

Sed ecce Eucharisticā in Sacramento atque Sacrificio dignatione, ecquæ major, monstrosior, prodigalior, exinanitior exinanitio? Si fideli credimus: imò quia credimus: ibi Christus immolatur & sacrificatur totus, quid est autem sacrificari, nisi oblationis actione, ita annihilatoriè quodammodo immutari, ut res oblata suo modo esse designat, in honorem & recognitionem supremi super omnia dominii ejus, cui fit oblatio, & cui offertur sacrificium? Rursum quid est Eucharisticum Convivium, nisi Christi in Eucharistia realiter contenti atque præsentis, in cibum potumque Animæ sub speciebus Panis & Vini realis sumptio. Cujusmodi actio naturaliter annihilativa est, seu sumpti in sumentem conversio: estò hic opposito modo, sumens potius in id quod sumptum est, Homo scilicet in Christum consumatur & convertatur. Ad quantas porro ad quàm varias, infinitas, incogitabiles, incogitabiliterque indignas indignitates Charitas sua Christum suum adegit, tam in hoc Sacrificio, quàm in Sacramento, ad hoc certè neque elocutio, neque cogitatio humana sufficit, & tamen illa ad usque finē

mundi

mundi duratura est, cum dignatio peractæ in Cruce immolationis, solummodò per tres horas duraverit: hic verò in sacrificio Missæ atque Sacramentali Convivio, sæpe sæpius Dominus noster tantas indignitates subire necesse habeat: quarum una aliqua omnibus super Crucem oblationibus, etsi innumeræ forent, esset indignior immaniorque. Una enim Sacrilega Christi, vel in Sacrificio oblatio, vel in Sacramento sumptio, omnem in Crucē oblationem per se loquendo, indignitate, & injuriositate supergreditur. Et tamen ad hæc sacrilegales indignitates Christum Charitas sua adegit, usque ad consummationem sæculi. O Charitas quàm violenta, quàm imperiosa, quàm excessiva, quàm nimia, quàm exinanitiva es?

Quid verò de Charitate Christi deque ejus in Christum imperiositate dominatuque plùs quàm violento & excessivo in universa ejus Passione, usque ad Crucifixionem, & in Cruce mortem, dicam, vel afferam? Infinitum esse oporteret in exponendo, sicut infinita voluit esse Charitas in Dominando, & in Domino Jesu ad omnem suum nutum, omneque arbitrium versando? Multa sunt hæcenus dicta in superioribus modis, & tractationibus, quæ huc valde faciunt, sufficiat nunc à me dici duo hæc, aut tria.

Primum est. Christi Passionem non tantum omnibus doloribus hominum hujus vitæ majorem & graviores fuisse, verum etiam gravem fuisse sicut dolorem inferni, & quidem cum quodam insuper excessu; unum horum indubitatum est apud Sacros auctores, & Divina Scriptura significat, partim cum per Job Dominus de se loquitur. *Vtinam appendantur peccata mea, quibus iram merui, & calamitas, quam pavor, in statera; quasi arena maris, hæc gravior appareret.* Excessit nimirum immensitas dolorum Christi in Passione, & Cruce, omnem enormitatem gravitatemque peccatorum nostrorum, à Christo in se susceptorum: partim cum per Jeremiam ita nos obtestatur dicens. *O vos omnes, qui transitis per viam, attendite & videte, si est dolor sicut dolor meus;* In altero quod dixi, non hoc dico quasi sentiam & affirmem Christum Dominum inferni poenas in sua Passione sustinuisse, scio, & profiteor erroneè hoc, & blasphemè dictum, ab aliquibus. Sed dico in Passione Domini nostri reperiri quasdam conditiones, quæ vel habent quandam cum poenis inferni similitudinē, vel etiā habent aliquem super inferni poenas excessum, in eoque immensam Charitatis Christi nimietatem eluxisse. Quod explicio hunc in modum.

1. Communi sensu, gravius, & intolerabilius, indigniusque est Innocentem

nocen-

nocentem pati, ea, quæ nocentibus sunt debita: at Christus non tantum fuit Innocens, sed Innocentia ipsa, noxæ omnis propriæ incapax: qui tamen non solum passus est, ea quæ nocentibus scelestisquæ essent patienda, sed etiam passus est de facto ea omnia, quæ erant scelestis (nempe nobis) patienda, & passus est tanquam scelestus esset ipse, tanquam omnium scelestorum (non tamen sceleratum) Caput: passus est pro omnibus scelestis, passus denique est ne scelesti pati deberent. At verò in inferno nemo patitur Innocens, sed omnes noxii & impii: gravior itaque & indignior ex hoc capite fuit Passio Christi, quam damnatorum in Inferno.

2. Christus etsi descendit ad inferos, ibi tamen nihil passus est: imò agnitus, honoratus, cultus, & adoratus est. At in vitæ suæ extremo, passus est quasi pœnam damni & pœnam sensûs. Et pœnam quidem quasi damni: quia passus est derelictionem à Deo Patre, non quod à Deitatis hypostatico consortio, & à Beatifica gloria vivens exclusus sit, (absit hoc cogitare) sed quia à cura & protectione in malis pœnisquæ suis desolatus & derelictus fuit; & quia humanitate ejus dissoluta, fuit etiam dissoluta unio VERBI, non cum Anima, neque cum corpore, sed cum ipso composito Homine-Deo: in quo etiam pro tunc cessavit Beatifica visio. Non existens enim videre Deum non potuit, estò secundum Animam suam Deum semper intuitivè & beatificè vidit. Passus est quoque pœnam sensûs tam in Anima, quam in corpore, & omnibus horum potentiis & partibus. Passus quoque est Dominus pœnam blasphemiarum & execrationum Dei, non quas ipse Corde vel ore suo protulerit, sed quas partim protulisse, per calumniam dictus, atque ob eas morti addictus est, partim quas in eum impiissimi hostes, impietate plenis faucibus eructarunt.

3. Passus est Dominus noster pœnas omnium singulorumque peccatorum, etiam remissorum, remittendorumque; at damnati non patiuntur pro talibus, sed solum pro non deletis finali poenitentia.

4. Passus est Christus pœnas peccatorum omnium, non tantum ad rigorem Iustitiæ, verum etiam ultra condignum: damnati verò non nisi infra condignum puniuntur. Et estò damnati patiantur pœnas æternas quantum ad durationem earum, nunquam finem habituram: Christus tamen passus est non quidem æternas, tantas tamen quæ æternis abolendis non tantum pares, sed majores fuerint; unde per efficaciam meritorum passionumque Christi, æternæ pœnæ, poenitentibus nobis condonantur: deinde etiam passus est quasi æternas,

quantum scilicet ad effectum atque fructum eternaturum, nullis inquam applicationibus (est enim mille millia mundorum seu humani generis populorum essent) exhauriendum, quod sine dubio arguit immensitatem quandam passionum Christi, quæ in pœnis damnatorum, neque est, neque esse potest. In hoc ergo sensu & ex hoc capite existimo passionem Christi suo modo, & sano intellectu fuisse quasi infernales, & infernalibus majores. Idque propter nimiam charitatem ejus, qui cum dilexisset nos, usque in finem dilexit nos.

Alterum quod de nimio, excessivo, exinanitivoque, Charitatis Christi, in Christum dominatu dicere habeo, illud est. Quod non aliter satiari, expleri, vel potuerit, vel voluerit, quam per omnia Christum suum exinaniendo, perdendo, annihilando: quod quidem in tota ejus vita egit, tandem verò in morte illius peregit. Etenim exinanitus est à Charitate sua Christus secundum Deitatem. Quia enim per mortem desinit esse in rerum natura, desinit etiam esse Deus. Exinanitus est quoque secundum Humanitatem: quia & illa per mortem dissoluta est. Exinanitus est secundum Deum-Hominem: quoniam Deus-Homo mortuus est: & quamvis VERBUM hypostaticè unitum tam Animæ, quam Corpori fuit, Christo tamen, seu Deo Homini unitum non fuit, quia Deus-Homo Christus in rerum natura non fuit. Exinanitus est quoque Christus secundum Animam, non quoad vivere, sed quoad vivificare, esseque vita corporis, & Hominem Christum constituere, & opera vitæ humanæ exercere Anima illa desierit. Exinanitus est etiam Dominus quoad suum Corpus, à quo Anima discessit, & mortuum est, ac nisi specialis protectio VERBI Aeterni impedisset, in statum corruptionis transiret. Exinanitus est Christus secundum honorem & famam bonam, quia cum iniquis & latronibus reputari, Barabbæ postponi, & per omnia infamis reddi, haberi, & voluit. Exinanitus est secundum Sapientiam, Iustitiam, Sanctitatem, Religionem, Pietatem, Innocentiam, Veritatem, Potentiam, Humilitatem, Charitatem, omnemque omnino Virtutem, & apud Deum Gratiā. Voluit enim reputari stultus, & insanus, iniquus, & impius, blasphemus, malefactor, seductor, mendax, & Pseudopropheta, consortium cum dæmone habens, nullius ad se, ad aliosue juvandos potentia, superbus, ambitiosus, & non tantum non Deus-Homo, sed neque à Deo homo. Exinanitus est etiam secundum omnem exteriorē possessionem. Orbatus quippe Matre, discipulis, amicis, notis, vestimentis, terrā, omni gente ac populo suo, soli duntaxat Cruci affixus,

xus, idque nudus, & volatilibus rapacibus in escam, & lacerationem expositus ac datus: denique non Homo, sed vermis, sed excarnificatum per omnia cadaveris frustum, opprobrium, & abjectio, atque execratio factus omnium in sempiternum. Ergo exinanivit semetipsum, ergo exinanivit eum Charitas sua, non solum ad formam servi à forma Dei; sed etiam à forma servi, ad formam impii, ad formam vermis, ad formam mortui, atque cadaveris. Tantum nimirum sibi Charitas ejus in eum licere putavit, tantumque etiam in eum prævaluit, quantum potuit, quantum ad satietatem satis superque esse potuit. Dico quantum satis esse potuit: & addo etiam satis esse debuit, atque omnino re ipsa fuit: attamen Charitati quantum ad ejus excessivam nimietatem, inexplabilemque ardorem, nequaquam satis fuit. Quid enim sibi volunt illa de ejus Charitate dudum prænuntiata, & pronuntiata. *Aque multa non potuerunt extinguere charitatem, neque flumina obruent illam*: quod est dicere Charitatem Dei nostri in Æternum Patrem, & in nos propter Patrem, nullis quantiscunque excessibus, nullis nimietatibus, nullis exinanitionibus, nullis annihilationibus in Christum inductis, perque Christum exhaustis, saturari, satiari, expleri potuisse, nullisque expletam esse, quin imò omnia quæ Christus jussu Charitatis suæ sive gessit, sive pertulit, licet usque ad exinanitionem accessit, tamen ista omnia, levissimæ quædam guttæ, tenuissimæ atque paucissimæ aquæ, exigui cujusdam calicis, sitim ne quidem satis adspersuri ne dum extincturi vicem speciemque habentia fuerunt. Irritabant potius tantum sitim, & non explebant. Impatientem ardorem sitis excitabant, & exacuebant, non verò illam obruebant, aut exstinguebant. propter quod profundo licet fundo exinanitionis vicinus, & jam mox in abyssum Mortis, annihilationisque, & occasus descensurus, tanquam inchoans desideria, tanquam ferendo ardori impotens, exclamavit. *Sitio* Implebat scilicet in se Charitas Christi, illud, quod quondam de se protestata, deque ingenio suo professæ fuerat, dicens. *Si dederit homo omnem substantiam domus suæ pro dilectione, quasi nihil despiciet eam.* Et ita est omnino, Homo-Deus Christus in gratiam, & gustum, contentationemque suæ charitatis, omnem substantiam domus suæ, à summa Deitate incipiendo, & usque in opprobrio maledictoque super Crucem mortis desinendo, impendit, & exhaust; & nihilominus hanc omnem impensam, hanc totam jacturam, universam hanc prodigalitatem, & exinanitionem, bona Charitas, avara Charitas, inexplata, & inexplenda Charitas, quasi nihilum censuit,

Cantic.
8. 7.

Cant. 8.
7.

Isaia 40.
17.

suit, quasi nihilum despexit, *quasi nihilum & inane reputavit.*

O Charitas? ergo Christus cum omni substantia domus suae, tibi, & propter te, in nihilum redactum esse: tibi nihilominus pro nihilo est, & pro inani reputatur!

Audite mortales, audite, & intelligite. Sic Deus dilexit mundum, sic amavit vos, vos quidem peccatores, vos naturâ filios iræ, atque perditionis, vos cum adhuc inimici, & exosi essetis, vos qui etiam post omnia ingrati, contemptores, & rebelles futuri eratis, & insuper etiam estis. Sic inquam Deus dilexit vos, ut omnem substantiam domus suae, Domus Divinæ, Domus Divino-Humanæ, dederit pro dilectione, pro redemptione, pro salute, pro vita, pro beatitudine vestra æterna. Et insuper hoc à se tam prodigè, tam prodigiosè factum, impensum, profusumque quasi nihilum despexit, & despicit: sed eâ lege, ut vos intelligatis, quia pro hoc nihilo salvi facti estis, à morte æterna: eâ lege, ut vos, hoc nihilum, non quasi nihilum, non quasi inane, non quasi inutile, & despiciendum reputetis. Sed ut intelligatis quæ à Deo impensa sunt pro vobis, quæ à Deo donata sunt vobis, quantus Deus propter nimiam suam in vos, & in vestrum bonum charitatem, profudit semetipsum vobis. O terra, terra: cordium humanorum, ne operias, ne contemnas, ne conculces, ne negligas, ne nihilum reputes harum tam abundantium gratiarum super te profusionem.

Ex pretio, & sumptu, quo æstimatus es: addisce Homo pretium tuum: ex Amore quo amatus es, cognosce quantum amare debeas Amatores tuum. Ex profusione atque exinanitione totius Dei tui, in Salvationem tuam, conjice quantam admetiri debeas Deo tuo dilectionem Dei tui: quanta cum profusione par, & opus sit te impendi & superimpendi propter amorem, propter voluntatem, propter Dignitatem Dei tui, propter Gloriam & laudem & exaltationem Dei tui.

Utinam Domine Jesu amator noster profusissime atque prodigalissime, liceat, libeatque universo generi humano, omnibusque ac singulis nobis, profusos, prodigos, exinanitos, perditos, annihilatosque fieri propter te: propter amorem tuum, propter beneplacitum tuum, propter dignitatem & honorem tuum. Si non ad æqualitatem dilectionis in nos tuæ, (quæ nobis impossibilis est, & omnibus simul nobiscum creaturis) at saltem ad imitationem, ad similitudinem, ad semper majorem progressionem, ad nunquam satiabilem famem, ad nunquam fatigandam explendamque cupiditatem, aut conatum æmulandi, quàm maximè, & quàm proximè Charitatem in nos tuam.

Habes

Habes benevole Lector Centum Modos Passionem Domini Nostri
JESU Christi meditandi. Non te excito; aut provoco ad utendum eis.
Satis excitamenti adhibet pietati tuæ ipsa Pretiosa Redemptoris tui
Passio, tuusque per omnia devotus, certè obligatus eidem Affectus.
Precor Deum ipsum pro nobis passum, ut omnes hi modi, quando-
cunque eos usurpare placuerit, sint Animæ tuæ, quàm maximè accõ-
modi, saporosi, & proficui: ut quàm maximè crescat, & adolescat in
te, vivus, & efficax Passionis & amor, & fructus. Sit Deo amatori no-
stro, propterque Amorem nostri Passio, Crucifixo, & Mòrtuo, sem-
per, & ubique, & ab omnibus Major, atque amplior gloria: Nobis
autem Confusio faciei in hac vita: in altera autem salus, & beatitudo
æterna; per eundem Dominum Nostrum JESUM Christum, qui cum
Patre, & Spiritu Sancto, vivit, & regnat in sæcula sæculorum. Amen.

CORONIS seu DISSERTATIO,

*De perpetua Cruce Christi Domini ab instanti
Conceptionis, usque ad instans
Mortis suæ.*

CORONIS loco, subnecto Tractatui huic, Dissertationem, seu po-
tius Assertionem ejus sententiæ, quæ affirmat
Quòd Christus Dominus ac Redemptor noster, ab ipso Instanti
Conceptionis Incarnationisque suæ, Passus sit per omnem usque vitam
suam, usque ad instans Mòrtis.

Probatur hoc Primò ex Sacra Scriptura Veteris Testamenti.

Psalmo 37. 18. dicit Dominus per os David. *Quoniam ego in fla-
gella paratus sum: & dolor meus in conspectu meo semper.* Hierony-
mus ex Hebræo sic vertit. *Pauper ego, & ærumnosus: ab adolescentia
mea, portavi furorem tuum, & conturbatus sum.*

Psalmo 72. 14. *Et fui flagellatus totâ die, & castigatio mea in ma-
tutinis.*

Psalmo 87. 16. *Pauper sum ego, & in laboribus à juventute mea.*
Legunt alii. *Et expirans à juventute mea.* apud Augustinum.

Ibidem V. 18. *Circumdederunt me sicut aqua totâ die: circumdederunt me simul.*

Psalmo 30. 11. *Quoniam defecit in dolore vita mea, & anni mei in gemitibus.*

Isaia. 9. 6. *Parvulus natus est nobis, & filius datus est nobis, cuius imperium super humerum ejus.*

Psalmo 39. 7. *Sacrificium & oblationem noluisti: aures autem perfecisti mihi. Holocaustum & pro peccato non postulasti, tunc dixi: Ecce venio. In capite libri scriptum est de me: ut facerem voluntatem tuam: DEVS meus volui, & legem tuam in medio cordis mei.*

Iob. 30. 16. *In memetipso marcescit anima mea; & possident me dies afflictionis.*

Ibidem V. 27. *Interiora mea efferbuerunt absque ulla requie, praevenierunt me dies afflictionis.*

Hæc, similiaque Scripturæ Sacrae oracula, additum Patrum, tum aliorum interpretationibus, affirmant satis Animam Christi Domini, in perpetuis doloribus perseverasse.

Probatur Secundo, ex Sacra Scripturâ Novi Testamenti.

Marci 10. 38. *Potestis bibere calicem, quem ego bibo? aut baptismo, quo ego baptisor, baptisari? Calicem quidem, quem ego bibo, bibetis: & baptismo, quo ego baptisor, baptisabimini.*

Lucæ 12. 50. *Baptismo habeo baptisari: & quomodo coarctor, usque dum perficiatur.*

Lucæ 9. 31. *Loquebantur excessum ejus, quem completurus erat in Ierusalem.*

Matthæi 2. 11. *Et intrantes domum, invenerunt puerum cum MARIA Matre ejus, & procidentes adoraverunt eum, & apertis thesauris suis obtulerunt ei munera, aurum, thus, & myrrham.*

Hebræorum 10. 5. *Ingrediens in mundum (Christus) dicit: Hostiam, & oblationem noluisti: corpus autem aptasti mihi. Holocausta pro peccato, non tibi placuerunt. Tunc dixi: Ecce venio. In capite libri scriptum est de me: ut faciam DEVS voluntatem tuam. In qua voluntate sanctificati sumus, per oblationem Corporis IESU Christi semel.*

Marci 10. 32. *Erant autem in via ascendentes Hierosolimam, & precedebat illos IESVS, & stupebant, & sequentes timebant: & cepit eos docere, quæ essent ei eventura.*

Lucæ

Lucæ 18. 31. Factum est dum complerentur dies assumptionis ejus, & ipse faciem suam firmavit, ut iret in Ierusalem. Et non receperunt eum: quia facies ejus erat euntis in Ierusalem.

Lucæ 9. 23. Dicebat autem ad omnes. Si quis vult post me venire, abneget semetipsum. & tollat Crucem suam quotidie, & sequatur me.

Matthæi 10. 38. Qui non accipit Crucem suam, & sequitur me, non est me dignus.

Lucæ 14. 27. Qui non bajulat Crucem suam & venit post me, non potest meus esse discipulus.

Ex his, similibusque Domini Nostri ad Crucem à nobis quotidie ferendam exhortationibus, evidens est Christum ipsum eam quotidie tolerasse, & portasse, propter nostram salutem, & exemplum.

Probatur Tertiò ex Patribus.

Sanctus Hieronymus illa verba Psalmi 87. 16. *Pauper sum ego: & in laboribus à juventute mea?* explicat. *A tempore Carnis assumptæ.*

Idem Sanctus in Psalmi 37. 18. illa verba. *Quoniam ego in flagella paratus sum:* sic ait. *Preparo me ad sustinendam Crucem, lanceam, fel, acetum, ut per hanc mortem, meo sanguine, redimā populum pereuntem. Quia Christus ad hoc venit, ut Passionem sustineret.*

Sanctus Bonaventura libro de Perfectione vitæ Cap. 6. ita loquitur. *A Prima die Nativitatis suæ, usque ad ultimum diem, mortis suæ, Christus Dominus, semper fuit in Passionibus, & doloribus, sicut ipse testatur per Prophetam dicens. In laboribus à juventute mea.*

Sanctus Chrysostomus in Psalmi 37. 18. *Quoniam ego in flagella paratus sum.* Sic commentatur. *Ea enim de causa cum carne in mundum venire sustinuit: quem admodum ipse precans dicebat. Quid dicam Pater serva me, ab hora hac: sed propterea veni ad horam hanc, & dolor meus in conspectu meo semper. Nostri scilicet commiseratio: propter quam habet perpetuò suæ Passionis memoriam.*

Sanctus Bernardus Ponderans verba Isaia 9. 6. *Parvulus natus est nobis, & Filius datus est nobis. Cujus imperiū super humerum ejus. Crucem (ait) quam Imperii nomine significavit, natiuitati statim adjungens: quia profectò à natiuitatis exordio, Passio Christi exorta est.*

Idem Sanctus alio loco ait *Volue, & revolve vitam boni IESV; & non invenies eum, nisi in Cruce; ex quo enim carnem assumpsit, semper in pœna fuit, in amaritudine, & angustia.*

Ejusdem Sancti notum est dictum illud. *Tota vita Christi, Crux fuit & Martyrium.*

Serm. 3.
de Pas-
sione
Serm. de
Passione
Cap. 5.

Beatus Laurentius Iustinianus, libro de gradibus Perfectionis. Cap. 9. sic ait: *Christus à suæ Redemptionis exordio, quoadusque in Cruce confixus Patri reddidit Spiritum: nunquam pati desit: non sicut ceteri, sed incomparabiliter supra universos. Longè tamen efficacius in Anima, quam in Corpore, perpeßus est dolores maximos, actuales cruciatus, spirituales gladios.*

Probatur Quartò ex Authoribus.

Bellarminus Cardinalis interpretans Psalmum 87. 16. *Pauper sum ego, & in laboribus à juventute mea.* Sic commentatur. Ne putarent homines Christi Passionem, trium horarum, aut unius diei tantum fuisse, revelat hic nobis Spiritus Sanctus, Christum in diebus carnis suæ, nunquam sine passione vixisse. Nam propter Calicem mortis amarissimæ, quem semper ante oculos mentis habuit in omni ætate sua, in laboribus, & arumnis fuit. Pauper inquit sum ego, & in laboribus à juventute mea: id est: cum in forma Dei essem beatus, & dives: propter vos homines egenus factus sum, & in laboribus à juventute mea, sive à pueritia mea; quod significat vox hebraica. Poterat etiam verè dicere: ab infantia mea.

Idem Cardinalis libro 2. de Gemitu Columbæ. Cap. 3. tractans de longitudine Passionis Christi. ita loquitur. [Tota vita Christi perpetua Passio & Crucis Passio, dici potuit. Siquidem ab ipsa Conceptionis hora cognovit sibi Crucem esse paratam, eamque libentissimè acceptavit pro honore Patris, pro salute hominum: & semper eam ante oculos mentis sic habuit, ut verè dici posset, toto vitæ suæ tempore in Cruce pependisse.]

Idem Author ibidem ex creberrima Christi Domini adhortatione discipulorum, seu omnium nostrum ad Crucem à nobis perpetuò bajulandam: rectè concludit ipsummet Christum Dominum, totà vitæ suæ Crucem suam quoque bajulasse propter salutem nostram.

Cornelius à Lapide ad Lucæ Cap. 12. 50. illa verba Domini. *Baptismo autem habeo baptisari: & quomodo coarctor usque dum perficiatur, cum præmisset sensum ex Euthymio. Velut anxius sum propter tarditatem. Et ex Theophylacto. Et quomodo constriktor. id est: quàm sollicitus & anxius sum, ac premor donec perficiatur Baptismus meus, seu Passio & mors pro salute hominū: quo etiam modo Sanctus Ambrosius, Beda, & alii. Arabicus autem. Et ego coarctor ad perficiendum. Sanctus Irenæus lib. 1. Cap. 18. legit. Et valde propero ad illud: postea*
hæc

hæc subdit. [Moral ter hic nota, quantus fuerit in Christo zelus, quanta charitas, quanta sitis salutis nostræ: utpote quæ tantam in exitum Passionis, Mortis, & Crucis, licet tam atrocis excitavit, ut cor ejus inter eam, & inter Passionis moram, quasi inter duos lapides molares in molendino positum arderetur, & in summas angustias redigeretur, aut velut intorculari situm, angore compriimeretur, & pœne oppriimeretur. Et hoc quidem non fuit in ipso Passionis tempore; jam enim tunc, & Calicem bibebat interiorum, & Baptismo baptisabatur exteriorum dolorum de facto: fuit ergo ante Passionem, fuit per totam vitam Christi, ab ipso vitæ exordio: quoniam Christus jam tunc, eadem prorsus & charitate, & eventurorum sibi scientiâ pollebat, quâ in omni reliqua, & etiam in extrema sua vita. Unde apud Sanctum Marcum loquitur Dominus de Calicis potu, & Baptismi baptismatione *Potestis (ait) bibere calicem, quem ego bibo, & baptismo, quo ego baptisor, baptisari?*

Laurentius de Aponte in Caput 2. Matth. ad V. II. n. 60. & sequ. cum inquit, quare tres Magi Christo Nato, inter munera Auri & Thuris, etiam obtulerunt Myrrham. Primum verba Paschasii Rhodobodi adducit, de hoc Myrrhæ munere loquentis. [Per Myrrham, quâ mortuorum Corpora passim condiébantur, eum testati sunt, velut ex prælagio humanitûs moriturum. Ex quo, si jam tunc voce editâ loqueretur, poterat ut alibi ipse fatetur, dicere. *quod ad sepeliendum me fecit.* tum de suo subdit. Verè. Nam ex tunc, ex magnitudine amoris, ex obedientia Patris, ex ardore Spiritûs Sancti, pro nobis Crucem apprehendit, & mortem est amplexatus. Unde hoc in Spiritu David prævidens, in persona Christi Psalmo 39. 6. ait. *In Capite libri scriptum est de me, ut facerem voluntatem tuam. Deus meus volui, & legem tuam in medio cordis mei.* Qualis illa voluntas? ut in assumpta humanitate legem novam constituam, humiliter mortem pro redemptione humani generis perferam. ait Incognitus. tum de suo sensu pergit author citatus. Ergo ex tunc quando Incarnatus, hoc in Dei prædestinationis libro legens, sic ardentè, sic amantè, sic efficaciter, sic continuè, hanc est amplexatus legem, ut non in angulo, non in parte, sed in medio Cordis eam haberet, quasi Cordis animam & Spiritum, quo viveret & alimentaretur Cor. Sic ut ex memoria Crucis, ex habitu Mortis viveret, ac respiraret. Moriturus: si sine memoria mortis; defecturus, si sine memoria Passionis; vivens & motum percipiens vitalem ex sepulturæ memoria, & affectu Passionis. Calefactus,

„ & calorem suscipiens ex sanguine fundendo, ex morte patienda. Hinc
 „ voluit, & præordinavit, ut ex tunc jam inde vix natus, Myrrha ei offer-
 „ retur.

„ Antonius Gaudier de Perfectionis natura & Causis: Parte quartâ,
 „ Sectione 12. de duodecimo instrumento Perfectionis. Parte 1. Cap. 5.
 „ Dubium non est (ait) quin unicum Christi sacrificium in Cruce, Deo
 „ abundè satisfecerit, pro toto mundo, cum vel unica Christi actio po-
 „ tuisset esse satis, ob infinitam Personæ satisfaciendæ dignitatem: nisi
 „ & Deus, & Christus voluisset esse copiosam nostram redemptionem.
 „ Verum si actus internos Christi spectemus: non unius tantum mortis,
 „ vel sacrificii, ad tres horas in Cruce, peracti, terminis contineri potuit
 „ copiosissimæ redemptionis voluntas (saltem conditionatâ) in Chri-
 „ sto, quin & pati sæpius pro nobis, & plura perferre ardentissimè de-
 „ sideraret, si vel Deus voluisset, vel opus fuisset. Hoc desiderium habuif-
 „ se Christum tradidit Sanctus Bonaventura, in meditationibus de Pas-
 „ sione Domini, nec videtur posse esse ullum de eo dubium. Nam si
 „ rem ipsam consideremus, nihil implicat, nullum omnino inconueniens
 „ est, imò & valde laudabilis est hic actus, & Christo dignus, & non in-
 „ utilis sed efficax. Nam tanta est Dei Majestas & excellentia, ut non
 „ nisi omni infinito modo satis honorari possit. & fuit quidem sacrifi-
 „ cium Crucis infinitum, quia tam offerens, quam hostia erat dignitatis
 „ infinitæ, at poterat addi etiam infinitudo durationis, ut saltem quam
 „ diu mundus & homines durarent, sacrificium quoque coram Deo ap-
 „ pareret. Idem postulabat veluti suo jure, læsa Divina Iustitia, ut tot
 „ hominum ab initio mundi sibi succedentium continuis peccatis, satis
 „ fieret etiam continuâ expiatione sacrificii condigni cruenti. Erat ergo
 „ valde rationale, ut Christus Crucis suæ sacrificium ad Deum tum ho-
 „ norandum, tum placandum; (si ita placeret) permanere ad mundi
 „ finem peroptaret. Christi etiam inexhaustus erga Patrem Amor, &
 „ observantia, & erga nos Charitas idem convincunt. Sanctissima enim
 „ ejus Anima, in ipso articulo creationis suæ, Dei bonitatem infinitam,
 „ erga se, & erga humanum genus, contemplata, immenso amoris æstu,
 „ & Dei Gloriam, & hominum salutem, quam Deo cordi tantopere esse
 „ videbat, ut ejus procurandæ præceptum imponeret: ita suscepit pro-
 „ movendam, ut inexplicabili prorsus vi amoris & desiderii consumere-
 „ tur quidlibet agendi, & patiendi, in eum finem. Ut sicut Dei erga se,
 „ & erga homines bonitatē & amorem videbat esse infinitum; ita amo-
 „ rem etiam suum, quantum poterat, & intenderet & extenderet. Qua-
 „ se nec

re nec paucis illis horis aut unicâ in Cruce morte definitus ille est, sed
 sicut semel mortuus est, ita & millies mori optasset; & quomodo om-
 nium causâ, & pro omnibus mortuus est, ita & unius tantum causâ
 (si Pater ita iussisset) copiosissimum ille & paratissimum Amorem, ad
 tot Cruces habuisset; & si ita opus fuisset, non tribus tantum horis
 confectum doloribus in Cruce pendere, sed etiam idem ad extremum
 iudicii diem pati. Tanta fuit primi illius amoris efficacia, ut unus
 ille satis ad id fuisset. Nec proinde mirum est, si toto vitæ tempore ur-
 gebat eum ille amor, ita ut diceret. *Baptismo habeo baptisari: quàm
 coarctor usque dum perficiatur?* Tantus enim erat Amor, non patien-
 di tantum, sed suo se sanguine tingendi, & mergendi, pro nostra salu-
 te: ut quælibet ei hora præ Amoris magnitudine, mille anni videren-
 tur, & licet multa pro nobis & faceret, & pateretur, tamen omnia ni-
 hil esse putaret nisi totus mergeretur.] Hæc supra dictus Author.
 Qui licet de amore & desiderio patendi in Christo loquatur: in idem
 tamen recidit, & ipsa Passio interior Animæ Christi, dolorque quàm
 maximus ejus, ex objectis, non tantum plurimis, sed etiam maximis,
 semper Animæ illi præsentibus. Quoniam cognitio & præsentia illa
 non potuit esse sine dolore, tristitia, horrore, aliisque connaturalibus
 effectis intus in Anima, est in eos non semper, sed nonnisi quando ipsi
 placuit, ordinatumque fuit, ad extra prorumperet. Unde illud, quod
 Matthæus dicit de Christo ad hortum pergente. *Cœpit pavere, tæde-
 re, contristari, & mœsus esse.* Non eum sensum habet, quasi nunquam
 hactenus tristitiam, & metum, doloremque interiorem passus sit, ei-
 que primum hospes veluti ingratus advenerit, id enim cū plena Chri-
 sti futurorum & præsentium præscientia non cohæret: sed quia illo
 tempore, à semetipso præordinato, atque adducto, manifestandoque,
 & patiendi exterius etiam dolori ac mœrori, nec non tœdio destina-
 to, cœpit exterius quoque dolere, pavere, tædere, mœsus esse, volun-
 tatiæ atque sponte propriâ. Ad eum modum, quo de eodem Domino
 Nostro dicitur. *Et IESVS proficiebat sapientiâ, & ætate, & gratiâ apud
 Deum, & homines.* Lucæ 2. 52. apparebat enim pro suo arbitrio, quan-
 do, & quibus volebat, sapiens, & sapientior, & sapientissimus, licet in
 se nonnisi semper esset sapientissimus, atque etiam ipsa sapientia.

Vincentius Caraffa Itinerarii ad Cælum Parte 3. Cap. 6. §. 9. tra-
 ctans de prærogativis Passionis Christi: unam harum dicit fuisse, Con-
 tinuationem. Cœpit enim à principio Conceptionis suæ Passionem
 suam: idque ob notitiam & apprehensionem internam tum offensarum
 Dei;

Dei, tum damnationis hominum, tum Passionis & mortis suæ sibi ad-
 venturæ: propter quod loquens Dominus de sua Passione, secundum
 Marcum Evangelistam Cap. 10. 38. non loquitur de illa tanquam fu-
 turâ, sed tanquam de præsentē, & sibi actū dolorem inferente interio-
 rem, etsi nondum exteriorem. ait enim Iacobo & Ioanni. *Potesis
 bibere calicem, quem ego bibo, & baptismo, quo ego baptisor, baptisari?*
 Leonardus Lessius de Divin. Perfect. l. b. 12. Cap. 17. num. 130. &
 sequi. Cum recensisset aliquas difficultates, Christo in Redemptio-
 ne nostra objectas, ab eoque clarè & distinctè cognitās, postmodum
 hæc loquitur. [Ratio dolendi de peccatis nostris in se susceptis à
 Christo, eidem fuit duplex. Prior injuria Divinæ Majestati per pecca-
 tum irrogata. Altera Damnum humano generi inde proveniens. Cer-
 nebat ille perspicuè & in particulari, peccata omnia, & quanta singu-
 lis, infinitæ illi bonitati, & majestati fieret injuria, quanta contumelia,
 quantus contemptus. Cernebat etiam quantum malum sit æterna
 damnatio, quàm totum genus nostrum sibi per peccatum accersiverat.
 Hinc dolor excitabatur acerrimus: Magnitudo enim doloris seu tri-
 stitiæ sequitur magnitudinem mali, & perfectionem cognitionis, quā
 malum illud apprehenditur. Atqui malum hic erat maximum, tum
 in ratione culpæ (erat enim pelagus quoddam peccatorum, & abyssus
 malitiæ contra Divinum Numen) tum in ratione poenæ: quæ enim
 major calamitas & afflictio fingi potest, quàm æterna damnatio? Ap-
 prehensio etiam perfectissima. Multò enim exactius singula confide-
 rabat, & ponderabat, quàm ulla creatura posset. Itaque oportebat
 & ipsum dolorem maximum esse: ut qui magnitudini mali, & perfe-
 ctioni apprehensionis responderit. Unde non dubitaverim affirmare
 hunc dolorem sufficientissimum fuisse, ad vitam Domino milles eri-
 piendam, si vim suam in Corpus exercere permissus fuisset. Quod enim
 magnitudo doloris animi, seu mœstitiæ, vitam intercipere, & homi-
 nem occidere possit, multis exemplis constat. At dolor, quo Domi-
 nus noster de peccatis nostris doluit, longè major fuit, & intensione,
 & æstimatione, quàm ullus dolor qui in hominem cadere possit. Sed
 dispensatione factum, ne vis ejus in Corpus se proferret, nisi quando,
 & quantum Domino videretur. Habebat enim plenissimum omnium
 affectuum, appetitûs inferioris, & commotionis spirituum, & sangui-
 nis dominium. Fuit hic dolor continuus ab initio Conceptionis usq;
 ad finem vitæ, sicut & apprehensio peccatorum: quamvis non semper
 æquè in appetitum inferiorem, & corpus permissus sit redundare, sed
 inter-

interdum plus, interdum minus, prout occasiones exteriores, & tempus, & locus postulabant. Maxime autem ei laxatae habent in horto. &c.

Ioannes Eusebius Nerebergius lib. 2. de Adoratione Cap. 5. tractans de Compassione Christo Patienti à nobis debita, deque motivis, quæ in Christo Passio ad eam habemus: ita deinceps pergit.

[Plus tamen debent nos commovere, quæ passus est per totam vitam in uno membro, sanctissimo scilicet corde: cuius dolor immensus fuit à primo instanti suæ Conceptionis, & duravit quamdiu vixit. Cor est, quod primo excruciatum fuit, & quod ultimo. Tanto magis doluit Cor ejus, quanto reliquorum omnium membrorum intolerabiles dolores, in uno illo passus est, quod est omnibus membris delicatius. Non minor afflictio latuit in corde lesu ab illo instanti (conceptionis) quam habuit in horto, cum sudavit sanguinem per omnia n. bra. Quemadmodum illic ex vivida apprehensione dolorum & cruciatuum Passionis suæ, insolito & terribili modo afflictus fuit, sic etiam æquè intense apprehendit eosdem dolores in utero amantissimæ Mariæ. Cognitio enim Christi non fuit imperfecta, eo maxime tempore, cum negotium nostræ redemptionis acceptavit, & proposita fuit illius intellectui, sine ulla dissimulatione, omnis difficultas toleranda & vincenda. Apprehendit ibi intensissimè suam Passionem, labores innumeros vitæ suæ, opprobria, & contemptus. Ita afflixit illum ab eo tempore hæc cognitio suæ Passionis, & plus fortasse quàm in horto, si inæqualitas fiat. Nam in Getsemani erupit exterius sensus doloris, diffusiusque fuit per omnes artus, ut communicatus in toto Corpore angor, minor remaneret in corde: at in utero gloriosissimæ Virginis Mariæ retentus est totus dolor intrinsecus, in uno membro tenerissimo, scilicet corculo infantis lesu. Cum quis lachrymatur, minus sentit afflictionem, quàm cum recluditur angor in corde siccis oculis. Sic Christus, dum non sudavit, & sanguinem fudit, plus fortasse doluit, quia nulla particula angoris, evaporata fuit. Oportuit tamen ad nostrum documentum monstrari semel exterius, quantum passus est semper interius. Continuatus deinde fuit iste moeror per omnem vitam. Perfectissimè, & perspicacissimè, ut in se erant, cognoscebat semper omnia lesus. Nisi divina dispensatione adjutus fuisset, illo ipso instanti, quo cœpit vivere, mortuus fuisset, præ doloris magnitudine. Ideo maximum & continuum miraculum fuit vita lesu.] Hæc nominatus Author, qui etiam interjectis aliquibus, ad idem propositum:

sic deinde pergit eodem loco. [Habitabat in Christo plenitudo Di-
 vinitatis, & clara Dei visio illum illustrabat: quæ tamen aliquibus af-
 fectibus non obstitit; sed dispositum miraculosè fuit, ne per illam, af-
 fluentia gaudii totum Corpus, & inferiores animi portiones occupa-
 ret, ut daret locum dolori, sicut accidit in Passione. At in Corde læ-
 sv dolenti pro peccatis nostris, non tantum dedit locum summæ tristi-
 tiæ, sed auxit summopere propter altissimam Dei offensi cognitionem.
 Quò enim major fuit Cognitio Dei, maiorem dolorem causabat, &
 Christus solus, multò maiorem cognitionem intuitivam Dei habuit,
 quàm omnia Cherubim, & Seraphim, & reliqui omnes Spiritus, ac si-
 mul omnes homines beati. Amor quoque Christi erga Deum offen-
 sum, æqualis fuit visioni divinæ majestatis, quare dolor ejus, nec ex-
 plicari, nec cogitari potest. Nam non amisit occasionem patiendi
 quantum potuit, & decebat. Imò miracula fiebant stupenda, in sua
 Sacratissima Anima, ne impedirentur dolores.] Hæc Neremb-
 gius. Cujus idcirco productius verba adduxi, quia & plenè exacteque
 exsequitur dolores Christi internos totâ vitâ continuatos, & causas eo-
 rum solidè proponit, & objectionibus, quæ huic sententiæ, de magni-
 tudine, & perpetuitate interiorum Christi dolorum, ac miserorum fie-
 ri possunt, satisfacit.

Theophylus Raynaudus libro 4. de Christo sect. 2. Cap. 9. à Num.
 443. Etsi non nihil cunctatur agnoscere & asserere in Christo Domino
 perpetuam Crucem, continuatosque ab instanti Conceptionis suæ
 usque ad Passionem dolores & tristitias exaggeratas: nihilominus po-
 nit fundamenta moderatioris suæ sententiæ, talia, quæ perinde pro-
 bant & inferunt totius vitæ in Christo Domino acerbissimos Animæ
 dolores. Ac primò de Christi desiderio, quo ad patiendum pro no-
 stra salute insaturo abesse eum agnoscit, ita loquitur. [Ea fuit
 æstuositas desiderii nostræ reparationis in Christo Patiente, ut Cervæ
 matutinæ à Psalte sit collatus ea ex causa, interprete Augustino. Ni-
 hil item in Scriptura crebrius, horum Christi Patientis desideriorum
 expressione. Iure autem dixisse videor, hoc desiderium fuisse in Chri-
 sto insaturabile; quandoquidem cum posset uno suspirio, aut genu-
 flexione nos reparare, tamen tam copiosam esse voluit redemptionem,
 totque sibi optavit incommoda, ut scilicet nostris desideriis, eorumque
 insatibilitati mederetur. Eò sanè pertigit hoc patiendi in Christo
 desiderium, ut etiam mortuus pati voluerit: & quod tunc extinctâ jam
 vitâ pau sensu præsentis non poterat, desiderio anteriore suppleverit dum

adhuc

adhuc superstes esset.] Hæc de desiderio Theophilus. Iam de dolore sic affirmat. [Dolorem sub tempus Passionis, & in ipso ejus vestibulo toleratum in Anima, ex prænotione omnium simul tormentorum facta, & ex maxima charitate doloris veluti Cote, acerrimū fuisse, & vel æquasse, vel etiam superasse quemcunque Christi cruciatum in Passione, ob adunationem simul omnium dolorum intellectu perspicacissimo præconceptam, & perfectissimā Phantasiæ actione appetitui propositam. Hunc dolorem Animæ Christi, de quo nunc agimus (scilicet in parte inferiore Animæ appetituque sensitivo) acerbissimum & acerrimum, volo secerni à tristitia voluntatem superiorem occupante, ex objectis tristibus, per rationem superiorem exhibitis. Dolor enim Animæ Christi, de quo nunc agimus per appetitum sensitivum, prælucente phantasiâ exprimebatur, ex redundantia tristitiæ illius superiorem voluntatem quasi mergentis.] Hæc ille.

Sciendum verò ab hoc optimo scriptore duplicem dolorem tristitiamque Animæ Christi (extra tempus Passionis) assignari & distingui. Unum quem Dominus passus sit in voluntate superiori, & appetitu rationali, cui etiam ratio superior, & plurimas & gravissimas tristitiæ, dolorisque causas objiciebat, & proponebat. Alterum, quem Dominus sit passus in Appetitu inferioris Animæ partis, videlicet sensitivo, prælucente & proponente objecta hujus doloris phantasiâ.

Primum dolorem in parte voluntateque rationali, in Anima Christi agnoscit hic Author, fuisse acerrimum atque maximum, sive, ut ille ipse Author loquitur: Meracissimum, & abyssalem: & licet expressè ab eo dictum non inveniam, quòd totâ vitâ suâ usque ad mortem, à prima Conceptione hoc dolore & tristitiâ doluerit, nullum tamen etiam reperio negandi fundamentum: neque facile potest assignari causa, cur potius aliquo tantum, & non toto vitæ Domini tempore dolor hic viguerit in Anima Christi voluntate.

Alterum Dolorem Author restringit, eumque in Anima Christi fuisse agnoscit tantum sub tempus Passionis, & in ipso ejus vestibulo toleratum, ex prænotione omnium tormentorum simul facta, & ex maxima charitate, doloris veluti Cote. Quem tamen Dolorem sensitivæ partis refugit agnoscere idem author durasse per totam vitam Domini nostri antecedentem ab initio. Qua de re nolo litem movere: sufficere enim proposito meo præsentī, agnosci ab authore hoc, dolorem in Anima Christi voluntate rationali sanè per omnia maximum, totâ vitâ continuatum. Nihil præjudicante visione intuitiva Dei, & gaudio

beatiss.

Eodem
l. 4. sect.
2. C. 4.
à Num.
225.

beatifico ejusdem Animæ, & ejusdem voluntatis, quod miraculum semel admissum, non video cur etiam locum habere non potuerit in ejusdem Animæ parte inferiori, sensitivoque appetitu ejus. Cum magis videatur repugnans: Animæ Christi partem rationalem superiorem & gaudere beatificè de viso intuitivè Deo, & eandem abyssi tristitiæ mergi, ob gravissimam, plurimam, intellectuque perspicacissimo plenè cognita, & eidem voluntati à ratione superiori proposita: quàm sensitivum appetitum ob proposita sibi à Phantasia tristitiæ objecta tristari, dolereque maximè, & simul tamen tum beatificè in rationali appetitu gaudere, tum interdum ad tempus ejusdem inferioris partis gaudio gaudere, si & objectum, & ratio ita ferret. Sed de hoc aliquid infra afferretur ex Cardinali de Lugo, paulò post adducendo.

Cornelium à Lapide jam semel adductum adduco iterum: quia & ipse non est gravatus repetere suam sententiam, & eam argumentis uberioribus confirmare. Ig. tur in Cap. 26. Matth. ad versum 37. inter alia sic habet.

[Nota hinc primò in Christo fuisse veram tristitiam: licet enim ipse ab initio Conceptionis suæ frueretur visione Dei hypostaticè sibi uniti, essetque Beatus, & in summo gaudio, tamen summè quoque tristatus est, sed respectu diversorum objectorum saltem formalium: Nimirum Deo supernaturaliter capacitatem Animæ ejus extendente & dilatante per concursum specialem, quo concurrebat cum Anima Christi, ut simul summum gaudium ob visum Deum, & summam tristitiam ob instantem sibi mortem, suscipere & elicere posset. Ita communiter Theologi, qui refellunt Melchiorem Canum, dicentem, in Christo suspensum fuisse gaudium, quod naturaliter ex visione Dei sequitur, eo tempore, quo fuit Viator, ut dolere & tristari posset. Christus ergo simul fuit & Viator & Comprehensor: ut Viator tristatus & passus est, ut Comprehensor beatus exstitit, & gaudio plenus. Porro Christus non tantum quàm Comprehensor, sed etiam quàm Viator simul summè gaudebat & dolebat de sua Passione. Dolebat enim de ea secundum partem Animæ inferiorem, quatenus hæc Passio fuit noxia naturæ; gaudebat de ea secundum partem superiorem, quatenus illa erat à Deo volita, & ordinata ad hominum salutem.

Nota Secundò. Hanc tristitiam non tantum in appetitu sensitivo, sed etiam in voluntate Christi fuisse, saltem secundum partem ejus inferiorem, quæ naturaliter respicit & amat bonum naturæ suæ, scilicet vitam, & sanitatem, refugit verò oditque mortem, & dolorem, de iisq; trista-

tristatur. Id ita esse patet ex Christi verbis, dum orans Patrem, ait, *verumtamen non sicut ego volo, sed sicut tu.* Voluntate ergo suâ naturaliter volebat liberari à morte.

Porro multæ fuerunt in Christo Causæ tristitiæ, ob quas ab initio *Conceptionis*, per omnem vitam, usque ad mortem *continuo summè tristatus est.* &c.

Franciscus Arias de Imitatione Christi lib. 3. Parte 3. Tract. 1. Cap. 22. initio. Tractans de Prudentiæ virtute, prout illa stimulat animû, ad operandum bona, cum diligentia, atque promptitudine, pro oblationibus ad id occasionibus: probat hoc exemplis in primis ipsius Christi ac primum isto. [Illo ipso temporis puncto, quo Pater Æternus decrevit dari initium Redemptionis Generis humani; subito Filius Dei de regalis gloriæ suæ sede descendit in istud exilium, & humiliatus, atque nostrâ carne vestitus, verusque homo pro redimendo homine factus est. Et quia redempturus eum erat patiendo pro ipso, ideo in instanti Conceptionis suæ ex Virgine, & postquam creata ejus Anima benedicta, corporique infusa, & personæ Divinæ hypostaticè unita est, incepit statim pati pro homine. Quoniam in illo eodem puncto, vidit illa Anima omnia tormenta, opprobria, & mortem in Cruce, per quam illi transeundum patiendo fuit. Vidit & omnia peccata quæcunque homines commiserant, committebant, & commissuri erant, ab initio mundi, usque ad finem. Atque hæc causabant in illa Anima Sanctissima angustias, & tristitias inenarrabiles, & incomparabiles, & durantes usque ad mortem.]

Ludovicus de Ponte tomo 1. in Cantica lib. 4. Exh. 4. initio, ubi sic loquitur. [Tertius fasciculus Myrrhæ colligendus superest, ex amaritudinibus & doloribus, quos perpeffus est Christus Dominus, ex quo in utero Virginis conceptus est, usque dum exspiravit in Cruce.] Et post interjecta aliqua. [Sed ulterius, quia illum nihil unquam latuit, tunc (infans in utero) perfectissimè cognovit etiam cuncta quæ usque ad mortem Crucis passurus erat, ad eaque perferenda pro nobis libentissimè se obtulit. Unde in ipso primo suæ Conceptionis instanti, plenus fuit eâ myrrhâ, quâ postea erat paulatim producturus foras. Tunc bibit simul voluntate & affectu totum calicem Passionis, quem successu temporis bibiturus erat per partes.]

Bartholomæus de Amicis libro 2. Meditationum de Sacris Christi Vulneribus. Medit. 7. quæ est de vulneribus Christi Domini internis, in ipso initio ita loquitur. [Considera quomodo Sancta Anima Christi,

sti, statim postquam amavit corpus ejusdem, cognovit voluntatem Dei Patris, de redimendo genere humano à peccatis, per ipsius Christi mortem. Vbi simul representati sunt illi omnes dolores & ignominia, quas perpassurus erat, representata autem non in confuso, sed prorsus distinctè & quolibet sigillatim. Unde Christus cognoscendo omnes illas pœnas, atque contemptus, & ignominias, vivacissimè, statim in ejus voluntate causata est, angustia quædam acerbissima, quæ illum torfit plus quàm dum in actuali Passione perpassus est dolores extrinsecus. Externi enim & actuales Passionis dolores adveniebant Domino successivè & unus post alium separatim; at in angustia illa, atque tristitia interna, representati sunt illi omnes simul distinctè, tanquam si mare dolorum, & afflictionum irruisset in Sanctissimam illam Animam, eamque inundasset. Hic anima mea subsiste & admirare Sanctissimam illam Christi Domini Animam in corpusculo intra viscera materna manentem, simul verò tunc inundatam unâ immensâ afflictione, tanto majore, quantò adhuc tunc erat corpusculo teneriori, & imbecilliori unita.]

Hugo Victorinus relatus à supra dicto auctore sic loquitur de Christo. [In illo instanti Conceptionis, Divina Voluntas, per justam sententiam mortem dictabat, & Christi Voluntas, per obedientiam, illam sententiam acceptabat.]

Aloysius Novarinus. lib. de Tributo Divino, trib. 15. ait Dominum non fuisse parcum in sua pro nobis Passione; idq; à primo Conceptionis suæ instanti.] Ut supra rituli Modo 63. initio.

Cardinalis de Lugo de Incarnatione disp. 22. sect. 2. de Dolo- & tristitia Animæ Christi disputans. Afferit primò num. 15. [De Dolo- re, certum de fide est fuisse in Christo. *Isaia 53. 4. Verè langvores nostros ipse tulit, & dolores nostros ipse portavit.* qua de causa appellat eum Propheta, *Virum dolorum.* Hoc etiam probant omnia testimonia, quæ dicunt Christum Passum esse. *Lucæ 24. 26. Nonne oportuit Christum pati: & ita intrare in gloriam suam.*

Deinde ad Tristitiam (quam à Dolo- re distinguit Num. 19.) progrediens, eam sensibilem cum dolore, cumque aliis sensuum molestiis, eidem Christo Domino attribuit.

Dubitatur postea, & quærit, an Tristitia fuerit solum in appetitu sensitivo, an etiam in voluntate Christi? Num. 20. atque ait quòd [Communis & verissima sententia est, actum Doloris & Tristitiæ fuisse etiam in voluntate Christi, & quidem non solum in portione ejus inferiori, sed

sed etiam
res & rati-
lorum, &
te sua, qu-
erat obje-
voluntate

Post h-
tuerint e-
lem habet
tis tristiti-
simul co-
Hic diffi-
munis est
ralem, c-
spensatio-
hoc ut p-
eandem

in 3. Par-
quorum
tentiam
plicet, a-
voluntate
tio, peri-
terea, C-
petitu se-
voluntate

Man-
tristitias
mundum

Quæ-
perpetu-
Christi
tis affe-
finem ta-

Supp-
ster lex
human-
ma VER-

sed etiam in superiori, Num. 21. Cum enim hæc sit quæ versatur circa res & rationes æternas, Christus autem tristatus fuerit de fuga discipulorum, & de peccatis hominum, propter offensam Dei: item de morte sua, quæ etiam considerata secundum regulam rationis superioris, erat objectum honestè amabile: non est cur negetur actus tristitiæ in voluntate Christi, secundum portionem etiam superiorem voluntatis.

Post hæc subdit num. 22. [Difficultas gravior est, quomodo potuerint esse simul in eadem voluntate, actus summæ delectationis, qualem habebat Anima Christi, ortam ex visione beata, & actus vehementis tristitiæ. Hi enim actus videntur esse contrarii inter se, nec posse simul constare, quòd aliquis hilaris sit & tristis, in gradibus intensis.] Huic difficultati respondet in hunc Modum. Num. 26. [Solutio communis est. Gaudium vehemens habere quidem repugnantiam naturalem, cum tristitia: non tamen essentialem, atque adeò ex Divina dispensatione factum esse, ut potuerint esse simul in voluntate Christi, ad hoc ut pateretur pro nobis, non obstante repugnantia naturali.] Hanc eandem solutionem referunt ex aliis Theologis, & sequuntur, Suarez in 3. Part. tom. 1. disp. 38. sect. 3. Vasquez ibidem disp. 37. Cap. 4. &c. quorum verba hic referre ego supersedeo, cum Cardinalis eorum sententiam jam retulerit in sua? Quamvis autem Cardinalis non sic explicet, agnoscatue Christum totà vitâ suâ dolorem atque tristitiam in voluntate, & sensitivo appetitu habuisse: nihil refert; cum ejus assertio, perinde serviat, toti vitæ Christi, sicut alicui ejus parti. Addo præterea, Cardinali, nihil ferè dubii esse de Christi dolore & tristitia in appetitu sensitivo, animæ ipsius præcipuam esse difficultatem, an etiam in voluntate ejusque superiori parte dolor & tristitia fuerit.

Maneat ergo certum, in Anima Domini nostri existisse dolores & tristitias perpetuas, easque gravissimas ab initio Conceptionis ejus, in mundum, usque ad articulum mortis in Cruce.

Quæ autem fuerint sive objecta, sive motiva, sive causæ, quæ hanc perpetuitatem, simulque enormitatem dolorum ac tristitiæ in Anima Christi causaverint, excitaverint, & foverint, libet ex variorum sententiis assertionibusque collecta in unum, hoc loco strictim edisserere, & finem tandem tractatui huic imponere.

Supposito, quòd juxta doctrinam Fidei Christianæ, Dominus noster Iesus Christus fuerit Deus Homo & quòd in ipso Conceptionis suæ humanæ: ejus humanitas hypostaticè fuerit unita Divinitati, seu Divinæ VERBI Personæ: & quòd ab eodem instanti, Anima ejus intuitive

& bea-

& beatificè Deum viderit, inque videndo semper perseveraverit; & quod ab eodem instanti Conceptionis perfectū rationis humana usum habuerit, non minusque tunc, quàm in tota reliqua vita atque adeo etiam in presenti, omnia sciverit, cognitionemque omnium suæ perfectioni congruam, & plenissimam habuerit, rerum tam præteritarum, quàm præsentium, quàm futurarum, quoad omnes circumstantias earum; & quod ex speciali dispositione Dei, Christum ad salutem, redemptionemque generis humani per peccatum perditum, æternæque damnationis, & iræ Divinæ obnoxii, ordinantis: beatitudo Animæ illius visione Dei fruētis prohibita fuit in totam Humanitatem Christi, (ui connaturaliter debebat) demanare, sed relinquere patibilitatem, atque mortalitatem in eo, utpote per Passionem, atque mortem negotium salutis humanæ petacturo. Supposito inquam hoc quod retuli toto, manifestè sequitur, Christum Dominum live Animam ejus perspicacissimè, atque plenissimè habuisse cognita omnia objecta ad Passionē, & mortem suam pertinentia, omnesque causas, omnes fines, omnes effectus, omnes conditiones, atque circumstantias, omnes uno verbo, Dei tam absolutas, quàm permissivas, circa se, & circa vitam, nec non Passionem, mortemque suam voluntates.

Sciebat ergo Christus Dominus plenissimè suam à Deo, ante omne meritum suum, exaltationem & dignificationem, collatam sibi ab ipso per unionem Hypostaticam, per visionem Essentiæ Dei intuitivam, per beatitudinem, gaudiumque & fruitionem Dei beatificam. Ex hac scientiâ, & cognitione plenissima, tantæ suæ dignificationis à Deo, & tantæ Bonitatis, dilectionis, liberalitatisque Dei super se, ortum habuit in corde Christi, Amor tum appretiativus, tum affectivus, live intensivus, seu Theandricus, erga Deum, universaque, ad omnem ejus circa se voluntatem, & ordinationem, sibi ex tunc jam perspectissimam, adhesio, subjectio, promptitudo, & festinatio.

Ex eadem scientiâ ortum quoque habuit in corde ejusdem Christi, maxima, & planè etiam Theandrica, ejus erga nos homines, & erga omnem salutem nostram, propter Deum dilectio, promptitudo, profusio; omnimodaque ad exsequendam Dei omnem voluntatem, circa redemptionem nostram resolutio & applicatio.

Ex his duobus capitibus scientiæ nimirum & Charitatis Christi, utriusque perfectissimæ atque Theandricæ, promanarunt in Christo Domino, reliquæ omnes ejusdem in vita universa, usque ad mortem affectiones, & in his etiam fuere timores, dolores, tristitiæ, angoresque interni;

ni; qui sicut ab instanti Conceptionis Christi, habuerunt in ipso locum, ita & habuere actualem, reque ipsa effectum ob specialem prae-
dicationem, dispensationemque Dei, in Anima Christi, esse bea-
tā, passibilitatem tamen mortalitatemque relinquentis. Cui etiam
nequaquam praeiudicabat, imò verò stimulos addebat, Christi Domi-
ni, tum erga Deum; tum erga nos propter Deum Charitas, & perfi-
ciendae salutis nostrae alacritas, & aviditas. Cum hac enim consiste-
bat, omnis in redemptione nostra interventura, & jam tunc interve-
niens, seseque Christi Animae, & scientiae, atque Charitati obiciens dif-
ficultas. Cujus & plurima & gravissima genera, sive seminaria, fuisse,
facile cuique vel leviter Christi Domini conditionem insipienti pate-
re potest.

Prima Difficultas, primumque Seminarium dolorum, & tristitiae, I.
obiciebat se Christo, ex Infinitudine Dignitatis & Majestatis Divinae,
quae cum laesa, & contempta conculcataque esset, miserum & indignū
in modum valde à creatura sua vilissima, & ingratiissima, scilicet ab
hominibus, ejus reparatio, restauratioque, ad omnem usque adaequa-
tionem (ne dicam ad excessum) incumbere Christo Domino, quod
onus sanè, plūs quam gravissimum, difficillimumque fuit, & nullis
quantumlibet Gyganteis, sed solis duntaxat Theandricis humeris sup-
portabile, & satisfactibile erat. Christus Dominus ergo infinite Di-
gnissimam Dei Dignitatem videns, eamque ab hominibus, (quorum
ipse unus jam esset) agnoscens, simulque dolens, ac factam reparatamque;
quā plenissimè cupiens, totum se, totasque vires, & studia sua, in id
convertit, ut huic cupiditati suae, id est, Divinae Dignitatis, quā ple-
nissimae, condignissimaeque reparationi satisfaceret. Itaque optabat
per securam aeternitatem huic labori reparationis impendere se to-
tum, si ita Deo placitum esset, ut hac ratione satisfactio sua, non solum
ex se ipsa, nec etiam solum ex satisfaciente se ipso, verum etiam ex du-
ratione satisfactionis ipsius esset infinita, quod quia nequaquam statutum
vidit: optabat ad finem saltem mundi, & quā diu duraret genus hu-
manum in hoc saeculo, eidem reparationi Dignitatis Divinae sese peren-
niter consecrare ac immolare, quō tali ratione, suam satisfactionem
reparationemque Divinae Dignitatis extendens & intendens quantum
maximè posset, etiam copiosissimè, plenissimè, & condignissimè Deo,
ejusque Dignitati deserviret. Cum autem neque ad finem mundi suos
labores, passionisque pro reparatione Dignitatis Divinae, salutisque no-
strae durare, adverteret divini esse consilii atque voluntatis: illud eu-

piditati suæ remedium adinvenit & adlegit: ut non tantum octodecim horis extremis vitæ suæ pateretur, neque tantum tribus horis in Cruce pendens, ac moriens, desideria imperiaque charitatis suæ impletet: sed voluit totâ vitâ suâ, à primo limine illius usque ad punctum mortis, perpetuam doloris mœrorisque interni quàm exaggeratissimam in corde animoque suo crucem circumferre, ejusque doloris patientiâ Charitatem suam in Dei Dignitatem, & in nostram salutem explere; saturare, & saginare. Quod exaggeratissimum Christi Domini & votum, & opus, etsi exaggeratè satis erat reparandæ quâ Dei Dignitati, quâ nostræ salutis: nequaquam tamen omni ex parte sufficiebat Charitati, itaque ut illi amplius ampliùsq; obsequeretur, utq; eos quos dilexerat (Deum nimirum, & nos propter Deum) usq; in finem diligeret, dilectionemq; hanc propagaret, Sacrificium Sacramentumque altaris (nullo intellectu demirandum, nullâ linguâ explicandum) invenit & instituit, in quo perenniter usque ad finem mundi, pro nostra totiusque mundi salute, pro Dei, ejusque Dignitatis exaltatione, immolaretur, cruentaque sua Passio, & Mors, incruentè repararetur, & veluti continuaretur. Hoc ergo primum, & primarium etiam, est seminarium, ut dixi, atque difficultas Dolorifera Christi Domini à primo vitæ instanti usque ad finem ejus.

II. *Altera Difficultas* huic vicina, imò hinc emanans fuit: sita in obligatione reparandæ & satisfaciendæ ad omnem rigorem Iustitiæ Dei, quæ cum infinitè læsa & injuriata, damnoque in re sibi maximè debita atq; propria, affecta fuisset, infinitam satisfactionē exigebat, qualem, quia nulla creatura, ac ne simul quidem omnis exhibere poterat, sed infiniti valoris, potestatis, dignitatis, opulentiaque personam, quæ id præstaret requirebat, propterea hæc difficultas, cum toto suo, quantum quantum in iustitia Dei fuit pondere, in Christi Dei-Hominis humeros devolvebatur, immensumque & perennem dolorem in ejus Anima operabatur.

III. *Tertia Difficultas* fuit: ex habitu, conditione, atque statu violatoris, invalorisque in Divinum Ius & Dignitatem, habituque Rei læsæ majestatis Divinæ, qui Christo imponebatur, & subeundus fuit, ad hoc si vellet, & ad hoc ut posset hominum redemptionem peragere. Fuit hæc Rei & Violatoris Divini Iuris & Dignitatis habitus susceptio; usq; adeò Christo Domino gravis, & onerosa, ut suâ gravitate, omne reliquum onus Passionis quod supportandum erat in opere redemptionis, longè, longissimèque antecederet, & nisi Charitas Christi, atque liberalitas

ralitas erga Deum, & erga nos propter Deum, amaritudinem hujus statûs mitigasset, acerbitatem dulcorasset, onerositatem sublevasset, turpitudinem honestasset: poterat Dominus IESVS, ob hanc unicam Redemptioni nostræ adnexam conditionem, oneri, & operi Redemptionis nostræ penitus renuntiare. Idque etiam si tantum unius peccati, atque peccatoris speciem, & vultum suscipere debuisset. Quanto vero magis id poterat facere, debebatque abhorreere, quando & omnium sceleratorum, & simul omnium scelerum habitum induere, speciem, & formam exhibere, reum se gerere, & supplicii omnium sese exponere, atque supponere, jubebatur? Quid enim magis horrificum, quid magis abominandum, quid magis indignum, quid magis repugnans Dei Personæ atque Dignitati, quam reum peccati etiam minutissimi, videri, reputari, judicari, damnari, speciemque & formam suscipere? Quis ferat substantialem sanctitatem, Innocentiæque Fontem, sordidissimâ peccati, & peccatoris veste indui, cum iniquis, imò Caput iniquorum, non tantum apud ingratos, impiosque homines, verum etiam apud ipsam Dei Æterni pietatem, apud ipsum Iustitiæ æternæ tribunal statui, reputari, & eo nomine supplicii, tormentis, morti demum ipsi addici?

Quarta Difficultas ex ipsorum peccatorum multitudine & enormitate in Christum se evolvens. Manifestum est enim, immensam quandam immensitatem esse peccatorum & malitiæ, seditatisque eorum, cui capiendæ, nullus humanus intellectus sufficit, quæque omnem dimensionem, sive latitudinis, sive altitudinis, sive profunditatis, sive longitudinis excedit, ducens initium à primo lapsu Protoplasti, usque ad ultimum mundi finem: hujus tanti malitiæ oceani atque abyssi expiatio, & abolitio, ad æqualitatem rigorosam requirebatur, & cum ea nulli creaturæ possibilis esset, ad extremum Homini-Deo Christo imponebatur, imò imposita est: juxta illud Isaïæ 53. 6. *Posuit in eo Dominus iniquitatem omnium nostrum.* Quæ impositio, quamvis à Christi Charitate totis viribus cordialis alacritatis excepta est, immanem tamen simul difficultatem menti Christi objecit: quam non semel per voces Prophetarum testatus est: ut cum Psalmo 23. 1. ait. *DEVS DEVS meus, ut quid dereliquisti me? longè à salute mea, verba delictorum meorum.* quasi dicat Patri Æterno. Id circo me dereliquisti, quia peccata & delicta, quæ in me translata, & mihi imposita suscepi, nullam mihi vitæ meæ spem faciunt, nullam viam salutis relinquunt, sed me ad mortem adigunt. Et alibi, Psalmo 39. 13. *Quoniam circum-*

IV. 1

derunt

derunt me mala, quorum non est numerus: comprehenderunt me iniquitates mee. Verba sunt Christi de peccatis, & sibi impositis, & à se assumptis ad satisfaciendum pro eis, sed laboriosissimè, sed arduosissimè, atque insuper lethalissimè. Quæ fuit

V. *Quinta Difficultas* Christo objecta etiam in primo limine vitæ suæ. Iam tunc enim Christus Dominus plenissimâ cognitione cognovit omnem enormitatem poenarum, & calamitatum, & mortis, sibi præparatam & assignatam, tum in omni vita sua secutura, tum verò præcipuè in epilogo vitæ, atque in tempore actualis Passionis suæ: sciebat quoque jam tunc Dignitatem & excellentiam Personæ, atque Innocentiæ suæ: sciebat & teneritudinem complexionis temperieque suæ Theandricæ: sciebat mensuram omnium & singulorum, dolorum suorum. Ex hac scientia non poterat non oriri, in tenerissimo corde Hominis Dei, adæquata cognitioni apprehensio, & tam rationali, quàm sensitivo appetitui representatio, ex hac autem amborum haud dubiè proportionata adæquataque afflictio, & angustiatio, atque (ut Dominus ipse loquutus est) Coarctatio. Cujus rei evidens experimentum fuit in horto, ubi Christus & expertus, & confessus est, Tristitiam animæ suæ fuisse usque ad mortem, cum tam enormibus angustis, ut deduci ad agoniam, & ad sudorem sanguineum, naturam humanam in Christo tenerissimam oportuerit. Quæ animi animæque Christi angustia, semel quidem tantum prædictâ occasione in apertum prorupere, ac non solâ hac occasione, Animæ Christi insedere, verum ex quo in ærumnarum suarum vivacissimam cognitionem Christus venit, venit autem in ipso vitæ suæ limine, ex eo etiam & apprehensionem cognitionis, objectisque cognitis parem, & appetitibus amibobus, representationem atque impressionem adæquatam concepit, totâque deinceps vitâ persensit: estò dispensatoriè eam foras erumpere non nisi ab Hortensis luctû initio, & tempore permisit.

VI. *Sexta Difficultas* Christo Domino se objecit ex obligatione à se suscepta poenitendi atq; dolendi in Animo pro nostrum omnium, omnibus quoque peccatis, super se assumptis, & ad satisfactionem pro eis præstandam à se acceptatis. Omni enim peccatori, sive propria sua peccata, sive aliena quidem sed in se assumpta abolere cupienti, primò omnium agnoscenda peccata, deinde poenitiæ dolor, & retractatio in animo habenda atque exercenda venit, ac tandem satisfactio exhibenda condigna, exterioribus aliquibus operibus, acceptis illi, cui exhibetur. Proinde & Dominus Iesus hunc ordinem in nostrorum expiatio-

piatione peccatorum servavit, primò namque reum se, atque peccatoris speciem habitumque gerentem, Deo exhibuit; tum pro omnibus & singulis peccatis, condignum in mente sua, & corde suo dolorem, ac poenitentiam deprompsit, ac tandem, ad exteriorè quoque Passionem & mortem pro iisdem nostris tanquam suis peccatis accessit. Quantus verò dolor ille poenitentiae fuerit in corde Christi, docere potest tum immensa Dignitas, Sanctissimaque Iustitia Dei peccatis violata, tum Christi, in Divinum honorem, & nostram salutem Amor, & Zelus, tum indignitas scelerum in Deum patratòrum, tantà eluvie, tantàque exundatione, ut eis eluendis, nulli oceani, nulli aquarum, esset ex omnis creaturæ lachrymis per omnem æternitatem aggregati gurgites abyssi que satis unquam fuerint futuri, sed oportebat Divini ipsius Cordis fontes & cataractas in ablutionem resolvi, atque effundi.

Septima Difficultas fuit objecta Cordi Christi Domini ab immanitate soli Christo satis comprehendendæ æstimandæque damnationis æternæ, peccatoribus propter scelera sua indubitanter debitæ, atque etiam irremissibiliter luendæ. Caput erat, & Caput se esse sciebat, (quin & amabat) nostrum, Dominus Iesus: nos verò omnes corpus ejus & membra ejus, quorum ille integritatem & salutem curaturus advenerat, & in se susceperat, eamque operam, vitæ salutisque propriæ anteposuerat: damnationis æternæ malum penitissimè noverat, & suis momentis expendebat: illi obnoxia esse, & fore, membra illa sua evidenter sciebat atque videbat; & quomodo quæso dolore Cordis intrinseco non tangi, non inquam angî, & non cruciari omnibus vitæ momentis poterat? una illa cogitatio: quòd (verbi gratiâ;) Iudas in æternum à Christo alienandus, & nunquam ejusdem corpori reinsertendus, sed in sempiternis pœnis demergendus esset: omnibus cruciatibus, omnibus crucibus, omnibus Crucis doloribus, gravior fuit, atque intolerabilior. Quem dolorem quàm altè infixum, & quàm perpetuò molestum haberet in Cordis sui divini penetralibus, ipsemet Dominus attestatus videtur. *Nonne ego duodecim elegi vos, & unus ex vobis diabolus est.* Ioannis 6. 71. Et ad Patrem loquens: dicit. *Quos dedi tibi mihi, & nemo ex eis perivit, nisi filius perditionis.* Ioannis 17. 12. Hic Iudas Diabolus, gravior Christo fuit, quàm Lucifer cum omnibus affecis suis: & in hoc perditionis filio amplius Christus doluit, quàm in tota sua Passione, atque perditione. Magnitudo namque mali, perfectè præsertim cogniti, parem causat doloris tristitiæque magnitudinē. Et cum malo damnationis æternæ nihil sit gravius, & illud Christo

VIII.

Domino jam inde à Conceptione sua perspectissimum fuit, simulque universam generis humani aggregationem illi obnoxiam, atque destitutam, certissimum existit: quis tandem cogitare sufficiet, qualem quantumque Dolorem, ac mœrorem Cor Domini Iesv Christi, ex hoc objecto adeò calamitoso, & nullis lamentis elamentabili, pertulit, & totâ quidem vitâ pertulit?

Octava Difficultas dolorifera objecta fuit Christo, ex vilitate, atque indignitate, nec non inutilitate hominum, & in sua quidem ipsorum naturali creataque, & multò etiam magis in peccatrice, peccatoque destructissimæ, & defædatissimæ, conditione. *Quid est homo, quod memores ejus, aut filius hominis, quoniam visitas eum?* aiebat demirans David Psalmo 8. 5. Quid dixisses mi Propheta, si hominis non memorem, sed propter Hominem, Deum Hominem factum, & pro eo indigna omnia extremaque passum vidisses? Certè tanta Dei propter vilissimos, & nullius frugis usûsque homines, profusio & dejectio, nulli alteri causæ præterquam excessivæ ac nimix dilectioni attribui potest. Cur autem adeò dilexerit hominem Deus; nullam causam reperire est possibile, nisi in ipsamet dilectione sua, alioqui si ad causas ex hominibus respicias, innumeras invenies contemnendi, nullam autem diligendi causam. Dilectio ergo, divino Dei nostri cordi, quatenus quidem à charitate fluxit, dulcissima illi fuit, at quatenus ad vilissimos homines sese ex mandato charitatis exporrexit: acerbissimum eidem cordi Dolorem, repugnantiamque ingessit.

IX.

Nona Difficultas Dolorifera Christo Domino se obtulit, ex ingratitude, malitiâ, & sterilitate, contemptioneque hominum omnium, quâ usuros homines secum prævidebat, & pervidebat Dominus noster, tam vivente se atque conversante se inter illos, tempore vitæ suæ mortalis, quàm etiam deinceps post suum in cœlos abitum, usque ad mundi finem. In totius generis humani populo unum alterumque hominē vix Christus scientiâ suâ omniscia videbat, plenè & planè gratum futurum, sumptibus, laboribusque suis, à se propter homines impensis, & exhaustis: at verò infinities infinitos videbat, qui similiter infinities infinitis, iisdemque enormissimè sceleratis modis, futuri erant beneficiorum, dolorum, ærumnarum, mortisque suæ, plùs quàm ingrati, plùs quàm contemptores, plùs quàm abjectores, conculcatores, & omnium pessimorum pro omnibus optimis redditores. Hostales videre, & prævidere, & in numerato adeò multos habere, & omnium singulorum sceleratam ingratitude, ingrathamque malignitatem perno-

pernoscere, & nihilominus ad faciendum eis omnia bona, ad subeundum pro eis, ab eisque etiam ipsis omnia infanda, amanter, libenter, liberaliter, profusè, prodigèque, Deum-Hominem descendere: quis cogitabit, sibi ve persuadebit, potuisse hoc absque intimo, absque viscerali, absque incogitabili dolore, mœrore, horroreque cordis Iesv inherere? *Filios enutrivit & exaltavi, illi autem spreverunt me: queritur alicubi Dominus apud Isaiam. 1. 2.* Quid cogitabat, quid ipsum sibi dicebat Cor Boni Iesv, videns ac dicens. Cùm in forma Dei essem, exinanivi me ipsum formam servi accipiens. Cùm sine peccato essem, pro omnium peccatis passus sum. Cùm essem vita, pro omnium morte mortuus sum: ipsi autem spreverunt me, ipsi autem in semetipsis, iterum, iterum, iterum, iterumque crucifigunt me. De filiorum Helli ingrata victimarum tractatione, dolenter loquens Deus. *Calce abieciſti victimam meam. 1. Reg. 2. 29.* Carnes scilicet hircorum, arietum, bouum Deo immolatorum. Quid sensit Dominus noster JESVS Christus, pro mundo ceu Agnus ad victimam ducendus atque immolandus: quin & ductus atque immolatus: & tamen ab eodem ingrato mundo, & calce abjiciendus, & in Cruce mactandus, reque ipsa crudeliter & abjectus, & mactatus.

Decima Difficultas Doloris in Christi Domini corde Seminarium X.
fuit, ex Hebraici populi ingratitude, malitiaque erga Christum peculiariter suum, sibi, & ex suo sanguine, speciali Dei munere missum, atque donatum. Itemque ex ejusdem ingratiſſimi populi propter scelus in Christum commissum abjectione, & repulsâ à Deo, ab omnibus electi populi prærogativis. Fuisse hoc & quidem magni doloris mœrorisque Christo Domino Seminarium, tum res ipsa indicat naturâ suâ, tum ipse Dominus, tam per Prophetas, quàm per sua ipsius verba indicavit. Fuit in Domino nostro tener affectus erga gentem & sanguinem Abraham, eò quòd ex eo nasciturus, atque etiam natus erat: expressit hoc apud, Ieremiam. 13. 11. *Agglutinavi mihi omnem domum Israel, & omnem domum Iuda: dicit Dominus: ut essent mihi in populum, & in nomen, & in laudem, & in gloriam, & non audierunt.* Et apud Isaiam. 1. 3. *Cognovit bos possessorem suum, & asinus præsepe Domini sui, Israel autem me non cognovit, & populus meus non intellexit.* Ibidem V. 24. *Propter hoc ait Dominus Deus exercituum fortis Israel: Heu consolabor super hostibus meis, & vindicabo de inimicis meis.* Expressius porro & affectuosius animi sui, & dolorem, & mœrorem, ex ingrati infelicisque populi ejusdem abjectione, & reprobatione indicavit, quando

appropinquans. & videns Civitatem, fleuit super illam, dicens. (Luc. 19. 44.) Quia sic cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis. Quod si Paulus Apostolus fidenter de suo in populum suum à Deo abjectum affectu loquitur sic. Rom. 9. 1. Veritatem dico in Christo, non mentior, testimonium mihi perhibente conscientia mea, in Spiritu Sancto: quoniam tristitia mihi magna est, & continuus dolor cordi meo: optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, & gloria, & testamentum, & legislatio, & obsequium, & promissa: quorum Patres, & ex quibus est Christus secundum carnem, qui est super omnia. DEVS benedictus in sæcula Amen. Hæc inquam si Paulus in se persensit ob ruinam populi sui. Non sensit tantò amplius Christus, quantò plus beneficentiæ suæ profudit in populum suum (maximè carnem ex eo sibi assumendo) quàm profundere vel mero desiderio potuit Paulus? Fuit ergo ruina populi, & abjectio, & malitia, atque perditio populi sui, Christo, magna tristitia, & continuus cordis dolor: pro quo & factus est maledictum: maledictus omnis qui pendet in ligno. Gal. 3. 13. Deut. 21. 25. Propter hunc dolorem Domini nostri ex scelere ac perditione ob illud populi Iudaici: agnoscit Hieronymus illà oratione Domini ad Patrem in hortu. Pater mi si possibile est, transeat à me calix iste. non dixit transeat à me calix: sed calix iste: hoc est populi Iudeorum: qui excusationem ignorantie habere non potest, habens legem & Prophetas, qui me quotidie vaticinantur. Levius ergo fuisset Christo, & minus peccatum necis ejus, minorque ob ea damnatio alicujus alterius populi: qui ignorasset, de cujus sanguine Christus carnem non sumpsisset: in quo passu ei Pilatus non exprobrasset. Gens tua & Pontifices tui, tradiderunt te mihi. Joan. 18. 35. Sed neque Christus eidem Pilato dixisset. Propterea qui me tradidit tibi, majus peccatum habet. Joan. 19. 11.

XI.

Undecimum Doloris interni Christo Domino ab initio vitæ usque ad mortem fuit Seminarium. Exiguitas fructus, paucitasque salvandorum efficaciter per suam Incarnationem, Vitam, Labores, Miracula, Merita, Virtutes, Cruciatu, Opprobria, Crucem, & Crucis mortem. Sæpe in ore Christi fuit vox illa. Multi enim sunt vocati, pauci vero electi: quæ cogitatio nunquam non fuit in Christo, nunquam non sauciavit Cor Christi. Unde & per Prophetam quærit queriturque. Quæ utilitas in sanguine meo, dum descendo in corruptionem? Psal. 29. 10. Et per alium deprecatur dicens. Terra ne operias sanguinem meum: neque

neque inveniat in te locum latendi clamor meus. Job 16. 19. Quomodo enim sine dolore plus quam doloroso esse potuit Dominus JESVS : perfectissimè cognoscens Passionem & mortem suam, millenis, imò infinitis mundis, si applicarentur salvandis suffecturam : nihilominus nonnisi paucos electos efficaciter salvaturam : infinitis autem reprobis, propter malitiam eorum, non tantum non profuturam, sed etiam ad cumulum æternæ damnationis accessuram.

Duodecima Doloris interni Domino nostro fuit seges, Amicorum & notorum suorum, inprimis verò Dignissimæ Matris suæ afflictio, atque (uti Simeon vocavit) Doloris gladius, qui Animam ejus pertransiturus erat in omni Passione Filii, si enim eum gladium prævidebat, & prænuntiabat, jam olim adhuc Infante Iesv, Senex Propheta Simeon : quanto magis prænoscebat, illo jam etiam tempore Dominus JESVS : cujus Spiritu afflatus de eo prophetabat Iustus? Non minus certè tunc quoque diligebat IESVS Matrem, quam cum aspicebat de Cruce ipsam Cruci suæ adstantem. XII.

Decima tertia Dolorum interiorum Christi Domini materia fuit, prævisi omnes dolores, labores, ærumnæ, cruciatus, quoscunque passuri erant omnes Apostoli, omnesque Martyres, in quibuscunque tormentis. Confessores item in suis mortificationibus, afflictionibusque Animi & Corporis, in persecutionibus, calumniis, contumeliis, censuris, detractionibus, jejuniis, vigiliis, paupertate, orationibus. Virgines quoque in certaminibus & defensionibus, & custodiis pro castitate. Conjuges in carne non secundum carnem militantes, in operibus bonis abundare satagentes, hoc mundo tanquam non uterentur utentes, in eleemosynas pauperum bona sua dispergentes, educationi filiorum, administrationi familiarum, & bonorum suorum laboriosè & periculosè insistentes. Præpositi quoque, & in Magistratu curaque aliorum positi, in suis administrationibus, & pro suorum salute, ac securitate, atque profectu, tanquam rationem reddituri pervigilantes. Omnes demum fideles, cum timore & tremore salutem suam operantes, & eam certam facere satagentes, tentationibus quotidie, & demonibus, carni quoque & sanguini rebeli, & mundo insidianti resistentes, atque repugnantes, vim & violentiam cælo facientes. Hos enim omnes & singulos, omnium singulorumque hominum fideliumque suorum, labores, & dolores, Dominus noster JESVS Christus, in semetipso, interno suo sensu, affectioneque, & suscepit, & sensit, dolens, gemens, orans pro omnibus : gratiam : robur, auxilium opportunum, impetrans. XIII.

petrans omnibus. Sciens se esse vitem, nos autem palmites; sciens se esse Caput, nos membra; sciens nos absque eo nihil posse facere. Nam si post ascensionem agebat Saulo: quid me persequeris? qui tamen non ipsum, sed credentes in ipsum persequabatur: quidni & totâ vitâ suâ, omnium suorum ærumnas pertulit; in omnibus eas portantibus, & portaturis, ipse simul portans.

XIV.

Decima Quarta Difficultas, quæ se objiciebat Christo in salute nostra, & dolorem Animæ ejus per totam vitam infeminabat, fuit ex Institutione futura Sacratissimi Sacrificii atque Sacramenti altaris: quam facturus atque subiturus erat, & quam subiturum se noverat, atque etiam statuebat, usque ad mundi finem. In quo suorum operum opere per omnem veritatem maximo, intuebatur perfectissimè Dominus Jesus, quantas subiturus erat, toto isto durantis sæculi, ad usque finem, cursu (ut uno verbo dicam) Indignitates, seu indignissimas suâ Dignitate Divino-Humanâ, suâ Pietate, Bonitate, atque Charitate, suâ liberalitate, atque miseratione, suâ dulcedine atque benignitate infinitâ, tractationes, per tot sæcula & annos, in tot locis, in tot, & à tot hominibus, tot talibusque modis, plus quam sceleratis, plus quam impiis, plus quam indignis, plus quam sacrilegis. Audeo dicere hoc unum charitatis, atque dignationis Christi opus, quo se ad omnes in Sacrificio & Sacramento altaris subeundas indignitates resolvit, pluris constituisse, & plus horroris, doloris, mœroris, tergiversationis Christo intulisse, ejusque eordi incussisse: quam omnes aliæ ejus ab instanti Conceptionis usque ad finem vitæ, imò quam omnes aliæ quæcunque abiectiones, humiliactiones, perpeffiones, excruciationes, cum ipsa Crucis morte, intulerunt, incusseruntque.

Plura de Doloribus Domini Nostri internis, deque eorum per totam vitam suam perpeffione, non addo. Hæc ut arbitror, sufficiunt probare, sententiam hanc, nec stultitiæ, nec falsitatis, nec temeritatis, nec præsumptionis posse damnari, neque esse contra apertam scripturam: uti alicui pronuntiare visum est.

Septem accommodationes Passionis & Orationis Dominicæ, aliâ quondam occasione conscriptas, his meditando Passionem Christi modis accensere volui: arbitratus hanc quoque meditando rationem devotis amatoribus contemplatoribusque Passionis non ingratam nec inutilem fore.

ACCOM-

ACCOMMODATIO I.

Conferre septem postulationes Orationis Dominicæ, septem effusionibus sanguinis Christi in Passione.

Pater noster qui es in cælis.] Oratio & ascensio mentis in Deum, qui cum peculiariter in Cælis resideat (estō Cælum & Terram impleat) ideo Christus Dominus docuit nos hunc in modum orationem nostram inchoare, ut ad Patrem in Cælo manentem corde ingredientes, ibi eidem petitiones nostras exponamus.

Sanguis Jesu Christi est clavis Cœli: quâ ille omnibus hominibus, Cœlum peccato occlusū referavit. Hanc ergo clavem accipe, & Cœlum tibi referans ingredi, & appropinquans ad Thronum Majestatis Dei cum fiducia, dic Patri cœlesti. *Pater noster, qui es in Cælis.*

Ex Evangelica narratione habemus, Christum Dominum septies potissimum fuisse pretiosum sanguinem suum, ad has effusiones sanguinis conferre potes totidem Postulationes Dominicæ orationis.

Prima Petitio. *Sanctificetur nomen tuum.* Prima sanguinis Christi effusio fuit in Circumcisione, octavo à nativitate die, quo etiam Sacrosanctum nomen Jesus à Patre quidem Æterno donatum, à Pretiosissima autem Parente inditum accepit.

Consecrasti & perfudisti bone Jesu sanctissimum tuum nomen, sanguine tuo: infunde etiam obsecro pretiosum istud nomen tuum, in corda omnium nostrum, ut in nobis per merita sanguinis tui, semper & amplius sanctificetur & magnificetur.

Secunda Petitio. *Adveniat Regnum tuum.* Altera effusio sanguinis fuit in coronæ spinæ impositione, quâ Caput Christi Domini crudelissimè confossum, sauciatur, & cruentatum fuit. Hoc cruore Dominus Jesus nobis cœleste regnum mercatus est, fecitque nos Patri Regale sacerdotium.

O Bone Jesu adveniat quæso hoc tuum Regnum in nos, & nos in illud: & per merita sanguinolentæ Coronæ tuæ, corona nos æternæ gloriæ coronâ, in beatissimo Regno tuo.

Tertia Petitio. *Fiat voluntas tua, sicut in Cælo & in terra.* Tertia sanguinis effusio fuit in horto, quando inter orandum ad Patrem sanguinem fudit Dominus, submitbens se ad omnem voluntatem ejus, & adhibendum calicem amarissimæ Passionis atque mortis, sibi à paterna manu pro nobis propinatum.

Da & fac ô Bone Iesu tuam sanctissimam voluntatem gustabilem,
ut semper

ut semper à nobis, & in nobis perfectissimè impleatur. Resperge sanguinei sudoris tui rore copioso corda nostra, & voluntates nostras, ut plenè, sincerè, æternaliter, voluntati tuæ subiectæ manentes, nullo unquam modo sese ab ea separent.

Quarta Petitio. *Panem nostrum quotidianum da nobis hodie.* Quarta Christi sanguinis effusio, fuit in flagellatione ad columnam; in qua corpus Boni Iesv multis vibicibus, & vulneribus, instar frumenti planè in farinam commolitum; Anima verò Sanctissima pane doloris & amaritudinis saginata fuit.

Da nobis Bone Iesv gustum in pane quotidianæ tribulationis, propter amorem tuæ benedictæ voluntatis: condians eum nobis condimento tui pretiosi sanguinis: ut nobis omne gaudium sit, pati semper aliquid amarum, à suavissima tua Providentia nobis ordinatum.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quinta sanguinis Christi Profusio, fuit in detractione vestium, ad cruentum vulneratumque Domini Iesv Corpus, tenaciter adhærescentium: quæ detractio præter acutissimum dolorem, vulnerumque renovationem, fieri non potuit absque magna & multiplici sanguinis effusione.

O mi Iesv quoties renovamus nos peccatores vulnera tua amarissima, dum ad inolita revertimur peccata? Attramen tu dissimula inconstantiam nostram, renova autem indulgentiam tuam. Effunde iterum atque iterum balneum sanguinis tui super iniquitates nostras, propter quam & nos iteratò & iteratò condonamus debitoribus nostris, omnia debita nostra.

Sexta Petitio. *Et ne nos inducas in tentationem.* Sexta effusio sanguinis fuit, quando Christus Dominus noster Cruci affixus & inter latrones deputatus, venenatisque & blasphemis omnium linguis, tanquam signum, cui ab omnibus contradiceretur, expositus fuit.

Assume tibi crucifixum hunc Iesvm in scutum contra omnes tentationes, adversitates, periculaque corporis & animæ. Sanguine pedum ejus, ablue & emunda inordinatos affectus tuos. Sanguine manuum ipsius supple & adorna paupertatem nuditatemque operum tuorum, ut sanguine isto signata non iram, sed gratiam, nec pœnam, sed mercedem coram oculis Dei inveniant, & de manibus ejus referant.

Septima Petitio. *Sed libera nos à malo. Amen.* Septima sanguinis effusio fuit, in transfixione lateris & cordis Domini Iesv jam mortui, ex quo vulnere exivit sanguis & aqua. Sanguis quidem in pretiū

redem-

redemptionis: Aqua autem in ablutionem omnis peccatoris.

Pete, ac impetra te admitti ad hoc balneum, & inibi abluere ac deponere omnia inquinamenta cordis tui. Fuge sicut columba simplex, & imbellis à facie rapacium milvorum, ad foramina hujus petrae, & ibi securè inhabitans requiesce, non solum nihil mali formidans, sed etià apertum aeternae felicitatis ostium possidens.

ACCOMMODATIO II.

Conferre septem extrema Christi in Cruce verba cum septem Postulationibus Orationis Dominicae.

Pater noster quies in caelis.] Crux Christi est veluti navis, aut pons super mundi & vitae hujus stagnantes aquas, stratus, in eorum gratiam & commoditatem, qui hanc navem, aut pontem istum, ad vitae suae viam adhibere volunt. Cave exscendas navem hanc, cave pontem hunc negligas, indubitè namque diluvium absorbebit te. Insiste potiùs ponti huic perque eum progrediens portum tene, portamq; refera caelestem tibi, & coram throno Majestatis Dei prostratus dic toto corde tuo. *Pater noster, quies in caelis:* coram Te ego vilis creatura effundo desideria cordis mei, &c.

Prima Petitio. *Sanctificetur nomen tuum.*] Primum verbum Christi in Cruce. *Deus meus Deus meus, quare me dereliquisti.* Semper & assiduè Dominus Jesus, cor suum ad Patrem Aeternum conversum & adhærens habebat, & tam in prosperis, quàm in adversis nomen ejus sanctificabat, nec in Cruce pendens, à consuetudine sua cessavit, sed in ipsa etiam amarissima derelictione vocem nihilominus & mentem suam devotissimè, humillimè, fidentissimèque ad Patrem convertit.

O Bone Jesu propter nos in doloribus Crucis derelictè, & nihilominus nomen Patris tui sanctificare non oblite, doce me, & mecum omnes servos tuos sanctificare nomen tuum divinum, tam in prosperitatibus, quàm in adversitatibus: præcipuè autem & nominatim in ultimo agone mortis, à Te non derelinquamur, sed potiùs omnipotentis dexterae tuae auxilio, ita efficaciter confirmemur, conservemurque, sicut fiducialiter ad Te confugientes clamamus, Deus Deus noster, ne derelinquas nos nunc, & in hora mortis nostrae.

Secunda Petitio. *Adveniat regnum tuum.* Aliud Christi in Cruce verbum fuit. *Hodie mecum eris in Paradiso.* Quo verbo exaudivit Dominus Jesus latronem petentem ac dicentem sibi, Domine memento mei, cum veneris in regnum tuum. O admirabile certamen! latro

solum sui reminiscant aut mendicant, Dominus vero integrum suum regnum plenamque secum beatitudinem absque ulla dilatione confert.

Ergo licet repletissima iniquitate creatura tua, obsecro Te libera-
lissime JESU, euacua me ab omni amore studioque hujus mundi, &
inflama me ineffabili desiderio regni tui; & quodcumque ego petens
dico, *Adveniat regnum tuum*; Tu ex bonitate tua semper in vita &
morte mihi responde. *Hodie mecum eris in Paradiso* celestis gloriae.

Tertia Petitio. *Fiat voluntas tua, sicut in Caelo & in terra*. Tertium
in Cruce Christi verbum fuit. *Consummatum est*. Totum scilicet quid-
quid in scripturis scriptum, quidquid à Patre in Caelo decretum de
Christo fuit. Habes homo, exemplar vivum consummatae obedi-
entiae, subjectionisque ad voluntatem Dei. Felix anima quae semper, quae
veraciter, quae in omni vitae mortisque articulo dicere potest Deo suo.
Consummatum est Domine universum beneplacitum tuum. Exora
ergo humillimam instantiam bonitatem Dei, ut te transformet nunc qui-
dem in perfectam subjectionem, postea vero in beatificam fruitionem
suavissimae voluntatis suae.

Quarta Petitio. *Panem nostrum quotidianum da nobis hodie*. Quar-
tum Christi in Cruce verbum. *Sitio*. Quo verbo Dominus Jesus te-
status est, non tam sitim suam corporalem, (licet & hanc ardentissimam
passus sit, ob immanitatem, diuturnitatemque poenarum) quam po-
tius interiorum salutis animarum nostrarum. O mi homo, Jesus prae
fame sitique salutis animae tuae moritur; & tu nihilominus procrastina-
tione tuae poenitentiae, tuae emendationis, tui profectus excruciare illum
non desinis? Te Deus ardentissime sitis, tu autem ingratissime Deum
contemnis? Siti tandem & ipse vicissim Deum. *Hoc enim bonum solae
voluntate tibi venale proponitur, cupiditatem ipsam sui Deus ingentis pre-
tium loco habet. Sitit sitiri*. Ergo quemadmodum desiderat cervus ad
fontes aquarum, ita sitias Deum, ita sitias tuam & proximi salutem, in
virtute profectum, cum Christo conformitatem, cum Dei voluntate
unionem. Hic sit tuus quotidianus panis, quotidie renovari Spiritu
mentis tuae, & æmulari charismata meliora, te aliosque tecum ad per-
fectiorem viam Dei trahere & rapere. Non potes meliore viatico ac
pane viam vitae mortisque tuae instruere, quam pane assidui in gratia vir-
tutibusque profectus, quam alienae salutis ardenti & laborioso zelo,
quam Sacrosancti Eucharistiae Sacramenti convivio. Haec enim omnia
sunt Panis electorum Dei.

Quinta Petitio. *Et dimitte nobis debita nostra, sicut & nos dimitti-
mus*

Nazian-
zenus

Orat. 40.

mus debitoribus nostris.] Quintum Christi verbum in Cruce. *Pater* *agnosce illis, quia nesciunt quid faciunt.* Hoc verbo Dominus IESVS crucifixoribus & interfectoribus suis postulavit & paravit misericordiam apud Patrem. O si quomodo liceat potiri hoc corde, & discere hoc idioma IESV: ut homines condiscant isto idiomate, condiscant inimicos suos & debitores convincere.

Ecce Domine IESV innumeros habes crucifixores tuos, ecce habes & me, unum illorum, inter ipsos; impetra quæso nobis omnibus omnium indulgentiam veniamque culpæ, præsertim in articulo mortis meæ, propter articulum mortis tuæ, & dimitte mihi omnia debita meæ, sicut & ego per gratiam tuam, propter charitatem tuam, dimitto omnibus debitoribus meis omnia debita meæ.

Sexta Petitio. *Et ne nos inducas in tentationem.*] Sextum Christi verbum in Cruce. *Ecce filius tuus, Ecce Mater tua.* Quo verbo Dominus IESVS Matrem suam juxta Crucem stantem, discipulo Ioanni, Ioannemque Matri suæ commendavit. Nemo potest esse immunis à Cruce, quilibet sub Cruce esse cogitur; non tamen omnes sub Cruce IESV sunt, neque omnes, estò sint sub Cruce IESV, subsistunt. Multi sub ea jacent, multi gemunt, multi sub ea tœdio nauscant, multi eam obijciunt. Non est hæc consultatio ratio, cruce, tentationes, adversitates, cum murmure, cum ira, cum tœdio tolerare. Stare oportet modeste, quietè, patienter, fortiter, hilariter, famelicè, humiliter, constanter, maxime quando IESVS ipse propter me in Cruce pendet, dolet, moritur. Grande utique discrimen est, pendere affixum in Cruce; & stare solummodo sub Cruce: sufficit tamen si vel hoc solum præstes, trades te IESVS Matri suæ in filium, & tibi Matrem, Matrem suam. Quæ pretiosior consolatio sub cruce stanti, quod majus subsidium in tentationibus posito, quæ major felicitas, & gratia in quavis adversitate, ac in primis mortis tempore, quàm habere Matrem IESV in Matrem suam, esse Matri IESV in ejus filium, nec unquam dum spiras, deserere IESV Crucem?

Septima Petitio. *Sed libera nos à malo.* Septimum verbum Domini, in Cruce. *Pater, in manus tuas commendo Spiritum meum.* Hoc verbo IESVS conclusit vitam & Passionem suam, cumq; isto verbo, portæ mortis subintravit. Quid tu igitur ô homo tibi desideres & quæras amplius, quàm ut exemplo Christi IESV commendatâ & traditâ in manus Patris Aeterni animâ tuâ, ex eas ex hoc misero mundo ad Patrem? Nunc dum licet per vitæ tempus eam tibi apud Patrem Deum para-

duciam.

duciam. Nunc ama & imple omnem voluntatem Dei. Sic in hora mortis confidenter dices Deo; Pater, in manus tuas commendo spiritum meum.

ACCOMMODATIO III.

Conferre septem loca Passionis Dominicæ, cum septem postulationibus Orationis Dominicæ.

Pater noster qui es in cælis. Passio Salvatoris nostri, est veluti semita ad cælum & vitam æternam; qua de re certos nos reddidit, ipse Dominus, cum post Resurrectionem suam, dixit discipulis suis. Oportuisse Christum pati, & ita intrare in gloriam suam. Inliste igitur huic semitæ & tu, ac inter indubitata salutis consequendæ, signa connumera, si quando te Dominus Iesus dignatur participem facere Crucis & Passionis suæ.

Ioan. 12.
32.

Prima Petitio. *Sanctificetur nomen tuum.* Primus Locus Passionis Domini est. Mons Calvaria, in quo Dominus Iesus Crucifixus & medius latronum statutus, adimplevit illud promissum suum. *Et ego si exaltatus fuero à terra, omnia traham ad me ipsum;* ad fidem scilicet notitiamque veri Dei, ad sinceram quoque ejus dilectionem, ad mundi ejusque vanitatum contemptum.

O Bone Iesu, ecce cor meum terræ affixum, amoris proprii, plurimarumque curarum sarcinâ gravatum, affectibus & passionibus immortificatis, inordinatis infectum, ad tuæ Majestatis voluntatisque obsequium rebelle; trahe quæso illud, ad te, omnipotenti gratiâ tuâ, & voluntate, ut Sanctissimum Majestatis tuæ nomen sanctificet, ac veneretur.

Secunda Petitio. *Adveniat Regnum tuum.* Alter Locus Passionis Domini fuit, Prætorium Pilati, coram quo Dominus noster Regnum suum spirituale confessus est, & à Pilato Rex nuncupatus, & concupiti regni nomine à Iudæis accusatus, eadem de causa ibidem spineo diademate coronatus, purpurâ vestitus, Rex genu flexo consalutatus, sceptro arundineo, conspuationibus & alapis dignatus est.

O mi Iesu, quàm magno Tibi constat hoc miserum satis super nos peccatores, & inutilissimos homunciones Regnum! O nullum sinas dominari nobis Dominum, præter Te Domine Iesu Rex vere. Ecce enim superbia dicit nobis; Ego regnabo. Ecce ira dicit; Ego Rex ero. Ecce Avaritia, Invidia, Luxus, Acedia, volunt regnare super nos. Averte mi Iesu hos Reges à nobis; Tu solus esto Rex noster. Tu solus

lus posside nos. Sit regnum tuum, maneatque in nobis & nos in eo.
Ut Tu in nobis, & nos Tecum regnemus in sæcula.

Tertia Petitio. *Fiat voluntas tua, sicut in Cælo & in Terra.* Tertius Locus Passionis Christi, Hortus; In quo Dominus Iesus posteaquam se totum voluntati Paternæ permisit, sponte quoque suâ suis qui eum ad necem quærebant hostibus obviam venit, seseque obtulit. Non inhibuit Dominum Iesum ab amore & obsequio voluntatis Divinæ gravitatis rei imperatæ prorsus gravissima ex omni genere circumstantiarum. Cujus gravissimi oneris effectus in sudore sanguineo agoniaque mortali patuit, quando instar botri, in torculari pressi vel calcati, omnibus membris ejus guttæ sanguinis decurrentes, in terram emanarunt, estd hæc pressura in sola duntaxat mentis apprehensione fuerit peracta, & ne dum in opus externum re ipsâ producta.

Otinam aliquando in cordibus nostris ita pretiosa, æstimabilisq; fiat Divina voluntas, ut illam omnibus rebus, illi autem nullam rem omnino præferamus, propter nullas nostras privatas cupiditates, propter nullas humanas rationes, eam transgrediamur, sed potius eam semper plenè toto cordis conatu exsequamur, illi conformemur, in illam transformemur, illi ad instar Domini Iesv libenter, fortiter, constanterque adhæreamus, & subjiciamur.

Quarta Petitio. *Panem nostrum quotidianum, da nobis hodie.* Quartus Locus Passionis Christi fuit Cœnaculum, in quo postquam se Dominus Iesus, ad usque discipulorum pedes lavandos abjecisset, stupendumque illud humilitatis magisterium facto, & verbo exhibuisset: dein sub speciebus panis & vini Corpus & Sanguinem suum fidelibus suis, in cibum & potum animabus salutarem obtulit, & reliquit.

O verè dilexisti nos Domine Iesv usque in finem? O homo, ecce Deus tuus, exhaustis omnibus liberalitatis suæ modis, totum se tibi impendit, & quidem in cibum etiam potumque impendit, idque eò solùm, ut tu vicissim te illi impendere ne graveris. Et audes etiam nunc moras nectere, audes inire rationes accepti & dandi? Nunquid credis plus te daturum Deo, dando te ipsum, quàm accepisti ab eo, accipiendo illum ipsum? Pro monstrum humanæ seu stultitiæ, seu sterilitatis, quæ dans se Deo, & accipiens Deum sibi, etiã veretur ne fortè plus dederit quàm acceperit? Redde igitur, redde te Deo tuo, & redde totum, redde guttam, & accipies mare; redde granum, & accipies acervum; redde atomum, & accipies universum: redde nihil, & accipies totum. Permite te Providentiæ Dei, qui semetipso pascit, & nutrit, & saginat

te, sine ut vicissim pascatur, nutriatur, sagineturque te, profectu tuo, amore tuo, desiderio tuo. Sis Panis ejus, qui est panis tuus, etiā enim Deus esurit à te ipsum te, sicut & tu mendicas à Deo ipsum se, panem quotidianum.

Quinta Petitio. *Et dimitte nobis debita nostra, sicut & nos, &c.* Quintus Locus Passionis Christi Domus Caiphæ Pontificis fuit: ubi Dominus noster falsò accusatus, malignè judicatus, injustè innocens ad mortem damnatus, crudeliter totā nocte, tormento & contumeliā interrogatus est. Numera & tu quoties in omni vitā tuā, Deus justo suo judicio invenit te reum mortis, & tamen usque hodie pepercit tibi oculus ejus: & misericordia Dei fecit, quòd nec dum in inferno habitet anima tua. Nonne supplicabis ardentissimè huic Amori tuo, ne abbreviet, amoveatque à te misericordiam suam, sed propter omnes injurias illas, quas propter te in domo Caiphæ totā nocte sustinuit, condonet tibi iniquitates tuas, obliviscaturque injurias suas, donetque tibi cor misericors, & injuriarum faciliè constanterque obliviscens, ut ita proximi debitores tui referant à Te veniam debitorum suorum: sicut tu optas & petis tibi à Deo referre condonationem debitorum tuorum.

Sexta Petitio. *Etenim nos inducas in tentationem.* Sextus Locus Passionis Christi Palatium Herodis Regis, in quo Dominus Jesus, Majestas utique suprema, & Sapientia Æterna, pro stulto, pro ridiculo, pro infano reputatus est, & fatuorum morionumque albā veste indutus, omnium sannis & jocis expositus est. Sic scilicet vera virtus, humilisque ac pauper innocentia, apud homines præsertim sæculi hujus pullos, & mundi Sapientes aestimatur insania & sinè honore, derideturque justī simplicitas, ab his qui astuti sibi videntur. Sed venient dies, quibus serò errorem cognoscentes, ipsi contra se sententiam ferent dicentes, & præ angustia spiritūs gementes. Ergo nos insensati, erravimus à via veritatis. Neminem igitur pauperem despexeris, neminem justum, & innoxium abjeceris, neminem derelictum deserueris, neminem simplicem & rectum irriseris unquam; omnium enim horum causa derelicta est Deo, & ipse causas eorum intuetur, simul ac tuetur. Quod si te ob Dei aut virtutis negotium, studiumve contemni, fatuumve reputari contingat, gloriare in isto nomine, & peculiarem id, Dei erga te favorem reputa. Etenim qui propter IESVM despicitur, hic ab IESU coram Patre Cœlesti ejusque Angelis prædicatur.

Septima Petitio. *Sed libera nos à malo.* Septimus Locus Passionis Christi, sepulchrum in quo Dominus IESUS de Cruce depositus, mater-

nis delibutus lacrymis, sepultus est. Non deposuit se ipsum à Cruce Dominus, neque ipse suam eam deseruit, non interrupt cursum Passionis suae, non à tramite Paternae voluntatis deflexit, donec in sepulchro clausus quiesceret. Vade, & tu fac similiter, tuis laboribus in via victus, perfectionis, operumque bonorum, in bajulatione Crucis Christi, & persecutionum propter iustitiam, sola mors, solumque sepulchrum faciat finem. Quamdiu tempus mercaturae est, negotiari ne desine, dum tempus habes bonum operare, donec vesper mortis adveniat, labora in vinea Domini, usque dum accipias diurnum denarium, in praesenti quidem gratiae, & meriti, in futuro autem gloriae & praemii: usque dum dicat tibi spiritus, ut requiescas à laboribus, à tentationibus, à conflictibus tuis, usque dum detur tibi merces magna nimis in manus: possessio scilicet omnis boni, & securitas ab omni malo in aeternum.

ACCOMMODATIO IV.

Accommodando septem Petitiones Orationis Dominicae, totidem convulserationibus Christi Domini.

Pater noster, qui es in Caelis. Dominus Jesus Christus noster est in Caelo Mediator & Advocatus apud Patrem: cujus in omnibus necessitatibus nostris vultui assisit pro nobis, ostentans ei vulnera, quae pertulit pro nobis in corpore suo, & veluti ad Patrem ita perorans. Quoniam ego vulnera ista, propter obedientiam tuam, & propter salutem humanam pertuli, non ergo pereant hi, quos adeo pretioso lytro redemi, &c. Ea propter Dominus Jesus, etiam in glorioso corpore prodicens à sepulchro, reservavit nihilominus praecipua manuum, pedum, & lateris vulnera, ut ejus ad Patrem interpellatio pro nobis efficacior, & salus redemptioque nostra certior quodammodo fieret. Ad haec ergo vulnera confuge, haec Patri Aeterno representa, ex his auxilia salutis prome, his te ab justa ira vindictaque Dei protege.

Prima Petitio. Sanctificetur nomen tuum. Prima Convulseratio Capitis Christi Domini à spinea Corona, quae sacratissimum Christi caput multipliciter, & profundè lethaliterque convulseratum, proposuit simul univèrso mundo spectandum, verum Christum sive Unctum Domini, non oleo quopiam, sive unguento, sed sanguine proprio. Huius tam pretiosae copiosaeque unctionis cum capite, simul facti sunt participes etiam capilli, hoc est, fideles & amatores omnes Christi. Esto & tu unus ex capillis Jesu oleo pretiosissimi sanguinis intinctus, sed ita ut inhareas capiti, neque à capite decidas, neque te dolosa Dalila abradat.

radat. Indecorum quidem est Capiti capillis nudari, sed & capillo nulum pretium est avulso à Capite. Ornant & vestiunt capilli Caput suū, orna & tu Caput tuum JESVM, moribus & actibus tuis, sanctificeturq; nomen ejus ex omnibus sanctis operibus tuis.

Secunda Petitio. *Adveniat regnum tuum.* Secunda Convulneratio Dextræ manūs Christi, ad quam manum Dominus JESVS latronem bonum poenitentem & confitentem habens, eundem de Cruce in Paradisum ac Regnum suum transtulit. Ne invidē bonam fortunam latroni fortunato. Sed tamen eandem tibi ipsū desidera, & postula. Sic Dominum tuum estō Crucifixum, estō Crucifixus semper confitere, ut te suā dexterā, propter amorem tui vulneratā, complectens ac benedicens, introducat in Paradisum, & in Regnum suum.

Tertia Petitio. *Fiat voluntas tua, sicut in Cælo & in Terra.* Tertia Convulneratio, dextri Pedis Christi, qui propterea vulneratus est, ut semitæ vestigiaque & ambulationes cordium nostrorum, merito sanguinis ejus, nec non doctrinā & exemplis illius corrigereantur, & in executione voluntatis Divinæ erudirentur. Amplius ergo ne jam exeres, neque declines in partem malam, propriæ tuæ voluntatis, sed ita exsequere omnia, quæcunq; Deus tuus vult, sicut exsequuntur Sancti omnes in Cælo, sicut exsequebatur cor ipsius JESV in hac vita. Sicut exsequitur ipsemet Deus omne beneplacitum suum in perpetuam gloriam suam.

Quarta Petitio. *Panem nostrum quotidianum, da nobis hodie.* Quarta Convulneratio lateris JESV, per cujus apertionem emanavit thesaurus Sacramentorum, & penu omnium spiritualium alimentorum, quibus animæ nostræ cibari, nutriri, & saginari delectabiliter salubriterq; possent in omnem vitæ æternitatem.

Dulcis JESV admitte animam meam ad hunc aquæ vivum fontem, hoc est ad lateris cordisque tui amabilem scaturiginem, ut ex ea sugat cibum, potumque salutarem Sacramentorum tuorum, hauriat exinde panem quotidianum supersubstantialem, ac cœlestem, quo in labore peregrinationis hujus vitæ confortetur, donec per auxilium gratiæ tuæ, feliciter ad patriam perveniens inibi fruatur Te, Pane vitæ æternæ, quo nutriuntur omnes Sancti, & Electi tui in Cælo.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quinta Convulneratio totius Corporis, in flagellatione illa crudeli, in qua Dominus JESVS, ob multitudinem plagarū, à planta pedis ad verticem Capitis vulneratus, & veluti in unum quoddam

dam perpetuumque vulnus, totum per corpus immutatus est.

Tua hæc imago est o Anima mea, tu est verissima effigies, tu es a tuis iniquitatibus convulnerata, & tantum non in ipsam iniquitatem immutata, cumulatam est vulnus tuum, super vulnus, nimirum peccatum peccato superadditum, en tamen in promptu medicina est. Ex integro scilicet saucius JESVS, ad integram sanitatem tuam. Sana Bone JESV, sana omnium peccatorum meorum vulnera, vulneribus membrorum tuorum: dele omnes iniquitates meas, copiosâ & redundante redemptione tuâ: & ego vicissim deleo de corde meo, omnes offensas, omniaque debita inimicorum, ac debitorum meorum sincerâ dilectione tuâ.

Sexta Petitio *Et ne nos inducas in tentationem.* Sexta Convulneratio, Sinistri Pedis Christi. Sinister pes cordium nostrorum est propensio ad malum voluntatum nostrarum, huic pedi insidiatur assidue ille antiquus serpens, hostis animarum nostrarum, hunc pedem ad lapidē offendimus, quàm frequenter, tam & periculosè, hoc pede appropinquamus usque ad portas mortis; ideo amator animarum nostrarum JESVS, sinistram pedem suum transfigi voluit, ut corda nostra ex diaboli laqueis expediens illa post se incedere faciat, & per semitas Iustitiæ gradientes, usque in regione vivorum eadem constituat.

Septima Petitio. *Sed libera nos à malo. Amen.* Septima Convulneratio Sinistræ manû Christi. Tremendo privilegio, an veriùs gladio obarmata est, sinistra manus Domini: ad sinistram enim ipsius stabunt hædi ab ovibus separati, hoc est reprobi, & impii omnes, æternæ damnationis fulmineam sententiam expectantes.

O mi JESV ergone hunc in finem sinistra tua vulnerata est, ut ex ea non salutifer sanguis, sed igneus damnationis furor stillet super peccatores? Transfer dulcis & pie Domine JESV, transfer nos peccatores licet, redemptos tamen tuos, à sinistra tua, ad dexteram tuam, & nos libera à malo, à peremptorio nimirum decreto furoreque tuo. Non au liamus à Te Domine amarum illud verbum: ite maledicti: sed potius sonet in auribus nostris, vox tua illa dulcis. Venite benedicti, &c.

ACCOMMODATIO V.

Accommodando septem Petitiones Orationis Dominicæ totidem comitibus, seu totidem condimentis Passionis Christi.

Pater noster qui es in Cælis. Considera Dominum JESVM esse nostrū exemplar

exemplar & speculum, tam vivendi seu agendi, quam patiendi in præsenti vita, quod speculum in omni quidem vita & opere Domini, at potissimum & luculentissime in Passione ipsius elucescit. Converte itaque & desige oculos tuos in speculum istud, inspicere, & secundum illud fac, attendens diligenter, ne qua ex parte dissimilem te Christo Domino effingas. Frustra enim obstrepit Deo, *Pater noster qui es in Caelis*, ille, qui Jesum Crucifixum non effinxit in se, qui non portat stigmata Domini Jesu in se, qui Passionis ejus socios non adscivit ad sese.

Prima Petitio. *Sanctificetur nomen tuum.* Primus Jesus Patientis socius & Comes fuit. Contemptus, vilipensio, inhonoratio, & omnis gloriæ detractio. Totus vitæ Christi Domini decursus istiusmodi sociis familiaribusque fuit stipatus: attamen Patienti illi vel maxime frequens adfuit, adeo ut in quovis momento & articulo Passionis suæ usurpare potuerit Dominus verba illa sua? *Ego honorifico Patrem meum, vos autem inhonorastis me.* Et tu ergo ô homo, propter contemptum Jesum elige & desidera contemni. Hic tibi sit unicus honor, hæc tua maxima veneratio atque glorificatio, & exultatio, propter honorem, propter voluntatem, propter amorem, propter imitationem, despecti vilificatiq; Jesu, despici, contemni, vilificari. Dignus est utiq; Deus Dominus noster, ut nos alioqui naturâ vilissimi servi ejus, propter honorem ipsius, per omnia vilificemur, estô ille nostri causâ nullatenus contemptus foret, quanto verò magis par est, nos penitus penitusque exinaniri, atque pulverisari nunc, quando videmus propter amorem nostri Deum nostrum usque adeo contemptibus saginatum, opprobriisq; saturatum, & prorsus per omnem suam capacitatem expletum. O verè dignum & justum est, ut per contemptions vilificationesq; nostras, honorificetur, & exaltetur Deus noster, sanctificeturque nomen sanctum ejus.

Secunda Petitio. *Adveniat Regnum tuum.* Secundus Jesus Patientis socius fuit, Paupertas, Mendicitas, Nuditat. Hunc socium Jesus habuit ab ipsa Nativitate sua, quæ adeo mendicitatis plena fuit, ut stabulo & præsepî, & fœno, à jumentis emendicato, utendum illi fuerit. Ea tamen Paupertas ultimam suæ perfectionis soliditatique metam, in Passione demum & morte assecuta est. Pendens enim in Cruce amabilis Jesus, re ipsâ atque veritate demonstravit, sese & volucris & vulpeculis esse, ac mori pauperiorem atque nudior. Habent enim isthæc animantia nidos suos, foveas suas, in quibus quiescere & fovere se possunt: at Jesus neque ubi caput reclinarer, neque ubi moreretur, neque ubi

ubi demum sepeliretur, locum suum habuit. Assume tu quoque, o homo, juxta statum vitæque tuæ conditionem, mendicantem & nuditatem Jesu in Comitem. Esto Pauper spiritu, esto nudus ab omni, ad te, & creaturas omnes affectu, esto solutus à superfluarum, à commodarum, à necessariarum etiam rerum cura, esto liber ab omnibus amoribus, & studiis, & possessionibus & proprietatibus earum rerum, quæ Deus non sunt. Sis ditissimâ, hoc est, nudissimâ Paupertate stipatissimus, & tunc adveniet tibi Regnum Patris, audiesque à Domino verbum illud: *Beati Pauperes Spiritu, quoniam ipsorum est Regnum Cælorum.*

Tertia Petitiō. *Fiat voluntas tua, sicut in Cælo & in Terra.* Tercius Christi Comes, Infirmitas, Coactio, & Impotentia. Et si enim Dominus oblatus est, quia ipse voluit: & nemo tollebat ab eo animam ejus, sed ipse pro potestate atque voluntate ponebat, iterumque sumebat illâ, n hilominus in omni Passione sua videri volebat planè impotens & insufficientis, tam ad effugiendum, quàm resistendum Passioni & inimicis: videri volebat Prudentiâ, sagacitate, consilio, potentiâ, æquitate denique adversariorum suorum captus, convictus, coactus, superatus, & omnia tormenta, mortemque ipsam passus. Usque adeo Dominus Jesus suum ad Dei Patris voluntatem absolutæ subjectioni, tum suæ pro nobis patiendi, debitaque nostra ad novissimum quadrantem exsolvendi cupiditati indulgit, ut Passionem suam per omnia summa & acerba exaggeratam, omnis verò absolutè mitigationis, & solatii, imminutionisque expertem esse voluerit: eaque de causa, totam suam voluntatem, potestatem, sapientiam, libertatem, à se ablegavit, omnemque illam, non tantum Patris Æterni placito, & honori, verum etiam hostium suorum arbitrio, & potestati, tanquam instrumentis, consilio, & decreto Dei famulantibus permiserit: adeo ut verissimè dictum fuerit à Propheta. *Fecerunt in eo, quaecunque voluerunt.* Et iterum: *Satiati sunt panis meo.* Et rursum. *Factus sum sicut homo sine adjutorio.* Atque hæc demum est vera fames sitisque patiendi; talis deberet esse Patientia perfecta amatorum & imitatorum Christi Passi, ut nimirum sic pati velint, sic patiantur, quasi nocentes, esto innocentes; quasi impotentes ad resistendum, esto sufficientes & validi; quasi justè ac debite, esto contra jus & fas, non comminantes, non resistentes, non malum pro malo reddentes, sed malum in bono vincentes, inimicos excusantes, defendentes, & vero corde amantes, atque inter benefactores & amicos reputantes. Hujusmodi Patientia opus perfectum habet, hujusmodi Patientia, Charitatis, & Humilitatis est, hujusmodi Patientia ab amore proprio, à vani-

Marc. 9.

12.

Iob. 16.

11.

Psal. 87.

5.

tate, & superbia procul est, huiusmodi Patientia Christi Patientia amula, vicina, & socia est.

Gen. 3.
19.

Quarta Petitio. *Panem nostrum quotidianum, da nobis hodie.* Quartus Iesv in Passione socius fuit. Labor, Fatigatio, Debilitatio, Defatigatio. O quanto labore laboratum, sudatumque est à Domino Iesv: ut exiret à nobis nostra rubigo, & ferrugo? O quanti constitit! quantarum fatigationum meis Christò Domino fuit, tum obedientia ad Patris Aeterni voluntatem, tum conatus elaborandi nostrum omnium æternam salutem? Et Adamo quidem dictum est. *In sudore vultus tui vesceris pane tuo.* Noster autem Redemptor toto corpore sanguinem sudare, omnem carnem suam innocentissimam, plagis, livore, vulneribus convestire, totum sanguinem profundere, vitam ipsam animamque ponere necesse habuit, ut abominandam scabiem foeditatemque peccatorum nostrorum elueret ac eraderet, æternæ autem felicitatis vestem nobis indueret. Et post hæc omnia nos tamen homunciones ad laborem sicut volucres ad volandum natos, pro salute nostra æterna tantillum laborare sudareque piget. Et quis est qui ad sanguinem usque peccato resistat? quis est qui velit servire Christo usque ad defatigationem?

O laboriose & nostri causa defatigate Iesv, sudore tuo quæso dulces nobis levesque fac omnes labores & fatigationes nostras, propter voluntatem & gratiam tuam, propter exaltationem & gloriam tuam, propter salutem, & perfectionem nostram, & fratrum nostrorum, æternam,

Matth.
22. 14.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintus Iesv in Passione fuit Socius, Sterilitas, Infertilitas. Post tantos enim sumptus, post tantos labores, quos Dominus Iesvs nostræ salutis, ac redemptioni impendit: quibusque mille mundorum millia redimere, salvare, ac æternæ gratiæ, gloriæque optibus ditare supra modum poterat, nihilominus exiguum valde numerum electorum, ex non minus tremendo, quam iusto Patris Aeterni decreto accepit, teste ipsomet Domino Iesv dicente toties. *Multi vocati, pauci vero electi:* quasi diceret. Multi quidem sanguine meo redempti, pauci tamen efficaciter salutem adepti. Cum Dominus Iesvs terris relictis Cælos conscenderet, quingentos vix fideles discipulosque suos reliquit: heu quàm exigua messis, tam copiosæ sementis, quam ipsemet Dominus Iesvs, utique non insipiens agricola & seminator, sparserat?

O Iesv quàm parcos & raros nunc quoque fructus laborum tuorum coligis,

colligis, quantam sterilitatem retribuunt tibi etiam nunc Anima nostra? licet eas tu, tam crebro, tamque copioso sanguinis, ac meritorum, & gratiarum tuarum imbre perpluis, & inundas. O Anima mea redi aliquando ad cor, & computa aliquando sumptus Domini tui, super te, debitorum tuorum rationes collige, vide quantis obstricta sis, quam solvendo minime sis, in quantis te accusant? clama procidens ad Dominum. Misericordiam habe in me, & antiqua debita mea, errata sceleraque mea, sterilitatem ac infructuositatem meam, condona mihi ego autem deinceps cum gratia tua, uberiores fructus, bonorum operum, fructus virtutum sanctarum, fructus sanctitatis, & iustitiae, fructus honoris, & gloriae tuae afferam.

Sexta Petitio, *Et ne nos inducas in tentationem.* Sextus Passionis Dominicae Comes fuit, Ingratitudo, quam Dominus Iesus enormiter & extreme grandem, gravemque pertulit, nominatim ab illo, sibi dilecto, & electo Iudaeorum populo: ab eo enim post infinita, eaque singularia beneficia, solidam ingratisimi animi mercedem recepit. Quos ille honoravit & exaltavit, ab ipsis contemptus, & despretus est; quos, miraculis editis, sanavit, ab his vulnere, super vulnus concisus est; quibus vitam dedit, ab iis crudeliter occisus est; retulit ab eis pro amore odium; pro beneficiis maleficia; pro benedictionibus, maledicta; pro sincero, & paterno affectu, hostiles dolos, & fraudes, & molestias. O quam durus fuit hic Comes Ingratitudinis, beneficentissimae, & ad bene de aliis merendum, promptae, ac naturae, Christi indoli? Sed nunquid non idem prorsus condimentum, largitatis, ac beneficentiae suae, reportat etiam a nobis Dominus Iesus? Nonne quanto ille in beneficiis, super nos, profusior, tanto magis nos, in ipsum ingrati? Ideo etiam angustatur manus largitatis divinae super nos, ideo parciore nobis liberalitas gratiae Dei, ideo subtrahitur nobis in tentationibus robur, in periculis protectio, in difficultatibus auxilium, in dubiis lumen veritatis, in arduis spei firmitas, in frigore feruor charitatis. Vincimur ab hostibus, tam visibilibus, quam invisibilibus, damur in derisum, & opprobrium, his, qui oderunt nos: quia relicta est nobis domus nostra desertata, quia per ingratitude nostram, Bonitas & Largitas Dei, procul est repulsa. Oportet itaque reddere grates, pro gratiis Deo, si volumus habitare in beneficentia, & protectione Altissimi; oportet etiam ingratis nostris benefacere propter Deum, ut ingratitude satiati Iesu socii efficiamur, utque fiamus filii Patris nostri, qui pluit super iustos, & iniustos, & Solem suum oriri facit, super bonos, & malos: qui denique pro

istis ipsis, sanguinem fudit, animamque suam posuit, à quorum manibus, & furore, illum fudit, illamque posuit.

Septima Petitio. *Sed libera nos à malo, Amen.* Septimus IESV Patientis socius fuit. Dolor, & Cruciatu: quem, etsi totà vità suà, adjunctum sibi habuit, peculiariter tamen ille IESVM in Passione comitarus est, adeò, ut ea de causa, vir, & quasi Rex; aut veriùs, Regnum dolorum vocatus sit. Quia enim super Dominum IESVM posuerat Pater iniquitates, omnium nostrum, ideirco etiam disciplina pacis nostræ, ideirco omnis pœna, & castigatio omnium, & singularum iniquitatū nostrarum, venit, & incubuit super eum. Quare secundum multitudinem, & magnitudinem, peccatorum nostrorum, quæ, in se Christus susceperat, multitudinem etiam, & magnitudinem, castigationum, suppliciorumque, consequenter dolorum, & cruciatuum æqualem, imò longè superiorem suscepit, atque sustinuit. Ergo jam quisquis voles, metire, & penetra abyssum hanc dolorum IESV Christi, quod si minimè prævalēs, hinc saltem discē, & comprehendē, ex quibus, & ex quantis, tandem malorum, & dolorum abyssis, tu sis, per dolores IESV Christi, extractus. Ut enim tu non habiteris igne, ut non viveres in combustionē, & morte aeterna, Dominus & Redemptor tuus, IESVS, venit in altitudinem maris, dolum, & tempestas Passionis, atque cruciatuum demersit eum.

Psal. 68.

3.

ACCOMMODATIO VI.

Conferendo septem injurias Christi Domini compellationes: quas ab inimicis in Passione retulit, septem postulationibus Orationis Dominicæ.

Pater noster, qui es in cælis.] Considera Christum Dominum esse verissimam & ipsissimam Dignitatem Excellentiamque; tum rerū omnium, tum maximè fidelis populi sui Christiani: non ob id solum, quia ille est per Christum, ab æterna illa damnationis, & proscriptionis infamia liberatus; neque ob id tantum, quia idem populus est per Christū cohæres Regni cœlestis institutus: verum etiam ob id, quia omnes nationes Christianæ nihil habent, unde veriùs, justius, sinceriusque; gloriari possint, ac debeant, quàm ex IESV Christo Crucifixo, contempto, inhonorato. Hic est germanus genuinūque sensus totius Christianæ Ecclesiæ, cum Apostolo Paulo affirmatè dicentis. *Mihi absit gloriari, nisi in Cruce Domini nostri IESV Christi.* Et tu ergo si inter Christianæ Ecclesiæ, veros filios numeraris, nefas ducito gloriari in aliquo, præter

IESVM

Ad Gal.

6. 14.

IESUS Crucifixum: sed ille unus ac solus, tibi sit honor totus, ille dignitas omnis, ille tituli omnes, ille amplitudines omnes, laudes atque Majestates. Sit Iudæis scandalum, Gentibus stultitia, & Tibi cum omnibus electis Virtus Dei & Sapientia, & Excellentia, & omnis Decor.

Prima Petitio. *Sanctificetur nomen tuum.*] Primum Patientis IESU Cognomen fuit, Blasphemus, & impia de Deo indignaque loquens. Retulit hoc Cognomen Dominus IESVS, verus & consubstantialis Dei filius, *candor lucis æternæ*, tum ante Passionem, tum præcipuè Passionis tempore: adeò ut hanc præcipuam causam, prætenderint Iudæorum Primores, mortis Christi, *Blasphemavit*: exclamat Caiphas, *ecce nunc audistis blasphemiam*, quid vobis videtur? ac illi (universi scilicet Concilium) exclamaverunt. *Reus est mortis.*

Omni IESU tu in omni super terras vita tua id unum solumque præcipuè laborasti, ut manifestares Patris tui nomen hominibus, ut honorificares Patrem tuum, & clarificares super terram: & ecce nihilominus, tanquam in Deum injurius atque blasphemus reputaris; appellaris mortique addiceris: ita etiam Christi servorum conatus omnes, labores, sumptus omnes, consilia, apparatus omnes, quanto purius, sincerius, fructuosius, in exaltationem divini nominis & in propagationem gloriæ ipsius, diriguntur, exercenturque: tanto in deterius & obliquius a linguis, censurisque de vulgo, & etiam non de vulgo hominum detorquentur, sed talium hæc est consolatio singularis, quod vestibus, insignibusque sui Imperatoris induantur: ejusque titulorum participes fiant, & nomen Dei revera vitæ factisque suis sanctificantes, à mundo tamen, & filiis mundi probrum & improprium reportent.

Secunda Petitio. *Adveniat regnum tuum.* Secundum Christi Passi Cognomen, Ambitosus Regni appetens, falsus Rex. Eapropter Coronâ spineâ redimitus, purpurâ indutus, sceptro arundineo, genuflexionibusque illusoriè ornatus, & Rex consalutatus est. Eapropter etiam ad Crucem (quæ pœna ambitus fuit) damnatus inter latrones medius, ut latronum Rex statutus, denique Rex Iudæorum scripto appellatus est. Ita Rex æternæ Gloriæ, tanquam Rex æternæ infamiæ, ab hominibus illusorè est. Ita Rex Regum ad proprium Regnum pervenire voluit. Ita Rex & Deus noster nobis Regnum emereri cœleste, nosque suum Regnum facere prælegit. Nos autem, pro quam testudineo passu vestigia Regis hujus nostri sectamur! pro quam puerili futilique labore, ad æternum Regnum pervenire conamur! Clamamus quidem voce frequenter: *Adveniat Regnum tuum*, sed opere vicissim reclamamus, Recede à nobis Regnum Dei.

Tertia

Sap. 7.
26.Matth.
26. 65.Matth.
26. 66.

Tertia Petitio. Fiat voluntas tua, sicut in Caelo & in terra. Tertium
 Cognomen Palsi Iesv, Seditiosus. Commovens populum. Subver-
 tens gentem, &c. Atque hæc prima primariaque fuit Christi apud Pi-
 latum, per Principes Iudæorum accusatio. Hæc etiam de causa Barab-
 bam magis, quam IESVM petierunt dimitti, vitæque donari, ostensuri
 scilicet incomparabiliter IESVM magis seditiosum esse, quam Barabbas
 fuisset. Hoc Cognomen acquisivit Christus, per hoc, quia tam ver-
 bis, quam factis, omnes homines ad agnitionem, amorem, subiectio-
 nem, impletionemque Divinæ voluntatis perducebat. Estque id ho-
 dieque usitatissimum in mundo. Si enim obedire velis magis Deo,
 quam hominibus: si maiorem habeas rationem conscientie, legis divi-
 næ, æqui & veri, quam humanarum phantasiarum; illico tibi seditiosi,
 arrogantis, filii Belial, & sine iugo, inobedientis, turbatoris pacis, no-
 men cognomenque subeundum est. Sed nimirum antiquitus Sancti
 Dei homines obloquentibus istis obstruebant os, dicentes: *Si iustum est*
in conspectu Dei vos potius audire, quam Deum, iudicate. Et rursum.
Obedire oportet Deo magis quam hominibus. Usurpavit id ipsum & Do-
 minus Iesvs *Sicut mandatum dedit mihi Pater: sic facio.* O Sanctam
 & laudabilem hanc arrogantiam, adhærere Deo, insistere ejus volunta-
 ti, honorare magis Deum, quam idolum respectum humanorum.
 Quis det ad hanc seditionem commovere omnes gentes, ut conculcato
 idolo (quid dicent) omnes uno corde, ore, opere, dicant Deo semper;
Fiat voluntas tua, sicut in Caelo & in terra.

Quarta Petitio. Panem nostrum quotidianum, da nobis hodie. Quar-
 tum Cognomen Domini IESV Patientis fuit, Malefactor, & per omnia
 improbus, & cujus vita fuerit malè agere, atque *sicut aquam iniquitatē*
bibere. O Mare omnis bonitatis probitatisque Domine Iesv, qui pecca-
 tum non fecisti, in cujus ore dolus, in cujus corde iniquitas, reperiri
 non potuit: cui testimonium perhibuit turba dicens. *Bene omnia fecit:*
 hucine tandem reciderunt omnia, ut malefactor, & per omnia ne-
 quam appelleris? Consolamini iusti, & benefacientes omnes, nisi gra-
 na bonorum operum vestrorum terræ invidiæ, & maledicentiæ insepe-
 liantur, & oblocutionum, censurationumque simo lapidentur, & ob-
 ruantur, nullum fructum afferent, sed ipsa sola sterilia remanebunt:
 quod si in linguis, & censuris humanis fuerint macerata, & mortifica-
 ta, afferent sine dubio æternitatis fructum, etiam centesimum. Indu-
 bitatissimum enim uberrimæ in Caelo messis signum est, copia detra-
 ctorum in mundo. Idcirco Dominus suis imitatoribus dicebat. *Bea-*
ti eritis

et eritis cum maledixerint vobis homines, & dixerint omne malum adversum vos, mentientes, propter me, gaudere & exultate, quia merces vestra multa est in Cælo. Da igitur nobis Domine panem hunc, semper quotidianum in hac vita, confectum ex detractionibus & censuris hominum, in crastino autem, hoc est in altera vita da nobis panem, ex gratia & gloria tua æterna, preparatum.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quantum Cognomen Christi Patientis fuit, Reus est mortis, debet mori, filius perditionis & mortis. Verè Domine Iesv dignus, & reus, & Filius eras mortis, qui factus es pro nostris peccatis hostia & oblatio, super quem, posita sunt iniquitates omnium nostrum, ut in Te, & per Te expientur, usque ad exsatisfactionem Iustitiæ Paternæ. Propter hoc autem nos ex filiis iræ, facti sumus filii gratiæ; ex filiis mortis, filii vitæ; ex filiis damnationis, facti sumus filii regni, & beatitudinis: ita ut illa Dei iustitia, quæ antea nobis debebat pœnas, & supplicia, jam ob merita, solutionemque tuam, facta sit nobis debitorum vitæ, mercedis, & præmiorum æternorum. Idcirco illi non quasi petentes, sed veluti exigentes dicimus. *Dimitte nobis debita nostra, &c.*

Sexta Petitio. *Et ne nos inducas in tentationem.* Sextum Iesv Patientis Cognomen fuit, Pseudopropheta, Seducitor, Falsarius. Quod Cognomen, ita serviebat Domino Iesv, sicut soli convenit nox, aut igni frigus. Vocatus est nihilominus isto nomine Dominus hostis, tam ante, quam post mortem: Et quidem ideo, quia falsitates, dolos, errores, deceptiones hominum refellebat, & coarguebat. Veritatem autem prædicabat, & prædicebat. Dilexerant nimirum homines magis tenebras, quam lucem, nec volebant ad eam accedere, ut non arguerentur opera eorum, quæ utique erant mala, quod ipsum & hodie reperire non est difficile: homines enim, qui malè agunt, qui putrescunt ut jumenta in stercore suo, vocant tenebras lucem, & lucem tenebras, bonum malum, & malum bonum, doctrinam veritatis, & placitum divinæ legis, & Sanctorum monita, & exempla, non verentur falsitatis, hypocrisis, superstitionis arguere, fatuitates appellare, huic sæculo, & his moribus minime convenire. Semper scilicet Deus hominibus Seducitor est, semper Pseudopropheta; nemini minus quam Deo credunt, immo scelera sua, & prave voluntatis nequitias, obstinationesque, ac duritias cordis appingunt Deo; interim verò totos se ad arbitrium fingunt diaboli, & mercede datâ conducunt, coguntque daemones in per-

nam suam: gloriantur cum male fecerint, exultant in rebus pessimis, suamque in obsequium diaboli propensionem, facilitatem, fidelitatem deprædicant.

O Veritas Iesv, qui verax Magister es, & viam Dei in veritate doces, aperi & detege dolos istos nobis; ne inducas nos in tentationem, ne deferas nos in laqueis & decipulis diaboli, sed emitte lucem tuam, & veritatem tuam, & affere nos in libertatem filiorum tuorum.

Septima Petitio. *Sed libera nos à malo, Amen.* Septimum Cognomen Passi Iesv, Latro & latronibus peior, latronumq; Princeps. Abunde hunc suum, de Domino Iesv, sensum demonstrarunt, quando illi Barabbam seditiosum, homicidam, & latronem, præposuerunt, quando illum cum iniquis deputarunt, quando illi patibulum proprium bajulandum imposuerunt, quando illum latronum publicorum morte, interque latrones medium, interfecerunt. Neque dissimulavit id contumeliæ Dominus Iesvs, quod ad comprehendendum se accinctis ludæorum ministris, & ipsismet Primoribus dixit: tanquam ad latronem existis, cum gladiis comprehendere me. Talia sunt humana iudicia: cum qui ab omni injuria corporis mentisque homines liberat, latronem, & omnis mali humani authorem fecerunt, & tanquam reverentem, turpissimam, crudelissimam, latronumq; propriam mortem affecerunt. Hæc est omnium piorum unica consolatio. Non est servus major Domino suo, si Dominum, latronis titulo ornarunt, servis quidni idem cognomen imponant. Si Patrem familias Beëlzebub, Samaritanum, demonium habentem, insanum, in furorem versum, veneficum appellarunt; quanto magis domesticos ejus paribus coloribus depingent.

Da Domine Iesv nos fieri participes, tecum omnis humani maledicti propter te: & libera nos, ab experimento omnis interni, & æterni mali, propter eundem Te.

ACCOMMODATIO VII.

Accommodando septem Effectus, sive fructus Passionis Christi, totidem Postulationibus Orationis Dominicæ.

Pater noster, quies in calis.] Considera Passionem Domini Salvatoris nostri, esse inexhaustum quoddam gazophilacium, ex quo cuiunque (modo libeat) licet haurire omnem bonorum abundantiam, omnem meritum, gratiarum, virtutum, auxiliorumque, tam exteriorum, quam interiorum copiam. Nemo iuste queri potest, se vel arceri ab hoc thesauro, vel parum quidpiam participare, vel pauperem

rem esse: omnia enim bona, tam in copia, quam & in aperto sunt, ad hoc unum ut hauriantur; & quidem quàm copiosissimè, avarissimè, asfiduissimè hauriuntur. Quàm enim Iesus totus vulneratus est, tam iste thesaurus totus plenus, totus apertus, & expositus est. Sibi ergo impudet, quisquis parùm, quisquis rarò, quisquis timidè, quisquis nihil haurit. Solus enim ille hinc expellitur, qui se negligentem, ac per hoc & indignum hauriendo exhibet. Nam de cetero ille commodissimè copiosissimèque participat, quisquis abrenuntians peccatis & jugum cupiditatum suarum pravarum excutiens, se suasque voluntates abnegans, Crucifixo Iesu sese conformat, voluntati Dei totum se submittit, proprii honoris & amoris conculcator, Deum insatiabiliter exaltat, meritis Christi sese dicit, virtutibus exornat, aeternæ beatitudinis hereditate sese dignum idoneumque reddit. Hoc autem quicumque vult præstare, admodum facile præstabit, modo gratia Dei non desit, & postea quam semel inceperit, usque in finem perseveret.

Prima Petitio. *Sanctificetur nomen tuum.* Primus Fructus Effectusque Passionis Christi est. Fides, Spes, Charitas. Sinè quibus virtutibus, nullo modo salus aeterna à nobis acquiri potest. Hæc enim est totius nostri ædificii Spiritualis structura, dimensio, & norma. Hoc est illud, quo Sanctificare nomen Dei nostri debemus, ac possumus. Hoc illud etiam est, quo uno, ac Solo Dei laus, & gloria, in mentibus nostris radicatur, & germinat. Credere in Deum, ejusque notitiam veram habere: in ejus auxilio, spem omnem collocare, deque ejus gratia, & manu liberali, salutem præstolari, & ad extremum eundem, super omnia toto corde amare, æstimare, & ab hoc nunquam deficere. Quod totum ex meritis, Domini nostri Iesu Christi, per Passionem, ac mortem, quæsitis habemus. Immo verò nihil nos ita illuminat, inque cognitionem Dei ducit, nihil ita revelat divina mysteria, nihil ita spem roborat, & in Deum firmat, nihil ita in nobis Charitatis flammam auget, & exaggerat, sicut Iesus Crucifixus, sicut Passio cruenta Salvatoris nostri. Hauri ergo, ô homo, de istis fontibus, de istis thesauris, de istis Gargophilaciis, vulnere Salvatoris; hauri, inquam, lumen fidei in Deum, robur fiduciæ in Deo, ardorem & efficaciam charitatis erga Deum. Si hinc ista non hauris, frustra aliunde speras, & quaris.

Secunda Petitio. *Adveniat Regnum tuum.* Alter Fructus Effectusque Passionis Christi est. Gratia & Amicitia, & Charitas Dei, in nobis manens, nosque Deo amabiles reddens. Quæ Gratia est nostra & Sanctitas, & Iustitia, hæc nos facit Dei Regnum, hanc mendicamus, quando

advenire in nos Dei Regnum rogamus : hæc est sementis vitæ æternæ, hæc est jus ad hæreditandum Regnum cœlestē. Ipsa est præcipuus flos mercedum, cruentis laboribus Christi repensarum, hanc quando nobis meritis suis acquisivit, hoc ipso nos Deo reconciliavit, hoc ipso nos Regnum Deo, & nobis Deum fecit.

Overum & beatum Dei Regnum, advenias tandem in nos, & mane in nobis in æternum. O pretiosissime thesaure, in agro Humanitatis Christi Jesu defosse, & abscondite, sed per vulnera, & Passionē ejusdē effosse, & in lucem producte, & a prudentissimo mercatore, impendio totius substantiæ suæ, nobis empte, atque quæste : Dona dulcis Jesu nobis hunc thesaurum, & illi nos, illumque nobis serva, ut eum semper possidentes, ejusque bonis fruētes, eundem transferamus nobiscum, usque in vitam, usque ad hæreditatem æternam.

Tertia Petitio. *Fiat voluntas tua, sicut in Cælo & in Terra.* Tertius Fructus Effectusque seu meritum Passionis Christi, sunt auxilia actualia, ad implendum voluntatem Dei, & ad præstanda opere omnia ad salutem, immo & perfectionem, tam necessaria, quam parata semper. Quia enim volenti ad vitam ingredi, opus est observatione mandatorū Dei; hæc autem nostris propriis viribus non fit, absque divino auxilio, Dominus Jesus postquam nos magisterio suo, de divina voluntate edocuisset; postquam nobis in ejus amore, & executione, exemplo prævisset, etiam auxiliorum, ad ejus impletionem, necessariorum, indubitatam copiam, nobis per suam Passionem & mortem promeruit, & obtinuit. Inde omnis cogitatio bona & sancta, omnis nostra voluntatis ad bonum affectus, omnis executio boni operis, omnis in bono perseverantia, omne peccati odium, & fuga, & emendatio, ab auxilio Dei est, ex meritis Christi est, quæ auxilia meritaque à Christo ita derivamus, sicut palmites à sua, in qua sunt vite, trahunt succum, vitam, incrementum, fructumque suum.

O viva & vera Vitis Bone Jesu : serva in te nos palmites tuos, purgatos, vivos, crescentes, fructuosos, abundanter, & perenniter fac nos. Sine te enim arescimus, præscindimur, & in ignem mittimur, & ardemus. Palmiti namque aut vitis debetur, aut ignis : ut ergo in igne non simus, in te vera vite simus. O caput nostrum nobilissimum : dirige nos in viam rectam mandatorum Dei : ut sic in te, ita & in nobis impleatur semper bona beneplacens, & perfecta voluntas.

Quarta Petitio. *Panem nostrum quotidianum, da nobis hodie.* Quartus Effectus Fructusque Passionis Christi fuit, Sacramentum Corporis & san-

& sanguinis Domini, quo in presenti vita, animæ nostræ aluntur, confirmantur, & saginantur, ut robustiores, & vegetiores effectæ, dilatato, & impinguito, per charitatem corde, currant in via Spiritus, usque ad braviū vitæ æternæ. Hoc Sacramentum pretiosissimum, non solum habet in se virtutem, & merita, Passionis, & mortis Christi, sed insuper etiam continet in se, ipsummet Christum, omnem scilicet substantiam ejus. Corpus, sanguinem, vitam, animam, divinitatem, omnia bona, & virtutes, & gratias, & merita ejus, planè sicut in fonte habentur rivuli, sicut in sole habentur radii, sicut in gazophilacio habentur thesauri, sicut in anima habentur, vita, potentia, & opera. Grandis est hic & inestimabilis fructus Passionis, mortisque Christi, qui pro omnibus illis liberalissimè communicatur, à quibus dilatatissimo, per incensam, & inexpleta desideria corde concupiscitur. Mira res sanè, quod pro totius mundi pretio non daretur homini, hoc pro devoto, humili, & ignito desiderio, largissimè profunditur. Congrega igitur totius mundi cupiditates, desideria, & avaritias, illasque desiderando Sanctissimo Sacramento impendens dic: *Panem nostrum quotidianum*, nobis, sanguine & Corpore, Filii tui Unigeniti, conditum, Domine da nobis hodie, da semper, da in tempore mortis nostræ.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintus Fructus Effectusque Passionis Christi est, Remissio & abolitio peccatorum nostrorum omnium. Ut enim in mari rubro, sic deleti sunt, demersique omnes, Ægyptii, ut non remanserit ex eis, ne unus quidem; ita in Passionis, & mortis Christi Jesu, cruentissimo mari, deleta sunt omnia peccata nostra, descenderunt sicut plumbum, in profundū oblivionis divinæ, unumque ex eis in conspectu ejus non remansit. O fortunatum diluvium! in quo filii quidem Dei, abluti, & salvati; diabolus autem, & peccata demersa sunt, & deleta. In hoc balneo, diebus singulis, lava cor tuum, anima mea, & expurga ab eo, omnes iniquitates ejus: nominatim, omnem iram, omne fraternum odium, omnem vindictæ cupiditatem, omnem injuriarum, offensarumque memoriam, ut liberè, sincereque oculos tuos, levare possis, ad illum Dominum tuum, qui pro te pendens in Cruce, oravit pro crucifixoribus suis, docuitque sic orare. *Dimitte nobis debita nostra, sicut & nos, dimittimus debitoribus nostris.*

Sexta Petitio. *Et ne nos inducas in tentationem.* Sextus Fructus,

Effectusque Passionis Christi est, Debellatio infernalis Tyranni, qui potestatem suam cruentam non minus, quam iniquam, in omne genus nostrum. exercebat, ob quam etiam, ab ipso Redemptore nostro, vocatus est, Princeps hujus mundi, vocatus est fortis, armatus, custodiens atrium suum, & spolia sua in pace. Hunc sanguinarium Tyrannum Dominus Jesus vicit, & debellavit, virtutem ejus contrivit, ipsum alligavit, & vasa, spoliaque diripuit, Passione, Cruce, & morte suâ, usque adeo, ut jam modò, prædo, & draco, & Leviathan iste, sit ludibrio pueris, puellisque Christi, & illudant ei alligato, tanquam avicula implumi, & enervi, & retia temptationum ejus, facilius quam araneorum fila, perumpere valeant, & ex eis victoriæ suæ trophæa, in Domino gloriantes statuunt. Inde experimur legiones tartareas universas, ad unicum Crucis signum, instar timidissimarum diffugere avicularum, aut caprarum. Quocirca quisquis non tantum vult non timere, à facie Tyranni hujus, sed etiam cupit, super aspidem, & basiliscum ambulare, & leonem draconemque istum conculcare, scito Passionis Christi, sese communicat, & circumdet, quo fiet, ut omnes vires, conatus, fraudes, assultusque diaboli, in risum & ludibrium Cœlitibus, in confusionem, & ejulatum inferis, & victoriam, & præmium, & gloriam sibi convertat.

Septima Petitio. *Sed libera nos à malo. Amen.* Septimus Fructus atque Effectus Dominicæ Passionis est, Liberatio nostra, Immunitasque à poenis, tum inferni, tum purgatorii, tum etiam, (si divinæ opi non desimus) ab ipsis, hujus vitæ. Omnes nascimur naturâ filii iræ, & pabula infernalis ignis, sed illos infernales, ardores sempiternos, sanguis Christi extinxit, emundans nos ab omni iniquitate, & satisfaciens justitiæ Dei, pro omni nostro, tam culpæ, quam poenæ reatu, ac debito. O quantam ergo injuriam, contumeliamque faciunt Jesu Christo Passio, & Crucifixo, omnes peccatores, qui habentes extinctum sanguine Christi infernalem ignem, eum tamen ipsi, denuo, cupiditatum suarum effrenium æstu, in contemptum Dei, in gaudium diaboli, in nutrimentum inferni, reaccendunt, seseque incendiorum illorum, sempiternum pabulum exhibent.

O Iesv pro nobis Paffe, & mortue, libera nos ab hoc malo: & da, ut
 sanguinis Paffionisq̃ tue usu, & fructu, & merito, incendium infer-
 nale, tam nobis ipsis, quàm omnibus proximis nostris extin-
 guamus; nunquam illud, seu nobis ipsis, seu pro-
 ximis restauremus, sed potiùs unanimiter om-
 nes, æternâ beatitudine dignos idoneosq̃;
 nos facere, te adjuvante con-
 nitamur.

F I N I S.



INDEX

INDEX

M O D O R V M

MEDITANDI PASSIONE M DOMINICAM.

PRÆFATIO.

pag. 10.

MODVS I. Considerando Personas, Verba, Opera que in Passione inveniuntur.

II. Considerando Circumstantias. Quis patitur? Qualis patitur? Quantus, &c. 15.

III. Considerando Quid Passus sit Christus in sua Divinitate. 22.

IV. Considerando Quid sit Passus Christus in Anima, ejusque potentiis. 23.

V. Considerando Quid sit Passus Christus in Corpore ejusque partibus. 24.

VI. Considerando Quid sit Passus Christus in singulis sensibus quinque. 27.

VII. Considerando Quid sit Passus Christus in bonis Anime, Corporis, Fortunæ. 29.

VIII. Considerando virtutes Christi in tota Passione exercitas. 31.

IX. Considerando in Passione Christi tota, morales, spiritualesque doctrinas, ex Susone. 35.

X. Considerando sigillatim speciales quoque Christi cruciatus, v. g. singulas sanguinis profusiones, singulas Nudationes, singulas vias, &c. 47.

XI. Considerando varios authores Passionis Christi. 50.

XII. Considerando instrumenta Passionis Christi. 52.

XIII. Considerando varios Christi Domini situs in Passione. 54.

XIV. Considerando injurias Christi nocturnas & diurnas. 55.

XV. Considerando Horas singulas octodecim, Passionis Christi, quid in singulis Passus Dominus. 55.

XVI. Considerando Longitudinem, Latitudinem, Altitudinem, Profunditatem Passionis Christi. 57.

XVII. Considerando Passionem Christi ut Causam maximorum bonorum. 61.

XVIII. Considerando Passionem Christi, tanquam effectum & fructum peccatorum. 63.

XIX. Considerando Comites Passionis Christi. 65.

XX. Considerando Opus, Modum, Causam Passionis Christi. 69.

XXI. Con-

INDEX.

- XXI. Considerando & Comparando Bona, quæ nobis Christus fecit, & mala quæ à nobis pertulit. 71.
- XXII. Considerando peccata nostra, & quæ pro eis Christus pertulit mala, expiationis causâ. 72.
- XXIII. Considerando singulas peccatorum species: & quibus ea panis Christi, expiata. 76.
- XXIV. Considerando 1. Passionem Christi. 2. Peccatum meum. 3. Virtutem elacrescentem. 82.
- XXV. Considerando Passionem, ut mei Patronâ apud Deum Iudicem. 97.
- XXVI. Considerando Dignationes Christi cum ejus Dignitatibus collatas. 99.
- XXVII. Considerando Passionem Christi per applicationem sensuum meorum. 102.
- XXVIII. Considerando aliquas Scripturæ sententias, & eis totam Passionem complecti. 103.
- XXIX. Considerando varias figuras Passionis Christi ex Veteri Testamento. 106.
- XXX. Considerando Passionem Christi, ita ut eam experiaris practicè quoad fieri potest. 109.
- XXXI. Considerando, & faciendo sibi Balneum ex Passione Christi. 113.
- XXXII. Considerando Christi Beatitudines in Passione sua. 116.
- XXXIII. Considerando Christum nunc quoque pati in corpore mystico, quæ passus est in reali, & proprio, seu physico. 122.
- XXXIV. Considerando miracula, quæ in Passione Christi facta sunt, & nunc Spiritualiter ab ea fiunt. 128.
- XXXV. Considerando Passionem tanquam materiam gaudii & triumphi Christi. 131.
- XXXVI. Considerando in Passione Christi Laborem & Dolorem. 137.
- XXXVII. Considerando in Quinque vulneribus Christi, Dolores internos. 2. Externos. 3. Virtutes. 4. Labores. 5. Charitatem Christi. 138.
- XXXVIII. Considerando Passionem Christi, eamque recompensando Christo. 145.
- XXXIX. Considerando selectos Jesu Christi Dolores internos, & eorum Causas. 147.
- XL. Considerando Selectos Jesu Christi Dolores externos. 154.
- XLI. Considerando Passionem Christi in Compassione Beate Virginis MARIE. 157.
- XLII. Considerando Passionem Christi in virtutibus Beate Virginis MARIE. 161.

I N D E X

- XLIII. Considerando Passionem Christi in Sacrificio Missæ expressam. 164.
- XLIV. Considerando & representando Patri Eterno Passionem Ilii sui. 169.
- XLV. Considerando Passionem Christi tanquam exemplar Oblationis, Donationis, Dedicationis, Sacrificii, & Holocausii. 171.
- XLVI. Conjungendo Passionem Christum Examine Conscientie. 174.
- XLVII. Considerando Passionem Christi in Eucharistia tanquam in sua memoriali contentam. 179.
- XLVIII. Considerando Passionem Christi, ad ejusdem vitam, atque viventis mysteria collatam. 193.
- XLIX. Considerando Passionem Christi, ut collatam cum extremo ludicio peccatorum. 198.
- L. Considerando instar Sancti Augustini hinc Christi vulnera, inde Mariæ ubera. 204.
- LI. Considerando Sex Gradus Passionis, & Compassionis Dominice alios aliis altiores. 207.
- LII. Considerando & conferendo Peccatum Adami cum Passione Christi, per quam illud expiatum est à Christo. 216.
- LIII. Considerando Passionem Christi secundum Evangelistas historicè enarratam, & secundum Prophetas propheticè prænuntiatam. 220.
- LIV. Considerando Patientem Christum Collatum eidem Christo Glorioso. 227.
- LV. Considerando Passionem Christi per septem Affectus, qui in ejus consideratione excitari possunt ac debent. 233.
- LVI. Considerando Passionem Domini tanquam injurias acerbissimas, summis Dei beneficiis, ab ingratis hominibus repositas. 241.
- LVII. Considerando titulos, seu officia Christi, quæ ille in Passione sua abunde explevit. 244.
- LVIII. Considerando ea, quæ à Christo in Passione sua geruntur, & tolerantur, & ex his discendo ea, quæ ab unoquoque, in mortis sua negotio, gerenda, & vitanda sunt. 255.
- LIX. Considerando Passionem Christi, per Collationem Nati & Passi. Item Adulti & Passi, Item Gloriosi & Passi Christi. 261.
- LX. Considerando Christum Dominum in Passione sua peccatorem alloquentem, & expugnantem veluti per tot ora, per quot & vulnera. 265.
- LXI. Considerando Passionem Christi secundum proprietates eorum Animalium, quibus Christus Passus in Scriptura Sacra comparatur, sive appellatur. 266.
- LXII. Con-

I N D E X.

- LXII. Considerando Passionem Christi, secundum proprietates bestiarum, quibus inimici Christi in Scripturis comparantur. 271.
- LXIII. Considerando Passionem Domini, tributum pro ea Deo Patri, & Christo Domino persolvere. 277.
- LXIV. Considerando Passionem Domini, quasi audiamus Esdras, id est Christum, librum legis super gradum ligneum stando legentem & nobis denuntiantem. 283.
- LXV. Considerando Passionem Domini, per Oppositionem seu Contrapositionem Christi Domini tam Exteriorum quam Interiorum partium, dolorumque, cum Hominis meditantis Exterioribus, Interioribus multum oppositis. 287.
- LXVI. Considerando Passionem Domini, quomodo Christus in Passione sua (quanquam & omni vita) omnem vilitatem, miseriamque conditionis Humanae à se assumptae ostendit & planè ostendit: magnalia vero Divinitatis suae abscondit oculis persecutorum. 291.
- LXVII. Considerando Passionem Christi, per piam devotamque exprobrationem Christo Domino, eorum omnium, quae ille pati dignatus est, & quomodo compellatus est, in omni sua vita, Passione, & morte, siue per Scripturarum oracula, siue per inimicorum virulentiam. Instituyendo per huiusmodi probra affectuosas aspirationes, postulationes, laudationes, gratiarum actiones, consolationes. 298.
- LXVIII. Considerando Passionem Domini per Comparisonem Christi, nos Passionis suae humilitate ad ejusdem imitationem invitantis, cum diabolo nos superbià suà ad ejusdem consecrationem provocante. 307.
- LXIX. Considerando Passionem Domini, per disceptationem de juris potioritate ad patiendum, inter Christum Dominum, & ipsummet Hominem. 309.
- LXX. Considerando Passionem Domini, secundum admirandos atque paradoxos ejus fructus, quos illa protulit, profert, proferetque, in omni genere cordium. v.g. Aeterni Patris, Christi ipsius, Matris ejus. &c. 315.
- LXXI. Considerando Passionem Domini, recognoscere, venerari, & aliis piis affectibus prosequi, in Passione & vulneribus Christi, ejusdem singulares aliquas perfectiones, ac in eis Passionis indignitates, nec non piissimas nostrae salutis per easdem operationes. 319.
- LXXII. Considerando Passionem Domini, per admirabilem Christi Redemptoris, Hominis autem redempti concertationem, atque luctam; Christo invincibiliter Hominem sibi demerente; Homine contra, Christum pro se Patientem barbarissimè repudiante. 321.

I N D E X

- LXXIII. Considerando Passionem Domini & in ea profundissimam Christi in electos dilectionem, Hominumq; fidelium vicariam in Christi amorem, & cultum profusionem. 327.
- LXXIV. Considerando Passionem Domini, quomodo in ea Christus perfecte servavit implevitq; divina omnia praesertim Decalogi praecepta. 35.
- LXXV. Considerando Passionem Domini, quomodo in ea Christus perfecte consilia sua adimplevit. 341.
- LXXVI. Considerando Passionem Domini, quomodo in ea Dominus nosster Passiones seu affectiones nostri concupiscibilis appetitus erudit. 344.
- LXXVII. Considerando Passionem Domini, quomodo in eadem Dominus nosster affectiones nostri irascibilis appetitus informavit. 351.
- LXXVIII. Considerando Passionem Domini quomodo in ea elucescant virtutes Theologicae. 357.
- LXXIX. Considerando quomodo in Passione Domini exercita virtutes Cardinales apparent. 363.
- LXXX. Considerando, quomodo in Passione sua Christus Dominus opera misericordiae Spiritualia exercuit. 369.
- LXXXI. Considerando, quomodo in Passione sua idem Dominus nosster opera misericordiae Corporalia implevit. 371.
- LXXXII. Considerando Passionem Domini, scrutari qualiter in ea elucescant Spiritus Sancti tam Dona, quam fructus. 375.
- LXXXIII. Considerando, quomodo ex Passione Domini omnia Ecclesiae Sacramenta promanaverint. 382.
- LXXXIV. Considerando, quomodo Christus in Passione sua Angelicas perfectiones & expressit, & excessit. 385.
- LXXXV. Considerando, quomodo Christus Dominus in Passione sua Homines aptaverit ad reparandas Angelicas rainas. 394.
- LXXXVI. Considerando, quomodo Christi Passio gloriae caelestis respondet meritorie. 399.
- LXXXVII. Considerando quomodo Christi Passio gloriae caelestis respondet exemplariter. 402.
- LXXXVIII. Considerando quomodo Christus in sua Passione possederit octo Beatitudines Evangelicas. 409.
- LXXXIX. Considerando quomodo in Christi Passione eluxerint Virtutes, Exemplares, Politicae, Purgatoria, Purgati Animi. 413.
- XC. Considerando quomodo creationi primae mundi respondeat Redemptio generis humani, & Passio Christi. 417.
- XCI. Con-

INDEX

- XC I.** Considerando quomodo Passio Domini & Redemptio nostra excedat
statum primum Innocentie. 411.
- XC II.** Considerando Passionem Domini tanquam quiddam Christo Deo,
gloriosissimum & dignissimum, idque in ipsa sua enormitate atque indi-
gnitate 425.
- XC III.** Considerando fines & usus atque fructus, ex Passione Domini de-
cerpendos. 429.
- XC IV.** Considerando Passionem Domini, apprehendere imaginatione, vel
intellectu, ac etiam voluntate, Passionum Christi merita, iisq; animam
ditare. 434.
- XC V.** Considerando Passionem Domini per varios Christi Passi intuitus,
ex iis eliciendo salutare affectus Anima, Christo autem placitos. 438.
- XC VI.** Considerando Passionem Domini, scrutari multa & varia myste-
ria & arcana, per eam nobis à Christo revelata. 444.
- XC VII.** Considerando Passionem Domini, cum variis modis compensandi
eam Christo. 457.
- XC VIII.** Considerando Passionem Domini, discere ex ea geminum Spi-
ritum Christi, dediscere Spiritum mundi, Carnis. 463.
- XC IX.** Considerando Passionem Domini advertendo in ea quodammodo
fuisse quatuor Anni tempora, Ver, Æstatem, Autumnum, Hyemem. 466.
- C.** Considerando quomodo Christus in sua Passione & Morte, tam per
odium inimicorum suorum, quam per Charitatem suam erga Patris
Æterni honorem, nostramq; salutem, annihilatus est totus. 472.
- CORONIS seu DISSERTATIO.** De perpetua Cruce Christi Domini ab
instanti Conceptionis, usque ad instantis Mortis sua. 487.

Passionis & Orationis Dominicæ Accommodatio septuplex.

- I.** Considerando, conferre septenis petitionibus Orationis Dominicæ, septe-
nas sanguinis Christi effusiones. 513.
- II.** Considerando, conferre easdem septem petitiones Orationis, cum se-
ptem Christi Domini verbis in Cruce. 515.
- III.** Considerando, conferre item septem petitiones Orationis, cum septem
locis Passionis Christi. 518.
- IV.** Considerando, conferre septem petitionibus Orationis, septem Christi
Domini in Passione convulserationes. 521.
- V.** Considerando, conferre septem petitionibus Orationis septem Christi
Domini in Passione Comites. 523.

INDEX

- VI. Considerando, conferre septem petitionibus Orationis, septem nomina
injuriōsa Christo in Passione indita. 528.
VII. Considerando, conferre septem petitionibus Orationis Dominica, se-
ptem fructus seu effectus Passionis ejusdem. 532.

INDEX

MATERIARVM ALPHABETICVS.

A.

- A** Brenuntiationis gradus. Modo 95.
Adami peccatum Passioni D. collatum eaque expiarum. Modo 52.
Affectus septem in Passione D. excitandi. Modo 57.
Altitudo, latitudo & c. Passionis D. Modo 16.
Angelica perfectiones in Passione D. expressa & excessa. Modo 84.
Angelica ruinis reparandis Homines Passione D. aptati. Modo 85.
Anima Christi, & potentiarum ejus dolores in Passione D. Modo 4. 7.
Anima ditatio per Merita Passionis D. Modo 94.
Animalia Christum in Passione figurantia. Modo 61.
Annihilatus in Passione Christus, sua Charitate, hostium odio. Modo 100.
Appetitus nostros in Passione sua Dominus erudit. Modo 76. 77.
D. Augustinus inter Christi vulnera & Mariae ubera. Modo 50.

B.

- B** Alneum ex Passione Domini. Modo 31.
Beatitudines Domini in ejus Passione. Modo 32. & 88. & 96.
Bestia quibus inimicos Christi Passio comparat Sacra Scriptura. Modo 62.
Bona Christi, & quid pertulit in eis? Modo 7.
Bona quae nobis Dominus contulit, & mala quae à nobis pertulit. Modo 21.
Bonorum maximorum causa Passio D. Modo 17.

C.

- C** Ausa, Opus, Modus Passionis D. Modo 20.
Causa bonorum Maximorum Passio D. Modo 17.
Causa selectorum Dolorum Christi. Modo 39. 40.
Cardinales Virtutes in Passione Domini elucescunt. Modo 79.
Cha-

M A T E R I A R V M.

<i>Charitas Christi, & hostium odium, Christum annihilavit in Passione.</i>	Modo 100.
<i>Circumstantia Passionis D.</i>	Modo 1. & 2.
<i>Christi Redemptoris, ab Homine barbarum repudium.</i>	Modo 72.
<i>Christi in Passione profusio, Electorum in Christum profusione compensatur.</i>	Modo 73.
<i>Christi Passi & Hominis confrontatio.</i>	Modo 65.
<i>Christi Crux, cathedra docentis Legem Esdra.</i>	Modo 64.
<i>Christus Decalogi perfectus observator in Passione sua.</i>	Modo 74.
<i>Christus Consilia sua in Passione implevit.</i>	Modo 75.
<i>Christo DEO, digna & gloriosa fuit & est Passionis sua etiam enormitas.</i>	Modo 92.
<i>Christi Dolores majores infernalibus.</i>	Modo 100.
<i>Christus ab instanti Conceptionis sue passus per totam Vitam suam.</i>	IN CO- RONIDE.
<i>Christus hominis vilitates ostendit, Divinas perfectiones abscondit in Passione.</i>	Modo 66.
<i>Christi Nomina injuriosa septem.</i>	Accom. 6.
<i>Christi dolorum causa per totam Vitam.</i>	In Coronide.
<i>Christi extrema verba in Cruce, septem petitionibus Orat: Dom: collata.</i>	Accommod. 2.
<i>Celestis gloria Passio D. respondet meritorie & exemplariter.</i>	Modo 86. & 87.
<i>Comites, seu Condimenta septem Passionis D.</i>	Accom. 5.

D.

<i>Decalogum Christus in Passione implevit.</i>	Modo 74
<i>Dedicationis, Donationis, Oblationis, Sacrificii, Holocausti, exemplar in Passione D.</i>	Modo 45.
<i>Diabolus per superbiam, Christus per Humilitatem nos ad imitationem sui provocat.</i>	Modo 68.
<i>Difficultates objecta Christo, cause dolorum per totam vitam.</i>	In Coronide.
<i>Dignationes Dignitatesque Domini collata.</i>	Modo 26.
<i>Dimensiones quatuor Passionis D.</i>	Modo 16.
<i>Disceptatio Hominis cum Christo de jure ad patiendum.</i>	Modo 69.
<i>Ditatio Anime per Passionis D. merita.</i>	Modo 94.
<i>Divinitas quid passa in Christo?</i>	Modo 3.
	Diurna

I N D E X

<i>Diurna Christi injuria.</i>	Modo 14.
<i>Dolor D. in passione.</i>	Modo 36. 37. 39. 40.
<i>Dolores Christi infernalibus majores.</i>	Modo 100.
<i>Dolorum Christi per totam vitam cause.</i>	In Coronide
<i>Dona Spiritus Sancti & Fructus in Passione elucescunt.</i>	Modo 82.

E.

<i>Efusiones Sanguinis Christi septem.</i>	Accom. 1.
<i>Effectus Passionis D. septem.</i>	Accom. 7.
<i>Electorum liberalitas in Christum pro ejus in nos liberalitate ac profusione.</i>	Modo 73.
<i>Evangelica Consilia in Passione D. completa.</i>	Modo 75.
<i>Evangelica & Prophetica enarratio Passionis.</i>	Modo 57.
<i>Evangelicas Beatitudines in Passione D. possedit.</i>	Modo 88.
<i>Eucharistia memoriale Passionis D.</i>	Modo 47.
<i>Esdras in lignea Cathedra, Christus in Cruce Legē Dei explanans.</i>	Modo 64.
<i>Examen Conscientie junctum Passioni D.</i>	Modo 46.
<i>Exemplares Virtutes, in Domini Passione.</i>	Modo 89.
<i>Experimentum Practicum Passionis D.</i>	Modo 30.
<i>Expiatio peccatorum nostrorum à Christo.</i>	Modo 22. 23.

F.

<i>Figura Passionis D. ex Vet. Testam.</i>	Modo 29.
<i>Fortune Bona & quid in eis passus Dominus?</i>	Modo 7.
<i>Fructus Maximi Passionis D.</i>	Modo 17.
<i>Fructus peccatorum Passio D.</i>	Modo 18.
<i>Fructus Passionis D. paradoxi in omni genere Cordium.</i>	Modo 70.
<i>Fructus & Dona Spiritus in Passione.</i>	Modo 82.
<i>Fructus & fines decerpendi ex Pass.</i>	Modo 93.
<i>Fructus Passionis Domini septem.</i>	Accom. 7.

G.

<i>Gaudiū Materia Passio Domini.</i>	Modo 35.
<i>Gloriosus & Patiens Christus.</i>	Modo 54. 59.
<i>Gloriosa & digna Christo D. ejus Passio.</i>	Modo 92.

Gloria

M A T E R I A R V M.

Gloria celesti Passio Domini responderet

Meritorie.

Exemplariter.

Gradus sex Passionis D. & Compassionis.

Gradus Scala Passionis D. & imitationis.

Gradus abrenuntiationis.

Gratitudo Electorum erga Christum Passum.

Modo 86.

Modo 87.

Modo 51.

Modo 95.

1b.

Modo 71.

H.

Holocausum, & Sacrificium &c. in Passione D.

Hominis & Christi Patientis contrapositio.

Item certamen eorundem.

Eorundem de iure ad patiendum disceptatio.

Hominis assumpti vilitates ostendit, Divinas perfectiones abscondit Christus in Passione.

Homo barbare repudiavit Christum Redemptorem.

Hore Passionis, & quæ in eis passus D.

Modo 45.

Modo 65.

Modo 72.

Modo 69.

Modo 66.

Modo 72.

Modo 15.

I.

Imitatio spiritualis, Passionis Domini.

Imitatio humilitatis Christi, & superbia diaboli.

Ad Imitationem sui Christus & diabolus invitat.

Indignitates, Perfectiones, Salubritates Passionis Dominica.

Inferni dolores minores doloribus Christi.

Injuria D. nocturna & diurna.

Injuriosi tituli Christi centum.

Instructio Mortis nostre Passio D.

Instrumenta Passionis D.

Innocentie statum, excedit Passio Domini bonis suis in nos.

Interiora IESV in Passione quomodo pervidenda.

Iudicium extremum Passioni D. collatum.

De iure ad patiendum disceptatio Christi & Hominis.

Modo 9. 24.

Modo 68.

1b.

Modo 71.

Modo 100.

Modo 14.

Modo 67.

Modo 58.

Modo 12.

Modo 91.

Modo 66.

Modo 49.

Modo 69.

L.

Labor Domini in Passione.

Latitudo Longitudo &c. Passionis D.

Lex à Christo explicata in Crucis Cathedra.

Modo 36. 37.

Modo 16.

Modo 64.

Mala

Y Y Y

Gloria

I N D E X

M.

M ala nostra in Christum, bona Christi in nos.	Modo 27.
Maria V. compassio in D. Passione.	Modo 41.
Maria V. virtutes in Passione D.	Modo 42.
inter Maria ubera & Christi vulnera Augustini.	Modo 50.
Materia gaudii & triumphi Passio D.	Modo 35.
Miracula facta in Passione, sunt nunc spiritualiter.	Modo 34.
Missa Sacrificio exprimitur Passio D.	Modo 43.
Misericordie opera expressa in Passione.	Modo 80. 81.
Mystici Corporis Christi Passiones nunc eadē quae fuerunt reales.	Modo 33.
Mysteriorum revelatrix Passio D.	Modo 96.
Modus, Opus, Causa, Passionis D.	Modo 20.
Moralis applicatio Passionis D.	Modo 9.
Moriendi instructio in Passione D.	Modo 58.
Mundi Creationi respondet Passio.	Modo 90.
Mundi Spiritum dedocet, Christi Spiritum edocet Passio Domini.	Modo 98.

N.

N ati, & Passi Christi collatio	Modo 59.
Nocturnae Christi Passiones & injuria.	Modo 14.
Nudationes Christi in Passione.	Modo 10.

O.

O blationis Donationis &c. exemplum in Passione.	Modo 20.
Odium hostium & Charitas Christi annihilavit Christum in Passione.	Modo 100.
Officia expleta à Domino in Passione.	Modo 57.
Opus, Modus, Causa, Passionis D.	Modo 20.
Opera Christi, & aliorum in Passione.	Modo 1.
Opera misericordiae spiritualia in Passione.	Modo 80.
Item Corporalia.	Modo 81.
Ora Christi tot, quot vulnera, quibus ille loquitur ad peccatorem.	Modo 60.
Orationis Dominica septem petitionum septuplex ad Passione D.	Accom.

P.

P aradoxi Fructus Effectusque Passionis D.	Modo 70.
Passio Domini ad Mores Spirituales applicata.	Modo 9.
	Passio.

do 27.
 do 41.
 do 42.
 do 50.
 do 35.
 do 34.
 do 43.
 80. 84.
 do 33.
 do 96.
 do 20.
 do 9.
 do 58.
 do 90.
 do 98.
 do 59.
 do 14.
 do 10.
 do 20.
essione.
 do 100.
 do 57.
 do 20.
 do 1.
 do 80.
 do 81.
 do 60.
 Accom.
 do 70.
 do 9.
Paisio.

Passione.
 do 100.
 do 57.
 do 20.
 Modo 1.
 do 80.
 do 81.
 do 60.
 Accom.

 do 70.
 Modo 9.
 Passio-

modo 2.
modo 99.

odo 70.
Modo 9.
Passio

Sacrificio Missæ exprimitur Passio D. modo 43.
Sacramenta omnia ex Passioe D. emanârunt. modo 83.

I N D E X

<i>Sanguinis Christi effusiones.</i>	modo 10. & Accom. 1.
<i>Satisfactio Christi pro nostris peccatis.</i>	modo 22. 23.
<i>Salubritates, Perfectiones, Indignitates in Passione D.</i>	modo 71.
<i>Scala Iacob & scala Passionis D.</i>	modo 95.
<i>Sensuum quinque dolores in Passione D.</i>	Modo 6. 27. 87.
<i>Sensuum applicatio ad Passionem D.</i>	15.
<i>Sententia S. Scriptura continentes Passionem D.</i>	Modo 28.
<i>Selecti Christi dolores interni.</i>	Modo 39.
<i>Dolores externi.</i>	Modo 40.
<i>Situs Christi vari in Passione.</i>	Modo 13.
<i>Speciales Cruciatu Christi.</i>	Modo 10.
<i>Spiritualiter explicata Passio D.</i>	modo 9.
<i>Spiritualia Miracula quae facit Passio D.</i>	Modo 34.
<i>Spiritum Christi Passio docet; spiritum Carnis, Mundi, Diaboli, dedocet.</i>	Modo 98.
<i>Spiritus Sancti, dona & fructus in Passione D.</i>	modo 82.
<i>Statum innocentia, excedit Redemptionem.</i>	Modo 91.

T.

T <i>estamenti Veteris figura Passionis D.</i>	Modo 29.
<i>Theologica Virtutes in Passione elucet.</i>	Modo 78.
<i>Titulorum Domini injuriosorum Centuria.</i>	Modo 67.
<i>Item tituli septem ejusdemmodi.</i>	Accom. 6.
<i>Tributum Patri Eterno pro Passione solutu & solvendi Passione.</i>	Modo 63.
<i>Tituli a Christo in Passione expleti, sive officia.</i>	Modo 57.
<i>Triumphus Materia, Passio D.</i>	Modo 35. 54.


V.

V <i>erba Christi & aliorum in Passione.</i>	Modo 1.
<i>Verba septem ultima collata septem petitionibus Orationis Dominicae.</i>	
<i>Virtutes a D. exercita in Passione.</i>	Modo 8. 24.
<i>Virtutes MARIE V. in Passione.</i>	Modo 42.
<i>Virtutes Theologicae in Passione.</i>	modo 78.
<i>Virtutes Cardinales in Passione.</i>	Modo 79.
<i>Virtutes Exemplares, Politicae Purgati animi. &c.</i>	Modo 89.
<i>Vulneribus Christus alloquitur peccatorem.</i>	Modo 60.
<i>Vulnera Christi septem, collata petitionibus 7.</i>	Accommod. 4.
<i>Ufus Passionis Dominicae & fructus & fines.</i>	Modo 93.

com. 1.
odo 22. 23.
odo 71.
odo 95.
27. 87.
15.
odo 28.
odo 39.
odo 40.
odo 13.
odo 10.
odo 9.
odo 34.
dedor.
odo 98.
odo 82.
odo 91.

odo 29.
odo 78.
odo 67.
com. 6.
odo 63.
odo 57.
do 35. 34.

Modor.
minic.
do 8. 24.
odo 42.
odo 78.
odo 79.
odo 89.
odo 60.
mod. 4.
odo 91.




Ad Varianam. Nondis Regis.

Biblioteka Jagiellońska



stdr0029443



1036

Passio

Q. N. ICSV

X

Agnus Dei, qui tollis peccata mundi.

Exaudi nos Domine.

Agnus Dei qui tollis peccata mundi.

Miserere nobis.

Christe audi nos.

Christe exaudi nos.

Kyrie eleyson. Christe eleison.

Kyrie eleison, Pater noster.

℣. Et ne nos inducas intetationem.

℞. Sed libera nos à malo.

℣. Adhæsi testimoniis tuis Domine.

℞. Noli me confundere.

℣. Suscipe me secundum eloquium
tuum, & vivam.

℞. Et non confundas me ab expe-
ctatione mea.

℣. Fiat cor meum immaculatum in
justificationibus tuis.

℣. Ut non confundar in æternum.

℞. Fac mecum signum in bonum,
ut videant, qui oderunt me, &
confundantur.

℞.

R. Quoniam tu Domine adjuvisti me
& consolatus es me.

V. Domine exaudi orationem meam
R. Et clamor meus ad te veniat.

O R E M U S.

OMnipotens & misericors Deus,
concede propitius; ut qui in
meritis Divi Joannis Nepomuceni
confidimus, ejus potenti intercessi-
one ex omni infamia, & confusione
publica tam temporali, quàm æter-
na hujus, vel alterius vitæ, & vel
maximè ex N. N. per pijsissimam mi-
sericordiam tuam eruamur. Per Do-
minum nostrum Iesum Christum Fi-
lium tuum, qui nos redemit per in-
famem mortem crucis, & qui tecū
gloriosus vivit, & regnat in unitate
Spiritus Sancti, Consolatoris mor-
tuum, Deus, nunc, & in æternum.
Amen.

Alia

X. Baltazara Graciana S. J. 13

rzecz na dzielność to rozumu, to natury; na dzielność rozumu w ucisku duszy, który cię mięłza; na dzielność natury w słabości ciała, która cię gnębi. Biegłość lekarza niemniej zawisła na nieprzepisowaniu iako też i na przepisywaniu recepty. Zeby uśmierzyć niektóre zawichrzenia, ten jest na to sposób, nie uważać ich, i dać im powoli rozeysć się: natenczas ustąpić czasowi, jest to zwyciężyć na potym. Zrządło, w którym wodę zmaccono, nie powraca do pierwszego swego stanu przez obcą iaką przyczynę, ale powraca do niego same przez się. Nie masz lepszey rady, ktoreyby się chwycić należało w niektórych okropnych przypadkach, iako poglądać na ich bieg okiem spokojnym; przemina

grę odmieniało, szczęście nie powroci. Potrzeba uważać z pierwszego obracania się szczęścia, czyli jest dzień szczęśliwy, czyli nie; i jeżeli się ma miejsce do domniemawania się, że ow dzień jest nieszczęśliwy, pamiętać o tym żeby w grę zbyt daleko nie zachodzić. Rozum ma też takie dla siebie przemiany: nikt nie jest na każdą dnia godzinę jednakowo sposobny: jest też szczęście w mowieniu należycie, iako też i w napisaniu listu. Wszystkie doskonałości i duszy i ciała, zdaie się, że poniekąd zawisły od swego dnia i od swej godziny.... Takie dni szczęśliwe trzeba dobrze obracać na pożytek, i nie tracić z nich ani chwili. Po tym jednak wszystkim człowiek rozsądny nie będzie nigdy sądził nieodpowiednie, żeby który dzień był